



R. BIBLIOTECA NAZIONALE CENTRALE
FIRENZE

LIBRI

DONATI DAL

DOTTOR ANNIBALE GIULIONI

GIURISTA

Nato a Firenze il 7 Febbraio 1807
e morto il 1° Dicembre 1895 in Firenze.

16 Maggio 1896

17

7

7

A NAZIONALE
- FIRENZE

~~Atkinson~~
~~Chas. J. Atkinson~~
1774.



JO: GOTTL:
HEINECCII
JC. ET ANTECESS.
PRÆLECTIONES.
ACADEMICÆ
IN HUGONIS GROTII
DE JURE BELLI, ET PACIS
LIBROS TRES.



R. Q. BORETI,
SUMPTIBUS BALLEONIANIS.
MDCCXLVI.

SUPERIORUM PERMISSU.

B. 17. 7. 47



BENEVOLO ET ÆQUO LECTORI.

S. R.



SI unquam post hominum memoriam lucem vidit opus, quod non solum doctis viris, verum integris gentibus acceptum fuit, sine dubio est viri vere magni, HUGONIS GROTHII *de Jure Belli & Pacis*, libris tribus comprehensum. Adeo ille veritati litasse credebatur, ut ab omnis seetæ hominibus gentibusque, plane a se alienis invicem gratus acciperetur. Maximi Reges atque Imperatores tum suum cuique tribuisse sibi persuadebant, quum id præstarent,

A 2

quæ

P R A E F A T I O.

quæ magnus vir præceperat. Ut adeo *Doct̃or gentium* optimo maximo jure dicendus sit, ejus arbitrio earum res stant caduntve. Inde quoque factum, ut præstantissimi quique viri immortalitatem nominis non magis consequi posse, nec immerito, stuebant, quam si in opus tale commentarentur, quod ad sæculorum finem esset perduraturum. Immo triariis quoque hæc ad immortalitatem via placuit, quamvis successu non adeo felici, quum equidem illorum scripta adhuc supersint, verum quotidie risu ab hæc rerum intelligentibus excipiantur. Quis fuerit GROTIUS, quæque ingenii reliquerit monumenta, superfluum esset hic enarrare, quum omnia, quæ dici possunt, jam dederit vir doct̃issimus, LEHMANNUS in *Hugonis Grotii Manibus ab iniquis obrectatoribus vindicatis*, ut taceam, quæ hinc inde ab historiæ juris naturalis scriptoribus prolata sunt, quæ vero cum laudato libro comparari vix merentur. Innumerus fere numerus eorum est, qui vel præclarum opus illustrare, vel interpretari, vel augere, vel denique hinc inde confutare voluerint: qui vero eorum rem acu tetigerint, nostrum

strum

strum non est dijudicare. Id certum
firmumque manet, optimam consilii
rationem esse, aut nullos plane, aut
paucos legere prius, quam ipsum
opus quasi edidiceris. Inter eos, qui
critice ac philologice illustrare Gro-
tium sunt aggressi, eminet critico-
rum superioris sæculi facile princeps,
JO. FRID. CRONOVIVS, cujus ani-
madversiones plerisque editionibus
jungi solent, ast interpolatas sæpe
vel spurias esse, conquestus est glo-
riæ avitæ heres dignissimus, ABR.
GRONOVIVS. At quoque fuerunt,
qui rebus explicandis vacarent, in-
ter quos reliquis non solum præro-
gativam reddet dubiam, verum quo-
que longo post se intervallo relin-
quet viri post fata quoque celebra-
rimi HENRICI de COCCEJI, com-
mentarius in idem opus absolutissi-
mus, quem propriis animadversioni-
bus auctum propediem quam splen-
didissime dabit illustrissimus filius,
SAM. de COCCEJI, litterarum fir-
missimum præsidium, qui non con-
tentus eruditionis omnis tutelam ge-
rere, ipse aliquid dare constituit,
quod admirationi posteris esset tam-
diu, quamdiu eruditioni suus con-
staret honos. Verum fuere quoque,

P R A E F A T I O.

qui id tantum agere voluere, ut quæ Grotius late differuit, vel in breves quasi theses contraherent, vel denique vim argumentorum ostenderent, inter quos palma sine dubio debetur viro post fata quoque magno, JO. GOTTL. HEINECCIO. Fecit id in *prælectionibus*, quas jam vides, benevole Lector, quasque ad palatum tuum, si sapias, fore nulli dubitamus. Atque certo adfirmare possumus, earum ope Grotium & faciliorem intellectu fore, & solidiorem, si argumenta spectes, quæ jam una serie exhibentur. Nihil jam superest, quam ut gratias publice agamus viro integerrimo Rudigero, qui novo hoc beneficio sibi insigniter obligavit rempublicam litterariam, & in posterum quoque grata exhibere officia non intermitteret. Vale, nobisque fave. Dab. Berol. A. D. x. Jul. cl. lcccxliv.

P R A E-



PRÆLECTIONES

I N

HUGONIS GROTHII DE JURE BELLII, ET PACIS LIBROS TRES.

AD PROOEMIUM.



Adgredimur opus, quo nullum
umquam sol vidit illustrius,
& quod vivet, quamdiu stu-
diis præclaris honos inter mor-
tales erit. Maximi semper eam
magni GROTHII lucubrationem fecere eru-
diti, in quibus PAULLUS COLOMESIUS in
Operib. p. 459. scribit, Grotium omnes in-
genii vires in hoc opus intendisse, eum-
que de libris his dicere potuisse, quod
CASAUBONUS scripserat de *commentario suo*
in Persium: In Persio omnem ingenii conatum
effudimus. Nec male judicavit COLOMESIUS.

A 4

Ipse

Ipsè enim Grotius de hoc Opere suo in *Epist. 196.* scribit: *Mitto tibi Libros de Jure Belli & Pacis, cum non exigua accessione. Horum curam tibi & amicis commendo, ut inter mea opera, si quid video, EMINENTIUM.*

Antequam ad proœmium perveniamus, quædam præmittere juvabit, quæ ad libri hujus historiam pertinent. Scripsit illum Grotius jam exsul, quum magna invidiæ tempestate adversus se excitata, ob novas, quarum infimulabatur, in sacris opiniones, & factionem Oldenbarneveldianam, ex carcere ingenioso uxoris commento exportatus in Galliam profugisset. Id enim ipse indicat in *Proœm. §. 30.* In Gallia enim reperto præsidio, Nicol. Peirescius id egit, ut rex hoc novo hospite ad rem magnam & illustrem uteretur, & hinc facile obtinuit, ut Grotio istud opus de Jure Belli & Pacis, quale nondum exstabat, conscribendum daretur. Præstitit hoc ipsum egregie, & hoc opus edidit anno 1625. quumque primum consilium cepisset, illud inscribendi *Jus gentium*, postea id consilium abjecit, & operi præfixit titulum *de Jure Belli & Pacis*, ut hoc titulo invitati & summi rerum administri in aulis, & duces bellici librum legerent, neque illum tamquam opus umbratile & scholasticum adspernerentur. GROT. *Epist. 78. ad Gall.* COLOMES. *Epist. claror. viror. Epist. 3.*

Ceterum immortale hoc opus aliis bilem movit, ab aliis cum summo plausu receptum est.

Ex

Ex Protestantibus etiam permultis hoc opus displicuit ob varias a receptis Ecclesiæ doctrinis discrepantes sententias, quas sæpe inspergit. Et profecto eodem fere tempore duo magna ingenia turpiter se dederunt, quum se rebus alienis immisce-
rent; Grotius, dum theologicæ eruditio-
nis; Salmasius, dum juridicæ lauream ad-
fectaret. Et hinc est, quod tot Theologi
notas scripserunt ad Grotium, de quibus
paullo post erit dicendi locus.

Quo magis autem opus ob novos quos-
dam displicuit, eo magis se probavit viris
civilis prudentiæ gnaris: eoque factum est,
ut nullus umquam auctor classicus tot com-
mentariis illustratus sit, ac Grotii libri de
J. B. & P. Sed illam commentatorum tur-
bam nos in certas classes, ac veluti in
tribus quasdam describemus.

I. Fuere, qui id egerunt tantum, ut tex-
tum Grotii interpretarentur, & genuinum
ejus sensum eruerent, in eoque genere re-
liquis omnibus palmam præripit Jo. FRIDR.
GRONOVIVS, cujus notæ ad intelligendum
Grotium sunt utilissimæ, & bonæ frugis
plenæ.

II. Fuere, qui Grotium magis illustra-
rent, quam de ejus doctrinis disputarent,
eoque in genere regnat Jo. HENR. BOECLERUS,
qui, conquisitis ex omni antiquitate
exemplis & testimoniis Grotium illustrat.
Sed nec multum utilitatis extra scholam
hi commentarii adferre solent, nec integri
lucem adspexerunt. Pervenit enim Boecle-
rus tantum ad caput usque septimum libri II.

Ejusdem generis & commentarius GUL-
VAN DER MUELEN, operosus & eruditus,
sed eadem methodo conscriptus, ULRICI
ORBECHTI, professoris & postea præto-
ris regii Argentoratensis, Boecleri gene-
ri, & JOANNIS TESMANI, Professoris Mar-
burgensis.

III. Fuere, qui Grotii doctrinas vel a
Philosophia^s scholastica, vel a recepta Ec-
clesiæ doctrina dissentientes potissimum re-
fellere in suis commentariis studuerunt, id
quod fecerunt JO. a FELDEN, JO. ANDR.
OSLANDER, JO. SIMON VELTHENIUS, & JO.
REINHARDUS HEDINGERUS. Verum ex his
parum proficit studiosus juris naturalis &
gentium, qui Grotium non eo fine tra-
ctat, ut inde Theologiam & Philosophiam
addiscat, sed ut juris naturalis & gentium
genuinis principiis imbuatur. Nec tamen
periculosa sunt illæ Grotianæ Theologiæ
scintillæ, ut inde metuendum sit incen-
dium, ad quod extinguendum istis com-
mentariis absonis opus videatur.

IV. Denique fuere, qui Grotii doctri-
nas cum genuinis juris naturæ & gentium
principiis contulerunt, ea quæ recte posita
erant, inde demonstrarunt, errores mode-
ste indicarunt; quæ deerant suppleverunt.
Et horum tres potissimum sunt, qui omnes
reliquos Grotii interpretes longo post se
intervallo reliquisse videntur, CASP. ZIE-
GLERUS, Prof. Wittebergenfis, cujus no-
ræ in Grotium Wittebergæ anno 1666.
prodierunt, HENR. HENNINGES, qui ob-
servationibus suis politicis & moralibus in
Gro-

Grotium anno 1673. editis hulae Branden-
burgicae innotuit, a qua negotiis gravissi-
mis, maxime legationi ad comitia Ratis-
ponensia, adhibitus, ubi non ita pridem
mortuus magnum desiderium Principi &
toti Germaniae reliquit: ac denique Dn.
Barbeyrac qui & versione sua & notis de
Grotio bene mereri studuit. Prae omnibus
tamen ZIEGLERUS & HENNINGESIUS com-
mendari merentur.

His de opere Grotii praemissis, jam ad
ipsa Grotii prolegomena progredimur, quae
ad duas partes possunt reduci. Nam

- 1) Prior est generalis, in qua de jure
naturali generatim disputat, a §. 1. 27.
- 2) Posterior specialis, in qua consilium
suum exponit, §. 28. ad fin.

Parte priore agit 1) de juris naturalis
praestantia, §. 1. 2. 2) de ejusdem existen-
tia, §. 3. 27.

Ad §. 1. 2.

Praestantia hujus juris argumentis quam-
plurimis potest demonstrari, quamvis multi
sint, qui eam in dubium vocent, & juris-
prudentiam naturalem plane inutilem ac
infructuosam esse reip. existiment, & in
his HENR. REBHARN Jctus Argentoratensis,
qui, cum Boecleri laudibus invideret, pro-
gramma anno 1663. edidit, quo id studium
plane inutile dixit, & Auctor anonymus
libelli Halae editi sub titulo *Urim & Thum-
mim*, qui easdem inflat tibias.

Rationes uterque duas potissimum urget.

- 1) Quod rationes justae & injustae com-
modius ex scriptura S. quam ex ratione

petantur, 2) quod ad causas quasvis decidendas, promendamque justitiam sufficiat jus civile humanum.

Sed rationes longe ponderosiores, ut ita dicamus, hujus juris præstantiam docent. Nam ut Grotius §. 1. dicit, *est jus commune, quod inter omnes omnino populos intercedit.*

1) Jus civile Romanum magnum usum in multis gentibus obtinuit, sed non ubique: nunquam in fora Daniæ, Sueciæ, Poloniæ, Russiæ, nunquam in Asiæ & Africam penetravit. At jus hoc naturæ vere est jus Gentium omnium. Quum enim ex ipsa ratione fluat: non potest non omnibus gentibus commune esse, quæ ratione pollent: adeoque sive cum Turcis, sive cum Japanensibus, sive cum Scythis agas, non magis possunt negare jura naturalia, quam veritates arithmeticas, bis duo esse quatuor, quia illa æque ex ipsa ratione fluunt, ac hæ positiones arithmeticæ.

2) Jus gentium, inter gentium rectores intercedit. Jus Romanum cives tenet, non ipsos Principes & Respublicas. Principes enim solutos esse legibus, ipsum jus Romanum fatetur l. 31. ff. de LL. Hinc usum habet jus civile in causis privatis non publicis, quæ ex solo jure naturæ & gentium decidenda sunt. Rem illustrabo exemplo. Quum Philippus IV. Rex Hisp. obisset anno 1665. Ludovicus Galliæ Rex Belgium Hispanicum invadebat. Causa bellò prætexebatur JUS DEVOLUTIONIS. Brabantini enim eo jure utuntur, ut viri ad secunda vota transeuntis bona mancant liberis

ex priore susceptis matrimonio, exclusis liberis ex secundo matrimonio genitis.

Quum itaque Philippus IV. ex priore matrimonio suscepisset Mariam Theresiam, Ludovici uxorem; existimabat ei jure devolutionis deberi Belgium. Inde bellum.

Vid. ANDR. AUBERT *Traite des Droits de la Reine tres chrestienne sur divers Etats de la Monarchie d'Espagne a Paris 1667. 12.*

Sed absurda erat ea defensio. Nam jus devolutionis est jus civile Brabantinis proprium, & quo soluti sunt Principes. Controversiæ autem inter gentes non ex jure civili huic vel illi genti proprio, sed ex communi omnium gentium jure decidendæ sunt. Rectores civitatum possunt jure civili uti quoad subditos, sed non inter se.

3) Jus naturæ ab ipsa natura profectum ex divinis legibus constitutum est. Legislatur est Deus, modus promulgandi dictamen rectæ rationis. Ergo est certum, quum jus civile sæpe incertum sit. Est immutabile, quum jus civile sæpicule mutetur. Est sanctum & divinum, quum de jure civili usurpari possit illud TACITI, lib. 14. *Ann. cap. 44. Habes aliquid ex iniquo omne magnum exemplum, quod contra singulos utilitate publica rependitur.*

4) Jus naturale & gentium, uti Grotius ait §. 2. versatur in foederibus, pactionibus, conditionibus populorum, regum, exterarumque nationum, in omni denique belli jure & pacis. Quam præclare hæc res sunt! Non hic agitur de stillicidiis & tribus capellis, uti Martialis in jus civile ludit, sed

sed de negotiis publicis gentium cum gentibus, de foederibus, bello pace, controversiis illustribus, prætensionibus, &c. Est ergo hæc scientia fere regmatrix. Et si quis Bartolum vel Baldum mitteret ad comitia pacis causa Comeraci instituta, universa scientia juris civilis non tantum proficeret, quantum unus Grotius vel Henningensius vel Pufendorffius, in hac disciplina versatus.

Hinc quamvis paradoxum videatur, Euripidem hoc jus rerum divinarum humanarumque cognitioni præferre, (vid. §. 2) id tamen rationem habet, quia eo magis prodest reip. quam omnis philosophia theoretica, ejusque magis interest, pacem servari, bella componi, quam reperiri circuli quadraturam vel perpetuum mobile.

§. 3. 4. 5.

Sequitur altera quæstio, quam demonstrata juris hujus præstantia, tractat Grotius. Quum vero duplex hic occurrat error, quum 1) alii negaverint, jus aliquod existere; alii 2) jus belli esse: utrumque errorem profligare nititur.

I. Qui jus negarent: haud pauci reperti sunt. Ipse Grotius §. 3. allegat EUPHEMUM apud Thucydidem, qui nihil injustum esse ait quod utile, & §. 4. CARNEADEM, philosophum Platonicum, qui Romam missus, se de omnibus rebus in utramque partem disputare posse, convocatis civitatis proceribus uno die laudavit justitiam, & justum aliquid natura esse polita oratione demonstravit: altero die ipse argumenta sua destruxit, & nihil natura justum, nul-

nullum jus naturæ existere defendit, Cætonis suasu ideo Roma expulsus. Vid. LACTANT. *Inst. div. lib. 5. cap. 16.* ubi ejus argumenta occurrunt.

Sed his adjungi possunt alii, veluti ARISTIPPUS Cyrenaicus, qui nihil natura justum honestumque esse statuit, sed lege & consuetudine, addiditque, sapientem & furis, adulteris & sacrilegio daturum operam, quum tempestivum fuerit. Neque enim horum quidquam natura turpe esse, si auferatur vulgaris opinio. DIOGEN. LAERT. *lib. 2. segm. 93.* Non absimilis fuit Epicuri sententia, quam ita expressit Horatius, *lib. 1. sat. 3.* ipse Epicureus:

*Non natura potest justo facernere iniquum:
Sola est utilitas justæ prope mater & æqui.*

II. Hi ergo omnes in universum aliquid justum esse negarunt, sed fuere etiam, quæ saltim belli aliquod jus esse inficiarentur: eoque pertinent loca ENNII, HORATII, MARCI, TERTULLIANI, quæ auctor §. 3. 4. adducit: quæque eo redeunt, quod leges fideant inter arma, bellumque, quod vi & fraudibus geritur, nullum jus admittat.

Sed hos auctores utriusque generis præclare refellit auctor, & contra priores demonstrat, esse jus naturæ §. 6. 24. contra posteriores, esse etiam jus belli §. 25. 27.

Esse jus naturæ, septem argumentis demonstrat, quæ ordine perlustrare juvabit.

§. 6.

Primum argumentum hoc est: Cui natura est adpetitus societatis tranquillæ, eam est jus. Homini natura est ejusmodi adpetitus

titus societatis. Est itaque ei jus. Ergo datur jus aliquod naturale & commune omnibus hominibus. Resolvimus illud in formam syllogismi; ut ejus vis & nervus eo magis adpareat.

Prima propositio est: Cui est adpetitus societatis tranquillæ, ei est jus: eaque certissima, quia societas nulla sine jure consistere potest. Societas enim consistit in conjunctione animorum, ea fit per pacta, pacta non profunt nisi servantur. Quis vero pacta servabit, nisi jure aliquo se ad id obligari credat? Fingamus decem latrones coire in societatem. Injustissima hæc societas est, & tamen sine jure consistere nequit. Coeunt enim per pacta, stipulantur sibi invicem mutuum auxilium, mutuum taciturnitatem, commune lucrum: si isti homines in se injustissimi hæc pacta non servant, dissolvetur societas. Hinc recte CICERO lib. 2. de Off. cap. XI. *Justitia tanta vis est, ut nec illi quidem, qui maleficio & scelere pascuntur, possint sine ulla particula justitia vivere, &c.* Est ergo certissimum, societatem sine justitia consistere non posse: quumque justitia nulla sit sine jure, certissima quoque est propositio: cui est adpetitus naturalis, ei est jus.

Propositio secunda non minus certa est. Hominem enim natura adpetere societatem tranquillam, experientia docet, nec facilius potest iste adpetitus probari, quam si consideremus hominem vel in solitudinem, vel ad gentem barbaram & feris truculentiorē deportari. An non mori illi suavius vide-

videbitur, quam vel extra societatem hominum, vel inter homines sine securitate in perpetuo periculo vivere? Sequitur itaque, ut & conclusio sit certissima. Ergo est aliquod jus commune, quod ex societate fluit, id est jus naturæ.

§. 7.

Sed priusquam ad secundum argumentum progrediatur: objectionem removet, §. 7. Argumentatus erat a naturali appetitu, quo homines ad societatem feruntur, ad existentiam juris. Posset obverti, & bruta ad societatem sui generis ferri, veluti columbas, formicas, & præcipue apes, adeoque & his jus naturæ esse, quod quum sit absurdum, absurdam quoque esse consequentiam, quod qui natura ad societatem feruntur jus naturæ habeant.

Sed respondemus, distinguendum esse inter desiderium & impetum naturalem. Desiderium est affectus voluntatis tendens in aliquem finem, & adpetens simul media, quæ ad hunc finem simul idonea sunt. Et tale desiderium est in solo homine, quia solus voluntate gaudet, & ratione, qua media inveniat.

Impetus vero est naturalis tendentia sine ratione & conscientia. Sic e. g. lapis tendit deorsum, sed nec voluntate deorsum cadendi instructus, nec sibi conscius est, se deorsum tendere, nec de mediis, quæ ad hunc motum requirantur sollicitus est. Et talis impetus est in brutis.

Jam facile hac distinctione observata respondebimus argumento: Quicumque desiderio naturali fertur ad societatem tranquillam, illi

illi jus est: Bruta hujusmodi desiderio ad societatem tranquillam non feruntur, sed impetu quodam & instinctu naturali ad eam tendunt: Ergo non habent jus.

Non autem voluntatem cum ratione conjunctam brutis inesse, inde probat Grotius:

1) Quod actiones eorum non sint uniformes & sibi similes. Nam canes e. g. tuentur catulos, eosque defendunt aliquamdiu: mox illos morsu abigunt, & plane obliviscuntur, illos esse ex se natos.

2) Quia & infantes simili appetitu tenentur, etiamsi ratione utantur. Adeoque potest in brutis esse impetus sine voluntate, quia & in infante est, qui clamat, si ab hominibus solis relinquitur.

3) Quia destituuntur præcipue instrumento societatis nempe sermone vel oratione. Nam quia homines desiderio societatis tenentur, de medio cogitarunt hanc societatem tuendi. Hinc invenere sermonem, quo sibi invicem sensa animi communicarent, & quo non esset opus, nisi vivere cuperemus socialiter. Quum ergo bruta, tametsi iisdem instructa organis, tamen non fermocinentur, nec desiderio societatis ea teneri patet, sed solo impetu ad societatem aliquam ferri. Conf. *de oratione societatis conciliatrice* Cic. l. de LL. 9.

§. 8.

Ex hoc primo argumento colligit Grotius principium juris naturæ & gentium esse SOCIALITATEM.

Itaque ea in re convenit Grotius cum Hob-

Hobbesio & Pufendorffio. Omnes enim hi auctores jus naturæ & gentium derivant ex principio socialitatis. Posito enim homine, qui mecum in societate vivit, ponitur jus. Sed in eo differunt hi auctores, quod quisque eorum principium hoc diversis fundamentis inædificat. Secundum Grotium enim socialiter est vivendum, quia id congruit naturæ humanæ & naturali ejus desiderio: secundum Hobbesium vivendum est socialiter, quia alias nasceretur bellum omnium in omnes. Secundum Pufend. socialiter est vivendum, quia ita jussit Deus. Ita facile conciliabimus diversa horum auctorum principia.

Ast meministis procul dubio, nos hoc principium socialitatis rejecisse in prælectionibus Pufendorffianis, quia quidem verum est, & evidens, sed non adæquatum, idque tum inde probavimus, quia officia erga Deum & se ipsum ex societate non fluant, ad quæ quippe præstanda obstricti sumus, tametsi soli essemus in hoc mundo. An itaque & hic rejiciemus Grotii doctrinam?

Resp. in Grotio laudandum esse, quod culpavimus in Pufendorffio. Et ne id mirum videatur, rationem statim reddemus. Pufendorffius tractat jus naturæ & gentium. Ad jus naturæ etiam officia erga Deum & proximum pertinent, quæ quum ex societate non fluant, principium ejus est inadæquatum adeoque rejiciendum. Ast Grotius non tam jus naturæ tractat, quam jus Gentium; jura belli & pacis. Hæc vero omnia
omnia

omnino societatem humanam supponunt, adeoque ejus principium est adæquatum.

Paucissimi hoc recte capiunt; & hinc quia audiunt a tot auctoribus principium Pufendorffianum rejici, statim existimant, eodem modo rejiciendum esse principium Grotii: quos tamen toto coelo errare jam vidimus.

Ex hac ergo societate omnia jura hominum adversus homines fluunt. Posito enim me societatem inire cum contubernali: ita-
tim sequetur, 1) ut abstinere debeam ab ejus rebus, 2) ut si damnum ei fecerim, restituam, 3) ut pactum quod cum eo inii, servem, 4) ut eum feram, nec illi ullam faciam injuriam. Si quid horum omitto: societas dissolvitur. Idem in majoribus societatibus, veluti civili, immo in maxima illa societate generis humani obtinet.

§. 9.

Hactenus primum Grotii argumentum, quo existentiam juris N. & G. probat, sequitur alterum:

Q. instructus est judicio & delectu boni & mali, is & jure aliquo obstringitur.

Homo hujusmodi judicio & delectu instructus est: Obstringitur ergo jure.

Consequentia majoris propositionis hæc est. Deus nihil fecit frustra. Dum ergo hominem eo judicio instruxit, ut possit bonum & malum, non solum physicum, sed & morale discernere, & ea voluntate, quæ in bonum fertur, & malum aversatur: procul dubio voluit, ut bonum faciat, malum fugiat, non ut illud imitetur MEDEÆ:

Vi-

Video meliora proboque,

Deteriora sequor.

Si Deus hoc voluit, peccat, dum id non facit. Si peccat, injustus est, si injustus est, etiam jus esse debet. Ergo est jus.

Possumus ex eodem fundamento ita ratiocinari. Deus nos instruxit judicio & delectu boni & mali. Ergo voluit, ut nobis bene non male sit. Ergo possumus malum omne a nobis amoliri. Ergo nemini ex voluntate Dei fas est, nobis malum inferre. Ergo & nobis nefas est, aliis inferre malum. Ergo est jus.

Minor propositio denuo nititur conscientia cujusque & experientia. Ratione enim homo instructus est & judicio, clarissimam & distinctissimam habet ideam boni & mali. Bonum est, quod durationem nostram promovet, malum quod nos destruit. Experientia & ratiocinatio illum quotidie docet, quid hominis durationem conservet, quidve eundem destruat. Ergo gaudet judicio & delectu boni & mali.

Hoc argumentum post Grotium præcipue urget doctissimus Anglus RICHARDUS CUMBERLAND *de LL. Nat. cap. II. §. 4.* ubi simul docet has præclaras facultates, homini concessas, nihil aliud fore, quam gladium in manu furiosi, nisi accederet jus, quod illas dirigat.

§. 10.

Duobus his argumentis Grotius probavit dari jus naturæ proprie dictum, quod alias jus perfectum, item justitia exoletrix vocatur: jam demonstrat etiam dari jus imperfectum,

Etum, vel justitiam attributricem. Entertium argumentum:

Si discrimen est boni & perfectionis majoris & minoris, est etiam naturale aliquod jurium discrimen.

Verum est prius. Ergo & posterius.

Justitia enim attributrix respicit ad meritum vel indigentiam personæ. Prout illud vel hæc majus minuve est, ita & jura differunt. E. g. majus bonum nobis sunt parentes quam alii concives, Ergo iis plus debemus obsequii & honoris, quam illis. Major est perfectio hominis docti, quam indocti. Ergo illi plus præmiorum debetur quam huic. Quum itaque ea facultate instructi simus, ut possimus discernere, quid altero sit melius & perfectius, vel pejus & imperfectius, sequitur ut ex jure aliquo obligemus singulis tribuendi, quod eorum perfectiones & qualitates exigunt.

§. II.

Sequitur quartum argumentum, quod tamen omnium primum esse debuisset. Argumentatur enim:

Si omnes agnoscimus Deum aliquem, sequitur, ut & ejus præceptis parere teneamur.

Si præceptis ejus tenemur, obligamur.

Si obligamur, etiam jus aliquod est quod nos obligat.

Meretur totus §. ponderari, ex quo sequentes quæstiones fluunt:

1) An recte dixerit Grotius, jus aliquod fore, si vel maxime non sit Deus?

2) Unde

2) Unde sciamus nos præceptis divinis obligari?

3) Quomodo ad notitiam horum præceptorum perveniamus?

1. Quod ad quæstionem primam attinet: non solus Grotius ita loquitur, sed & Scholastici omnes, qui mirò consensu docent, jus naturæ fore, etiamsi non sit Deus, vel aliquid justum esse *antecedenter ad Deum*.

Sicunt enim 1) ipsam rectam rationem docere, societatem humanam consistere non posse, si unicuique liceret furari, adulteria committere, occidere. Hinc etsi Deus nunquam dixisset: ne furate, ne occide, tamen unumquemque, qui rationem sequi velit, secum cogitaturum, sibi ab his facinoribus abstinendum esse. Ex quo sequi putant, ut jus aliquod futurum esset, etsi non esset Deus.

2) Idem probant experientia. Nam si consideremus atheos in rep. viventes, ii plerumque civiliter boni sunt, & id de plerisque atheis ostendere conatus est BAILIUS in *Dictionario historico critico* sub articulis *Spinoza*, *Zenon* & aliis. Cur vero? quia ratio eos docet abstinendum esse ab his criminibus, etsi non esset Deus. In primis urgeri posset exemplum Sinensium. Maximi hi sunt Spinosistæ, nihilque eorum Philosophia differt a dogmatibus Spinozæ: & tamen LEIBNITIVS in *præfatione novissimi Sinicis præmissæ* docet, non esse ullam gentem justitiæ studiosiorem Sinensi. Quis itaque dubitet, juri naturali locum fore, etiamsi non sit Deus?

Sed

Sed falsissima nihilominus hæc est doctrina. Nullum enim jus est sine obligatione, nulla obligatio sine lege, nulla lex sine legislatore. Si ergo ponamus, non esse Deum, nec legislator esset, nec lex, nec obligatio: adeoque nec jus.

Ad argumenta in contrarium allata facile potest responderi. Obligatio vel proprie sumitur, vel improprie. Proprie accepta est juris vinculum, quo a superiore obstringor ad aliquid faciendum vel omittendum. Et hujus effectus est jus. Qui enim obligationi suæ non satisfacit, injustus vocatur, & poena adficitur.

Improprie vero obligari dicimur, quoties nos proprii commodi contemplatione ad aliquid faciendum vel omittendum ferimur. Et hujus effectus non est jus, sed prudentia. Qui enim nec id facit, quod sibi utile fore animadvertit, is imprudens non injustus dicitur, nec poena adficitur, sed damnum sua culpa sentit.

Res exemplo fiet clarior. Miles obligatus est parere duci suo. Id legislator jubet: nisi illi paret, tanquam injustus punitur. Est ergo hæc obligatio propria. Ast & ægrotus existimat se obstrictum esse, ut pareat medico. Nulla lex id jubet, sed propria utilitas suadet. Si non paret, non injustus habetur, sed imprudens. Nec punitur, sed damnum sentit.

Jam facile patet, cur & utilitas publica ipsis atheis perluadeat, ut vitent graviora facinora. Non hæc obligatio propria est, sed impropria, non omittunt peccata, ne contra

jus

jus peccent, sed ne damnum patiantur. Itaque si Deus non esset, posset quidem contingere, ut homines ea facerent, quæ jus naturæ jubet; sed non ea facerent ut juri naturæ pareant, sed ut proprio commodò velificentur.

II. Quæstio secunda est, unde intelligamus, nos esse obstrictos, ut Deo pareamus? Resp. Ex dependentia nostra. Contemplantes enim nos ipsos, animadvertimus, 1) nos non esse a nobis ipsis, quia nihil a se ipso est, nisi quod æternum est. 2) Deum non solum existentiam nobis dedisse, sed & illam conservare, quum ne per momentum quidem ipsi durationem nostram continuare possumus.

Quum ergo Deus & existentiam nobis dederit, & eam conservet: sequitur sane, ut ab ejus voluntate pendere teneamur. Nam is, a quo dependemus, est superior. Qui superior est, inferiori potest leges præscribere. Qui leges præscribere potest, ei parere tenemur. Itaque Deo parere tenemur.

§. 12.

III. Sed unde intelligimus hanc voluntatem Dei? Tertia hæc est quæstio, paucis expedienda.

Resp. Deum posse bifariam voluntatem suam promulgare: vel per rationem, vel per revelationem.

Per rationem, quoties ratiocinando adsequi possumus, quid Deus velit fieri; e. g. nos non debere occidere, debere contra pacta servare; &c. Per revelationem, quoties ratiocinando id sane non possumus, sed ex

Hein. de Jure Belli, &c.

B ver-

verbo quodam divino vel ore prolato vel scripto. Sic ratiocinando nunquam intellexisset Abrahamus, sibi opus esse circumcisione, nisi Deus id ei revelasset. Nec hodie possemus intelligere, Christianos esse baptizandos, nisi S. S. id doceret.

Ex eo sequitur, jus divinum duplex esse, naturale & voluntarium.

Naturale, quod ex ratione addisci posset, etiamsi non exstaret decalogus vel S. S. e. g. non esse occidendum.

Voluntarium, quod non nisi ex revelatione addisci potest, veluti leges V. T. de sacrificiis, & quæ hodiernum obtinent leges de gradibus consanguinitatis & affinitatis prohibitis.

Quod vero jus naturale ex ratione intelligi possit, jus voluntarium intelligi non possit, id exinde est, quod illud naturalem connexionem habet cum natura humana, hoc non habet. Conf. de hac distinctione infra lib. I. cap. I. §. 13.

Notetur falsa derivatio vocabuli JUS sub finem §. proposita. Non enim jus dicitur a Jove, sed a jubendo. A jubendo est *jussum*, a jussu, *jus*. Vid. GRONOV. Not. ad h. S.

§. 13.

Docet ea occasione Grotius, cur Deus leges suas naturales, quæ jam ex ratione innotescunt, revelatione veluti de novo promulgarit, e. g. in decalogo:

Factum id est, 1) quia non omnes homines ea ratiocinandi facultate pol-
lent, ut possint sine revelatione speciales quasvis leges scire.

2) Quia

- 2) Quia adfectus sæpe abripiunt homines, ut non ratiocinentur, e. g. dum libido hominem urit, parum ratiocinatur, justum injustumve sit quod agat, sed commissio demum delicto, tum conscientia ratiocinari incipit.

§. 14.

Ut ad jus naturale redeamus: quamvis id ex recta ratione jam satis innotescat, magnum tamen robur ei ex historia sacra accedere ait. Ea enim docet nos ab iisdem omnes primis parentibus descendere. Ex hoc vero sequitur, 1) ut cognatio quædam sit inter homines omnes, 2) ut socialiter vivere debeant, 3) ut omnes se agnoscant æquales, 4) ut nemo alterum lædere debeat, &c.

Sed hoc argumentum inter Christianos tantum robore quodam pollet, unde magis illustrat quam probat.

§. 15.

Sed superest ultima quæstio, quæ occasione hujus argumenti tertii tractatur: quid opus sit jure civili, quum habeamus jus naturæ & gentium ab ipso Deo datum, & unde oriatur jus civile?

I. Necessarium fuit jus civile, 1) quia naturale caret medio cogendi & coercendi. Vetat e. g. homicidia, sed non addit, supplicio affectum iri, qui occiderit. 2) Quia in societate humana multi sunt actus indifferentes, qui ob communem reip. salutem restringendi sunt, e. x. venari, piscari, donare, testari, sunt actus indifferentes, in se nec boni nec mali. Sed interest

tamen societatis civilis, ne omnes promissue venentur, piscentur, ne pro lubitu donent, legent, testentur. Ergo opus fuit legibus civilibus.

II. Unde vero leges civiles originem habent? Ex pactis, respondet Grotius. Homines enim in statu & libertate naturali viventes non potuere aliter in resp. coalescere, quam per pacta. Pacti enim primo sunt, se rempub. constituturos: pacti sunt, se hac vel illa imperandi forma uti velle: pacti denique, se huic vel monarchæ vel concilio se & voluntates suas submissuros. Ex eo ergo pacto nascitur obligatio, & juri civili parendi. Et eatenus recte veteres definivere legem esse communem sponsonem civitatis. l. 1. § 2. ff. de LL.

§. 16. 17.

Sequuntur quintum & sextum arg. quibus demonstratur, jus aliquod esse, quorum alterum ab indigentia humana, alterum a relatione gentium inter se desumitur.

Ex indigentia humana ita argumentamur: Si Deus nos voluit esse multarum rerum indigos, sequitur, ut voluerit hominem homini subvenire.

At homo homini sine jure quodam cogente non subveniret.

E. voluit esse jus quoddam.

Consideremus infantes: quam indigi sunt auxilii humani? & quis infans ad justam ætatem perveniret, nisi essent, qui iis victum, amictum & reliqua necessaria suppeditarent? Quis autem suppeditaret, nisi jus cogeret parentes, propinquos, tutores?

Ergo

Ergo Deus, qui non voluit infantes perire, omnino jus aliquod constituit, eoque certas personas obligavit, ut eis subvenirent. Ergo est aliquod jus.

II. Ex relatione gentium inter se argumentamur:

Si gens sine gente subsistere non potest, sequitur, ut inter eas jus fit commune.

At verum est prius, E.

Gentem sine gente subsistere non posse probat experientia. Opus enim est commerciis, quibus unius indigentia alterius copiis suppleatur. Opus est auxilio gentium, adversus adgressores, opus est foederibus, legationibus, &c. Atqui hæc omnia non essent, nisi communi aliquo jure continerentur. Ergo est jus Gentium omnibus commune, adeoque datur jus aliquod naturale. Conf. §. 2. 1. de J. N. G. & C. verb.

Jus autem gentium omni humano generi, &c.

Sed an a jure Gentium recte argumentari licet ad jus naturæ? Licet omnino. Nam jus gentium proprie nihil aliud est, quam jus naturæ negotiis gentium applicatum. Adeoque non sunt diversa jura, sed unum idemque, quod a diversis objectis, quibus applicatur, diversa nomina sortitur.

§. 18.

Antequam ad ulteriora progrediatur auctor, duas objectiones evertit: quarum altera est CARNEADIS, altera HORATII.

CARNEADES stultitiam dixerat justitiam, idque ita probaverat. Stultus est, qui utilitatem suam negligit, & alii potius quam sibi prodest. Atqui qui justitiam colit, pro-

priam utilitatem negligit, aliisque potius, quam sibi prodest. E, qui justitiam colit, stultus est.

Minoris veritas in oculos incurrere videtur. Nam e. g. justus etiam si altero pauperior sit, tamen non furatur, dum justitiæ causa a furto abstinet, propriam utilitatem negligit, & alteri potius quam sibi prodest. Et hinc Carneadi stultus videtur.

Sed resp. 1) distinguendum esse inter utilitatem veram & adparentem. Qui furatur, non veram, sed adparentem utilitatem sectatur. Quæ enim hæc est utilitas aliquot numis fieri ditiores, & eo ipso amittere bonam estimationem, excidere hominum consortio, omnis fidei & securitatis jacturam facere? Deinde 2) distinguendum inter utilitatem præsentem & futuram. Qui enim justitiam colit, utat præsentem utilitatem negligat, eo ipso tamen in futurum sine consilio, dum tranquillæ animi est, dum non metuitur, sed amatur, dum nec alios metuere tenetur. Ergo negamus, eum, qui justitiam colit, utilitatem propriam negligere.

§. 19.

Altera objectio est HORATII ex lib. 1. *Serm. sat. 3.* Ejus sunt verba:

Jura inventa metu injusti, fateare necesse est.
Existimat itaque Horatius, jus non tam ideo inventum esse, quod aliquid sua natura justum injustumve sit, sed ex metu hominum iniquorum. E. g. Adulterium non ideo prohibitum, quod id rationi vel naturæ humanæ repugnet: sed quod metuerint homines, ne parum tuta futura sint matrimo-

monia, nisi prohiberentur. Quæritur itaque, an hæc sententia sit admittenda?

1.) Distinguit Grotius inter ea instituta, quæ connexionem cum natura humana habent, & quæ ad executionem juris reperta sunt. Priora non præcipiuntur aut prohibentur, ob metum injuriæ; sed quia sua natura justa vel injusta sunt, ut, pacta esse servanda, neminem lædendum. Ast posteriora omnino ex metu reperta, e.g. ne quis armatus ad judicium veniat, ne milites vigiliis deferant.

2.) Sed magis perspicuè hujus thesæos falsitas potest demonstrari inde, quod quædam jura locum haberent, etiamsi nulli alii essent homines, e.g. hominem teneri colere Deum, hominem debere se ipsum conservare. Sane hæc jura ex metu non possunt esse profecta, quia locum etiam haberent, etiamsi nullus esset in mundo homo, quem metuas.

§. 20.

Reliquum est septimum argumentum, quo demonstratur, esse aliquod jus naturæ, quod Grotius ex conscientia humana petit. Ita enim ratiocinatur:

Si sunt morsus conscientiæ in male agentibus, tranquilla contra conscientia in probis, sequitur, ut sit aliquod jus omnibus hominibus commune. Ast verum est prius, E. & posterius.

Antecedens tam certum est, quam quod certissimum. Neque enim experientia nos ignorare patitur, tranquillum esse animum, recti sibi conscium, contra laniatus sentire, qui

male egit. Et hæ furia ita sæpe agitant maleficos, ut malint sibi manus inferre violentas, quam ista tormenta persentiscere.

Consequentia autem paullo accuratius demonstranda. Eam demonstramus ex ipsa definitione conscientia. Conscientia est ratiocinatio vel syllogismus de nostris actionibus, quo ad liquidum perducere conamur, justæ an injustæ sint. Si ergo homines natura ratiocinantur de actionibus, justæ an injustæ sint, oportet aliquod jus esse. Nam hoc nisi esset, nihil vel justum vel injustum posset adpellari.

Sed obijciunt Athei, inprimis TOLANUS in *Tito Livio* vel tractatu de *superstitione*: conscientia morsus non tam ex consideratione juris naturalis proficisci, quam ex jure civili, ex metu nimirum poenæ. Nam homicidam non ideo angi, & stimulis conscientia fauciari, quod hominem occiderit, sed quod sciat, homicidis imminere supplicium capitale.

Sed resp. id falsum esse, idque inde probamus, quod illos conscientia stimulos & ii persentiscant, qui non possunt metuere supplicium, e. g. summi imperantes. Exemplum est in Nerone apud Suet. *vit. Ner. cap. 34*. Accedit, quod conscientia tormenta & illi senserunt, quorum facinora non poena, sed præmia manebant. Sic Judæ, Christo tradito, non ulla imminabat poena, sed præmia amplissima. Et tamen tam favos conscientia cruciatus perferebat, ut suspendio vitam finire mallet, quam diutius ferre conscientia morsus.

Quis

Quis ergo jus esse negaverit, ab ipsa conscientia convictus? Conf. Cl. VVESTEN. *de causf. obligat. cap. 2. §. 2. seq.* ubi hoc argumentum ulterius persequitur.

§. 21.

Finita hac demonstratione aliquot con-
fectaria inde elicit Grotius, quibus in-
signem juris utilitatem demonstrat.

Plerique homines optime sibi consultum fore existimant, si sine lege essent, sine jure viverent. Hinc jura & leges vulgo odio habentur. Sed contrarium probat auctor.

1) Quia nemo sine jure securus esset. Nullum est animal magis improbum homine, qui ambitione, avaritia, libidine in quævis præcipitia rapitur. Huic impotenti hominis libidini frenum nulla alia re injicitur, quam jure. Sine jure & lege vita piscium viveretur, major devoraret minorem. Conf. versus elegantes HESIODI, quos auctor infra adfert. *Lib. 1. cap. 4. §. XI, 1.*

§. 22. 23.

2) Quia nec gentes sine jure securæ essent. Quamvis enim gens sit potentissima, & opulentissima, carere tamen non potest commerciis & foederibus. Hæc vero nulla essent sine jure.

3) Quia ne societas quidem humana sine jure subsisteret. Societas enim omnis per pacta coalescit. Pacta vero essent frustranea, nisi jus esset, quod pacta servari juberet. Hinc Grotius ad h. §. eleganter observat ex Aristotele, quod nos supra ex Cicerone observavimus, ne latronum quidem socie-

tatem sine jure posse contineri. Quanto minus societas totius humani generis?

§. 24.

4) Quia nec pax secura esset sine jure. Pax enim est pactum: nulla autem pacti sine jure esset obligatio.

Elegans est apophthegma, quod hoc §. refert Grotius, quidam Rex Spartanorum dixerat, beatissimam esse remp. cujus fines hasta & gladio terminarentur, id est, quæ quam latissime circumferret arma victricia. Pompejus id corrigens dicebat, beatissimam esse remp. quæ justitiam pro finibus habeat. Et recte. Nam

- 1) Arma sine justitia sunt latrocinium.
- 2) Fortitudo nulla est sine justitia: is enim est fortis, qui pro æquitate pugnat.
- 3) Resp. quæ arma injusta expedit, omnibus exosa est.

§. 25. 26. 27.

Diximus supra ad §. 3. 4. 5. Auctori nostro rem esse cum duorum generum hominibus. Alios enim negasse, jus aliquod esse; alios id concessisse quidem, sed negasse tamen, jus belli esse. Quum itaque priorem errorem jam satis profligarit Grotius: interesse sua existimat, etiam posteriorem refellere, quia alias absurde scripsisset **JUS BELLII, ET PACIS**, nisi jus aliquod in bello esset.

Quinam auctores jus in bello negent, jam supra vidimus §. 3. 4. qui hic conferri possunt. Eos errare his argumentis demonstramus.

- 1) Quia bellum est loco judiciorum. Duo enim sunt status hominum, naturalis & ci-

& civilis: ille inter hos qui non subsunt communi imperio, hic inter eos, qui sub uno imperio vivunt. In statu civili controversiæ a iudice jure definiuntur: in statu naturali iudex nullus est, ergo opus est bello, adeoque bellum est loco judiciorum. Quemadmodum vero norma judiciorum jus est, ita nec bellum sine jure intelligitur. Hinc Alexander M. quum omnibus promiscue bellum inferret, non quod justa belli causa esset, sed quod utile putaret, gentes subjugare: dictus est a Seythis *Intro generis humani*.

Objicere quis posset vulgatum illud: *si-
lent leges inter arma*: nec non illud Pompeji, qui a Mamertinis legatis ex legibus convictus: *Armatus, inquit, leges tu cogi-
tem?* PLUTARCHUS *in vita Pompeji*. Sed respondetur

1) Silere in bello leges civiles, non naturales. Nam e. g. omnino absurdum esset, si hostis putaret, se adversus hostem instituere posse actionem L. Aquilæ, quod ille sibi damnum intulerit: ast nihilominus recte dicitur hostem peccare adversus jus naturæ, si virgines constupret, infantes animi causa occidat, homines multis cruciatibus adficiat. Hæ leges juris naturæ non silent inter arma.

2) Quia & in bello conscientia docet aliquod jus esse. Nam milites conscientia justæ causæ fortius pugnant, cives libentius conferunt sumtus belli: hostes contra sceleris sibi consciï plerumque facilius despondent animum. Hinc Atheniensium for-

titudo in bello Marathonio . Vid. CORN. NEP. *in vit. Miltiad.* Hinc Jugurthæ metus in bello adversus Romanos , de quo Sallustius refert, eum nec in duce nec in milite habuisse fiduciam , ac omnia rura metuisse . Si ergo tanta conscientie vis etiam in bello est : sequitur sane , ut & belli aliquod jus fir. Nam paullo ante probavimus ex conscientia humana demonstrari posse existentiam juris naturæ.

§. 28. 29.

Haftenus pars generalis : sequitur specialis, in qua auctor exponit:

- 1) Consilium suum . §. 28. 31.
- 2) Partitionem operis . §. 32. 35.
- 3) Ejus necessitatem . §. 36. 38.
- 4) Subsidia quibus usus . §. 39. 55.
- 5) Leges quasdam , quas sibi in toto opere dixit . §. 56. ad fin.

I. Consilium suum auctor exponit hoc §. 28. Ait enim se expositurum esse jus inter populos commune, quod & ad bella & in bellis valeat . Quod nullum aliud est, quam jus gentium, id est, jus naturæ diversis gentium negotiis applicatum . Unde facile animadvertimus , quid intersit inter Grotium & reliquos scriptores juris naturæ.

Pufendorffius non modo jus Gentium tractat , sed & J. N. Nam & hominum & civium officia erga Deum , se ipsos , & proximum late exsequitur . Idem consilium est HOBBSII in libello *de cive & Leviathan.* Sed Grotius potissimum tractat jura belli & pacis, id est, jura gentium.

Equidem multa hinc inde occurrunt, quæ
ad

ad jus naturæ pertinent, veluti lib. 2. 2 cap. 2. 17. de acquisitione rerum, de contractibus, de promissis, & præcipue de jurejurando. Sed hæc omnia Grotius non tractat, tanquam negotia hominum & civium, sed tanquam negotia gentium.

Ceterum consilii sui scribendi jus gentium duas causas allegat Grotius, quarum prior his §§. posterior duobus sequentibus tractatur.

Prima est, quod circa bellam duas esse animadverterit plane contrarias sententias, Nimirum

1) Alii peccant in excessu, ut omne jus in bello cessare existiment, partim in eo suscipiendo, partim in eodem gerendo.

2) Alii in defectu, ut omne bellum injustum putent, & Christianis indignum. Ejus sententiæ patroni fuere olim TERTULIANUS in libro *de resurrectione carnis*, JOANNES FERUS, Monachus Franciscanus sæculi decimi sexti, vir admodum moderatus in *Commentariis ad SS. pane omnibus*, ERASMUS ROTERODAMUS in *Milite Christiano*, & ex ipsis commentatoribus Grotii JO. a FELDE in *notis ad h. §.* ubi absurde vir ille argumentatur, quia jus naturæ inter homines magis exigit judicia quam bella, multo minus inter se bella gerere debere Christianos, quasi in statu naturali locum habeant judicia.

Quum itaque utraque sententia falsa sit, Grotius dicit, se medicinam utrisque voluisse adhibere, tum ne nihil, tum ne omnia licere crederentur. Adeoque egregie defendit,

dit, licere bellum gerere, sed & præclare docet, in bello non promiscue omnia licere.

§. 30. 31.

Altera causa, quæ Grotio persuasit, ut huic operi manum admovent, hæc erat, ut jurisprudentiæ etiam exsul consulere.

1.) Notum est jurisprudentiam constare ex jure naturali, gentium & civili. L. 1. §. 2. ff. de l. & l. Itaque non potest non egregie consulere jurisprudentiæ, qui hæc confusa digerit, & naturalia & gentium jura a reliquis sejungit. Ita enim, quæ certa sint, quæ immutabilia, quæ ubique eadem facile addiscere licet.

2.) Ex jure naturæ pleræque fluunt etiam civilium jurium rationes. Quæ utilitas de novo egregia est. Sic e. g. tota L. Rhodia de jactu, & maxima pars doctrinæ de quasi contractibus ad jus quidem civile pertinet, sed ratio tamen ejus juris repetenda est ex jure naturæ, quod docet, neminem debere cum alterius damno locupletari.

3.) Inprimis egregie Grotius consuluit juri publico universali. Id enim quum ante Grotium pæne ignoraretur, ejus opera primum caput exferuit tenebris. Hinc vere dici potest, Grotium plus Jurisprudentiæ profuisse, quam centum legulejos vel rabulas, qui magna commentariorum, systematum, decisionum volumina reliquerunt.

Ceterum quod Grotius §. 31. optat, ut plures singularibus materiis hujus juris manum admovent, id postea contigit. Nam

1.) De

- 1) De jure circa sermonem scripsit VER-
FELMANNUS tractatum plane incompa-
rabilem.
- 2) De juribus majestatis GASP. ZIEGLE-
RUS, cujus liber omnibus eruditis in
deliciis est.
- 3) De judicium officio idem edidit libel-
lum egregium, quem vocat *Dicafticum*.
- 4) De legatis multa præclare college-
runt VVICQUEFORT & MARSELIER.
- 5) De foederum jure VVAHRMUND ab
EHRENBERG in *Medicamentis*.

Alios hujus generis auctores infra suo loco
passim laudabimus.

§. 34. 35.

II. Sequitur jam operis totius partitio,
quam hoc versiculo complecti solent in-
terpretes.

Quid bellum? belli causæ? quæ jura-
que belli. Habemus tres libros Grotii.
Nam

Libro primo agit de bello generatim,
& quærit, quid bellum sit? an liceat ge-
rere bellum? quid bellum publicum & pri-
vatum? & denique qui bellum gerere possint.

Libro II. de belli causis, quales sunt ex
mente Grotii 1) defensio rerum nostrarum,
Lib. I. cap. I. 2) exactio ejus quod no-
strum est, vel reparatio injuriæ, Lib. II,
cap. II. XVI. 3) poena Lib. II, cap. XVI,
ad fin.

Libro III. de juribus belli 1) in lædendo
hoste Lib. III. cap. I. V. 2) in acquirendo
res hostiles Lib. III. cap. VI. XVIII. 3) in
pactis cum hoste initis. Lib. III. cap. XIX. fin.

§. 36.

III. Necessitatem hujus scriptionis suæ inde demonstrat Grotius, quod hujusmodi opus nec a recentiore compositum, quod suis numeris absolutum sit. Aristotelis enim liber de jure belli periit. Ciceronis liber de officiis magis ad jura privata quam publica pertinet. Ambrosii libellus de officiis magis catechesin aliquam refert, quam opus politicum. Quin LUD. ELLIES du PIN dans la *Bibliothèque des auteurs ecclésiastiques* observat, in Codicibus MSC. hunc libellum inscribi *de officiis clericorum*.

Optat Grotius, veterum Christianorum aliquem hujusmodi quid scripsisse, patrem nimirum aliquem ecclesiasticum. Sed, si video quid video, parum utilitatis ex hujusmodi scriptione caperemus. Nam 1) patres ecclesiæ tantum non omnes fere expertes fuisse principiorum moralium, egregie docuit DN. BARBEYRAC in *aurea præfatione Pufendorffii*, §. 9. p. 22. 2) Eisdem plane ignaros fuisse rerum civilium, res ipsa docet.

Unde nec multum juvant Casuistæ. Qui enim casus conscientiæ definiunt, id faciunt ex S. S. Jura vero belli non modo ex S. S. sed & præcipue ex recta ratione & principiis moralibus petenda. Unde omnino necessarium fuit hujusmodi opus, cui solus par erat Grotius.

Ex recentioribus quibusdam de belli jure scripserunt Theologi æque ac JCTi, quos recenset §. 37.

FRANC. de VICTORIA, Theol. Hispanus Salamanticæ Professor scripsit librum de *Indis & jure belli*, ubi disceptat, an jure Indis occidentalibus bellum intulerint Hispani? sed facile patet, quam egregium quid ea in re potuerit ab Hispano homine expectari?

Similia sunt scripta HENR. GOCICHEMI, VVILH. MATTHEI & JO. CARTHAGENA, Pontificiorum theologorum, qui jura belli ex Theologiæ scholasticæ & juris canonici principiis explicant: quemadmodum JO. LUPUS, FR. ARIUS, JO. de LIGNANO, & MART. LAUDENSIS Jcti ex jure civili & legibus corporis juris. Hinc varias conclusiones proponunt, e. g. potuisse Hispanos Americanis bellum inferre, quia fuerint Barbari, ethnici, ἀνθρωποφάγοι. Posse christianos Turcis bellum perpetuum inferre, quod sint infideles, & sepulcrum sanctum possideant. Justum fuisse bellum Hispanorum cum Elisabetha Angliæ Regina, quia fuerit hæretica. Sed modeste eos notat ex duabus tantum causis:

1) Quod confuderint jura naturæ, gentium, civilia & canones.

2) Quod lumine historiarum caruerint, Hinc reliquis scriptoribus præfert tres Jctos.

a) PETRUM FABRUM, Cujacii discipulum, sed in Græcis doctiorem ipso magistro, cujus egregia plane exstant semestria, quæ libris III. constant. Est opus miscellaneum, sed in quo plura juris gentium,

tium, publici & privati capita præclare illustravit.

b) BALTH. AYALAM, Antvverpiensem, & postremo in suprema Mechliniæ curia Senatorem, qui obiit 1584. scripsit librum *de jure, officiis bellicis ac militari disciplina*. Nam ipse aliquamdiu Prætozem vel judicem bellicum egerat in exercitu Hispanorum. Vid. FRANC. SYVERTII *Athenas Belg.*

c) ALBER. GENTILEM, cujus exstant *Advocatus Hispanicus*, libellus *de jure maris* & alia. Sed in his tamen haud pauca desiderantur. P. Faber non scripsit justum systema, sed hinc inde quasdam materias illustravit: Balth. Ayala non egit de causis belli justis: Alb. Gentilis nec ordinem servat, nec jura naturalia & positiva discernit, nec omnes quaestiones tractat, & magis exemplis & auctoritatibus nititur, quam rationibus. Unde hi non obstare potuerunt Grotio, de jure B. & P. scripturo.

§. 39.

Postquam, quid sibi consilii sit, explicavit auctor, quaestio sequitur, ex quibus fontibus Grotius I. N. & G. deduxerit? Resp. Ex rationibus & principiis hujusmodi, quæ non magis possunt in dubium vocari, quam quæ sensibus percipiuntur. e. g. triangulum includi tribus lineis.

Est hoc ipsum principium: *Socialiter est vivendum*, de quo §. 8. Ex hoc enim per justam ratiocinationem omnes deinde fluunt doctrinæ reliquæ. Quum itaque socialitatis desiderium omnium pectoribus tam alte insideat; facile patet, cur jus N. dicatur om-

omnium cordibus inscriptum. Rom. 2. non actu, quasi hæc omnia nobiscum nascentur: sed potentia, quia hoc principium tam clarum est, ut nisi obbrutescat homo, is statim conclusiones omnes pervidere possit quam facillime. Non nasci nobiscum I. N. demonstratur 1) exemplo infantum, 2) ex natura embryonis, qui nec respirat in utero materno, nec cogitat, 3) exemplo eorum, qui ita obbrutescunt, ut plane negare audeant principia I. N. e. g. adultertia, furta non esse peccata.

§. 40. 41.

Et hoc in principio adquiescere debuisset Grotius. Sed præter socialitatem & testimoniis philos. hist. Poetarum & oratorum I. G. probari posse putat. Dicit enim jus Gentium esse jura multis gentibus receptum. Quid a multis gentibus receptum sit, ex his auct. testimoniis liquere, jus gentium.

Sed hoc in Grotio permulti reprehenderunt, & maxime ipse Pufendorffius. Nam

1) Non recte definitur jus Gentium, quod apud multas gentes receptum sit, sed quod naturalis ratio inter omnes peræque gentes constituit. Illud pertinet ad mores gentium; hoc ad jus gentium.

2) Mores quidem gentium probari possunt ex testimonio auctorum: sed non jus gentium, quod naturalem rationem habet. Illa quæstio est facti, quæ testimoniis probatur, hæc juris, quæ rationibus solvitur.

3) Falsum est, quod ubi multi diversis

tem-

temporibus ac locis idem pro certo affirmant, id ad causam universalem referri debeat, id est, ad rectam illationem, ex naturæ principiiis procedentem, uti auctor loquitur §. 40. Nam sic & idololatria, & πολυθεότης referri deberet ad jus naturæ & G. quam multi diversis temporibus ac locis defendunt.

Improbanda itaque hæc methodus Grozii, quod jus Gentium e testimoniis veterum arcessit. Testimonia enim veterum non probant, sed illustrant. Et hinc quod §. 41. promittit, non præstat. Promittit enim

1) Se accurate distinguere jus naturæ & gentium: sed non distinguit. Jus enim naturæ ipsi est, quod ex ratione fluit, jus gentium, quod ex libera gentium voluntate. Quod falsum. Jam supra enim docuimus, non dari jus Gentium a jure naturæ diversum, nec hæc jura aliter differre, quam adplicatione. Quod tam luculenter docuit *Pufendorfius l. 3. c. 3. §. 23. J. N. & G.* ut nihil scrupuli reliquerit.

2) Se accurate distinguere jus civile & Jus N. & G. jus perf. & imperfectum. Sæpe enim ad jura G. refert, quæ sunt juris civilis, cujus rei exemplum infra in successione testamentaria videbimus.

§. 42. 43.

Jam ad ipsos auctores, quos in consilium adhibuit, pergit, ubi inter philosophos primum locum concedit Aristoteli, sed ita, ut facile pateat, eum renitente quodammodo conscientia scribere. Eo tempore tyrann-

tyrannidem quandam affectaverant Aristotelici, sola hæc philosophia ubique dominabatur. Ne crabrones irritaret, principatum hunc philosopho relinquit, sed ita ut quædam cordate moneat.

1) Non principatum hunc degenerare debere in tyrannidem, sed cuique relinquendam esse prudentem ἐκλογὴν, ut ex omnibus sectis quod optimum eligat. Et hæc methodus eclectica vere optima est, quamvis in eam invehantur & Aristotelici & Cartesiani. Nam 1) methodus sectaria homines perducit ad præjudicium auctoritatis. Præjudicia vero omnem intellectus aciem obtundunt. 2) Methodus sectaria homines fingit infallibiles, & qui errare non potuerint, quum tamen id repugnet conscientiæ. Quia itaque nec omnes veritatem vidisse verosimile est, nec nullos: opus est selecta, adeoque philosophia eclectica. Vid. ARN. VVESENEELD *de philof. sectaria & eclectica*.

2) Quod non accurate definiverit virtutem, quod consistat in mediocritate. Quid vero in reliquis doctrinis moralibus sperandum esset ab homine, qui ne virtutis quidem ideam claram & distinctam in animo concepit? Falsum vero hanc esse definitionem multis probat.

1) Quod inde sequatur, ut liberalitas & parsimonia sint eadem virtus.

2) Quod inde sequatur, vitia quædam dici, quæ non existant, e. g. iræ vacuitas.

3) Quod justitiæ nullus reperiat excelsus & defectus.

4) Quod quædam vitia ex mente Aristote-

stolentis non sint vicia, e. g. adulterium ex libidine, cardes ex ira.

5) Quod non ipse excessus virtutis vicia facit, sed modas in ejus usu non adhibitus. e. g. non qui Deum nimium colit, superstitiosus est, sed qui perperam colit, non qui nimis liberalis est, vitiosus est, sed qui perperam liberalis, cet.

§. 46.

Philosophos sequuntur Historici, ex quibus duplicem utilitatem capi posse putat Grotius, 1) Exempla & 2) Judicia. Utraque autem prodesse putat ad demonstrandum jus Gentium. Sed hunc errorem jam profligavimus, diximusque jus gentium æque ac jus naturæ demonstrandum esse ex recta ratione. Exempla autem & judicia ex historicis non probant, sed illustrant. Et hunc usum habet historia temporum mediorum, id est, Romana ante bellum Punicum 3) Græca ante bellum Peloponnesiacum. Nam postea, inquit VELLEI. PATERC. *Lib. II. cap. I.* non gradu, sed præcipiti cursu a virtute descitum ad virtutes transcursum, cet.

Sed quamobrem historiæ non probant jus gentium? Id ita demonstro. Nec exempla probant jus gentium, quia jus non spectat, quid factum sit, sed quid fieri debeat: nec judicia, quia gentes de uno eodemque facto diversimode judicant, E. plane ex historia jus gentium non demonstratur.

E. g. Tarquinii superbi filius Aruns constupraverat Lucretiam, quæ sibi ideo ipsa manus violentas inferebat. Hinc Brutus & universus populus regem ejiciebant regno.

Si

Si exempla jus faciunt: hoc & similia exempla complura probabunt, posse legitimos reges ejici ob sola liberorum delicta. Si judicia jus faciunt, idem dicendum erit. Nam Græci Romanique scriptores omnes hoc Bruti facinus collaudant, tanquam egregium: & tamen egerunt Romani contra jus gentium, uti infra demonstrabimus, & præclare jam demonstravit Dn^s BUDAËUS in *Specim. Jurisprud. hist.*

§. 47.

Ufus est Grotius & testimonio oratorum & poetarum, sed ipse agnoscit, eorum testimonia illustrare magis, quam probare, quia vix iis ullum inesset pondus. Nam i) oratorum hoc est calliditatis, ut cum opus sit, eisdem rebus ab utraque parte, vel a contrariis utantur. Cic. *pro Cluent. cap. L. 21.* Poetæ fingunt, & Horatio iudice:

- - - pictoribus atque poetis

Quidlibet audendi semper fuit æqua potestas.

Si ergo ex poetarum relationibus judicandum esset, & adulteria & incestus defenderentur, ac si essent juris gentium. Talia enim de diis, heroibus & hominibus optimis referunt. Sin ex eorum sententiis & judiciis, & vitia horrenda ex jure gentium defenderentur.

§. 48.

Pergit ad libros Vi. T. & iis quoque usum fatetur. Qua occasione primo quaeritur, an ex libris V. T. peti possit jus naturæ & gentium?

Adfirmat Jo. BODINUS in *colloquio Heptaplo-*

plomere satis pravo, * ubi jus veteris T. ipsum jus nat. esse contendit: sed eum recte refutat Grotius. V. T. enim res innumeras inculcat, quæ non nituntur ratione naturali, e. g. ut Judæi se circumciderent, ut non uterentur vestibus mixtis, ut uno tantum loco sacrificarent, cet. Ait quidem Bodinus, quamvis horum legum rationes non intelligamus, tamen inde non sequi, ut nullæ sint. Sed resp. Idem est ac si quis diceret, & bruta loqui, quamvis non audiamus. Et, si istas rationes non intelligere possumus, quomodo dici possunt esse juris naturæ, quum naturæ jus ab omnibus percipi debeat.

* Colloquium istud Heptaplomeres adhuc in MSc. latet, & est colloquium inter septem personas diversarum religionum de religione. Habetur in bibliotheca Thomasiæ, qui & excerpta quædam communicavit.

2) Deinde observat, jus divinum positivum & J. N. non pugnare. Posset existimari id falsum esse, quam plane alia inculcet jus divinum positivum, quam naturale, immo ea, quæ I. N. plane ignorat, e. g. gradus prohibitos, circumcisionem, etc. sed resp. distinguendum inter aliud & contrarium. Alia inculcat I. N. sed non contraria. Sic medicina & Jurisprudencia non pugnant, quamvis alia doceat illa, quam hæc.

Sed objiciunt quidam, leges divinas positivas etiam contraria docere, e. g. jus nat. docet, non esse furandum, & tamen Deus dixit Israelitis, *abite & mutua a vicinis vestris*

acci-

accipite vasa aurea & argentea; Jus N. prohibet parricidium, & tamen Deus jussit Abrahamum immolare Isaacum. Hic varia comminiscuntur interpretes. Sed rectissime Grotius dicit, distinguendum accurate esse jus Dei, quod Deus per homines interdum exsequitur, a jure hominum inter se. Leges N. & positivæ divinæ ea in re consentiunt, quod non sit furandum, vel occidendum: sed hæc officia homines tantum inter se servare tenentur, nec ideo sequitur, ut Deo non sit jus homini vel bona vel vitam eripere. Si id jus Deo est, potest etiam ex justis causis idem jus exsequi per homines. Jam facile patet, cur Deus jussit ab Ægyptiis vasa argentea & aurea accipi: quia id debebant Ægyptii Israelitis pro laboribus: ergo hic tamquam judex Israelitas immisit in bona Ægyptiorum. Deinde potuisset Deus Isaac vitam eripere, quam dederat, potuisset & per patris manus eripere: sed noluit tamen, & Abrahamum jussit id facere tentationis & typi causa. Unde hoc exemplum huc plane non pertinet.

3) Postremo removet errorem: quod antiqui fœderis in novo nullus usus sit. Id quidem recte fecit, sed cavendum tamen, ne omnia promiscue recepta putemus. Distinguenda enim præcepta, quæ nullam habent rationem nisi typicam, e. g. ut abstineant Judæi a certis animalibus impuris, ut ne vestibus ex lino & lana mixtis utantur, ut leprosi certo modo expientur; ut ea quæ fundamentum habent in hone-

Hein. de Jure Belli, &c. C state

state naturali. Nam de his demum vera sunt, quæ dicit Grotius: *Nos contra censemus, &c.*

§. 49.

Quia itaque sæpe usus est V. T. libris: æquum etiam putavit, libros Hebræorum adhiberi in subsidium, quia mores & sermones patrios habuere percognitos. Sed Rabbinii isti parum conferunt ad hanc scientiam. Nam

1) Fuere homines, qui clavem genuinam ad explicandam S. S. non habent, dum mysterium Christi ignorant, adeoque non possunt docere, quid in lege habeat rationem typicam, quid rationem moralem.

2) Omnes Rabbinii destituti sunt scientia morali & politica, sine qua leges interpretari velle, est nihil agere.

3) Omnes abundanter fabulis & traditionibus absurdis, ex quibus tamen conclusiones suas ejiciunt.

Quid ergo sani ex horum hominum scriptis discamus? Grotio id ab omnibus jure imputatur, quod justo magis judaizet. Primus tamen & fere solus inter Rabbinos desipere desit R. Moses Maimonides, de quo ideo fertur proverbium: *A Mose usque ad Mosen, non fuit, sicut Moses.* Scripsit hic librum sub titulo *Mora nebuchim*, id est, *Doctior dubitantium*, qui & latine exstat a Buxtorffio versus. Hic satis multa egregie disputat de moribus, quæ ad illustrationem I. N. faciunt. Reliqui Rab-

bini

bini numerus sunt, & fruges consumere nati.

§. 50.

Pergit ad libros N. T. quibus ideo se usum dicit, ut doceret, quid Christianis liceret. In his duo fugienda sunt extrema.

1) Ne existimemus sufficere Christianis, si secundum I. S. & G. vivant. Sane ita non differrent a paganis. Majorem a Christianis sanctimoniam exigit Deus; e. g. Jus naturæ permittit, ut hostem ulciscamur vel per judicia in statu civili, vel per bella in statu naturali: ast libri N. T. docent, eum & amandum, eique benefaciendum esse. I. N. & G. docet, damnum datum resarciendum esse: in libris N. T. laudatur Zachæus, qui septuplum reddiderat.

2) Ne existimemus, omnia esse præcepta in N. T. Plura enim sunt consilia tantum evangelica, quæ sub certis circumstantiis utiliter possumus exsequi, sed non absolute tenemur. Tale 1. Cor. VII. de coelibatu.

Ut paucis dicamus: Ex libris V. & N. T. non demonstratur jus N. & G. sed ostendi potest, qui termini sint naturæ & gratiæ: quousque progrediatur recta ratio, quidque novi accesserit per revelationem.

§. 51.

Sequuntur conciliorum & synodorum canones, nec non scripta patrum. Ubi quaeritur:

1) An aliqua sit synodorum auctoritas?

C. 1

2) Quæ

2) Quæ utilitas inde capienda ad illustrationem juris naturæ?

3) Quid ex patribus utilitatis sperandum?

4) Quod ad quæstionem 1. attinet, videndum quid sit synodus? Est ea nihil aliud, quam congregatio virorum ecclesiasticorum & doctorum, in qua de controversia & moribus disceptatur. Ergo 1) synodus constat ex hominibus, adeoque nulla ei tribui potest divina auctoritas. Constat ex 2) hominibus ecclesiasticis & doctoribus, quumque & hi ab affectibus non sint immunes, possunt & hi labi, errare, decipi. 3) Convocantur ad decidendas controversias & disceptandum de moribus: qua in re quum non alia norma sit, quam S. S. sequitur, ut non sit synodorum alia auctoritas, nisi quatenus earum decreta conveniant S. S. Hinc si conveniunt, synodorum canones non minus valent, quam scripta doctoris unius, qui recte docet: sin discrepant, non magis valent, quam scripta unius pseudo-doctoris, qui falsa inculcat. Multitudo enim errantium non præstat errori patrocinium.

Dicunt: plus videre oculos, quam oculum: credendum esse tot viris doctis, qui unanimiter hoc decreverint: sed resp. oculos centum cæcos vel catarrhis offusos non plus videre quam oculum unum sanum, & viros etiam doctos ad affectibus abreptos falli & fallere posse.

2) An ergo aliqua ex synodis utilitas ad J. N. redundat? Adfirmat Grotius, quia
osten-

ostendant, quid veteres Christiani singulis sæculis crediderint, quique mores apud eos fuerint recepti. Sed quid tum? An ergo quod Christianis visum, quodque apud eos fiebat est juris gentium? V. c. Multi exstant synodorum canones ex quibus patet, nuptias olim ante Sæculum IX. prohibitas fuisse usque ad septimum gradum computationis canonicæ. Exstat alius canon, ex quo patet, Innocentium Pontificem nuptias permisisse post gradum quartum: an ideo hoc juris gentium? Sic jus Gentium admodum erit mutabile?

Accedit, quod & synodi & patres sæpe utantur rationibus satis absurdis, e. g. nuptias prohibendas usque ad quartum gradum, quia sint quatuor elementa, & quatuor humores in corpore humano. *cap. ult. X. de consangu.*

3) Patrum quanta sit auctoritas, nemo ignorat. Nam quamvis omnes concedunt eos sæpe errasse, tamen & largiuntur, eosdem testes esse idoneos circa quæstionem facti, quid Christiani singulis sæculis crediderint? Modo 1) omnes vel plures consentiant, 2) propius abfuerint a sæculis primis, & 3) nullius convicti sint hæreseos, nam quidam patres, ut Tertullianus & Origenes pro orthodoxis non habentur.

Sed ad J. N. & G. probandum exiguum adferunt momentum, partim quia vix philosophiæ moralis elementis imbuti fuerunt, partim quod non quæritur in jure N. & G. quid factum sit, sed quid fieri debuit. Perpetuus est hic Grotii error,

ut jus gentium & plurium gentium consensu probet, & ideo omnia convasare studeat, unde hujusmodi consensus posset elici.

§. 52.

Sequuntur Scholastici, quos Grotius ab ingenio & modestia laudat, sed naves eorum temporum infelicitati adscribit, ut satis adpareat eum in Gallia scripsisse, ubi quam male eruditis credere soleat censura Aristotelico-Scholasticæ philosophiæ, vel Petri Rami fata docent. Vid. Jo. Launolli de var. *Arist. fortuna in Acad. Parisiensis* libellus elegantissimus.

Getegum quam male de I. N. & G. meriti sint Scholastici, paucis demonstrabimus.

1) Non solum duem elegerunt Aristotelem, sed & scriptores Arabes Mahumedanos, Aristotelis interpretes, qui totam philosophiam moralem maxime observant.

2) Omnia sine ordine tradunt.

3) Principium supponunt obscurissimum, sanctitatem divinam.

4) Jus N. & G. probant inepte ex Aristotele, jure can. civili.

5) Proponunt quæstiones absurdissimas e.g. an ob alapam intentatam aliquis possit occidi? An possit adorari hostia, de qua dubites, an sit consecrata? An sacerdos ebibere teneatur calicem; si vermes venenati inciderint? Hæ scilicet sunt quæstiones egregiæ juris naturæ & gentium, haud absimiles illi disputationi stolidi ma-

gisti. VVittebergenſis, qui Decano Fac. Philoſ. offerebat diſputationem Juris gentium, de dolore dentium, quumque Decanus eam rejiceret, mutabat titulum: Annuente ſummo Eate, Facultate concedente, de dente dolente, morbo noto in omni gente, præſidente M. Dente, diſputabitur a Reſpondente Carolo Eate.

Accedit 6) quod ſcholæſtici immiſcent principia impia de probabilismo, de methodo dirigendi intentionem, de reſervatione mentali, & de peccato philoſophico, de quibus conferri meretur LUD. MONTALTIVS in *Epistolis ad Provinciales*, & Theol. Lugduno Batavus, HOORNBEK in *praef. Tom. II. Theol. moral.*

§. 53.

Sequuntur denique JC. quos in tres ordines diſpeſcit Grotius, 1) veteres, quorum fragmenta in ff. occurrunt, 2) mediævi, qui gloſſas ſcripſerunt, ut BARTOLVS, BALDVS, ACCURSIUS, 3) novos, qui jurisprudentiam a vetere barbarie repurgarunt. De prima claſſe agit §. 53. de ſecunda §. 54. de tertia §. 55.

Antiquos laudat, quod multa juris naturalis & gentium capita tractent, & rationes perquam elegantes adferant: ſed & novos quorundam in iis notat, veluti 1) quod confundant jus naturæ & gentium, 2) quod quæ paucis gentibus communia fuerunt, pro jure gentium venditent, 3) quod omnia immiſceant juri Romano.

Sed non potuiſſe non doctiſſimos illos

viros in describendo jure gentium sapissime falli, inde colligimus.

1) Quod ne sciverint quidem, quid sit jus naturæ & gentium. Illud enim dixerunt esse, quod natura omnia animantia docuit, quum in bruta non magis cadat jus, quam in horologia vel alias machinas.

2) Quod jus gentium recte quidem definiunt, quod naturalis ratio inter omnes homines constituit: sed multa referunt ad jus gentium, quæ sunt voluntaria, e. g. testamenti factionem, manumissiones, servitutem captivorum, cet.

3) Quod in plerisque sequuti sunt Stoicos, quorum philosophia moralis multis erroribus referta est. Ictos veteres stoicos esse, docet Ev. OTTQ. *Orat. de Stoica Ictorum philosophia*. Errores autem Stoicorum morales singulari tractatu detexit Jo. FRANC. BUDDÆVS.

§. 54.

Glossatores fuere homines satis ingeniosi, sed barbari & ab historiæ ac litterarum præfidiis destituti. Hinc & in jure gentium stolidè errant. Nam

1) Id probant ex jure Rom. & Canonico.

2) Inde formant jus publicum, tum universale, tum particulare Germanorum. Hinc egregiæ doctrinæ juris Gentium in glossatoribus obviæ, Imperat. Germ. esse mundi dominum: reges apud illum posse accusari. Electores esse præfectos prætorio. Supremam majestatem consistere in jure gladii.

3) Fug-

3) Fuere pontificii. Hinc ubique re-
gnant in eorum scriptis principia papatus,
vero juri Naturæ quam maxime repu-
gnantia, c. gr. Papam esse supra Principes, cet.

§. 55.

Jurispr. primus barbarie purgavit A-
CIATUS. Hinc sequuti CŒJACIUS, FA-
BRI, BUDDÆUS BALDUINUS, HOT-
TOMANUS & alii, maxime in Gallia. Sed
quum hi operam tantum dederint juri civili
privato: hinc parum illustrent jus N. & G.

Excipit tamen auctor duos Hispanos &
duos Gallos. Ex Hispanis COVARRUVIAM
& VASQUTUM, ille scripsit *varia*, hic *com-
roversias illustres*. Ille modeste: hic, ut
ait auctor, liberrime, adeo ut & princi-
pes delinquentes deponi statuatur, quam sen-
tentiam refutat auctor infra Lib. II. cap. I.
§. IX. §. 2. sequi.

Ex Gallis laudat Jo. BODINUM, cujus ex-
stant *libri de republica*, in quibus tamen
multa sine ordine & justa demonstratione
traduntur, & FR. HOTTONANUM, cujus
questiones illustres elegantes sunt, nisi quod
auctor fuit Monarchomachus, ceu ex ejus
opere, quod *Franco Galliam* inscripsit, ad-
paret.

§. 56.

Reliquum est ultimum partis specialis
membrum, in quo leges quasdam expli-
cat, quas ipse sibi in hoc opere elaboran-
do præscripserit.

1) Præfatus sibi hanc legem dixit, ut om-
nia demonstraret evidenter, proponeret ordi-

de, & quæ diversa sunt, distingueret. De duobus posterioribus nihil est, quod moneamus, nisi quod paullo scrupuloser distinxit jura naturæ & gentium, quum tamen, uti diximus, unum jus sint. Ast in primo sæpe defecit. Multa enim juris gentium esse, demonstravit testimoniis & exemplis, quod quam periculosum sit, supra exemplo idololatriæ docui.

§. 57.

2) Secunda lex est: ne quid quod ad rem non pertinet immisceret. Quod religiose præstitit. Alii enim auctores immiscerent philosophiam moralem, ut Cicero; alii theologiam & casus conscientiæ, ut Scholastici; alii politicam, ut Bodinus. Ast hæc disciplinæ omnes differunt.

1) Philos. mor. tradit, quid bonum vel malum: jus naturæ, quid justum vel injustum: Politica, quid utile vel noxium. Ista perducit ad felicitatem internam vel tranquillitatem animi, illud ad justitiam, hæc ad prudentiam.

2) Omnes hæc disciplinæ conclusiones suas ex recta ratione petunt. Theologia ex revelatione, ex qua etiam casus conscientiæ decidendi.

§. 58.

Tertia lex: se nolle immisceri controversiis nostri sæculi, inter Pontificios puta & Protestantes. Hinc protestatio elegans sub finem §. *Vere enim profiteor cet.*

Et sane potuisset id Grotius, si ex sola recta ratione quæ apud pontificios & protestantes est eadem, disputasset. Quia autem

cem multa ex S. S. immiscuit, quam aliter sæpe Pontificii, aliter alii coetus & sectæ explicant, fieri non potuit, quin modo huic, modo alteri sectæ favere videretur. Unde & ab omnibus vapulat vir bonus, & quasi Arminianis & aliquando Socinianis justo plus faveret, accusatur.

§. 59.

Quarta lex: Ut dicendi genus sectaretur breve & concisum, quia id ad docendum sit aptissimum. Et sane nec elegantia, nec brevitatis, nec pondus & gravitas deest Grotii stylo. Inprimis enim hac virtute eminebat vir doctissimus, ut varios styli characteres exprimeret. In historia Belgica Tacitum expressit; in his libris non infeliciter imitatur Ciceronis libros philosophicos.

§. 60.

Quinta lex; Ut verba auctorum ipsa non allegaret, nisi quid ponderis vel elegantiae insit. Fuit eo tempore is gustus eruditorum, ut hujusmodi auctorum testimoniis delectaretur, uti patet ex scriptis Grotii, Seldenii & aliorum.

Sed jam alii monuerunt: sic quidem eruditione multiplici refertum esse Grotii opus, at minus perspicuum, quam si allegationes has, quæ nihil ad demonstrationem I. N. & G. faciunt, omisisset. Hinc tantum applausum meruere Hobbesius & Pufendorffius, quod ille in suo libello *de cive*, hic in libello *de offic. hom. & civis* non nisi suas meditationes proponerent, nullaque allegarent veterum testimonia.

Nos in posterum parum solliciti de his corticibus, ipsum nucleum ex Grotii opere quæremus.

§. 61.

Postremo §. imitatur pontificios, inter quos scripsit: & ne forte libri impressio prohiberetur, addidit sollemnem protestationem, ut, si quid bonis moribus & pietati contrarium a se dictum sit, id ne dictum esset. Sed hæc protestatio facto procul dubio contraria visa est Pontifici Romæ, qui, ut jam supra monui, & Grotii opus in indicem librorum prohibitorum referri iussit.





LIBER PRIMUS.

CAPUT I.

Quid Bellum? Quid Jus?

§. 1.



Uum hoc opus inscribatur de jure Belli & Pacis, prius Grotius de Bello agendum putavit, quia illud propter pacem geritur. Ut autem titulus corectius intelligatur, explicat hoc capite 1) quid bellum sit §. 2. 2) quid & quodplex jus sit §. 3. ad fin.

§. 2.

Quod ad belli definitionem attinet, antea n. 10. omnia tenendum illud bisariam accipi, vel 1) pro ipso hostium certamine, vel 2) pro statu hostili. e. g. Quando bellū Marathonium describunt historici, intelligūt ipsū illud memorabile certamen vel praelium, quo Miltiades maximum Darii exercitum confecit. Si vero dico bellum de successione Hispanica, non intelligo sola proelia in Italia, Hisp. Ger. & Belgio facta, sed totum statum hostilem, qui tot annos

annos duravit inter Gallos & Imperia vicina confœderata.

- Jam si quæro, quid sit bellum priore sensu acceptum? definitionem suppeditabit Cicero. *Bellum est certatio per vim*. Si de posteriore sensu quæstio est, definitio Grotiana obtinet: *Bellum est status per vim certantium*. Unde & bellum inter paucos, immo inter duos esse potest, idque auctor illustrat vocabulo Latino & Græco. Latinis olim bellum dictum est *duellum*, quia duo ad minimum certant per vim: Græcis πόλεμος a πολλός multus, quia multi inter se digladiantur. Ex quo collegit auctor, quamvis usu obtinuerit, ut bellum hodie vocemus statum, quo duo vel pauci inter se certant, seu quo iusti exercitus inter se concurrunt, tamen re ipsa perinde esse sive multi sive pauci certent.

Hæc Grotius noster. Sed quamvis ea omnia facile admittamus, dici tamen non potest, definitiones vel Ciceronis vel Grotii iustas & accuratas esse. Nam 1) ante omnia distinguendi sunt status, naturalis & civilis. In statu civili qui communi magistratui subsunt, illi non possunt inter se per vim certare, sed iudicium implorare auxilium. Qui vero in statu naturali vivunt, iis per vim certandi jus est, adeoque hi soli gerunt bellum: quis enim dixerit cives Francqueranos inter se bellum gerere, si quando iis furor arma ministrat? Rixæ hæ sunt & jurgia vel singularia certamina a magistratu punienda, non bella. 2) Si vera est definitio utraque, etiam ii qui ludos

dos equestres instituunt, quos veteres *tormentamenta* vel *sourniers* vocant, bellum gerunt, quia & ipsi per vim certant: quod tamen nemo dixerit, quum non sint in statu hostili, sed virtutis exercendæ causa concurrant.

Quum itaque definitio suo definito paulo latior sit, ea ita erit emendanda: *Bellum est status hominum vel societatum liberarum, (id est, in statu naturali viventium) de jure controverso per vim certantium.*

§. 3.

Sequitur jam altera pars capitis de jure, ubi quæritur:

1) Quotupliciter jus accipitur? §. 3. 8.

2) Quotuplex sit? §. 9. ad fin.

Jus accipitur vel pro jussu, vel pro attributo personæ. Primo sensu jus generationi vocatur quod justum est, vel quod non est injustum, id est, quod leges permittunt. Et hoc sensu ULEIANUS in l. 1. *pr. ff. de J. & J.* dicit *jus a justitia descendere, non grammatico, (nam ita, ut supra monuimus, a jussu dicitur) sed moraliter, quia jus est, quod justum est.*

Quumque supra probatum sit, homines socialiter vivere debere, & hunc esse universi juris fontem: sequitur ut id demum jus vocetur, quod naturæ societatæ ratione utentium non repugnat, quod variis exemplis illustrat ipse Grotius. Sic jus est, neminem alteri detrahere, jus non est, alterum alteri insidiari, furari, occidere, falsum testimonium dicere, quia hæc omnia naturæ repugnant.

Hæc

¶ 1. Hæc prima est vocis acceptio, quando jus dicitur pro lege. Et tunc jus dividitur in rectorium & æquatorium.

Rectorium est, quod intercedit inter inæquales, id est, superiores & inferiores, e. g. Deum hominesque, inter patrem & liberos, imperantem & subditos.

Æquatorium, quod intercedit inter æquales, e. g. foederatos, resp. vicinas, fratres, concives.

Effectus utriusque juris sunt diversissimi. Nam rectorium non habet mutuas præstationes e. g. princeps iure exigit tributa a subditis, sed non subditi a principe. Pater iure castigat liberos, sed non liberi patrem. Contra jus æquatorium exigit præstationes mutuas & reciprocas. e. g. foederatus alteri debet auxilium, civis civi officia humanitatis ex utraque parte.

§. 4.

Alterâ vocabuli juris acceptio est, quando sumitur pro attributo personæ, & tunc est qualitas moralis personæ competens, ad aliquid iuste habendum vel agendum, e. g. jus huic personæ est piscandi, venandi, navigandi, cet. Hic jus non pro lege, sed pro qualitate quadam personæ, non physica, (quia in natura hominis nihil mutatur,) sed moralis.

Et ita acceptum jus iuris dividitur in jus in re & ad rem. Jus in re est facultas hominis in rem competens, sine respectu ad certam personam. e. g. dominium, servitus, pignus, hereditas.

Jus ad rem est facultas competens personæ

sonæ in personam, ut hæc aliquid facere vel dare teneatur, e. g. jus ex contractu vel delicto natum, quod & obligatio dicitur.

Illud dat actionem adversus quemcumque possessorem, quia ipsa res mihi obstricta est: hoc tantum adversus eum, quocum mihi negotium intercessit, quia persona mihi obligata est.

Hoc jus, quod pro attributo personæ accipitur, Grotius denuo dividit in facultatem & aptitudinem: vel quod perinde est, in jus perfectum & imperfectum, de eoque agitur §. seq.

§. 5.

Facultas seu jus perfectum est jus, quod ex legibus nascitur, eoque pertinent omnia jura in re, ut Dominium, hereditas, pignus, servitus; & omnia jura ad rem, uti obligationes ex contractibus, delictis & diversis causarum figuris.

Aptitudo autem est jus, quod ex virtute ex honesto & decore nascitur, ut liberalitas erga pauperes, officia humanitatis cet.

§. 6.

Facultas iterum dividitur in vulgarem, & eminentem. Illa competit privato cuivis, hæc summo imperanti. Sic domino est jus in re sua, sed dominium eminens penes imperantem. Patri est jus in filium, sed eminens potestas apud summum imperantem. Sed hic notandum

1). Illud jus eminens magis imperium esse, quam dominium aut patr. potestatem

2) II.

2) Illud locum non habere nisi 1) in casu extremæ necessitatis, & 2) in poenâ ob satisfactionem reip.

3) Si ob necessitatem hujusmodi jus exerceatur, reliquos cives teneri ad indemnitate præstandam. Unde JCti hic concedunt actionem utilem ex L. Rhodia de jactu. Elegans exemplum de civitate Imperiali Svevica, quæ cæsis ad Hochstetum Gallicis & incendium minantibus menstruum tributum pro tota Svecia solvere fuerat coacta, & adversus reliquas civitates instituebat actionem utilem ex L. Rhodia de jactu, & victoriam reportabat.

§. 7.

Haftenus de jure perfecto vel facultate: sequitur aptitudo vel jus imperfectum, quod Aristoteles dignitatem vocat. Per illud intelligimus jus ex sola honestate vel virtute natum, quod nullam producit actionem.

Rationes jam reddimus. Nam 1) nec virtus potest cogi, nec 2) subjectum aliquod determinatum hic adest, quod hujusmodi officia solum debeat.

Jam id addimus, ex aptitudine fieri posse facultatem, ex officio imperfecto perfectam, 1) in extrema necessitate, & 2) si princeps vel imperans lege lata, & poena proposita hoc officium inculcet. e. gr. Nemo cogitur ex fonte suo etiam pati haurire aquam: sed cogi potest, si urbs obsessa alium fontem non habeat. Non cogitur quis dare pauperibus, & famelicis panem: sed si princeps poenali edicto id

ju-

jubeat, cogitur: quia jam obligatio non ex sola virtute, sed ex lege est.

§. 8.

Ex hac distinctione juris in perf. & im-^{n. 1.}
perfectum nova nascitur distinctio justitiæ
in explettricem & attributricem: illa suum
cuique tribuit, quod jure perfecto debe-
tur: hæc, quod jure imperfecto.

Ut autem, cur Grotius hanc distinctio-
nem invenerit, pateat: sciendum est, Ari-
stotelem jam justitiam distinxisse in *συναλ-
λακτικήν* seu *commutativam*, & *διανεμητι-
κήν* seu *distributivam*, quam distinctionem
Juri in omnibus compendiis repetunt. Sed
Grotio hæc distinctio non satis accurata vi-
sa est, atque hinc novam & meliorem sub-
stituit, in explettricem & attributricem.

Videbimus itaque, 1) quomodo Aristot-^{n. 2.}
eles hanc distinctio-
nem explicet.

2) Quomodo alii do-
ctores illam emen-
dare conentur.

3) Quid in illa desi-
derandum sit.

1) Aristoteles ait justitiam commutati-
vam servare proportionem arithmetica, et
eamque locum habere in contractibus: di-
stributivam contra servare proportionem
geometricam, eamque locum habere in
premiis & poenis.

Proportio autem arithmetica servari di-
citur, quoties ad rem ipsam respicitur, non
ad personæ dignitatem & merita: e. g. pi-
stor panem eodem pretio vendit & nobili
& pleb.

& plebejo. Proportio autem geometrica, quando non respicitur ad solam rem, sed ad personæ dignitatem & merita, e. gr. princeps in distribuendis officiis inter duos cives ambientes munus jure præfert doctum indocto, bene de rep. meritum ei, qui nullo sibi merito temp. obstrinxit.

2) Ita Aristoteles. Quia autem hæc non usque quaque recte se habent: ideo alii, nempe HORNBIUS Prof. Helmst. *Ethic. lib. 3. cap. 11. §. 24.* rem paullo aliter explicat, & Justitiam commutativam versari dicit circa res singulorum, contra distributivam circa res communes. E. g. ærarium est commune. Ex eo non singuli concives, milites, ministri idem accipiunt salarium, sed pro sua quisque dignitate & merito: itaque in eo servatur proportio geometrica, id est, justitia distributiva. Contra panis est res propria pistoris, in eo vendendo non servatur alia proportio quam arithmetica, adeoque justitia commutativa.

3) Sed quæritur, quid in his omnibus desideretur? Resp. 1) Vocabula rem non satis exprimunt, nam *συναλλακτικὴ* dicitur a *συναλλάγματος*, a contractu: quum tamen etiam in restitutione damni dati locum habeat, ubi nullus contractus præcessit. Hinc Grotius rectius dixit justitiam esse, vel expletricem, vel attributivam.

2) Definitiones quoque falsæ sunt: nam falsum est in solis contractibus servari proportionem arithmetica: siquidem jam vidimus eam locum habere etiam in restitutione damni. Falsum etiam, in solis delictis

Etis & præmiis locum habere geometri-
cam, siquidem & in testamentis, legatis
cet. locum habet.

3) Falsum est, commutativam versari
in rebus tantum propriis, nam & respubli-
ca debitor non plus ex communi arario
solvit creditoribus, quam debet; falsum
quoque distributivam versari tantum in ro-
bus communibus, nam & testator de suo
legat cuicque, quantum mereri videtur.

Quum itaque hæc Aristotelis doctrina
falsa sit, præclare Grotius eam emendavit
dixitque justitiam vel expletricem esse vel
attributricem, & illam cuicque tribuere,
quod ipsi debetur jure perfecto, hanc,
quod jure imperfecto.

§. 9.

Hactenus prior pars, articulus de juris
diversa acceptione, sequitur alter de divi-
sione juris.

Dividitur autem jus in naturale & vo-
luntarium, de naturali agitur §. 9. 12. de
voluntario §. 13. fin.

Divisio hæc pertinet ad jus pro lege ac-
ceptum. Hinc quæritur quid sit lex?

Resp. Grotius legem esse regulam actuum
moralium, obligantem ad id quod rectum
est.

Dicitur itaque lex *regula*, quia ad eam
actiones componimus, *actuum moralium*,
vel humanorum, id est, qui ab intellectu
& voluntate pendent, quia actionibus na-
turalibus leges non præscribuntur, *obligans*
ad id quod rectum est.

Sed

- Sed quaeritur hic 1) an hæc definitio recte se habeat?
2) An & lex permissiva sit lex?

1) Ad prius respondemus, non adeo accuratam esse legis definitionem, ob verba postrema: *obligans ad id quod rectum est*. Ita enim sequitur, ut aliquid sit rectum ante legem: quod absurdum, quia nisi lex esset, nec rectum aliquid esset, nec pravum. Sed non aliter potuit Grotius definire, immersus scholastico præjudicio, quod aliquid sit justum ante legem, adeo ut jus naturæ futurum sit, etiamsi non esset Deus, uti vidimus *Proleg. §. 11*. Hinc dicimus, legem esse *regulam actionum moralium a superiore præscriptam subditis & obligantem ad id, ut actiones secundum hanc legem insistant*. Non enim lex obligat ad id quod rectum est, sed ideo aliquid rectum est, quod lex ad id obligat.

2) Qu. an lex permissiva sit lex. e. g. *Studiosis gladiariis incedere licet*? Resp. Grotius, non videri, quia proprie non obligat? Sed recte se ipsum deserit: lege enim permissiva obligantur omnes cives, ne alterum in exercitio juris sui turbent. Ita etiam de privilegiis recte dicitur, quod sint leges, non quidem privilegiatos obligantes, sed alios, ne illos in exercitio privilegii sui turbent.

Jam itaque ad ipsam divisionem juris præceditur auctor. Jus vel naturale est, vel voluntarium: illud Hebræi vocant Mizuoth, hoc Chiikkim; illud jus, hoc præcepta.

Jus naturale est, quod ex ipsa recta ratione fluit, e. g. ne occidito: voluntarium, quod ex sola legislatoris voluntate, e. g. ne comede carnem suillam.

Hujus ratio itaque est honestas ac turpitudinis naturalis. Et hinc hoc jus est necessarium, quatenus Deus nihil velle potest turpe, nihil quod rectæ rationi repugnet. E. g. Si lex vetat homicidium, ejus legis nexus tam manifestus est cum natura rationali, ut unusquisque, cui sana ratio est, facile intelligat, id vetitum esse. Qui enim non vult, ut alteri sit libertas se occidendi, is nec sibi eam licentiam debet arrogare. At, quod non licet ducere fratris filiam, quod Deus vetat Lev. 18. & quod non liceat merces inferre provinciæ sine vectigali, quod imperantes constituunt: ejus rei ratio naturalis nulla est. Illud itaque jus est naturale, hoc voluntarium.

Quæritur, quotuplex sit jus naturale? respondet auctor, quædam juris naturæ esse proprie, quædam minus proprie. Sed rectius dixeris, quædam esse juris naturæ *permissivi*, quædam *præceptivi*.

1.) Juris naturæ permissivi sunt, quæ recta ratio nec præcipit nec vetat, e. g. pacta facere, bellum gerere, testamentum condere.

2.) Juris naturæ præceptivi, quæ vel præcipit sana ratio, vel vetat, e. g. pacta servare, bellum injustum non gerere, testamento nemini jus suum auferre.

Hæc jura permissiva & præceptiva maxime inter se discrepant. Illa enim produ-
ducunt

ducunt tantum impunitatem, hæc poenam vel præmia. Illa obligant non eum, cui quid permittitur, sed alios, ne illum impedian, hæc obligant omnes. In illis aliquid licet summis Imperantibus, e. g. ut pacta nuda non valeant, sed certis ritibus inita, ut testari non liceat de bonis immobilibus, feudalibus, cet. sed nihil licet in his. Nam nullus imperans potest prohibere, ut pacta plane nulla valeant, ut possit alicui jus suum auferri.

n. 4. Novam divisionem reperimus n. 4. Quod jus naturæ versetur vel circa actus, qui citra humanam voluntatem consequuntur. Sed quum hæc paullo obscuriora sint, dici potest, jus naturæ esse vel *absolutum*, vel *hypotheticum*.

Absolutum est, quod nihil ponit ad obligationis effectum, quam aliquem esse hominem, e. g. neminem læde, damnum datum refunde cet.

Hypotheticum, quod supponit certa instituta humana, iisque non introductis non valeret. Sic e. g. furtum non esset jure naturæ prohibitum, nisi introductum ab hominibus esset dominium.

Talia instituta humana, unum ex Pufendorffio meminimus, sunt quatuor, sermo, dominium, rerum pretium, vel civitas.

Ceterum probe observanda est divisio, partim, quia ejus neglectus viros maximos in errorem induxit, e. g. Salmasium, qui negavit, furtum repugnare juri naturæ, partim, quia & natura & effectus hæc jura quam maxime differunt. Nam

1) Ab-

1) Absoluta sunt pura, hypothetica conditionata. Pacta serva, pura est propositio, adeoque semper & omnes obligat. Ne furare, est propositio in se conditionata, si dominium introductum. Nam eo non introducto cessat lex. Sic e.g. nec Adamus nec Eva inter se furtum committere potuerunt.

2) Jura absoluta ab initio mundi valuerunt: hypothetica non. E. g. Neminem lædite & protoplastis dictum, iis vero dici non potuit: parete imperantibus, quia tunc nulla adhuc erat resp.

Post divisionem auctor agit de attributo n. 5. 6. juris naturæ primario, quod sit immutabile. Id probatur ex duplici ejus fonte. Alter est DEI voluntas, atqui quum in DEO nihil sit mutabile, nec ejus voluntas mutari potest. Alter fons est recta ratio, quum vero impossibile sit, ut quod semel rectæ rationi convenit, eidem repugnet, impossibile quoque est, juris hodie naturæ aliquid esse, quod cras ei repugnet.

Objici posset, Deum esse omnipotentem, adeoque posse eum & jus naturæ mutare. Sed resp. Omnipotentia est facultas DEI infinita faciendi, quod vult. Ergo quod non vult non potest. Hinc non potest mentiri, uti ait scriptura, quia non vult. Non potest facere, ut bis duo sint sex, quia non vult, non potest mutare jus naturæ quod non vult. Non vult autem, quia nihil absurdum vult.

Objici posset 2) nonnunquam tamen Deum mutasse jus naturæ, e. g. jubentem

Hoin. de Jure Belli, &c.

D ut

ut Israelitæ vasa auferrent ab Ægyptiis, ut Abrahamus mactaret filium: sed resp. 1) non jus mutatum esse sed rem. Nam non Deus jubebat furari, sed auferre, quod jam Israelitis debebatur: non jubebat Abrahamum occidere filium, sed tentabat, an occisurus sit. 2) Furtum est, si homo homini quid aufert, non si Deus homini: homicidium est, si homo homini vitam aufert, non si Deus homini.

n. 7.

Accedit adhuc monitum. Quædam non simpliciter juris naturæ esse, sed pro certo rerum statu, quamvis non sint officia hypothetica. Et talia sunt omnia præcepta affirmativa, quæ tantum obligant data occasione, vel positis circumstantiis habilibus. e. g. Cole Deum cultu externo, puta si id fieri potest. Hinc non obligabantur eo præcepto Judæi obsessa urbe, cet. Homi- nibus aliis inservi, si occasio sit. Hinc vitio verti non potest medico, quod neminem sanat, si desint ægroti.

Ex quo etiam sequitur, ut omnia hæc præcepta cedant necessitati. e. g. nemo pauperi dare tenetur id, quo ipso indiget, nemo alium servare tenetur, quum ipse sit in periculo.

§. II.

n. 1.

Hactenus actum de jure naturæ: jam querit, an discrimen quod in legibus nostris inter jus naturæ & gentium occurrat, recte se habeat?

Definit Ulpianus jus naturæ, quod natura omnia animalia docuit: jus gentium, quod naturalis ratio inter omnes homines constituit.

nis. Juste enim vivere, Stoicis erat secundum naturam vivere. Natura vel communis erat hominibus & brutis, vel illis propria. Ergo & jus vel utrisque commune erat, vel proprium, illud naturale, hoc gentium jus vocabant. *L. 1. §. 3. 4. ff. de just. & jar.* Queritur, itaque, an hæc doctrina recte se habeat?

Negat Grotius 1) quod bruta non possunt obligari. Obligatio enim supponit rationem, vel intellectum & voluntatem liberam. Utraque brutis deest.

2) Quod bruta omnia agunt ex impetu instinctuque naturali, sine ratione & conscientia, uti jam supra ad Prolegom. §. 7. docuimus. n. 2.

Objici potest. Ast & Brutis quædam tribuitur justitia & injustitia. Multas historiolas hujus generis narrat Aristoteles, Plinius & Ælianus, veluti quod canes gravi fuerint adversus dominos, quod aspis catulum suum, qui hospitem interemerat, necaverit, quod equus noluerit coire cum equa, ex se nata, &c. Sed 1) istæ narratiunculæ fabulam sapiunt. 2) Si quid hujusmodi factum, id ex impetu, non ex proposito aliquo aut obligatione legis factum.

§. 12.

Quum itaque hætenus, quid jus naturæ sit, fuerit explicatum: querit, quomodo probetur, aliquid juris naturæ esse? Responder, vel a priori, vel a posteriore. n. 1. 2.

A priori per rectam rationem: si conveniat aliquid naturæ hominis rationalis, &

sociali: e. g. si probo neminem lædendum, quia alias homo cum homine in societate vivere nequeat.

A posteriore per inductionem, si plures gentes hujusmodi jus loquutæ sint. Posterius hoc inde probat: quia universalis effectus requirat universalem causam; talis autem nulla excogitari possit alia, quam sensus communis. Hinc multas adducit sententias veterum, quæ idem inculcant.

Sed primo falsam esse hanc illationem, jam in prolegomenis demonstravimus exemplo idololatriæ, & πολυθεότητος.

Deinde falsum quoque est, consensus istius causam non aliam excogitari posse, quam sensum communem. Vera enim causa, uti ipse Grot. in libello, *de veritate religionis Christiana* falsus, est traditio, quia gens a gente mores adsumsit. Sic e. g. clarissimum est, nullam esse causam naturalem, cur septem dies numerentur in hebdomade, quum æque facile cyclum octo, novem vel decem dierum servare potuissent: itaque per traditionem id ad omnes gentes manavit. Ita etiam quod homines numerant usque ad decem, quum & ad quatuor numerare potuissent, nullam habet rationem naturalem, causa enim quod decem sint digiti, quam Artes allegat, admodum diluta est. Est itaque traditio. Et sic in reliquis res habet.

Unde sane sequitur, non esse alium genuinum jus naturæ probandi modum, quam a priori, ex recta ratione.

§. 13.

Haecenus actum de jure naturali: jam sequitur voluntarium, idque Grotius noster in *humanum & divinum* recte dispescit. Humanum a voluntate humana; divinum a divina proficiscitur. e. g. Humanum jus voluntarium est: Qui furtum fecerit, suspendio adficitur, nulla enim est ratio naturalis, cur præcise fur suffocandus & non alia poena adficiendus sit.

Divinum a voluntate divina est: e. g. Qui sanguinem humanum fuderit, ejus sanguis fundatur.

§. 14.

Humanum denuo dividit Auctor in *jus n. 1. civile*, sive arctius patens, & *jus gentium*, sive latius patens. Illud singulae gentes sibi ipsae constituunt, vel nomine gentium suprema majestas. Hoc vel omnibus vel multis gentibus commune est. Addit multis gentibus. Vix enim præter jus naturæ ullum jus commune omnibus gentibus esse fatetur.

Sed multipliciter hic labitur auctor, ut a Pufendorffio, Zieglero, aliisque observatum est. Nam

1) Falsum est, jus gentium esse voluntarium: si enim voluntarium est, aut a Deo est, aut ab hominibus; si a Deo, falsum est, illud non omnibus esse commune; si ab hominibus, est mutabile, & singulae gentes illud possunt abrogare.

2) Falsum est, jus gentium esse, quod apud multas gentes receptum. Nam ita & jus gentium erit, quod pileum detrahimus salutantes, quod absurdum.

3) Falsum est, esse humanum. Nemo enim hominum potuit gentibus leges præscribere. Nec gentes unquam pacto huiusmodi quid statuerunt.

Ut itaque error pateat, observandum est, jus gentium diversimode accipi.

1) Pro attributo diversarum gentium, seu facultate morali, per quam gentes aliquid licite agunt, & tunc jus gentium ex ipso jure naturæ est. e. g. jus bella gerendi, mittendi legatos, cet.

2) Pro moribus plurium gentium, e. g. quod olim omnes captivi in servitutem detruderentur, quod bella declarentur solemnibus ritu. Hoc jus plane arbitrarium est, & a singulis abrogatur gentibus, immo vix jus dici potest.

3) Pro jure civili, a multis gentibus recepto, ut hodie jus Romanum ubique viget. Hoc improprie dicitur jus gentium, quia vere & proprie civile est.

4) Pro jure quodam omnes gentes obligante, necessario & perpetuo. Et hoc negamus differre a jure naturæ, nisi sola applicatione. Hinc a) quum Grotius dicat, hoc jus esse voluntarium, nobis est naturale, b) quum Grotius illud dicat multis gentibus commune, nobis illud omnibus commune est. c) Quum Grotius sit jus humanum, nobis illud divinum est.

Unde nec admittimus probandi modum, quem commendat Grotius. Nam quum jus G. sit ipsum jus naturale: non aliter probari potest, quam a priori, ex ipsa ratione naturali.

• Progreditur auctor ad jus divinum voluntarium. Id ex solq DEI arbitrio vel voluntate liberrima descendit, cujusque nulla alia reddi potest ratio. e. g. gradus in matrimonio prohibiti. n. 1.

Illud A. dividit in univērsale, & particulare. Univērsale omnes homines obligat, particulare populū unum, veluti Judaicum. n. 2.

Univērsale aliqui negant reperiri, uti Thomasius, & quidem 1) quia nullus excogitari possit modus promulgandi. 2) Quia justitia DEI non ferat, ut quis puniatur, cui lex non publicata sit.

Sed prævidit hanc objectionem Grotius, dixitque omnino esse modum promulgandi. Nam ter esse jus univērsale promulgatum a DEO 1) per Adamum, quod vero Adamo dictum, id universis dictum esse, 2) per Noachum post diluvium, cujus familia denuo genus humanum univērsum representavit, & 3) per Christum. Sed quamvis hæc omnia concedantur, tamen non concipi potest, quomodo promulgatæ sint leges de gradibus prohibitis, a Mose quippe præscriptæ. Enimvero, quamvis postremum fateamur, de prioribus tamen promulgationibus nihil constat: adeoque tutissimū erit dicere, leges illas non fuisse univērsales antequam Christus illas universo orbi publicavit.

Jam de voluntario particulari, quod datum Hebræis. Iis leges dedit Deus partim criminales, partim forenses, quæ solōs Judæos obligabant. Id probatur. n. 1.

1) Ex locis a Grotio allegatis Deut. IV. 7. Ps. CXLVII.

2) Ex ratione typica. Ritus enim Judaici erant typus Christi exhibendi, adeoque non pertinebant ad gentiles, quibus illa promissio ignota erat.

3) Ex ratione legum civilium. Lex forensis erat lex civilis. Lex civilis non obligat, nisi ipsam civitatem.

n. 2.

Quærit autem Grotius:

1) An & alienigenæ ad Judaismum transeuntes legibus his obligati? n. 2. 7.

2) An & nos teneamur? n. 8.

3) Qualem usum hæ leges præstare possint? §. 17.

1) Alienigenas ad Judaismum transeuntes non obligatos fuisse legibus cærimoniis, probat inde,

a) Quia iis lex non promulgata, sed Israeli: *Audi Israel*. Sed objici potest 1) etiam decalogo hæc verba præmissa: *Audi Israel*. 2) Promulgatas quidem has leges non fuisse gentibus, sed tamen iis, qui ad Judaismum transierint.

n. 3.

b) Quia & inter Judæos vixerint circumcisi pii & timentes dominum. Eoque refert exempla Syrophænicæ, Cornelii, Græcorum.

n. 4.

c) Quia & extraneis licebat adorare in templo.

d) Quia nec Elifæus Naamano, nec Jonas Ninivitis leges has imperavit.

n. 5.

e) Quia lege circumcisionis soli Abrahami posterii tenebantur. Unde & conjecturam profert, gentes circumcisas, qua-

rum

rum meminit HERODOTUS, ab Abrahamo ex Cethura descendere. Quamvis autem verum sit, solos Abrahami posteros obligatos esse circumcisione: falsum tamen est, gentiles circumcisos ab Abrahamo descendere. Ægyptios enim a Chamo Noachi filio descendere ex ipsa S. S. constat.

MARSHAMUS igitur in *canone Chronol. & SPENCERUS* in libro erudito de *LL. ritibus Hebr.* existimant, Judæos circumcisionem ab Ægyptiis didicisse: sed id falsum esse docuit cl. WITSIUS in *Ægyptiacis*. Turissime itaque dixeris, Ægyptios imitatos esse Hebræos inter se viventes, eosque circumcisione non usos tanquam signo & sigillo foederis, sed tanquam curatione physica, quemadmodum etiamnum Æthiopes, qui Abissini vocantur, circumciduntur, quum tamen sint Christiani. Qua de re erudite egit JOH. LUDOLFFUS in *Historia Æthiopica*.

f) Quia gentibus data sit lex naturalis n. 6. tantum, id quod probat ex Rom. II. 14. Vbi non obscure prodit sententiam suam, quod gentiles & per legem juris naturæ Deum propitium habere potuerint, quod veteres patres statuerunt, CLEMENS ALEX. ORIGENES & JUSTINUS MARTYR. Sed hanc opinionem jure rejiciunt theologi: quum extra christum nulla sit salus, nec lex naturæ ulli mortalium ostendat medium propitiandi Deum. Lex ergo naturalis data est gentilibus, non tamen, ut per illam justii fierent, sed ut ea servata lumine augustiore digni haberentur.

Quum itaque hæc argumenta pro parte n. 7.

vix admittenda sint: an recte inde intulit Grotius, gentiles alienigenas obligatos non esse lege Judæorum particulari?

Resp. Distinguehdum esse: 1) inter profelytos justitiæ, & profelytos quos peregrinos vocabant. Illi in Judæorum numerum recipiebantur, & hinc opuserat circumcissione & implèrione legum omnium. Hi tantum baptismo initiati satisfecisse credebantur, si servarent septem præcepta Noachi.

2) Distinguo inter leges cæremoniales & forenses. Illis non nisi profelyti justitiæ tenebantur: his, quicumque in civitate vivere vellent cum Israelitis.

m. 8.

II. Quum itaque certum sit, profelytos non omnes legibus Jud. fuisse obligatos: quæstio altera nascitur, an nos Christiani teneamur? Haud obscure id negat Grotius. Dicit enim Christum non tam nos a lege Mosaica liberasse, quam sepimentum sustulisse, ut Judæi & gentes in unam ecclesiam coalescerent. Sed omnino nos liberatos esse ab hoc iugo, patet inde: 1) quia quoad cæremoniale cessat ratio legis typica. Cessante ratione legis cessat lex. 2) Quia Paulus in tota epistola ad Galatas graviter disputat adversus illos, qui circumcissionem aliasque cæremonias etiam Christianis obtrusas vellent. 3) Quia, quoad legem forenses, certum est, illam esse tantum civilem, qua non tenetur, nisi civitas, quæ sibi hanc legem tulit.

§. 17.

n. 2.

Reliqua est 3. quæstio: Quem usum leges istæ

Iste Judaicæ habere etiamnum possint? Eam enim plane inutilem esse, credere vix licet. Grotius itaque triplicem adsignat usum.

1) Primum, quod ea, quæ illa lege n. 2. præcipiuntur, non sint injusta. Deus enim non potest sibi esse contrarius, adeoque lege voluntaria quid statuere contra legem naturalem. Sed tamen distinguit inter leges præceptivas & permissivas; & de illis solum intelligendum monet, quod scripserit. Nam e. g. Judæis permissa erat polygamia, permissum divortium ob quamcumque causam: quod tamen non ideo justum arbitramur.

Sed nec hæc Grotii distinctio rem conficit. Nam addenda erat altera inter leges cærimoniales & forenses. Illæ justæ erant, nec repugnabant juri N. pro statu & conditione illorum temporum: repugnant autem hodie.

2) Alterum in eo consistere putat Grotius n. 3., quod & inter Christianos possint similes ferri leges. Sed recte excipit leges cærimoniales. Nam illæ hodie rationi repugnarent, Christo jam exhibito. Adeoque non ferenda esset hodie lex, quæ injungeret circumcisionem, sacrificia, cet.

3) Virtutes Judæis præceptas nos Chri- n. 4. stianos eo magis obligare, 1) quia promissiones nobis majores factæ, 2) quia nobis vires gratiæ majores sunt. Sed quamvis hæc recte se habeant: Distinguendum tamen inter virtutes morales & civiles. De moralibus nemo dubitat: ast quod Grotius in hunc censum etiam refert decimas.

sacerdotibus dandas, id indicio est, Grotium etiam ad leges forenses & criminales respexisse.

C A P U T II.

An bellare unquam iustum sit?

EXpenso generatim titulo, propositifque iis, quæ generatim ad definitiones belli & juris pertinent, sequitur jam altera quæstio: An bellare unquam iustum sit? Hæc ita tractat auctor, ut

- 1) Probet bella geri posse, §. 1. 6.
- 2) Argumenta adversariorum refelluntur §. 7. ad fin.

§. 1.

Quæstio ipsa est, an bellare unquam iustum sit? Ea enim nisi expediatur, frustra disputabitur de jure belli. Quemadmodum frustra quis disputaret de jure furti, quum ipsum furtum iniustum sit. Et sane quum plerumque bellum cum cladibus innocentium, cum furtis, rapinis aliisque conjunctum sit delictis: facile quis existimare posset, omne bellum juri repugnare, idque plures statuerunt, veluti Anabaptistæ, Mennonistæ quidem, e Socinianis Christophorus Ostorodus & alii, contra quos auctor contrarium demonstrat ex jure naturæ §. 1. ex historia §. 2. ex consensu & jure gentium §. 3. 4. Ex jure divino voluntario §. 5. 6.

n. 1.

Quod ad jus naturæ attinet, prima argumentatio Grotii hæc est:

Quæ

Quæ congruunt & primis naturæ & post
• cognitæ, illa sunt juris naturæ.

Bellum illis primis naturæ congruit, E.
est juris N.

Quæritur itaque 1) quid sint prima na-
turæ, (*aperta tñs pueris?*) quid post
cognita? Respondemus, esse prima naturæ
propositiones quasdam practicas, quarum
veritatem humana ratio statim agnoscit,
simul ac ratiocinari incipit, quæque adeo
non ab aliis nobis inculcandæ sunt, sed
sponte incidunt. Unde eleganter Cic. in
Orat. pro Milone: *Est hac non scripta, sed*
nata lex, quam non didicimus, accepimus,
legimus, verum e natura ipsa arripuimus,
hausimus, expressimus, ad quam non do-
cti, sed facti, non instituti, sed imbusi
sumus. Perinde enim est, ac si diceret,
esse quædam *prima natura*. Rationem ve-
ro, cur istæ propositiones, quæ prima na-
turæ vocant philosophi, statim nobis in-
notescant, hanc adsignat CICERO *lib. 5.*
de finib. cap. 6. quod ipsa per se invitent ac
alliciant appetitum animi. E. g. ut incolumi-
tatem nostram velimus, & conservatio-
nem omnium partium, ut abhorreamus a
dolore, & quæ sunt hujus generis alia.
In hæc enim omnia & sine ratiocinatione,
ita fertur adperitus noster, ut nihil anti-
quius nobis sit illa nostrum conservatione.
Elegans locus SENECE *Epist. 121.*

Unde facile patet, quid sint *post cognita*,
quæ Cicero a *primis natura* distinguit. Ea
enim sunt conclusiones de virtute, vitiis,
de honesto & utilitate vera, quæ ex veris
prim-

principiis per ratiocinationem eliciuntur. Hæc non sunt prima naturæ. Nitiuntur enim hujusmodi fundamentis, in quæ non fertur appetitus humanus. e. g. quod virtus sit præferenda utilitati propriæ, quod voluptates sint fugiendæ. Has enim propositiones non omnes homines veras putant, natura adducti, & quod ex appetitui sui congruant, sed profundiore instituta meditatione de natura & beatitudine humanæ mentis.

B. 3.

Quum itaque quid honestum sit, id ex post cognitis pateat: porro quærit A. quotuplex sit honestum? & resp. id vel *stricte* vel *latius* accipi.

Honestum *stricte* dictum consistit in puncto, id est, ita comparatum est, ut si a lege vel minimum decedas, id degeneret in vitium.

Honestum *latius* dictum, quod admittit aliquam latitudinem.

Res illustrari potest similitudine e. g. inter lineam rectam & curvam nihil interest medium. Tam *stricte* enim accipitur rectitudo, ut si ab ea linea vel minimum deflectat, illa statim fiat curva. Ast album & nigrum admittunt aliquam latitudinem, e. g. si colori albo addas guttulam nigredinis vel atramenti, color quidem paullo minus albus est, sed non statim fit niger.

Eodem modo se res in honesto habet. Quædam tam *stricte* honesta sunt, ut si vel minime a lege deflectas, statim fiant inhonestæ, e. g. neminem lædere. Quædam aliquam admittunt latitudinem, e. g. moderamen

ramen inculpatæ tutelæ. Nam si quis aggressorem occidit, quem repellere poterat, abscissa manu, non ideo statim poena dignus est, vel contra iustitiam egit, quia hic ad vivum omnia resecari nequeunt in tantâ animi perturbatione.

Hisce itaque præmissis, jam demonstrat Auctor 1.) bellum congruere *primis naturæ*. n. 4. 2.) idem convenire *post cognitis*. n. 5. 6.

n. 4.

Quod congruat primis naturæ, inde demonstrat, 1.) quod omne animal sui conservationem & defensionem intendit, & appetitus eo maxime feratur. Id non solum in hominibusprehendimus, verum etiam in ipsis brutis etiam tenerrimis. Quo pertinet locus elegantissimus GALENI, a Grotio hoc n. 4. allegatus.

2.) Quod omne animal rationale & irrationale facultate quadam sese conservandi defendendique instruxit natura, vel Deus potius, qui nihil frustra fecit. Hinc alia cornu petunt, alia calcitrant, alia dentibus, alia unguis, alia aculeis pro armis utuntur: hominibus autem ingenium & manus ad defensionem data. Quis itaque neget, velle Deum, ut quisque se conservet ac defendat adversus omnem vim? Quare inde argumentari licet:

Quod convenit appetitui sese conservandi defendendique, ab ipso Deo nobis insito: id convenit primis naturæ:

Bellum huic adpetitui sese conservandi defendendique divinitus insito convenit, congruit itaque primis naturæ, adeo-

adeoque, quod inde consequitur, est
juris naturæ.

- n. 5. 6. Jam porro Grotius demonstrat, bellum
congruere post cognitum vel honestati: id-
que argumento societatis humanæ.

Societas humana in eo consistit, ut alter
cum altero honeste & commode vivere,
& jure suo perfrui possit. Quumque in
prolegomenis §. 6. demonstratum sit, vo-
luntati Dei ipsique naturæ humanæ con-
sentaneum esse, hominem vivere sociali-
ter: sequitur sane inde principium: *Quid-*
quid societatem destruit, est contra jus na-
ture, quidquid eandem conservat, est juris
naturæ.

Jam consideremus statum hominum, qua-
lis futurus esset, si non liceret vim vi re-
pellere. Tunc nemo suo jure tutus perfrue-
retur: tunc nec vitæ, nec bonorum ulla
esset securitas: tunc vita piscium viveretur:
major devoraret minorem.

Quia itaque sine hujusmodi defensione
non consisteret societas: defensio autem;
qua vim vi repellimus, nihil aliud est,
quam bellum: hinc planum est alterum
Grotii argumentum:

Vim vi repellere consentaneum est juri
naturæ.

Vim vi repellere est bellum gerere.

Est E. bellum gerere consentaneum J.N.

§. 2.

- n. 1. Sic Grotius bellum geri posse demonstrat
ex jure naturæ. Sequitur altera ejusdem de-
monstratio ex historia. Quamvis enim ex
historia non jura, sed facta probari posse,
supra

supra observatum sit: aliud tamen dicendum de eo casu, si ex historia sacra demonstrari potest, Deum bella non improbasse. Id vero probat

1) Exemplo Abrahami, qui debellatis regibus quatuor benedictionem impetravit a Melchisedecho. Gen. XIV, 22. Ubi quidam obijciunt, Abrahamo tanquam privato jus belli gerendi non fuisse: sed alii addunt, illum non fuisse privatum, sed cum familia sua quasi singularem remp. constituisse: unde & foedere eum secisse legimus, quod non est privati: Saltem inde patet, bellum in se à Deo non improbari.

2) Exemplo Israelitarum, qui Amalecitas vim sibi inferentes profligarunt, Deo hoc factum probante. Exod. XVII.

3) Ex legibus, quibus Deus jura belli præscripsit. Deut. XX, 10. 15. quod in istis legibus de belli causis nihil sanxit.

4) Quod Israelitæ Deo probante fines suos tuerentur sub Jephtha. Jud. XI. quod Davides bellum, Deo probante, gereret ob violatos legatos. 2. Sam. X.

5) Quod bellicæ actiones Hebr. XI, 33. 34. tribuantur fidei. Ex fide autem nihil nisi bonum proficisci potest.

6) Quod Davides præliatus est prælia Domini. 1. Sam. XXV, 28. Addi potest

7) Quod nec Jo. Baptista venientes milites, nec Christus accedentem ad se centurionem Capharnaiticum nuncium mittere militæ iussit.

8) Quod & Cornelius centurio Deo placuit, quum militæ adhuc vacaret. Quæ omnia

n. 2.

omnia locum non haberent, si bellum in se injustum esset.

§. 3.

2. 1. Tertium argumentum Grotius desumit ex consensu Gentium. Eumque consensum probat 1) ex testimoniis Ciceronis, Florentini, & Caji Jctorum, nec non Josephi historici Judæi.

2) Ex jure illo civili, quod & in quadrupedibus distinguit, inter vim quæ infert injuriam & quæ illatam propulsat. Vid. l. 1. §. 8. §. 11. ff. si paup. fecisse dii.

Sed hoc argumentum 1) non est necessarium, quia postquam semel probatum, bellum jure naturali & divino positivo licitum esse, parum ad rem facit consensus gentium. 2) Magis illustrat, quam probat, quia sæpe gentes in ea consenserunt, quæ non sunt iusta, 3) non sufficiens. Ciceronis enim & duorum Jctorum testimonia bellum consensu omnium gentium probatum esse non evincunt. Nec 4) sequitur, ut bellum consensu gentium probatum sit, quia jus civile Rom. in quadrupedibus quoque distinguat, quæ alteram adgressa sit.

§. 4.

2. 1. 2. Jam ad jus gentium, quod duplex esse ait Grotius, divinum, & humanum voluntarium. Prius & nos agnoscimus, & illud non aliud est quam jûs naturæ: posterius supra explosimus. Priori non repugnare bellum jam probavimus: Jam itaque videbimus, quomodo id de posteriore probet.

Nimirum bellum ipsum, inquit, juris natu-

naturæ esse, formam autem belli ex jure gentium. Nam gentes

1) Statuisse constat, quibus armis utendum sit. Hinc hodie bella non geruntur bestiis, veluti Elephantis, non utuntur gentes honestiores falcibus aliisque instrumentis, non sagittis venenatis, &c.

2) Jura quædam introduxisse arbitraria, e. g. ne capti fiant servi, ne incendiis abique necessitate grassemur in terra hostili.

3) Bella distinxisse in sollemnia & minus sollemnia: Sollemne esse voluerunt, quod indicitur sollemniter. Hæc omnia quum non fluant præcise ex jure naturali, Grotius derivat ex jure Gentium, eoquæ refert omnia loca Jctorum, veluti l. 5. ff. de l. & T. ubi bella dicuntur ex jure gentium esse.

Sed nemo non videt, Grotium confundere jus gentium, & mores gentium. Illud ex lege est, hi ex arbitrio: illud obligatorium, hi minime. Omnia hæc moribus invaluerunt, quia cum humanitate conveniunt, sed non ideo contra jus G. peccant Russi & Turcæ, quod captivos in servitutem detrudunt, &c.

§. 1.

Jam Grotius magno cum adparatu sese accingit ad expendendam quæstionem: an & jure divino concessum sit bellum? Poterat hæc quæstio videri supervacua. Nam si probatum est, bellum esse iustum jure naturæ: non sane potest jure divino voluntatio iniustum esse, quum Deus velle non possit contraria.

n. 1.

Sed

Sed recte resp. Grotius, jam supra ostensum esse (lib. I. cap. I. §. 17. n. 2.) regulam hanc quidem valere in jure præceptivo, sed non in permissivo. Nimirum sunt quædam quæ jure N. permessa sunt, & tamen a Deo prohibentur lege positiva, e. g. jure naturæ potest quisque orare, ubicumque velit: sed jure divino orandum erat Hierosolymis. Jure naturæ licet ulcisci hostem: ast jure positivo Deus dicit: *Amate inimicos, benefacite osoribus vestris, precamini pro iis, qui vos ladunt, sic eritis filii patris celestis.* Matth. V; 44.

Quum itaque & bellum non sit juris divini præceptivi, sed permissivi: non sequitur, ut prohiberi non potuerit jure divino voluntario.

Sed nihilominus tamen demonstrat A. & jure divino voluntario bellum permitti, & ante omnia objectiones quasdam removet.

- a. 2. Prima objectio desumi solet ex Genes. IX, 5. 6. Ex eo enim loco quidam colligunt, absolute prohiberi sanguinis humani effusionem: quumque bellum sine sanguinis effusione geri nequeat, etiam bellum prohiberi. Et quamvis eodem loco dicatur, qui sanguinem fuderit, ejus sanguis fundetur: respondent tamen, hic non adesse præceptum, sed comminationem, non velle Deum ut homicidæ interficiantur, sed prædicere, quid iis immineat. Sed responderet Grotius utrumque falsum esse.

1) Prohibere Deum effusionem sanguinis injustam, uti præcepto illo sexto: Ne occi-

An bellare unquam iustum sit? 87
occidito; non autem iustam, de qua hic
quaestio sit.

2) Non mirari tantum Deum, sed &
præcipere, ut sanguis homicidæ fundatur,
id enim Deum postea lege Mosaica cla-
rius ostendisse, quum juberet homicidas
gladio feriri.

Sed denuo obijciunt, ex historia sacra
adparere, initio mundi conditi homicidium
non fuisse capitale, idque probant exem-
plo Caini, qui admissio parricidio tamen
a Deo non fuerit morti addictus.

Ut itaque Grotius hanc objectionem fun-
ditus tollat, totam historiam hujus supplicii
homicidarum explicat operose n. 3. 10.

Nimirum 1) supponit non iniustum esse,
homicidam supplicio affici, ob jus talio-
nis, quo nihil est iustius.

n. 3.

2) Concedit quidem Deum Caino pe-
percisse, sed causam fuisse existimat 1)
hominum raritatem, 2) quia nondum tam
frequentia fuerint homicidia, ut exemplo
opus fuerit. Hinc & alias gentes quam-
plurimas homicidium non morte, sed mul-
cta punivisse. Cujus rei argumentum est
in LL. Alamannicis a LINDENBROGIO edi-
tis, ex quibus adparet, nullam gentem
origine Germanicam homicidis supplicium
capitale irrogasse.

3) Hoc factum Caini aliquamdiu in-
star exempli fuisse, & hinc primos mor-
tales existimasse non debere homicidas gla-
dio feriri. Quam in rem allegat exem-
plum Lamechi. Gen. IV, 24.

n. 4.

4) Quum autem jam ante diluvium
nasce-

n. 5. 6. 7.

nascerentur gigantes, genus hominum ferrox & improbum, quod omnes promiscue adgressum sit: Deum permisisse ut homicida & quilibet delinquens occideretur, idque probat exemplo Abrahami, Gen. XIV. Moïsi, qui Amalecitas aggressus sit bello, Ex. XVII, 9.

n. 8. 9.

5) Denique Deum & leges talisse de homicida plectendo, Lev. XVIII, 24. seqq. Num. XXXV, 31. 33.

n. 10.

6) Easque leges deinde imitatas effigentes alias. Unde fere ubique locum habuerit supplicium capitale.

Inde ergo colligit Grotius, non absolute Deum prohibuisse effusionem sanguinis, sed secundum quid, nempe eadem injustam, adeoque hunc locum non adplicari posse bello, quod justam causam supponat.

Sed sunt quædam in hac Grotii tractatione, quæ animadversionem merentur. Nam

1) Quod Caino pepercit Deus, non ob paucitatem hominum factum, sed quod poena & supplicium supponunt magistratum civilem, qualis nondum erat Caini temporibus: nec antea lex erat lata de supplicio homicidæ.

2) Quod Grotius existimat, primos mortales non sumisse supplicium capitale, id non probari potest. Quum enim mundus antediluvianus steterit annis 1657, quumque tam longo temporis spatio variæ floruerint respublicæ: quis dubitet, quin & poenæ suppliciumque locum habuerint?

3) Ex

3.) Ex Lamechi exemplo non constat, nullum tunc locum habuisse supplicium capitale. Nam Lamechus tagtum minas spargit, ut ille medicus apud *COMINEUM Hist. Franc. lib. X.* qui Ludovico XI. Regi minabatur, illum post discessum suum non octo dies victurum.

§. 6.

Sequitur alterum argumentum contrabel-
lum ex N. T. ubi

1.) Præmittuntur quæstiones, an omnia præcepta in evangelio habeant naturalem rationem. n. 1. 2.

2.) An Christus sit novus legislator. n. 3. 5.

Quod ad prius attinet: 1.) succedet Grotius iis, qui in Evangelio præter articulos fidei & sacramenta quidquam contineri negant, existimatque eo etiam leges & præcepta proprio sic dicta contineri. e. g. Ama Deum, diligite vos invicem: novum hoc præceptum do vobis, ut vos invicem diligatis. 2.) Deinde agnoscit quidem, nihil continere evangelium, quod adversetur rectæ rationi: sed ideo non sequi docet, ut evangelium nihil ultra inculcet, quam quod ex ratione fluat.

Posterior Grotio facile unusquisque concedet. Multa enim docet Evangelium, ad quæ ratio non pertingit, e. g. fidem in Christum, beneficentiam adversus hostem, vitiationem concupiscentiæ, de qua ipse Paulus: *ignorassom concupiscentiam esse peccatum, nisi lex dixisset, non concupisces.*

Ast de priorè thesi observandum: distin-
guen-

guendum esse, utrum evangelium opponatur legi, ut Joann. I. *Lex per Moysen lata, gratia per Christum facta*; an accipiat pro libris novi testamenti, adeoque libris V. T. opponatur. Priori sensu evangelium nulla complectitur præcepta proprie sic dicta, sed est doctrina de gratia per Jesum Christum. Posteriori agnosci potest, multa in libris N. T. præcepta occurrere, a Christo repetita & explicata.

- n. 4. Majoris momenti est quæstio altera: An Christus sit novus legislator? Adfirmant Romanenses & Sociniani, quumque eandem sententiam ex Arminianis plerique tueantur, non mirum est, Grotium quoque easdem inflare tibias.

At negant Protestantes omnes Christum non esse novum legislatorem, sed ad officium ejus propheticum tantum pertinuisse, ut leges interpretaretur. Rationes satis prægnantes sunt. 1) Opponuntur officia Moysi & Christi, lex & gratia. Ioh. I. 2) Officia Christi non alia commemorat SS. quam regium, sacerdotale & propheticum. Regium exercet in statu exaltationis, sacerdotes non ferunt leges, nec propheta est leges ferre, sed interpretari, 3) Christus notanter dicit Matth. V, 17. *Non veni solvere legem (aliasque novas substituere,) sed implere.*

Jam videbimus, quomodo contrarium probet Grotius. 1) Provocat ad verba Matth. V. toties repetita: Audistis dictum fuisse veteribus: ego vero dico vobis. Sed resp. Christus ibi nullum novum proponit præ-

præceptum, sed Mosaica vindicat a falsa Pharisæorum interpretatione, & interpretatur.

2) Dictum fuisse veteribus: Diliges proximum tuum & odio habebis inimicum tuum. Sed Lev. XIX, 21. ubi hoc præceptum occurrit, nihil legitur de odio inimicorum. Est itaque additamentum Pharisæorum, quod merito Christus data meliore interpretatione sustulit. Objicit Grotius, aut ipse Deus præceperat inimicitiam cum Amalekitis Exod. XXV, 11. & cum septem populis Cananeis Exod. XXXIV, 11. Sed resp. Distinguendum inter odium morale, & inimicitiam politicam.

3) Legem sumi vel pro præcepto carnali, quod actiones tantum externas dirigit, vel pro spirituali, quod internam inculcat puritatem & sanctimoniam. Prioris generis fuisse Mosaicam ex interpretatione Pharisæorum: posteriorem Christum restituisse. Sed resp. 1) Ex intentione Dei lex Mosis non fuit carnalis, sed spiritualis. Dixit enim Deus: *Diliges Deum tuum de toto corde, de toto animo, ex omnibus viribus*: quid magis spirituale & internum? 2) Christus itaque legem non novam dedit, quæ sit spiritualis, sed eam interpretatus est ex mente primæ legislationis.

4) A Christianis virtutem exigere majore gradu, quam ab Ebraica gente. Resp. Majus & minus non variant speciem. Eadem ergo lex est Mosaica & Christi, adeoque non Christus fuit novus legislator, sed interpret legis Judaicæ glossis depravatæ. De quo plura Theologi.

Heiq. de Jure Belli, &c.

E S. 7.

His præmissis probat, Evangelio non sublatam esse bellandi facultatem.

n. 1. I. Ex 1. Tim. II, 1. 2. 3. Exinde colligit, 1) Deum esse jubere leges & magistratus, 2) Eosdem subditis præstare debere vitam tranquillam. Idque fit vel ita, ut subditi sint securi inter se, vel ab aliis exteris.

n. 2. Inter se id aliter fieri nequit, quam iudicii & jure gladii, quod probat Paulus Rom. XIII, 4. Quumque judicia inter gentes diversas locum non habeant, consequens est, ut bello sint compescendæ. Atque hinc ita argumentare licet:

Si fas est gladio coercere subditos, tranquillitatem turbantes: fas etiam est bello coercere gentes turbantes tranquillitatem humanam.

Prius verum est, E. & posterius.

Consequentia inde patet, quia alias plus liceret extraneo quam civi, & quod alias principi liceret minus periculum a nobis avertere, non autem majus, quod absurdum.

n. 3. 4. II. Ex eodem Rom. XIII. urget, quod Paulus jubeat honorare & obsecundare magistratui, tamquam ordinationi divinæ. Quo sensu autem est ordinatio divina? Non ratione permissionis tantum, qualis etiam in actibus vitiosis est, quos Deus permittit, nam sic non esset honorandus magistratus, sed tantum ferendus, verum ratione institutionis & voluntatis divinæ. Deus vult, ut sint magistratus, Deus ad-

pro-

probate eorum officium. Si objiciatur, atqui tempore Faulli fuisse Imperatores & magistratus ethnicos, crudeles, tyrannos: respondemus, tanto magis inde sequi, ut Deus adprobet magistratum officium, quia ne gentilibus quidem & crudelibus Imperatoribus, honorem & obsequium detrahi voluit. Eleganter Grotius sub finem n. 4. Sic ut ergo olim pia erant sacrificia, &c.

Ex his ergo jam ita argumentum ducimus:

Si Deus probat magistratus officium, probat etiam defensionem a magistratu per bellum susceptam.

Ast verum est prius, E. & posterius. Consequentiam inde probamus, quia ob id precipue in civitates coaluere, & principes constituere gentes, ut defenderentur ab aliorum insultibus.

III. Argumentum petitur ex Luc. III, 14. quod Joannes militibus ad se venientibus non injungit, ut nuncium mittant militum, sed ut militares leges observent. n. 5.

Possit objici, Joannis doctrinam a doctrina Christi potuisse discrepare. Sed recte responderi Grotius, 1) eadem predicasse Joannem & Christum, poenitentiam & fidem. 2) Joannem fuisse ministrum novi testamenti. Math. XI, 13. Evangelii Luc. III, 18.

Quantum argumentum inde generatio ducitur, quod tota S. S. abhorreat a fur- n. 6.
tis, caedibus, rapinis, aliisque sceleribus, quae Deus omnino vult omitti, & impediri. Jam vero non omittentur, nisi jus

E 2 gla-

gladii & adversus subditos & adversus externos haberet magistratus. Ergo voluit Deus, ut jus gladii haberent. Itaque sic argumentatur Grotius.

Qui vult finem, vult etiam media.

Deus in tota S. S. vult finem, ne furta, caedes, rapinae fiant.

Vult itaque & medium, nempe jus gladii & belli.

Esse vero id unum medium, inde probatur, quod scelera etiam nunc vix omituntur, postquam id jus gladii magistratibus relinquitur. Quid fieret, si nullum esset jus gladii?

a. 7. 2. Quinrum argumentum desumitur exemplo Judaicae resp. in qua jus gladii viguit, quamdiu nondum excisa esset resp. Quamvis enim jus gladii non esset penes Judaeos, uti fatentur ipsi Joh. XVIII, 31. quum municipia non haberent merum imperium, uti singulari dissertatione docuit ZACH. HUB. *Diff. Part. I. diff. I.* fuit tamen apud Romanos.

Jam Christus ante excisam urbem officium suum inchoaverat & absolverat. Quum itaque venisset, ut nos liberaret a jugo legis, omnino etiam docere debuisset jam legem de judiciis, de suppliciis capitalibus, de jure gladii cessare debere. Quum itaque id non docuerit, omnino voluit ut essent, & hinc jus gladii non repugnat doctrinae N. T.

Inmo tantum abest, ut Christus docuerit jus gladii cessare debere, postquam adveniret, ut potius tum ipse, tum Apostoli ejus

ejus re ipsa docuerint, & factis ostenderint, sibi placere judicia & jus gladii.

1) Dum ipsi se stiterunt cor. tribunalibus. Christus cor. Pilato, Apostoli coram synedrio, Paullus cor. Anania. Act. XXIV, 3.

2) Dum homines remiserunt ad iudices. Hinc Christus ei, qui rogabat, ut familiæ eriscundæ inter se & fratrem præesset, respondit: Homo, quis me iudicem constituit?

Objici posset, Christum tamen prohibuisse ultionem. Matth. V, 38. seqq. Sed resp. distinguendum esse inter legem & consilia. Consilium istud exsequi recte possumus, sed non ideo peccat, qui jure suo utitur, nec iudex, qui secundum legem animadvertit.

Sextum exemplum Cornelii Centurionis, jam aliquoties ursumus. Conversus enim ad Christum non legitur mutasse militiam, imino nec id ei imperatum a Petro, quum tamen diceret Cornelius: *Jam adsum audiurus, quacumque tibi præcepta sunt a domino.* Act. X, 33.

u. 9.

Objiciunt, Lucam quidem non meminisse missionis a Cornelio flagitatæ, sed credibile tamen est, eum flagitasse missionem. Sed resp. 1) id nec probari posse, nec 2) verosimile esse, quum alias Lucas hujusmodi quid narrare soleat. Sic cum Magi converterentur, refert Lucas, eos nuncium misisse huic vitæ generi, & combussisse libros magicos. Act. XIX, 19. An hic prætermisisset, quod Cornelius deseruerit militiam, si prævum hoc esset vitæ genus?

- n. 10. Septimum argumentum Grotius petit ab exemplo Sergii Pauli, Procos. Cypri a Paulo conversi, & unde plerique dicunt. Apostolum nomen Pauli adsumisse, quum antea diceretur Saulus. Act. XII, 6. seqq.
- Procos. habebat jus gladii & militiæ, l. 8. ff. de off. Procos. Si itaque hoc injustum esset, non potuisset non post conversionem magistratu se abdicare. Quum vero se abdicasse non legatur: omnino jus gladii nihil injusti complectitur.
- n. 11. Octavum est a Pauli exemplo desumptum, qui & 1) insidias Judæorum ad Tribunal detulit, & 2) præsidium militare ab eo accipere non dubitavit. Act. XXIII, 18. 23. An id passus esset Paulus, qui omni occasione veritatem prædicandam dicit? 2. Tim. IV, 2.
- n. 12. Novum argumentum. Qui probat media, is & finem probat. Jam nemo dubitat, tributa dari, ut magistratus haberet, quo tueretur bonos, coerceret malos. Rom. XIII, 3. 4. 6. Quum itaque probet tributa, procul dubio etiam adprobat eorundem finem, puta bellum.
- n. 13. Decimum argum. verbis Pauli Act. XXV, 11. desumptum non magni momenti est. Nam non sequitur: Paulus non recusat mori, E. probat judicia, quæ supplicium capitale infligunt. Posset quis ad latrones quoque dicere: Nisi tibi dederò omnia, non recuso mori.
- n. 14. Ultimum argumentum rectissimum est, si recte proponatur. Christus non sustulit politias, E. non sustulit bellum. Quod non sustu-

sustulerit politias, inde patet, quod nihil de ea re sanxit, nihil præcepit, nihil vetuit. Immo quod statum rerump. qualis tunc erat non improbavit, sed ipsi Pilato dixit: Non haberes potestatem viæ & necis in me, nisi tibi coelitus data fuisset.

§. 8.

Sequitur jam altera pars capituli, quo aliorum argumenta bello opposita refutantur, & quidem octo.

1) Primum obijcere solent verba Isaia II, 4. Dominus judicabit inter gentes, & animadverteret inter populos. Tunc gladios mutabunt in ligones, & lanceas in falces. Neque enim populus gladium evaginabit adversus populum, neque discant amplius bella gerere.

Respondet Grotius: 1.) aut id intelligendum esse hypothetice, si omnes homines essent Christiani veri, neminem alteri facturum injuriam, adeoque omnino cessatura bella: aut 2.) pure, & tunc implementum vaticinii adhuc instaret eo tempore futurum, quo latior futurus sit status ecclesiae. Inde ergo non sequi, ut bellum temporibus N. T. cessare debeat, aut ut repugnet evangelio.

Sed neutra responsio vera videtur & sufficiens. Non prior, quia Dominus absolute prædicit, id futurum, non, fieri id posse si omnes essent Christiani veri. Non posterior, quia ut ex versu antecedente patet, Isaïas non loquitur de ultimo illo & latiore statu ecclesiae: sed de eo, quo gentes dicturae sint: *Venite, servus in moxam Domini*,

ad Domum Dei Jacob, ut nos doceat vias suas, ut ambulemus in ejus semitis. Loquitur de eo tempore, quo lex exitura esset ex Sion, & verbum Domini ex Hierosolymis. Tunc, inquit, Dominus judicabit inter gentes, &c. Id omne impletum est, quum Apostoli exeuntes Hierosolymis evangelium annuntiarent univérso orbi. Ergo ab eodem tempore impletum fuisse oportet vaticinium de gladiis contusis in ligones.

Quid ergo? Totum caput est spiritualiter intelligendum, non secundum litteram. Nam v. 2. dicitur, eo tempore altiore fore montem Domini omnia reliqua montibus. Quod secundum litteram intelligi nequit. Itaque verba nihil aliud significant, quam Christum allaturum pacem spiritualem, pacem illam omni ratione eminentiorem. Adeoque inde nihil inferri potest contra bella.

- n. 3. Alterum argumentum: Matth. V, 38. Sed resp. Grotius non magistratibus hæc dici, sed ipsis læsis, ut potius conquant injuriam, quam ultionem spirent. Consilium sane optimum & saluberrimum, sed non lex.

Simile sane quid reperimus in 1. Cor. VI, 1. seqq. ubi Paulus reprehendit prurum ligandi coram magistratibus ethnicis: non quod id injustum esset, aut quod officium magistratus improbaret, quod sane maximi æstimat, uti supra vidimus, sed quod lites hæc scandalum præberent gentilibus. Consilium ergo & hoc est, non lex.

- n. 4. Simile quid dicendum de verbis sequentibus:

tibus: Qui velit tecum litigare, &c. Nam
1) non magis hic improbantur judicia,
quam si amicus amico sugderet, ne ob rem
levem tribunalia fatigare velit. 2) Loquitur
Christus procul dubio de iis persecu-
tionibus, quas tanquam Christi discipuli
laturi essent. Iis omnino non resistendum.
Et hinc primi Christiani condemnati quoti-
die ad gladium, ad vivicomburium, ad be-
stias, bonisque omnibus propter Christum
spoliati, non resisterunt persecutoribus,
sed omnia animo tranquillo, & patientia
plane invicta pertulerunt. Sic sane qui iis
eripiebantunicam, ei & pallium concessere.
3) Ipse Ulpianus L. 4. §. 1. ff. de alien.
mut. iud. caus. fall. provocandum dicit
ejus factum, qui tam habuit re carere, ne
propter eam saepius litigaret, hanc enim
verecundam cogitationem ejus, qui lites
exsecratur, non esse vituperandam: an ideo
Ulpianus judicia exsecratur?

n. 5.

Eodem modo intelligenda verba sequen-
tia: Qui angariabit te ad milliare unum,
abi cum eo duo. Recte respondet Gro-
tius; Christum velle ut levem potius in-
juriam ferant Christiani, quam litigent.
Hinc non dicere: Abi cum eo centum,
quæ gravior esset injuria; sed, abi duo,
quia non tam incommoda futura sit hæc
decebulatio, quam lis molestissima.

Sed simul observandum, angarias fuisse
publicam provincialibus impositam onerum
vehendorum bajulandorumque necessitatem.
l. 7. l. 18. §. 4. 21. ff. de mun. & bon. l. 10.
§. 2. ff. de vocat. mun. Dum itaque iis non

resistendum, sed aliquid indulgendum esse monet Christus, qui nos angariant, perinde est ac si diceret, ne resistite summis imperantibus, & magistratibus, ut adeo nec judicia nec bella improber.

- n. 6. Sequuntur verba: Petenti abste dato, &c. Sed miror hæc verba adduxisse Grotium, quum nihil inde inferri possit adversus judicia. Si enim vel maxime petens tuam repulsam a me ferat, non tamen habebit adversus me actionem. Sed & verba ipsa ita comparata sunt, ut salvis judiciis & salvo jure bellandi unusquisque alteri dicere possit, petenti abs te dato. Nam idem est, ac si diceret: Officia humanitatis alteri ne negato.

- n. 7. Ex eodem capite inferri posset: Christum tamen prohibere jus talionis: Oculum pro oculo, dentem pro dente. Adeoque & omnem talionem, & propulationem violentiæ violentam esse prohibitam.



Sed resp. 1.) Falsum est Christum prohibuisse jus talionis. Nam & ipse statim cap. 7. inculcat v. 2. *Quo judicio judicabitis, eo judicabimini, qua mensura metiemini, eadem metientur vobis.*

2.) Sed ut recte Grotius observat, Judæis permissam fuisse privatam talionem, e. g. ut laus posset alterum similiter lacerare, immo ut si quis occisus esset, ejus proximus agnatus vindicem ageret, & homicidam ultore ferro persequeretur. Hanc ultionem suis inhibet Christus, quippe permissam Judæis ob duriciam cordis, uti divortium & alia.

3.) Nō

3) Nihil ergo sibi vult Servator, quam ferendam potius tolerabilem injuriam, quam ut statim ad vindictam prorueamus.

Objici posset: sed absurdum tamen esse, percutienti alteram maxillam sponte offerre, & ita patiendi novam provocare injuriam. n. 8.

Sed elegans est Grotii observatio: Maxillam præbere esse phrasin Hebræam, quæ nihil aliud significet, quam patienter ferre injuriam. Id quod eleganter probat loco Isai. L, 6. ubi Christus dicitur *maxillam præbuisse percutientibus*.

Tertium argumentum ex eodem Matth. n. 9. 11. capite v. 43. 44. *Andistis dictum esse, &c.*

Respondet Grotius 1) proximum hic significare Hebræum, & tamen inter Hebræos ipsos viguisse judicia & jus belli. Jud. XXXI. 2) Christum id præceptum porrexisse ad alios homines. Adeoque non minus amorem hunc tollere bella, quam amorem Judæis præceptum erga Judæos. 3) Amorem hunc nobis præcipi exemplo Dei patris cœlestis: qui quum omnes amet, non tamen ideo non justitiam exercet in puniendis, coercendisque malis. Ita & nobis facere non nefas est.

Quarta objectio petita ex Rom. XII, 19. n. 12. 13.

Respondet Grotius: 1) eo tempore, quo hæc dixit Deus, *meum est ulcisci: ego rependam*. Lev. XIX, 18. Deut. XXXII, 35. jam & judicia capitalia fuisse & bella, adeoque non ob stare hæc verba posse bellis. 2) Et hostes jubentur diligi, Exod. XXIII,

4. 5. nec tamen eo tempore cessabant sup-

E 6 plicia

plicia capitalia & bella. 3) Quia verba sequentia statim docent cap. XIII, 1. verba hæc intelligenda esse cum exceptione. 4) Distinguendum ergo esse inter ultionem boni publici causa exactam, & ultionem privatam. Illa non prohibetur, sed hæc.

n. 14.

Objectio 5. ex 2. Cor. X, 3. Sed 1) Paulus non loquitur de Imperantibus Christianis, sed de Apostolis. Illi Christianos non faciebant armis carnalibus sed spiritualibus. 2) Non carnalia dicuntur arma, quasi mala & vetita, quo sensu peccata vocantur opera carnalia: sed ut opponantur armis spiritualibus, qualia sunt preces, lacrymæ, verbum Dei.

3) Inprimis Paulus in hoc textu alludit ad potestatem illam Apostolis concessam miraculose puniendi refractarios, cujus plura exstant exempla. Sic Petrus verbis occidit Ananiam ejusque uxorem Sapphyram. Act. V, 5. Sic Paulus incesti reum Satanæ tradidit. 1. Cor. V, 5. Sic idem excecavit Elymam. Act. XIII, 11. Eleganter hæc extraordinaria & miraculosa potestas vocatur *virga Apostolica*. 1. Cor. IV, 21. de qua ea præclare egit Scriptor Anglus GUIL. CAYE in *Antiqu. Apost. in vita Petri*. Dicit ergo Apostolus, hæc arma non esse carnalia, sed spiritualia. Eis opuserat, quamdiu nulli erant magistratus Christiani.

n. 15.

Sexta objectio ex Eph. VI, 2: Sed resp. 1) Pugna vel lucta contra diabolum, mundum & carnem non tollit luctam & bellum adversus hostes, nam Paulus dum dicit: *non est nobis pugna*, tantum difficultatem hujus

hujus belli spiritualis describit, non prohibet bellum. 2) Christiani & ut Christiani, & ut homines ciuesque considerari possunt. Tanquam Christianis incumbit lucta cum hostibus: iisdem tanquam hominibus adimi nequit jus gerendi bellum.

Septima objectio ex Jac. IV. 1. Sed 1) distinguendum inter iustas causas belli & iniustas. Qualis causa est, talis effectus. Si belli causa iniusta est, ipsum bellum iniustum habetur. Et de huiusmodi bello iniusto loquitur Apostolus. 2) Scripta est hæc epistola, uti Pearson & MILLIUS probant, eo tempore, quo bellum Hierosolymis fatale gerebatur. Hinc de eo potissimum loquitur, illudque ex voluptatibus & concupiscentiis pravi consilium testatur. Ergo non de omnibus loquitur. 3) Quemadmodum si quis dicat: Unde agritudo, rixæ, crapula, nisi ex vino? ideo vinum non omne rejicit: ita nec hic Apostolus omnia rejicit bella. Sunt enim quædam, ex huiusmodi voluptatibus haud nata. 4) Denique & alios auctores ita loquutos esse docet Grotius, qui nunquam bellum pro iniusto habuere.

Octavum argumentum adversarii desumunt ex verbis Christi, Matth. XXVI. 52. Sed 1) Petrus tunc non bellum gerebat, sed resistebat magistratui. Id Christus prohibet. 2) Sensus idem est, ac verborum: *Qui sanguinem fuderit, ejus sanguis fundetur.* 3) Specialis hic est ratio, cur Christus nollet defendi a Petro, quia ejus regnum non esset de hoc mundo. Quale regnum talis

n. 27.

talis defensio. Regnum Christi spirituale est, ergo defendendum armis spiritualibus. Hinc Christus: *Vigilate & orate, ne incidatis in tentationem.* Matth. XXVI. 41.

§. 9.

¶ 1. Porro haud parum momenti scitum est in testimonio veteris ecclesie. Nam 1) ea ab apostolis & viris apostolicis regebatur, qui eam fideliter, quid Deo placeret aut displiceret, docebant. 2) Non probabile est ecclesiam statim defecisse. 3) Tunc maximus erat pietatis vere fervor. Eleganter HIERONYMUS *ad Demetr.* p. 68. T. 1. tunc domini nostri adhuc caluisse cruorem, & servuisse in credentibus fidem. Quis ergo negaverit, operæ pretium fecisse Grotium, dum in veterum Christianorum inquisiverit sententias.

I. Et quidem multi fuere, qui bella improbarent: Nam

1) Id fecit Origenes advers. Celsum l. 8. p. 426. ubi Christianos ait bella non gerere nisi precibus.

2) Idem sensit Tertull. alicubi, & iudicia capitalia & bella rejicere videtur libro de idololatria, & libello de corona militis, cujus historia narranda.

¶ 3. II. Christiani haud raro detrectabant militiam. CELSUS *apud Orig. lib. VIII.* Et notabile est legionis Barbaricæ exemplum, quæ missionem flagitabat, quod esset Christiana, & recusabat prælium inire, martyrio hinc adfecta a Diocletiano, & Maximiano Augustis. ADO VIENNENSIS *Mar-tyr. ad 10. Kal. Octobr.*

III. Chri-

III. Christiani abhorrebant fere a mun-
neribus & officiis publicis, veluti prae-
ura. TATIANUS in *Apel. pro Christianis*. Ab
Ædilitate. TERTULLIANUS. A militia, &
navigatione, LACT. *lib. 4. cap. 18.*

Sed resp. 1) Non universalis hæc erat
ecclesiæ sententia, sed quorundam PP.
quorum nemo non suos passus est na-
vos. Vid. DALLÆI *de usu patrum*.

2) Origenes & Tertullianus fuere sus-
pecti de falsa doctrina. Origenes Plato-
nismo nimis favit, in multis conciliis da-
mnatus, & Tertullianus plane ad Monta-
nistas, Fanaticos defegit.

3) Ipsi hi PP. alibi admittunt judi-
cia capitalia & bella, ut ipse Grotius eo-
rum verbis n. 2. adductis docuit. Unde
non aliter potest intelligi eorum senten-
tia, quam bella in thesi iusta esse, sed
in hypothese a Christianis geri non pos-
se. Nam

1) Imperatores gentiles sacramentum
exigebant a militibus, quod Christiani
salva iustitia præstare non poterant.

2) Bella ab iis sæpe gerebantur injus-
ta, quibus interesse Christiani religioni
sibi ducebant.

3) Multi erant ritus militares princi-
piis Christianismi adversantes, e. g. aus-
picia, veneratio signorum vel aquilarum,
sacrificia, triumphantium introitus in Ca-
pitolum. Ab his abhorrebant Christia-
ni, non ab ipso bello.

4) Multi præterea favebant vitæ theo-
reticæ, quæ deinde monastica dicta.

Et

Et vero omnino repugnare videbatur militia.

§. 10.

Hinc jam porro demonstrat Grotius, doctrinam illam de belli iustitia non fuisse communem omnibus Christianis, &

a. 1.

1) ex Patribus antiquioribus CLEM. ALEXANDRIN. vixit sæculo II. & Stromata scripsit & Pædagogum, ibi vero diserte in hoc concedit, & militare posse Christianos & magistratum gerere.

Constitutiones Apostolicæ nec Apostolis vere debentur, nec Clementi Romano. Sunt saltem ex Sæculo IV. ut docuit GUIL. CAYE. Sed GUIL. WHISTON. in Arianismum proclivis has constitutiones tanquam vere Apostolicas defendit, & quidem non Græcum, sed Arabicum textum putat Authenticum.

a. 2.

2) Publicam ecclesiæ sententiam bello non fuisse adversam denuo probat.

1) Ex constitutionibus Apostolicis, quia illæ saltem de quarti sæculi doctrina testantur.

2) Ex Tertull. Apol. cap. 42. quia ea publico Christianorum nomine scripta.

3) Ex historia de legione fulminatrice. Ita TERTULLIANUS, EUSEBIUS, WITSIUS & DAN. LARROQUANUS de legione fulminatrice. Historia autem satis certa 1) quia legio XII. multo ante fuit fulminatrix dicta. 2) Quia sub Antonino philosopho adhuc maxime ferbuit persecutio. 3) Quia ipse Antoninus in libris ad se ipsum, quos ex parte in bello Mar-

co-

comannico scripsit, Christianos exagitat, odiumque prodit adversus eos conceptum.

4) Ex historia martyrum, inter quos & milites fuere. Sed hic selecta opus. Sæpe enim fabulis indulgent martyrologia. Sed in dubium tamen vocari nequeunt omnia, quod visum HENR. DODVVELLO in *Dissert. Cyprianica de paucitate martyrum*, quem ex instituto refutavit THEODOS. RURNARTUS, Gallus, in *Actis genuinis martyrum*, in præfat.

Certa saltem est historia Laurentii & Ignatii Afrorum, quæ non sola martyrologiorum auctoritate, sed testimonio Cypriani, qui Sæculo III. floruit, patris fide dignissimi, & qui ipse inter martyres fuit.

Obijci posset, Christianos non libenter interfuisse supplicii capitalibus. Ita enim sæpe Tertullianus & alii veteres.

Sed resp. 1) supplicia illa non damabant in thesi, sed in hypothesi, ob eorum truculentiam. Nam 1) pleraque exercebantur adversus Christianos, 2) etiam poenas novas & inhumanas invenerant, e. g. unicam molestam, dilanationem bestiarum. 3) Ipsa quædam jura admodum truculenta erant, veluti Sctum Silanianum.

2) Non intererant libenter, quod suspicionem fugerent ac si oculos pascere aliorum dolore & supplicii.

3) Quod in thesi ea non damnarint, adparet ex eo, quod Constantinus M. bella gesserit, & judicia capitalia exercuerit. Inquirendum hic quid de historia sentiendum, quod viderit crucem cum verbis IN

HOC

HOC VINCES. JO. ALB. FABRICII singularis ea de re dissert. laudatur.

a. 5. 5) Thesin suam Grotius confirmat inde, quia nullus patrum sub Imp. Christianis dubitavit bella geri posse. Nam

1) Episcopus scripsit libros de vita Constantini, in quibus eum ob fortitudinem laudat, ejusque bella sine omni censura refert. 2) Lactantii exstat elegans libellus de mortibus persecutorum, in quo

ex instituto docet, nullum principum, qui ecclesiam vexarunt, morte sua obiisse. In eo maxime laudatur Constantinus ob bella adversus hostes ecclesie gesta.

3) Addendus merito duplex locus Ambrosii, ab auctore adductus.

a. 6. Ast porro objiciunt 1) saepe Episcopos deprecatos pro reis, 2) introduxisse Christianos jus asyli in ecclesiis. 3) Ritum inter eos fuisse, ut tempore paschalis captivi solverentur vinculis, l. 3. C. de episc. aud. Videntur itaque supplicia capitalia, & multo magis bella detestati.

Sed resp. 1) Episcopi eo ipso non tam judicia damnarunt, quam clementiam suaserunt.

2) Asylorum jus *καταφυγῆς* & intempestiva ethnicorum & Judaeorum emulatione receptum est: ut docuit RITTERS-
MUSIUS singulari tractatu *de jure asylorum*.

3) Ritum iste non arguit odium judiciorum: sed erat signum gaudii paschalis, quale quid etiamnum saepe observamus in aulis Principum, si vel princeps juvenutis nascitur, vel coronationis festum

An bellare unquam iustum sit? 109
tum celebratur. An id indicat detestationem iudiciorum capitalium?

Sed jam solvuntur biqa argumenta paulo difficiliora, ex quibus probare nituntur, a bellis abhorruisse ecclesiam. n. 7.

1) Primum est ex canone XII. Synodi Nicenæ, ubi agitur, de iis, qui cingulum militiæ deposuerunt, & postea eandem militiam repeterunt. Iis enim hæc poenæ irrogatur, ut decem annos jaceant, tredecim audiant.

Quæ poenæ ut intelligatur, sciendum, in veteri ecclesia fuisse quatuor gradus poenitentiae. Nam 1) dicebatur *deploratio*, quando peccatores extra ecclesiam jacentes cum luctu & lacrymis deprecabantur. 2) *Auditio*, quando admitterentur in porticum ecclesiæ, ut possent audire verbum Dei. 3) *Submissio*, quando intra ecclesiam post suggestum stabant, sed egredi tenebantur cum catechumenis. 4) *Constitutio*, quando inter fideles stabant, sed nondum participes sacramentorum. JUSTELLUS ad *Cod. Can. eccl. CAVE de Christian. primit. Part. I. Cap. 8. p. 229. seqq.*

Quum itaque tam gravis injungeretur poenitentia iis, qui ad cingulum militiæ rediissent: videntur sane Christiani abhorruisse quam maxime a militia.

Sed recte respondit Grotius, hunc canonem ad idololatriam pertinere. Licinius enim, qui tunc tyrannidem affectaverat, milites Christianos jusserat sacrificare, & thus adolere Diis. Hinc multi
sc

n. 8.

se abdicaverant militia. Postea ut fit, lucri cupidi, militiam reperebant, immo pecunia data illam redimebant, quod fieri potuisse ex Nov. 53. cap. 5. & l. 22. ff. de leg. 2. patet. Itaque deficiebant ad idololatriam, quo crimine nihil habebatur detestabilius. Quid mirum itaque, si poenitentia fuerit paullo durior? Refert illud Licinii scelus SULPITIUS SERV. Hist. eccl. L. 2. cap. 33.

n. 9.

2) Alterum argumentum est ex Leonis Papæ Epist. *Contrarium esse ecclesiasticis regulis &c.*

Sed 1) loquitur eo de ascetis, monachis, qui vitæ theoreticæ studiosi a militia abhorrebant.

2) De Episcopis & Clericis, qui semel ecclesiæ addicentes operam non debebant amplecti militiam.

3) Sane & hodie is videretur reprehendendus, qui pallium clericale commutaret cum sago, & tamen hodie nemo damnat militiam.

n. 10.

4) Accedit quod ne militem quidem admitterent ad officium ecclesiasticum, si post baptismum id vitæ genus elegisset: non, quod improbarent militiam, sed quod ad ea munera proveherent viros pios & probos, quales raro esse solent milites.

Non parum etiam hunc rigorem auxit interpretatio perversa verborum, quibus Deus prohibuit Davidem sibi templum ædificare, quia fuerit miles & sanguinem fuderit, quum tamen ea verba sint typica, & ideo Salomoni id reservaverat Deus,

An bellare unquam iustum sit? III
Deus, quia Messias veram ecclesiam N. T. conditurus futurus sit princeps pacis.

Denique varia Grotius cumulat testimonia pro bello ex Concil. Arelat. I. can. 3. Ambrosio, nec non exemplum legionis Thebæ, ejusque orationem, ac denique testimonium Basilii.

Historia legionis Thebæ exstat apud SURIUM *Ant. Sancti. d. 22. Sept. CAVE Christ. prim. P. III. cap. 4. p. 714. seqq.*

C A P U T III.

Belli Partitio in Publicum & Privatum, summi Imperii explicatio.

C Aput hæc quantivis pretii duas tractat res notatu dignissimas. Nam

- I. Aliquot belli divisiones exponit. §. 1. 5.
- II. ea occasione expendit doctrinam de summo Imperio vel potestate civili. §. 6. 24.

Prior pars denuo constat articulis 2. Nam bellum dividitur

- 1) In publicum & privatum. §. 1. 3.
- 2) Publicum denuo subdividit in sollemne & minus sollemne. §. 4. 5.

§. 1.

Prima ac summa belli divisio est, quod aliud sit *publicum*, aliud *privatum*, quibus Grotius & mixtum addit.

Publicum bellum est, inquit Grotius, quod auctore eo geritur, qui jurisdictionem habet: privatum, quod aliter, mixtum, quod

quod una ex parte publicum est, ex altera privatum. Sed Grotius hic non proprie & ex arte loquitur. Jurisdictio enim proprie competit magistratui: hic vero jurisdictio ipsi est summum imperium, vel majestas, quo sensu & SANE. dicit saepe, penes principem esse jurisdictionem, in libris de Clementia.

Rectius itaque dixeris, bellum publicum esse, quod a summis Imperantibus vel societatibus liberis geritur, e. g. bellum Carthaginienſium & Romanorum.

Privatum, quod a privatis geritur, ut bellum inter Marium & Sullam.

Mixtum, quod ex una parte a summis Imperantibus, ex altera a privatis geritur, e. g. bellum Catilinarium.

- n. 2. Quia autem existimari posset, hanc divisionem esse absonam, quum bellum privatum sit latrocinium, non bellum: latius demonstrat Grotius, non omne bellum privatum injustum esse, nec in statu naturali, n. 2. nec in statu civili. §. II. n. 1. 2. & §. III.

I. In statu naturali nullus est Imperans, nullus subditus, sed unusquisque in libertate naturali vivit, nemini obnoxius, nemini inferior, quia natura omnes homines aequales. Quum itaque inter aequales, & ubi superior nemo est, cessent judicia: sequitur ut in statu naturali cessent judicia. Quumque cessantibus judiciis liceat vim vi repellere, etiam in statu naturali licebit omnibus vim vi repellere, id est, bellum gerere.

Hæc

Hæc quidem clara sunt: sed obijci potest: saltem eam facultatem ademptam esse privatis in statu civili, quia hic introducta sunt judicia. Quam in rem Grotius allegat *l. 176. ff. de R. J. & l. 13. ff. quod met. caus.*

Sed statim Grotius ostendit, & in statu civili id bellum privatorum aliquando non esse injustum, quamvis omnino non semper nec omnibus concedendum sit.

§. 2.

Quandum licitum sit, id judicandum ex ratione, cur in statu civili prohibitum sit bellum. Ratione enim cessante, cessat lex.

Jam ratio non alia est, quam quod in statu civili per judicia consequi licet, quod alias in statu naturali per bellum consequeremur. Ista itaque cessante, id est, si non sit judiciorum copia, & prohibitio belli cessat.

Unde regula: Quotiescumque judicii nulla copia est, toties & privatis in statu naturali bellum gerere licet. Judiciorum autem copia non est, inquit Grotius

1.) Vel momentanee: quum vis tam repentina est, & periculum tam præsens, ut judicis auxilium expectare nequeam, e. g. in moderamine inculpatae tutelæ, in fusto nocturno, in latronum furore.

2.) Vel continue, quod ipsum vel jure contingit, vel factio.

1.) Jure, iis locis, qui deserti sunt, & hominibus vacui, e. g. in mari, ubi & pri-

privatus quisque adversus privatos bellum gerit, quia nunquam in mari sunt tribu-
nalia.

2) Facto, sive subditorum, sive judi-
cum auctoritatem adspernentur, (ut olim
in Israele: *Eo tempore non erat rex in Is-
rael: & unusquisque faciebat, quod justum
erat.* Sane in eo statu, si quis se adversus
injurias defendisset suis viribus, non pec-
casset: sive ipsius judicis, si denegent ad-
ministrationem justitiæ. Sed bini postero-
res casus cum grano salis accipiendi. Nam
ille de subditis supponit meram *ἀναρχίαν*,
quæ rarissime datur: & alter de judice de-
negante justiciam nemini dat facultatem
gerendi bella, nisi non adsit judex supe-
rior, vel impetrans, ad quem hujusmodi
querelam deferre possint. Quod denuo sine
ἀναρχία intelligi nequit.

n. 2. Ceterum licitum ejusmodi bellum pri-
vatum alii negant, quorum sententiam an-
tequam expendat Auctor n. 2. sententiam
suam demonstrat, ut §. seqq. adversatio-
rum argumenta refellit.

Argumentum suum Grotius desumit ex le-
ge divina de furto nocturno, Exod. XXII, 2.
quale quid & lege XII. Tabb. & legibus
Solonis cautum novimus. Immo PUFEND.
Lib. II. cap. V. de J. N. & G. §. 17. de-
monstravit, omnium fere gentium leges
eandem furis nocturni permisisse. Conf.
HARTIUS *ad Pufend. l. c.*

Jam id jus furem nocturnum occidendi
aut ex delicto, puta furto, aut ex jure
se defendendi. Non autem ex delicto.

Nam

Nam sic & diurnum occidere fas esset: Ergo ex jure defendendi. Si in civitate hoc jus se defendendi cum Alterius internecione salvum est, non omne sane bellum privatum erit prohibitum. Q. E. D.

§. 3.

Jam itaque ad argumenta adversariorum n. 1. progreditur, quæ eadem fere sunt, quæ opponunt bello publico. Unde pleraque jam superiore capite expensa sunt. Brevitate utemur & paucis argumenta recensēbimus.

Primum est ex iis dictis, quibus Christus & Apostoli prohibent, quo minus resistamus malo. Matth. V, 39. ne ultionem spiremus. Rom. III, 19. ne gladium sumamus, nisi gladio perire velimus.

Secundum desumitur ab exemplo Christi, pro inimicis mortui. Rom. V, 8. 10.

Tertium a testi nonio Ecclesiæ primæ, n. 2. quæ omnem defensionem privatam inhibuit, etiam contra latronem armatum. AMBROSIIUS *de off. lib. 3. cap. 3.* AUGUSTINUS *lib. 1. de lib. arb. cap. 5.* Imo idem dogma migravit in Jus Canonicum. c. vet. C. 13. q. 11.

His argumentis alia opponit Grotius fortiora. Nempe n. 3.

1) Quod Evangelium jubet amare proximum tanquam se ipsum. E. non magis quam se ipsum. Unde mihi sum proximus, meque potius conservari ac tueri teneor, quam alium.

2) Quia & lex beneficentiæ admittit exceptionem, nisi ipsi indigeamus. 2. Cor.

Hyin. de Jure Belli, &c.

F VIII,

VIII, 10. Ergo & lex de conservando proximo intelligenda cum limitatione, nisi ipsi periclitemur.* Rectius res ita proponitur:

Leges sunt vel affirmativæ, vel negativæ. De affirmativis semper valet regula: Leges affirmativæ admittunt exceptionem necessitatis, e.g. lex de Sabbatho, de beneficentia, de conservando proximo. Negativæ vel ad officia erga Deum pertinent, vel ad officia erga proximum. Priora nunquam admittunt exceptionem necessitatis; hæc admittunt, si vel necessitas a Deo sit, vel a malitia hominis, mihi erepturi vitam. Jam lex: conserva vitam proximi, est affirmativa, E. admittit exceptionem necessitatis. Lex: ne occide, est negativa & ad officium erga proximum pertinet, ergo exceptionem admittit ob malitiam hominis nos occidere volentis.

Objici posset: Non esse proportionem inter delictum & poenam: alterum mihi eripere velle vitam temporalem, me illum occidendo illi eripere vitam æternam. Sed resp. 1) non hic esse poenam, sed defensionem: 2) non magis certum esse, an quis in eo statu sit, ut moriatur cum spe salutis. 3) Nec certum esse, an adgressor damnationem sit evitaturus, si conservaretur. Denique 4) non esse culpam damnationis penes occidentem, sed penes adgressorem.

a. 4. 5.

3) Tertium Grotii argumentum est, quod ipsi Apostoli videantur Christo vidente gladiis usi: idque conjicit 1) ex loco

eo

co Josephi, qui in Judæam proficiscentes
et Galilæa, gladiis & armis instructi iter
fecerint ob latronum crudelitatem. 2) Ex
voce Apostolorum Luc. XXII, 36. Hic sunt
duo gladii, quum nemo in eorum comi-
tatu esset.

Hinc ita argumentatur Grotius cum Ci-
cerone: Gladios habere certe non liceret,
si uti illis nullo pacto liceret, E. uti licet
gladiis.

His præmissis ad superiora argumenta n. 5.
respondet. Et 1) quidem ad dictum Chri-
sti: *Ne resistis injuriam facienti*: Resp.
non loqui Christum 1) de omni injuria,
sed leviori, qualis est alapa, angaria unius
milliarii, &c. 2) Non loqui de omni ho-
mine, sed de eo, qui persecutionem re-
ligionis causa patitur. 3) Legem hanc ne-
gativam admittere exceptionem necessita-
tis ob malitiam hominum.

2) Ad dictum Pauli Rom. XII, 19. resp. n. 6.
non prohiberi defensionem, (uti vult in-
terpres Latinus, qui vertit *defendere*.) sed
ultionem vel vindictam. Idque Grotius
demonstrat 1) ex perpetuo vocabuli usu,
2) ex verbis proxime sequentibus: *Ulcio
mea est, ego rependam, inquit Dominus*.
Nos autem hic non loquimur de ultione,
sed de defensione.

Sed quæ differentia? 1) Ulcio malum
alterius pro fine habet, defensio conser-
vationem propriam. 2) Illa ex ira & odio,
hæc ex ordinato sui amore proficiscitur.
3) Illa & extra periculum intentatur; hæc
in extremo periculo suscipitur.

n. 7. 3) Ad verba: *Qui gladium sumet, gladio peribit*. Resp. 1) Verba hæc intelligenda esse de præsentē casu, nam nec volebat defendi Christus; quia oportebat eum pati, nec defensione ei opus erat, quia impetrare potuisset XII. Angelorum legiones. 2) Defensio hæc suscepta fuisset adversus magistratum, injustum quidem, sed tamen magistratum. 3) Verba illa: *Qui gladium accipiet, gladio peribit*, videntur proverbium fuisse, desumptum ab eo, quod ut plurimum fiat, quia & alibi occurrit. Apoc. XIII, 10.

n. 8. 4) Ad exemplum Christi pro impiis & inimicis mortui. Resp. alias actiones Christi esse satisfactorias, alias ad legem divinam compositas; vel ut theologi loquuntur, alias pertinere ad obedientiam ejus activam, alias ad passivam. Quæ ad activam pertinent, imitandæ, quæ ad passivam, inimitabiles sunt. Hinc Paullus id factum dicit singulare Rom. V, 7. & ipsi Apostoli nos non jubent mori pro inimicis, sed pro fratribus. 1. Jo. III, 16.

n. 9. 5) Patribus facile respondetur. 1) Eos adfectare quandoque disciplinam severiorem une morale outrée. 2) Eos in philosophia & theol. morali errores admisisse gravissimos. 3) Alibi patet contraria profiteri, in primis Augustinum sui esse dissimilem in *quest. 34. ad Exod.*

§. 4.

n. 1. Prima hæc erat divisio belli in publicum, privatum & mixtum. Sequitur 2. sub-

subdivisio belli publici in sollemne & minus sollemne.

1) Sollemne vocatur, quod susceptum a summo imperante sollemni ritu indicitur.

2) Minus sollemne, in quo alterutrum deest, vel quod aut ab ipso summo imperante non suscipitur; aut non indicitur sollemniter.

Sollemne bellum dicitur etiam justum, non sollemne injustum: ubi tamen non respicitur ad justitiam naturalem vel J.N. sed ad justitiam quandam, quæ a moribus est. Quemadmodum enim testamentum injustum dicitur, cui sollemnitas quædam deest, nuptiæ injustæ, si vel civis ducit peregrinam, vel in conjungendis personis sollemnitas quædam omitta: ita bellum sollemne dicitur justum, quia ritus quosdam & caerimonias invenerunt & receperunt gentes paulo honestiores, quibus inter se uti solent.

Quæritur itaque, an magistratui liceat saltim bellum minus sollemne gerere? Resp. regulam esse: Magistratui id non licere. Quam regulam inde probamus.

1) Quia magistratus non gaudet imperio absoluto, sed potestate restricta: adeoque nihil potest, nisi quod jussus superiorum injunxit. Nemini autem magistratui ordinarie permittitur potestas bellum gerendi.

2) Quia bellum est res, quæ totam remp. adducit in supremum periculum. Ergo gerendum non est injussu summi imperantis.

3) Quia criminis perduellionis reus est, qui injussu populi (vel alterius summi imperantis) bellum gerit. l. 3. ff. ad L. Jul. Maj. Ergo recte se habet regula Augustini Lib. 22. adv. Faust. cap. 27. *Ordo naturalis mortalium paci accommodatus hoc poscit, ut suscipiendi belli auctoritas atque consilium penes principes sit.*

n. 2. Sed ut regulæ morales tantum non omnes admittunt exceptionem necessitatis, ita & Grotius a magistratibus aliquando bellum minus sollemne geri posse putat.

1) Quoties vim facit eis, qui ei, quod extremum in jurisdictione est, id est, executioni resistunt. Sed id proprie non est bellum, sed jurisdictionis effectus, si paucos cogat obtemperare sententiæ. Sin res ad seditionem veniat, defensio permisa est, bellum autem non nisi jussu summi imperantis suscipitur.

2) Quoties periculum in mora est, vel

3) Ob longinquitatem loci non potest expectari jussu summi imperantis. Huc pertinet exemplum Pinarii, a Grotio allatum, & multo potius nobis exemplum gubernatorum provinciarum Indicarum, qui sæpe bellum cum gentibus barbaris confecerunt, priusquam fama, de eo suscepta in Hollandiam perveniret.

(§. 5.)

n. 1. Quum itaque superiore §. & magistratum, extrema urgente necessitate bellum gerere posse demonstraverimus: jam por-

19

ro quæritur, an hujusmodi bellum dicendum sit publicum?

Negant canonistæ omnes ob c. olim 19. X. de restit. spol. Quorum est argumentum: Bellum publicum est, quod geritur ab iis, quibus est summum imperium. Bellum a magistratu susceptum non geritur ab eo, cui est summum imperium. Non ergo est publicum.

Adfirmat contra AYALA *de jure belli lib. 1. cap. 2. n. 7.*

Grotius distinguit. Si bellum publicum sumatur pro eo, quod a magistratu geritur, bellum hoc dici publicum: si publicum sit idem ac sollemne, negat hoc nomen competere hujusmodi bello.

Sed hæc distinctio petitionem principii involvit. De eo ipso enim est quæstio, an publicum sit, quod a magistratu geritur.

Nos aliter distinguimus. Aut magistratus hujusmodi bellum sine necessitate suscipit, tum est privatum, & hinc non bellum, sed latrocinium. Aut id sit necessitate urgente, & vel generationi mandante summo Imperante, vel factum ratum habente, & tunc est publicum, 1) quia generale mandatum & ad specialia pertinet, 2) quia quod quis per alium facit, illud ipse fecisse videtur, 3) quia ratihabitio retrahitur ad initium facti.

Hinc quum Hannibal obsideret Saguntum, id faciebat tanquam magistratus, nec id jusserant Carthaginenses. Hinc legati mittebantur Carthaginem, qui Hannibalis

urgerent deditionem. Quod quum negarent Carthaginenses, & factum Hannibalis ratum haberent, bellum inde fiebat publicum.

Contra si Gubernator provinciarum Indicarum bellum injussu Batavorum suscipit adversus barbaros, id bellum non est privatum, sed publicum, quia generali mandato instructus est, pace belloque omnia agendi, quæ e re societatis Indicæ sint futura. Idque ipse agnoscit Grotius n. 2. ubi ait: Sed illud accidere potest, &c. Respicit ad statum reip. Germ. Fridericus Barbarossa in Italia constituerat vicarios Imperii, iisque plenam dederat potestatem bellum gerendi faciendique pacem, prout e re Imperii futurum sit. Ea sane bella suscepta a vicariis non erant privata, sed publica.

n. 3. Altera quæstio est: an ubi tale mandatum non est, sufficiat conjectura voluntatis?

Nimirum notum est, mandatum esse vel verum vel præsumtum, e. gr. in judicio procurator habet mandatum verum, maritus pro uxore agens præsumtum. Præsumitur enim uxor velle a marito defendi.

Ita Bataviæ præses habet mandatum verum & bellum gerendi & pacem faciendum cum Barbaris, prout e re visum fuerit: contra Præses vel Gubernator Belgii Austriaci non habet hujusmodi mandatum: quæritur itaque an non præsumtum saltem habeat, & velle censeatur Imperator, ut bellum & injussu suo suscipiat, si id e re sua videatur, & an non hujusmodi præsum-

sumtum mandatum sufficiat ad bellum gerendum?

Grotius id nullo modo existimat admittendum, 1) Præsumtionem enim esse Imperantem id sibi reservasse, 2) rempublicam ita exponi summo periculo, quod injussu suo fieri omnino nolit summus Imperans,

Hinc quum Fabius legatus missus ad Gallos tanquam legatus bello Hetruscorum adversus illos interesset, & ducem ageret Gallum illum sibi dedi postularunt. Ipsum Cæsarem, qui injussu populi bellum Germanis intulerat tanquam Procos. Galliarum, Germanis dedi suasit Cato, teste Svetonio. Hinc & Ciceronem reprehendit Grotius, quod Octavium & D. Brutum defendit, arma contra Antonium privata auctoritate capientes: & inde simul infert, sæpe non probanda esse exempla veteribus probata, qui affectui magis quam judicio obtemperarint.

Hæc omnia Grotii argumenta breviter recensui. Sed tamen in eo falsus est, uti jam Gronovius recte ostendit. Quæstio erat, an mandatum præsumtum sufficiat magistratui ad gerendum bellum? Grotius in universum negat. Nos distinguimus 1) inter bellum offensivum & defensivum. Ad illud non sufficit mandatum præsumtum, quia res fert moram. Ad hoc sufficit, quia moram non patitur. Hinc si Turca ex improvviso irrueret in Hungariam, quis dubitaret, quia Duces copias contrahere & Turcam profligare possint, antequam Viennam nuncius pervenerit?

2) Distinguiamus inter dubias belli causas, & jam apertas. Quamdiu resp. alterum hostem non decrevit, abstinendum est magistratibus a laceffendo altero. Et hinc male egit Cn. Manlius bellum gerens cum Gallis. Contra ubi res certa & alter hostis declaratus est, quis neget cuius fas esse hosti arma inferre? Sic non peccavit Brutus adducens copias adversus Antonium hostem declaratum, quum videret eum aliter reprimi non posse.

n. 7. Haec prior capitis pars de belli partitione duplici: sequitur jam altera, quæ agit de summo imperio, vel de summa potestate. Ratio connexionis satis manifesta. Quum enim bellum proprie gerant summi imperantes: quærit jam Grotius, quid sit summa potestas. Rem partiemur, ut expediamus

1) Quid sit summa potestas. §. 6. 7.

2) Quid sentiendum de sententia monarchomachorum. §. 8. 9. 10. 11.

3) Quotuplex sit summa potestas. §. 12. 16.

4) Quæ partes sint summæ potestatis. §. 17. 20.

5) Quibus modis imminuatur. §. 21. 24.

§. 6.

n. 2. Quod ad primam quæstionem attinet, ea denuo solvi potest in duas quæstiones.

1) In quo consistat? §. 6.

2) Quomodo definiri possit. §. 7.

De priore quæstione primo Grotius alio-

rum

rum sententias recenset n. 1. Deinde suam subjungit n. 2.

1) THUCYDIDES eam ponit in legibus, judiciis, magistratibus e. g. Veneti suis utuntur legibus, suis judiciis, suis magistratibus. Ergo penes Venetos est summa potestas.

2) ARISTOT. l. 4. *Pol. cap. 14.* tres facit species, Imperium, Consultationem & Judicia. Ad Imperium refert leges, tanquam inanimatum Imperium, & animatum i. e. magistratus. Ad consultationem senatum, comitia, consilia; ad judicia, tum disceptationes de causis privatis, tum de publicis.

Ita & 3) DIONIS. HAL. modo tres facit summi Imperii partes, nempe leges, magistratus & bellum pacemque, alibi quatuor, dum addit judicia: alibi quinque, addendo jus circa sacra.

Sed hic observandum 1) Thucydidem & Aristotelem consentire. 2) Dionysium Hal. nusquam agere de juribus summi imperii, sed tantum describere, quæ jura majestatis fuerint penes populum Romanum. 3) Recte ergo dici posse omnia referenda ad tria illa, consultationem, imperium & judicia. Si itaque penes civitatem vel rempublicam est jus consultandi de negotiis publicis, in pace & in bello, jus imperii, id est, leges ferendi magistratunque & ministros constituendi, & denique jus judicia instruendi exercendique, penes eam omnino est summa potestas.

Nec alio redit partito Grotii. Dicit n. 1.

enim, qui civitatem regit id facit vel per se, vel per alios.

Si per se, tunc versatur

1) Circa universalia, condendo abrogandoque leges circa res sacras, unde *jus circa sacra*, circa res profanas, unde *potestas legislatoria*.

2) Circa singulalia, eaque vel publica directe, unde *jus circa bellum, pacem, foedera, vestigia*, item, *dominium eminens*.

vel privata, unde *jus exercendi judicia*.

Si per alios id facit

1) per Magistratus, unde *jus constituendi Magistratus*.

2) Per legatos, unde *jus mittendi legatos*.

Hæc itaque sunt, quæ ex mente Groti summam potestatem constituunt. Jam ergo queritur, quid nos ea de re sentiamus?

Nos summam potestatem vocamus etiam majestatem, imperium summum, suprematum, la souveraineté. Jura ex quibus illa conflata est, vocantur *jura majestatis*, partes summi imperii, regalia. Ea sunt vel

1) Immanentia, quæ exercentur adversus subditos, & quidem vel circa

a) universalia, unde *legislatoria potestas*, & *jus circa sacra, jus circa tributa*.

b) Singulalia, unde *judicia*.

2) Transientia, quæ exercentur adversus externos, & sunt

a) vel publica, spectantque vel

ad

in Publicum & Privatum, &c. 127

ad bellum, unde *ius belli*,
pacem, unde *ius foederum & legatos*
mittendi.

β) Vel privata, ut *ius vestigalia imponendi*.

3) Mixta, quo spectant *consultationes*,
sive per comitia, sive per consilia &
senatum, de bello, pace, legibus,
tributis, &c.

Hæc quæ omnia habet civitas, ea gaudet maiestate summoque Imperio.

§. 7.

Jam ergo ad definitionem. Grotius definit illam quod sit, *cujus alius alterius juri non subsunt, ita ut alterius humana voluntatis arbitrio possint irasci reddi*. e. g. Resp. Veneta, Batavica, collata cum Noribergica.

Sed hanc definitionem multi reprehendunt, 1) quia est negativa. Negative autem nihil recte definitur. e. g. si dicam, me non esse Eliam, nemo sciret, quis sim: & si dicam animam esse substantiam immaterialem, nemo sciet quid sit, sed quid non sit, nempe quod non sit materia.

2) Quia ea quadrat etiam Adamo, & homini in solitudine viventi, qui tamen non est imperans.

Hinc rectius ita definiemus summam potestatem, quod sit *facultas eminens ordinandi civitatem cum omnibus suis partibus ad suum finem*. Conf. HERT. Elem. Polit. Pars. 1. Sect. 6. n. 3.

Illud autem summae potestatis attributum, quod Grotius in definitione posuit, nempe, quod *alius summa potestatis alterius juri*

juri non subsint, nec alterius humana voluntatis arbitrio irriti fieri possint, potius est axioma ex definitione fluens, quam ipsa definitio. Id tamen intelligendum

1) non de ipso imperante, nec

2) de ejus successore, sed

3) de exteris.

Sed hic elegans oritur quaestio: an successor possit mutare actus antecessoris? Adfirmat Grotius. Sed id cum grano salis accipiendum. Nam 1) distinguendum inter successorem universalem & singularem, qui per modum electionis rerum potitur. De hoc certum est, quod non teneatur stare actis antecessoris, & hinc omnia privilegia, ipsosque contractus revocare possit, quia resolutio jure dantis, resolvitur jus accipientis. Hinc quia hoc incommodum est: plerumque ordines regni vel provinciae capitulatione quadam obstringunt novos Imperantes, ne quid immutent. Contra, quod ad successores universales attinet: illi vel versantur circa actum unilateralem, vel circa bilateralem. Circa illum omnia licent, e. g. leges abrogare, nova tributa imponere &c. Circa hos non perinde, quia alteri jam est jus quaesitum. Hinc magnae turbae sequuntur, quum Rex Prussiae feuda mutaturus esset in allodia & loco servitiorum militarium exigeret canonem annuum. Inter dominum enim & vasallum est contractus, a quo dominus invito altero discedere, & huic jus quaesitum auferre nequit.

Ex eo jam patet, quanam civitates gau-

gaudeant jure summæ potestatis? Quæ omnes partes reip. ordinare possunt ad communem finem. Si, ergo quæras, an Belgio foederato sit summa potestas? Resp. esse. Si quæstio sit de Belgio Austriaco, negatus.

Sed hic cavendum, ne summam potestatem negemus

1) Regnis sub uno capite consociatis, e. g. Hungariæ, Bohemiæ, Croatiæ, Transylvaniæ, Siciliæ, Neapoli. Quamvis enim in his regnis nihil fiat, sine voluntate Imperatoris: tamen non sunt provinciæ Germaniæ.

2) Systematibus civitatum, e. g. Helvetiæ, Belgio foederato. Quamvis enim in quibusdam reliquorum consensu opus sit: non tamen hæc est subjeçtio, sed foedus.

Qu. porro, quodnam sit summæ potestatis subjeçtum? Resp. illud vel commune est, vel proprium. Subjeçtum commune est, totum in quo attributum aliquod est: proprium pars, cui præcise inhaeret. Sic e. g. ratio est in homine tamquam in subjeçto communi: sed præcise non est in toto homine, verum in mente, quæ adeo est subjeçtum proprium.

Eodem modo subjeçtum summi imperii est civitas vel resp. a nemine dependens, sic e. g. dico Galliam, Frisiam, Hollandiam gaudere summo imperio, sed quia tamen non omnes sutores, sutores & rustici illud exercent, hinc subjeçtum proprium in Gallia est Rex, in Frisia & Hollandia ordines.

Hic ergo incidit maximi momenti quaestio: quid sentiendum sit de hypothefibus monarchomachorum? De quibus nonnulla pramittenda sunt generalia.

Vera politica & magistratus s. imperantes, & populum instruit, & utrifque praescribit sua officia: quemadmodum ethica omnibus hominibus. Sed saniores politicam, quae Christi verborum memor tribuit Caesari, quae sunt Caesaris, Deo, quae sint Dei, duae turbant sectae pestilentissimae, quarum altera dicitur Machiavellismus, altera Monarchomachismus.

I. Machiavellismus ita dicitur a N. C. MACHIAVELLI libello de Principe, quo ille docet obligationem inter Principem & populum non esse reciprocam. Populum enim obligatum esse Principi, non Principem populo, unde illi omnia licere in vitam, religionem, conscientiam & bona subditorum, nec ullum scelus a Principe committi posse, quantumvis Princeps tyrannum agat, quia quod velit Princeps, id pro lege sit. Haec inquam docet Machiavellus, sed non tam ut haec principia proponat, quae detestanda sunt, sed ut conclusiones, quae inde fluunt, operose explicet.

Quamvis autem ab aliis & a me observatum sit alibi, Machiavellum haec non serio scripsisse, sed ut principatum Florentinis exosum redderet, quum nemo plus libertate passus sit Machiavello. Vid. BAILLE dans le dictionnaire historique & critique de Machiavelles facile tamen reperti sunt, qui.

quibus illa principia vel in theoria, vel in
praxi placuerunt. Sic observarunt viri do-
ctissimi, Carolum IX. Regem Galliae & Phi-
lippum II. Reg. Hisp. nec non ejus mini-
strum Ducem de Alba Imperium plane ad
has regulas composuisse. Immo postea ea-
dem principia in crustavit & forma demon-
strationis mathematicae in Anglia induit
HOBBIUS in libellis *de cive* & *Leviathan*.
II. Hisce Machiavellistis sese opposuere
plures viri docti: sed in his quibusdam
contigit, quod ait Horatius:

Stulti, dum fugiunt vitia, in contraria
ruunt. Nam dum refellunt Machiavellistas,
principibus omnem summam potestatem
eripuerunt, eamque soli concesserunt po-
pulo, & inde natus est Monarchomachis-
mus, cujus praecipui promachi sunt:

1) FR. HOTTMANNUS in *Franco-Gallia*,
ob quem librum Ictus maximus e patria
profugere cogebatur.

2) STEPH. JUN. BRUTUS in *Vindictis*
adversus tyrannos, *Edinburgi in Scotia pri-
mum editis*. Nomen est fictum: hinc liber
modo huic modo alii tributus. Fuere, qui
ipsum Theod. Beza, theologum celebra-
rimum, auctorem dicerent, quem tamen
singulari dissertatione defendit GISEBERT.
VOETIUS. Sed genuinus Auctor est HUB.
LANGUETUS, Gallus, ob religionem pro-
fugus, & in aulis Saxonica & Palatina
celebris.

3) ALTHUSIUS in *Politica*. Docuit pri-
mum Herbornæ, inde Ebdam. evocatus,
tamquam Syndicus vel reip. consiliarius.

Vir

Vir doctus, sed omni monarchiæ infensissimus.

4. JO. MILTON, Anglus, qui trucidato a Cromwello & affectis ejus rege patronum egit hujus parricidii, & hinc nata controversia inter Miltonum & Salmasium. Hic primum addidit *defensionem regiam*: sequuta est Miltoni *defensio populi Angl.* Hinc porro prodit Salmasii *responsio*, & Miltoni *nova defensio*, item Salmasii *Clamor sanguinis regii ad calum*, & hujus generis alia.

5) SCHÆLTUS vir in Transsylvania doctissimus & Prætor supremus Tubantum, libellum edidit de *summo imperio*, eleganter, sed improbe tamen scriptum in 12. Hi sunt auctores, qui ex instituto defenderunt Monarchomachismum. Sunt & alii, qui paullo rectius id agunt, ut JO. FR. GRONOVIVS in *Not. ad Grosium*, JAC. HARLINGTON in *Oceana repl. de Tolando edita Lond. 1700.*

Immo in Anglia etiamnum utraque sede floret, & turbas excitat maximas: Machiavellismus & Hobbesianismus. Ibi dicitur obedientia passiva: Monarchomachi se vocant. *Republiquains*, & obedientiam activam defendere se profitentur. Prodierunt ante aliquot annos duo libri de historia Anglicana scripti, alter sub titulo *Julian*, alter sub titulo *Jovinian*, quorum illo sub schemate vitæ istius Imp. machiavellismus; hic sub eodem schemate monarchomachismum defendit.

III. Quod ad principia attinet Monarchomachorum, illa huc redeunt: Majestas
tem

tem esse duplicem, realem & personalem. Illam consistere in complexione omnium regaliū; hanc in præminencia personæ præ aliis. Illam esse penes populum, hanc penes regem & principem. Inde vero colligunt, 1) principem ministrum esse populi. 2) Ei resisti posse, si quid contra voluntatem populi audeat facere. 3) Imo cum supplicio adfici posse, si populus velit.

IV. Quæstio itaque est, *an ubique & sine exceptione summa potestas sit populi, ita & ut reges, quoties imperio suo male utantur puniri & coercere liceat?* Ita statum controversæ format Grotius. Sed Gronovius putat, illum Andabatarum more pugnare, quia nemo id statuatur. Quia in re egregie fallitur. Nam omnes Monarchomachi id statuunt, quia putant inter regem & populum esse contractum mandati, mandatarium autem teneri rationes reddere mandanti, & obnoxium esse coercitioni, si fines mandati egrediatur. Ipse itaque ita format statum controversæ: *An populus habens Imperium legitimum, puta regem vel senatum, vel conventus ordinem, si major & melior pars consensit, eam regiminis formam esse perniciosam, puta regem palam degenerasse in tyrannum, senatum in paucos dominos, concilia in confusam turbam seditionum hominum, possit illam mutare & auctores mali punire?* Sed id absurdum, quis enim hoc negaverit? Tyrannus vere talis hostis est reip. Hostem vi repellere licet. Adæoque hæc quæstio monarchomacos plane non ferit, sed illa Grotii quam jam merito cum Grotio negamus.

Primum Grotii argumentum hoc est: Si homo quisque se potest addicere in servitutem: potest id & populus. At verum est prius. Ex. XXI, 6. E. & posterius. Ex quo porro sequitur, ut servus, qui semel se addixit, non potest resistere domino tanquam domino: ita nec populum resistere posse principi tanquam principi.

Quid ad hæc Gronovius? Concedo totum: serviant itaque si volunt. Sed Grotium bonus vir non intellexit. Neque enim ejus sententia est, totum populum se posse addicere in servitutem juris gentium, ut omnia acquirat regi: sed argumentatur a majore ad minus. Si quisque se potest addicere in servitutem juris gentium: multo magis populus potest imperanti se addicere in Imperium illimitatum & absolutum, ita ut rex nullo modo a populo pendeat. Hos servire ait Gronovius, sed falso. Nam 1) non se addixerunt in servitutem, sed in imperium. 2) Si Rex sit tyrannus, non est Rex, sed hostis. Dici posset, id incommodum esse. Sed resp. nullam reip. formam esse incommodam. Si imperans bonus est, felices sunt subditi in monarchia etiam illimitata. Sin malus: subditi miseri sunt in rep. etiam liberrima.

2. 1. 5.

Negat porro Gronovius quemquam præsui tam sui inimicum, ut se vellet addicere in Imperium nullis restrictum legibus. Grotius ergo aliquot causas allegat, quæ eo adigere possint gentes.

1) Si sint ad extrema adductæ, ut videant, sibi esse pereundum, nisi se victoris arbi-

arbitrio permittant. Exempla complura sunt in historia. Grotius adfert exemplum Campanorum. Possunt addi Falisci apud Liv. lib. 5. Samnites apud eundem libro 8. & alii. Exemplum recentissimum vidit Europa in Catalonia, quæ a foederatis deserta in Hispanorum potestatem pervenit, & deditionem facere coacta est iis legibus, quas vellet victor præscribere. Tristissimum exemplum præbuit universum Imperium Constantinopolitanum a Turcis subactum. Quis quæso dixerit, ibi majestatem ullam remansisse penes populum?

Quasdam gentes ipsa natura impellit, ^{et} idque Grotius illustrat similitudine stupidorum, quos natura servos dixerat. Aristoteles. Ita & gentes quasdam ait esse tam stupidas & barbaras, ut non possint nisi adductissime regnari.

Jam quidem Aristotelicum principium falsum est, si ita intelligatur, quod quidam natura ipso ACTU servi sint: non enim sequitur, hic est me stupidior, ergo est servus meus: admitti tamen potest, si intelligatur de POTENTIA. Stupidos enim qui se sponte regere & alere nequeunt, aptissimos esse ad servitutem, nemo negaverit: quin vix consuli illis posset, nisi ab aliis regerentur, nec magis lenia remedia admittit hominum stupiditas, quam asini, qui sine fuste nihil agunt.

Ita sane comparata sunt integræ gentes, de quibus vere dixeris, eos esse ingemii servilis, ut in Europa Russi; in Asia gentes fere omnes, quæ tam serviles sunt, ut adductissi-

diffima debeant esse eorum imperia. Elegantia sunt exempla Cappadocum, Thracum, Mysorum & Getarum a Grotio allegata. His addendum elegans exemplum Alexandri M. qui devictis Persis, Medis, Bactrianis aliisque gentibus plane ad mores Persarum se composuit, & a pristina sobrietate humanitateque multum remisit. Reprehendunt id scriptores Græci. Sed profecto hic dies aliam vitam, alios mores postulabat. Aliud Imperium requirebat Macedonum, aliud Orientalium genius, ad servitutem a natura factus.

- n. 5. Tertia causa, cur aliqua gentes se ultro addiderunt aliorum imperio absoluto est felicitas subditorum. Sæpe enim in hisce monarchiis tanta est subditorum opulentia, pax & beatitudo, ut facile salivam moveat etiam civitatibus liberis, cum perpetuo bello & inopia confluantibus, ut se addicant ultro. Sic multæ Græcorum civitates liberæ, teste Ilocrate in Evagora, se dediderunt Evagoræ Regi Cyprorum, nullis licet bellis laceratis.

Accedit quarta causa, quod corrupta reip. forma gliscentibus bellis civilibus & factionibus aliter consuli non possit reip. quam huiusmodi Imperio absoluto. Hinc Romani, quoties huiusmodi status animadvertebatur, dictatorem creabant. Sed quum huius semestris tantum esset Imperium, denique id vix suffieit. Hinc Sullæ & Cæsaris concesserunt dictaturam perpetuam. Eo occiso, tanta denuo perturbatio rerum omnium esse coepit, ut salva esse non posset

set resp. nisi ab uno regeretur. TACIT.

Ann. lib. 1. cap. 9. Hist. lib. 1. cap. 1.

7 Ipsi hoc in Anglia experti sunt Monarchomachi. Occiso enim rege aliquamdiu remp. liberam constituerant. Sed gliscentibus factionibus inter parlamentum, exercitus, agitadores, iutum vocabantur & alios non aliter videbatur consuli posse resp. quam si uni permitteretur. Et quamvis a regia abhorrentes familia Cromvellido summam rerum deferrent, is tamen sub nomine Protectoris tam libere & absolute imperavit, ut nullus unquam Rex Angliæ.

Quum itaque tot causæ esse possint, quæ genibus liberis persuadere possint, ut se unius Imperio addicant: falsissimum sane est, quod sibi persuasit Gromovius, nullam gentem tam politam fore, ut se alii addicat.

Aterum Grotii argumentum contra Monarchomachos tale est: n. 6.

Si bello justo acquiritur dominium privatum: eodem etiam acquiri potest dominium civile, seu imperium.

At verum est prius, E. & posterius.

Hinc porro ratiocinamur:

Si bello justo adquisitum imperium, illud sane non semper dependet ab ultraneo mandato populi.

At verum est prius, E. & posterius.

Sane si magistratus in pœnam Titii bona publicat, eaque a Fisco invito Titio eripiuntur: quis dixerit, fiscum illa administrare mandato Titii, & hinc nihil posse Fiscum, nisi consentiente Titio?

Jam

Jam quod in civitate est poena : id extra civitatem est bellum. Quis ergo dixerit, principem provinciam justo bello invitis ereptam administrare mandato provincialium?

Quid ad hæc Gronovius? Iterum concedit totum. Nam certe inquit, plus licet in populo bello subactos, quam qui creaverunt regem.

Sed resp. Ita Gronovius non impugnat Grotium, sed tantum suam thesin defendit, quod tyranno possit resisti, quod nemo unquam, & nec Grotius quidem negavit.

Videamus itaque tertium Grotii argumentum :

Si rex nihil potest sine populo, & hic jus habet regem coercendi & puniendi : idem jus populus quoque habebit in Aristocratia, imo & in Democratia ; nam nec in hac feminæ inopes, adolescentes a deliberationibus publicis excluduntur.

At posterius falsum esse dicunt monarchomachi, ergo & prius falsum erit.

Gronovius quidem dicit, se non-videre, quid hoc argumentum concludat : sed concludit per multum. Scopus enim Monarchomachorum est, explodere formam reip. monarchicam, tanquam minus convenientem rectæ rationi, & contra commendare formam aristocraticam vel democraticam. Ergo acute ostendit Gronovius, monarchomachorum argumenta etiam has formas evertere, & hinc esse falsa. Et sane fingamus Venetiis factores, sutores, nautas dicere,

re,

re, senatum Venetum esse mandatarios suos: illos male administrasse remp. & hinc amissas esse Cyprum, Candiam, Moream, & tot alias Insulas, se velle homines illos coercere, & punire. Quid respondebit monarchomachus? an non item licebit adversus nobiles, quod adversus reges?

Fingamus porro Athenis, ubi pura erat democratia, feminas, nautas, adolescentes, qui ad comitia non admittebantur existimasse, reliquum populum Atheniensem esse mandatarium suum, & quum sæpe tam male reip. consuluerit, a se esse coercendum, quid respondissent monarchomachi? an non idem parti a reip. administratione exclusæ licebit, adversus coriarios, fabros, oenopolas, quod in monarchia populo a reip. administratione excluso licet adversus reges?

Hinc argumentum Grotii omnino est maximi momenti, & tanto diligentius inculcandum iis, qui in libera rep. vivunt, quo procliviores ibi homines incauti esse solent in monarchomachisimum. Conf.

AMPE. HUBERI *diff.* 1. lib. 2. *edit. nov.*

Quartum Grotii argumentum:

Si populi non minus addictos sibi habuere populos, quam regibus sequitur, ut rex non sit nudus mandataris, sed imperans.

Ac verum est prius, E. & posterius.

Prius innumeris constat exemplis: Populus Romanus nulli regi obnoxius, sub se habuit populos latinos, Gallicanum, Hispanicum, Græcum, Syriacum, &c.

Hinc, de Jure Belli, &c.

G Aut

6. 11
n. 7.

Aut ergo ipse quoque populus Romanus fuit nudus mandatarius horum populorum: aut falsum est, reges esse mandatarios populi sui. Prius nec ipsi dicent Monarchomachi. Et exempla sunt, populum Romanum invitis provincialibus de provinciis suis disposuisse. E. iidem monarchomachi Concedere etiam tenebantur, regem non esse mandatarium.

Argumentum hoc tam clarum est, ut vel solum evertat monarchomachorum *φλυαρίας*. Quid autem ad illud Gronovius? Illud plane pervertit, ac si ita argumentatus esset Grotius:

Si populi habuerunt non minus sibi adiectos populos quam regibus, & ab illis sunt dono dati aliis regibus, sequitur, ut nullum jus sit populo, regem potestate male utentem coercere.

Et tum respondet. Nulla prorsus hæc est collectio. Sed ita non collegit Grotius, sed Gronovius, qui illum vel non intellexit, vel intelligere noluit.

n. 8. Quintum argumentum Grotius desumit a testimoniis sacris & profanis, de jure regum. Nam

1) Provocat ad Deut. XVII, 14. Si dixeris: statuam supra me regem, ut aliz gentes circa me: illum statues regem supra te, quem Dominus Deus tuus elegerit. Unde ergo colligit Grotius, Deo non displicere regium imperium, adeoque illud non repugnare recte rationi?

2) Quum eligerent Israelitæ regem, iussit

iussit Deus ut Samuel Israelitis proponeret
ius regium, idque recenseretur, 1. Sam. VIII.

11. sequi. Si id ergo est ius regis, sane id
non repugnat rectæ rationi.

3) In S. S. reges passim dicuntur un-
cti domini, electi a domino, constituti a
Deo super populum. Ergo sane Deus,
adeoque nec recta ratio respuit regium
imperium.

4) Ipse Christus dicit: Reges gentium
dominantur eis. Luc. XX. 25. Nec hoc Chri-
stus improbat, sed tantum negat Apostolos
ita dominari debere. Quin potius Aposto-
li Christi, imprimis Paullus, Rom. XIII.
omnes hortatur ad obsequium regibus præ-
standum, iisque non resistendum, E. sane
regnum non repugnat voluntati divinæ.

Ita & gentiles & profani auctores phi-
losophati sunt, quorum testimonia addu-
cuntur a Grotio, veluti Senecæ, Plutar-
chi, Herodoti, Dionis Prusæensis, qui
alias dicitur Chrysostomus, Pausaniæ Mel-
senici.

Aristotelis locus est magni momenti ex
3. Pol. 14. Leges quosdam esse cum eo
jure, quod alibi habet ipsa gens in se &
sua. Ex eo enim intelligimus, quid sibi
velint iura nostra, quum dicunt populum
R. lege regia omne imperium & potesta-
tem ei, scilicet principi, & in eum con-
cessisse, §. 6. I. de J. N. G. & C.

Quid ad hoc Gronovius? Respondet

1) His non tolli ius populi. Immo
omnino tollitur. Cui enim quis non re-
nunciavit, id non habet.

G 2

2) Po-

2) Populus regi non plus potuit dare, quam habuit. Recte ergo si dedit, quod habuit, rex non subest populo.

3) Populum nunquam habuisse jus se ipsum extinguendi, aut in corpus suum faciendi iniuste, ergo nec regi id dari potuisse. Resp. Concedo totum, rex qui populum extinguit & iniuste facit, non est rex, sed tyrannus, & de hoc non est questio.

4) Testimonia hæc testari de abusu, seu de facto, non de jure. Resp. Immo dum Deus hæc probavit, non de facto sed de jure testatur.

5) Reges fuisse supra populum, uti cons. Romanos, Resp. Est hæc petitio principii. Hi enim eligebantur a populo: non autem omnes reges eliguntur: hi legibus tenebantur, reges ipsi leges ferunt.

6) Misere explicat dictum Christi: Reges gentium dominantur eis: quasi sensus sit, esse eos superiores gradu & dignitate. Siccine dominari est superiore dignitate esse? Quis hoc unquam somniavit? Et cur Paulus monet, iis non resistendum esse? Exemplum videmus, quomodo & viri docti cœcutiant, si semel præjudicatæ opinioni, tanquam glebæ adscripti sint.

u. 11. Neque tamen hæc de omnibus regnis vera sunt: sed sunt quædam

1) In quibus rex nudum nomen habet regis, re ipsa omnia agit populus solus. Talis olim fuit rex Atheatales, Lacedæmonii reges, talis hodie dux Venetus.

Hos

Hos proprie reges & principes esse negamus, & ab iis non magis concludendum ad veros reges & principes, quam a regulis sacrificulis Rom.

2) Qui ad tempus suprema potestate funguntur: uti Amyones apud Cridios, Dictatores apud Romanos. n. 12.

Poterantne hi coerceri? Respondent monarchomachi: quis negaverit? Et inde colligunt, & reges teneri ad rationes populo reddendas. Nos contra. Dictatores non poterant coerceri durante magistratu, erant enim sine provocatione constituti. Quia ergo monarchomachi a dictatoribus argumentantur ad reges, licebit & nobis eodem modo argumentari:

Si dictatores non poterant coerceri aut puniri, quamdiu erant dictatores: nec reges erunt coercendi, quamdiu reges.

At prius verum est. E. & posterius.

Hactenus Grotius argumenta quædam opposuit monarchomachis: quibus & alia subungi possint, in primis ab absurdo: quod ex mente monarchomachorum rex sit subditus subditorum, & subditi imperantes imperantium: sed progredimur ad argumenta monarchomachorum: n. 13.

1) Ita argumentantur

Constituens superior est constituto.

Populus ratione regis est constituens.

E. populus est superior rege constituto.

Sed 1) negamus majorem, & distinguimus inter constitutionem cujus effectus perpetuo a constituyente pender, & eam quæ

cum renunciatione conjuncta est: de illa verum est axioma, e. g. in principe constituyente ministro: in patre filiis constituyente pædagogum &c. De hac falsum. Nam sic e. g. is qui se venundat in servitutem ratione dominii est constituens, an ideo domino est superior? Cardinales constituerunt Papam, canonici Episcopum, an ideo sunt superiores?

Notetur elegans exemplum allegatum a Grotio de Valentiniano.

2.) Negamus etiam minorem. Nec enim usquequaque verum est, omnes reges constitui a suo populo. Nam quamvis consensus populi semper adsit, ille tamen sæpe est vi sive justa sive injusta extortus. Sic e. g. Græci nunquam super se constituerunt imperatorem Turcicum: Israelitæ nunquam constituerunt Imperatores, nec Herodem, & tamen eos reges & imperantes suos agnoscere tenebantur.

Gronovius hanc responsionem putat petere principium: idem negat, quemquam regem non constitui a populo. Sed quod ad prius, denuo confundit regem & tyrannum. Posterius misere probat ex doctrina quasi contractus. Quasi talis quasi contractus fingi possit inter victorem & victos, hos toleraturos victorem, sed si non suo arbitrio imperet, se sibi reservare jus regem victorem capite plectendi. Elegans philosophia!

Alterum argumentum:

A. 14. 15. Omne regimen eorum, qui reguntur, causa est comparatum.

E. &

E. & necis regimen E. ii qui reguntur, i. e. populus rege est superior.

Sed primo falsum est axioma: O. regimen est eorum, qui reguntur, causa comparatum. Nam sunt 1) regimina, quæ regentis causa comparata, ut servile. Sunt 2) quæ utriusque causa, e. g. maritale. Ita & regna quædam, immo omnia saltem utriusque causa comparata esse debent.

Deinde falso inde colligitur, populum esse superiorem rege, si vel maxime concedamus populi causa eum regnare. Nam damus cum Grotio instantiam: Tutela pupilli causa comparata, nec tamen ideo pupillus est superior tutore.

Quid Gronovius? 1) negat dari societatem solius regentis causa constitutam. Nam & servilem respicere salutem servi, quia servetur: sed confundit Gronovius modum constituendi societatem cum ipsa societate. Et quid si dominus servum emit? 2) Negat victa regna ad solam utilitatem victoris pertinere. Nam Deum aliud velle, sed unde hoc novit? An Israelitæ Dei auspiciis bella gerentes mitius habuere gentes devictas, quam alii populi?

Ultimum argumentum monarchomachorum: n. 16.

Si ob peccata regum Deus sæpe punit populum, sequitur, ut peccet populus, nisi regem coerceat.

At verum est prius, E.

Antecedens probat ex 2. Sam. XIX. 11. 2. Sam. XXIV. 10. Sed recte respondet Grotius, 1) populum non puniri ideo, quod

G 4 regem

regem non coercuit, (id enim verbum Dei non patitur) sed quod consensu participes facti sint hujus delicti. 2) Poenam revera fuisse regis, dum orbaretur subditis, vel ii bonis exhaurirentur.

§. 9.

A. I. 2. Jam ad alteram sententiam monarchomachorum paullo mitiorem progreditur Auctor. Rigidi enim plane regem subjiciunt populo. Mitiores populum regi, regem populo subjectum esse docent. Nimirum aut recte imperare regem, tunc populum subjectum esse regi: aut male, tunc regem subjectum esse populo.

Sed resp. 1) Hoc denuo monstrosum est, regem esse regem & subditum subditorum, subditos reges regis.

2) Aut per male imperantes reges intelligunt tyrannos, aut reges non per omnia ad voluntatem populi imperantes. Si prius: non dicendum est tyrannos esse subjectos populo, sed esse hostium loco, & hinc in eos tanquam hostes omnia licere. Sin vero intelligunt reges non per omnia populo obsecundantes: profecto injustissimum esset regem subicere populi judicio, quum facile actiones innocentissimæ displicere possint populo.

Videmas ex multis exemplis, populum sententiam tulisse de regibus optimis & innocentibus. Quasdam actiones regum esse dubiæ interpretationis. Videantur *acta depositionis ADOLFI NASSOVII, Historia Tamquinii &c.*

His præmissis, cautiones quasdam subiungit Grotius de summa potestate observandas. n. 1.

1. Prima est, non ex titulis judicandum esse de summa potestate, sed ex re ipsa & effectu. Nam quamvis vulgo dicant distinguere principes & reges, tamen nec discrimen satis perspicue ostendunt, nec veteres id semper observant. Gronovius ait, principem esse qui dignitate eminet in libera civitate: regem, qui iusto imperio utatur in subditos. Et sane huius generis sunt loca ex Jul. Cesare, Tacito & Suetonio, & Vellejo allegata.

Et hinc forte est, quod Augustus regis adspersus nomen princeps dici maluit, ut existimarent Romani, non se regi parere, sed liberum esse populum.

Sed quamvis hoc discrimen grammaticè verum sit, (princeps enim est, qui primus, qui & sine imperio intelligi potest:) non tamen ex titulo principis & regis de summa potestate judicandum. Nam n. 2. 3.

1) Sæpe dicti reges, qui nulla parte iurium maiestatis gaudebant. e. g. Lacedæmonii 2. reges habebant. Ii tamen subiecti erant ephoris, quod quidem negat Gronovius: sed satis certum est ex ipso Corn. Nepote. Quum enim Pausanias, ut Nep. in Thrasibulo cap. 3. scribit, esset Rex Spartanorum, in vincula tamen publica coniectus est ab Ephoris. Licet enim, inquit NEPOS in *Paus.* c. 3. legibus eorum cuius ephoro hoc facere regi. Ita & Germani suos

imperantes vocabant reges, quum tamen Tacitus eos auctoritate suadendi magis quam iubendi præfuisse testetur. Mitto alia exempla a Grotio adlata, & id unum addo, quod habuimus §. 8. n. 11. de Theſeo Rege Athenienſium.

2) Haud raro principes vocati, qui abſolutiſſimo utebantur imperio. c. g. Auguſtus & ejus ſucceſſores, Duces veteres Lithuaniz.

3) Sæpe qui inſignibus non utuntur veri ſunt reges, qui utuntur, non ſunt, ſed ſoli principes. c. g. In Ruſſia ante hunc Imp. qui nuper coronam adſumſit Imp. non fuit coronatio recepta, & tamen vere fuerunt reges antecceſſores ejus. Contra Duces Venetorum tanta ſolemnitate coronantur, ut vix ſimilis ſplendor in ullius potentiſſimi regis coronatione obſervetur: & tamen non ſunt reges, ſed principes.

4) Non ex comitiis judicari poteſt. Alibi enim illa comitia ſunt merum conſilium publicum, quod Imperans audit, ſi e re videatur. c. g. Ordines provinciales in Hiſpania quos dicuntur *los cortes*. Alibi rex nihil poteſt ſine comitiis, nec comitia ſine rege, ut in Britannia, Germania. Alibi comitia de ipſo rege judicandi ſibi ſumunt arbitrium, c. g. in Polonia ante aliquot annos, quum Regi ſub Auguſto abrogarent imperium, eique ſurrogarent Stanislaum. Ergo non ſtatim ſequitur: In hac vel illa provincia princeps adhibet in conſilium comitia, ergo non gaudet ſumma poteſtate.

5) Nec

5) Nec denique ex successione judican-
dum. Sunt qui putant imperantes succes-
sivos pollere summa potestate, non au-
tem electivos. Sed id sæpe fallit. Pontif.
Rom. si consideretur tanquam princeps,
eligitur, & nullus tamen regum æque est
legibus omnibus solutus. Lacedæmonio-
rum reges jure successionis prærant, &
tamen ut supra monuimus nulla gaude-
bant parte majestatis.

Quænam ratio? Quia successio non tri-
buit novum jus, sed vetus continuat.
Nec sola electio regi quidquam adimit,
si alias regnum sit absolutum, e. g. Proavus
hodierni Russorum regis fuit per electio-
nem electus ad imperium, nec tamen mi-
nus herile fuit ejus imperium, quam an-
tecessorum.

Ex quo sane sequitur, ut de summa
potestate, non ex nudis titulis, insignibus
aliisque hujus generis externis judicandum
sit, sed ex effectu.

§. II.

Altera cautio est, ne confundamus jus
supremæ potestatis, & modum illud jus
habendi. e. g. Titius & Mævius possunt
idem jus habere, nempe dominium: sed
ille id habet in perpetuum, hic ad tem-
pus.

Ita & imperantes possunt plures sum-
mam potestatem habere, sed non eodem
modo. Sic. e. g.

- 1) Alii illam habent in perpetuum, ut
reges, alii ad tempus, ut dictatores.
- 2) Alii illud habent jure electionis, ut

Hugo Capetus, rex Franciæ: alii jure
successionis, uti ejus successores.

3) Alii habent tanquam patrimonium,
alii jure usufructus, unde divisio re-
gnorum in patrimonialia & usufructua-
ria, de qua §. 12. auctor agit.

u. 2.

Jam quaeritur, an qui ad tempus præ-
sunt, possint dici summam potestatem ha-
bere? Negant nonnulli, inprimis *BODINUS*
de rep. lib. 1. cap. 8. qui ideo & dictatori-
bus supremam potestatem non concedunt,
quia ad tempus præerant. Sed hoc recte
refellit *Grotius*. Nam

1) Rerum moralium natura non ex
tempore, sed ex operationibus cognoscitur.
Hinc ut vere consul est, qui per men-
sem saltem consulis partes explevit: uti
vere servus fuit, qui per momentum in
servitute justa fuit: ita verè summa pote-
state gaudet, qui vel per aliquot menses
ejus jura & partes exercuit.

2) Ea autem jura omnia exercuit di-
ctor, nam 1) bello & pace agebat om-
nia, 2) nemini erat obnoxius, 3) actus
ejus a nemine poterant irriti fieri. 4) Nulla
erat ab eo provocatio, quamvis id poste-
rioribus temporibus fuerit mutatum. Unde
Dion. Hal. observat, Dictatorum eandem
fuisse potestatem, ac Regum.

u. 3.

Addit tamen auctor exceptionem. Di-
xerat etiam temporarium imperium posse es-
se summum. Objici possent quædam exem-
pla regum, quibus imperium datum est sub
conditione, ut liceat illud pro lubitu re-
vocare, nisi recte & bene imperarent.

Tale

2

Tale sane fuit regnum Goth. in Hisp. & Vandalorum in Africa, ut docet PROCOPIUS. VAND. I. & AIMON. in *Hist. Fr. L. 2. c. 20.* Conf. NIQ. HERTH *Notit. Pop. Germ.*

Sed resp. distingue inter regnum temporarium & precarium. Illud verum regnum est, quamvis ad tempus concessum; hoc non est, quia semper actiones hujusmodi principum subsunt potestati & arbitrio populi, ita ut mutari & ipsi reges coerceri possint pro lubitu.

§. 12.

Jam progredimur ad distinctionem regnorum patrimonialium & usufructuaria-
rum. na. 1.

Regnum patrimoniale dicitur, ubi facultas alienandi & dividendi regnum est penes regem.

Regnum usufructuarium, ubi non est.

Muli hanc divisionem impugnant, & quidem modo ratione vocabulorum, modo ob rem ipsam.

Quoad vocabula monent, quomodo regnum dici possit usufructuarium, quum usufructus expiret morte, nec ad hæredes transmittatur? quum sit servitus prædio non regno inherens? Sed resp. Verba valent sicut numi. Grotius ideo usus est his vocabulis, quia eatenus similia hujusmodi regna sunt usufructui, quod ut usufructuarius non potest libere de re disponere, sed uti frui debet salva ejus substantia: ita & reges hi non possunt alienare, dividere, donare, &c. Simile itaque ultra suum terminum non est extendendum. Attamen
non

non abs re monuit THOMAS. *jurispr. div.* l. 3. c. 6. §. 135. commodius regna dici posse fideicommissaria, quam usufructuaria.

Videbimus itaque, quid objiciant alii huic divisioni Grotianæ.

I. Liberi homines non sunt in patrimonio. Liberi homines constituunt regnum, E. regnum non est in patrimonio.

Resp. 1) disting. inter libertatem juris gentium & civilem. Illi opponitur servitus; huic subjectio. Non ergo sequitur, liberi homines jure gentium tales non sunt in patrimonio dominorum, E. nec sunt in patrimonio summorum imperantium.

a. 2. 2) Resp. proprie non dicitur liberos homines esse in patrimonio, sed imperium, quod rex in liberos homines exercet, salva eorum libertate. Eleganter id illustrat Grotius exemplo liberi, qui quamvis sit persona libera, tamen assignari poterat a patre uni ex liberis. Vid. *tit. ff. de assign. lib.* Non tam libertus alicui dabatur, quam jus patronatus, quod in libertum compete-
petebat.

a. 3. II. Alt. arg. Quos rex adquisivit bello, eos non sibi, sed populo suo adquisivit. Quos rex populo quæsit: ii non sunt in ejus patrimonio. E. subditi bello acquisiti non sunt in ejus patrimonio.

Sed resp. 1) rex potuit ex fructibus suis aluisse exercitum.

2) Rex potuit sumptibus foederatorum usus esse.

3) Non semper verum est, quod id, quod alterius sumptibus adquiretur, sit ejus, qui

qui sumtus fecit. Hinc multis exemplis constat, regna bello adquisita plane fuisse in patrimonio, victoresque de iis liberissime disposuisse. Huc pertinent regna Spartæ, Anaxagoræ, Darii successorum Alexandri. Quid ad regni Siciliæ & Neapoleos ab Arragoniis adquisiti, quod Alphonsus rex Arragoniæ dedit Ferdinando Notho, qui alias in nullam regni partem succedere potuisset?

u. 4. 5. 6.

Nos id tantum addimus, ipsam S. S. æquitatem hujus divisionis agnoscere. Nam Gen. XLIX. ubi Jacobus moribundus provincias Canaanis prophetico testamento inter liberos distribuit, addit, *se Josepho præcipuum dare tractum Sichem, quem gladio & arcu suo occupavit. Adeoque hunc tractum consideravit tanquam patrimonium suum.*

§. 13.

Hactenus probatum, fundamento non destitui hanc distinctionem: jam in specie agit de regnis usufructuariis, & docet

2. 2. 2.

I. Ea omnia esse usufructuaria, quæ voluntate populi deferuntur, sive

1) Per electionem. Nam tunc præsumtio est, populum velle ut eodem modo sibi reddatur regnum, quo tradidit.

2) Per viast, nuptias, foedera. Tunc enim existimatur novo titulo, id est, consensu populi imperare.

Sed tamen excipiuntur aliquot casus. Nam non statim regnum per electionem fit usufructuarium.

1) Si electio sit generalis, & antecessores

foret

fores pleno jure fuere reges, eligentes autem sibi nullam libertatem stipulantur. E.g. In electione Theodori Rufforum Imperatoris.

2) Si regnum pactis vel nuptiis aliisque modis voluntariis adquisitionum, postea bello a subditis moto recuperetur. Sic Cataloniæ olim multis gaudebat privilegiis, ut aliæ provinciæ Hisp. quæ nullo modo sunt patrimoniales. At postquam ab hodierno rege defecerat, & is bello terræ marique illam recuperavit, omnibus spoliata privilegiis jam non melioris conditionis est quam patrimonialis provincia.

II. Regnum usufructuarium ab imperante non posse alienari. Ratio est, quia dum populus hodiernum Imperatorem ejusve familiam sibi elegit: idem jus sibi reservasse censetur in eum casum, si imperans, ejusve familia regnatricis expiravit.

Sed obijciunt aliquot exempla: 1) Caroli M. & Ludovici Pii, qui regnum inter liberos suo arbitrio dividerunt. Et tamen Franciæ regnum non armis occupaverant, sed Pipinus id voluntate populi fuerat consequutus. Sed resp. a) Regnum quod Pipinus accepit fuisse satis parvum. Complexum enim solam Galliæ & Alamaniciæ partem. At ipse & successores bello adquisivere universam Germaniam, Galliam, Italiam, Hispaniæ & Pannoniæ partem. Potuere ergo saltim de his disponere. b) Re vera non libere disposuerunt, sed commendarunt ordinibus hanc divisionem, & hanc ratam habuerunt in comitiis.

Hinc est, quod plures hodie contra P. DANIEL, scriptorem Hist. Franc. celeberrimum probent, regnum Francicum non fuisse hereditarium, sed electivum, quamvis Ludovici filii ex testamento paterno vulgo dicantur successisse.

2) Objiciunt exemplum Ludovici Pii, qui quum Pater Carolus M. Romam adquisivisset, ultronea voluntate populi Romanam hanc urbem Pontifici donavit. Sed resp. 1) negando, Ludovicum id fecisse, reservavit enim sibi supremum in urbem dominium, & Pontificem quasi vasallum habuit. Eleganter id docuit Ma. le BLANC in libello gallice scripto *de numis regum Francia*, ubi ex ipsis numis docet, Romanam Ludovicum ejusque posteros agnovisse supremos dominos. 2) Aliud est libere disponere & regnum vel ejus partem in extraneum transferre: aliud reddere ei, a quo acceperis. At Ludovicus, inquit Grotius, reddidit populo Rom. a quo Romanam acceperat. Sed hæc responsio Grotii non magni momenti est, quia Pontifex non est Pop. Rom. Hinc in priore tutius adquiescimus.

§. 14.

Redit A. ad cautelam 2) quam supra §. 11. explicavimus: Non confundendum esse summum imperium cum modo habendi. Et inde elicit duas conclusiones perelegantes.

1) Non omne regnum usufructuarium esse summo minus. Sic usufructuarium esse diximus regnum Hisp. & id tamen summum esse acmo negat.

2) Non

2). Non omne regnum patrimoniale esse summum. Sic e. g. multæ provinciæ Germ. ut principatus, comitatus ita sunt in possessorum patrimonio, ut libere vendi & quibuscunque modis in alios transferri possint, e. g. vicina dynastia Jeverensis, quam ultimus comes Oldenburgicus domui Anhaltinæ legavit testamento; Confer. BURCARD, GOTTHELF. STRUVII *Diff. de al-
titudinis imperii* pereleganter scriptam. Quis autem dixerit, harum provinciarum posses-
sores gaudere summo imperio?

§. 15.

- a. 1. Idem discrimen inter summum Imp. & modum habendi declarat porro exemplo regnorum tutelarum. In patrimonialibus enim ipse princeps tutorem dat liberis, quemcumque vult, in usufructuariis vel lex dat tutorem vel populus.

Hinc cum condito testamento rex Galliarum Ludovicus XIV. tutorem, ut putatur, regi hodierno dedisset Ducem Cenomaniarum (le Duc de Maine) tutela a parlamento nihilominus credita Duci Aurelianensi, nec ratum habitum est testamentum regis, quia regnum Galliarum est usufructuarium. Et Henricus IV. Imp. quum filio Henrico V. tutricem constituisset Agnetem matrem, tantum abest, ut principes hoc ratum habuerint, ut potius pupillum Imperatorem Coloniarum in navem pellectum matri eripuerint, & Annonis Archiepiscopi Coloniensis tutelæ crediderint.

- a. 2. Porro monet, non confundenda esse regna patrimonialia cum iis, ubi ipsi fundi
in

in dominio regis sint, quale Ægyptiacum fuit tempore Iosephi regis: & Indica regna teste Dionoro Sic. lib. 12. Addi posset insula Severambes, quæ ab Auctore *de l'histoire des Severambes* ita describitur, quod omnia sint regis, isque solus alat liberos suos. Sed ea fabula est, in qua jam alii atheismum latitare animadvertunt.

Sed cur putat auctor regna patrimonialia & hæc esse distinguenda, quum tamen utraque sint in patrimonialibus? Resp. 1. In regnis patrimonialibus imperium est in patrimonio, in his ipsæ privatorum possessiones. 2) In illis imperans utitur dominio eminente, sed non nisi in extremo necessitatis casu, in his gaudet etiam dominio simplice. 3) Illa imperia sunt civilia; hæc herilia, quia populus nihil habet proprium.

§. 16.

Explicatis supra duabus cautelis, jam sequitur tertia: Non desinere summum imperium, si imperans aliquid vel Deo vel subditis per pacta promittat. Respicit auctor ad notissima exempla. Trajanus imperium consequutus caput & dextram suam Deorum iræ consecrabat, si sciens sefellisset. Ita & Hadrianus Imperator iuravit, se senatorem non occisurum. Quæritur, an ideo non penes illos fuerit summum imperium? Resp. omnino fuit. Nam 1) nudum promissum, non tollit superioritatem & imperium, si quis ipsi imperio non renunciavit, quod exemplo patrisfam. & mariti declarat Apator.

2) Plerumque hæc promissiones ita com-
para-

paratæ sunt, ut ad eas jam tum obstricti sint imperantes. Sic sane obligatus fuit Trajanus, ne sciens falleret, Hadrianus, ne senatores occideret. Juri vera Gentium & legibus divinis parere & imperans potest salvo summo imperio.

¶ 2. Sed hic aliquot quæstiones solvendæ.

1) An non autem imperium summum saltem restringitur, & arctius quodammodo redditur hujusmodi permissionibus, quæ ad imperium pertinent, & ad quas imperans alioquin non tenebitur? e. g. dum rex Franciæ se in causis civilibus subjecit parlamento.

Resp. restringitur omnino, sed non nisi quoad eam partem, de qua promissit, e. g. Regis Galliæ non ulterius restrictum est imperium, quam quoad jurisdictionem illam prorogatam, cetera absolute rex est.

¶ 2) Quale jus nascitur ex hujusmodi promisso? Aut aliquid agit Princeps, quod se non acturum promissit, tum actus est injustus, e. g. Hadrianus si occidit senatorem; aut agit aliquid, cujus agendi facultati ipse per pacta & promissa renunciavit, tunc actus est nullus, e. g. si rex Poloniæ tributa imponeret Polonis, inauditis comitiis.

Sed objici posset. Si actus contra promissa a rege suscepti sunt injusti vel nulli, sequitur ut habeat rex superiorem, a quo ejus actus puniri & nulli reddi queant. Et quem alium nisi populum? E. recte sentiunt Monarchomachi, qui regem populo subji-cunt. Sed resp. Grotius, actus hos non
irri-

irritos fieri a superiore, sed ipso jure, quasi non & jus superiorem supponat. Ergo potius respondemus, concedendo totum argumentum. Facile enim largimur, principem habere superiorem, puta Deum, ejus lex actus contra promissa susceptos injustos & nullos pronunciet. Nullum ergo hic monarchomachis præsidium. •

Id omne illustrat Grotius elegantissimis exemplis Regum Persiæ, Ægyptii, Hebræorum, quibus demonstrat, tertiam cautelam esse veram, promissa a regibus facta non obistere summo imperio.

Quæritur, an summo imperio obstat clausula commissoria? Vocant Juri clausulam commissoriam, si pactis adjicitur conditio, ut si illa non impleatur, pactum nullum sit. Hinc quæritur, si subditi eligentes regem eum adstrinxerint certis pactis, uti e. g. in Germania Capitulatio, in Polonia pacta conventa nota sunt, iisque pactis adjecta clausula, si rex non ex pacto regnaturus sit, illum ipso jure regni juribus excidere debere, an non eo ipso imperium desinat esse summum?

Et resp. neg. Summum enim est, quod superiorem non agnoscit. At imperans hujusmodi superiorem non agnoscit, E. habet imperium summum.

Objicitur, atqui hic omnino imperantem habere superiorem populum, quia ab eo possit regno privari, si pactis non satisfiat. Sed id falsum. Ipse imperans se regno privavit, dum pactum hoc iniit. Non privatur in poenam a superiore, sed privatur

ex pacto a compasciscentibus. Rem illustrabimus similitudine. Si princeps cum architecto paciscatur, & hic principi promittat se ædificaturum ei palatium, si pecunia intra annum solvatur, pactum nullius valoris fore. An tunc si architectus spe sua frustratus pactum irritum esse dicit, principem punit, tanquam superior?

n. 3.

Idem alio simili declarat Grotius. Si quis fideicommissum possidet, an non est dominus? respondetur omnino. Sed tamen eo extincto fundus devolvitur ad fideicommissarium heredem ob clausulam fideicommissariam. E. non potest alienare. Resp. nihilominus dominus est per vitam, quamvis modus habendi sit talis, ut non possit pro lubitu feudum in alium transferre. Ita & imperans qui cum clausula commissoria regnum est adeptus, verus imperans est, quamvis modus habendi sit talis, ut regno excidat ex pacto, si non ex pacto imperet.

§. 17.

Sequitur quarta cautela: Summum imperium esse indivisum, & tamen dividi posse sive in partes integrales quoad provincias, sive quoad partes subjectivas, id est, ratione partium vel iurium maiestatis.

1) Ratione partium integralium multa existant exempla in Rom. historia. Sic e.g. Constantinus inter tres filios divisit imperium, & Theodosius M. inter duos. Ita Hispaniæ sæpe tot præfuerunt reges, quot ejus erant provinciæ.

2) Ratione iurium maiestatis, si populus quædam maiestatis jura sibi reservet, quod

quod fit 1) vel expresse, si hujusmodi leges fiant, quibus jura majestatis dividantur, ut in Britannia, 2) vel per^modum præcepti imperanti ante imperium injuncti, uti in Germania per capitulationem.

Sed hic multa merentur animadversionem. Nam

1) Verum est imperium dividi posse per partes integrales, sed tunc non summum imperium dividitur, ita ut ex uno summo fiant duo semiplena, sed provinciæ dividuntur, & in utraque manet summum imperium,

2) Falsum est, imperii vel majestatis jura dividi posse inter principem & populum, nam tunc statim esset resp. in rep. si pars imperii penes principem, pars populum esset. Hoc autem est monstrum politicum, horrendum, ingens, cui lumen ademptum. Id potius dicendum, jura majestatis communicari posse inter principem & populum, ut Princeps certa jura imperii non exerceat sine ordinibus, nec ordines sine principe.

3) Falsum est id fieri per modum legis vel præcepti, sed semper fit per modum pacti. Paciscitur populus cum principe, antequam imperio potiatur, se illi parituum, si hoc, vel illo modo imperet. Talis est Capitulatio Imperatoris, talia sunt pacta conventa Polonorum, & omnes reliquæ pactiones, quæ abusive dicuntur leges fundamentales.

Sed quærit porro Grotius, an hæc imperandi forma admittenda sit? Negant Ma-

n. 2.

Machiavellistæ & Hobbesiani, & multa recensent incommoda, quæ non possint non ex hac communicatione jurium majestatis sequi. Sed Resp.

- 1) Illi supponunt divisionem regalium, qualis non est communicatio.
- 2) Omnia Imperia obnoxia sunt suis incommodis.
- 3) Machiavellistarum absolutum Imperium multo est incommodius.

§. 18.

a. 1. Quum hætenus egerimus de rebus pub. in quibus jura majestatis inter principem & populum sunt communicata, jam porro Grotius monet, cum istis non confundenda regna absoluta, ubi rex acta sua a senatu ratihaberi jubet. Sic e.g. de regibus Franciæ dici solet, quod in perpetuum sint minores. Et hinc nec alienare quidquam, nec aliquid agere possunt magnæ rei, nisi accedat parliamenti confirmatio. Quæritur itaque, an in hujusmodi regnis vel communicata vel divisa sint jura majestatis?

: Resp. neg. Nam 1) hæc confirmatio, inquit, non petitur, quasi alioquin actus esset irritus, sed ne quid falsum pro vero obtrudatur.

a. 2. Illustrat id Grotius simili 2 testamento desumpto, ubi testator sæpe addit clausulam: se nolle ut posterius aliquod testamentum valeat. Quo ipso non sibi facultatem eripit testator, condendi testamentum, sed indicat, non pro suo habendum, si posterius reperiat. Hinc si contra certo

• certo constat, cum id testamentum condidisse, nemo dubitat, quin posterius deroget priori. Ita & princeps, dum exigit confirmationem senatus, non indicat, sine hac confirmatione actus suos esse irritos, sed eos non temere pro suis habendos, nisi ea sollemnitas accesserit.

Uti soleo hac illustratione. Non valent rescripta & privilegia nisi subscripserit præter Principem cancellarius & secretarius: an ideo inter principem, cancellarium & secretarium jus illud majestatis concedendi privilegia est communicatum, aut plane divisum?

2) Adde quod plerumque sub hac confirmatione lateat arcanum politicum, magis ad firmandam quam innuendam majestatem comparatum. Solent enim principes eo uti, si quando ipsi acta sua irrita fieri cupiunt. Sic e. g. Franciscus I. Rex Galliarum a Carolo V. captus, pertæsus captivitatis multa promisit, e. g. se summam pecuniæ ingentem soluturum, juri in ducatum Burgundicum, Mediolanensem & Comitatum Flandrensem renunciaturum, &c. Dimissus vero horum nihil præstitit, causam interserens, pactionem hanc a parlamento suo non esse confirmatam, Regem Galliarum esse perpetuo minorem, & hinc nec pacisci, nec alienare posse. Conf. L. B. de DANKELMANN *diff. de pactionis principis captivi.*

§. 19.

Hinc porro quaerit auctor, quid de formis rerum. mixtis sentiendum?

Tres sunt reip. formæ simplices, Monarchia, de Jure Belli, &c. H

chia, Aristocratia & Democratia. Est enim summum imperium vel penes unum, vel penes plures, vel penes omnes.

Polybius autem, quem & alii sequuntur Politici, dicit, has formas interdum misceri, & hoc demonstrat exemplo reip. Rom. ubi Coss. Monarchiam, Senatus Aristocratiam, populus Democratiam representavit.

Hinc quæritur, an vere dentur mixta resp. Idque multi cum Grotio negant eo argumento, quia non possit simul summum imperium esse penes unum & penes multos & omnes. Si enim esset penes unum, non esset penes multos, & vice versa. Deinde negant Reip. Rom. formam fuisse mixtam, sed mere popularem vel democraticam, quia & consules & senatus fuerint subiecti populo.

Sed potest tamen hæc Polybii doctrina omnino defendi, si distingues inter materiam imperii & formam administrandi. Materia summi Imperii sunt jura majestatis, & hæc non possunt esse penes unum & plures: & eatenus non datur resp. mixta.

Forma administrandi in eo consistit, ut ea jura majestatis non unus solus exerceat, vel unus cum multis & omnibus: & tunc resp. illa dicitur mixta. Hinc eatenus omnino mixta dicitur Romana, quia nec consules sine Senatu, nec senatus sine populo, nec populus sine Coss. & senatu quidquam vite facere poterat. Qualis fere forma etiam in Britannia observatur.

Porro quod ad monarchiam in specie attinet: illam non esse unius generis, Aristoteles observat. Sed quum hujus doctrinam non satis plene proposuerit Grotius, eam supplere juvabit ex 3. Pol. 10. & 11. Dividit Aristoteles regna.

1) In heroica, ubi rex omnia agit suffragiis populi. Qualia fuere regna Græcorum, quorum meminit Homerus, unde etiam heroica vocantur. Hodiernum tale quid observatur apud Cosaccos, de quibus in libello: *Novus status Russia*.

2) In Barbarica, ubi rex utitur subditis pro servis, unde & alias despotica & herilia vocantur. Talia sunt in oriente fere omnia, ut & Maroccanum, Russicum.

3) In Æsymnetica, ubi rex tantum ad certum tempus in periculo constituitur, eoque finito res ad libertatem redit. Tales fuere Dictatores apud Rom. &, ut videtur, Judices apud Hebræos.

4) In Laconica, ubi tempore pacis rex ordinarius est præses reip. tempore belli summum imperium obtinet. Tales fuere reges Spartanorum, & COMRINGIUS in *diff. de regno* eo refert Gubernatores in Belgio, quamvis minus accurate, quia gubernatores ibi nullo modo tanquam imperantes, sed tanquam primi reip. administrati considerantur, & in bello non alio jure imperant, quam alii supremi belli duces.

5) Παμβασιλεία ubi rex solus omnia agit, salva populi libertate, salvoque cuique rerum

suarum dominio. Eo enim ipso *παμβασιλεία* differt a regno barbarico vel herili.

Sed præcipue quæritur, an dentur huiusmodi *παμβασιλείαι*? Et resp. dari, idque ex auctoribus probat de Persis, aliisque Orientalibus.

- n. 2. Quin probat & regnum Hebr. fuisse *παμβασιλείαν*, idque 1) ex jure regio, quod Samuel refert. 2) Ex verbis Psalmi: *Tibi soli peccavi*. 3) Ex testimonio Rabbi Bar Nachmon, quod nulla creatura judicet regem, sed Deus benedictus.

Objici posset: aut regem ex Rabbinorum sententia potuisse flagris cædi, si adversus legem peccaverit. Sed resp. 1) id non posse probari, nisi ex Rabbinorum testimonio. 2) Addunt, illa flagra infamia caruisse, & ab ipso rege sibi eam dictam sententiam, qui & modum his flagris pro arbitrio statuerit. Ergo non fuisse poena. Poena enim non est malum passionis infligendum a se ipso, sed a superiore. 3) Revera ea fuit poenitentia ecclesiastica, uti loquuntur Canonistæ. Conf. SCHICKARDI *liber de jure regio Hebraeorum*.

- n. 3. Objiciunt porro, summam potestatem in regno Hebr. fuisse penes Synedrium. Et ipse Grotius concedit, illud synedrium exercuisse quædam judicia, quibus ipse rex præesse non potuerit. Idque probat 1) ex locis SS. ubi iudices vocantur Dii, & judicium eorum Dei esse dicitur. 2) Ex testimoniis Rabbinorum distinguendum inter res Dei & res regis, & illas a synedrio independentes a rege fuisse decidas,

fas, affirmantium. 3) Ex verbis regis Jerem. XXXVIII, 5. ad proceres: *Ecce Jeremias in potestate vestra, nam contra vos rex nihil potest.*

Enimvero falli hic Grotium certissimum est. Nam 1) si synedrium independentem habuisset judicandi facultatem, Hebræorum regnum fuisset omnium monstruosissimum, & resp. in rep.

2) Non solum synedrium, sed omnes judices dicuntur Dii, & Dei judicium administrare.

3) Rex etiam absolute imperans potest dicere: Rex contra vos nihil potest, id est, argumenta vestra tam firma sunt, ut iis resistere nequeam.

4) Quod palmarium est, Jo. CLERICUS in appendice ad Comm. in libros historicos V. T. singulari dissertatione demonstravit, & fere evicit, ante captivitatem Babylonicam nullum apud Judæos fuisse synedrium, sed inventum hoc esse recentius.

Contra jam demonstrat exemplis variis, dari etiam regna quæ non sint *παμβασιλείαι*. Demonstrat id exemplis

1) Macedonum, de quibus Arriani & Curtii testimonia adducuntur.

2) Gothorum & Germanorum, de quibus Tac. de mor. Germ.

3) Regnum Romanorum, de quibus ante omnia conferri meretur DIONYS. HALIC. Lib. II. & ficta ibi oratio Romuli de instituenda nova rep. Ubi simul comparatur status popularis Romanorum, cum regno.

4) Atheniensium, de quibus Isocratis

168 *Lib. I. Cap. III. Belli Partitio*
testimonium expendendum. Sed in his
nobis licebit esse brevioribus, quia exem-
pla illustrent, non probant.

§. 21.

n. 1. His de natura summi Imperii præmissis,
quæstiones quasdam tractat auctor, qua-
rum prima est

I. An summum imperium habere potest
is, qui inæquali foedere tenetur?

Fœdus est pactum inter summos impe-
rantes vel resp. initum. Quamvis autem
in pactis semper paciscentes concipiuntur
tanquam pares: ipsum tamen fœdus in
æquale & inæquale dividi solet: id vero
duplici modo intelligitur, vel

1) Ratione præstationum, e. g. dum fœ-
dus ineunt potentior & impotentior, & hic
illi 6. millia hominum; ille huic 20000.
in auxilium promittit. Tale fuit fœdus
inter Regem Galliarum & Electores Bavarie
& Coloniarum.

2) Ratione subjectionis, si per fœdus
alter foederatus alteri se ad certum quod-
dam onus ab imperio summo alias alienum
adstringit? e. g. ad tributum, ad evacuan-
da alteri munimenta & fortalitia. Et tunc
hujusmodi fœdus inæquale est vel perpe-
tuum & temporarium.

a) Perpetuum. Sic in fœdere Rom. cum
Ætolis erat, ut Ætoli agnoscerent Ro-
manam majestatem: in fœdere Michaelis
Wiesnovviski, Reg. Pol. cum Tartaris,
ut Poloni annuum tributum solverent.

b) Temporarium, si per aliquod tem-
pus, e. g. durante bello, alter ab altera
sibi

- sibi subjectionem quamdam stipulatur, vel aliud onus, e. g. ut foederatus foederato sumtus belli suppeditet, &c.

Jam facile patet, quid respondendum ad quaestionem. Nimirum dicimus, nullo modo hujusmodi foedus extinguere jus summum imperii, nisi sibi alter alteri perpetuam subjectionem spondeat. Hinc ne sic quidem extinguitur, si quis promittat, se alterius foederati majestatem comiter veneraturum, ut recte vidit PROCLUS l. 9.

§. 1. ff. de capr. & post.

Rationes sunt claræ.

Summum imperium est, quod in exercitio jurium majestatis a nemine dependet, tanquam a superiore.

Imperans vel resp. qui quæve foederato suppeditat milites, sumtus belli, aliquot munimenta, vel promittit se alterius majestatem comiter veneraturum, non ideo dependet a foederato tanquam a superiore.

E. penes hujusmodi Imperatorem vel remp. est summum imperium.

Minorem probo, 1) quia cuiusvis privato licet donare, quidni & imperatori & reip. 2) Quia & cuiusvis privato licet se ad perpetuam præstationem obstringere sine subjectione, quidni & reip. 3) Quia magnum est discrimen inter dignitatem & imperium. Possum aliquem dignitate superiorem agnoscere sine subjectione, uti e. g. Principes in Germania Electores, civitates imperiales principes superiores agnoscunt, eorumque dignitatem comiter venerantur.

H 4

Quia

3.

Quia PROCULUS *d. l. 7. §. 1.* id illustrat similitudine a clientibus desumpta: hanc similitudinem explicat Grotius hoc n. 3. Nimirum erat Romæ inter patritios & plebejos a Romulo introductum jus patronatus. Patritii plebejis, qui se in eorum fidem dederant, præstabant auxilia, eos defendebant gratis in judiciis, iisque consilia dabant in rebus ambiguis: contra plebeji se vocabant patronorum suorum clientes, mane eos honoris causa salutabant, domo deducebant, suffragiis juvabant in defendendis honoribus, &c. Vide PLUTARCH. *in vita Romuli* & DIONYS. HALIC. *Lib. II.* Sic inæquale erat pactum inter patronum & clientem, an vero hic alteri ideo erat subjectus? Minime.

Eodem itaque modo se res habet in regnis & civitatibus foederatis, quæ alterius imperii majestatem comiter venerantur. Illæ erant in fide, non in ditione: agnoscebant alterius imperii præminentiam ratione dignitatis, non ratione imperii, adeoque ideo non amittebant summum imperium.

n. 4.

Sed objici posset: Sæpe tamen populi hujusmodi foederati rei fiunt apud alterum, cujus majestatem venerantur, *d. l. 7. §. 1. ff. de capt.* ergo revelata subjectionem involvit hujusmodi foedus, quia actus unius ab altero irriti redduntur.

Resp. Grotius, quatuor esse controversiarum genera.

1) Si qui ex populo dicatur fecisse contra
foe-

foedus, uti Romani accusabant Hannibalem, quod foederi contravenisset.

2) Si populus vel rex ipse accusentur, uti Romani accusabant Albanos, quod foederi non stetissent.

3) Si socii populi in ejusdem Imperii clientela constituti inter se litigent.

4) Si subditi de rege, vel rex de subditis conqueratur.

Prima controversia non pertinet ad foederatum, quia sic esset iudex in propria causa: sed foederatus a foederato exigit satisfactionem, ea non praestita, ex foedere fit bellum.

2) Secunda species denuo locum non facit iudicio alterius foederati, ob eandem rationem, sed inde nascitur bellum, aequae ac inter inaequaliter foederatos, uti apparet exemplo Romanorum bellum inferentium Albanis. n. 5.

Addit Grotius, tunc foederatum a foederato puniri posse, quod incommode dictum. Poena enim infligitur a superiore, non a pari. Sed ut libro sequente videbimus, Grotius in ea opinione haeret, quod bellum & poenae nomine inferri possit, quod falsum esse suo loco docebimus.

Tertia controversia aliquando deferretur ad foederatum, sed magis per modum arbitrii, quam iudicii ordinarii. Sic Massinissa socius P. R. rex Numidiae finito bello Punico II. saepe cum Carthaginensibus, item foederatis P. R. litigabat de finibus. Eam controversiam Romani decidebant, sed tanquam arbitri, vel ut hodie n. 6.

vocantur, tanquam *Guarantours*, ut bellum inter socios impediretur, non tanquam iudices ordinarii. Arbitri autem neminem constituunt superiorem.

n. 7. In quarta controversia nullum jus est foederato se interponere huic controversiae, nisi denuo per modum arbitrii. Quo elegantissimae pertinent Herodis & Carthaginensium exempla ab ipso Grotio allata.

n. 8. 9. Objicitur secundo: Ast foederatum dici imperare foederato. Quae loquutio frequenter apud veteres scriptores occurrit. Sic e. g. Romani naves imperabant aut pecuniam sociis.

Resp. disting. inter negotia foederatorum communia, & propria singulis foederatis.

In illis imperat omnino foederatus superior, salva inferioris libertate & superioritate: in his non imperat. Multis exemplis e veteri historia petitis id illustrat ipse Grotius. Sed major est utilitas quaestionis, quomodo salva dici possit foederati superioritas & libertas, quum tamen alter foederatus ipsi imperet? Respondemus, imperare est leges praescribere: leges praescribere est alterius inviti libertatem naturalem circumscribere. Tunc enim inviti libertatem nostram naturalem circumscribi patimur, si alterius ad utilitatem aliquid facere cogimur. Ergo si foederatus foederato aliquid imperat, ad communem foederis utilitatem pertinens, illud non fit invito, sed volenti, adeoque id proprie non est imperium sed exsequutio pacti.

Rem

Rem illustrabimus exemplo. Decem privati pacti sunt de societate mercatoria in-
eunda. Unus in se suscipit directionem. Is reliquis imperat pecuniam, itinera sus-
cipienda, epistolas scribendas: an ideo reliqui huic subjiciuntur? Minimè. Ea omnia enim faciunt non in utilitatem di-
rigentis, sed communem societatis, cujus ipsi membra sunt.

Monet tamen Grotius, & recte monet, pe-^{u. 10 11.}riculosa esse hæc foedera inæqualia, & si nimia sit potentia foederatorum inæqualitas, facile inde nasci veram subjectionem.

- 1) Si altera alterius reip. majestatem agnoscere tenetur.
- 2) Si præstationes perpetuæ ipsi injunguntur.
- 3) Si oppidis induerentur alterius præsidia.

Tunc enim multa ferre tenentur socii infirmiores, nec ad arma convolare statim possunt. Ista patientia sensim transiit in jus: & inde ex foedere fit subjectio. Exemplo suo id docuerunt Moldavia, Valachia & Transsylvania principes, qui olim foederati Turcarum inæquales, hodie vere subditi sunt, & quascumque ferre tenentur eorum injurias.

• §. 22.

Porro quaeritur: an resp. tributaria summum imperium habeat? Dicitur autem tributaria, quæ pacis redimendæ causa vicino potentiori annuam solvit pecuniam. Id sæpe contigit rebusp. Allegat auctor Hebræorum regnum, quod aliquando tributarium

factum Chaldaeis, aliquando Aegyptiis, aliquando Romanis. Ita & Imp. Germanorum Turcae tributum solverunt sub Rudolpho II. Hungaris sub Conrado I. Imp. Eadem necessitas incubuit Polonis sub Michaele Wiefnovviski.

Recte resp. A. hujusmodi tributum non imminuere summum imperium. Summum imperium enim est facultas omnes partes reip. administrandi ad finem suum. Id possunt & regna tributaria, siquidem illa resp. quae tributum accipit, nullum alterius actum reddere potest irritum. Ergo penes tributariam reip. manet summum imperium.

Fatendum equidem esse tributum confessionem publicam impotentiae, sed non semper concessionem imperii. Quo etiam sit, ut plerumque gentes prudentiores id non vocari patiantur tributum, sed donum ultionem, (un don gratuit,) vel pensionem.

§. 23.

Porro quaeritur: an nexus feudalismos obstat imperio? Hic

- 1) Praemittendum, quid sit feudum?
- 2) An ex ejus natura fluat subiectio?
- a. 1. 1) Quod ad priorem attinet quaestionem, feudum potest considerari vel ut contractus, vel tanquam jus in re: uti simile quid in pignore & emphyteusi animadvertimus.

Si consideretur tanquam contractus, tunc est obligatio reciproca inter dominum & vassallum. Ille hunc concedit dominium utile rei vel praedii sub conditione fidelitatis, hic alterum agnoscit dominum directum, & fide-

- fidei tatem servitiæque militaria promittit.
- Recte Grotius observavit, esse hunc contractum non juris gentium, sed a Germanicæ originis gentibus inventum, quia ob defectum pecuniæ militibus suis prædia hoc modo concedere solebant Domini.
- Conf. THOMASSI *selecta feudalia* & Dissert. *de originibus feudorum*.

Sin consideretur tanquam jus in re: tunc est dominium, quod per investituram nascitur: & quidem divisum inter dominum & vasallum. Ille habet dominium directum, quod in eo consistit, 1) ut sine ejus consensu non possit feudum alienari vel oppignorari, 2) ut illud ob delicta feudalia, quæ felonix vocantur, possit eripere, 3) ut possit servitiæ exigere, 4) ut mortuo sine heredibus masculis vasallo feudum ad eum redeat. Vasallus autem fit dominus utilis, siquidem & fructus feudi omnes percipit, & feudum vindicat, & ad ipsos heredes masculos transmittit.

II. Jam facile patet, an hic nexus feudalis involvat subjectionem? Resp. Grotius negando. Vasallus potest & solet esse subditus Domini, sed non sequitur ut sit subditus, quia est Vasallus. Nam

1) Si consideretur ut contractus: nihil aliud est feudalis ille nexus, quam foedus inæquale *συμμάχικόν*, quia vasallus promittit se militaturum domino vel adversus omnes promiscue, tunc dicitur feudum ligium, vel contra omnes excepto principe suo, tunc dicitur non ligium: contra Dominus promittit Vasallo, se hunc defensurum adven-

176 *Lib. I. Cap. III. Belli Partitio*
adversus quoscumque. An id foedus involvit subjectionem?

2) Si consideretur ut jus in re: aliud est dominium, aliud imperium. Potest illud sine hoc esse, & hoc sine illo. Sic e. g. Imperator non negat, Papæ competere dominium directum in regnum Neapolitanum, & tamen ne minimam quidem partem imperii ibi exercere eum patitur. Alius enim est dominus, alius imperans.

Hoc ideo observandum,

1) Quia sæpe & æquales reges & principes sibi invicem nexu feudali obstricti sunt. e. g. Imperatori rex Britannia, ratione Electoratus, Sveciæ ratione Pomerania, Daniæ ratione Holsatiae & Oldenburgi, Poloniae ratione Saxoniae.

2) Quia sæpe majores feuda tenent a minoribus, e. g. rex Daniæ est vasallus ducum Brunsi. Quatuor electores Episcopi Bambergensis, Rex Prussiae Abbatissæ Gandersheimensis.

3) Quia inde sæpe nascuntur controversiæ. Sic principes Schvartzburgici sunt vasalli Saxonici: sed non ideo sequitur, ut sint subditi. Inde maxima nata controversia.

§. 24.

Concludit A: hoc caput monito, quod distinguendum sit inter imperii actum primum, (seu potentiam,) & actum secundum, (seu exercitium.)

1) Actus secundus adparet, quoties quis jura Imperii exercet.

2) Actus tantum primus, quoties ejus
exerc-

- exercitium impeditur. Quod fieri potest
1) aetate, 2) furore, 3) captivitate,
• 4) rebellione subditorum. Quamvis quod
ad furorem attinet, in regnis successivis
tantum furiosus actu primo rex maneat,
non in electitiis, ubi statim novus eligi
potest. Conf. DANKELMANNI *Diss. de prin-*
cipe captivo.

C A P U T IV.

De Bello Subditorum in Superiores.

Bellum est status societatum liberarum
per vim certantium, aut propositum
certandi retinentium. Hæc definitio in
statu civili locum habet. In statu autem
naturali, quum nulla sint judicia, nulli
imperantes, a quibus defendi quis posset,
unusquisque vim vi privata propulsat, id
est, bellum gerit. n. 1.

Ex hoc ergo axioma facile jam variz
quæstiones solvuntur. Nam quæritur

1) An privatus bellum gerere possit ad-
versus privatum? Negamus in statu civili:
adfirmamus in statu naturali. Ad statum
autem naturalem & is videtur redisse, qui
in eo loco versatur, ut auxilio magistra-
tus nullo sublevetur. e. g. si a latronibus
quis circumveniat.

2) An imperans contra imperantem?
Adfirm. sunt enim utraque resp. societa-
tes liberæ. Huc pertinet exemplum belli
Davidis in Ammonitarum regem.

3) An

3) An imperans contra imperantem extraneum? Adfirmat Grotius, nos negamus, nisi moderamen inculpatæ tutelæ suscipiat. Ratio, quia non est liber privatus a superioritate. Ad exemplum Abrahami respondemus, cum non fuisse privatum, sed federatum regem & socium, in quorum regnis habitabat.

4) An imperans contra subditos rebelles? Adf. sed tunc proprie non est bellum, nec enim subditi sunt societas libera. Est ergo potius exsequutio poenæ rebellibus debita.

B. 2. 3.

Verum de his omnibus quæstionibus jam non agimus: sed de bello subditorum in superiores hoc capite quærimus. Et hinc status controversiæ rite formandus. Non quæritur

1) An subditi se defendere possint adversus superiores non suos, sed eidem regi subjectos, si is injuriam intentet sine mandato regis. Exemplum Nehemiæ. Nam & privati hic se possunt defendere. Vid. L. *devotum C. de metatoribus*.

2) Nec quæstio est, an obsequium denegari possit imperantibus aliquid contra jus naturæ præcipientibus. Id enim ipsa S. S. jubet. Act. 3. *Deo magis obediendum quam hominibus*. Est notum exemplum obstetricum Ægyptiarum. Exod. I. Sed quæstio est:

3) An vi subditi possint resistere regi legitimo, & cum eo gerere bellum, si injuriam ab eo nobis fieri existimemus? Id vero negandum esse Grotius demonstrat:

1) Ex

1) Ex jure naturæ & gentium. §. 2.

2) Ex lege Hebræa. §. 3.

3) Ex Evangelio. §. 4.

4) Ex praxi Christianorum. §. 5.

Quia autem nulla regula temere sine exceptione est, hinc caput hoc constat 2. partibus. Nam

Priore tradit regulam. §. 2. 7.

Posteriore subjungit exceptionem. §. 2.
ad fin.

Nos jam primo regulam demonstrabimus, aliorumque objectiones refutabimus. Regula est: Non posse subditos bello adgredi superiores suos.

§. 2.

Hanc regulam Grotius probat I. Ex jure nat. & Gent. Argumentum Grotii tale est. n. 1. 2. 3.

Quicumque renunciarunt libertati naturali vim vi repellendi, illis non competit jus belli.

Subditi ratione civitatis & Imperantium renunciarunt libertati naturali vim vi repellendi.

E. subditis non competit jus belli adversus civitatem vel imperantes.

Major clara est. Nam

1) Ad renunciata non datur regressus.

2) Renunciatio hæc non magis iniqua est, quam hominem, qui se in servitutem addidit, renunciare omni juri suo in se ipsum.

Minor autem, quod facta sit hujusmodi renunciatio, probatur.

1) Ex fine civitatum, quæ coaluerunt mutux defensionis causa adversus externos.
Non

Non ergo defensio locum habet adversus ipsam remp. & qui eam repræsentat, regem.

2) Ex forma. Hæc consistit in unionem voluntatum & jurium. Unio illa voluntatum in eo consistit, quod omnes voluntates suas submiserunt vel uni, vel pluribus, vel majori parti civitatis. Quibus vero submisimus voluntates nostras, earum ratione renunciavimus libertati naturali.

3) Ex effectu. Aut resistere licet, aut non licet summo imperanti. Si licet, tunc erit anarchia, quia nulla erit submissio voluntatum. Si non licet, nec bellum gerere licebit.

§. 3.

Eandem regulam Grotius demonstrat II. ex lege Hebræorum. Quum enim ea resp. sit divinitus instituta: magnum omnino in eorum testimonio positum erit præsidium.

Hebræis autem non licuisse resistere summis Imperantibus, probatur

1) Ex Deut. XV. 1. 12. Jos. I. 18.

2) Ex lege regia 1. Sam. VIII. 11. Atque sæpe diximus, ibi non referre Samuelem, quid rex facere debeat, sed quid facturus sit: & tamen additur, populo nullum fore auxilium adversus regem, ne in ipso quidem Deo, qui ad se clamantes non sit auditurus. Addi possunt

3) Exempla Israelitarum Pharaoni in Ægypto non resistentium, Davidis, qui iusto fultus exercitu fugere maluit, quam resistere Sauli, impio, injusto, a Deo re-
jecto.

§. 4.

• Sequitur demonstratio III. ex Evange-
lio. Ubi Grotius allegat 1) dictum Chri-
sti: *Dare Cæsari &c.* Notatu dignum, non
addicere Christum, quid Cæsari dare de-
beant: sensus enim est, Date ei quæ jam
ex lege vestra scitis illi esse danda. At lex
Hebræorum exigebat obsequium sine resi-
stentia. Ergo hanc præstate Cæsari.

2) Ad dictum Paulli Rom. 13. Qui
resistit, condemnationem accipiet. Ast qui
bello persequitur summum imperantem,
is resistit, E. condemnationem accipiet,
adeoque injuste egit.

3) Ad dicta ejusdem, ubi vocatur im-
perans minister Dei, cui pagendum non so-
lum ob iram, sed & propter conscientiam.
Ergo qui resistit, Deo resistit, & peccat
contra conscientiam.

Objici posset, non utile esse pati inju-
rias, quia & is qui infert hac patientia fit
deterior, & aliis idem imminet periculum.

Resp. hic omnino utilius esse privatos
aliquid pati injuriæ, quam bello persequi
imperantes. Si enim hoc fit: statim dissol-
vitur civitas, & fit anarchia. In anarchia
autem multo minor securitas est, quam in
quovis imperio etiam tyrannico.

Accedit, quod multa subditi interpre-
tentur pro injuriis, quæ tales non sint.
Ne turpiter quidem omnibus placet, ne-
dum imperans. Si liberet itaque subditis
cum bello petere, eique resistere: nun-
quam futura esset tranquilla civitas.

Hæc omnia egregiis testimoniis veterum
suo

suo more illustrat Grotius, ex quibus præcipue expendi merentur loca THUCYDIDIS n. 4. & DIONIS CHRYSOSTOMI n. 5.

- a. 6. 4) Sequitur testimonium Petri I. Epist. II, 18. ubi docet injurias etiam regum & dominorum malorum ferendas, idque exemplo Christi.

Jam argumentamur:

Qui tenentur honorare reges & dominos exemplo Christi, illi non possunt in eos bellum suscipere.

Christiani ex præcepto Apostoli tenentur honorare regem exemplo Christi.

Ergo non possunt in eos bellum suscipere. Major clara est. Nam Christus nunquam resistit, quum ipse fateatur, se posse a patre impetrare plus quam XII. legiones, non hominum, sed angelorum.

Minor ex ipso Petri textu desumpta est. Vera ergo & conclusio.

§. 5.

- a. 1. Denique hanc regulam firmat IV. praxi veterum Christianorum, quæ sane optima est dictorum Christi & Apostolorum interpretis. Nam

1) Christiani nunquam se opposuere tyrannis, quum & multitudine vincerent, & facile possent socios reperire. E. g. Neroni crudeli Christianorum lanioni se opposuere Galba, Otho Vitellius. Nemo Christianorum horum factionibus accessit. Domitiano Cassius & alii, Antonino Philosopho Cassius, bella intulerunt. Nemo his Christianis adfuisse legitur, quum tamen & possent, & ab aliis Imperatoribus dira passi

essent. Hinc iusta Tertulliani gloriatio in Apologetico: Unde Cassi & Nigri, &c.

2) Nunquam vim vi repulere. Adpareret id 1) ex 10. illis gravissimis persecutionibus; quibus Christiani innumeri mactabantur. Tanta erat Christianorum multitudo, ut Tertullianus in eodem Apologetico dicat, Christianos implere palatia, curias, castra: nam totæ legiones Christianæ memorantur, & tamen nunquam resistebant, nunquam sumebant arma. 2) Exemplo Ambrosii, quod auctor refert, qui & populi motus sedare, & Maximi copias auxiliares detrectare maluit, quam Valentiniano crudeli & Arriano resistere. 3) Exemplo Christianorum sub Juliano Apostata. Sane tunc religio Christiana erat supereminens & dominans: Imperator paucissimos habebat affectas gentiles. Et tamen illi omnia ferebant, & ut Greg. Nazianzenus loquitur, precibus & lacrymis tantum se defendebant, quia solum hoc ipsis concessum videbatur contra persecutiones remedium.

Ergo manifestum est, Christianos semper credidisse, non licere bellum gerere adversus superiores, Q. E. D.

§. 6.

Haftenus pluribus argumentis demonstrata est regula, quod non liceat bellum gerere contra superiores. Sed antequam ad alteram capitis partem progrediatur Grotius, aliorum argumenta profligare instituit.

Et sunt quidam, 1) qui putant universum populum resistere posse regi, cumque bello

bello persequi, si male imperet, eaque sententia est monarchomachorum, imprimis Miltoni, Hotomanni, & Steph. Jun. Bruti. Sunt 2) qui hanc potestatem quidem non omni populo concedunt, sed magistratibus inferioribus & ordinibus. In qua sententia PETR. MARTYR Theologus, qui Genevæ docuit, & sub Eduardo reformationem Anglicanam promovit, in *Libr. Judic. III.* DAREUS, theologus Heidelbergensis in *Rom. XIII.* HADR. JUNIUS Belgæ & LAMBERTUS DANÆUS Navarrus in *Libr. VI. Polit. Christiana*. Et hos præcipue refutat Grotius ex principiis philosophicis. Ut genus aliquid est ratione inferioris, & tamen eadem est species ratione superioris: ita magistratus inferiores sunt magistratus & superiores ratione privatorum, quibus præsent, sed sunt iidem subditi ratione imperantium, quorum nomine magistratu funguntur. Hinc argumentum:

Si subditis non licet bellum gerere adversus imperantem, nec id licet magistratibus inferioribus.

Prius verum est, uti concedunt hi auctores.

E. & posterius.

n. 2. Secundo eos Grotius ducit ad absurdum, & urget, si possint magistratus inferiores bello coercere summos imperantes, regnum statim fore in regno, comp. in rep. id est, cum statum, quem omnes fatentur esse monstrum politicum. Hinc alterum Grotii argumentum:

Si magistratibus inferioribus licet coercere

cere summos imperantes, erit regnum in regno.

Posterior est absurdum, E. & prius.

Repugnat id tertio scripturæ sacræ. Nam n. 3. 4.

1) ipse Petrus 1. Ep. II. 1. subordinatorem urget, & aliter nos subesse jubet magistratibus inferioribus, aliter summo imperanti. Regem enim vocat potestatem supereminentem. 2) Paullus Rom. XIII. vult omnem animam subesse summo imperanti, E. & magistratus inferiores. 3) Praxis Hebræorum docet, regi Israelitarum & procures subfuisse, veluti Samuel Sauli, etiam divinitus rejecto. 4) Addendus elegans locus de centurione Capernaimitico: sum homo, subjectus imperanti, & habeo infra me milites. Hic erat magistratus inferior militaris, & fatetur tamen se subjectum imperio.

Obijciunt dictum Trajani, qui porrecto n. 5.
præfecto pugione: Hoc, inquit, pro me
utere, si recte impero: contra me, si male.

Resp. 1) Ex dictis regum eorum jura frustra probantur. Nam alias & dicta Neronis, Commodi, Caracallæ non minus roboris haberent, quam illud Trajani.

2) Quando rex quidam se sponte submittit, vel juri alicui renunciat, id non præjudicat aliis, ceu patet exemplo eorum regum, qui sponte & per modum jurisdictionis prorogata se submitunt judiciis curiarum suarum.

3) Trajanus & alii Imperatores civiliter imperantes, in id dedere operam, ut simulacris libertatis populo illuderent. Explicandum

dum autem ex politicis, quid sint simula-
cra libertatis.

§. 7.

Quæritur porro, an lex de non resisten-
do superioribus obliget etiam in extremo
periculo? e. g. Si imperans ira percitus me
gladio petat innocentem, & aut mihi aut
illi pericundum sit: mihine potius consu-
lam, an principi? Et an non ejus repelle-
re possum conatus?

Resp. ante omnia distinguendum est in-
ter defensionem sine principis interitu, &
cum ejus interitu conjunctam.

§. 1.

De priorerecte defendit Grotius, licitam
illam esse, nec principem conqueri posse de
facta sibi injuria, si me non patiar innocen-
tem mactari. Id Grotius demonstrat ita

1) Argumento a majore ad minus. Ipsæ
leges divinæ & de cultu divino cessant in
casu necessitatis extremæ. E. multo magis
leges de non resistendo summo imperanti.
Antecedens probatur exemplo de sabbat-
ho, & de cibis vetitis, quas necessitati
cedere, & magistri Hebræorum & ipse Chri-
stus fatentur.

Accuratius dicimus leges vel esse

1) Humanas, quæ semper admittunt ex-
ceptionem necessitatis, nisi diserte di-
cat imperans, eam cessare debere.

2) Divinas

1) De officiis erga Deum

a) Affirmativæ, admittunt exceptionem.

b) Negativæ, non admittunt.

2) De officiis erga proximum, tunc ne-
cessitas est

a) A

a) A Deo, & sic admittit exceptionem.

b) Ab hominum malitia, quæ intendit vel

1) Perniciem, tunc admittit

2) Peccatum & non admittit. THOMAS. de jurispr. div. l. 2. c. 4. §. 143. sequ.

2) A modo & sine se subjiciendi. Nunquam Deus vel in lege naturæ, vel in S. S. absolute jussit, ut civitates & resp. constitueremus. Ergo civitates & resp. originenens sunt humanæ: ergo & primæ leges de non violandis summis imperantibus humanæ fuerunt. E. non præsumitur eas obstringere etiam ad subeundum vitæ discrimen: quum plerumque leges humanæ intelligendæ sint cum exceptione necessitatis.

Obijciunt. Ast possunt & humanæ leges sancire, ut & extremum subeamus periculum, v. c. quis neget summum imperantem posse injungere militibus, ut potius intermi se patiantur, quam loco cedant?

Resp. non quaeritur hic, quid legibus humanis sanciri possit, sed quid iis sancitum sit. Jam si omnes, qui primum in societatem coaluerint, interrogasses, vellent ne ita se mancipare, ut si innocentes a principe petantur, se mori velle præoptarent, quam propulsare injuriam: nemo forte id affirmasset, ergo tam dura & rigida obligatio non præsumitur.

Possent porro objici: Ast supra demonstratum esse populum qui in temp. coaluit, Hein. de Jure Belli, &c. I luit,

luit, renunciasse juri resistendi. Resp. recte, sed 1) renunciarunt, se principi non restituros, id est, si princeps tamquam princeps aliquid præcipiat, vetet, injungat. Ast si princeps ira percitus gladio innocentem petit, id non facit tamquam princeps, sed tamquam hostis meus. 2) Renunciaverunt juri resistendi, id est offendendi belloque petendi regem. Nos vero loquimur de defensione non conjuncta cum principis interitu, veluti, si ictus ejus ante elidam, si me recipiam in ædes bene munitas, ex iisque in tutiora loca me recipiam, &c.

a. 3. Porro objicitur: Non resistendum esse magistratui non esse legem humanam, sed divinam. Resp.

1) Et leges divinas aliquando admittere exceptionem necessitatis, supra ostendimus.

2) Est lex divina non ratione originis, sed ratione confirmationis. Resp. sunt originis & inventionis humanæ, adeoque & leges de nexu imperantium & subditorum. Sed Deus hunc ordinem tamquam ad conservationem generis humani utilem confirmavit, legesque de illo imperantium & subditorum nexu ratas habuit. Et hinc videmus: imperia modo dici ordinationem humanam, ut 1. Petr. II, 13. modo divinam, ut Rom. XIII. humanam ratione originis, divinam ratione confirmationis. Manet ergo ea lex humana, quamvis a Deo confirmata,

a. 4. 3) Eandem thesin Grotius probat testimonio-

monio GUIL. BARCLAY Scoti, viri doctissimi. Est ille non confundendus cum ROBERTO BARCLAYO, qui elegantissimo & florido stylo scripsit *Euphormionem*, *Argenidem*, *iconem Animirum*, nec cum ROBERTO BARCLAYO, qui Quackeros, quos vocant, apologia non incite scripta defendit, sed Guilielmus in jure publico & gentium inclauit, & demum Romam migravit, mutata religione avita. Scripsit libros *de regno contra monarchomachos*, eorumque principia feliciter profligavit.

Id ergo ipse concedere tenetur, majorem partem populi se tueri posse adversus sævitiam principis, (tueri inquit, non bellum gerere.) At inde arguit Grotius: Si id potest major pars, quidni & minor pars, quidni & privatus? Idque illustrat exemplo Davidis, a Saule injuste pressi, qui non solum in fugam se conjecit, sed & quadringentorum hominum præsidium sibi circumposuit, 1. Sam. XXII, 2. XXIII, 13. non ut bellum cum Saule gereret, sed ut personam suam tueretur ab ejus injuriis.

4) Addit denique Grotius exemplum Machabæorum, sub quibus Judæi injuste oppressi ab Antiochis sacra vitamque strenue tuebantur, non modo multi, sed & singuli & subducendo se, & prædiis muniendo templum,

Sed hoc exemplum huc vix pertinet. Nam 1) hæc non fuit innoxia defensio, sed verum bellum contra Antiochos: adeoque de ejus justitia in altera capitis par-

et dispiciendum. Ubi & indagandum est, fuerintne Antiochi iusti Judæorum reges, an nudi invasores, quam controversiam hic loco non satis commode tractavit Grotius.

n. 6. Hactenus de priore questione: an non liceat in extremo periculo se defendere adversus Principem, si defensio illa sine interitu principis fiat?

Jam sequitur altera: an licita sit defensio cum Principis interitu conjuncta? Recte resp. Regis personæ etiam in tali periculo parcendum. Nam

1) Regis & Principis personæ sunt sacrosanctæ, non in sensu theologico, sed juridico, inviolabiles, idque omnes gentes agnoscunt.

2. Regis interitus non potest non cum summa perturbatione reip. conjunctus esse, cui quam maxime parcendum est.

3) Dāvides Saulem sæpe in calles suas incidentem nunquam occidere voluit, sed ei semper pepercit, nolle se inquires manus injicere unctō domini. Sunt qui putant, id Davidem non fecisse ex obligatione stricta, sed ex sublimi proposito, vel ut opus supererogationis, uti loquitur moralistæ Pontificii, sed id falsum esse, tum ex præcepto Dei Deut. XXII, 28. tum ex ipso facto Davidis patet, qui & eum occidi jussit, qui Saulem semivivum ipsius rogatu occiderat, coronamque attulerat ad Davidem.

n. 7. 4) Porro arguit Grotius a minore ad majus, si ne verbis quidem lædere licet imperan-

perantes: multo minus factis & manu.

Prius verum, E. & posterius.

Antecedens probatur ex Deut. XXII, 28.

Principi in populo tuo ne maledicas. Quin mortis supplicium imminabat ei, qui Regi malediceret. Adeo, ut quamvis Davides Semei, sibi in fuga maledicenti, gratiam huius delicti fecisset, Salomoni tamen inter extrema mandata injungeret, ne pateretur eum morte sua mori.

Nec Judæi solum, sed & omnes gentes ejusdem erant sententiæ, ceu variis testimoniis ex Aristotele, Curtio aliisque petitis demonstrat Grotius. Præclarum est testimonium ARTABANI Persæ apud Plutarchum, ubi regem vocat *ἐκείνα θεῶν τὰ πάντα ὁρῶντος*, Dei omnia respicientis effigiem.

Ex his duabus quæstionibus tertiam format Grotius; Quum enim supra concesserit licitam adversus Regem injurias intentantem defensionem, modo ne in personam illius gravius quid statuamus; jam porro quærit, an non Christianismus potius absolutam nobis injungat patientiam? n. 8.

Multa enim permittunt leges naturales, immo & revelatæ veteris testamenti, quæ non permittit Evangelium; multo exactiorem a nobis exigens sanctimoniam.

Et sane Grotius in eam sententiam videtur pronior, quod Christianus rectius faciat, si se plane non defendat adversus superiorem. Id probat.

1) Ex illis dictis, quæ patientiam suadent exactissimam, e. g. Matth. V. *Benedicite maledicentibus vobis, benefacite ludencibus*

suos, deprecamini pro iis, qui persequuntur vos, ita ut sitis filij patris celestis.

2) Christus iis, qui patiuntur persecutionem religionis causa, fugam tantum concessit.

3) Exemplo Christi, quod Petrus urget 1. Petr. IV, 12. & sequ. Quum is non defenderit se adversus Pontifices & Pilatum, sed omnes subjerit injurias: idem videtur Christianorum officium.

n. 9. 4) A praxi primorum Christianorum in persecutionibus se nunquam defendendum. Dicas, vires non animum illis deduisse. Sed audi Tertullianum, Cyprianum, Lactantium, ab ipso Grotio allegatos.

n. 10. 11.

42.

5) Exemplo legionis Thebeæ a Maximiano Cæsare apud Octodurum decimatæ nullo militum repugnante. Id exemplum fusc narrat Grotius, simulque verba præcipuorum ex ista legione enarrat. Nam Mauritius Dux vel Tribunus legionis: Quam timui &c. Sic quum facta esset decimatio, & iis qui superstites erant denuo Maximianus præciperet, ut diis sacra facerent: responderunt intrepide, se in Imp. potestate esse, ast non sacrificaturos. In primis egregia est Exuperii signiferi Oratio: Non adversum te, Imperator armavit &c.

n. 14. 15.

6) Exemplo Christianorum sæculi IV. qui nunquam se Valenti Ariano, favienti in se, opposuerunt. Et demum inde infert. Quemadmodum Christi, ita & Christianorum patientiam se ad mortem extendere.

Sed

Sed quamvis hæc omnia recte se habent : non tamen confundenda iustitia & sanctitas actionis. Qui debita remittit debitori, is sancte agit : sed non ideo injustus est, si non remittit. Qui sua sibi iniuste erepta actione forensi non vindicat, sancte agit, sed quis diceret injustam, qui actione petit, quod sibi debetur? Ita & sancte agunt, qui Christi exemplo potius perire, quam se defendere adversus Principem malunt, sancte egerunt Thebæi legionarii, qui arma in Principem non converterunt : sed nec injustos eos dicerem, si iis usi essent præsidii, quibus sine Imperatoris læsione se vitamque suam defendissent.

§. 8.

Vidimus hæctenus regulam : quod bellum gerere nefas sit subditis adversus Principes vel superiores. Sequuntur jam exceptiones. Quarum prima se prodit

I. In regibus principibusque nullo jure majestatis gaudentibus, & hinc revera populo suo subjectis, quales erant Reges Lacedæmoniorum, & hodie Dux Venetus, Januensis. Hi enim si vim inferrent populo, & ejus jura vel libertatem opprimere auderent, procul dubio populo jus esset vim vi repellere. Nam

1) Hi improprie dicuntur Reges & Principes, revera magistratus a populo constituti.

2) Bellum itaque proprie non gerunt adversus superiores, sed adversus inferiores, injuriam sibi illaturos.

3) Proprie id ne bellum quidem est, quippe quod inter se gerunt societates liberae & summi Imperantes, quales non sunt, qui superiorem agnoscunt populum. Est ergo potius executio poenae, quam merentur, qui tyrannidem adfectant in societate vel civitate libera.

§. 9.

Alteram exceptionem videmus II. in iis qui quum antea regno se abdicassent, vel illud pro derelicto habuissent, postea illi intentant hostilia. Conf. LACTANTIUS de mort. persecutor.

Hujus rei illustre exemplum existat in historia Diocletiani & Maximiani Imperat. qui quum sibi alios sub nomine Caesarum substituisent, postea regno se abdicarunt, & ad privatam vitam redierunt. Sed ad- fuetos Imperio facile & mox poenituit, maxime Maximianum, qui Constantinum & alios regno conabatur privare. Bello itaque petitus & profligatus est. Quaritur an tunc pop. Rom. jure militare potuerit adversus Principem suum? Et resp. GROTIUS, omnia in hujusmodi adgressorem licere, quae in hostem.

Recte. Nam 1) non est Princeps vel superior, qui per abdicationem juri suo renunciavit.

2) Jure defenditur ab iis justus Imperans, qui illis se abdicantibus, Imperium capessivit.

3) Dum ad vitam privatam redierunt: facti sunt successoris subditi. Subditi adfectantes Imperium superioris sui crimen majesta-

gesta-

Legatis committunt. Reos hujus criminis bello coerceri posse manifestum est.

§. 10.

Tertiam exceptionem ipse Barclajus admittit: si Rex velit alienare regnum, tunc enim amitti ab eo Regnum, & hinc posse eum pro hoste haberi.

Sed recte Grotius hic cautius procedendum putat. Nam aut Regnum est patrimoniale, aut usufructuarium.

Si patrimoniale, valet regula: Qui jure suo utitur, nemini facit injuriam. Hujusmodi enim regem regnum posse alienare, extra controversiam est.

Sin usufructuarium: aut vult alienare, aut alienavit. Si prius, non opus est bello, sed nullum est ipso jure hoc consilium. Sin jam alienavit: tunc non bellum geritur adversus Principem alienantem, sed adversus eum, qui vi utitur, in Regno occupando. Si ejus partibus accedit rex, tunc non amplius rex est, sed hostis populi sui, adeoque non geritur bellum adversus superiorem, sed adversus hostem.

§. 11.

Quarta exceptio est in tyranno. Sed hæc paullo difficilior, & hinc accuratius explicanda. Tyranni vox est indifferens, & denotat Regem, adeo ut & Gentiles in precibus Herculem cognominarent tyrannum, quasi Regem: & Miltiades tyrannus vocari sibi laudi duceret. CORN. NEP. in *Milt. cap. 8.* Sed postea id vocabulum in deterioriorem partem sumum est, quemadmodum

idem fatum habuere vocabula fur, sophista, caussidicus &c.

Sunt autem tyranni duorum generum, titulo & administratione. Titulo sunt tyranni, qui nullo præcedente & concurrente justo titulo imperium adfectant & administrant, quales tyranni fuerant Athenis Pisistratus, Siracusæ Dionysii, Romæ Julius Cæsar.

Administratione contra, qui quum justo titulo imperent, Imperium tamen ita administrant, ut hostilem animum adversus totum populum ostendant. Aliquando utrumque concurrit, ut nec titulus adsit, & magna crudelitate utatur imperans, idque sit frequentissime. Nam *Imperium flagitio quæsitum nemo bonis artibus retinuit*. TACIT. *Hist. lib. I. cap. 30.*

Ergo patet 1) non esse statim tyrannum, cujus titulus dubius, modo aliquis sit. Sic e. gr. Papa declarabat Henricum IV. Imp. esse tyrannum, quia sibi non parcat, Fridericum II. esse tyrannum, quia jura Imperii in Italia vindicabat, Elisabetham Reginam Angliæ non esse Reginam legitimam, quia Religionem Pontificiam deseruisset. Multi Papæ obnoxii tunc dubitare cœperant de titulo, an ideo tyranni erant? Minime.

2) Non statim esse tyrannos, qui aliquid injuste agunt, quin qui multa agunt crudeliter. Omne enim magnum Imperium, inquit Tacitus, habet aliquid ex iniquo, quod publica utilitate pensatur. Sic e. g. Ludovicum XIV. Reg. Fr. nemo ignorat,

ras, Veneri plus iusto indulgisse, subditos reformatæ religioni addictos adflixisse, sæpe foedera & pacem abripuisse &c. omnia hæc injusta: nec tamen ideo statim tyrannus fuit. Exemplo Tarquinii Superbi egregie id illustrat Budæus in *Specimine Jurisprudentiæ historica* §. 35. sequ.

3) Nec eos esse tyrannos statim, qui bello & aperta vi jura sua vindicant a subditis. Jam supra enim diximus, hanc non esse speciem belli, sed exsequutionis. Exsequutio autem & sine hostili animo in remp. fieri potest. Ergo quum Carolus I. Rex Britann. a Miltono tyrannus ideo dicitur, quod bello adgressus sit subditos, male ratiocinatur, si supponamus, subditos ipsi omnia jura extorsisse per injuriam, quæ vi Rex infelicissimus recuperabat.

4) Illos esse tyrannos, qui vel nullo plane titulo Imperium invadunt, & in eo nunquam a populo confirmati sunt, vel hostilem animum adversus populum, vel remp. aperte ostendunt. Addo, a populo non confirmati sunt. Sic e. g. verum quidem est, Turcas Imperium Constantinopolitanum sine titulo adgressos, sed tamen postquam semel populus in eorum Imperium consensit, non amplius habetur tyrannus, sed legitimus imperans. Et hinc merito dubitatur, an tanquam tyrannus fuerit Cæsar occisus. Tanquam tyrannus invaserat remp. Sed postquam semel Senatus Populusque Romanus ei Dictaturam perpetuam lege lata detulerat, tyrannus non amplius erat, sed justus imperans.

Hostilis autem animus adversus populum adparet ex eo, 1) si imperans omnes promiscue occidat, in omnes saeviat sine discrimine, v. g. Nero & Domitianus, 2) si bellum illis inferat nulla injuria provocatus, e. g. Rex Hispaniae Belgis.

Si itaque certum est, aliquem esse tyrannum: certum quoque eum posse bello peti: Tyrannus enim est hostis reip. Adversus hostem autem hosti in infinitum omnia licita sunt.

Eleganter ergo MARTIANA de Rege & Regis Institut. Lib. 1. cap. 6. p. 57. Falli questio in controversia est: quis merito tyrannus habeatur: iuris in aperto est, fas esse, tyrannum perimere.

§. 12.

Quinta exceptio est in eo, qui regnum commisit. Quid sit clausula commissoria, supra declaravimus. Talis vero in Imperiis duplex occurrit.

1) Ubi capitulatio vel pacta conventa ineuntur inter regem & subditos, in primis ordines, additurque, si eas leges non servet imperans, tunc eum ipso jure Imperii exsortem fore. Exemplum est in Germania a Caroli V. temporibus, & in Polonia.

2) Ubi Regnum vel Principatus feudali nexu alteri obstringuntur. Tunc enim regno privatus ob feloniam, qui delictum feudale commisit, & tunc subditi magis obstricti sunt domino directo, quam ejus Vassallo. Sic e. g. Leopoldus Imper. ob feloniam in bannum Imperii declarabat Duces Sabaudiae & Mantuanum: Josephus Electores

res

res Bavariz & Colon. an injuste egissent subditi, si eos bello fuissent persecuti? Minime.

§. 13.

Sexta exceptio est nullius momenti. Dicit Grotius, licitum esse bellum in Imperantes, si partem Imperii habeat Princeps, partem populus, & imperans in partem populi iavolet.

Sed hic status reip. plane esset monstruosus: esset enim resp. in rep. Imperans & populus possunt regalia communiter exercere, non inter se dividere. Potest imperans quidam regalia solus habere, quidam communicare cum populo: sed nunquam potest populus quidam solus habere, ad quæ rex non concurrat.

An autem tunc quoque bello locus est, si princeps sibi soli vindicet, quæ communia sunt? Et tunc respondetur omnino, modo vere id agat princeps, & modo non subditi sibi arrogant jura, quæ illis minime competunt. Sic nemo dubitat, si Imperator omnia principum & statuum jura vellet suppressere, & absolutum adfectare Imperium, bello fore locum, quale etiam adversus Ferdinandum II. Imp. per 30. annos gestum novimus.

§. 14.

Septima exceptio est eo casu, si populus sibi jus resistendi certo casu expresse reservavit, & rex in id consenserit.

Quisque enim potest juri suo renunciare, in sui favorem introducto. Exemplum habet THUANUS lib. 131. ad ann. 1604. & libro 133. ann. 1605. de Hungaris, qui sibi stipulati sunt jus resistendi regi, si vel religionem

vim inferret, vel præsidia externa induceret in temp.

§. 15.

a. 1. Redit 1) Grotius ad tyrannos titulo tales, & quaerit:

2) Quatenus parendum sit invasori alieni Imperii? §. 15.

3) Quatenus ei resisti possit? §. 16. 19.

Prima quaestio facile expeditur. Omne imperium acquiritur consensu. Consensus est vel ultroneus, vel metu sui que extortus. Ergo quamdiu populus nondum consensit in invasoris Imperium, tandiu hostis est, & in eum omnia permissa sunt: simul ac autem consenserant, sive id ultro fecerint, sive metu coacti: parendi ipsis gloria relicta est. Sic e.g. Imp. Rufforum invadebat Livoniam. Fingamus, ei nullum fuisse justum titulum, adeoque illum vere fuisse invasorem: an poterant Livones jure illi resistere & bello opponere bellum? Procul dubio. Si autem quaeras, an postea, quum urbes sub suam rede-gisset potestatem, id potuissent? Negandum id esset. Jam enim consenserant in ejus Imperium.

Ast unde is consensus praesumitur? Ex depositione armorum & deditioe. Dum enim se dedunt, dum arma animumque hostilem ponunt, procul dubio consentiunt in ejus Imperium.

a. 2. Nec admittenda exceptio Grotii, quod parendum non sit in iis, quæ ad firmandum invasoris Imperium pertineant. Qui enim consentiunt in Imperium invasoris, pro-

procul dubio etiam ad id firmandum obstricti sunt. Hinc si Livones Russis negassent tributa, quia iis Imperator abusus sit adversus Suecos, veros dominos, & ad firmandum in Livonia imperium omnino stolidè egissent.

Ast alia quaestio est, an parere teneantur subditi, si invasor eorum opera uti velit adversus verum dominum, id enim nec tenentur facere, nec salva conscientia possunt, quia quidem invasor imperans noster est, respectu exterorum, sed non respectu veri domini, cui semper salvum est jus recuperandi Provinciam, quamdiu ei in pacis conditionibus non renunciarit.

§. 16.

Sequitur jam altera quaestio: an invasori liceat resistere, cum deicere, immo occidere?

Respondet Grotius, licere, & quidem variis casibus. Generalis vero regula est: Quoties huiusmodi invasor nondum est Princeps, sed hostis, toties in illum omnia licent. Inde itaque colligimus:

I. Id licere, si bello injusto quis nos adgrediatur, & nulla pactio inter illum, & nos sequuta sit, & quidem neque tacita neque expressa. Nam tunc non est Princeps, sed hostis. In hostem nihil non licet.

Dico autem perinde esse, sive tacite pati simus cum invasore, sive expresse. Nam tacitus consensus etiam verus consensus est, quod non videtur agnovisse

Gro.

Grotius. Dum enim tolero alterius Imperium, dum arma pono, dum, ut in me iure belli abstineat, volo, eo ipso tacite cum eo paciscor, adeoque ipsum agnosco principem, eoque, donec verus & legitimus imperans Imperium iustis mediis recuperarit.

Hinc non minus injustum esset bellum Græcorum in Turciæ Imperatorem, quam vesperæ Siculæ, quibus Galli perfide trucidati sunt. Illi tacite; hi expresse Imperium invasorum agnoverant.

§. 17.

II. Si lex exstat, ut cuius fas sit occidere tyrannum. Tales autem leges exstant in Græciæ civitatibus fere omnibus, nec non Romæ lex Valeria. Et hinc defendi solet cæses Julii Cæsaris, quamvis a privatis perpetrata.

Sed hæc regula non usquequaque vera est. Nam 1) distinguendum inter invasores, qui ipsi cives sunt, & extraneos. Illos solos huiusmodi lex obstringit, & quum contra hanc legem invadant remp. non possunt de facta sibi injuria conqueri, si occidantur. At extraneos hæc lex non obstringit; adeoque si is invaserit remp. & libertatem sustulit: non valebit adversus eum lex a libero adhuc populo lata. Hinc absurdum fuisset, si quilibet Thebanus putasset sibi licere occidere Alexandrum M. postquam semel eorum princeps fuerat factus.

2) Etiam quod ad cives attinet, distinguendum, utrum pactio sequuta sit cum populo, nec ne. Si prius, legem illam ve-

terent nova lege sustulit populus: sin potestius, tunc locum habet Grotii regula. Ergo jure occisus est C. Cassius, qui invalerat remp. non jure occisus est Julius Cæsar, quem ipse populus lege lata Dictatorem perpetuum constituerat.

§. 18.

Tertius casus est, si accedat jussus veri imperantis. Hinc sæpe solent veri Imperantes promittere præmium ei, qui invasorem vivum mortuumve obrulerit.

Sed denuo distinguendum 1) an adhuc possideat Imperium Princeps legitimus, an invasor jam universum regnum teneat. Sic jure poterat Imperator præmium hujusmodi promittere ei, qui Ragozzium vivum mortuumve sibi obtulisset, ast id non poterat Augustus Rex Poloniae, quum Regno dejectus Stanislaus ope Svecorum imperaret. Ratio diversitatis est, quia uti jam diximus invasori parere eousque tenemur, quoad imperans legitimis mediis recuperasset remp. Quamdiu nondum recuperavit, ejus jus in suspenso est, Et nihil nobis potest præcipere.

2) Denuo distinguendum, an pacta intercesserint, nec ne. Pactum enim ex invalore ratione paciscentium facit Principem, quamvis legitimum imperantem hæc pacta non obstringant, tanquam res inter alios acta.

§. 19.

Subjungit Gronius monitum. Extra hos casus non licere privato deicere aut occidere invasorem. Idque probat.

1) In-

1) Inde, quia non constat de voluntate summi imperantis, qui mavult fortassis tolerari invasorem, quam rem in extremum periculum adduci. Hinc laudant Roman. Scriptores Mutii Scævola factum, qui in Porienae castra profectus regem infesto ictu petens, ejus administrum primum occidit. Sed addit Livius, cum rem prius ad Senatum detulisse; & eo probante in castra profectum. Extra jussu Principis vel populi legitime imperantis non licebit privato in summum discrimen adducere remp.

n. 1. 3.

2) Quia libertas quidem jucunda, sed saepe remedium servitutis ipso morbo gravius. Nam 1) aliquando non potest populus libertatem ferre, uti Romae tempore Caesaris & Augusti: 2) Semper invasor occidendus habet, qui ipsi faveant. Hinc ex hujusmodi cæde nascitur bellum civile, ex hoc nova tyrannis priore multo gravior, ceu exemplum Jul. Caesaris occisi docuit.

Quum itaque privati non sit de gravi hac quaestione decernere, nec ei licebit occidere invasorem, sine jussu totius populi.

n. 4

Obijciunt aliqui factum Ehudis, qui hoc modo occidit Eylonem Phylistaeorum regem Jud. III, 15. Facinus Jehu, qui domum Achabi ita destruxit, & principatu dejecit. Sed resp.

1) Exempla non probare, sed illustrare: non ostendere quid fieri debeat, sed quid factum.

2) Utrumque tyrannidicam ipso Dei jussu

De Bello Subditorum in Superiores. 205
jussu dextram adversus tyrannos armasse.
Dei autem judicio supremo nemo injusti-
tiz dicam scripserit. Condemnaverat illos
Deus ad mortem, exsequutionem deman-
dare poterat cuicumque vellet.

§. 20.

Denique graviter monet Grotius: non
esse privatorum de controversiis hujusmo-
di & factis principum judicare. Et recte
quidem. Nam

- 1) Illis deest judicium & prudentia suf-
ficiens ea de re iudicandi.
- 2) Plebs summis imperantibus semper
iniqua est.
- 3) Christus ipse noluit privatis permit-
tere judicium de Imperio Augusto-
rum,
dum dixit: *Dato Casari &c.*

C A P U T V.

Qui Bellum licite gerant.

§. 1.

Ultimo hoc capite quænam quæstio
tractetur, paucis explicandum. Caus-
sa efficiens belli duplex est, principalis,
& minus principalis. Principales sunt sum-
mi imperantes vel respublicæ, quorum au-
spiciis bellum geritur. Minus principales
sunt duces, milites. Hinc tres nasci pos-
sunt quæstiones.

1) An

- 1) An summi Imp. vel republ. & quæve inter se bellum jure gerant?
- 2) An summi Imp. & republ. etiam pro aliis bellum gerere possint?
- 3) An subditi possint & teneantur milites agere pro superioribus suis.

Prima quæstio hætenus explicata, de reliquis agitur hoc capite, & de secunda quidem §. 2. de tertia §. 3. 4.

§. 2.

n. 1. Quod ergo ad bella pro aliis gerenda attinet: nemo dubitavit ea justa esse. Nam

1) Ipsa humana natura nos obligat, ut miseris succurramus, si privati jure reprehenduntur, qui id non faciunt: quidni & imperantes & resp.

2) Vicinorum clades semper fere cum nostro periculo conjuncta est. Vicino oppresso, tanto facilius & nos opprimimus. Tunc tua res agitur, paries cum proximus ardet.

n. 2. 3) Potest & vinculum nos obstringere ad arma pro aliis capienda. Sed quale? Grotius sufficere ait naturæ humanæ communionem. Sed id vinculum paullo laxius. Sunt multo majora, veluti

1) Foedus, ex quo tenemur alterius causam suscipere.

2) Fidejussio de servanda pace, quæ vocatur la garantie: Tunc enim fidejussor (le garant) tenetur armis tueri eum cui contra pacem fit injuria.

3) Cognatio, adfinitas.

4) Spes succedendi.

5) Re-

Religionis societas ejusque periculum.

§. 3.

Sequitur ultima quæstio: an & qui subditi possint & teneantur militare superiori? Adfirmat Grotius, idque

1) Indè probat, quia subditi sint instrumenta summi Imperantis, non externa, sed interna. Sed hoc argumentum dilutum est. Nos addimus alterum.

2) Quia reipubl. essentia consistit in unione voluntatum & virium. Si vires uni-
tæ, poterit imperans & subditis uti ad militiam.

§. 4.

Sed quæritur, an nemo excipiat? Dist. inter militiam lectam & mercenariam. Illa neminem excipit, nisi privilegio munitum: hæc omnes, qui sumtus reip. suppeditare possunt ad conducendum militem.



LIBER SECUNDUS.

CAPUT I.

De Belli causis, & primum de defensione sui, & rerum.

Diximus sub finem procemii, tres esse Grotiani operis partes, quas vulgo hoc versiculo solent complecti:

Quid bellum? belli causæ; quæ juraque belli?

Quum itaque hæcenus primo libro actum sit de bello in genere: jam libro II. causæ belli prolixè explicantur.

Caput primum constat 3. partibus. In prima ostenditur, quid sit causa belli? §. 1. in secunda, quot & quænam sint §. 2. in tertia prima belli causa tractatur, nempe defensio vitæ & rerum suarum. §. 3. ad fin.

§. 1.

Si itaque quæritur, quænam sint causæ belli: ante omnia distingui merentur, quæ vulgo confunduntur. Nam

- n. 1. 1) Alii sunt prætextus, aliæ sunt causæ belli. Prætextus, vel ut latinius loquamur causæ, quas obrendere falso solent belligerantes, sunt illæ, quæ quum movisse Imperantes dicantur, eos tamen non moverunt. Sic e. g. Ferdinandus Catholicus

cus

eus occupabat partem Regni Navarræ Hispanicam sub prætextu excommunicationis Papalis, quum vera causa esset habendi cupiditas. Romani debebant Carthaginem sub obtentu, quod fœdus violarit, quum vera causa esset, quod exstare nollent urbem, a qua aliquando fuerant tot cladibus adfecti. Causæ autem belli sunt, quæ vere moverunt.

2) Et hæc denuo vel politicæ sunt, vel occasionales, vel iustificæ. Mere politicæ, quæ meræ utilitatis contemplatione movent, e. gr. bello adgrediendus vicinus, quia jam debilis est. Occasionales, quæ proxime occasionem dant, ut ad manus veniatur, unde & *principia belli* dicuntur. Tale belli principium erat cervus apud VIRGILIUM *Æneid. lib. 7. n. 485.* cujus occasione ad manus veniebant Æneas & Turnus. Ita & cæsi ad Delium templum milites principium belli fuere Romanorum adversus Antiochum. *Liv. lib. 35. cap. 51.* Causæ denique iustificæ sunt, causæ quæ ex regulis iusti fiunt, & efficiunt, ut salva fide & conscientia bellum geri possit. Et de his jam agendum.

His causis iustificis opus esse, si bellum debeat iustum dici, facile probatur. Nam

1) Rerum moralium iustitia & iniustitia ex fine & causa impulsiva æstimatur. Iusta est lis, quæ sui recuperandi retinendique: iniusta, quæ alterius vexandi causa suscipitur. Ita & iustum bellum quod ex iusta causa, iniustum, quod ex mera ambitione & avaritia suscipitur.

n. 3. 2) A minore ad majus inferri potest : Si injustum est privatim vim adhibere sine justa causa, idque qui facit, latro merito appellatur: multo magis, qui totam gentem sine justa causa variis cladibus afficit. Immo tanto magis latro est, quo plus innocentis sanguinem sine ratione fundit. Notetur elegans judicium Scytharum de Alexandro M. apud CURT. L. 7. c. 8. n. 19. *At tu, qui te gloriaris ad latrones persequendos venire, omnium gentium, quas odisti, latro es.* LUCANUS lib. 10. v. 20. vocat, *terrarum felicem prædonem.*

n. 4. 3) A fine bellorum idem probatur: Bellum idem est in statu naturali, quod in civili sunt judicia. Quemadmodum itaque locum non habent judicia sine injuria, ita nec bella sine injuria a Principe vel gente illata.

§. 2.

n. 1. 2. Jam porro queritur, quænam illæ sint causæ justifiæ, ob quas bellum pie & juste geritur?

Grotius ita procedit, ut comparet inter se judicia civilia & bella, & supponat regulam: *Ex quibus causis cives inter se juste litigant, ob eandem Principes & gentes inter se juste bella gerunt.*

n. 3. Jam omnes lites justæ nascuntur ob injuriam sive nondum factam, sed quam metuimus, uti cautio de damno infecto, interdicta uti possidetis, ne vis fiat cet. sive ob jam factam, unde dantur actiones reales, rei vindicatio, confessoria &c. & personales, ex contractibus veris & quasi contractibus?

vel

primum de defensione sui, &c. 211
vel denique de poenis ob delictum sive publicum, sive privatum: quo pertinent omnes actiones poenales & persequutiones criminales.

Ita & tres sunt belli causæ. Ob injuriam enim imminentem licita est *defensio*; ob jam illatam, *recuperatio rerum*, nostrarum; ob factum quodcumque gravius vel injustum *pœna* seu ultio.

Ita Grotius: tres sunt belli causæ iustificæ, *defensio*, *recuperatio rerum*, & *punitio*: idque deinde suo more illustrat testimoniis veterum, veluti Diodori, Livii, Aristotelis, Curtii.

Sed hic Grotium merito castigarunt Boeclerus, Jo. a Felde & Casp. Zieglerus. Nam pœna concipi nequit sine superiore, qui jus pœnam exigendi habet. Quam vero principes & gentes inter se non sint superiores & inferiores, merito argumentamur:

Qui sunt pares, ii se invicem punire nequeunt,

Principes & gentes inter se sunt pares, E. Hinc merito hæc tertia causa omittitur: & omne bellum aut geritur propter defensionem, aut propter reparationem rerum nostrarum, non propter punitiorem. Conf. BUDDEI *Diff. de expeditionibus cruciatis*, §. 7. *segg.* ubi quærit, an iusta fuerint bella Christianorum cum barbaris, quia hi fuerint infideles?

Interim Grotius hunc ordinem hoc libro observat. Nam

1) De defensione sui agit, Cap. 1. IX.
Hein. de Jure Belli, &c. K 2) De

n. 3. 2) A minore ad majus inferri potest: Si injustum est privatim vim adhibere sine justa causa, idque qui facit, latro merito adpellatur: multo magis, qui totam gentem sine justa causa variis cladibus afficit. Immo tanto magis latro est, quo plus innocentis sanguinem sine ratione fundit. Notetur elegans judicium Scytharum de Alexandro M. apud CURT. L. 7. c. 8. n. 19. *At tu, qui te gloriaris ad latrones persequendos venire, omnium gentium, quas edisti, latro es.* LUCANUS lib. 10. v. 20. vocat, *terrarum felicem pradam.*

n. 4. 3) A sine bellorum idem probatur: Bellum idem est in statu naturali, quod in civili sunt judicia. Quemadmodum itaque locum non habent judicia sine injuria, ita nec bella sine injuria a Principe vel gente illata.

§. 2.

a. 1. 2. Jam porro queritur, quanam illæ sint causæ justicæ, ob quas bellum pie & juste geritur?

Grotius ita procedit, ut comparet inter se judicia civilia & bella, & supponat regulam: *Ex quibus causis cives inter se juste litigant, ob easdem Principes & gentes inter se juste bella gerunt.*

Jam omnes lites justæ nascuntur ob injuriam sive nondum factam, sed quam metumus, uti cautio de damno infecto, interdicta uti possidetis, ne vis fiat cet. sive ob jam factam, unde dantur actiones reales, rei vindicatio, confessoria &c. & personales, ex contractibus veris & quasi contractibus vel

¶ primum de defensione sui, &c. 211
vel denique de pœnis ob delictum sive publicum, sive privatum: quo pertinent omnes actiones pœnales & persequutiones criminales.

Ita & tres sunt belli causæ, Ob injuriam enim imminentem licita est *defensio*; ob jam illatam, *recuperatio rerum*, nostrarum; ob factum quodcumque gravius vel injustum *pœna* seu ultio.

Ita Grotius: tres sunt belli causæ justicæ, *defensio*, *recuperatio rerum*, & *punitio*: idque deinde suo more illustrat testimoniis veterum, veluti Diodori, Livii, Aristotelis, Curtii.

Sed hic Grotium merito castigarunt Boeclerus, Jo. a Felde, & Casp. Zieglerus. u. 3.
Nam pœna concipi nequit sine superiore, qui jus pœnam exigendi habet. Quam vero principes & gentes inter se non sint superiores & inferiores, merito argumentatur:

Qui sunt pares, ii se invicem punire nequeunt,

Principes & gentes inter se sunt pares, E. Hinc merito hæc tertia causa omittitur: & omne bellum aut geritur propter defensionem, aut propter reparationem rerum nostrarum, non propter punitiorem. Conf. BUDDI *Diff. de expeditionibus cruciatis*, §. 7. *seqq.* ubi quærit, an iusta fuerint bella Christianorum cum barbaris, quia hi fuerint infideles?

Interim Grotius hunc ordinem hoc libro observat. Nam

1) De defensione sui agit, Cap. 1. IX.
Hein. de Jure Belli, &c. K 2) De

2) De reparatione rerum nostrarum.
Cap. X. XIX.

3) De punitione Cap. XX. XXL
§. 3.

Prima causa est DEFENSIO sui suarumque rerum. Ea vero denuo est triplex. Nam aut defendimus

1) Vitam §. 3. 5.

2) Integritatem membrorum §. 6.

3) Pudicitiam §. 7.

4) Res nostras §. 11. seqq.

De singulis jam seorsim.

1) Recte defendit, ob periculum vite imminens, & quod aliter evitari non potest, bellum & privatum & publicum recte geri. Privatum, quoties suscipimus moderamen inculpatae tutelae: publicum, quoties hostis nobis extrema intentat. Immo! hic non interest, siue is qui me adgreditur, id bona fide faciat, e. g. furiosus, errans, siue mala. Nam

1) Nullum ius nos obligat, ut magis amemus alios, quam nos ipsos. *Dilige proximum tuum, sicut te ipsum.* Non itaque parcere alii cogor cum meo interitu.

2) Ex eo fundamento porro sequitur. Quia defendere cogor proximum, si incidat in periculum, multo magis me ipsum. Vera enim dilectio incipit a se ipso.

3) Quum ergo fundamentum defensionis meae non sit alterius peccatum, sed obligatio illa & impetus naturalis me defendendi. Hinc facile patet, me meae defensionis causa occidere posse, qui mihi intentat necem, quamvis id sine dolo fa-

Et primum de defensione sui, &c. 213
faciat. Hinc variz decidendz quzstio-
nes:

a) An in bello occidere possim mili-
tem hosti bona fide militantem?

b) An qui me adgreditur ex errore,
quum putet me alium esse?

c) An furiosum, insanum, noctivagum
vel lunaticum? Omnes hz quzstiones ad-
firmandz, quia, ut diximus, id jus non ha-
bet pro fundamento peccatum alterius, sed
obligationem meam vitam defendendi.

§. 4.

Ex eodem fundamento definiendz quz-
stiones: n. 1. 2.

d) An & innocentes plane, qui mihi
resistunt possim obtruncare, & mihi aliter
consulere nequeam? e. g. si infans vel clau-
dus impediatur me fugientem, dum viam oc-
cupavit. Resp. alii affirmando; ut Cardina-
lis Hosius *qu. 33. L. 1. PETRUS NAVARRUS*
L. 11. c. 3. n. 147. CAJETANUS L. 2. c. 2. Art.
6. 7. qu. 2. Ast Grotius id putat repugnare
dilectioni, adeoque regulis Evangelicis.

Sed 1) quod justum est ex jure natu-
ræ, id non potest injustum fieri evange-
lio, quamvis forte Evangelium majorem
sanctitatem requirat.

2) Nullum est testimonium S. S. quod
hoc casu me jubeat parcere infanti, vel
claudo, & me potius perire.

3) Evangelium non aliam requirit di-
fectionem proximi, quam ut cum diliga-
mus sicut nos ipsos. Si autem ei parci-
mus, ut pereamus: magis diligimus pro-
ximum, quam nos ipsos.

K 2

Hinc

Hinc rectius alii dicunt, hoc quoque casu quamvis esse honestam rationem expediendæ salutis, quamvis recta ratio suadeat, 1) ut periculum faciamus an saltu possimus transmittere infantem. 2) An claudum sine interitu possimus prosterne-
re. 3) Ut si et damnum dederimus, id resarciamus pro virili.

§. 5.

a. 1. Dum autem defensionem vitæ etiam violentam concedimus, aliter id intelligendum in quæstione de bello privato, aliter in altera de bello publico.

In bello publico sufficit quodvis periculum imminens; modo certe imminet, & non mera suspicio periculi sit. e. g. vicinus non solum bellum manifesto parat, sed etiam variis in rebus hostilem adversus nos animum ostendat, nullum est dubium, quin præoccupare illum liceat. Sic quum domus Brunsvvicensis exercitum compararet maximum numis Gallicanis, & nemini exitium minaretur, quam domui Hanoveranz, cui ob electoratum succensebat: hæc una nocte omnes invasit terras Brunsvvicenses & militum nondum contractorum partem maximam captivam abduxit.

Ast in bello privato periculum adesse debet præsentissimum, adeo ut moderamen inculpatæ tutelæ non sit,

1) Si quis ob imminens periculum, vel ob minas alterum occidat.

2) Si periculo jam propulsato adgrefforem occidere audeam.

Rationem Grotius arcessit a natura metus, qui

qui sæpe fallere soleat, ut nobis periculum imminere fingamus, quale nullum imminet: sed hæc ratio non sufficit, nam & in bello publico locum habet, ne quisquam potest salva conscientia bello adgredi alterum, nisi metus sit, justus. Ergo ex hac ratione explicari non potest, hoc discrimen, cur in bello publico liceat ob metum justum defensionem suscipere, in privato non liceat.

Vera itaque ratio est, quod in statu civili periculum imminens possit propulsari, implorato auxilio magistratus, qui potest jubere cautionem præstari de non offendendo, id autem fieri nequit in statu naturali. Ergo hic primum istum excipere non teneor.

Ergo facile patet, quid sentiendum sit de questione n. 2. proposita, an si conjurasse, insidiari, venenum parare alterum videam, cum jure interficiam? Ex theologis moralistis, uti se vocant, hoc concedit BANNER in *Quest. 64. Art. 7. dub. 4.* ex JCTIS BALDUS: sed Grotius merito negat. Nam non video, quomodo hic magistratus auxilium implorari, ab eoque nobis auxilium præstari nequeat. Quamdiu autem id nobis præsto est, nullum nobis jus est defensionis in statu civili.

§. 6.

Secundo etiam defensio membrorum nonnunquam necessaria est, maximeque ea causa locum habet in bello privato, seu moderamine inculpatæ tutelæ. Quæritur, an ea justa sit, ita ut occidere possim

K 3 cum,

216 *Lib. 11. Cap. 1. De Belli causis,*
eum, qui me manu, oculo mutilare, vel
mihi vulnus dolorificum infligere intentat?

Resp. affirmandum id esse. Nam 1) non
teneor alterum plus amare quam me.

2) Ea intentio sæpe dubia est, nec ictus
ita ad mensuram dari possunt, ut certus
esse possim, solam manum peti.

3) Integritas corporis sæpe non minoris
nobis est, quam ipsa vita: immo facilius
aliquando vitam quam oculos manusque no-
bis eripi pateremur.

4) Incertus est vulneris eventus, quum
& ex minimo vulnere mors sequi possit.

§. 7.

An vero idem licet pro pudicitia? Ad-
firmant plerique, & in his GROTIUS, BU-
ENDORFIUS, & ipse PLATO §. 9. *de legibus*.
HADRIANUS l. 1. §. 4. *ff. ad L. Corn. de*
Sic. Hebræi apud SELDEN, de J. N. & G.
lib. 4. c. 3.

1) Quia Deus ipse vitam & pudicitiam
pari pretio æstimet.

2) Quia virgini pudicitia pro dote sit.

3) Quia magistratus stupratorem violentum
possit capitis damnare, adeoque & pri-
vato, ut id faciat permittere.

Sed dissentiunt tamen alii, & in his
THOMAS. *in jurispræd. div. l. 2. c. 2. §. 114.*
BUDD. *in Theol. Moral. p. 675.* quin ex ve-
teribus AUGUSTIN. *de lib. arbitr. l. 5. Ra-*
iones sunt:

1) Si per pudicitiam intelligatur virtus
moralis, eam eripi non posse: cujus vero
amittendi non est periculum, ejus nec de-
fendendi jus est.

2) Sin

2) Sin per pudicitiam intelligatur integritas corporis physica: ea in se non ita violatur a stupratore, ut non magistratus auxilio satisfactionem impetrare possit.

3) Sic ex parte virginis duo concurrere mala, unum minus & physicum, ut hanc injuriam corpore excipiat, alterum majus & morale, ut stupratorem occidat: ex duobis autem malis, quorum alterum physicum, alterum morale, vel utrumque physicum est, semper eligendum esse minus.

Nos virginem hanc in foro puniri haud posse dicimus: sed an conscientie suae satis consulat hoc defensionis genere, non definiam. Tutius saltim fuerit, clamore, reluctatione, minis se defendere quovis modo, quam his non sufficientibus ad arma se convertere.

§. 8.

Sequitur jam nova quaestio, an liceat defensionem omittere, adeoque juri suo renunciare?

Negant hoc alii, qui hanc legem putant esse praeceptivam: defende te. Alii qui eam permissivam volunt, adfirmant, quum quisque juri in sui favorem introducto possit renunciare. Alii denique distinguunt inter personas, quas vivere inter se, & quorum vita non adeo utilis sit reip. Illas se defendere teneri putant: has laudabilius agere, si se non defendant, quamvis, si velint, id possint.

Nobis omnino haec lex non solum permissiva sed praeceptiva videtur, adeoque hic non valet regula: Quisque potest juri

218. *Lib. II. Cap. I. De Belli causis,*
in favorem sui introducto renunciare. Nam
ei locus non habet nisi in rebus nostris.
Vita non nostra est, sed Dei. Præterea
nititur obligatio defensionis regula & lege
divina: *Dilige proximum; sicut te ipsum.*
Uti ergo proximum defendere non sola
permissio, sed verum præceptum est: ita
& se ipsum defendere.

§. 9.

n. 1. 2. 3. Jam regulæ huic quæstiones nonnullæ
adduntur. Et quidem 1.) Defensionem
violentam cessare in privato contra prin-
cipem suum, de quo latè Grotius toto
hoc §. sed quum jam superiore libro,
cap. 4. de hac re ex professo actum sit,
non opus plura jam addi.

§. 10.

n. 1. Secunda exceptio est, si injuria inten-
tata sit momenti paullo minoris. Unde
variz quæstiones. Nam

1.) Quæritur, an ob intentatam alapam
liceat ad defensionem violentam prouere,
& intentantem occidere? Grotius dividit
inter jus strictum & aequitatem Evangeli-
cam. Illo jure seu expletrice justitia du-
ce putat licere: ex ea ratione, quod dum
alter me injuria adficere parat, is mihi
eo ipso det jus in infinitum adversus se.
Ait ex Evangelica lege id minime conce-
di, quia Christus potius vult nos inju-
riam istam tolerare.

Sed ego nec ex lege evangelica, nec
ex jure naturæ stricto procedere arbitror de-
fensionem; usque ad destructionem alterius.

Nam alapa consideratur aut tanquam in-
juria,

jura, aut tanquam dolorem efficiens actus. Si prius, nullum hic est periculum, ne per magistratum satisfactionem accipere non possimus: sin posterius, non est dolor iste tam intolerabilis, ut dignus sit, ut ad eum evitandum alterum destruere conemur.

2) An accepta alapa liceat alterum occidere ad recuperandum honorem, ut ajunt? n. 1.

Adfirmant id theologi, Navarrus, Henriquez, Desoto alique, sed Grotius recte negat. Nam

a) Vera existimatio est opinio aliorum hominum de nostra virtute. Ea non amittitur alapa innocenter accepta, sed vitiis, ut facinoribus adversus rectam rationem admissis.

b) In bello privato jus defensionis non durat diutius, quam dum præsens est periculum. Eo defuncti reliqua committenda magistratui.

c) Si amissa esset existimatio, illa non recuperaretur vindicta privata, quæ est actus illicitus, sed auxilio magistratus, & poena ab illo inflictæ.

3) An si fuga possim declinare periculum, nihilominus possim violenta alterius cæde mihi securitatem parare? n. 2.

Negat Grotius, ex ea ratione, quod fuga in se nihil ignominie habeat, nisi forte in milite ad moriendum potius, quam fugiendum obligato.

Sed distinguendum potius inter fugam & perfugium. Ad hoc obstricti sumus, quia sic securitati nostræ consulitur: ad illam minime,

K 5

a) Quia

a) Quia fugiens tergum præbet adversario.

b) Quia si caderet, actum esset cum fugiente.

c) Quia si adgressor illum adsequeretur, difficile foret, ad defensionem se de novo componere.

§. 12.

Ultima species defensionis est, quæ pro tuendis rebus nostris suscipitur. Ubi auctor disquirat, 1) an ea conveniat juri nat. §. 11.

2) An LL. V. T. §. 12.

3) An doctrinis N. T. §. 13.

4) An juri civili? §. 14.

I. Quod ad primam quæstionem attinet, illam adfirmat Grotius, fateturque, non adversari hanc defensionem juri N. Nam 1) res, bona, opes pertinent ad vitam sustentandam, & sæpe occidere videtur, quæ bona & res nobis subtrahit. 2) Plerumque fures & raptores non tantum furandi, sed & occidendi animo irruunt. 3) Fuga sibi consulunt ordinarie, & res levissimo pretio distrahunt, adeoque vix spes est, vel personam adsequendi, vel res nostras recuperandi. Quum itaque hic cesset Magistratus auxilium: quælibet honesta ratio est expediendi salutem.

Sed tamen ex his ipsa rationibus patet, regulam hanc admittere exceptiones, nimirum

1) Si res sit nullius momenti, quam raptor petit.

2) Si vel spes sit recuperandi, e. g. si

ra-

raptor sit notus & locuples, vel magistratus aliorumve hominum auxilio periculum propulsare possim. V. g. Si interdium raperetur conetur in urbe celebri & populosa, ubi facile sit advocare vicinos. Defensio enim inter privatos cessat, nisi adsit extremum periculum.

§. 12.

II. Quæritur quid leges V. T. ea de re sanxerint? Lex Mos. distinguit inter furem & raptorem diurnum, & nocturnum, illum occidere vetat, hunc permittit, Exod. XXII, 2. n. 1.

Ea lex tam æqua visa est, ut apud plebsque gentes reperias similem, e. g. apud Athenienses: vid. DEMOSTH. in Timocr. apud Romanos, ubi in XII. Tabb. cautum fuerat, ut furem nocturnum occidere liceret, non item diurnum, nisi telo se defendat. CIC. pro deme cap. 41.

Jam quæritur, quænam sit hujus distinctionis ratio? Alii rationem hanc allegant, quod noctu discerni non possit fur & sicarius: sicarium autem occidi posse nemo negat.

Alii dicunt, rationem esse, quod res noctu surreptæ difficilior recuperari possint, quia fur sit nobis ignotus.

Sed vera ratio longe alia est, nempe quod demonstravimus, defensionis privatorum longe aliam esse rationem, quam belli publici. In hoc jus mihi est me defendendi, simulac periculum juste metuo, & id jus durat tamdiu, donec impetraverim securitatem. At defensio privata incipit, n. 2. 3.

simulac periculum est præsentissimum, nec diutius durat, quam illud periculum durat: quia alias ope magistratus uti possum. Jam in furto diurno plerumque non est periculum præsentissimum, nisi in locis solitariis: in nocturno autem omnino: E. fures nocturnos occidere licet, diurnos non item, nisi telo se defendant.

Hinc non admittenda præsumtio, quam urget Grotius. Dicit præsumi, furem nocturnum cum telo adfuisse: hinc si contrarium probari possit, cessare præsumptionem. Nam id potius ad furtum diurnum pertinet. Noctu hæc vix discerni possunt, quum fuerim in iusto metu.

4. Illustrat id Grotius exemplo legis de occidendo stupratore. Nam Moses id permittit in agro, non item in urbe, ubi clamore possit periculum avertere.

Sed pudicitæ aliam rationem esse, jam supra ostendimus; & hæc ipsa lex eodem principio potest explicari: quod in urbe populosa periculum non sit præsentissimum, in agro aliisque locis solitariis omnino præsentissimum esse soleat.

§. 13.

III. Pergit Grotius ad doctrinas N. T. & putat, eam defensionem rerum suarum violentam non esse iis permissam, idque probat dictis Christi notissimis, si quis pallium eripiat, tu ei tunicam quoque concede. Matth. V. item Pauli, qui Christianis turpe putat de rebus hujus mundi litigare. Quanto minus justum erit occidere, ad res suas servandas?

Sed

Sed 1) Christus non est novus legislator.

2) Consilia hæc non obligant, nisi quibusdam casibus, nempe tempore persecutionis.

3) Paulus non dixit, nefas esse Christianis, litigare coram iudice, sed coram iudice ethnico, unde scandalum nasci possit. Hinc suadet, ut inter se arbitros eligant, qui judicent inter fratrem & fratrem.

Hinc nec est, quod theologos reprehendat, qui id jus defendendi defendunt. In hoc uno tamen reprehensionem merentur moralistæ illi pontificii, Soto & Lessius, quod & furem diurnum, & qui telo se non defendat, occidi posse existimant. Id enim vel ideo absurdum, quod regula generalis etiam in defensione vitæ obtinet, defensionem justam esse, non nisi eo casu, si presentissimum adsit periculum. An plus liceat pro rebus tuendis, quam pro vitâ?

§. 14.

IV. Denique progreditur Auctor ad jus civile; & querit, an illud hujusmodi casum pro rerum suarum defensione permittere possit? Id negat.

1) Quia lex non habeat jus necis in cives, nisi ex delicto gravi, quod mortem mereatur.

2) Quia probabilis sit Securi sententia, neminem posse ad mortem damnari, nisi ob delictum, cui lex Mosaiica poenam capitalem proposuerit. Furtum autem ex L. Mosaiica non puniri morte.

3) Lex nemini irrogat poenam, nisi causa cognita.

4) Lex

4) Lex impunitatem promittere, jus facere non potest.

Sed in his omnibus egregie fallitur. Nam respondeo

1) Ad primum, Legislatorem gaudere jure vitæ & necis, si graviora delicta ingruant. Graviora autem habentur, quæ & frequentius perpetrantur, & securitatem reip. turbant. Tale est furtum & rapina.

2) Ad secundum. Falsum esse, quod ea tantum delicta capitalia sint, quæ capitalia voluerit esse lex Mosaica. Leges enim forenses attemperandæ statui reip. Jam Israeliticæ reip. consentaneæ fuerunt leges Mosi. at non ideo statim conveniunt nostræ, ubi furta sunt multo frequentiora.

3) Lex nemini irrogat poenam, nisi causa cognita: sed hic poena non est, sed defensio.

4) Lex non potest jus facere, sed impunitatem dare. Resp. concedendo, si lex quidquam introducit contra jus naturæ. Sed defensionem hanc licitam esse jure N. ipse Grotius fassus est §. 11.

§. 15.

Hinc quæstionem movet de duellis, an ea licita? Idque negat exceptis duobus casibus.

1) Si invasor me adducat in hujusmodi discrimen.

2) Si magistratus duos mortem meritos committat: quod frequenter in theatris faciebant Romani. Sed quum prius non sit duellum, sed defensio vel moderamen inculpatæ tutelæ: posterius, actio
stoll-

Primum de defensione sui, &c. 225
solida, & crudelis: rectius dixeris, duella
nunquam licita.

1) Quia defensio privatis nulla, ubi
non presentissimum periculum. Provocatus
vero posset implorare auxilium magistratus.

2) Quia hoc modo invaditur officium
magistratus.

3) Quia iste modus decidendi contro-
versias est absurdus, quum & innocens
perire, & injustus vincere queat.

§. 16.

Hæc de bello privato: Jam quaeritur an
ea & ad bella publica pertineant? Resp.
Et hæc ob defensionem recip. juste geri:
sed tamen non unum esse inter bella pu-
blica & privata discrimen. Nam 1) pri-
vati defensio incipit, simulac periculum
est presentissimum. Contra publicum bel-
lum suscipitur etiam ob metum justum pe-
riculi futuri. 2) Defensio privati cessat,
cessante periculo, jus belli non cessat pro-
pulsato periculo: hosti enim in hostem
an infinitum omnia licent, donec mihi sa-
tisfecerit.

§. 17.

Quaeritur autem, an ob solam vicini
potentiam liceat bellum gerere?

Negat Grotius merito. Bellum enim nul-
lum est sine injuria. Ast qui suo jure usus
sit potentior, nemini facit injuriam. Unde
merito hæc doctrina Hobbesii rejicienda.
Sed distinguendum tamen inter potentiam
juste & injuste acquisitam. Priore enim
casu cessat causa belli: posteriore omnino
licet illud gerere. Hinc quum Rex Franciæ
Hispa-

Hispaniam nepoti suo multis artibus vindicasset, domo Austriaca exclusa: iusta arma capiebant Britanni, Lusitani, Belgæ, quorum intererat, potentiam Gallicanam hac accessione non fieri intolerabilem.

§. 18.

n. 1. 2. Denique quaeritur, an & iis qui bellum meruerunt, sola defensio sit causa belli iustifica?

Resp. negando. Qui enim defendit, is propulsat injuriam. Non autem patitur injuriam, qui ipse intulit.

Ergo, qui læsit, bello petitus injuste se defendit, quum potius teneatur ad satisfactionem præstandam.

Id tamen observandum, posse ex bello injusto fieri iustum, si lædens se offerat ad satisfactionem æquam, læsus autem illam recipiat. Tunc bona causa a læso transit ad lædentem. Exemplis id illustrat Grotius, quibus merito accenseas ultimum bellum Suecicum. Sueci erant læsi, sed oblata a Russis & Polonis satisfactio, eaque rejecta, iusta causa transibat ad lædentes.

C A P U T II.

*De his qua Hominihus communiter
comperunt.*

§. 1.

Demonstravit hætenus auctor causam bellorum iustificam esse DEFENSIONEM. Ea autem defensio sæpe suscipitur non

non pro vita & membris, sed pro rebus nostris. Nostræ vero res non sunt natura, quia summus creator omnia initio humano generi dedit tanquam communia. Ergo quaeritur, cur & quomodo res quædam nostræ idicantur. Et hanc doctrinam prolixissime tractat A. capitibus insequentibus. Quum autem res quædam nostræ sint communiter cum aliis, quædam nobis propriæ, de illis agitur capite hoc II. de his insequentibus.

Communes res sunt denuo duplici sensu, privative & positive. *Privative*, quæ in nullius dominio sunt, sed omnium usui patent, ut aer, lux, aqua profluens. *Positive* quæ sunt in dominio plurium. Sic e. g. oppidum Trefurtum in Germ. commune est Moguntino, Saxoni & Hassio.

Et hæc divisio paullo accuratior est altera Grotiana in res communes, quæ in dominio *hec sunt, nec esse possint*, & illas, quæ *non sunt quidem, sed quæant tamen esse*. Nullæ enim sunt res, quæ non saltem ex parte possint fieri propriæ, id est, ita occupari ab altero, ut reliqui ab earum usu excludantur, ceu exemplo ipsius aeris intra ædes, marisque patet. Nihilominus hunc ordinem servat Auctor, ut consideret.

1) Res, quæ propriæ fieri nequeant,

§. 2. 3.

2) Res, quæ propriæ fiant per occupationem, §. 4. ad fin.

§. 2.

Ut totum prioris generis natura perspicua-

228. *Lib. II. Cap. II. De his qua Homini-
bus* ciatur, primo inquit, unde jus proprie-
tatis? quomodo res propriæ factæ sint? Et
cur quædam mænserint communes.

n. 1.

I. Jus proprietatis Grotius recte derivat
a concessione divina, ut homines rebus
creatis ad suam conservationem uti pos-
sint. Nam si quod mihi concessum est,
occupo; procul dubio fio dominus. Con-
cessisse autem Deum humano generi res
omnes patet.

a) Ex S. S. Gen. I, 29. & Gen. IX, 2.
ubi prior locus de concessione post crea-
tionem; posterior de concessione post di-
luvium agit. Errant vero, qui putant istis
locis Deum hominibus concessisse domi-
nium rerum: minime, sed jus dominium
introducendi. Res enim non concessit uni,
sed omnibus, non divisum, sed commu-
niter.

b) Ex recta ratione. Deus nobis dedit
ut simus, ergo & voluit ut conservemur.
Conservationem dum vult, vult & media
ejusdem. Media conservationis nostræ sunt
res, sine quibus ne per momentum qui-
dem vivere possemus. E. Deus nobis con-
cessit usum rerum. Si usum rerum dedit,
concessit etiam jus res occupandi, & iis
tanquam nostris utendi. Q. E. D. Hinc
& gentiles, quibus SS. ignota est, eam
veritatem agnoverunt, veluti JUSTINUS
libro XLIII. *Hist. c. 1.*

n. 2. 3. 4.

II. Quomodo autem res nobis Deus omnes
concesserit communiter, porro queritur,
cur in prima illa communione homines
non persistuerint? Grotius ea de re differt
pro-

prolixè, sed ita ut multa ex theologia sua immisceat. Nos iis fluctibus nos haud commitemus, sed rem ipsam proponemus.

1) Prima ratio est aucta hominum multitudo. Quamdiu hominum numerus intra paucos stetit, sufficere res eorum usibus, quin omnia erant inexhausti usus, adeoque nullo opus erat dominio. At postquam ita auctum est genus humanum, ut omnes terras, insulas, provincias, quin & loca parum fertilia occuparet: non potuit non fieri, ut non sufficerent res omnibus, nec potuissent sufficere, si singulis liber earum usus fuisset concessus. Demonstrat id exemplum aquæ in urbibus obsessis, quamdiu ea sufficit promiscue omnibus, non est in dominio, sed communis, simulac vel ob copiosum præsidium, vel ob hostium cuniculos metuitur, ne deficiat, statim usus iste promiscuus cessat. Ita se res in aliis rebus habuit.

2) Altera causa fuit voluptas, quæ homines impulit, ut a simplicitate primæva ad lautiorē vitam desciscerent. Sic homines primævi nudi incedebant, postea pellibus non ad splendorem, sed ad expellendum frigus velandamque nuditatem vestiebantur, demum auro, argento, gemmis fulgere dulce putabant. Primis mortalibus antrum vel tentorium pro tecto, terra pro cubili erat: posteri ædibus & palatiis splendidis habitare, & lectulis incubare malebant. Nulla olim supellex, postea ne copiosa quidem sufficiebat, nisi & materiæ pretium accederet. Primi homi-

nes cibo parabili & sponte nato; posterius exquisito, & varie condito vescerantur. Huic vitæ sane non sufficiebant res; si omnium promiscue usibus paruissent. Ergo a communione primæva videbatur discedendum. Accessit

3) Avaritia. Dum enim semel homines res, tanquam suas vindicare cœperant: res accepere pretium. Ergo impotens ista habendi cupido facile stimulabat homines, ut plura occuparent, quam necessitas exigeret. Hinc factum, ut quum ita reliquis deesset, unde viverent, omnia perquisiverunt; ut & ipsi aliquid haberent. Inde & sylvæ, rivi, flumina occupari cœperant. Inde & in terræ viscera penetratum, ut metalla extraherent. Denique sequutum

4) Generosum vitium, uti eleganter vocat Grotius, ambitio, quæ concordiam, ac deinde omnem communionem rupit, maxime quum lites de limitibus, & hinc bella accederent.

Hæ sunt veræ causæ, cur a communione primæva discessum. Omnes a Grotio allatæ ex vitiis hominum sunt, ex quibus sane non potuit nasci justus titulus occupantibus. Ast nos primam causam dicimus primariam, ex qua justus titulus natus est occupantibus. Vitiis autem illa in causa fuerunt, ut abuterentur homines eo jure occupandi, & res non æqualiter partirentur, sed unus altero plus occuparet.

- a. 5. III. Quæritur, quomodo res factæ fuerint propriæ? Nempe 1) per Occupationem. Occupatio autem est rei nullius apprehensio

hensio cum animo vel consilio eam mihi habendi. Quia enim Deus omnium usibus concesserat res creatas, prono alveo inde fluebat axioma: Quæ nullius sunt, cedunt occupanti.

Ex ea autem occupationis definitione fuit, occupationem fieri non solum animo, sed & corporali adprehensione. Sine hac enim alter nescit, rem esse exentam communione, inquit Grotius. Sed ea non est vera ratio. Nam quid si alter verbis id declararet, vel aliis signis? e. g. Ego cum Titio in litore maris ambulo. Ille me præcedit, ego tamen prius video gemmam a mari ejectam, animus mihi est, eam occupandi, clamo, me illam habere velle, sed Titius nihil verborum faciens illam sibi adprehendit & vindicat. An ideo mea est, quia habui animum occupandi, & Titius jam scivit, me eum animum habere? Ratio itaque alia est, nempe quia velle occupare, non est occupare. Quum itaque sola occupatio rem faciat meam: non sane sufficit, me animum declarasse, sed opus est vera occupatione, id est adprehensione corporali.

2) Per divisionem quoque res communes fiunt propriæ, cœu exemplo Palæstinæ ab Israelitis communiter occupatæ, & postea inter tribus per sortem divisæ luculenter patet.

S. 3.

His præmissis auctor ad ea transit, quæ in dominium & proprietatem hominum ire posse negat, eoque refert mare, aerem & fyrtes.

I. Pri-

n. 1.

I. Prima quæstio, an mare sit in domi-
nio? multa ingenia eximia exercuit, veluti
Grotium, cujus singularis ea de re tracta-
tus post hunc librum reperiri solet, SEL-
DENUM, *cujus mare clausum* existat, GRAE-
VINKELIUM, ISAAC. PONTANUM, B. HUBER-
RUM, & ill. BINKERSHOER qui Grotii caus-
sam egerunt, & Jo. BAPT. BURGUM, qui
dominium maris Ligustici defendit. Taceo,
qui in tractatibus juris publici & gentium
ea de re egerunt, ut PUFENDORFIUM,
THOMASIIUM, ZIEGLERUM in autem tractatu
de juribus majestatis, & alios.

Sed uti Grotius, & multi alii eam tra-
ctant quæstionem, eam facile adfirmabi-
mus. Si quis enim quærit, an mare possit
esse in proprietate & dominio, id cum
Grotio negamus:

1) Quia tanta ejus magnitudo, ut oc-
cupari nequeat.

2) Quia sit inexhausti usus, omnibus-
que sufficiat. Ex quibus fundamentis, etiam
altera quæstio:

II. An mare sit in dominio? facile de-
ciditur. Sed quod ad mare attinet, probe
tenendum, quæstionem 1) proprie non
esse de dominio maris, quamvis ita loqui
soleant scriptores: sed de imperio, an
non & jura quædam majestatis in mari
exerceri queant: v. g. jus vectigalia pe-
tendi, jus impediendi navigantes qui ho-
stibus res necessarias adveniunt, jus sibi
vindican di obventiones extraordinarias, v. g.
uniones, gemmas, &c. 2) Nec proprie
de oceano quæri, cujus tanta est magni-
tudo,

tudo, ut occupari nequeat, sed de partibus maris terræ propinquis.

De syrtibus, an sint in dominio, non a. 1. 1. facile nascetur quæstio. Sed si quis quærat, an esse possint? Nescio qui id negare velit Grotius, quum ex ipsius mente sint res nullius, & cedere possint occupanti. Immo revera occupatæ sunt insulæ desertæ & incultæ, veluti insula S. Helenæ.

S. 4.

Sequitur altera pars de rebus communibus, quæ non sunt in dominio, sed esse possunt per occupationem. Eo refert Grotius loca inculta, insulas in mari puta incultas, pisces, feras, aves. Quippe quæ occupando demum transeunt in proprietatem. Sed quum tamen experientia doceat, hæc maximam partem pro rebus communibus non haberi, nec jus ea occupandi promiscue omnibus concedi: quæritur, qui factum sit, ut hæc res non pateant usibus singulorum, quum sua natura sint communes?

Et hic sequitur præstantissima doctrina de modo occupandi, quam soli Grotio debemus.

Nimirum occupatio duplex est, *per universalem*, & *per fundos*. Prior est, quando universus populus occupat terræ tractum communiter, eumque deinde inter se dividit. Exemplum præbet S. S. de Israelitis, terram Canaan occupantibus. Posterior est, quando quisque paterfam. sibi rem vel locum capit, suisque assignat usibus. Talem occupationem videmus apud popu-

populos Nomades, e. g. Arabes, Tartaros, ubi homines cum familiis & pecoribus e loco in locum migrant, & reperto loco irriguo vel gramine, ibi sibi constituunt domicilium.

Jam si per universitatem totus tractus occupatur, tunc valet regula: Cujus est totum, ejus quoque sunt omnia, quæ hoc toto continentur, ut flumina, pisces, feræ, metalla. Nihil ergo in his est nullius, sed omnia ad populum occupantem pertinent.

Sin per fundos: ea quæ nondum occupata sunt, manent in communione negativa, id est, sunt nullius, hinc cuius cedunt occupanti.

Jam facile patet, cur in nostris regionibus, ubi populus non per modum gentium Nomadum occupavit provincias, sed per universitatem, hæc res non omnium visibus pateant? Quia enim omnia sunt populi: hinc nemo potest ea vindicare, nisi cui id populus concessit. Et quia hæc commode inter singulos dividi nequeunt: hinc alibi populus ea reliquit principi, tanquam domania, alibi nobilibus, ut habeant, quo virtuti bellicæ per venationem præludant: alibi privatis, sed non nisi dato canone annuo locatur.

§. 5.

Jam ergo facile liquet, quid hodie liceat in feras, aves, pisces? Resp. etiamnum valet regula: Quæ nullius sunt, cedunt occupanti. Sed ante omnia in singulis provinciis dispiciendum, an vere sint res nullius.

Nam,

Nam, ut dixi, plerumque sunt in proprietate vel principis vel nobilium vel privatorum usu. Aliena vero occupare, est furtum committere.

Sed quaeritur, an iuste egerint populi, dum hæc privatorum usibus exonerunt? Et id adfirmare non dubito:

1) Quia hæc res commodè non admittunt divisionem, & hinc sæpe ad manus res esset ventura, si plures idem adpetere.

2) Quia non sunt inexhausti usus, & hinc interest recipi, ne iis promiscue omnes abutantur.

3) Quia sic futurum esset, ut cives otio & voluptatibus magis indulgerent, quam rerum suarum satagerent.

Hinc nec dubitandum, quin & exteri in provincias nostras venientes his legibus obstringantur, & nec jure nat. nec jure Rom. se tueri possint. Qui enim in provincia est, sit subditus temporarius, subditus autem legibus parere tenetur.

§. 6.

Sequitur momentosa quaestio: An introducta proprietate rerum olim communium, ita sublata sit omnis communio, ut nec in casu necessitatis jus aliquod in res alienas supersit? Et rectè respondet Grotius, omnino duplicem admittere exceptionem. Nam I. extremam necessitatem esse excipiendam, in qua communio veluti reviviscit, & II. officia innoxie utilitatis, de quibus infra §. 13. Rationes videbimus.

1.) Id probatur ex fine primorum adquirentium, & occupationem illam per-

Acta. de Jure Belli, &c.

L. mit.

mittentium. Eos sane aut æquitatis rationem habuisse oportet, aut non habuisse: si habuerunt, noluerunt sane ut ipsi omnia haberent, alii fame perirent: si non habuerunt, injuste possidere cœperunt, nec facti sunt domini. Utroque casu iis, qui necessitate premuntur, ius aliquod erit in res alienas.

2) Occupatio facta est non auctoritate publica, sed privata. Jam si ipsæ leges quæ auctoritate publica feruntur, admittunt exceptionem necessitatis, uti supra demonstravimus: quanto magis proprietas ista privatorum?

3) Omnes leges humanæ admittunt exceptionem necessitatis. E. & dominium, lege non divina sed humana introductum, si vel maxime dicas, occupationem factam auctoritate publica.

¶ 3. Ergo in casu extremæ necessitatis reviviscit communio primæva, idque jam exemplo illustrat auctor. Huc pertinet 1) quod in nave deficientibus cibis singuli quod habent in commune referre tenentur: quod tamen ita intelligendum, modo ne domini esuri reteneantur, id est, si tanta sit quantitas cibariorum, ut probabile sit, ea omnibus suffectura, donec in portum adveniamus.

2) Ita & vicini ædes incendii arcendi causa diruere possum, si aliter arceri nequit.

3) Ita discindit nauta funes navis alienæ, in quo sua navis impulsæ est.

Sed quamvis id & rationi, & experientiz sit consentaneum: non temere tamen ea omnia permittentur, nisi fiat restitutio damni ex necessitate dati. Sic cibariorum meo.

meorum cum aliis: communicatorum pretium mihi solvendum, is cujus ædes nondum flammis correptæ dirutæ sunt, a vicinitate restitutionem exigit, actione utili ex L. Rhodia de jactu, &c.

4) Ea vero gravissima quæstio est, an liceat in casu extremæ necessitatis alij, mihi necessaria deneganti aliquid surripere?

n. 4.

Negat id Alberti in comp. jur. nat. orthod. conformato. part. 2. c. 2. §. 20. 24. 1) Quia rem alienam auferre invito domino sit furari, furtum vero omne prohibitum. 2) Quia ex duobus malis, quorum alterum physicum, ut fames, alterum morale, ut furtum, semper eligendum sit minus, quale sit physicum.

Sed hæc nihili. Contrarium demonstramus inde,

1) Quia jam ostensum in casu necessitatis reviviscere communionem.

2) Quia si in casu necessitatis ipsam vitam alteri defensionis meæ causa eripere possum, immo & conservationis meæ causa, quidni & res ejus mihi vindicare?

Ad argumenta Alberti resp. 1) negando esse furtum, quia furtum est ablatio rei alienæ fraudulosa lucri faciendi causa facta. Hic autem nec fraus vel dolus adest, nec lucri faciendi consilium. 2) Si ergo non est furtum, nec est malum morale sed mere physicum. Et duobus vero physicis malis eligendum est minus. Et quis negaverit alterum, minus physice malum esse, alteri perire fructum panis, quam mihi vitam.

§. 7.

Sed tamen & hic observandum : 1) extre-
mam hic supponendam necessitatem, e. g.
famem extremam, quam nemo vel fusto
panis oblato levare velit : 2) Non plus sibi
sumat, quam opus est. PUFEND. de J. N. & G.
l. 2. c. 6. §. 5. SEZDEN. de J. N. & G. l. 6. cap. 7.
THOMAS. jurispr. div. l. 2. cap. 2.

§. 8.

3) Ne ei eripiat, qui ipse indigeat. Nam
a) uti nemo tenetur alteri succurrere cum
detrimento suo, nec dilectio proximi su-
perare debet dilectionem sui: ita nec com-
munio reviviscere potest, si ipse indigeat.
b) In dubio semper melior est conditio
possidentis.

§. 9.

4) Ut habeat animum constituendi: nam
sufficit, rem esse alienam; si damnum de-
deris, restitue. Objici posset: qui jure suo utitur, ne-
mini facit injuriam, ergo cessat obligatio
restituendi.

Sed resp. Concedo nemini hunc facere
injuriam. Sed injuriæ correlatum non est
restitutio, verum poena. Ergo recte sequi-
tur, ut puniri non possit, tanquam furti:
sed non sequitur, ut immunis sit a resti-
tutione damni dato.

§. 10.

Rem egregie illustrat Gron. exemplo loci
bello occupati. Ergo bellum gerimus cum
Gallis. Exercitus per Coloniensem ditio-
nem advenurus dicitur. Occupamus ali-
quot loca munita in hac ditione, ne a
Gallis

Gallis occupentur: hic sane nos jure nostro uti nemo negabit: sed tamen quis dicat, ideo nos haud obstrictos esse ad refarciendum damnum? Elegans quoque est, quod ex XENOPHONTIS CYRI *Exp. l. 3.* refert exemplum, de multis mercatorum capiendis ad transitum.

§. II.

Vidimus primam exceptionem proprietatis semel introductæ; nempe casum extremæ necessitatis. Sequitur altera, officium innoxie utilitatis. Quid hoc est? Est officium imperfectum, ex regula honesti natum, quo alteri teneor præstare utilitatem, quam sine detrimento præstare non possum.

Notanda ergo regula: Quod tibi non nocet, & alteri prodest, ad id es obligatus, e. g. erranti monstrare viam, pati ut vicinus lumen de lumine meo accendat.

Hæc qui non præstat, non quidem injustus est, sed tamen summe inhumanus, quia 1) id negat, quod per virtutem debes, & sine damno potest, quum & detrimentum quoddam minus negligere debeamus in utilitatem proximi. 2) Quia reveratunc reviviscit primæva communio, uti alteri res nostræ prodesse possint sine damno nostro.

§. II.

Jam ex hoc principio varios casus expendit auctor. Et hinc quaerit, 1) an flumina sint in communione? Resp. Flumen consideratur aut ut totum, aut quoad singulas partes toto illo contentas.

Si quoad totum, flumen est in proprietate

populi . Nam uti supra demonstravimus , quoties per universitatē adquiritur , toties qui totum occupavit , is & singulas totius partes censetur occupasse . E. & flumina .

Sin quoad partes , tunc quædam ejus partes sunt exhausti usus , ut pisces in flumine , aurum , quod flumen vehit & similia . Et hæc denuo non sunt communia , sed populi vel principis , cui populus concessit . Alia sunt inexhausti usus , ut aqua profluens . Et hæc omnino mansit communis , adeo ut is neget officium innoxie utilitatis , adeoque inhumanissimus sit , qui aquam hauriri ex flumine non patitur .

Hinc ulli versus elegantes Ovidii :

Quis vetat , adposito lumen de lumine
sumi ?

Atque cavum vastas in mare server aquas ?
item :

Quid prohibetis aquas , usus communia
aquarum est .

Enimvero hæc regula admittit exceptionem : Si nobis res sit cum hostibus . Quum enim in statu naturali hosti in hostem in infinitum omnia liceant , nec potest hostis ab hoste expetere officia innoxie utilitatis . Hinc elegans controversia , cujus fundamentum refert *L. 2. §. 46. ff. de O. J.* Ligarius Cæsaris hostis oram Africæ tenens infirmum Tiberonem adplicare non permisit , nec aquam haurire : quo nomine eum accusavit Tubero , & Cicero defendit . Profecto jus belli id Ligario permisit , hostem excludere lictore , eique aquam prohibere .

§. 13.

Quæritur II. An vicinis possimus denegare transitum per nostras terras & regiones?

Transitus autem peti potest ex pluribus causis, 1) si gens expulsa finibus novas & vacuas sedes quærit. 2) Si gens commercium expetit cum gente seposita: 3) Si gens cum gente bellum iustum gerit, nec potest ei nocere, nisi concedatur a nobis transitus.

Id quidem negari nemini posse sibi persuadet Grotius, idque late demonstrat per omnes numeros §. 13. sed perperam, uti paullo post videbimus.

I. Primum argumentum desumit ab obligatione præstandi officia innoxie utilitatis: Quod tibi non nocet, & alteri prodest, ad id sumus obligati: Transitus vicinorum nobis non nocet, illisque prodest, E. ad eum sumus obligati.

n. 1.

Minorem inde probat, quod supponatur hic transitus innoxius, ubi copie transducantur sine damno nostro, ubi cibaria & quævis alia iusto pretio emanant, ubi nemini fiat injuria.

II. Alterum argumentum Grotius ex historia Mosaica desumit. Num. XX. & XXI. Nam quum Idumæi & Amorrhæi transitum innoxium negarent populo Israelitico, bello petiti sunt ab Israelitis, & quidem jussu Dei. An autem Deus injustum bellum præcipiat?

n. 2.

III. Accedit consensus Gentium, ex quo Grotius jus gentium derivare solet. Hinc alligat responsum Clearchis ex Xenoph. Agæilai, Lyfandri, Batavorum.

n. 3.

L 4

Ubi

Ubi quum Atheniensium refert transitum per fines Corinthiorum, hique illos, se insciis transisse conquererentur: quæstionem eâ occasione movet Grotius: an & inconsulto altero id liceat? Athenienses putabant, omnia patere debere plus valentibus: Agasilæus jocosè Macedonum legatis: Consul- tet, nos interea transibimus. Ast Grotius putat, omnino prius postulandum esse tran- situm: sed si negetur, vindicari posse.

n. 4. Hactenus Grotius suam sententiam propo- suit, jam & objectiones solvit. Objicitur

1) Metui posse multitudinem transeun- tium. Respondet a) metum alterius jus meum non tollere: b) Posse caveri, ut divisis manibus transmittantur, vel ut iner- mes transeant, ut dent obsides.

a) Posse hostem alio flectere iter, quam dicat. Resp. a) nec hunc dolum interver- tere obligationem transitum concedendi.

b) Si injustum bellum eum moliri videam, nos posse transitum negare.

n. 5. Denique ea quæ de transitu ipsorum exer- cituum dixit, extendit etiam ad commer- cia, & eorum quoque causâ liberum tran- situm concedendum putat, etiam si nobis lucrum decedere videatur. Sed loco argu- mentorum nihil allegat præter loca quæ- dam ex Philone, Plutarcho, Libanio, Euripide & Floro, quæ illustranti non probant.

Hactenus Grotii doctrinam brevè ἀναλύσει & bona fide proposuimus. Jam videbimus, quid in ea desiderandum sit. Ponit tres casus, quibus transitum peti posse existimat. 1) Si

gens

gens sedibus suis expulsa vacuas sedes quærat, 2) Si commercia expetantur, cum gente seposita, 3) si bellum iustum cum gente remotiore gerendum.

Primo casu distinguendum, an pauci exules & ejecti ad sedes jam præparatas tendant, an tota gens sedes incertas adhuc quærat. De priore casu adfensimur Grotio, & hinc non sine inhumanitate negatus fuisset transitus Gallis religionis causa ejectis, quum terras Brandenburgicas & Hassiacas peterent. De posteriore id negamus, & jure putamus a Romanis profligatos Cimbros, qui novas sedes quaesituri transitum petebant.

Alter casus de commerciis denuo admittit distinctionem. Nam si vicinus commercia expetit, quæ ego vel jam exerceam, vel eadem spe lucri exercere possim: nulla inhumanitas est transitum negare. Et puto ipsos Hollandos, negaturos Ostendensibus transitum ad interiora insulæ Ceylon, ut cinamomum emergere possint. Quisque sibi proximus. Si vero vicinus commercia exercere velit, quæ mihi nullum adferre possunt utilitatem, tunc transitus concedendus. Et hinc injuria Russi Holsatis negarunt transitum ad Persas, quum vellent sericum inde Holsatiam adportare, quum tamen ipsi tunc nec nollent nec possent inde lucrum sperare.

Tertius casus de transitu exercitus plane nunquam procedere videtur, nisi nobis res sit cum foederatis, vel ultro illum concedamus ex pacto. Id jam demonstrabimus. Nam

L 5

1) Gro-

1) Grotius supponit transitum esse innoxium : quum talis nunquam sit, non modo ob incommoda, quæ sequi solent, si vel amicus exercitus transit, qui omnia iusto emit pretio, sed præcipue NB. ob hostis, qui petitur, jus nos pro illa humanitate hosti suo præstare castigandi. Illustretur res exemplo Imperatoris, qui quum Electori Sax. transitum in Poloniam adversus Suecos concessisset, postea a Suecis in Saxoniam irruentibus pro hoste habitus, & ad tractatus pacis Rastadiensis, sibi parum utiles adactus est.

2) Exemplum Idumæorum & Amorrhæorum nihil ad rem facit. Erant hi Israelitarum consanguinei ab Esauo & Abrahamo orti: nos ignorabant Israelitis has terras a Deo esse promissas, & tamen negabant transitum ex mera invidia & odio erga Deum Israelis: poterant ergo jussu Dei bello peti.

3) Reliqua exempla nihil probant, nisi quid factum sit, non quid fieri debeat. Et sane ex quam lubrico fundamento hoc jus derivaverint, vel inde patet, quod Athenienses nihil pro se allegare possint, quam quod omnia licere debeant potentioribus.

4) Denique quam nullius usus sint cautele Grotii, res ipsa docet. Nam 1) in primo casu supponit, sedes quæri vacuas: ubi autem sunt sedes vacuæ? 2) In tertio supponit, per manus divisas transire hostem vel inermem transire, quis bello tertium adgressurus id faciat? Annon priores manus & inermes hostis prius opprimeret, quam

quam vel posteriores manipuli vel arma sequantur? Hinc magis adsentimur DD. novis, qui in concedendo eo transitu paullo cautius procedendum existimant, nec eum magis officiis innoxie utilitatis accensent, quam servitutes itineris, actus, viz in fundis privatorum.

§. 14.

Novam jam quaestionem movet A. an ^{n. 1. 2. 3.} mercibus transcurrentibus vectigalia imponi possint?

Recte distinguit Grotius inter onera personalia & realia. Illa ad sustentandam remp. pertinent, hæc ob securitatem mercibus præstandam, reficiendas vias, portas, pontes, &c. dantur. Illa non nisi civibus; hæc & exteris imponuntur.

Rationes jam adduximus. Sed ea non sunt primariæ. Quas reddere oportuit Grotium, quia ipse transitum mercium habuit pro officio innoxie utilitatis. Pro talibus officiis nemo sane præstat vectigal. Ait ergo Grotius, id non præstari pro transitu, sed in compensationem securitatis mercibus præstitæ, refectorum viarum, pontium, &c.

Vera ratio est, quia qui merces inferunt & exportant, lucrum captant e rep. nostra. Ergo nihil æquius est, quam ut partem lucri, æquam cives temporarii concedant imperanti.

§. 15.

Rectius officiis innoxie utilitatis Grotius accenset jus morandi in alieno territorio: cujus varix possunt esse causæ, c. g.

1) Valetudinis causa: uti facultatem in ora maritima Africæ commorandi petebat ægrotans Tubero. L. 2. §. 46. ff. de O. J.

2) Distrahendarum mercium, vel.

3) Reficiendarum navium causa.

Id inquit Grotius, sine summa inhumanitate adeo ulli negari nequit, ut potius & tuguriolum exstruere liceat. Quod enim nobis non nocet, & alteri prodest, &c.

Sed denuo distinguendum, an justa negandi causa sit, nec ne. Nam sapius morandi recte negatur & ægrotis & mercatoribus,

1) Si metus & periculum sit infectionis.

2) Si merces adducant veritas.

3) Si vel hostes ipsi sint, vel hostibus nostris commiscuum aliaque necessaria advehant.

§. 16.

Porro officium humanitatis est advenis expulsis habitationem concedere. Qui enim habitationem quaerit, is jus ambit civitatis, legibus & oneribus se subicit, adeoque summa inhumanitas est, hospites ejicere, vel non admittere.

Sed tamen & hic caute procedendum. Nam distinguendum, 1) pauci an multi expectant hospitium. Posteriore casu res aliquando non caret periculo, maxime si advenarum multitudo numerum indigenarum superet, vel si diversæ religioni addicti, quæ non facile sit sociabilis.

2) Sedes nostræ pluribus sufficiant, nec ne. Sic si magna multitudo hominum in Helvetia sibi sedes quaereret novas: vix

id

id concedi posset, quum terra montosa
vix incolis alendis sufficiat.

3) Homines probi sint, an factiosi, ob
seditiones domo pulsi. Nam posteriore casu
& simile periculum nostræ reip. imminet,
& facile inde bellum conflagri posset cum
vicino, qui hostes suos recipi conqueretur.

§. 17.

Porro humanitatis officium existimatur,
solum sterile concedere advenis id postu-
lantibus. Recte, non quidem ex ratione
Grotii: quod nullius est, cedit occupan-
ti, sic enim non esset officium innoxie uti-
litatis, sed perfectum, nec dici potest ste-
rile solum nullius, si territorio nostro con-
tinetur, ut supra §. 4. probavimus: sed
vera ratio est quærenda in axioma: Quod
tibi non nocet, alteri prodest, &c.

Potest tamen & hic occurrere exceptio,
si tractus terræ incultæ genti pro munitione
sit, quale quid deprehendimus in histo-
ria Sinensium, qui magnum tractum Tar-
taricæ extra murum Sinense ferro & flam-
mis devastarunt, ne per tantam solitudi-
nem exercitus possit duci.

§. 18.

Vidimus hætenus, quæ res sint commu-
nes: sequitur ut & ad actus quosdam com-
munes progrediamur.

Sunt vero actus communes, qui a ne-
mine impediri possunt. Eorumque funda-
mentum est conservatio vitæ humanæ.
Unde regula: Sine quo actu vita humana
conservari nequit, iste impediri non po-
test ab ullo. Si vel sunt simpliciter tales,
vel

248 *Lib. II. Cap. II. De his qua Homini-
bus* vel ex hypothesi, seu suppositione. Sim-
pliciter qui communes sunt semper: ex
hypothesi, qui communes sunt certis sup-
positis circumstantiis. De illis agitur §. 19.
21. De his §. 22. ad fin.

Nihil hoc principio æquius, quippe
quod ex ipsa societate fuit. Neque enim
homo cum homine vivere posset in socie-
tate, si hujusmodi actus, sine quibus vita
humana servari non potest, per conspira-
tionem impedirentur. e. g. famem expel-
lere non possum sine cibariis. Jam si
omnes incolæ hujus loci conspirarent, ne
quisquam mihi panem venderet: id esset
sane injustissimum.

§. 19.

Jam Grotius recenset istos actus com-
munes: Talis est 1) Emtio. Ergo jus
omnibus est æquo pretio sibi emere neces-
saria, non solum civibus, sed & exteris.

Quæritur autem an ob indigentiam &
famem expellere liceat exteros? Sæpe id
fecere Romani, eoque pertinent leges Ju-
nii Penni & Papia, de expellendis urbe
peregrinis apud Cic. *de off. lib. 3. cap. 17.*
Ita suo tempore ob famem peregrinos
omnes expulsos adfirmat AMBROS. *l. 3.
c. 7. de offe.*

Distinguendum inter peregrinos semel
admissos & nondum receptos: Hos arce-
re possumus. Nemo enim tenetur aliis
suppeditare cibum, ut ipse esuriat. At
semel recepti jam cives & subditi sunt,
& hinc sine injuria expelli nequeunt.

§. 20.

An autem ad vendendum similiter quis cogi potest? Negat auctor, quia id ex natura dominii fuit, ut autem meam mihi servare. an alienare malim statuere, Contigit tamen aliquando,

1) Ut quidam prohibeantur vendere, si merces videantur inutiles reip^s. Sic in universis provinciis Prussiae nemo vendere potest gausape *den Catun*. Olim apud Belgas vinum vendere nemo poterat, teste Tacito.

2) Ut quidam vendere cogantur. E. g. in fame, si dardanarii magnam frumenti copiam coemerint, eamque reservent, tantum ut pretium fiat immensum: cogi queunt, ut vendant iusto pretio.

Communis quoque actus censetur concubium: ne gens genti neget matrimonii societatem. Id enim exigere videtur vitæ humanæ conservatio. Hinc novimus, sæpe bellum gestum ob denegatas uxores: sæpe & raptas esse virgines. Raptus Sabinarum notissimus est.

Sed tamen dubito, an hæc res actibus communibus recte accenseatur. Nam

1) Non vita humana hic periclitatur, sed tantum spes posteritatis.

2) Nulla ratio est, cur quis non ex sua potius gente uxores petat, quam a vicinis extorqueat. Populus enim virorum videtur rarissimus, & ipsa historia Romana ideo a multis vocatur in dubium.

3) Potest gens quædam tam barbara, tam

250 *Lib. II. Cap. II. De his qua Hominiibus*
tamquam scævius moribus esse, ut moratiores gentes iuste iis denegent uxores.

4) Potest & religionis accedere periculum, si vicinæ gentes sint gentiles, Iudæi, Mahomedani.

5) Vix potest pro actu communi haberi inter vicinas gentes, quod ne inter cives quidem pro actu communi habetur. Quis vero dubitet, quia cuivis civi filiam ejus expetenti repulsam jure dare posset.

§. 22. 23.

Vidimus actus ex mente Grotii simpliciter communes: sequuntur qui ex hypothesi, vel ex suppositione sunt communes: Quod uni conceditur, id sine injuria negari alteri nequit.

Eo Grotius refert 1.) jura venandi, piscandi, si alicubi promiscue conceduntur & extraneis: tunc enim si vel unus prohibeatur, ei fit injuria.

Sed 1.) hic quidem casus erit rarissimus: nec enim solent hodie hujusmodi jura concedi exteris, nedum ut promiscue omnibus concedantur.

Deinde 2.) distinguendum etiam erit Grotio inter perfecte permessa, & imperfecte.

Perfekte permittitur, quod leges concedunt, imperfecte quod leges prætereunt, & nec præcipiunt, nec vetant. Priore casu vera est sententia Grotii. Omnino enim si lex exstat, ut omnibus exteris promiscue hic liceat venari, piscari, uniones colligere: sine injuria nemo potest prohiberi. Ast si leges tantumorem prætereunt, & hinc hæcenus quidam ea jura velu-

velu-

veluti precario exercuerunt: nihil impedit, quo minus id lege nova mutari, eaque libertas restringi possit.

§. 24.

Subjungit Grotius quaestionem vere Belgicam: an populus cum populo pacisci possit, ut populus certi generis, fructus sibi soli vendat? Natum enim est, tale pactum Batavis intercedere cum Indis de cinamomo, & aliis aromatibus.

Negant nonnulli huiusmodi pactum iuri nat. esse consentaneum, quia 1) monopolium invehat, & 2) alios juri suo excludat.

Sed 1) monopolium non omni jure nat. repugnat, sed quod exercetur ita, ut injusto pretio res vendatur. Ergo si monopolæ æquo pretio vendant, nihil injuri huiusmodi pactum continet.

2.) Falsum est, alios jure suo excludi. Potest enim quisque vendere, cui velit. Et si cui vendere nolim: is non jure suo excluditur, sed ego meo utor, adeoque nemini facio injuriam.

C A P I T U L U M III.

De Acquisitione Originaria Rerum, ubi de Mari & Fluminibus.

Bellum gerimus pro defensione & recuperatione rerum nostrarum: nostræ sunt res tum communes: de quibus cap. 2. actum, tum propriæ. Quum autem res propriæ fiant per acquisitionem: de his acqui-

252 *Lib. II. Cap. III. De Acquisitione*
adquirendi modis agitur cap. 3. & sequ.
usque ad caput 8c

§. 1.

Modi acquirendi vel sunt naturales, vel civiles. Illi naturali; hi civili jure introducti sunt; e. g. usu capio.

Naturales a Grotio recte dividuntur in originarios & derivativos. Originariis aliquid adquirimus, quod non est in dominio, e. g. examen apum in sylva circumvolans. Derivativis adquirimus, quæ jam in dominio sunt, e. g. si alvearium a rustico emptum nostrum fit traditione.

Originarii, ut PUFEND. l. 4. c. 6. §. 1. docuit, denuo vel sunt simpliciter tales, vel secundum quid.

Simpliciter tales, quibus ipsam rei substantiam adquireo, e. g. apes; secundum quid tales, quibus adquireo incrementum, quod rei substantiæ vel naturæ beneficio vel arte atque industria mea adjungitur, e. g. mel.

Originarius modus simpliciter talis dicitur *occupatio*: Nam olim quum omnia essent in communione negativa, res nullius acquirebantur vel per *dispositionem*, vel per *occupationem*. At hodie rebus plerisque redactis in dominium, unus modus superest, occupatio.

Originarius modus secundum quid talis, dicitur *accessio*; denique derivativus *traditio*.

§. 2. 3.

Hi ergo sunt modi acquirendi. Addunt aliqui plures modos, veluti 1) concessio-
nem

nem servitutis, &c. 1) Specificationem. Jam notum est servitutem concedi, quoties nobis conceditur jus, aliquid faciendi vel prohibendi in prædio vicino: e. g. ut possim ire, agere, vehere in fundo alieno, ut possim vicinum altius tollentem, lumina mea obscurantem &c. impedire & prohibere. Specificatio autem est, quando novam formam induco materiæ, e. g. si ex auro conficio anulum, ex argento poculum, ex lana vestem. Queritur ergo, an ea servitus & specificatio sint modi acquirendi.

Utrumque recte negat Grotius, quamvis rationes ejus sint paullo obscuriores. Nimirum

1) Servitutis concessio non est modus acquirendi, quia loquimur de modis acquirendi dominium. Servitus autem non est dominium, E. servitus non est modus acquirendi. Dominium enim non est in re incorporali, sed in corporali.

2) In specificatione aut materiæ meæ induco novam formam, aut materiæ alienæ, aut materiæ nullius. Primo casu nihil adquiro, quia res jam mea est, & nihil novi producitur, nisi forma, quæ meâ fit per accessionem. Secundo casu est quidem modus acquirendi civilis, verum non novus, sed denuo accessio. Tertio casu res meâ fit per occupationem.

§. 4.

Jam de occupatione. Occupatio est apprehensio corporalis, qua nostras facimus res nullius. Res nullius autem sunt duplices

ces vel *sua munera*, quæ nunquam dominum habuerunt, e. g. lapilli & uniones, amari ejecti, vel *facto hominum* res pro derelictis habitæ, id est, eo objectæ animo, ut eas in rebus nostris habere nolinus.

De utrisque valet axioma: Quæ nullius sunt, eæ cedunt occupanti.

- n. 1. Jam itaque queritur: Quænam occupatione adquiri possint? Et recte respondet Grotius: *dominium & imperium*.

Dominium est jus in re corporali, quod in facultate de ea disponendi, ea cum exclusione aliorum utendi, eandemque vindicandi nascitur.

Imperium autem est complexio jurium omnium majestatis, ad defensionem populi vel uni vel pluribus, vel toti multitudini concessa. Dominium ergo est privatorum in imperio. Imperium est ipse reip. vel qui eam repræsentant, principis vel optimatum. Utrumque posse per occupationem adquiri res ipsa docet. Sic dominium examinis apum acquirit rusticus occupando: imperium in homines sui juris sibi occupavit Nimrodus occupando.

- n. 2. Sed quodnam est imperii objectum? Resp. duplex primum & secundarium: primum sunt homines vel populus, qui in unam remp. coaliuit: nam in hunc immediate imperium exercet summus imperans. Secundarium territorium, in quo populus est confedit. Nam in hoc imperium exercetur propter homines, qui id occuparunt.

Possent aliquis existimare: hæc vix differre,

re, saltem semper conjuncta esse, & uno plerumque actu quæri. Sed resp.

1.) Non semper esse conjuncta, e. g. In deserto Moses, vel potius ipse Deus per Moysen imperium exercebat in populum Israeliticum: sed is nullum adhuc territorium sibi adquisiverat. 1^o 2^o 3^o 4^o 5^o 6^o 7^o 8^o 9^o 10^o 11^o 12^o 13^o 14^o 15^o 16^o 17^o 18^o 19^o 20^o 21^o 22^o 23^o 24^o 25^o 26^o 27^o 28^o 29^o 30^o 31^o 32^o 33^o 34^o 35^o 36^o 37^o 38^o 39^o 40^o 41^o 42^o 43^o 44^o 45^o 46^o 47^o 48^o 49^o 50^o 51^o 52^o 53^o 54^o 55^o 56^o 57^o 58^o 59^o 60^o 61^o 62^o 63^o 64^o 65^o 66^o 67^o 68^o 69^o 70^o 71^o 72^o 73^o 74^o 75^o 76^o 77^o 78^o 79^o 80^o 81^o 82^o 83^o 84^o 85^o 86^o 87^o 88^o 89^o 90^o 91^o 92^o 93^o 94^o 95^o 96^o 97^o 98^o 99^o 100^o

2.) Non semper in eum, qui partem territorii possidet, competit imperium, quum tamen id competat in territorium. Sic e. g. si civis Groninganus in hac provincia habet prædium, sed Groninga habitat: in ejus personam Ord. Friis nullum exercent imperium, quum tamen in prædium omne ipsi imperium competat. Sunt ergo diversa & separata imperium in homines & imperium in territorium. Q. E. D.

§. 5.

Quæritur porro, an lege anteveri in imperio possit jus occupandi res mobiles? Sensus quætionis hic est. Multæ sunt res mobiles sua natura in nullius constitutæ dominio, adeoque communes, e. g. fere bestie, aves, pisces &c. Quæ ergo nullius sunt, eas cedere oporteret occupanti: sed tamen fere ubique leges civiles prohibent venationem promiscuam: unde quæsitum est, an lege anteveri & prohiberi poterit hæc mobilium occupatio?

Respondetur, omnino id potuisse jure fieri. Nam

1.) In imperio per universitatem quæsitum nihil est nullius, sed omnia populi. Si populi sunt, populus potuit earum re-

re-

rerum occupationi & usui leges præscribere.

2.) Juris quidem naturæ & gentium est, has res esse communes, sed non præceptivi, verum permissivi. Jus naturæ autem permissivum legibus civilibus restringi posse jam libro I. demonstravimus. Hoc facilius intelligitur, quam quæ in hoc §. differit Grotius.

Sequitur de personis adquirentibus: quamvis ea res corporaliter tractetur. Occupatio est adprehensio, ergo fit corpore: eadem est modus acquirendi dominium: ergo fit animo sibi habendi. Adeoque nec solo corpore, nec solo animo res acquiritur, sed utroque simul.

Inde vero sequitur, infantes, furiosos, dementes non posse aliquid acquirere vel habere in dominio: quia non habeant animum sibi acquirendi.

Sed resp. Grotius: Jus Gentium ob utilitatem communem introduxisse, ut & infantes & furiosi dominia accipere & retinere possent, personam illorum interim quasi sustinente humano genere. Sed hæc philosophia paullo dilutior. Quis enim dixerit, humanum genus sustinere personam infantis vel furiosi?

Alia ergo ratione opus est. Adprehensio fit animo & corpore. Animus est consensus, is vel verus vel præsumtus. Verus requiritur in hominibus sanis & adultis, præsumtus sufficere videtur in furiosis & infantibus. Adprehensio corporalis fit vel per

per nos ipsos, vel per alios nostro mandato. Mandatum denuo vel verum vel presumptum. Si ergo tutor nomine infantis, curator nomine furiosi adprehendit, id facere intelligitur ex mandato presunto infantis vel furiosi. Unde & quasi contractus esse intelligitur inter tutorem & pupillum, curatorem & furiosum.

§. 7.

Jam A. aliquas res sua natura nullius considerat, & querit an occupatione possint adquiri. Inprimis agit de fluminibus §. 7. de mari §. 8. 13. de effectu occupati maris & fluminum §. 14. 18.

Flumina auctor concedit occupari posse, & recte. Nam 1) sunt in territorio, ubi nihil diximus esse nullius, si questum sit territorium per universitatem.

2) Non sunt inexhausti usus quoad jus vectigalium, piscandi, aurum hauriendi: quamvis inexhausti usus plerumque sit aqua profluens, quæ & ideo communis manere solet.

Hinc frustra objiciunt: 1) flumen non includi territorio, sed plerumque extra territorium porrigi, e. g. Danubius fluit per Germaniam, sed ea non includitur, nam & per Hungariam transit: immo nec hac includitur, sed per Serviam Bulgarumque se in mare exonerat. Resp. Sufficit quod pro parte in territorio est, & pro ea parte potest occupari. Similitudine res fiet clarior. In Austria est silva, quæ per Carinthiam, Carniolam, Croatiam in ipsas Turcicas provincias porrigitur.

tur: an ideo silva non potest pro parte illa, quæ in ditione Imperatoris est, occupari? Quis negaverit? Similis esto de flumine decisio.

2) Res in flumine non posse custodiri, ergo nec occupari: e. g. Pisces qui jam in Germanica parte Danubii agitantur, cras fore in Hungaria, perendie in Turcia. Germanos eos coercere & laqueis catenisque constringere non posse, adeoque nec dicere se dominos eorum esse. Resp. Res quamdiu in flumine sunt, nondum sunt occupatæ, adeoque de illis non est questio, sed an non jus sit Germanis solis occupandi pisces in Danubio intra Germaniam? Id quis neget?

§. 8. Pergit jam auctor ad mare. Et quum supra ostenderit per occupationem vel dominium adquiri, vel imperium: questionem movet:

1) An maris dominium occupari possit?

§. 8. 12.

2) An ejusdem imperium? §. 13. Primam questionem ita Grotius adfirmat, ut complures addat limitationes. Nam

1) Hoc ipso §. exigit, ut is qui maris dominium occupat, terras possideat ad latus utrumque, aut supra & infra, si sit fretum. Et sic dubitari non posse ait, quia mare rubrum a Turca; fretum Siculum ab Imperatore possit occupari.

2) Ut mare sit tam exiguum, ut cum terris comparatum portio earum vel accessorium putari possit.

3) Ut

3) Ut idem liceat & duobus populis si utrinque terras possideant; quia sic par sit jus utriusque. Sic e. gr. fretum Danicum commune esse deberet Danis & Svecis.

Ergo eo ipso non contradicit Grotius libello de mari libero, quia ibi de mari magno; hic de parvo erat questio. Sed nescio, an ei objici possit, majus & minus non variare res. Sane cui emere fas est agrum unum, ei non videor cur & mille emere non liceat, si lex non obstat. Et si exigua maris pars occupando sit nostra, quidni & magna? Videbimus ergo infra, quid in hac doctrina Grotii sit considerandum.

§. 9.

Contra hanc doctrinam ipse objectionem movet Grotius ex jure civili, quod in legibus in margine allegatis docet mare esse jure gentium commune. n. 1.

Sunt equidem, qui commune hoc idem esse ajunt, quod publicum, adeoque Jctos existimasse putant, mare non esse in communione totius generis humani, sed in dominio populi.

Id quod declarant etiam exemplo littorum, quæ itidem communia dicuntur: quum tamen discrete dicat Celsus in L. 3. §. nequid in locq. publ. ea esse populi Romani. Unde colligunt, commune Jctis idem esse, quod publicum. n. 2.

Sed resp. Grotius 1) discrete Jctos distinguere res communes & publicas, & in illis mare, in his flumina recensere, §. 1. *l. de rer. div.*

Hein. de Jure Belli, &c. M 2) Theo-

2) Theophilum in paraphrasi Græca In-
sit. diserte dicerè, mare esse κοινὸν πάντων
ἀνθρώπων commune non civium Romano-
rum, sed omnium hominum.

3) JCtos addere, commune esse mare,
sicut aerem. Hunc autem non publicum es-
se, sed vere communem.

4) Littora a Celfo dici publica, non
quidem ratione usus navigantium, quibus
respectu sint communia, sed iustitia adifi-
ciorum in littoribus constituendorum.

Adeoque firmum id ac certum manet,
JCtos veteres mare habuisse pro re com-
muni. Quid ergo respondet Grotius ad
hanc objectionem?

§. 10.

Respondet 1) id ex instituto, non ex na-
turali ratione esse, id est ex jure civili,
non ex jure naturæ. Sed hæc responsio
non satisfacit: unusquisque enim facilius
credet communionem maris esse ex jure
naturæ, quam ex jure civili, quia natura
omnia primum voluit esse communia. Er-
go altera responsio magis quadrat.

2) Dum fatentur JCti, mare esse res
communes nullius, id est, in communione
negativa constitutam, concedere etiam de-
bere, id posse occupari. Quæ enim nul-
lus sunt, cedunt occupanti. Id quod il-
lustrat exemplo fluminis, quod quum pu-
blicum sit, admittat tamen dominium, si
quis in diverticulo ejus per longissimam
tempus piscatus sit cum aliorum exclusio-
ne. *L. 7. ff. de div. temp. præscr.*

3) Paullum ipsum *L. 14. ff. de injur. con-*
cede-

cedere, posse mare ad alicujus jus proprium pertinere.

Inde argumentatur. Si ergo mare in n. 1. 1. privati potest esse dominio: quidni & in dominio gentis, quæ terras possidet utrinquo vel circum circa? Unde colligit Romanos ideo in mare dixisse commune, quod quamvis natura & jure naturali occupatum sit, tamen jure gentium ea occupatio non concedatur facile, adeo ut ne Romani quidem ea usi sint.

§. 11.

Postquam itaque concessit Grotius, mare exiguum posse occupari: jam aliquot limitationes addit, & monet

I. Occupationem non præsumi, sed docendam. Ergo non sufficere ut quis dicat se terras utrinque possidere, sed requiri, ut occupatio vel quasi possessio doceatur. Et recte, nam occupatio est facti: quæ facti sunt, probanda.

II. Si possessio deferatur, tunc & jus ex occupatione quæsitum cessare, & mare veluti ad pristinam libertatem redire. Hinc occupatum intelligi mare, quamdiu e. gr. naves bellicæ ibi reperiantur, iis autem subtractis possessionem cessare. Quam doctrinam nuper singulari libello pæterudite demonstrare conatus est vir Ill. CORN. VAN BYNKERSHOEK *de domin. mar.* Sed nescio, an omnes hoc admitturi sint. Notum etiam est, possessionem quidem acquiri animo & corpore simul, sed retineri etiam animo solo. Quis dixerit, me adprehensa possessione prædii, illa statim excludere, si ita

262 *Lib. II. Cap. III. De Acquisitione*
faciam, prædiumque vacuum interea relin-
quam? Hinc Ill.^{us} Bynkershoek argumenta
ex hoc fundamento refellit Dn. THOMAS.
in *Scholiis ad B. Huberi libellum de jure ci-
vitatibus*.

§. 12.

III. Monet, quamvis aliquis maris do-
minium occuparit, tamen nemini negari
posse transitum innoxium, vel navigatio-
nem impediri.

Sed eo ipso totam suam doctrinam,
quod portio maris exigua in dominio esse
possit, destruit Grotius. Quid enim est do-
minium? Est jus in re corporali re solitarie
utendi, ejusque usu alios excludendi, de
ea disponendi, amissamque vindicandi. Ex
hac definitione argumentor:

Cui nec est jus alios rei usu excluden-
di, nec disponendi, nec vindicandi,
ei non est dominium.

Ei qui mare occupavit, non est jus alios
maris usu excludendi per §. 12. nec
disponendi, per eund. §. nec vindi-
candi, quia cessante possessione statim
jus amittit per §. 11. E. qui mare oc-
cupat, non est dominus.

Quum itaque tot contradictionibus se
involvat Grotius: quid de tota re sen-
tiendum?

Ego questionem: an mare sit in domi-
nio? ejusdem naturæ puto, ac illam, an
in dominio sit terra? Terra æque commu-
nis est natura, ac mare. Jam videamus,
quatenus terra sit in dominio. I. In terra
aliqua sunt inexhausti usus, e. g. glebâ,
tran-

transitus innoxius per terram, & ea manent communia omnium. Et hinc nemo temere actionem instituet contra eum, qui ex agro suo glebas sustulit, vel per agrum non constitum iverit. Ita & mare omne commune manet, quatenus est usus inexhausti. Inexhausti vero usus est navigatio, & aquæ haustus. II. Quemadmodum deinde terra non tota in dominio est unius, nec esse potest, nisi humanum genus sublatum velis: ita nec mare potest esse totum in dominio unius. Hinc ridicula est quæstio de dominio Oceani. III. Sicuti terræ pars quatenus ejus usus exhaustus est, potuit per occupationem adquiri: ita & maris pars, quatenus est usus exhausti. Talis vero est piscatio: qui ergo in parte maris eam occupavit, is excludere alios potest, & si gens integra id fecit, ejus ideo jus est: modo vere piscatio illa exhausti usus sit. IV. Uti in terra dominium distinctum est ab imperio, adeoque ut & res nullius in terris tamen imperio subjacent e. g. viæ publicæ, loca deserta, metalla nondum quæsitæ: ita & mare etiam a privatis non occupatum, admittit imperium, quatenus est accessorium territorii. V. Uti imperium manet, etiamsi & exteris accessum non denegemus, denegare tamen possumus si e rep. videatur: ita & imperans per mare nemini temere denegabit navigationem: sed denegabit tamen, si salus reip. exigat. VI. Quemadmodum exteri, qui in territorio nostro sunt, sunt subditi temporarii: ita qui in mari nostro navigant. Hinc

nullum est dubium, quin puniri a Belgis possit, qui in mari hoc australi piraticam exercuit, vel homicidium commisit, quamvis sit exterus. Hæc doctrina probe cohæret, & his paucis observatis thesibus tota quæstio recte decidetur, quum alias sit immensæ obscuritatis, nisi recte formetur status controversiæ.

§. 13.

a. 1. 2. Jam ad imperium maris auctor progreditur: idque concedit adquiri potuisse: probatque

1) A natura occupationis: Uti enim imperium in terræ partem adquisitionem vel per ultroneum vel vi extortum, populi consensum: ita & imperium maris, vel per ultroneam submissionem, navigationem, dum ultra imperium agnoverunt, vel per coactionem, dum imperans navibus armatis omnes imperium suum agnoscere coegit.

2) Ex consensu Gentium. Nam & Argivos, & Spartanos, & Athenienses, & Tyrios sibi imperium in partem maris vindicasse, ex historia docet. Quæ de re egregia sunt, quæ ex scriptoribus antiquis collegit JO. HENR. ROECLERUS in *diff. Minos maris dominus*. Immo, quod probe notandum, quum vulgo contendant, Romanos ita mare habuisse commune, ut nullum sibi in illud imperium vindicarint, idque demonstrare audeant ex *L. de jure 9. ff. de L. Rhod. de jall.* singulari ac pæterdita dissertatione eam legem illustravit JAC. GOTHOFREDUS, & ex illa ipsa demonstra-

vit contrarium, quod nulla gens strictius exercuerit imperium in mare, quam Romani.

§. 14.

Vidimus quatenus maria & flumina & in dominio imperioque esse possint: jam porro de effectibus hujus domini, & imperii agit auctor, quorum præcipui sunt:

1) Jus imponendi vectigalia. §. 14.

2) Jus circa has res earumque usum disponendi. §. 15. 18.

I. Primus effectus est jus imponendi vectigalia: cujus juris æquitatem Grotius suo more probat 1) ex eo, quod dentur in compensationem impensarum in defensionem navigantium factarum, a republica, 2) ex moribus & consensu gentium. Ostendit enim & Romanos & Byzantinos & Athenienses exegisse a navigantibus vectigalia.

De utraque ratione quid sentiendum sit alibi vidimus. Trium gentium mores non faciunt jus: & si omnes gentes consensisse doceo, tantum probro, quid factum sit, non quid fieri debeat. Et si defensio navigantium est fundamentum vectigalium, cur tempore belli navigantes suis impensis conducere tenentur naves prædarias: (convoyers) cur & tempore pacis exiguntur vectigalia? cur & iis locis exiguntur, ubi nullum est a piratis vel hostibus periculum, e. gr. in fluminibus mediterraneis?

Dicimus itaque ex eadem ratione, ex qua vectigalia in terris exiguntur, exigi

etiam possunt in mari ab eo, cui maris imperium est. Qui mari nostro utuntur sunt subditi temporarii, & lucrum captant ex usu rei nostræ, ergo æquissimum est, ut & partem lucri conferant ad utilitatem reip. nostræ.

§. 35.

II. Pergimus ad alterum effectum, dispositionem. puta circa has res & earum usum. Qui enim dominus est, quique imperans ille re sua utitur liberrime, eique usui pro arbitrio leges præscribit. Ergo id & fluminum mariumque domini & impetantes faciunt. Quæritur itaque

I. An possit per foedera caveri, ne quis nisi certis locis, nec ultra certum terminum naviget? Talia foedera passim exstant in historia Romana, & maxime memorabile est, quod cum Carthaginensibus initum, apud Polybium initio historię, quo cautum, ut neutra pars ultra promontorium pulchrum navigaret. Simile foedus cum Antiocho factum refert Liv. l. 38. sub fin.

n. 2. Videri posset hoc foedus libertati naturali repugnare, quum navigatio sit res inexhausti usus, & hinc communis merito habeatur. Sed resp. minime juri libertatique naturali illud repugnare. Nam quisque potest juri in favorem sui introducto renunciare, adeoque & pactione promittere, se ultra certum terminum non navigaturum.

Nos addimus & invitis vicinis Imperantem maris posse leges de usu navigationis præscribere, c. g. ne naves armatas mari

Originaria Rerum, ubi de mari, &c. 267
immittant sine litteris (*passports*) ne merces
advehant hostibus sub poena confiscationis
&c. Si id invito altero fieri potest, quidni
& per foedera & pactiones?

§. 16.

II. Quæritur, quid juris sit; si flumen n. 1. 2. 3
limitaneum alveum & cursum mutet, an
& imperii terminus mutetur? E. g. Rhe-
nus jam in superiore parte Germaniæ est
limes inter Germ. & Gallos, si cursum
mutaret, & non amplius cis Argentoratum
flueret, sed ultra: an ideo Argentoratum
accederet Germaniæ?

Resp. auctor, distinguendum esse inter
agros *divisos*, *assignatos*, & *arcifinios*. Quod
discrimen tale explicant Scriptores de limi-
tibus, ut JUL. FRONTINUS, AGGE-
NUS URATICUS &c.

Divisi sunt, qui habent limites manufa-
ctos, e. g. vallum, columnas, cippos, la-
pides signatos.

Assignati, qui ad certam mensuram da-
ti, e. g. Huic principi in feudum data sunt
decem millia jugerum. Et hi duo vocan-
tur in jure nostro agri *limitati*. L. 16. ff.
de acqu. rev. dom.

Arcifinii sunt, qui nec manufactis ter-
minis inclusi, nec ad certum numerum
dati, sed naturali termino, e. g. silva,
flumine finiuntur.

Duobus prioribus casibus mutante cur-
sum flumine, nihil domino terræ accedit
vel decedit: postremo omnino decedit. Hinc
si e. g. ditio Brunsvico-Luneburgensis ad Al-
bim esset limitibus arte factis inclusa, &

M 5 Albis

Albis cursum mutaret & ad orientem per terras Brandenburgicas fluere inciperet, nihil accederet Ducatui Luneburgensi, quia ditiones essent limitatæ. At si Rhenus cursum mutaret occidentem versus ultra Argentoratum: hæc urbs de jure restituenda esset Germanis, quia per pacem Badensem Rhenus constitutus est limes, & ditiones factæ sunt arcifiniæ.

§. 17.

- n. 1. III. Tertia quæstio est de alvei mutatione plena: e. g. si quum antea flumen fuerit unius leucæ, jam sit sex leucarum, vel quum antea fluere supra superficiem terræ, jam terram per aliquot leucas subeat, & alio loco erumpat, quale quid constet fieri in Hispania in flumine Guadalquivir?

His casibus nihil mutatur circa dominium si fluvius sit limes, sed manet medium fluminis terminus utriusque ditionis. Id elegante argumento demonstrat Grotius. Ait enim, si flumen plane exarvisset: media pars alvei pertineret ad unum, altera dimidia ad alterum. Ita & si flumen fiat latius, vel si alia mutatio contingat.

- n. 2. Sed quid si de eo quæstio oriatur? an ditio sit arcifiniæ? an limitata? pro qua parte est præsumtio? Resp. pro ea, quæ ditionem dicit arcifiniam. Ratio in promptu est. Flumen quod duas dividit ditiones limitaneum esse, est res juris. Ditionem vel terminis manu factis inclusam, vel ad certam mensuram datam esse, est quæstio facti. Res facti nunquam præsumuntur, sed probantur. Ergo ostendendi sunt termini

Originaria Rerum, ubi de mari &c. 269
manuscripti, demonstrandæ exhibendæque
sunt litteræ investituræ, (die Lehn-Brieve)
vel tabulæ fœderum & passionum, ex
quibus constet, agros esse limitatos, non
arcifinios.

§. 18.

IV. Queritur: an semper flumen ex
parte dimidia ad unam, ex altera ad al-
teram ditionem pertineat? Idque recte ne-
gat auctor. Sæpe enim contingit, ut unus
populus sibi ante per occupationem fla-
men adquisiverit, quam altera gens litus
occupavit oppositum.

Ejusmodi exempla passim obvia sunt.
Sic e. g. Visurgis quamvis ditiones Ol-
denburgicas & Friscas Orientalis dividat,
tamen non est communis, sed in solidum
ad Oldenburgicam terram pertinet.

Ordinarie tamen præsumitur flumen li-
mitaneum commune. Elegans exemplum
est in flumine Vidasso (Bidasson) qui His-
paniam à Gallia dividit in Biscajæ finibus.
In medio illo flumine est insula fœdioru-
rum, quæ quum pro parte dimidia Hispa-
nici; pro altera parte Gallici juris sit: is
locus visus est commodissimus, in quo an-
no 1659. pax Pyrenæa iniretur. In media
insula posita mensa legati Gallicani in sub-
Hispanici itidem in suo territorio adfede-
runt; & sic omnis evitata est de jure & po-
tius controversia.

§. 19.

Diximus supra res nullius cedere occu-
panti, easque duorum generum esse, vel na-
tura, ut aer, vel factu hominis per dere-

270. *Lib. II. Cap. III. De Acquisitione*
lictionem. Quum itaque haftenus de prio-
ribus actum: jam & de rebus pro dereli-
ctis habitis agendum esset: sed Auctor cum
tractatum reservat capiti sequenti quarto:
& sub finem capituli tantum monita que-
dam subjungit.

Primum est, quod aliquando dominium
plenum sit penes subditos, aliquando tan-
tum utile, directo reip. vel populo vel
principi competente. Id fieri potest pluri-
bus modis. Inprimis tamen tribus.

1) Si subditi sua omnia possident sub
nexu feudali a Principe vel rep. accepta:
tunc vasalli sunt domini utiles, dominus
directus Princeps vel respublica.

2) Si subditis tantum superficies data,
reservato reip. solo, pro quo solvendum
annuum solarium. Tunc superficialarii sunt
domini utiles, respa & domina directa.
Elegans exemplum de Carthagine est apud
JUSTIN. lib. 18. cap. 5. STRABO l. 17.

3) Si Princeps totam terram adquisivit,
eamque deinde subditis vel victis conce-
dit jure emphyteutico pro canone annuo.
Id quod Romani facere solebant in Pro-
vinciis. Ager enim omnis fiebat populi,
isque vel cultus erat vel incultus. Si cul-
tus dabatur pro annuo canone, tunc agri
dicebantur vectigales: sin inculti, emphy-
teutici. Eleganter id omne ex antiq. Rom.
illustravit Cl. BURMANNUS in libello egre-
gio de *Vectigalibus P. R.* Eodem modo ex
historia nova notum, Reges Castiliae occu-
passe Americam, ac deinde agros pro ca-
none assignasse colonis Hispanis. Hic st-

Originaria Rerum, ubi domari, &c. 271
80 Rex est dominus directus, coloni domini-
um tantum utile habent.

Secundum monitum est, quod his cas-
bus deficiente domino utili, res non fiat
nullius, sed ad dominum directum redeat.
Debere autem videtur dominus utilis, si
heredes non relinquat, vel masculos, ut
in feudis, vel nullos plane, ut in superfi-
cie, & emphyteusi.

Tunc dominum directum & utile consou-
lidantur, ut loquuntur Juri.

C. A. P. U. T. IV.

De Derelictione. Presumpta, & eam sequen-
te occupatione, & quid ab usucapione
& prescriptione differat.

§. 1.

AM superiore capite monuimus, occupa-
tioni locum esse in rebus nullius. Res
nullius esse vel *natura sua*, quæ antea in
nullius fuisse dominio, vel *ex facto hominis*,
scilicet *ex derelictione*. Quando enim domi-
nus rem suam eo animo abjicit vel dese-
rit, ut eam in rebus suis habere nolit,
tunc fit res nullius, & cedit occupanti. Un-
de negandum res pro derelictis habendas,
quas abjiciunt ebrii, furiosi, jocantes, nau-
fragi, quibus non est animus derelinquendi.
Ea derelictio vel *vera* est, ubi animus iste
manifesto declaratur, vel *presumpta*, quæ

ex negligentia domini colligitur. E.g. thesaurus habetur pro re derelicta, quamvis revera domino non fuerit consilium illum derelinquendi, sed sibi servandi & custodiendi, quia dum isto nec effodit thesaurum, nec eundem heredibus vindicavit, ipso facto eum dereliquisse censetur.

Ex hac præsumpta derelictione etiam descenditur *usucapio*. Qui enim intra longum tempus in rem suam non inquisivit, nec eam, quum potuisset, vindicavit, is eam dereliquisse censetur, adeoque res cedit occupanti: & cui potius, quam bona fide, iusto titulo, sine interruptione possidenti?

Hinc ea occasione agit Grotius de USUCAPIONE, quæ uti ex jure civili notum, est adjectio domini per continuationem possessionis temporis lege definiti. *L. 3. ff. de usurp. & usurp.* Et de ea quæritur

- 1) an locum habeat inter gentes & summos imperantes. §. 1. 2.
- 2) ex quibus signis colligatur, rem a populo vel summo imperante pro derelicta habitam? §. 3. 7.
- 3) Quid ad objectiones sit respondendum? §. 8. 11.
- 4) An usucapioni locus sit inter Principem & subditos? §. 12. 14.
- 5) Quæ usucapione adquiri possint? §. 15.

1. Quod ad primam quæstionem attinet,

- 1) haud pauci sunt scriptores, qui usucapionem juri naturæ plane adversari existimant, ex ea ratione, quod, quum dominium sit jus perpetuum, iniquum sit id solo

rem-

tempore alicui adimi, quum tempus, tanquam idea abstracta & relata, nihil operari possit. Ita ipse Cujac. ad L. 1. ff. de usurp. Sed hoc facile refelles. Neque enim alicui eripitur dominium ob solum temporis lapsum, sed ob præsumtam derelictionem. Quid enim certius, quam eam rem habere nolle, qui intra 10. annos eam non indagat.

2) Sunt qui usucapionem nihil iniqui habere fatentur, sed eam tamen negant locum habere in controversiis gentium. Hinc

VASQUIUS l. 2. c. 51. n. 8. negat ei locum esse 1) inter gentes e. g. jus Imp. in terras Venerorum non sublatum est, quamvis Veneti illas per aliquot sæcula possederint; 2) Inter reges, e. g. Rex Britann. adhuc titulo utitur Regis Franciæ, quum per tot sæcula domus. Valesia & Burbonica in possessione sit. 3) Inter Regem & subdilem extraneum, e. g. si mercatori Gallo aliquid deberet Imp. nullam præscriptionem locum habere. 4) Inter subditos diversorum imperantium e. g. si Gallus mercator debeat mercatori Belgæ. 5) Nec contra imperantem ratione subditorum suorum, e. gr. si jurisdictionem nobilis dicat se præscriptione adquisivisse. Unus ergo casus remanet, ex mente Vasquii; quod subditi inter se possint usucapere. Ejus ratio est, quod usucapio certi temporis lapsu non intelligitur. Tempus illud definit imperans, E. est auctor usucapionis. Ergo nec ipse, nec exteri hac lege tenentur.

Sed contrarium defendit Grotius, & ostendit

ostendit omnino & inter gentes huic juri locum esse, idque duplici probat argumento.

Primum est, quia sic controversia inter gentes foret æternæ, adeoque bellorum nunquam non in promptu sit occasio, quum tamen societas humana pacem & tranquillitatem exigat.

§. 2.

Alterum argumentum sumit a consensu gentium. Ad præscriptionem enim provocarunt Hebræi Jud. XI, 26. (qui locus est admodum notabilis,) Lacedæmonii, Athenienses, Macedones, Romani.

Sed facile hæc controversia potest componi. Vsq̃uiq̃ loquitur de usucapione juris civilis, & ea inter gentes non habet locum. Quo jure enim gens genti legem præscriberet? Grøtius de præscriptione juris gentium. Et hæc omnino & inter gentes obtinet.

Discrimen in eo consistit. Usucapio J. C. requirit certum tempus, e. g. in mobilibus trium; in immobilibus inter præsentēs 10. inter absentes 20. annorum. Hoc tempus quum legē civili definiatur, alios obstringere non potest, nisi subditos. Ast præscriptio J. G. nihil aliud est, quam derelictio præsumta rei, per longum & indefinitum tempus haud repetitæ.

§. 3.

II. Jam ergo merito quæritur, ex quibus signis hujusmodi deductio judicatur? Neque enim aliquid præsumi potest, nisi signa adsint, vel rationes hoc vel illud præsumen-

menendi. Maxime hoc loco signis opus est; quia quæritur de animo derelinquendi, qui in sensus non incurrit, adeoque ex signis unice colligitur. Inter hæc signa ex mente Grotii primum locum occupant I. VERBA. *Ac de verbis quidem*, inquit *sub finem §. expedita res est.* Et id verum. Nam si declararet gens, se hanc provinciam amissam, vel id ius ab altero quasi possessum recuperare nolle, nemo dubitabit, animum derelinquendi adesse. Sed hoc signum huic non pertinet. Si quis enim verbis declarat mentem, ea derelictio non est præsumta, sed vera. Præsumitur aliquid, quando leges aliquid colligunt vel fingunt, vel ex æquitate, vel ex aliis signis physicis vel moralibus. Si vero adsit declaratio expressa, nihil colligitur; nihil fingitur, sed derelictio vera adest.

§. 4.

Alterum signum sunt FACTA, quæ & inter privatos & inter gentes arguunt derelictionem.

Inter privatos huic pertinet 1) abjectio. n. 1. Quis enim rem abjicit, quam velit sibi retinere? Sed tamen recte addit Grotius circumstantias debere ponderari, e. g. personæ, an infans, furiosus, ebrius abjecerit? causæ impulsivæ, an forte ex ebrietate vel joco id factum? temporis, an tempore incendi, ruinæ, naufragii abjecerit? Tunc enim hoc signum non sufficit. 2) Redditi chirographi. Resp. hæc est remissio, non derelictio, & quidem tacita, non præsumta. Rectius dixeris debitum pro derelicto haberi, si creditor chirographum laceravit, incidit, abje-

abjiceret. 3) contractus de re nostra iniustus, e. g. Titius possidet hortum meum, ab eo illum emo. Eo ipso videor hortum pro derelicto habuisse. Verum & hic adijcienda exceptio, nisi mihi res sit cum eo, qui vi utitur, e. g. si rem raptam a latrone vel pirata redimo.

- a. 1. Inter gentes loco signi est scientia & patientia. E. g. sciunt Lacedaemonii Athenienses sibi vindicare jus maris sui, nec contradicunt: videntur jus illud dereliquisse. Idem obtinet inter imperantes & subditos. Scit imperans Mævium in agris suis jus venandi exercere. Non contradicit per diuturnum tempus: jus illud imperans videtur pro derelicto in illis agris habere.

Sed hic merito notanda exceptio, nisi justus sit imperantis error. Potest enim ille existimare, Mævium id jus habere ex concessione majorum, ex investitura, titulo oneroso. Si error patefceret, nihil Mævio proderit scientia & patientia Domini.

§. 5.

a. 1. 2.

Tertium signum sunt NON FACTA, quo praecipue referunt 1) silentium. Nam qui tacet, quum loqui posset & deberet, consentire videtur. Locus insignis Num. XXX, 5, 12. de voto, ab eo qui in aliena potestate est, suscepto.

2) Abiecta spes recuperandi. E. gr. si lupus agnum rapuit. Sed id falsum. Spes est amor boni futuri, quod nobis representamus tanquam facile obtinendum. Ergo spes abiecta est amor boni futuri, quod nobis representamus tanquam difficulter vel plane

plane nullo modo obtinendum. Ergo spes
sive abjecta sive præsens est amor. Amor
vero semper cupit rem habere. Hinc im-
pium esset agnum alienum lupo ereptum
sibi retinere: impium bona naufragorum
sibi vindicare.

Sed & quod de silentio dictum, cum ex-^{n. 1.}
ceptione intelligendum. Nam. præsuppo-
nenda 1) scientia tacentis 2) ultroneum
silentium. Nihil ergo operatur, quod vi &
metu periculi quis tenet. E. g. Nobilis cru-
delis e rusticis quæsierat, an in agris suis
aliquis sit, qui ad alium pertineat? Rustici
tacebant metu periculi. Repetebat quæstio-
nem: tacebant denuo, sed murmurabant.
Postea data occasione meliore instituebant
actionem. Nobilis opponebat exceptionem
usucapionis. Rustici replicabant, se usuca-
pionem interrupisse murmurando. Exstat de
hoc casu rariore elegans dissertatio JO. FRI-
DEMANNI SCHNEIDERI de *interruptione usua-*
capionis per murmuracionem.

§. 6. 7.

Quæritur autem, an non & tempus quod-
dam certum exigatur, ut res tacite dere-
lictæ & usucapta censeatur?

Distingui. inter usucapionem inter priva-
tos vel juris civilis, & usucapionem juris
gentium.

Usucapio inter privatos tempus habet
definitum lege civili: e. g. jure Rom. in
mobilibus triennium, in immobilibus de-
cem annos inter præsentis, 20. inter abs.
jure Saxonico in immobilibus 31. anni,
6. hebdom. & 3. dies indistincte requiruntur.

Usu-

Usucapionis vel præscriptionis juris Gentium nullum certum & definitum tempus est, quia nulla lege illud definiri potuit, ita, ut omnes ea obstringerentur. Sufficere ergo creditur tempus immemoriale.

Sunt, qui putant immemoriale tempus esse certum annorum, quia hæc sit vita hominum longissima. Sed sufficit quantumcumque tempus, modo ex senioribus nemo meminerit, rem aliter se habuisse.

Hujus immemoralis præscriptionis ideo magna vis est, quod inde magna nascitur præsumtio, rem pro derelicta habitam esse, quam nec ipse, nec ejus heredes tanto temporis spatio non vindicarint, quum dubitari nequeat, quin non una vindicandi occasio se interea obtulerit.

§. 8.

III. Jam objectiones quasdam solvit Grotius, quæ opponi posse videntur huic doctrinæ de usucapione vel præscriptione juris gentium, quam in præsumta rei derelictione consistere diximus. Objiunt

n. 1. 1) Neminem præsumere suum jactare, adeoque signa illa maxime, quæ in non facto consistunt, non sufficere ad amittendum dominium.

Resp. Grotius, bene sperandum esse de hominibus, nec putandum, eos hoc esse animo, ut rei caducæ causa hominem alterum velint in perpetuo peccato versari: id est non credendum esse, dominum juris sui tam tenacem esse, ut alterum per tot annos velit in peccato vivere. Sed hæc, si quid video, nihili sunt. Nos respondemus:

De

De voluntate & consilio hominum ex effectu judicari. Effectus testatur de causa. Nec aliter in moralibus interna æstimare possumus, quippe quæ in sensus haud incurrunt. Jam argumentamur: Qui suum non jactat, is illud vindicat: qui patitur alterum usucapere & tacere, is non vindicat suum. Ergo qui patitur alterum usucapere & tacet, is suum jactat. Ubi itaque ipsa adsunt rerum argumenta, quid opus præsumptione?

2) Objicitur in specie quod ad imperia attinet, ea tam esse pretiosa, tam hominibus cara, ut absurdum sit, præsumere, quemquam illa pro derelictis habere velle. n. 2.

Resp. Grotius 1) Ast imperij etiam magna esse onera, quæ sæpe subigere possunt imperantes, ut imperio, quo privati sint, æquo animo carere malint, quam cum periculo de eo litigare. Elegans inprimis est, quod de Antiocho Syriæ Rege narrat VALER. MAX. lib. 14. cap. 1. quod gratias egerit Romanis, qui se magna oneris parte levarint. Nos addimus

2) Sæpe pertæsos Principes imperij ultro se principatu abdicasse, vel ob viæ tranquillæ studium, quale celebrat BORTMIUS:

Stet, quicumque volet, potens,

Aulæ culmine lubrico:

Mæ dulcis saturet quies,

Obscuro positus loco.

Leni perfruar otio.

vel ex conscientia infirmitatis, quæ prohibet ipsos, quo minus fræna Imperij tenere possint, vel ob devotionem, ut cucullo

cullo monastico induantur, vel ob subditorum injurias. Sit imperio æquo animo. & ultro se abdicarunt Sulla, Dictator perpetuus, PLUTARCH. *in vit.* p. 414. Diocletianus & Maximianus Imperatores, LACTANT. *de mort. persec.* c. 10. *seq.* Lotharius Imp. PITHORUS *annals Franc.* p. 312. Carolus V. Imp. GEDOLENAEUS *de abdicat. Caroli V.* Christina Regina Sveciæ, Jo. Casimirus Rex Poloniæ, Philippus V. Rex Hispaniæ, & alii. OLEAR. *diff. de principe magistratu si abdicante.* Quod ergo factum est toties, quidni fieri posset? & quum non rara sit derelictio imperii vera, quidni & locus sit præsumtæ? ubi tot signa concurrunt.

- n. 3. Accedit 3) quod, si inter privatos ea usucapio & derelictio præsumitur, ne dominia rerum in incerto maneat, multo magis intersit generis humani, ne in incerto sint imperia. Quum enim controversias privatorum judex componat, de controversiis de imperio non nisi sanguine & cladibus humani generis transigatur? Ergo ex hypothesis argumentamur:

Si non iniqua usucapio juris civilis: quia interest societatis humanæ, ne dominia in incerto sint: multo minus iniqua erit usucapio imperiorum, quum humani generis intersit, ne imperia in incerto maneant?

- 4) Denique ubi duæ sunt præsumptiones: fortior vincit infiorem: illa vero infirmior, quæ nullo signo nititur, vel, ut n. 4. Grotius loquitur, cujus nulla editur significat-

fictio idonea. Jam hic duæ adsunt præsumptiones. Altera, neminem præsumi suum jactare. Altera, rem quam quis tempore immemoriali non vindicat, pro derelicta habendam. Illi præsumptioni nullum adimnisculatur signum. Supponimus enim illum rem negligere, tacere, nec possessionem alterius interrompere. Hujus vero signum clarissimum est, quod non vindicet, quod taceat. Est ergo hæc præsumptio fortior, adeoque vincit infirmiore. Q. C. D.

§. 9.

Addit &c.) quintam rationem Grotius, putatque hanc usucapionem non modo juri naturæ esse consentaneam: sed & videri *jus gentium positivum*: vel *voluntarium*, id est gentes sponte & communi consensu statuisse & legem sibi hanc condidisse, ut possessio immemoralis transferat dominium. Sed hujusmodi *jus gentium positivum*, vel *voluntarium* jam supra profligavimus; docuimusque gentes nec separatim nec conjunctim posse ut legistatores concipi: nec ex historia constare, unquam ea de causis in unum convenisse, ut *jus sibi novum constituerent*. Ergo hæc transeant.

§. 10.

Majoris momenti est quaestio: An nondum natis *jus suum* tacite tali derelictione possit deperdere? E. g. Imperium Constantinopolit. debetur jure Palæologis, ex qua familia hodiernum aliqui supersunt in Græcia. Jam fingamus, horum majores id Imperium pro derelicto habuisse

an idem damno erit posteris tum nondum natis? Si negabimus, tum nullius usus erit usucapio vel derelictio præsumpta, qua non certa sunt rerum dominia, sed controversiæ in eodem statu manent. Si affirmabimus: tunc iniquum quid affirmabimus. Nati non valenti agere non currit præscriptio.

a. 3. 3. 4. Proluxè responderet Grotius, e. g. nondum natorum nullum jus fuisse, ergo nec quidquam juris eos amittere: populum jus nondum natis potuisse de imperio statuere, quod pater dereliquerat: aliud esse jus naturæ, quod dicat dominatum derelictione præsumpta expirare, aliud jus civile, quod horum posthumorum rationem habeat, eosque fingat natos, & jura iis omnia salva relinquat.

Hæc quidem non mala, sed minus sufficere videntur ad solvendam questionem. Potius itaque respondendum, posteros nullo jure gaudere, nisi quod jure hereditario a majoribus ad eos transmittatur. Quod itaque majores non amplius habuerunt, id nec potuerunt transmittere. Atqui quod dereliquerunt non habuerunt amplius. Ergo quod dereliquerunt, non potuerunt transmittere. Ergo Palæologorum nullum jus est.

§. 11.

Quæritur porro, an & populus adversus populum, rex adversus regem, immo & rex adversus subditos, hoc usucapionis præsidio tutus sit? Recte id affirmatur. Quæ enim sunt juris gentium, ea inter

inter gentes & earum rectores obtinent. Usucapio, uti supra demonstratum, est juris gentium: debet ergo & inter gentes earumque rectores locum habere. Hinc e. g. præscriptione immunitatem a vectigalibus in freto Danico recte tuentur Batavi adversus Danos: hinc Rex Prussiarum recte se præscriptione defendit adversus Polonos circa jus colligendi electrum. Hinc recte principes quidam Germaniarum subditis opponunt exceptionem præscriptionis, si urgent, comitia debere convocari.

Objicitur: Quæ ab initio sunt irrita, & injusta, illa ex postfacto non convalescunt. Resp. Verum id esse, nisi accedat nova causa. Hic vero nova causa accedit, ex una parte longi temporis possessio, ex altera patientia & silentium.

§. 12.

Pergimus ad partem IV. ubi disquirat An. II. 1. 2.
an leges civiles de usucapione etiam principem obligent? Veteres glossatores affirmant. Grotius recte negat. Nam

1) Leges civiles præscribuntur subditis: atqui imperans respectu sui nec imperans nec subditus est, E. sibi nec leges præscribit: adeoque illæ non obligant principem.

2) Si princeps sibi leges de usucapione tulisset, posset etiam sibi indulgere contra legem, (quod vocant dispensare,) si dispensat, cessat obligatio.

3) Finis usucapionis civilis est, ut dominia inter subditos sint certa: princeps

Hein. de Jure Belli, &c. N non

284 *Lib. II. Cap. IV. De Derelictione*
non est subditus, ergo & ejus causa non
data est usucapio.

Et hinc frustra sunt, qui regalia domanialia bona &c. possidentes adversus principem provocant ad prescriptionem ordinariam juris civilis. Ast audiendi sunt, si immemorabilem prescriptionem allegent, quippe quæ quum sit juris gentium, etiam principes obligat.

§. 13.

Diximus de regalibus: an ea usucapione acquiri possunt? Resp. Regalia accipiuntur vel in sensu juris gentium, pro juribus majestatis: vel in sensu feudali pro juribus quibusdam fiscum locupletantibus, e. g. jure venandi, piscandi, metallis fodiendi. De posterioribus nullum est dubium, quin possint usucapione acquiri etiam a privatis, uti in Polonia jus salinas fodiendi est penes privatos Nobiles de Morstein per prescriptionem. De prioribus porro distinguendum, sintne jura majestatis incommunicabilia, an communicabilia? Illa sunt, sine quibus majestas consistere non potest, e. g. jus ferendi leges. Hæc quæ salva majestate & ab aliis exerceri possunt, e. g. jurisdictio, jus munera quædam conferendi. Illa nulla prescriptione acquiruntur: hæc acquiri possunt. Quæ enim possunt in dominio possidentis esse, ea possessione recte acquiruntur.

Addatur observatio de confusione communicationis & divisionis juris majestatis: & negandum esse noneatur, quod

Præsumia, & eam sequuta &c. 285
quod jus de non adpellando subditis
competere possit.

§. 14.

Quæritur porro contra monarchomachos, an præscribi possit libertati? E. g. n. 1. 2.
Russi se subjecerunt imperio monarchæ
sui sine restitutione. Imperantes isti etiam
sine interruptione per aliquot sæcula id
imperium exercuerunt, & sic si titulus dees-
set, etiam usucapione tuti haberi possent.
At monarchomachi negant præscribi pos-
se libertati: adeoque semper fas esse pu-
tant populis excutere jugum, & se in pri-
stinam libertatem vindicare. Quæritur ita-
que, an verum id sit? Ita argumentantur
monarchomachi:

Aut vi quæsitum imperium, aut populi
consensu.

Si vi, tunc vim licebit vi repellere,
quandocunque fuerit occasio.

Sin populi voluntate & consensu, tunc
populus poterit voluntatem mutare,
& abrogato imperio monarchiæ li-
bertatem restituere.

Sed hoc dilemma falsum. Aut vi quæsi-
tum imperium, aut consensu. Recte. Si
vi, tunc vim licebit repellere. Illatio hæc
falsissima. Nam & vis justa esse potest,
cui non est resistendum, & si injusta fuerit
ab initio, potest justus titulus nasci ex
pacto sive expresso sive tacito subsequente.

Sin voluntate populi, tunc populus vo-
luntatem potest mutare. Falsissimum denique.
Contractus enim vel pactio hic est bila-
teralis, quæ solvi non potest unius,

N 2 sed ..

286 *Lib. II. Cap. IV. De Derelictione, &c.*
sed utriusque consensu. Quis dicere em-
tionem venditionem, quia venditoris vo-
luntate innititur, etiam solvi, si venditor
voluntatem mutet? *Nugæ.*

§. 15.

V. Superest pars, ubi queritur, qua-
nam res hoc modo per usucapionem ad-
quiri queant? Resp. Omnes quæ possunt
possideri. Ex possessione enim nascitur usu-
capio.

Ex quo sequuntur duæ regulæ. 1)
Quæ non habent quotidianum exercitium,
non possunt præscriptione adquiri vel amit-
ti. E. g. gaudet quis jure patronatus,
vel conferendi munus ecclesiasticum. Avus
ejus ministrum ecclesiæ constituit, qui se-
xaginta annos eo functus est officio: Jam
dum ei successor designatur, queritur an
id jus præscriptione expiravit? Minime.

2) Quæ meræ facultatis sunt, non
subjacent præscriptioni. Res meræ facul-
tatis sunt, quæ arbitrio meo subsunt, e. g.
emeré apud hunc vel illum mercatorem
&c. An mercator, si per 30. annos ab
eo solo emerim, sibi jus me cogendi ut
porro etiam adquisivit præscriptione? Mi-
nime.

CAPUT V.

De Acquisitione Originaria Juris, in Personas, ubi de Jure Parentum, de Matrimonii, de Collegiis, de Jure in Subditos, Servos, &c.

§. 1.

Adquisitio originaria est, rerum, quæ in nullius adhuc dominio fuerant. Si pro dominio substitueris potestatem, tum & ad personas adplicari poterit definitio. Nam & has nostras esse dicimus ob potestatem aliquam, qua in illis utimur, e. g. liberos, servos, uxores, cives. Tres autem causas constituit Grotius, ex quibus hæc adquisitio nascitur,

- a) generationem, qua adquirimus liberos §. 2. 7.
- b) consensum, quo adquirimus conjuges §. 8. 16.
cives & collegas §. 17. 25.
in liberos adoptivos §. 26.
in servos §. 27. 31.
- c) ex delicto personæ §. 32.

I. GENERATIONE adquiruntur liberi a parentibus. Et quidem quum a generatione utique & pater & mater concurrant, utrique etiam potestas in liberos est. Ast, quum tamen imperium duobus commune facile fiat mater discordiarum, quum unus velit, quod alter nolit, sequi ait Grotius, ut in dubio præferendum sit patris imperium ob sexus differentiam.

N 3 Hæc

Hæc Grotius. Ubi tamen plura monenda. Nam 1) falsum est solam generationem producere patriam potestatem. Quum enim a) parentes sunt liberi, ipsi quoque procreant liberos, & nemini obnoxios, sibi pares, non inferiores. b) Spuriū generantur a patre & matre æque ac legitimi, nec tamen ulla gens patri potestatem in spurium concessit. c) Si sola generatio est causa patr. pot. sequitur, ut & servi potestatem habeant in liberos ex se genitos, quod absurdum.

2) Falsum quoque est, ex præstantia sexus deduci posse prærogativam patris. Aut enim prærogativa illa sita est in animo, aut in corpore, aut in utroque. Non in animo, quia sæpe Nabal ducit Abigaelem, non in corpore, quia hujus præstantia nihil conducit ad educationem. Nec in utroque, quia sæpe contingit, ut & corpore & mente superet uxor maritum.

Ergo aliud principium querendum esse jam alii viderunt.

Hobbesius ad occupationem inclinat. Infantes nati, inquit, sunt nullius. Res nullius cedunt occupanti. Mater prima occupat: ergo & præcipua est ejus potestas: infantem a se occupatum etiam cum patre communicat. Ergo & hic adquirit potestatem, sed materna inferiore.

Sed hoc multo absurdius. Quæ nullius sunt cedunt occupanti. Quænam res, non personæ. Omnes liberi homines sunt nullius: an ideo cuivis occupanti cedunt? Nugæ.

Hinc vera hujus juris ratio est **EDUCATIO.**

TIO. Infanti opus est educatione, alias illi esset pereundum. Educationem illam natura, vel ipse potius Deus demandavit parentibus, dum ipsis amorem erga liberos incredibilem impressit. Quum vero ea educatio non possit fieri sine potestate quadam dirigendi liberorum actiones: Ergo Deus qui voluit, ut liberi a parentibus edūcentur, idem etiam voluit, ut parentibus esset potestas liberorum dirigendi actiones. Quæ ipsa est patr. potestas juris naturalis.

§. 2.

Jam porto quæratur, quanta sit parentum in liberos potestas. Grotius primo tempora distinguit §. 2. 6. deinde statum naturalem & civilem §. 7.

I. Tempora tria distinguenda monet cum Aristotele: 1.) tempus infantie, quum nullum adhuc est animi judicium. 2.) Tempus post infantiam, ubi quidem scit filius, quid agat, sed tamen adhuc manet pars familie. 3.) Tempus quo filius ipse familia excedit.

Jam observat Grotius, maximam esse parentum potestatem in liberos infantes, paullo minorem in adultiores, omnino minimam in eos, qui e familia excefferint; adeoque hoc jus crescente liberorum ætate decrescere & imminui. Recte omnino ita censet Grotius? Quis enim existimet patri fas esse, filium jam emancipatum & honoribus fulgentem virga castigare? Sed non animadvertit vir acutissimus, ita se principium suum destruere. Si enim potestas parentum est ex generatione, sequitur, ut ea

per omnem vitam sit eadem, aut postea-
rius est falsum, H. & prius. Ex nostra au-
tem hypothefi res clara est. Fundamentum
patr. pot. est educatio. Ea majore labore
fit in infante quam in adulto, ergo & po-
testas dirigendi actiones decrefcere debet,
precedente ætate; & demum fere expira-
re post liberorum difceffum ex familia.

Jam videbimus, quanta fit potestas pa-
rentum fingulis his temporibus?

1) Primo tempore obfervat Grotius

1) omnes actiones liberorum absolute di-
rigi a parentibus. Recte. Nam tunc ipfi
nihil agere poffunt.

n. 2.

2) Parentibus quoque competere omne
jus adminiftrandi horum liberorum bona.
Ob eandem rationem, Adminiftrandi, in-
quam. Nam quod LL. civiles ftatuerunt,
omnia liberorum bona adquiri parentibus,
id ideo non eft ex jure N. quia fecundum
hoc & infantes aliquid proprii poffidere pof-
funt. Facilius tamen cum J. N. conciliari
poteft confuetudo multis gentibus commu-
nis, quod ufusfr. bonorum adventitiorum
cedat parentibus, quam his non inviden-
dum videatur hoc educationis præmium.

§. 3.

II. Secundo tempore parentes dirigunt
actiones liberorum ad familiæ ftatum per-
tinentes, non reliquas, quæ jam ratione
ipfius filii exigunt: vel ut magis perfpicue
rem exprimamus: officia inter parentes &
liberos jam incipiunt fieri reciproca. Pa-
rentibus nihil injuriæ debent inferre libe-
ri, aut nec liberis parentes. Illi nihil debent
agere

agere in vitis parentibus, sed nec parentes cogere liberos ad quidquam, quod vel eorum naturæ vel rationi repugnat.

Inde facile deciditur quæstio: an possint Judæis & hæreticis liberi in vitis intercipi, ut baptizentur & in vera religione educentur? Resp. minime. Nam infantium actiones omnes vi patr. pot. dirigere possunt parentes. E. & religionem. Sin vero de adultis sermo sit, multo absurdior quæstio est, quia ad religionem cogi nemo debet. Ast nec parentes tunc possunt. Hinc si filius Judæi adultus ultro, & conscientia cogente Christianam religionem amplecti velit; pater frustra repugnaret, quia hæc actio non ad familiæ statum, sed ad ipsum filii judicium pertinet. Vid. P. AERASII *tr. de patr. pot.*

§. 4.

Ex eodem principio nostro sequitur, ut utroque tempore parentes gaudere debeant jure coercendi, quia sine eo educatio procedere haud posset. Sed tamen & hic ad ætatem respiciendum. Infans aliter coerceri potest, ac adultior. Ille & virga castigatur: hic minime. Ille etiam ob delicta involuntaria, hic ob voluntaria tantum.

§. 5.

Incidit & quæstio, an parentes liberos & alienare possint? Resp. minime, quamvis Grotius id concedere videatur, si lex civilis non impediat. Nam planum est argumentum: Quod quis non habet, alteri dare non potest. Dominium in liberos parentes non habent &c. Minor clara est. Nam patr.

N 5 pot.

192 Lib. II. Cap. V. De Acquisitione
pot. consistit in potestate dirigendi actiones liberorum, non in dominio.

Hinc videmus, cur veteres Rom. huiusmodi jus patri concesserint: quia nimirum is liberos vere habebat in dominio juris Quiritium, uti præclare demonstratum ab ill. BYNKERSH. in opuscul. de iure occidendi liberos.

§. 6.

III. In tertio tempore filius est *autræzunos*, id est, sui juris. Cessante enim educatione, cessat & jus actiones dirigendi. Cessante enim causa cessat effectus.

Sed tamen remanet & hic parentum veneratio: non ob educationem adhuc durantem, sed ob eandem olim susceptam. Gratos enim quum esse deceat liberos, hinc etiam soluta p. p. iis omnem reverentiam præstare, nihil sine eorum consilio suscipere, & eos maximi semper facere tenentur.

§. 7.

Deinde distinguit A. inter jus naturale & civile. Nam per multa superaddiderunt LL. civiles, quæ ex J. N. deduci nequeunt, veluti

1) Quod ea potestas sit perpetua, & non nisi morte patris vel voluntaria filii emancipatione finiretur.

2) Quod eadem se extenderet ad nepotes, pronepotesque ex filio.

3) Quod soli patri ea potestas competere, non item matri.

4) Quod in iure vitæ & necis, facultate ter venundandi filios, & omnia per eos acquirendi consisteret.

Hæc

Hæc omnia enim Romanis propria fuisse,
ipse agnoscit JUSTINIANUS, *pr. l. de P. P.*

§. 8.

II. Sequuntur personæ, quas PER CON-
SENSUM adquirimus, inter quas primum
locum tenent uxores. Unde jam de con-
jugio agitur ab Imp. §. 8. 16. & quidem

n. 1.

1) Quæritur, quanta sit mariti in uxorem potestas? Resp. A. imperium inter conjuges non esse commune, sed penes maritum, in rebus saltim conjugii & familiæ. Jam illud imperium mariti omnes leges divinæ & humanæ agnoscunt, hæc de jure naturæ ullus veterum dubitavit. At de fundamento hujus imperii non omnes item sentiunt. Sunt qui illud positum existimant in præstantia sexus masculini. Sed ea sæpe non tanta est, ut ideo imperium marito competere possit. Alii ex pacto. Sed si pacisci possunt conjuges, ut imperium sit penes maritum, pacisci etiam poterunt, ut sit penes uxorem: quod tamen negabunt multi ab Eph. V, 23. & similia dicta. Verum itaque fundamentum vidit Grotius, nempe, quia uxor sit pars familiæ mariti, non maritus pars familiæ uxoris. Quando autem in familiam mariti transit, eo ipso etiam marito imperium & directionem in se concedit, non secus ac is, qui se arrogari patitur.

2) Quæritur: quid sit de natura conjugii? Resp. Grotius: Conjugium esse talem habitationem maris cum femina, quæ feminam constituat quasi sub oculis & custodia mariti. Idque inde probat, quod

n. 2.

alis cohabitatio etiam inter animalia quædam bruta observetur, veluti inter columbas.

Sed nescio, quid sibi hic velit Grotius. Quæstio est, quid sit de natura conjugii? Id aliter doceri nequit, quam per definitionem. Definitio autem hæc conjugii admodum manca est. Nam si vir cælebs conducat sibi ancillam, tunc cohabitas mas cum femina, tunc femina constituitur sub custodia & oculis maris, nec tamen inter eos conjugium esse, quisquam dixerit.

Ergo rectius dicitur, esse conjugium viri & mulieris conjunctionem ad liberos procreandos educandosque comparatam. Quidquid itaque ex hac definitione fluit, id est de natura conjugii: quod inde non fluit, ex jure positivo vel civili est: qualia exempla sunt in no. 1. hujus §. e. g. quod maritus possit vota uxoris solvere, quod apud quosdam populos maritus bona uxorum vendere possit, &c. Ex hoc itaque fundamento facile deciduntur reliquæ quæstiones.

§. 9.

1. 3) Nam queritur porro, an & polygamia & divortium sit contra naturam matrimonii?

1) De polygamia Grotius agnoscit, illam non posse esse contra J. N. Recte. Nam & maris cum pluribus feminis conjunctio potest esse ad procreandam educandamque sobolem comparata, adeoque illa nihil continet, quod sit definitioni conjugii contrarium.

Deinde idem liquet ex eo, quod in V. T. tolerata fuit polygamia Judæorum. Nam & patriarchæ, veluti Jacobus, Davides, &c,
plu-

plures uxores habuerunt, & ipse Deus pro beneficio suo reputat, quod Davidi plures uxores dederit. 2. Sam. X, 1. 8. Id vero fieri non posset, si polygamia esset juri nat. contraria.

2) Idem de divortio dicendum. Nam nec hoc repugnat J. N. modo ex causa justa fiat. Quum enim matrimonium sit maris & feminae conjunctio, sobolis procreandae educandaeque causa inita: sequitur, 1. ut quemadmodum mutuo consensu initur, ita & mutuo dissensu dissolvi sua natura possit, 2. ut si alteruter conjugum ineptus sit ad procreandam educandamque sobolem, vel iis contaminatus vitiis, ut in societate cum eo vivi commode nequeat: dissolvi possit matrimonium.

A. 26

Et hinc ipsa etiam lex V. T. concessit divortia, ipso fatente Christo Matth. V, 32. XIX, 9. An vero Deus aliquid praecipisset contra jus naturae immutabile? minime.

Quamvis vero & polygamia & divortium non repugnet J. N. nec legi voluntariae V. T. vult tamen Grotius, Christi legem naturam conjugii ad perfectiorem normam redegissee, & non modo divortium, sed & polygamiam prohibuisse. Divortium quidem Matth. V, 32. XIX, 9. Polygamiam autem 1. Cor. VII, 4. dum & uxori dat jus in corpus mariti. Ex quo sequitur, ut quemadmodum maritus prohibere potest, ne uxor corpus communicet cum pluribus: ita eodem jure uti possit uxor ratione viri.

Accedunt & alia argumenta: veluti quod Christus locis citatis provocet ad institutionem primariam. Deus autem junxerat
unum

unum marem & unam feminam in societatem indissolubilem. Idem quod Paulus dicit, uxorem debere habere *ἰδίον ἀνδρα* virum proprium. Hæc omnia itaque recte se habent.

Sed in eo Grotius errorem sibi familiarissimum immiscet, quod Christum novam & V. T. legibus contrariam legem condidisse arbitratur. Nam, 1. falsissimum est, Christum esse novum legislatorem, quum potius sit veteris legis interpretes. Notum quid ipse Christus de ea re dicat Matth. V, 17. seq. 2. Ipse Servator, dum provocat ad primævam institutionem, satis aperte docet, non novam a se legem dari, sed illam renovari, & a pseudermeria phariseorum vindicari.

Sed quid dicemus de concessione divortii & polygamie in V. T. Respondet ipse Christus: *Moses vobis hæc concessit propter duriciam cordis vestri*. Fuit ergo conniventia Dei, qui multa tolerabat in populo illo durissimi ingenii, quæ non probabat.

n. 4.

Hinc facile etiam carebimus recessu illorum gentium, quæ & divortii libertatem suis permiscere, uti Romani, vel polygamiam, uti Aegyptii, Persæ, Græci antiquiores. Nam 1. gentium mores, ut sæpe diximus, non faciunt jus gentium. 2. Facile his opponi possunt gentes moratiorēs, quæ polygamiam improbarunt, ut Romani, Græci recentiores, Germani. 3. Ipsæ gentes semper laudabiliorem monogamiam existimarunt, quam *πολυγαμίαν*, seu ex TACITI libello *de morib. Germ.* patet.

§. To.

4) Transit Grotius ad^o consensum parentum, & quaerit an sine eo ratum sit conjugium? Non jam quaestio est, an consensus ille merito exigatur? & an non peccent liberi contra honestatem, qui illam negligant? sed quaeritur an ita de necessitate sit, ut eo non impetrato matrimonium sit irritum?

2. 1.

Recte id negat Grotius. Nam 1. non omne quod honestati repugnat, irritum est. E. g. parum honestum est, plus donare, quam vires patrimonii ferunt, sed ideo hæc donatio non est irrita, non admodum honestum videtur, senem uxorem ducere, vel ob solas divitias nubere, sed ideo hujusmodi nuptiæ non irritæ habentur. 2. Id nec ex definitione nuptiarum, nec ex definitione patriæ potestatis fuit. Non ex illa. Nam potest conjunctio maris & feminae esse conjugium, possunt & liberi procreari & educari, quamvis non consenserint parentes. Non ex hac, quia patria potestas, ut heri diximus educatione sola nititur. Liberi autem inituri nuptias in eo sunt, ut educatione non amplius indigeant, sed eo ipso excedere solent familia paterna.

2. 2. 1.

Ast jus Rom. nuptias irritas esse jubet, nisi patris consensus præcesserit. pr. l. de nupt. Sed facile respondetur. Hoc non ex jure nat. Sed ex lege civili esse. Idque probabitur 1. ex eo, quod patris solius consensus exigitur eo jure, non matris, quum tamen jure nat. sit par utriusque parentis in liberos potestas. 2. Quod nec opus sit filio emancipato patris consensu, quum tamen eman-

eman-

emancipatio jure nat. non tollat venerationem debitam parentibus. 3. Ipsum jus divinum, quamvis parentum consensum requirat, tamen irritas non pronunciat nuptias sine consensu parentum contractas. Id quod Grotius probat exemplo Esau. Gen. XXXVI. qui quum invitis parentibus nuptias inauspicatissimas contraxisset, non tamen a parentibus prohibitus est, uxores illas male conciliatas in matrimonio habere & retinere.

§. II.

5) Quæritur, an etiam ii, qui jam in matrimonio vivunt, aliud inire possint? Ubi recte Grotius distinguit inter jus nat. & gent. & jus divinum positivum.

Jure nat. quum licitum sit divortium, licebit etiam matrimonium solvere, & aliud inire, modo gravis aliqua & idonea causa id suadeat.

Ast jure divino positivo quum per Christi interpretationem nefas sit, repudium uxori dare, non nisi morte solvitur matrimonium & divortio propter adulterium, uti vulgo ex Matth. V. & XIX. colligunt.

Unde merito quæritur, an ex his testibus id sequatur? Nos negamus ob has rationes.

1) Aut solum adulterium solvit matrimonium, aut solum & alie causæ. Si posterius: habemus, quod volumus. Sin prius: non potuit Paulus 1. Cor. VII. novam divortii causam adsignare, malitiosam desertionem. Atqui adsignavit. Ergo non solum adulterium solvit matrimonium. Quamque expresse dicatur in textu Matth. V. 32.

apost.

Originaria Juris, in Personas, &c. 299
παρεκτός λόγου πορνείας & cap. XIX, 9. εἰ μὴ
ἐπὶ πορνείᾳ: consequens est, ut πορνεία hic
non significet solum adulterium.

2) Quid autem significet, præclare ostendit *SALDENUS de uxore Hebr. Lib. III. Cap. XXII.* idque ex ipsa connexionione patet. Pharisei tentaturi Christum, hanc ei questionem proponebant: An fas est cuiquam repudiare uxorem suam *κατὰ πάσας αἰτίας; ob quamcumque causam?*

Nimirum erat hæc inter Judæos ejus temporis maxima controversia. Schola Schamaitana id negabat, & divortium non nisi ob causam *surpitudinis* concedebat, uti Moses loquitur Deut. XXIV, 1. Contra Hillel ejusque schola docebat, ob quamcumque causam licitum esse divortium. Prior sententia viris probis & justis placebat, id est, paucis: posterior plebi, cui grata erat illa divortiorum licentia. Quumque fama percrebuisset, hanc sententiam Scholæ Hillelis voce cœlesti fuisse probatam, ipsum synedrium magnum eam publicæ auctoritate ratam habuit.

Dum ergo Pharisei interrogant: an fas est homini repudiare uxorem ob quamcumque causam? perinde est ac si dixissent: tunc probas sententiam Hillelis? Si affirmasset, tunc multis videri potuisset Servator vir parum sanctus & pius: si negasset, occasio illis fuisset eum tanquam hereticum denunciandi synedrio.

Quid ergo Christus? responderet pro Schamaitanis, *Dico vobis, qui repudiat uxorem, nisi ἐπὶ πορνείᾳ, adulterium committit.* Ex quo

quo sequitur 1) ut *propreia* hic sit quævis res turpis, & fini matrimonii contraria, maxime cum 2) ex significatio vocis sit Hellenistis frequentissima, & hi fere omnia delicta adpellare soleant *propreia*, uti cum adparatu probavit Seldenus. Quod & 3) inde liquet, quod Paullus 1. Cor. VII. alteram causam divortiorum, nempe malitiosam desertionem addidit, quod sane non potuisset, si *propreia* significaret adulterium.

6) Jam nova & ea quidem vexatissima nascitur quæstio de incestis nuptiis, seu gradibus prohibitis. Quum fere omnes gentes honestiores abstinuerint a nuptiis consanguineorum: a) quæritur, an ea prohibitio sit juris naturæ?

Negat id Grotius n. 1. excepto conjugio inter parentes & liberos, de quo n. 2.

Negat, inquam hanc prohibitionem esse J. N. Nam 1) ea non fuit ex definitione connubii antea explicata. Liberi procreari & educari possunt etiam a parentibus consanguineis.

2) Rationes, quas vulgo adferunt, sunt nullius ponderis. E. g. quod PLUTARCH. *quæst. Rom.* 107. & AUGUSTINUS *de Civ. Dei Lib. XV. cap. 16.* existimant eas nuptias prohibitas, ut latius spargantur amicitiae, nec inera unam familiam constarent adfinitates. Ratio enim hæc magis politica est, quam juris naturæ.

3) Immo aliquando hæc nuptiæ utilissimæ videntur, e. g. si jam liberi ex priore matrimonio adsint, & noverca sit uxoris defunctæ soror, sane tolerabilior erit noverca, quam

Originaria Juris, in Personas, &c. 301
quam extranea. Ita etiam si virgo sit *ἐξ-
αληρο*, id est, ex asse heres, consulatur
familiz, si agnato nubat, ut patrimonium
penes familiam maneat. Quod hoc casu
ipse Deus præcepit. Ruth cap. III. nec
non lex Attica, apud DEMOSTH. in *Orat.
ad Leptareum*.

Attamen inter adscendentes, & descen-
dentes matrimonia ipso J. N. prohibita
videntur,

n. 2.

1) Quia turbantur respectus, e. g. si
filius uxorem ducat matrem, tanquam filius
eam venerari debet, tanquam maritus ei-
dem imperare. Ita & liberi inde nati erunt
patris liberi, & simul fratres uterini, ma-
tris filii & simul nepotes ex filio. Quæ
confusio respectuum rectæ rationi & matri-
monii naturæ repugnare videtur.

2) Quia pudori naturali repugnant hu-
jusmodi nuptiæ. Nam quem non puderet
cum matre congrederi?

Ad posterius argumentum non maximi
momenti esse videtur, quamvis Grotius ad
objectiones quasdam respondeat. Nam

n. 3.

1) Diogenes & Chrysippus provoca-
bant ad animalia quædam ab incestu non
abhorrentia, e. g. gallos gallinaceos.

Sed resp. Grotius. Quamvis ab his nu-
ptiis non abhorreat natura brutorum, ab-
horret tamen naturam humanam, adeoque
id sufficere ad probandum, quod repugnet
juri naturæ, quod & testimoniis Xeno-
phontis, Mich. Ephesii, Lucani probat.

n. 4.

2) Socrates apud Xenoph. in memora-
bilibus Socr. existimat, nihil turpe inesse
his

302 *Lib. 11. Cap. V. De Acquisitione*
his nuptiis, præterquam inæqualitatem conjugum, esse enim eos ætate dispares, & hinc plerumque matrimonia hujusmodi fore sterilia.

Resp. Grotius. Sic & prohibenda fuisse matrimonia inter senem & juvenculam. Et sane si pater sit ann. 35. filia ann. 15. quis dixerit, sperari non posse liberos.

n. 5. Denique ut Diogenem & Chrysippum eo fortius stringat, observat, & bestias quasdam ab his cominutionibus abhorrere. Idque probat partim testimonio *ÆNOBII Lib. V. adv. gent.* partim exemplo apud *ARIST. Hist. Anim. Lib. 9. cap. 46.* & *OPPIAN. CYNEG. Lib. 1.* qui referunt, equum scythicum cum matre committendum, refragatum, nec unquam adduci eo potuisse, ut cum matre congrederetur, nisi equa involuta pannis.

Hæc sunt, quibus pudorem illum naturalem probat Grotius, quod ejus argumentum tanti fecit *LAMBERT. VELTHYSEN in principiis justis & decori*, ut non solum graduum prohibitionem, sed & totum jus naturæ ex pudore naturali derivandum putaret.

Sed paucis moneo: 1) pudorem esse adfectum indifferentem, & sæpe pudere homines boni æque ac mali, c. g. bonum est, fateri peccata, & veniam eos rogare, quos offendisti: sed pudet.

2) Pudor apud omnes non est idem. Pro ratione enim temperamenti, alium facile, alium difficulter pudor occupat. Sic Romanos pudebat matrimonii cum propinquis; Persas non pudebat. Ergo inde nihil arguitur.

3) Hi-

3) Historia illa de æquo admisso le-
pida est, sed admodum dubia. Sane quod
olim factum, cur non hodie sit? Non so-
lent hodie equi tam religiosi & casti esse.

§. 13.

b) Hactenus de J. N. Jam de jure positivo
universali: Quæritur ergo an non saltem
hoc prohibeat hujusmodi nuptias?

n. 1.

Respondet Grotius, omnino prohibere,
provocans ad Lev. XVIII. & XX. Quumque
nonnulli existiment has leges esse mere fo-
renses adeoque non obstringere Christianos,
contrarium triplici argumento demonstrat.

1) Quia sub finem istorum capitum di-
cat Moses: & Cananzos ob hæc delicta
terra expulsos. Unde arg. Quicumque de-
linquant, eos lex quædam obligat. Cana-
næ incestis nuptiis contractis deliquerunt.
Ergo eos obligavit lex.

2) Quia hæc leges in N. T. repetuntur. Sic
e.g. Paullus 1. Cor. VII, 25. & Ephes. I, 14.
incestum damnat inter privignum & nover-
cam, & eas nuptias ipsis gentilibus abomina-
biles fatetur. Jam quum leges forenses in no-
vo test. nullius auctoritatis sint, adparet sa-
ne has leges non esse forenses, sed morales.

3) Quod & Hebræi eas leges natura-
les esse existiment, quia & verecundia na-
turalis ab his nuptiis abhorreat, & facile
alias convictus inter has personas quoti-
dianas occasionem dare posset stupris: his
prohibitæ essent hæc nuptiæ.

n. 2.


Sed tertium hoc argumentum admodum
dilutum est. Nam pudorem naturalem nihil
probare; jam supra ostendimus. Alterum
autem

autem naturæ humanæ repugnat, de qua recte Poeta: Nisi in vetitum. An minus periculi a stupro erit inter personas conjunctas, quod prohibitio accedat?

n. 4.

c) Jam nova nascitur quaestio, an Levit. XVIII. & XX. gradus prohibeantur, an personæ tantum? Illud plerique putant, quos & nos sequimur: hoc e recentioribus Schilterus & alii quidam. Rationes nostræ sunt

1) Quia ubi eadem ratio, ibi eadem est juris dispositio. A ratio sita est in propinquitatē carnis, quæ eadem est



in duobus personis ejusdem gradus. Ergo & hic valet prohibitio, etiamsi persona Levit. XVIII. non expressa sit. Sic e. g. ibi v. 13. prohibetur matrimonium cum matertera, non cum avunculo: & tamen, quum ejusdem gradus sint, quis dubitet, quin matrimonium & inter hos subsistat?

2) Quia hæc natura omnium legum est, ut ob rationis latitudinem late interpretandæ sint, quia non omnes casus exprimi queunt.

3) Quia hanc interpretationem suadet v. 6. ubi occurrit regula generalis, quam postea exempla sequuntur. Ubi vero regula occurrit cum exemplis, ibi liquido extensiva interpretatio locum habet.

n. 5.

Redit Grotius ad Hebræos, qui has leges Lev. XVIII. universales putare n. 3. diximus. Jam addit Grotius, eosdem has leges accessere ab ipso Adami tempore, ut tanto

tanto facilius reddi possit ratio, cur omnes homines obligent.

Alias enim, inquirunt, non posset reddi ratio, cur Deus & gentiles puniverit ob incestas nuptias.

Sed hæc sola conjectura est Hebræorum, nullo nixa fundamento certo & historico: unde nec ei immorabimur.

Jam ad alias gentes, quas itidem hujusmodi nuptias damnasse observat. Hinc ex Mich. Ephesio, Diod. Siculo, Platone Dione Prusænsi demonstrat, communem hanc fuisse omnium gentium sententiam, præterquam Ægyptiorum, Persarum & aliquot Barbarorum.

Quamvis autem hujusmodi inductio, ut sæpe monui, non probet jus gentium, nec adeo certum sit, omnes gentes in eo conspirasse, quum & de Cimone Atheniensis referat Corn. Nepos eum sororem habuisse in matrimonio, idque licuisse facere legibus Atheniensium: hic tamen hæc observatio alicujus momenti est. Nam quum & Romani & aliæ gentes eisdem fere gradus, quos Lev. XVIII. prohiberi intelligimus, prohibuerint, & tamen ratio sola nullam hujus prohibitionis suggerat rationem: merito quæras, unde hanc notitiam sibi adquisiverint gentiles? Et recte n. 7. respondet Grotius, per veterem legis divinæ famam, vel per traditionem. Gens enim res hujusmodi a gentibus vicinis didicit. Ab Hebræis Phœnicii, ab his Græci, ab his Romani, & sic porro. Exemplo esse possunt res plures, e. g. quod omnes gentes

nume-

numerent per dſcurias, quod omnes tempora metiantur per septimanas. Vid. Grot. *in tr. de veritate relig. Chriſtiana*, ubi & alia hujus generis collegit.

§. 14.

d) Addit & alia monita Grotius, veluti: quod in ultērioribus gradibus aliquando personz prohibetur, altera conceditur, quum sint ejusdem gradus. Sic e. g. prohibitum est ducere amitam, v. 12. Ast non prohibitum ducere fratris filiam. Nee rara inter Hebrzōs fuisse hujusmodi matrimonia. Quæritur itaque, quæ ratio discriminis?

Grotius sequitur Hebrzōs, & hanc assignat causam, quod in fratris domos minus pateat aditus, quam ad ædes avorum & aviarum, adeoque hic majus sit stupri periculum quam illic. Sed hæc nihili sunt. In promptu est ratio solidior, nempe turbatio respectuum. Amita est loco matris, ergo non potest decore uxor esse ejus, a quo filialem venerationem jure exigeret. Ast in nuptiis cum fratris filia non turbantur respectus, quia facilius hæc marito præstabit obsequium, quum eum quodammodo patris loco venerari debeat.

n. 1.

Altera observatio est, leges de incestu inter adscendentes & descendentes, nec non de matrimonio fratrum & sororum semper irrita reddere hujusmodi matrimonia: ast reliquas leges plerumque poenam tantum irrogare. Id probat ex Canonibus Apostolicis, qui tantum deponi jubent Clericum, alios poenitentia ecclesiastica subiciunt, si incestum admisissent.

Sed

Sed hoc non ubique receptum. Plerumque enim omnia matrimonia Levit. XVIII. prohibita irrita sunt. In reliquis locus est dispensationi principis.

Tertia observatio est, quod pleræque gentes ultra gradus Levit. XVIII. prohibitos & alios quosdam prohibuerint, tanquam sepimentum legis, ne ob vicinitatem violarentur leges Lev. XVIII. Sic e. g. inter patruales Deus non prohibuit matrimonium, nec inter consobrinos, quia tamen proxime hoc matrimonium accedit ad nuptias fratrum & sororum: illud prohibitum reperimus. L. 3. C. *Throd. de incest. nupt.*

Pontifices Romani initio ad septimum, deinde ad quartum gradum suæ computationis prohibuerunt nuptias. Vid. THOMASII *not. ad Lancellor. insistent. jur. Canon. sit. de nuptiis.*

§. 15.

Haftenus de vero conjugio: jam quædam de concubinato adduntur. Hic ante omnia status controversiæ recte formandus. Non jam loquimur de muliere, quæ marito alieno succumbit: hæc enim non concubina est, sed pellex: nec de ea, quæ furtim cum cælibe rem habet: hoc enim scortum est: sed de femina, quæ sine solemnitate nuptiali se viro jungit, ita ut inter hos sit conjunctio perpetua sobolis procreandæ educandæque causâ inita. De hac conjunctione quaeritur, an juri naturali repugnet?

Id recte negatur. Nam definitio matrimonii supra data etiam huic quadrat concubinato, atque inde sequitur, concubinatum

Modin. de Jure Belli, &c.



esse

esse verum matrimonium juris naturæ, quod in nuptiis nullam sollemnitatem exigit, quamvis non sit civile, adeoque & effectibus civilibus destituatur. Hinc concubina non gaudet jure uxorum, non capit partem hereditatis, liberi ex ea procreati non sunt in patris potestate civili, non sunt heredes sui, quamvis jure naturæ sint vere liberi, & hinc vocentur liberi naturales.

- n. 2. 2) Honestæ esse possunt hujus concubinatus causæ, e.g. disparitas conditionis. Sic sæpe magni principes amant honestam feminam, sed plebejam, quumque eam uxorem habere nequeant, eam ducunt quasi uxorem, quem concubinatum vocari novimus matrimonium ad morganaticam. Ita enim concubina loco uxoris adscita aliquando est, ne noverca liberis induceretur. Id quod factum novimus ab Antonino Phil. Imp. ut est apud JUL. CAPITOLIN. *in vita M. Antonini cap. ult.*

§. 16.

- n. 1. 3. Denuo ad quæstionem delabitur Grotius, an matrimonia contra has leges inita irrita sint semper? Sed quia de hac quæstione ad §. 14. n. 2. actum est: iterum hic actum agere nolumus.

§. 17.

Egimus hætenus de personis, quæ nostræ sunt per consensum. Consensus iste duplex est, ut Grotius supra §. 8. n. i. docuit, vel consistit in consociatione vel in subjectione. Per consociationem fiunt nuptiæ, de quibus hætenus, & universitates, de quibus in posterum.

Ex

Ex iterum duplices, vel privatæ, vel publicæ. Privatæ, quæ habent pro fine utilitatem privatam. e. g. Societas mercatorum, publicæ, quæ utilitatem publicam. Et hæc denuo vel *in populum* fiunt, vel *ex populo*. Si multi consociantur in populum, tunc ex hac consociatione nascitur respublica: si multi ex populo consociantur, inde fit universitas, collegium, corpus, &c.

1) Quia omnes consociati constituunt unam personam moralem. Ea voluntatem suam exerit vel per paucos, vel per plures, vel per omnes. Primum esset iniquum, tertium impossibile, E. reliquum manet secundum.

2) Quia alias nunquam ad liquidum perveniretur. Nam qui in collegio sunt, sunt æquales. Aequalis æquali legem præscribere nequit. Ergo nec poteris urgere, suum suffragium sapientius esse suffragio alterius. Ergo nec ponderari possunt suffragia, sed numerari, adeoque plura suffragia semper vincunt pauciora.

3) Res ipsa & experientia docet, infelicissimas esse universitates, ubi aliud obinet. e. g. Cur in Polonia nihil ad liquidum perducere potest? Cur omnia comitia sine fructu dissolvunt? Quia ibi unus omnium suffragia rescindere potest.

§. 18.

Regula II. Si par est suffragiorum numerus, nihil agitur. Quum enim suffragantes sint æquales & ejusdem conditionis & potestatis in republ. sequitur ut una pars

alteram cogere non possit, ut sibi assentiat. Excipiuntur tamen casus

1) Si calculus Minervæ accedat, id est, si pares fiant condemnantium & absolventium sententiæ: tunc enim reus absolvitur. Vocatur calculus Minervæ, si cui iudicium vel prædici facultas datur, suffragium suum addendi vel condemnantibus vel absolventibus. Dicitur autem calculus Minervæ, quia quum Clytæmnestra matrem Agamemnonem occidisset, filiusque utriusque Orestes mortem patris ultus, matrem interemisset: patricidii accusatus in Areopago pluribus sententiis iudicium condemnatus est, quam absolutus. Minerva itaque calculum addidit absolventibus, ut suffragia fierent paria, quo facto absolutus est. Eo calculo nihil æquius est. Vid. Jo. Henr. Boecleri *diff. elegantissima de calculo Minervæ*, quæ habetur in operibus ejus T. I. p. 200.

2) Si paria suffragia sint, & alteruter possideat. Tunc enim in dubio melior est conditio possidentis, quia in ejus persona duo jura concurrunt, alterum certum possessionis, alterum dubium tituli, quum alter solum titulum dubium pro se alleget.

§. 19.
Reg. III. Duæ sententiæ pari suffragiorum numero nixæ, si sint ejusdem naturæ, conjungendæ sunt, ut id valeat, in quod utraque pars consensit. Id evenit 1) quoties in quantitate tantum differunt suffragantes, e. g. Titius ab una parte condemnatur in decem, ab altera in XX. tunc decem ab ea
exi-

exiguntur, quia in hos utraque pars consensit. 2) Quoties in modo rei non conveniunt, & uterque modus conjungi possit, e.g. una pars censet, reum esse privandum officio, altera eundem relegandum.

Unde plane huic regulæ non est locus, si sententiæ diversæ sint naturæ. e.g. Una pars Titium condemnavit in viginti, altera relegari jussit. Hic iniquum esset conjungere sententiam, quum altera pars in alterius sententiam diversæ naturæ non consenserit.

§. 20.

Reg. IV. Absentium nulla habetur ratio. Videri hoc posset iniquum, quia & absens est membrum collegii, adeoque & scripto posset dare suffragium.

Sed facilis responsio. Sententiæ dicuntur prævia deliberatione & consultatione. Quî vero abest, is consultationi non interfuit, nec audivit alterius partis rationes, adeoque nec sententiam dicere potest, sine præjudicio præcipitantis. Sæpe domi quis ita adfectus est animo, ut pronus sit in sententiam, quam facile dimitteret, si alterius rationes audivisset. Exemplo esse potest Julius Cæsar, qui in causa Ligarii eo proposito audiebat Ciceronem, ut hominem condemnaret: sed audita ea oratione ita mente perturbatus, commotusque est, ut absolveret.

§. 21.

Reg. V. Qui prior in collegio fuit, is ordine quoque prior est. Sunt enim pares. Inter pares nihil potest prærogativam dare, quam ætas, uti videmus in fratribus, sociis, collegis.

Fallit tamen eā regula, si in collegio sint diversi ordines, nam tunc ii tantum ætatis inter se habent rationem, qui sunt ejusdem ordinis. e.g. Consilium aulicum Imperatoris constat ex nobilibus & eruditis, nobiles nunquam postponuntur eruditis, quum sint ætate posteriores, at inter nobiles ipsos æque ac inter eruditos ætatis vel temporis habetur ratio.

§. 22.

Reg. VI. Ubi non omnium eodem modo interest, ibi in suffragiis servatur proportio non arithmetica, sed geometrica.

Justissimum enim est, ut proportio servetur inter id, quod cuiusque interest, & numerum suffragiorum, ne ii, quorum parum interest, suffragiorum numero vincant reliquos.

Sic e.g. si tres sint heredes, unus ex semisse, reliqui ex quadrante, iniquissimum esset, si unus, qui ex maxima parte heres duorum reliquorum suffragiis stare cogeretur.

Et inde est, quod in republ. Belgii federati non sunt paria omnium provinciarum suffragia, sed uti Hollandia plus reliquis contribuit, ita plura habent suffragia.

Attamen id non ubique observatur. Nam in Germania princeps minimus æque virile suffragium habet, ac princeps potentissimus, idemque in Helvetia observatur, ubi resp. Bernensis, reliquis omnibus potentior, non plus pollet suffragio quam XII. reliquæ.

Hactenus regulas de suffragiis dedimus. Pergit jam Grotius ad potestatem civitatis in subditos, qui in civitate manent §. 23. in eos, qui civitate excedere volunt §. 24. & in exules. §. 25.

De potestate civitatis in subditos recte docet, eam tanquam totum integrale in singulas partes jus maximum habere, adeoque de omnibus civium actionibus externis, leges condere posse. Recte addit, de actionibus EXTERNIS. Internæ enim non cadunt sub imperium civile, adeoque absurdum est leges præscribere velle intellectui, quid credere, quam religionem tenere debeat.

Potest equidem civitas religionis cujusdam, statui suo incongruæ, exercitium prohibere, (sed hoc externum est,) potest etiam iis, qui certam religionem profitentur, terris suis excludere, nec eis concedere aditum: ast cogere homines, ut hoc credant, quod ipsis videtur incredibile & impium, id plus quam tyrannicum est. Utrumque demonstro. I. Omnes actiones externas civium civitati subjectas esse, ita probō:

Ubi consensus & consociatio est in unam voluntatem, ibi omnes actiones civium externæ civitati subjectæ sunt.

In civitate est consociatio omnium in unam voluntatem, E.

Minor clara est. Æquè absurdum enim esset, in civitate unumquemque agere, quod sibi libeat, quam membrum aliquod corporis

poris non subesse directioni mentis. Unde & toties in libro *Judicum* id repetitur, tanquam signum anarchiz: Eo tempore non erat rex in Israel, unusquisque agebat, quod rectum videbatur.

Minor patet ex civitatis origine & natura, de qua infra pluribus.

II. Religionem vel fidem non subesse civitatis imperio ita probamus:

Quidquid cogi nequit, id nec legibus subest.

Intellectus, ad quem non credere pertinet, non potest cogi.

E. intellectus, ad quem, &c. legibus non subest. Minor clara. Intellectus est potentia necessaria, non possum ipse intellectum cogere, ut credat circulum habere angulos, bis tria esse centum, &c.

§. 24.

Altera quaestio est, an civibus de civitate abscedere liceat, sine venia?

n. 1.

Hic primo observat: in quibusdam civitatibus id non licere, veluti in Russia. Immo & in Germania & Polonia, loca quaedam sunt, ubi id non licet. Sed res facilis est. Distinguendum inter subditos, qui simul servi sunt, & subditos liberos. Servi sunt subditi 1) in imperiis despotici vel herilibus, quale est Russicum, Turcicum, Persicum, &c. 2) in imperiis ubi soli nobiles ingenui, plebeji servilis conditionis, uti in Polonia, vel 3) ubi rustici saltim sunt servitutis jugo adstricti, ut in Westphalia, Ducatu Meklenburgico, Holfatico, in Lusatia. Hi ergo omnes, quum

quum sint glebæ adscripti, possunt cogi, ut in civitate maneant, & si fugam capessant, vindicari a Dominis. Vid. HERTIUS *de homin. propr. T. II. Opusc.*

Ubi autem cives sunt liberi, ibi alia ob-
tinet distinctio. Aut enim gregatim absce-
dere conantur, aut unus vel alter. Priore
casu id potest impediri, posteriore non
item. 1) Ratio prioris membri est, quia
quum semel cives consenserint in id quod
salus reipubl. exigat, consensisse etiam in-
telliguntur, se non discessuros, ubi pericli-
tetur ea discessione resp. Et hinc quum ex
municipiis Italicis tam multi Romani migra-
rent, ut urbes pene inanes relinquerentur,
lege Mucia Claudia cautum est, ut omnes
cogerentur in patriam redire. II. Ratio
posterioris membri est, quia ex unius vel
alterius discessu nihil detrimenti capit resp.
adeoque nemo cogendus, in civitate ma-
nere, cujus membrum esse nolit. Sed ta-
men res ipsa docet, id non licere

- 1) si quis ad hostes velit deficere, quia
hæc proditoris species.
- 2) Si æris alieni vel delicti causa ab-
scederet: quia hæc fuga esset.
- 3) Si periculum ejus personam exigat.
Hinc miles in obsidione vel imminente præ-
lio frustra missionem flagitabit.

§. 25.

Tertio quæritur: An & in exules civi-
tati, unde profecti, jus sit? Negat GRO-
TIUS. Nam exilium est amissio civitatis.
Si ergo cives esse desierunt, nec ulla in
eos potestas est civitati.

O 5

Sed

Sed tamen & exsules comiter venerari patriam tenentur, nec ad hostes deficere. Notum est illatrabile & triste fatum Baronis de Patckull, crurifragio puniti a Rege Sueciz Carolo XII. qui ex Livonia exsul, ad Russos & Regem Poloniz se contulerat, & bellum foverat adversus Suecos. Supplicium durum & iusto severius est: nec tamen sine noxa fuisse existimandus Patckull.

§. 26.

Diximus supra consensu in potestatem nostram redigi personas vel per confociationem, vel per subjectionem. Ex confociatione oriuntur matrimonia, universitates, civitates, collegia, de quibus hactenus: per subjectionem sunt liberi adoptivi §. 26. servi §. 27. 30. populi devicti, §. 31.

Arrogationis fundamentum est libera subiectio. Homo enim sui juris quum se possit addicere in servitutem: quidni etiam in potestatem patriam, multo minorem & utiliorem?

Sed de adoptione paullo subtilior questio est, an pater possit filium suum alii dare in adoptionem? Videtur enim patrium jus esse personalissimum, quod non magis alii cedi potest, quam jus in uxorem. Et hinc Grotius diserte negat, naturam hoc finere, & hinc tantum concedit, ut pater filium alendum det alii?

Sed resp. patria potestas J. N. ut supra docuimus, nihil aliud est, quam jus dirigendi actiones liberorum ob educationem. Quum ergo alius saepe ipsis parentibus aptior sit ad dirigendas filii-actiones: quidni huic

huic jus patrum cedi posset? Si pater per aliquot annos pedagogo jus suum recte cedit, quidni & alii in perpetuum, si id filio utile fore intelligat?

§. 27.

Altera subjectionis species, eaque ignobilissima est in servitute. Quamvis enim Romano jure liber homo non sit in commercio, adeoque nemo se possit in servitutem mancipare, J. N. tamen id non impedit. Cuilibet enim licet juri in sui favorem introducto renunciare, adeoque & libertati.

n. 1.

Unde & legem hanc Romanam apud alias gentes non valuisse observat ipse Grotius.

Posset videri servitus juri naturæ repugnare. Sed id merito negatur: Servitus enim 1) in se nihil aliud est, quam obligatio ad perpetuas operas. Si non injustum est obligari ad annuas operas, quidni & ad perpetuas?

n. 2.

2) Ipsa quorundam natura ad servitutem aptissima & tota comparata est, ita ut nec actiones suas dirigere, nec victum & amictum sibi lucrari possint, unde Aristoteles, quamvis parum accurate, quosdam natura servos esse dixit. Hi homines si alieno beneficio & arbitrio vivunt, quid hoc iniqui est?

3) Ipse Deus servitutem probavit, tum in V. T. inter Israelitas, tum in N. T. per Paulum 1. Cor. VII, 20. 21. 22.

§. 28.

An autem J. N. dominis etiam jus vitæ & necis in servos concedit? Negat Grotius,

additque rationem, quia nemo possit hominem occidere, nisi capitale commiserit.

Sed facile patet, Grotium hic mutasse statum quæstionis, quem primus recte formavit THOMAS. *in fundam. J. N. & G.* Nimirum jus vitæ & necis non est promiscua occidendi licentia, sed jus coercendi delinquentes etiam supplicio capitali: Quum enim principi competat jus vitæ & necis in subditos: quis tamen dixerit, eum posse promiscue sævire in vitam civium? Esset hæc injuria & tyrannis, non jus vitæ & necis. Si ergo delinquentes coercere non injustum est: ergo in se nec injustum est, si id jus conceditur dominis in servos.

Sed tamen quum id non sit juris naturæ præceptivi, sed permissivi, omnino civitas id jus dominis recte adimit, 1) quia facile degenerare potest in tyrannidem, quia 2) aliquando delicta manerent impunita, ne domini servorum jacturam facerent.

§. 29.

Progreditur A. ad nobilem quæstionem, atrum parentem sequatur partus servilis? Legibus civilibus fere certum est, partum sequi ventrem, adeoque ex duorum dominorum servo & ancilla prægnatum ad dominum ancillæ pertingere. Sed jure naturæ communem esse partum arbitratur Grotius, quia uterque parens sit causa partus.

Ego neutrius puto J. N. esse, sed liberum. Nullus enim hic titulus est, cur dominus eum, qui liber natus est, sibi vindicet: homo autem semper liber nascitur.

Sed

Sed objicit Grotius, vernam servum merito fieri in compensationem alimentorum, quæ a parentibus accipere nequeat. Sed resp. 1) servum & peculium habere posse, unde vernam alat, 2) alimenta puero servi filio data non esse tanti, ut in comparationem venire possint servitutis perpetuæ.

n. 26

§. 30.

Observat Grotius esse quosdam servitutis gradus, quos paullo accuratius describemus. Nam

1) Est servitus mercenaria, omnium mitissima, quia & mercedem accipit servus, & non nisi operas conventas debet.

2) Est statu-libertas, seu libertas sub conditione vel ex die concessa, quia libertatem sperant.

3) Est eorum qui se addicunt ultro, nam hi vendi non possunt J. N. quia personam domini elegisse videntur.

4) Est eorum, qui venditione acquisiti, nam hi in commercio sunt.

5) Est captivorum. Nam hi ob animum hostilem & fugæ periculum durius haberi possunt.

§. 31.

Tertio & victæ gentes se subjiciunt per deditionem. Est autem deditio vel perfecta, Germanis vocata *auf Gnade und Ungnade*, quando dediti sibi nullas conditiones stipulantur, alia imperfecta, quæ fit sub certis conditionibus.

Priore casu quamcumque conditionem iis imponere potest victor, modo non in
eos

eos ſæviat. Mortis enim evitandæ cauſſa ſeſe dederunt: & dum eos recipit viſtor, non poteſt illos occidere, quia in hanc conditionem conſenſit.

Poſteriore caſu accurate implendæ ſunt conditiones. Ex pacto enim & hoſti obligamur, qui hic non ut hoſtis, ſed ut homo conſideratur. Unde juri N. & G. adverſantur, qui dedititios ſub conditione receptos durius habent.

§. 32.

III. Ultima cauſſa, ex qua jus in perſonam naſcitur eſt delictum. Sed quamvis facile largiamur

1) ex legibus civilibus delicti cauſſa aliquos ſervos Reri, ut jure Rom. incenſos, feminas ſervili amore bacchantes, libertus ingratus, qui ſe pretii participandi cauſſa venundari paſſi, &c. nec negemus

2) Leges has juſtas eſſe poſſe, quia quum jure N. delicta morte puniri poſſint, nihil obſtat, quo minus & ſervitute puniantur. Tamen

3) Nego jure naturæ ob delictum quemquam fieri ſervum ejus, quem delicto læſit, quia delictum ut actus tranſiens etiam poenam tranſeuntem requirit, non ſervitutem, quæ eſt conditio perpetua. Juri naturæ hujusmodi ſervitus non repugnat, ſed tamen non eſt juris naturæ, quæ ſæpe auctores confundunt.

CAPUT VI.

*De Acquisitione derivativa facto Hominis,
ubi de alienatione Imperii &
rerum Imperii.*

§. 1.

Supra diximus, acquisitionem vel originariam esse vel derivativam. Originariam adquirimus, quæ antea in nullius dominio vel potestate fuerunt, & quidem vel quoad rei substantiam per occupationem, vel quoad ejusdem incrementa per occasionem. Derivativa autem acquisitio pertinet ad rem, quæ jam in alterius dominio est, & ad nos transfertur per traditionem, aliosque modos, de quibus paullo post. Hactenus ergo actum de modis originariis, jam de derivativis agendum.

n. 1.

Acquisitio derivativa denuo duplex est, & vel *facto hominis* fit, vel *facto legis*. Facto hominis 1) per traditionem, de qua §. 1. §. 13. 2) per testamenti factionem, de qua §. 14. De acquisitione, quæ fit facto legis, agetur capite sequente.

Posse aliquem per traditionem dominium rei suæ in alium transferre, expediti juris est. Nam 1) id fluit ex definitione domini, quæ & jus de re disponendi comprehendit. Atqui non potest quis dicere, se de re sua libere disponere, nisi habeat jus alienandi dominiumque suum transferendi in alium.

2) Id jus etiam inde potest demonstrari, quia unicuique licet rem suam derelinquere.

Si

Si id potest ita fieri, ut res cedat cuius occupanti: quidni possem & in alterius favorem dominio meo renunciare?

Sed tamen, ut translatio dominij subsistat, quædam & in dante requiruntur, & in accipiente.

In dante requiritur actus externus, ex quo colligi possit, cum alterum dominum esse velle. Cogitationis enim nulla certa noticia est.

2. 2. Ex quo facile deciditur quæstio, an traditio præcise requiratur? Jure civili res certa est. Neque enim potest hoc jure jus in re nasci ex solo contractu, sed ex subsequente traditione. Sed de jure N. id negandum videtur. Recte. Nam 1) quid opus est traditione, ubi de voluntate tradendi constat? sane qui vult antecedens, vult & consequens. 2) Quid iniquius est, quam me jure meo excidere ob intermissum actum, qui non est in mea potestate, sed in potestate alterius quocum contraxi? E. g. emi a typographo librum, solvi pretium, sed librum non tradidit, pollicitus se cum mihi cras traditurum. Accepto pretio librum Mævio vendit & tradit. Non possum jure civili vindicare librum tanquam meum, quia mihi nondum traditus est, quum tamen traditio non a me, sed ab illo fieri debuerit. Sic ob intermissum actum, qui in potestate non mea sed alterius erat, dominio rei pecuniæ mea emtæ privor. Quid J. N. iniquius?

Hinc recte dixeris, hæc esse ex jure civili.

civili, quod & plura alia, e. g. judicialem resignationem, effestucationem, in Geldria receptam, servilesque ritus invexit, ne homines dicerent, se non animo deliberato transfuisse dominium. Hæc de requisito ex parte dantis.

§. 2.

Ex parte accipientis itidem, requiruntur voluntas signo quodam declarata, quia 1) translatio domini est actus διπλῆς vel bilateralis, 2) Quia beneficium nemini obtruditur, quia 3) incertum alias esset an placeat conditio, sub qua tradenda res, ejusque transferendum dominium.

Acceptat autem aliquis vel *expresse* per declarationem subsequentem, e. g. dono tibi librum, ego accepto: vel *tacite*, per rogationem antecedentem. e. g. dona quæso mihi hunc librum: dono. Hic etsi aliter non iterum acceptet, acceptasse tamen videtur, dum rogavit, in antecessum.

Sed de tacita observandum, eam sufficere, si idem datur quod rogatum, non si minus vel plus. E. g. vende mihi quæso hos quatuor equos; vendo tibi unum: vel vende mihi duos: vendo quatuor.

§. 3.

Jam hæc suo more negotia publica transfert Grotius, & quærit, an & imperium alienari possit, sive totum, §. 3. sive per partes §. 4. 13.

De toto regno jam supra lib. I. c. 3. §. 12. vidimus: illud vel patrimoniale esse vel usu fructuarium. Si patrimoniale est, est in dominio summi imperantis, adeoque
ab

ab eo potest alienari. Sin usufructuarium, tunc nec potest a rege alienari, quia non est in proprietate & dominio regis, nec a populo, quia regi jam est jus quod ei invito auferri nequit.

Potest ergo ab utroque simul, quia sic nullius interest, cui jus sit alienationem impediendi. Sed de hoc supra jam actum.

§. 4.

Jam de partibus summi imperii quaeritur, an & illae alienari queant? Et respondet Grotius, id fieri non posse nisi ipsa illa pars consentiat. Ratio est, quia 1) qui se civitati vel regno adsociarunt, censentur formam reip. & modum imperandi elegerisse, ergo ex pacto non possunt rejici & iis aliud obtrudi imperium. 2) Potest & fieri deterior partis alienandae conditio, dum imperii minus potentis pars sit. Et hinc merito id illa invita fieri non potest. Hinc quum Rex Franciae Joannes Philippo filio juniori Burgundiae ducatum & comitatum daret, id non prius fieri potuit, quam consentirent Burgundiae ordines. Conf. SERRAN. *Hist. Franc. in Carolo sap. & Francisco I.* Ita & notum, quum Albertus Landgravius Thuringiae totam provinciam Thuringicam venderet Adolpho Nassovio, Imper. Rom. non solum filios, sed & ipsos ordines Thur. se opposuisse, & armis quoque se defendisse.

§. 5.

Quum vero officia imperantium & subditorum tum invicem, tum inter se sint reciproca: sequitur, ut nec pars quaedam impe-

imperii reliqua parte invita se separare possit. Nihil æquius, quum id fluat ex ipsa regula fundamentali J. N. Quod tibi non vis fieri, alteri ne feceris. Quam iniquum esset, si resp. Belgica unam ex provinciis foederatis invitam & innocentem foedere excluderet: tam iniquum foret, si una reliquis invitis discedere vellet.

Excipitur tamen & hic necessitas, quæ non habet legem: e. g. si pars quædam civitatis bello oppressa a civitate liberari nequeat, potest sibi consulere.

§. 6.

Hic objectionem removet Grotius: Si necessitate urgente pars potest se separare a toto imperio, totum imperium autem necessitate quidem urgente partem recte alienat, sequitur, ut pacti in totum plus liceat, quam toti in partem. At postea est absurdum, E. & prius.

Sed respondet Grotius admodum subtiliter & scholastice 1) partem esse in toto imperio, tanquam in subjecto adæquato indivisibiliter, uti anima sit in corpore. 2) partem uti jure, quod ante societatem habuerit, non item corpus.

Sed hæc nihili. Tu dixeris, hæc fluere ex pacto: 1) Qui se imperio aggregant, ii sibi stipulantur defensionem a toto, non autem cuiquam permittunt facultatem se alienandi. Ergo totum imperium non potest alienare partem invitam. 2) Imperium, qui partem recipit in communionem reip. promittit defensionem: ergo ea non præstata, vel quando præstare eandem de-

§ 26 *Lib. II. Cap. VI. De Acquisitione*
nequit, cessat partis obligatio, & hinc
sibi consulere potest.

§. 7.

Aliud autem est pars imperii, aliud locus vel regio quædam in imperio. Pars constat ex regione & hominibus illam incolentibus, & imperio subjectis: locus vel regio & hominibus vacare potest. Illam invitam civitas alienare nequit, hæc libere alienatur.

Ex quo colligit auctor partem territorii desertam a civitate vel populo libero recte alienari: vel a rege & populo simul, in regnis usufructuariis, vel a rege solo in patrimonialibus.

Ratio satis clara. Ubi nemo est qui contradicere possit, ibi aliquid jure sit. Hic autem territorii pars vacua hominibus nec potest contradicere nec conqueri sibi factam injuriam, adeoque jure illud alienatur a populo.

Populo autem jus est contradicendi, si ex possessione hujusmodi terræ reip. periculum immineat: e. g. si montana regio vendatur, & emtor eam castellis & præfidiis munit.

§. 8.

Quum itaque partem imperii alienare nefas sit, sine ejus consensu: quæritur, annon exceptionem admittat hæc regula?

Sunt quidam ex Jctis in margine allegati, qui duplicem comminiscuntur exceptionem, 1) ubi necessitas totius corporis id exigat, 2) ubi suadet utilitas insignis.

Sed

Sed recte Grotius utramque exceptionem rejicit. Nam

1) Ob necessitatem se pars illa corpori adgregavit; ergo absurdum esset, si urgente hujusmodi necessitate alienaretur, & contra naturam pacti rejiceretur a corpore.

2) Ob utilitatem nihil contra pactum fieri a civitate potest cum detrimento tertii: ergo nec ob utilitatem alienari potest pars imperii, nisi ea alienatio utrique utilis, & pars illa consentiat. Absurdum enim esset, unum paciscentem pactum violare posse sub prætectu utilitatis.

§. 9.

Quum ergo alienatio pactis imperii prohibita sit: quæritur, an alienatio & infeudationem ac oppignorationem comprehendat, adeoque & illæ prohibita sint?

Regulæ de ea re paullo accuratius formandæ. Regnum vel patrimoniale est, vel usufructuarium. 1) In patrimonialibus imperans, quum alienare possit pro lubitu, potest & infeudare & oppignorare: nec quisquam id jure impedit.

II. In usufructuariis quum omnis alienatio prohibita, prohibita etiam infeudatio & oppignoratio, nisi consensu populi, vel eorum, qui populum repræsentant, statutum. Sic e. g. princeps ecclesiasticus adhibere tenetur consensum capituli, Rex vel princeps pares curiæ, vel in jure feudali vocantur.

Porro sciendum feuda vel de novo constitui, vel antiqua renovari, vel aperta
novo

novo vasallo concedi: III. Primo casu valent regulæ paullo ante expositz. IV. Secundo casu non opus est populi consensu, immo injuriam facit dominus vasallo, si investituram deneger, quia ex contractu tenetur. V. Tertio casu & usufructuario conceditur infeudatio in rebus infeudari solitis. 1. §. 6. 2. F. 35. §.

Sed quaeritur, cur infeudatione & oppignoratione idem juris sit, quod in alienatione, quum tamen in infeudatione dominium directum; in oppignoratione plenum dominium retineatur? Resp. 1) quia dominium directum omni utilitate privat dominum. Omnes enim fructus capit Vasallus, adeoque muleum utilitatis subtrahitur civitati vel reip. 2) Quia in oppignoratione non solum possessio naturalis amittitur, sed & ea recuperari nequit, nisi re veluti iterum emta.

§. 10.

Vidimus hætenus, quatenus prohibita sit alienatio partis imperii, succedunt jam aliquot limitationes & ampliaciones, uti a Jctis vocantur.

I. Limitanda est regula in casu functionum civilium, quas ex mente Grotii populus in perpetuum jure hereditario concedere potest, non item princeps usufructuarius, sive electione siq; lege ad successionem vocatus, quia temporarii regni effectus non nisi temporarius esse possit.

Sed hoc falsum, & periculo non caret istud principium, effectum temporarii regni non posse esse perpetuum. Quid fiet ergo paci & foederi ab hujusmodi rege inito?

Tu

Tu dic: Omnes principes & rectores civitatum possunt officia & munera civitatum in perpetuum & jure hereditario concedere, si id mos civitatis ferat: non ubi contraria consuetudo est. Nam

1) res non est tanti, ut ideo comitia statim indicentur totius populi.

2) Quod semel consuetudine inolevit, in id populus consensit tacite. Quid enim interest, suffragio populus voluntatem suam declaret, an rebus ipsis & factis? *Lib. 32.*

§. 1. f. de LL. & SC.

3) Ubi consuetudo hujusmodi non obtinet, ibi princeps sequi tenetur officiorum naturam, quæ in se non perpetua sunt, sed cum persona expirant.

§. 11.

II. Ampliatio pertinet ad bona principum domanialia. Princeps possidet bona triplicia. Alia enim pertinent ad patrimonium, (Chatoull-Goederen) alia ad fiscum, (Domainen) alia ad ærarium.

Ad patrimonium pertinet, quidquid princeps possidet non tanquam princeps, sed tanquam privatus, e. g. quod habuit ante principatum, tanquam privatus, quod sua pecunia emit, tanquam privatus. Sic e. g. Principes Orientales Frisiz patrimonium habent Esens & Grietsiel, quia id possederunt jure allodii, antequam ad principatum pervenissent.

Ad Fiscum vel domanium pertinet, quidquid ad sustentandam principis aulam destinatum, unde etiam in Episcopalibus vocatur Fasel-Goederen, eoque non solum per-

pertinent jura quædam pinguiora, e. g. venationis, metalli fodinarum, mulctandi, &c. verum etiam præfecturæ quædam & prædia, Cammer-Göederen, Vorfliche Ambachten, &c.

Ad ærarium pertinent, quæcumque sustentandis reip. oneribus inservium, ut tributa, vectigalia, &c. Quod discrimen & modum acquirendi singula egregie exposuerunt KLOCKIUS in *tr. de ærario*, & THOMASIIUS in *diff. de præcipuis modis quibus acquirit Fiscus*. CONRING de prudentia circa ærarium recte consuevendum & compleendum.

In patrimonio princeps est dominus; in Fisco usufructuarius, in ærario nudus administrator.

An ergo hæc bona alienare potest? Patrimonio potest, domanialia & quæ ad ærarium pertinent non potest, quia hic nullum dominium habet, quod possit in alium transferre.

Immo ne populus quidem alienare potest domania, quia principi est jus in illis quaesitum: quum tamen possit populus de ærario disponere, in quo tanto plus juris habet populus, quanto minus princeps habet.

Et hinc jus illud nascitur revocandi domania, nulla obstante præscriptione, quod sæpe familias graviter affligit.

§. 12.

Monet jam GROTIUS, non confundenda esse patrimonia cum iis, quæ in fructu sint: Nam e. g. metalli fodinæ sunt in fructu, quia sunt domanium, & hinc a principe alie-

alienari nequeunt; aut pecunia, quæ inde redit, est in dominio & patrimonio Principis, & potest hic de ea pro lubitu disponere. Quod exemplum clarius rem illustrat, quam quæ adduxit Grotius.

§. 13.

Redit auctor ad oppighorationem, & quum antea docuerit, eam fieri non posse a Principe, sine consensu populi: jam limitationem addit nisi Princeps plenum habeat & absolutum Imperium.

Nimirum in hujusmodi principalibus & regis aliquando contingit, ut tributa ob necessitatem publicam non possint tam celeriter colligi. Hinc Princeps pecuniam mutuam sumit, & aliqua bona publica vel domanialia oppignorat: quæ postea populus luere tenetur. An id fieri potest? Omnino. Nam proinde est, siue subditi tributa inferant in ærarium, siue iis luant bona oppignorata.

§. 14.

Reliqua est posterior pars capitis de testamento. Nam & hic facto hominis dominium ab uno ad alterum transfertur. Hic quaeritur

1) Quid sit testamentum. Est alienatio rei conditionalis & revocabilis, retenta interim possessione & plenissimo fruendi jure. Ita Grotius, sed falso. Definitio enim meras continet contradictiones. Alienatio est translatio domini. Aut testamentum non transfert dominium, quamdiu testator vivit. Immo se invicem tollunt alienatio, & revocabilitas, alienatio, & nullius juris.

Hein. de Jure Belli, &c.

P

in

in heredem translatio. Falsum quoque est, testatorem sibi retinere tantum possessionem & jus fruendi. Retinet enim ipsum dominium plenissimum, quia non possidet nomine heredis, sed suo, & habet præterea jus vindicandi rem ab unoquoque, etiam ab ipso herede. Quis autem dixerit possessorem vindicare rem posse?

Hinc rectius dixeris, testamentum esse ultimam voluntatem de eo, quod quis post mortem suam fieri velit. Jure civili hæc definitio non sufficeret. Sufficit tamen, si abstrahas a jure civili.

2) An juris naturæ sit testamentum? Adfirmat Grotius, quia liceat unicuique alienare sub conditione, revocabiliter. Sed hunc ejus conceptum jam destruximus. Nam 1) testamentum demum valet, quum jam velle amplius nequit testator. Id tam inconcinnum est, ut voluntas nostra incipiat, postquam velle desimus, id est, postquam non volumus. 2) Nullum potest reperiri fundamentum obligationis ex jure naturæ tantum, cur mortui voluntati parere teneamur. 3) Absurdum est leges de successione ab intestato tolli voluntate privati, maxime quum 4) pleraque testamentata ex invidia, odio & aliis vitiis oriantur.

Ergo jure N. tunc valida videntur testamenta, si quis vivus transfert dominium rerum suarum vel possessionem. Sed tunc testamentum non erit irrevocabile.

n. 2. 3) An & exteri testentur? Recte Grotius hujusmodi prohibitionem ex jure civ. esse ait. Sed tamen non sequitur, si jure civi.

civili exteri non possunt testari, id posse eos facere jure naturæ, quia jam ostendimus, non absolute testamentifactionem esse juris naturæ.

Ergo hypothetice respondendum erit. Posito enim testamentifactionem esse juris naturæ, & quatenus est juri naturæ consentanea, eatenus nulla est jure nat. inter cives & peregrinos differentia, & testamentifactio his æque ac illis concedenda.

C A P U T VII.

*De Acquisitione derivativa, qua fit per
Legem, ubi de Successione ab
incestato.*

§. 1.

Adquiritur aliquid vel facti hominis, vel facti legis. Lex vel naturæ & gentium est, vel civilis.

Jam de lege civili non agitur 1) quia modi fere infiniti sunt, variarum gentium legibus variis introducti. 2) Quia & modi quidam acquirendi civiles injusti sint, veluti bona naufragorum colligendi jus, quod multæ gentes sibi vindicant.

Hoc jus defenditur alioquin his argumentis:

1) Quod mare sit sub imperio Pp. ergo & bona naufragorum tanquam accessorium

334 *Lib. II. Cap. VII. De Adquisitione*
maris facta. Resp. Eodem modo colliges:
Metalli fodinæ sunt Principis. Ergo si an-
nulus incidit in hanc cavernam, ille fit
Principis, si annulus meus incidit in fon-
tem Titii, fit Titii. Quasi pro accessorio
sit habendum, quod nec natura, nec in-
dustria hom. rei accedit.

2) Res pro derelictis habitæ sunt nul-
lius: cedunt ergo occupanti. Resp. Si nul-
lius sunt, quidni cedunt omnibus, sed fis-
co? cur ipsi domino rem suam occupanti
eripiuntur a fisco? Et quis unquam audi-
vit rem pro derelicta haberi, quam velim
inter res meas habere?

3) Æquum est, has res pro defensione
maris cedere fisco. Resp. Immo iniquum
est, a miseris exigere præmium vel mer-
cedem; & non potius ab illis, quibus de-
fensio profuit.

§. 2.

n. 1. Porro lege nat. & gent. dupliciter ad-
quirimus; vel explectione juris, vel succes-
sione ab intestato.

Expletio juris est jus accipiendi & sibi
vindicandi aliquid alienum, pro eo, quod
sibi debetur. Id non uno modo fieri so-
let, veluti.

1) Privata auctoritate, a) per retentio-
nis jus, e. g. Titius mihi debet 100. com-
modavit mihi libros magni pretii, ego hos
libros nego me redditurum, donec satisfac-
cerit. Et hoc modo defendunt exemplum
Israelitarum, vasa aurea & argentea Ægy-
ptiorum pro mercede operarum debita re-
tinen-

derivativa qua fit per Legem, &c. 335
tinentium. Vide locum. TERTULL. l. 2.
adv. Marcion. in nota allegatum.

b) Per pignoris capionem. Sic e. gr. moribus obtinet tantum non ubique, ut si hominem vel quadrupedem damnum dantem in meo deprehendam, tunc pignus capere possim, idque judici offerre, tam diu retinendum, quoad mihi fuerit satisfactum.

a) Publica auctoritate a) per arrestum si debitoris mei res jussu judicis retineantur, donec mihi fuerit satisfactum. b) Per repressalias, si gens nobis vel nostris subditis satisfactionem denegat, & nos subditorum alienorum rebus & bonis tam diu manus injicimus, donec fuerit satisfactum.

Sed quaeritur, an licita sit hujusmodi juris expletio? Resp. affirm. sed certis casibus. n. 2.

1) Si aliter rem recuperare non facile possim; e. g. si debitor in fuga sit, vel in provincia remotiore habitet, quis enim tunc vitio vertat, si jure relationis vel arresti utamur?

2) Si alias incerta foret probatio e. g. Si boves agrum meum depascentes deprehendo, eosque abigo, & deinde conqueror, vicini boves mihi damnum dedisse negabit hic, boves suos fuisse: quis ergo vitio mihi vertet, si pignus ceperim?

3) Si plane a judicibus nullum auxilium sperandum, e. gr. si exteri judices nobis denegent justitiam, tunc enim locum habent repressalia, de quibus infra.

Ratio una omnium horum jurium;

P 3 quia

quia quemadmodum mihi jus privatæ defensionis reviviscit, ubi judicis non est copia, ita eodem modo & jus privatæ satisfactionis, si a iudice nihil spei.

§. 3.

Alter modus acquirendi ex facto legis est **SUCCESSIO AB INTESTATO**, eaque vel privatorum §. 3. 11. vel imperantium §. 12. ad fin.

Primo quæritur, quodnam sit successionis ab intestato fundamentum?

Si omnes leges civitatum variarum inter se comparamus, in successione ab intestato duplicem earum finem deprehendimus. Alii enim populi ad familias earumque conservationem respexerunt, uti veteres Romani; unde non succedebant emancipati, non cognati, sed soli liberi sui, & his deficientibus, agnati: Quia ex L. Voconia ne filia quidem & agnatae admittebantur. Ita & apud Israelitas filiis tota hereditas cedebat, filiabus sola dos debebatur. Vid. III. BYNKERSHOEK *Obs. lib. 2. cap. 1.* SELDEN. *de Success. Ebr. cap. 1.*

Alii populi successionem ab intestato referebant ad voluntatem defuncti præsumtam. Unusquisque enim præsumitur res suas ei relinquere velle, quem habuit charissimum. Aut enim res voluit nullius esse, aut fisci vel ærarii aut iis obtingere, quos duce natura maximi fecit. Atqui primum absurdum, sic enim cederem occupanti, adeoque nemo per vicam sciret, annon inimico, annon stulto adquirat. Secundum absurdius, Sic enim fiscus postremo solus omnia oc-

cu-

cuparet, E. præsumtio est, relicta illa bona voluisse defunctum illis, quos habuerit charissimos. Et hoc fundamentum videtur J. N. & G.

Si ergo porro quæras, quos habere videamur charissimos: experientia docet, amorem descendere, si non habeat, quo descendat, tunc adscendere, si nec adscendere possit, ad latus divergere. Ergo successio 1) est descendendum, 2) his deficientibus adscendum, ac denique 3) nec his superstitibus collateralium,

§. 4.

Prima ergo & præcipua est successio liberorum vel descendendum. Hujus successio-n.1. nis fundamentum Grotius constituit in obligatione ad alendos liberos: sed perperam. Nam colligi non potest: Parentes liberis debent alimenta: ergo & bonorum partem debent. Ita enim succederent tantum parentibus liberi infantes impuberes & minores, non adulti, & majores, nec hi tantumdem sibi capere possent, quam illi. Immo agnati sic plane non succederent. Accedit, quod potius in contrarium argumentari liceat, parentes jam alimentorum onere premuntur, ergo non imponendum illis novum onus liberis relinquendi bona. Ergo potius verum fundamentum est, quod §. antecedente exposuimus, nempe, quod amor descendit. Elegans ea de re est locus ARISTOTEL. *Ethic. lib. 8. cap. 12.* *Magis adscitur causa gignens erga genitum, quam genitum erga gignentem. Nam quod ex aliquo erit, id ei quasi proprium est. Post hos*

Sed rem tamen expendemus. Querit Grotius, an parentes alimenta debeant liberis? Negant alii, alii adfirmant. Grotius utrosque conciliare conatur distinguendo inter obligationem perfectam, vel iustitiam explettricem, & imperfectam, seu attributricem. Non priore, sed posteriore parentes obstringi ad alimenta præbenda putat.

Verum videtur omnino obligatio perfecta esse. Idque probó 1) a fine Dei, qui dum liberos imbecilles & sui ipsius incuriosos creavit, voluit eos ab aliis ali: dumque parentibus tam tenerum eorum amorem inseruit, præcise voluit, ut a parentibus alerentur. Quod vero voluit Deus id pro lege Nat. est: adeoque alendi obligatio, ex lege est, & proinde perfecta.

2) Ex effectu. Ita enim argumentor: Si obligatio ad alendum tantum imperfecta esset, nemo posset puniri, si ea infanti denegaret, eumque perire fame pateretur. At puniri potest. Est E. alimentorum obligatio perfecta.

n. 2. Idem Grotius illustrat instinctu illo naturali brutorum. Nullum enim est animal quod pullos non alat eoque saltim, donec ipsi sibi offulas quærere possint. Quamvis itaque bruta id non faciant ex lege, vel obligatione interna, sed ex naturali instinctu: certe tamen inde licet argumentari.

Si ex hoc instinctu naturali patet, Deum velle, ut bruta alant pullos: multo
ma-

derivativa, qua fit per Legem, &c. 339

magis ex amore hominibus infuso sequitur, ut parentes alant liberos.

Quærit porro, quid de liberis ex damnato coitu natis sentiendum? an & illi alendi?

Alii illos vetat JUSTINIANUS N. 89. c. 15.

Quod absurdum plerisque videtur. Nam quum penes illos nulla culpa sit, sed penes parentes: quo jure poena illis irrogabitur, & tam dura quidem, ut fame pereant?

Sed quidquid sit de verbis Justiniani durissimis: sane ejus sententia tam dura non fuit. Voluit enim, ut alimenta acciperent non civilia, secundum parentum conditionem, sed naturalia & necessaria, quæ sufficiant vitæ conservandæ. Alii aliter.

Nobis sufficit, quod ex J. N. certissimum sit, hos quoque liberos alendos. Hæc enim obligatio est ex conditione liberorum sibi alendis non sufficiente. Quum ipsi se alere nequeant, ab aliis secundum intentionem Dei alendi. Sed a quo? In liberis justis & legitimis hoc ipsum ostendit instinctus parentum naturalis: idemque adest erga liberos illegitimos. Si vero in parentibus supprimatur, aut in odium mutetur, & inde est, quod parentes ex damnato hujusmodi coitu metuant poenam. Sufficit, ergo parentes esse liberorum hujusmodi causam. Gignens vero causa semper erga genitum adficitur, uti paullo ante ex egregio loco Aristotelis vidimus.

Denique & liberos ulteriorum graduum alendos recte observat GROTIUS. Dum

n. 4.

P 5 vero

vero id Justiniani testimonio probat ex L. ult. C. de bon. quæ lib. quippe qui hoc propter ipsam naturam fieri oportere ait, rem non satis demonstravit. Nostrium fundamentum est solidius. Amor descendit, & quo magis descendit, eo flagrantior esse solet. Unde magis plerumque nepotes amant avi, quam liberos parentes. Ergo ex hoc ipso instinctu naturali recte colligas, eos, si parentes præmortui sint, ad alendos illos abstrictos esse.

§. 5.

n. 1. Jam de parentibus. De iis concedit Grotius, quod sint alendi, sed non putat tantam esse obligationem quam superiorem, additque rationem, quia liberi in hoc mundi theatrum prodeuntes nihil secum adferant: parentes jam aliquid lucrari potuerint.

Nos ita dicimus. Obligationem æque perfectam esse liberorum, alendi parentes, quam parentum alendi liberos: quum enim illa solo instinctu naturali nitatur, huic accedit & alia causa, nempe gratitudo. Liberi enim simile beneficium a parentibus acceperunt. Immo ex regula justæ concludi potest. Liberi inopes & rerum omnium indigi noluerunt negligi a parentibus, ergo nec hi negligendi a liberis. Quod tibi non vis fieri, alteri ne feceris.

Sed in eo est differentia, quod quum obligatio parentum sit ordinaria & absoluta, quia liberi alimentis semper indigent, liberi obligentur extra ordinem & hypothetice: si sc. parentes sint inopes.

Hinc jam querit Grotius, an & parentes

tes ab intestato succedant? Negat Grotius, & magnam dicit differentiam inter parentum liberorumque successionem.

Has ait succedere ipso jure naturæ: adeo ut Apostolus ex ipsa ratione arguat: *Si estis liberi, eritis etiam heredes*, & Paulus in L. cum ratio ff. de bon. dan. id ex lege & ratione naturali derivat, quod succedant liberi.

Sed dupliciter hic videtur peccare Grotius, 1) quod principium suum deserit. Liberi succedunt parentibus, quia ab his alendi. Parentes non succedunt, quum tamen alendi. Ergo aut principium Grotianum falsum erit, aut conclusio, aut utrumque.

II. Quod negat parentes succedere liberis naturali jure. Quum enim totius successionis fundamentum, ut supra dictum, sit amor præsumtus, liberis vero non exstantibus, neminem magis amare præsumamur quam parentes: hos quoque liberis deficientibus succedere æquum est. Verba Pauli Apostoli interpretanda de ordine naturæ, secundum quem parentes liberis non deberent esse superstites.

§. 6.

Vidimus hactenus succedere liberos, & his deficientibus parentes. Liberi sunt vel primi vel ulteriorum graduum. Quæritur itaque an & hi succedunt?

Resp. distinguendum, an nepotum parentes adhuc superstites sint, nec ne. Si superstites sunt: ipsi nepotes per regulas rectæ rationis non admittentur, quia ipsi

jam per parentes heredes fiunt. Si parentes præmortui, merito admittuntur, quia tunc æque amantur ab avis ac ipsi liberi. Immo avi liberorum suorum veluti imaginem in nepotibus intuentur, & sic eodem loco sunt apud avos, quo parentes eorum adhuc vivi fuerunt.

Ex quo, simul recte colligas, nepotes tantumdem accipere ex hereditate avita, quantum accepturi fuissent parentes eorum si vixissent. Unde omnes leges agnoscunt nepotes non succedere in capita, sed in stirpes jure repræsentationis.

§. 7.

Sed hæ regulæ: sequuntur exceptiones. Prima est, si parentes vel abdicent, vel exheredent liberos. Abdicatio erat, quando quis liberos male feriatos ex conspectu suo abire & suo nomine non appellari jubebat. Exheredatio, quando liberi quidem in potestate manent, sed solemniter testamento exheredes fiunt. Illa Græcis, hæc Romanis notior.

Facta hac abdicatione vel exheredatione expirat jus succedendi. Nam succedunt liberi ex præsumta voluntate parentum: quia hi illos maxime diligere præsumuntur. Atqui præsumtio semper cedit veritati, quæ tunc adest, si declarant parentes, se liberos nec amore nec successione dignos judicare.

Ex quo tamen simul patet, 1) nec abdicationem nec exheredationem valere tacitam, quia parentes injuriarum oblivisci potuerunt. 2) Eandem factam esse debere

cx

ex iusta causa, ob ingratitude, quod & Justinianus merito iussit observari, quum olim liberi pro lubitu, & sæpe sine ratione in gratiam novercæ exheredes scriberentur.

§. 8.

Altera exceptio est. Si liberi sint incertæ originis. Nam tunc denuo cessat præsumptio voluntatis parentum, quippe qui ignorantur. n. 2.

Equidem de matre raro nasci potest dubitatio: sed de patre tanto frequentius nascitur. Elegans est locus Menandri a Grotio eam in rem adductus.

Sed quia sæpe pater &que nescit, se parentem non esse, ac, se esse: immo sæpe patres zelotypiæ cæstro perciti uxoris pudicitiam sine ratione in dubium vocant: hinc leges civiles plerumque non testimonium patris sequuntur, sed præsumptiones urgentes. Hinc regulæ: Pater est, quem iustæ nuptiæ demonstrant. Qui concubitus falsus est cum muliere, is tenetur infantem alere, &c.

In historia ducis d' Ossuna, Hispani ingeniosi & acuti legimus, ad eum, quum regno Neapolitano Pro-Rege præfesset, venisse patrem, & rogasse, ut sibi liceret liberos ex uxore natos abdicare, quia dubitet se patrem esse. Uxor pudica & honesta vocata ad Pro-Regem, adseverabat, liberos esse patris, quia quotidie eodem secum lectulo utatur, nec unquam potuerit vel in suspicionem se adducere. Pater hæc omnia fatebatur, sed negabat tamen se certum esse, quia liberi non referant faciem suam, uxorem quoque esse formosam,

san, & hinc periculo insidiarum expositam. Pro-Rex quum videret, hominem Zelotypia insanire: quærebat ex eo, an acquieturus sit, si ei demonstraret, quod liberi non alterius sint, quem ejus. Affirmante hoc, pergebat: An tu fateris, liberos tuos esse uxoris? Fateor, inquit. Jam tibi uxori præcipio, ut liberos huic solemniter dones. Faciam, inquit hæc. Ergo jam certissime, inquit Pro-Rex, tui sunt. Lepida & jocosa decisio, sed quo ostendere voluit Pro-Rex, non posse circa hanc quæstionem omnia ad vivum refecari, sed standum esse præsumtionibus.

n. 3. Tertia exceptio est in liberis naturalibus, per quos non intelliguntur spurii, quorum parens incertus, nec ex damaato coitu nati, veluti adulterini, incestuosi, sed ex concubina editi.

Hi ex ipso jure civili succedunt matri: patri non item, nisi ex jure novissimo in sextante una eum matre, si adhuc exstat.

Sed quum supra demonstratum sit, inter nuptias & concubinatum J. N. nihil esse differentiæ, facile patet, nec hanc prohibitionem ex J. M. sed ex jure civili esse. J. N. naturales æque succedunt ac legitimi, quia nuptiæ nihil conferunt ad instinctum illum & amorem a natura impressum.

Quarta exceptio est ex pacto, si ineatur concubinatus vel matrimonium ad morganaticam, ea lege, ut liberi non succedant, sed certa bonorum portione contenti sint. Tales conjunctiones frequentissimæ apud

Ro-

Romanos, Ebræos, Germanos, Brabantos, de quorum jure devolutionis supra dictum.

Quæritur autem, an hujusmodi pacta non repugnent J. N. quum liberis auferant jus successionis? Resp. neg. Nam fundamentum succedendi non aliud est, quam præsumta parentum voluntas, petita ex amore liberorum insigni. Præsumtio autem cedit veritati, id est, voluntati expressæ, pactis declaratæ.

Quia tamen abusus harum conjunctionum non levis esse potest: hinc jure civili saltem privatis plerisque locis interduntur.

§. 9.

Post liberos & parentes, vel his potius ^{u. l.} non exstantibus vocantur proximi collaterales.

Quum autem hi duorum generum sint, agnati, a patre, & cognati a matre conjuncti: quæritur qui præferantur?

Notum est, veteres Rom. agnatos solos admisisse: sero prætorem cognatos vocasse ex edicto, undè cognati. Novum jus inter agnatos & cognatos nihil statuit discriminis, sed ad solam proximitatem gradus respicit. Denique aliæ gentes respiciunt ad originem bonorum, & in paternis præferunt agnatos, in noviter acquisitis utrosque simul admittunt.

Jam si quæras, quodnam jus rationi, id est J. N. quam maxime sit consentaneum? Grotio postrema sententia placet.

Id probat 1) ex præsumta defuncti voluntate.

luntate, qui censetur voluisse, ut bona eo redeant, unde venerint.

n. 2. 3. 4 2) Ex lege gratitudinis. Ea nihil æquius.

Quum itaque defunctus beneficium acceperit a majoribus vel paternis vel maternis: sequitur, ut obligatus sit ad gratitudinem, adeoque bona paterna illorum; materna horum posteris relinquere teneatur. Defunctis enim gratia referri non potest, nisi in eorum liberis.

Id quod porro illustrat Grotius exemplo juris Romani, quod olim fratres consanguineos in paternis, uterinos in maternis bonis prætulit, & deinde concludit, si non existent eorum posteris, a quibus bona ad nos prætulit, & deinde concludit, si non existent eorum posteris, a quibus bona ad nos pervenirent, tunc proximitatem gradus spectandam.

Hæc est doctrina Grotii, sed non extra omnem dubitationis aleam posita, & hinc nec ab omnibus admissa, plerique enim naturalissimam putant successionem, quæ ad solam gradus proximitatem respicit. Idque probant 1) ex præsumpta voluntate defuncti, quæ non alio nititur fundamento, quam proximitate gradus, quæ in cognatis ac agnatis eadem est. 2) Quia hæc dispositio fere locum habeat in immobilibus: in pecunia enim aliisque mobilibus sæpe admodum dubium est, unde ea pervenerint, quam tamen hic de successionem omnium bonorum quæstio sit.

Ad argumenta Grotii facile responderetur.

1.) Ad primum. Non præsumitur defunctus

ctus voluisse, ut quos æque amet, ii inæqualiter succedant. 2) Gratitude debemus defunctorum posteris, sed non præcise, ut succedant: a genere ad speciem gratitudinis non valet consequentia. Ita unius cujusque benefactoris liberi prætere de possent successionem in bonis clientis.

§. 10.

Jam de bonis noviter quæsitis, quæ communia agnatorum cognatorumque esse fatetur Grotius. Recte, nam 1) fundamentum successionis est, ut bona habeat, quem defunctus habuisse censetur charissimum, is vero proximus est gradu.

2) Successio, veluti tacitum testamentum est, uti enim in expresso testamento quos amamus, & maxime honoramus: ita & tacite heredes instituere videmur, quæ nobis sunt charissimi.

Possent objici, sæpe hanc præsumptionem fallacem esse, nam quum fratrum quoque gratia rara sit: multo rarior cognatorum esse solet. Sed resp. Præsumptioni tamdiu locus est, donec aliud probetur. Amor est internus, nec potest, nisi signis externis declarari: quod quum non fecerit defunctus, standum est præsumptioni.

§. 11.

Quærit porro A. quum hic ordo successionis sit J. N. cur tam sæpe legibus civilibus mutetur?

Resp. quia hæc leges 1) sunt J. N. permissivi non præceptivi, hujusmodi autem leges

348 *Lib. II. Cap. VII. De Acquisitione*
leges possunt attemperari statui reip. pos-
sunt mutari pactis & moribus. Hinc :

1) Jure civ. jus representationis valet
in fratrum sororumve liberis, jure Sax.
non valet.

2) Jure civili fratres germani præferun-
tur unilateraliбус : aliis juribus non præ-
feruntur.

3) Jure civ. non distinguitur ætas &
sexus: aliis juribus, veluti Hebræo, præferun-
tur primogeniti postgenitis, filii filiabus.

In his determinandis multa permittun-
tur legislatoribus.

n. 2. Jam vero ad alteram capitis partem præ-
greditur Grotius: & uti semper solet prius
J. N. proponere, idque deinde adplicare
quæstionibus illustribus: ita & hic transiit
ad jus publicum universale, & quærit, an
in successione in principatus & regna
singulare quid obtineat.

Recte observat, distinguendum esse, an
singulares eam in rem exstant leges fun-
damentales, pacta familiæ, mores & con-
suetudines, an nihil horum exstet. Priore
casu valere regulam: *Omnes imperantes in
regno probare successionem, quam subditis ipsi
prescripserunt*: Sed addendum erat: *quæ-
rens naturæ regni non repugnat*. Nam regni na-
turæ, uti paullo post videbimus repugnat,
ut dividatur inter plures ejusdem gradus,
quum nihil impediatur, quominus privato-
rum hereditates dividi possint. Dicendum
ergo de hac successione in regnis paullo
accuratius.

Regna vel patrimonialia sunt, vel usufructuaria. In patrimonialibus regnum veluti privati patrimonium consideratur, adeoque imperanti de illo licebit pro lubitu disponere, non requisito populi consensu.

Ratio ex ipsa natura dominiis arcessenda. Domini enim ea vis est, ut possit dominus de re sua disponere. Hinc sequitur.

1) Ut dividi possit etiam in partes minimas. Quum Reges Hispaniæ Mauris sensim expulsus Regnum sibi patrimoniale constituerent, non dubitarunt illud dividere pro lubitu. Sic sæpe uno tempore florebant Reges Portugaliæ, Algarthiæ, Legionis, Castiliæ, Arragoniæ, Navarræ, & hi iterum aliquando regna dividebant in partes minimas.

2) Ut feminae & excludi possint & admitti ab imperante. E. g. In Russia adsunt filia Principis; nulli filii. Si voluerit Imperator filia excludatur, & admitteretur nepos: si voluerit, etiam hic excludet filias.

3) Ut & adoptivi succedant. Hinc primi Rom. Imp. Imperium armis quæsitum considerabant tanquam patrimonium, & ideo etiam adoptivi vocabantur. Immo certum est, Imperatores de novo electos dei solitos Cæsares, Flavios, Antoninos, tantum ut per adoptionem transisse in hæc regnatrices familias viderentur.

4) Ut & nothi admittantur. Luculentum est exemplum Alphonsi Regis Arragoniæ, qui Neapolim, tanquam regnum armis Arragonum quæsitum Ferdinando Notho concessit.

5) Ut

5) Ut & extraneus, a primo acquirente sanguinem haud trahens, voluntate Imperantis succedat. E. g. in Russia jam ante aliquot annos jurarunt subditi, se quemcumque Imperator successorem dicturus sit, cum sine contradictione recepturos.

§. 13.

Quid autem si Imperans de regno non disposuerit? Tunc eam successionis rationem probasse videtur, quam regni natura fert. Hinc

1) Regnum non dividitur. Præsumitur enim rex statum reip. etiam in subditis probasse, quem probavit in se ipso: maxime quum divisio illa & reges impotentes reddat, & ipsi regno periculosa videatur.

2) Masculi excludunt feminas ejusdem gradus, immo & propiores, si per legem fundamentalem feminæ imperare nequeant. Quum enim ad regnandum requiratur constantia, & animi, magnitudo, quæ raro cadit in feminas, sequitur, ut eæ non admittantur, nisi in subsidium, & si leges fundamentales permittant. Hinc quamvis Russia sit regnum patrimoniale, feminæ tamen non succedunt, quoad masculi adsunt: & in Turcico Imperio feminæ plane excluduntur, quamvis regnum prorsus sit patrimoniale.

3) Jus primogenituræ valet. Quum enim regnum dividi nequeat per Thes. 1. nec feminæ admittantur, quoad masculi adsint, per Thes. 2. & tamen omnes filii sint ratione originis ejusdem conditionis: sequitur, ut inter eos differentiam facere debeat

derivativa qua fit per Legem, &c. 351.
beatitas, adeoque primogenitus masculus reliquo excludat.

Attamen postgenitis assignanda est pecuniæ summa, vel prædia danda sunt, unde commodè possent vivere, quemadmodum & filiabus dos debetur. Hæc bona vel pars terræ si ita dentur, ut possessor simul regalia, sed sub Principe regnante exerceat, vocatur PARAGIUM. Sin ex prædiis tantum redditus capit, nulla autem jura majestatis exerceat, vocatur APPANAGIUM, a pane, quem inde habent. Sic duces Burgundiæ olim erant in Ducatu & Comitatu Burgundiæ *paragiati*; alii fratres Electoris Hannoverani sunt *appanagiati*; Vid. SCHILTERI & THOMASII *dissertationes de differentia paragiorum & appanagiorum*.

Ex quo simul patet, injustissimum esse Turcarum & aliarum gentium orientalium institutum, dum post genitos vel trucidant, vel oculis privant, vel perpetuo carceri mancipant, ne turbas dent in republ. Necessitate se excusant, sed frustra, quum regnorum Europæorum facies ostendat, posse & sine his artibus tyrannicis postgenitos in officio contineri.

§. 14.

Haftenus de regnis patrimonialibus. Quid de usufructuariis? an & ibi imperans potest de regnis disponere? Negatur: quia disponit solus dominus, qualis non est Rex usufructuarius. Hinc recte ab Austriacæ domo impugnatum est testamentum Regis Hispaniæ Caroli II. quia regnum Hisp. a linea Austriacæ non fuit bello quæsitum, sed

352 *Lib. II. Cap. VII. De Acquisitione*
sed matrimonio. Vid. BUDDÆI *selecta* J. N.
& G. ubi binæ dissertationes de testamen-
tis regiis, & imprimis Caroli II. Opposuit
priori OBRICHTUS Jctus Argentoratensis
Excerpta Historica juridica: sed quibus alte-
ra dissertatione ita satisfacit Buddeus, ut
causas perorarit.

Potest tamen fieri, ut populus hujusmo-
di regi facultatem de regno disponendi ul-
tro permittat: & tunc recte & jure dispo-
nit. Recentissima hanc in rem sunt binæ ex-
empla reginarum, alterum Elisabethæ Re-
ginæ Angliæ, quam sæpe rogaverat parla-
mentum, ut successorem sibi nominaret:
alterum Christinæ Reginæ Sveciæ, cui ean-
dem facultatem fecerant Sveciæ ordines.
Illa ex causis politicis ea potestate uti no-
luit, ne turbæ darentur, se viva, hæc au-
tem usa est, & nominato sibi successore Ca-
rolo Gustavo, comite Palatino, in Italiam
secessit. Vid. BUREND. *Hist. Regni Sveciæ*.

Quid vero si nihil hujusmodi factum?
Tunc observanda regula: Successio defer-
tur ex præsumpta populi voluntate. Quum-
que populus eam eligere censeatur succe-
dendi rationem, quæ sit utilissima reipubli-
cæ: sequuntur inde aliquot regulæ, quas
hoc & sequentibus §§. explicat Grotius.

Regula I. Regnum esto individuum. Ni-
hil enim & regibus & populo divisione re-
gni molestius. Regibus, quia plerumque de
finibus oriuntur controversiæ, ceu exempla
filiorum Constantini M. & Ludovici Pii
docent. Populo, quia sic regni potentia
imminuta, singulæ partes facilius oppri-
mun-

derivativa qua fit per Legem, &c. 353
muntur, ceu apparet exemplo veterum Anglo-Saxonum, a Danis & Normannis oppressorum.

§. 15.

Regula II. Successio stat inter eos, qui descendunt a primo acquirente. Præsumitur enim 1) populus eam familiam regnatricem elegisse, non aliam. 2) Agnati a primo acquirente non descendentes nec jure hereditario possunt succedere, nec titulo singulari. Non titulo singulari, quia non eliguntur a populo: nec universali, quia a majoribus in eos nihil juris transmissum. Ergo plane non succedunt.

Hinc quamvis magnæ Britannię Rex hodiernus sit ex domo Brunsvicensi & Lüneburgensi, tamen extincta ejus posteritate regnum non devolveretur in agnatos Guelpherbitanos, quamvis & ipsi sint Duces Brunsvicenses: quia non descendunt a Sophia Electrice, matre Regis hodierni tanquam primo acquirente.

§. 16.

Reg. III. Non succedunt extra legitimum matrimonium nati. 1) Nam nothos origo contemptos reddit &c. 2) Non satis certæ originis sunt, quum concubinis & pellicibus parum fidei & honestatis inesse soleat. Hinc tempore Jacobi II. Stuarti capitis damnatus Dux Monmouthanus, quod regnum adfectasset, quum esset filius nothus Caroli II.

Solent hujusmodi nothi vel patris titulum gentilitium retinere, vel novo indui, ita tamen ut priore casu dignitate differant.

Sic

Sic nothus Caroli V. dictus Joannes de Austria, non Archidux Austriz. Antonius spurius Burgundiz Ducis Philippi Boni, dictus est Antonius-Bastardus de Burgundia, non Dux Burgundiz. Hodie nothis Regis Poloniz dicitur Comte de Saxe. Ast in Gallia plerumque novo Ducatu vel comitatu honorantur, e. g. Duc de Maine, Comte de Thoulouse. Ast successionis incapaces sunt prorsus.

§. 17.

Regula IV. Masculi præferuntur feminis: Ea regula non tantum valet in Regnis: ubi feminæ per leges fundamentales plane excluduntur: verum etiam ubi admittuntur. Exstante enim masculo ejusdem gradus, femina non admittitur. Sic in Britannia non admittebatur Maria & Elisabetha, filiz Henrici VIII. quamvis essent natu majores, quamdiu viveret Eduardus filius, quantumvis impubes.

Ratio est, quia & 1) constantia major esse solet in masculis, & 2) fortitudo peritizque gerendi belli major, & 3) minus etiam periculum, ne per matrimonium regnum ad externos devolvatur.

§. 18.

n. 1. Reg. V. Natu maximus vel maxima antereferatur postgenitis. Rationes sunt 1) quia reip. utilitas exigit, ne regnum dividatur, 2) quia inter pares nulla potest esse, nisi ætatis prærogativa.

Est autem jus primogenituræ triplex, aut enim invecum 1) lege publica, quemadmodum in Germania inter Electores

fa-

derivativa, quæ sit per Legem, &c. 355
fæculares Aurea Bulla, aut 2) ex jure natura, ob præsumtam populi voluntatem, uti in regnis plerisque, aut 3) pactis familiaræ, uti inter principes quosdam Germ. Et hæc locum habet, si antea jus contrarium invaluerat. Tunc verò nihil fieri potest, sine omnium, qui familiaræ paræ sunt, consensu, quia illis jam jus quæsitum est.

Ceterum facile adparet, non esse jus primogenituræ J. N. absoluti, (nam sic injusta esset electio & divisio,) sed permissivi, & suaserii, ut ita dicamus. Unde nec peccavit populus Francorum, qui Ludovico Pio divisionem regni inter tres filios concessit. Conf. BODD. *Diss. de jure primog. in Select. J. N. & G. p. 151. seq.*

Quæritur attem, an & jus representationis locum habeat circa jus primogenituræ. Sæpe enim contingit, ut extincto ante patrem filio primogenito, & nepotes existant ex illo, & ejusdem fratres. Quinam præferuntur? Resp. Nepos primog. ex filio primog. excludit filium secundogenitum, jure representationis. Ratio est, quia jus primogenito semel quæsitum, ad omnes ejus posteròs transit, jure hereditario, nec fratribus prius jus aliquod reviviscit, quam extincta linea primogeniti.

Idem obrinet, quamvis primogenitus juri suo renunciaverit. Nam posteris hoc nihil præjudicat: quia renunciatio hæc fit in favorem fratris, non in favorem posterorum ejus. Fridrici I. El. Brandeb. filius Johannes suafu patris renunciabat juri suo, idque

Hein. de Jure Belli, &c. Q trans-

n. 2.

356 *Lib. II. Cap. VII. De Acquisitione*
transferebat in fratrem. Si Joannes reli-
quisset posteros, nihil ipsis obstitisset, quo
minus jus suum repetere possent.

§. 19.

Quærit porro A. an regnum sit pars
hereditatis? Idque adfirmat, sed addit,
esse separatum quid a reliqua hereditate,
quemadmodum distincta in feudis sit he-
reditas feudi & allodii.

Rationes etiam indicat, cur populi liberi
regna voluerint esse hereditaria: 1) quia
interfuerit imperii, ut imperantibus ex ipso
sanguine auctoritas accederet. Facile enim
contemnuntur homines novi regno admoti,
veluti Mich. Wisnovvicki rex Poloniae. Et
inde est, quod veteres reges originem ad
Deos referrent.

2) Ut eo commodior esset educatio.
Facilius enim artes regnatrices addiscunt,
inter sceptrum & purpuram educati, quam
qui a stiva ad imperium trahuntur.

3) Ut regnum eo carius haberent, quod
suum esse scirent, Non enim abs re obser-
vavit BARCLAJUS in *Icone animorum*, raro
reges electitios magnam curam gerere reip.
& opibus corradendis magis intentos esse
solere, quam populi saluti.

Sed quamvis hæc vera esse possint, (ali-
quando enim res aliter se habet, nec te-
mere dixit Ol. Cromvvelus, principum li-
beros nescire imperare;) falsum tamen est,
regnum hereditarium esse partem heredita-
tis. Loquitur enim GROTIUS de regnis usu-
fructuariis. Quis autem dixerit, usufructua-
rium esse heredem rei usufructuarie, si vel

maxi-

derivativa, quasi per Legem, &c. 337
maxime testamento cautum esset, ut usufructus ad filium transfret?

Quare paulo incautius Grotius confudit jus succedendi in regno, & ipsum regnum. Quemadmodum jus utendi fruendi potest ad heredem devolvi, si velit testator, sed non ipsa res, ex qua usus est. percipitur: ita & jus succedendi potest esse hereditarium, (unde & filii primogeniti vocantur Crön Prinzen, Erb-Prinzen:) sed non ipsum regnum usufructuarium.

§. 30. 31.

Ponit porro Grotius casum, si diversa sit successio in feudis & allodiis, & regnum antea successionem probarit, quæ in allodiis servatur, an postea mutetur successio; si regnum fiat feudale? Et recte respondet Grotius, id negandum esse. Regnum enim fit feudale, non ratione successionis, sed ratione nexus clientelaris, & servitorum quorundam domino præstandorum.

Sic e. g. Neapolitanum regnum olim erat patrimoniale, & sic omnes succedere poterant, quos succedere vellet Rex. Postea Papa eo rem redegit, ut feudale fieret, & reges Neap. sibi fidelitatem & servitia quædam, nempe quotannis equum album cum marsupio aureis repleto jurarent. Et tamen circa successionem nihil mutatum. Regnum enim illud etiam ad feminas devolvitur.

Unde aliud obtinet circa regna, quæ semper fuere feudalialia, quale Bohemicum. Ibi enim successio feudalialis obtinet, masculique soli succedunt: nisi alii mores feudales

Q 2

dales

358 *Lib. II. Cap. VII. De Acquisitione*
dales in locis illis invaluerint. Quamvis enim jus feudale Longob. sit commune, non valet tamen, nisi in subsidium, quemadmodum ut jus Rom. non valet, si leges provinciales & statuta aliter rem definiverint

§. 22.


§. 2. Sequitur alia divisio moribus recepta, quæ vocatur linealis, eaque denuo dividitur in cognaticam, seu Castilianam, agnaticam seu Francicam, & mixtam, seu Narbonensem.

1) Cognatica his regulis constat 1) ut primum vocentur liberi ultimi possessoris primi gradus, tam vivos, quam mortuos, eatenus ut succedant nepotes jure representationis.

2) Ut inter plures primogenitus præferatur postgenitis, masculus feminæ.

3) Ut liberis deficientibus succedat proxima linea: ita tamen ut masculina linea femininæ præferatur,

4) ut non e linea transitus fiat in aliam lineam. Exemplum dabit Schema:



Hic mortuo Philippo IV. non poterant succedere Galli, quia secundum regulam masculus praefertur feminæ. Mortuo Carolo II. succedere debuisset Delphinus Gallia, nisi mater & avia renunciaissent una cum patre & avo. Ergo succedere debuissent Leopoldi filius natu major Josephus, coque renunciante, Carolus Imp. hodiernus. Et linea extincta successio debebatur Sabaudis. His extinctis Parmensibus, nisi omnia turbasset Caroli II. testamentum.

Successio linealis agnatica, vel Francica est, quæ feminæ omnes ex utroque nati in perpetuum excluduntur.

Ejus ratio hæc est, quod alias verendum esset, ne per matrimonia regnum ad exteros devolveretur, sicuti factum in Hispania, Britannia, Svecia.


Hic quoque, quamdiu adsunt aliqui ex priore linea masculi, non succedent aliæ ex sequente linea. Sic e. g. in Gallia quamdiu Ludovici XIV. posteritas adest, tamdiu non succedere possunt Duces Aurelianenses. His superstitionibus nunquam vocabuntur Bourbonii, Condæ, Conti & sic porro.

In his regnis princeps sanguinis regii, quibus ulla spes successionis est, uti solent titulis imperantis, nisi officia personalia complectantur. Sic omnes principes sanguinis regii in Gallia dicuntur Principes Franciæ, omnes principes appanagiatæ Austriæ, Archiduces Austriæ, & sic porro.

Denique successio linealis Narbonensis est, ubi successioni feminarum locus est, sed non nisi omnibus masculis extinctis. In cognatica quidem feminis præferuntur masculi ejusdem lineæ, in Narbonensi autem masculi omnes etiam diversarum linearum præferuntur. Talis est successio in Principatibus austriacis Brunsvicensibus.

Hi sunt modi præcipui. Nec tamen dubium est, quin & alii inveniri possint pro arbitrio gentium, quia, ut sæpe monui, hæc omnia sunt J. N. non absolutæ, sed velu-

derivativa, qua fit per Legem, &c. 361
 veluti suavorii, permissivi, &c. Sic alicubi pares gradu ordine succedunt, & excludunt remotiores, ut adeo veluti ætatis tantum habeatur ratio, e. g.



Hic ex nominibus adparet, quo ordine succedi solent. Talem successionem olim in Russia fere obtinuisse, genealogiæ docent.

Alibi senior familiæ indistincte vocatur. Aliquando & alternatio placet, quæ vocari solet *die Muschirung*, ut fratres indivisim imperent, sed singuli per vices dirigant. Aliquando sortis locus est, ut is, cui fors favet principatum obtineat, & uxorem ducat, reliqui appanagiati & cælibes maneant, nisi ubi principis conjugium sit sterile. Tale pactum avus regis Britannæ hodierni, Georgius cum fratribus iniit.

§. 25.

Sequuntur adhuc quæstiones quædam, quæ ad successionem pertinent: veluti 1.) An filius a patre possit exheredari? Resp. de regnis patrimonialibus, quia in dominio imperantium sunt, res dubio caret. Ast de usufr. id negandum. Unde nemo dubitavit, quin Russiæ imp. exheredem facere

cere potuerit filium unicum, si ponas, causam exheredationis justam fuisse. Ast si alii reges id vellent conari: filius nihilominus succederet jure optimo, nisi simul populi lege fuerit exclusus.

Ratio est, quia in regnis usufructuarii liberi non succedunt beneficio patris, sed provisione ipsius legis, quæ eos ad imperium vocat. Hinc supra diximus, regna hujusmodi non esse hereditaria, quamvis jus succedendi sit hereditarium, id est ordine successionis ab intestato deferatur.

§. 26.

Quæritur II. An regnum possit abdicari? Id facile expeditur.

1) In regnis patrimonialibus quisque est regni dominus. Dominus autem potest juri suo renunciare, eaque renunciatio & liberis nocet, quia hi non nisi beneficio patris succedunt, tanquam heredes. Quod vero quis non habet, id ad heredes transmitti non potest.

2) In usufructuariis distinguendum, utrum jam liberi existent, an post abdicationem & renunciationem nascantur. Priore casu liberis non consentientibus non præjudicat renunciatio patris. Posteriori casu omnino nocet, quia iis jus nullum adhuc quæsitum erat eo tempore, quo pater renunciabat.

Hinc illustris decidenda controversia. Diximus extincto Carolo II. Rege Hisp. succedere debuisse Delphinum, nisi mater renunciasset. Ast objiciebant Galli, matrem quidem pro se renunciare potuisse, sed

derivativa, qua fit per Legem, &c. 363

sed non pro liberis. Recte respondebant Austriaci, verum id esse, si jam liberi existissent, quibus jus quæsitum fuerit: sed eam una cum rege Ludovico XIV. jurato renunciasse, antequam nuptiæ fierent.

§. 27.

Quæritur III. si controversiæ de successione nascantur, quem penes sit decisio?

n. 1.

Decisio duplex est: aut enim datur per modum jurisdictionis, aut per modum arbitrii.

Per modum jurisdictionis nec rex nec populus decidere potest has controversias, quia semper qui jus dicit, illud dicit subditis non paribus. Unde & vetus proverbium: De successione regnum, judicat Deus & gladius.

Per modum tamen arbitrii omnino ea causa pie permittitur vel regi, vel populo: quia nato bello evitari nequit regni & humani generis clades. Quanquam, si verum fateri velimus, ea opera plerumque frustranea sit, quum corrivales plerumque ad gladios ruant, nec vel rex vel populus exsequutionis gaudeat jure. Exemplum est in Lusitanica historia. Obruncato in Africa Sebastiano rege, Henricus Cardinalis, senex regnum administrabat, qui quum provideret, se mortuo rem ad arma venturam, corrivales invitabat, ut coram se jure disceptare mallerent. Litigatum diu inter Hispanum, Antonium Lusitanum, Sabaudum, sed eo eventu, ut mortuo Henrico Hispanus facile armis sibi jus diceret. Reliquis, non jus deerat, sed classes & exercitus.

n. 2.

Q 5

§. 28.

Quæritur IV. An filius in regno natus præferendus sit illis, qui patre adhuc privato suscepti sunt. Vocatur ille *græcis* *πορροροχαιντος*, & sæpe ea de re disputatum est in regnis fere omnibus. Exemplum adduxit Grotius, in quibus memoratum dignissimum est Germanicum, quia quamvis ibi nullum jus successionis, tamen Henricus Rixosus. Henrici Aucupis filius præferri volebat fratri Ottoni M. quia hic ante regnum natus sit. Unde bella perpetua.

Grotius recte negat *πορροροχαιντος* ullum jus esse, quamvis ejus ratio nulla sit. Non enim sequitur, succederent liberi ante regnum geniti in regnis dividuis: ergo & succedere debent in individuis. Ab una enim specie ad alteram non valet consequentia. Vera ratio est præsumta voluntas populi, qui dum voluit succedere liberos regis primogenitos, nec distinxit conditionem nascendi, procul dubio voluit, ut & ante regnum genitus succederet.

Exceptiones tamen quædam notandæ.

1) Si lex fundamentalis contraria exister, ut sparta, 2) si regnum vel feudum datum sit regi vel principi, & nascituris.

§. 30.

A. 1. 2. 3. Quæritur V. an locus sit juri representationis eatenus, ut nepos ex majore filio præferendus sit filio minoris? Sed quæstio jam supra decisa, & plane supervacua est. Aut enim succeditur secundum ordinem ab intestato, tunc res dubio caret, siquidem semper in hoc obtinet jus representationis in

in linea descendente: aut obtinet successio linealis: tunc non potest transiri e linea in lineam, adeoque frater natu minor succedere nequit, nisi majoris linea extincta, adeoque & hic juri repræsentationis locus est.


§. 31.

Hinc facile reliquæ

quæstiones omnes solvuntur, e. g. VI. si superstes sit frater regis minor & alterius majoris fratris filius, uter præfertur? Resp. utique majoris filius, qui si ordine ab intestato succeditur, jure repræsentationis subit locum patris: si linealis est successio, ad fratris minoris lineam transiliri nequit, quum supersit linea fratris natu majoris.

§. 32.

VII. Rex reliquit fratris filium, & patrum: uter præfertur? Fratris filius, ob eandem rationem. Exceptio est, ubi plane non est locus juri repræsentationis, sed gradus proximitati. Patruus enim gradu par est, uti schemata docent, ergo ætatis vel sexus habenda ratio.



Q 6

§. 33.

§. 33.

VIII. An nepos præfertur filia? Utique, quia sexus femininus non nisi in subsidium admittitur: si in linea eadem nullus adsit masculus. Exceptio est, ubi promiscue femina gradu prior admittitur, quod rarissimum.



§. 34.


IX. Rex reliquit minorem nepotem ex filio, majorem ex filia, uter præfertur? Resp. in lineali minor ex filio, in hereditaria major ex filia: ex eadem ratione.



§. 35. 36.

X. Pater reliquit nepotem ex filio primogenito, & filium postgenitum, uter succedet?


Resp. Si linealis successio obtinet, neptis præfertur, quia ex una linea non fit transitus in alteram. Ubi jure hereditario succeditur, neptis est ejusdem conditionis ac filius ob jus representationis, adeoque ob sexus præstantiam ab hoc excludetur. Quod exemplo Arragonico illustrat Grotius.



§. 37.

§. 37.

XI. Rex reliquit ex fratre majore nepotem, ex fratre natu minore nepotem: uter præfertur? Resp. in lineali successione neptis: in hereditaria nepos, quia inter pares præfertur masculus feminæ.



C A P U T VIII.

*De Acquisitionibus, quæ vulgo dicuntur
Juris Gentium.*

§. 1.

HActenus actum de acquisitionibus J. N. sequuntur illæ, quæ sunt J. G. quamvis is ordo parum accuratus sit. Quamvis enim J. N. & jus gentium non sint diversa, & hinc Jcti recte modos acquirendi dividant in naturales & civiles: Grotius tamen addit tertiam speciem, acquisitiones J. G. quia ipse, ceu supra docuimus, statuit jus gentium a J. N. diversum.

Quum autem ex ejus mente nulla sit acquisitio J. G. præter eam, quæ per bellum sit, ipse vero eam tractationem referret libro tertio: facile patet, nullum acquirendi modum in hoc capite explicari, qui ex Grotii mente sit juris gentium. Et inde est, quod rubrica se ita habet: **DE ACQUISITIONIBUS, QUÆ VULGO**
DI-

368 *Lib. II. Cap. VIII. De Acquisitionibus*
DICUNTUR JURIS GENTIUM. Et re-
vera hic agitur de acquirendi modis J. N.
& quidem

- 1) de speciebus occupationis §. 2. 7.
- 2) de speciebus accessionis §. 8. 24.
- 3) de speciebus traditionis §. 25. 26.

§. 2.

OCCUPATIONIS prima species est L.
captura ferarum, avium, piscium. Ubi 1)
queritur, an feræ sint res nullius?

Notum est Jctos hic distinguere inter
feras & pisces vinariis inclusos, & in sil-
vis vel stagnis circumvagantes. Illos dicunt
res nullius, hos in dominio esse fatentur.
L. 3. §. 14. de acqu. poss.

Sed dicit Grotius, hodie plerasque gen-
tes & feras in silvis vagantes, & pisces
in stagnis & fluminibus non pro rebus nul-
lius habere, idque ipsi justissimam videtur
habere rationem. Nam

1) pisces in stagno æque includuntur,
ac in vivario, hæcque non differunt tan-
tum ut loxius & angustius.

2) Silvæ etiam possunt esse bene cir-
cumseptæ, eoque casu feræ non magis
erunt in dominio, quam si domi inclu-
dantur. Ita Grotius.

Sed videtur Grotius nervum Jctum in
l. all. non satis intellexisse. Quæstio enim
est an feræ & pisces nostræ dici possint?
Id negant veteres, & dicunt, esse res nul-
lius, adeoque cedere occupanti.

Objici poterat, atqui hæc animalia esse
in silvis & stagnis nostris, adeoque nostra
esse: respondet Jctus, sed tamen non posse
nostra

nostra diei, quia nunquam possessionem eorum adprehenderimus, adeoque ea non occupaverimus. Id vero facile probatur. Possessio deprehenditur corpore & animo. Atqui feras in silvis & pisces in stagno corpore non occupavimus, ergo eas eo-que non possidemus.

Aliud dicendum de feris captis, quas domi vel in horto vel in alio loco clauto habemus: aliud de piscibus in vivario. Hæc enim animalia semel occupavimus animo habendi, ergo eorum possessio vera nobis adquista.

Interim verum est, hodie aliter philosophari homines, & furti reos esse, etiam qui e stagnis alterius pisces vel e silvis alterius feras capiunt: sed non ex rationibus ab auctore adductis, sed quia in terris per universitatem occupatis nihil censetur nullius, quod non inexhausti usus est.

§. 3.

2) Quamdiu fera nostræ sint? quaeritur. Hinc denuo examinat JCtorum sententiam, qui *L. §. 1. ff. de A. R. D.* statuunt, definire feras in nostro dominio esse, simul ac nostram effugerint custodiam.

Sed id omnino non solum rationi, sed & principiis *J. N.* repugnat. Ratio & jus civile inculcat, quod semel nostrum est, id solo animo retineri, e. g. res amissas, servos fugitivos. Ast hic quaeritur de fera nostra amissa, fugitiva, furto intercepta: quo jure dicimur ejus dominium amisisse?

Si objiciatur, videri rem pro derelicta habitam, quia difficilis sit persequutionis: facile

facile resp. 1) derelictam videri rem, eo abjectam animo, ut eam nostram esse nolumus: hinc animum vero hic non adesse.

2) Præsumptionem cedere veritati, e. g. si quis feræ signa vel crepundia addiderit.

3) Quando feræ per occupationem nostræ fiant? Resp. occupatio fit corpore & animo simul. Qui vulneravit, nondum corpore occupavit fugientem bestiam, ergo is nondum est dominus, adeoque illa ab alio potest occupari.

§. 4.

Quum vero occupatio corporalis requiratur: porro 4) quaeritur, an ea solis manibus fiat, adeo ut non prius nostra sit fera, nostra piscis, quam si manu tetigerimus? Et facile resp. Quod quis per alium facit, id ipse fecisse videtur. Ergo & quod in decuplis, laqueis, retibus ab eo positum habetur, ejus est, nec sine furti crimine ab alio potest surripi 1) modo instrumenta nostra sint, 2) in loco licito posita, 3) fera ita inclusa, ut non se vindicet in libertatem, 4) aliquid in retibus reperiatur, quod si jam in alterius dominio, e. g. equus, vacca, capra. Elegans reservatur exemplum de vitulo aqua extracto reti apud PLAUTUM in *Rudente*.

§. 5.

5) An hæc omnia hodiernum recepta? Id refellit experientia. Plerisque enim locis non sunt feræ nullius, sed principis vel eorum, quibus princeps jus venandi concessit. Et hinc non cedunt cuivis occupanti, sive manibus apprehenderit, sive decu-

decuplis retribusque ceperit. Hinc ut diximus furti rei sunt & qui feras & pisces furripiunt. Illi in Germania tertium deprehensi, si venatoribus resistent, laqueo puniuntur, alias ad operas publicas condemnantur: hi extra ordinem puniuntur.

Nonne id iniquum, & contra J. N. quod feras nullius esse monet? Resp. minime.

1) J. N. dicit feras esse nullius, quæ nondum sunt occupatæ. Atqui populus dum per universitatem occupavit provinciam, occupavit etiam, quidquid provincia illa complectitur, adeoque feræ sunt populi. Quum vero quæ nostra sunt, aliis cedere possimus: populus non facit injuste, quod, quum ipse commode eo jure, uti indivisim non posset, illud cesserit principibus, ut inde dignitatem suam sustinerent.

2) Promiscuum jus occupandi feras est J. N. permissivi. Ergo legibus novis potest restringi & tolli.

§. 6.

Per occupationem adquiruntur II. *adscripta*, id est, quæ dominum non habent. Sed hic plures limitationes addendæ. Nam locum habet hæc occupatio,

1) si occupatio fiat corpore & animo simul. Id quod denuo elegante illo exemplo insulæ Acanthi colonis vacuæ demonstrat Grotius, quæ non cedebat Andriis, qui priores sagittam iniecerant, sed Chalcidensibus, qui priores intraverant. Historia est apud PLUTARCH. *in quest. Gr.* 29. Negat quidem hanc regulam esse J. N. Vir doctiss. NIC. HIER. GUNDLINGIUS *in Gundlingianis*, sed

sed non nisi ex ea ratione, quod contra humanitatem sit, alteri id præripere quod se occupaturum vel verbis vel tacite declaraverat. Sed procul dubio errat. Nam

- 1) quod inhumanum est, non statim injustum habetur, ut pauperi non donare.
- 2) Ipse agnoscit occupationem fieri debere: sed, quis dixerit factam occupationem ab eo, qui vult occupare? Quod facere volo, nondum feci.

- 2) Si sinant id leges civiles, quæ illam naturalem permissivam tollere possunt. Hinc absurdum esset, privatum occupare velle hereditatem ἀδίσπορον. Lex enim vult, ut non exstante herede ullo, fiscus succedat. Simile quid, animadvertimus in lapillis, electro, mari ejectis.

§. 7.

Eodem refert Grotius III. Thesauros, de quibus tamen res maxime dubia, inventori illi cedant jure occupationis, an domino fundi jure accessionis. Prius dicendum videtur, quia thesauri sunt res nullius: posterius, quia accessorium sequitur suum principale. Unde & utrumque fundamentum conjunxisse videtur Hadrian. Imp. dum sanxit, ut thesaurus inter inventorem & dominum fundi dividatur. SPART. in *Hadrian.*

Si quæras, utrum fundamentum sit æquius? Grotius præfert prius, & statuit, thesaurum naturaliter esse inventientis. Et sane thesaurus est res derelicta, res derelictæ sunt nullius, quæ nullius sunt, cedunt occupanti. Sed ex altera parte negabatur the-

thesaurum esse nullius, qui in alieno fundo reperitur, quum accessiones fundi pertinere videantur ad fundi dominum. Verum facile resp. id negandum esse de accessio-
nibus subterraneis, quæ tanquam res in-
dividua & communes rectius vel fisco vin-
dicantur, vel inventori.

Et hinc etiam Grotius observat, apud
multas gentes thesauros fisco vindicari.
Dum autem addit Germanos, fallitur,
deceptus loco juris provincialis vel spe-
culi Saxonici c. 35. Ibi enim non est
quæstio de thesauris, sed de metallifo-
dinis.

§. 8.

Hæc de occupatione. Sequuntur qua-
dam species ACCESSIONIS. Per acces-
sionem autem intelligitur incrementum,
quod vel naturæ beneficio vel industria
humana rei nostræ adjungitur, unde & in
naturalem, industrialem, mixtam dividi so-
let. Naturalis exemplum est alluvio, insu-
la, alveus derelictus, de quibus §. 8. 17.
foetura §. 18. Industrialis specificatio, con-
fusio, commixtio §. 19. 20. & adjunctio
§. 21. mixta, plantatio, insitio, ædifica-
tio, §. 22. possessio b. f. §. 23. 24.

1) De alluvione, insula, alveo derelicto
quid tradat jus Rom. notum est. Nempe
1) alluvio cedit proximo fundo, non
item si vi fluminis fundo aliquid adjunctum.
2) Nova insula in medio flumine nata
est eorum, qui utrinque prædia possident:
si alterutri ripæ propior: tunc ejus est,
qui ex ea parte fundum habet. 3) Alveus
detc.

374 *Lib. II. Cap. VIII. De Acquisitionibus*
derelictus etiam communis est pro modo
prædiorum.

Hæc quum veteres JCti omnia tribuant
juri nat. & gent. quæritur, an vere sint
J. N. & G. Idque negat Grotius, quia
multas falsas hypothesès posuere. Nam.

1) Supponunt ripas esse partem fundi,
& hinc incrementum latens seu alluvionem
fundo accedere. Id vero falsum. Nam ripæ
sunt publicæ. Ergo & alluvio publica erit.
Quod & plerisque locis observatur.

2) Insulas supponunt natas ex terra
proxima, ergo ei accedere debent. Id de-
nuo falsum. Potius incertum est, unde
particulæ terræ ablatae sint. Hinc ratioci-
nari debuissent ita: Flumen est publicum,
ergo & insula in flumine nata. Id quod
etiam multis locis observatur.

3) Supponunt alveum derelictum jam
desinere esse publicum, quia non amplius
sit flumen. Sed id æque absurdum, ac si
quis existimet, curia incendiodeleta, aream
non esse amplius civitatis, quia deserta
esse curia.

Ergo certissimum est, hæc omnia non
ex J. N. & G. sed ex jure civ. esse.

§. 9.

a. 1. Quid ergo de his rebus statuendum?
Grotius recte observat 1) populum terras
acquisivisse per universitatem, & ex eo de-
mum tempore in terris illis dominia priva-
torum capisse. Id satis certum. Neque
enim Nomadum more gentes Europæ cir-
cumvagantur, & cuique faciunt potesta-
tem, terram, quam velit occupandi, uti
sit

fit apud Tartaros, sed in rebus. vivunt.
Ergo tota terra est populi: partes autem
sunt in dominio privatorum, QUATENUS
ADQUISITÆ. Quæcumque enim non ad-
quisita, ea manserunt populi.

Inde ergo sequitur 1) alveum derelictum
non esse privatorum. Hi enim flumen nun-
quam adquisiverunt, adeoque nec civitatem
illam, per quam flumen ruit. Quum itaque
omnia a privatis non adquisita, sint publi-
ca: talis etiam erit alveus derelictus.

2) Inde sequitur, ut & alluvio non sit
privatorum, sed & publica. Fundos enim
adquisiverunt privati usque ad ripam, non
ipsam ripam, quæ fluminis pars est, ad-
eoque publici juris. Ergo talis etiam erit
alluvio. Quod & praxi Hollandorum pro-
bat Auctor, cui nos & Germ. addimus.

n. 32

Addimus & aliam rationem. Ipsi vete-
res Jcti agnoscunt, alluvioni locum esse
tantum in terris arcifiniis, non in limita-
tis. Atqui privati agri nusquam sunt acci-
finii, sed semper limitati. Ergo nec in iis
locum habet alluvio.

3) Sequitur, ut & insulæ sint publicæ.
Nam & flumen, in quo nascuntur, nun-
quam adquisiverunt privati. Si ergo verum
est, accessorium sequi suum principale:
verum erit etiam, insulam novam perti-
nere ad populum, vel principem, cui po-
pulus concessit.

n. 36

Obijciunt, quæ nullius sunt, cedunt oc-
cupanti. Sed resp. sic. falsum erit, vicinis
prædiis accedere insulam: nam & tertius oc-
cupare poterit. Aut ergo nullius est insula,

aut

aut est alicujus, si nullius est, non præcise vicinis cedit prædiis, sed cuilibet occupanti: si alicujus, id non aliter esse potest, nisi per accessionem. Atqui insula est accessio non terræ proximæ, sed fluminis. Ergo insula ejus est, cujus est flumen.

§. 40.

a. 1.

Quærit porro A. de inundatione: an ea dominium mutet? Idque recte negat. Romani JCTi, qui hic iterum præ se ferunt, ac si velint J. N. & G. inculcare; distinguunt inter inundationem graviores, quæ diutissime durat, & momentaneam. Hæc dominium non mutat, inquiunt, illa mutat, adeo ut ne piscari quidem liceat in fundo inundato.

Sed rectius dicitur, inundationem nunquam dominium mutare. Nam 1) magnæ & parvæ inundationes non possunt esse diversi effectus morales. 2) Non potest mihi dominium rerum mearum auferri sine facto meo. 3) Quamvis præscriptione alia jus meum excludatur, id tamen locum non habet, ubi nulla mea negligentia est, id est, ubi rem meam vindicare non potui.

Concedit tamen Grotius, id legibus civilibus mutari posse, & statui, ut si intra certum tempus non exsiccat terra, ejus dominium amittatur. Nec id injustum, quia plerumque exsiccatio tot requirit sumtus, ut publica pecunia ad eam rem opus sit. Quum ergo privati exsiccare, nec sumtus restituere nequeant, & intersit tamen reip. ne terra mari permiscatur: omnino æquum est, ut terræ ab imperante exsiccatæ, imperanti cedant.

§. 11.

Objectio sequitur, quam remouet Grotius. Posset quis ita ratiocinari: Si particularum per alluvionem alterius fundo adjectarum dominium amittit prior dominus, sequitur, ut & fundi inundatione obruti, dominium merito amittatur. At prius verum est, E. & posterius.

Sed facilis responsio. Negatur consequentia. Nam in alluvione non possum scire, cujus ex agro vel illæ particulæ abreptæ sint. Hinc nec eas vindicare. Ast fundum meum esse, ex siccata terra scire possum, & demonstrare.

Ex quo colligunt ipsi J Cti Rom. id quod vi fluminis ab agro meo avulsū est, meum manere, §. 21. l. de R. D.

§. 12.

Ita se res jure N. habet. Sed leges civiles in his multa mutarunt. Nam jure Rom. & quorundam locorum statutorio, alluvio a fluminibus facta conceditur privatis, dum modo eorum agri sint arcifini.

Id jure fieri facile probatur. Quum enim, ut supra ostendimus, jure N. & G. alluvio sit populi, vel imperantis, quis neget cum huic juri suo renunciare, idque in privatos transferre posse? Idem potest princeps, si regnum sit in ejus patrimonio. Sin usufructuarius sit, recte quidem renunciat juri suo, sed non in præjudicium populi & suecessoris. Unde ab hoc tanquam dominium semper potest revocari.

Quum autem distinctio hic observetur inter agros arcifinios & limitatos: queritur, quales

quales in dubio præsumantur. Et resp. Territoria publica in dubio semper præsumuntur arcifinia, nisi contrarium probetur, idque ostendimus supra. At agri privatorum, quia mensura eorum certa & definita est, semper præsumuntur limitata, donec contrarium probetur: idque rarissime probari poterit, nisi agri sint novales.

n. 2.

Quomodo vero probabitur, agrum privatum esse arcifinium? Resp. 1) ex libris vetustis censualibus, si in illis dicantur ad flumen usque pertingere. 2) Ex litteris feudalibus, si in iis terra detur sine expressa mensura ad flumen usque. 3) Ex possessione vel quasi juris alluvionis immemoriali, si ostendi possit, semper post hominum memoriam agro huic aliquid accessisse, nec unquam eam accessionem a rep. vindicatam. 4) Ex ipso loci situ, si inter flumen & agrum nec sepimentum, nec via intercedat, quibus ager a flumine divellatur.

§. 13. 14.

Eodem modo se res habebit in novis insulis. Quamvis enim eas J. N. & G. populi esse docuerimus: possunt tamen & aliis per leges & privilegia concedi.

1) Per leges: quales sunt Romanæ, itemque Geldricæ, per quas potest unusquisque novam insulam occupare, si vehiculo insitens ex ripa per flumen in insulam contendat.

2) Per privilegia. Quale luculento privilegio gaudet Elector Palatinus, ut omnes novæ insulæ in Rheno, sive in suo, sive extra territorium natæ ad fiscum ejus pertineant.

tineant. Quamvis si tale quid contingeret extra ejus territorium, dubitem, an id ei concessuri sint vicini principes, quia iis superioritas territorialis per instrumentum pacis Westphal. Art. Gaudeant concessum est indistincte.

§. 15.

Pergit auctor ad Vasallos, & querit, an n. 1. §. iis quoque jura fluvialia competant? Sed rex expedita est. Quidam acceperunt a Domino superioritatem territorialem: ita ut tantum possint in terris suis, quantum rex in toto regno. Et tales Vasalli sunt principes Imperii in Germ. Alii feuda dantur sine superioritate territoriali, quamvis aliquibus regalibus gaudeant, v. g. jurisdictione omnimoda, quales sunt plures comites, quorum comitatus a principibus conceduntur in feudum. Sic e. g. Comites Bentheimenses gaudent in comitatu suo variis regalibus, sed non superioritate territoriali, quia subsunt Episcopo Monasteriensi.

Qui Vasalli sunt cum superioritate, eorum est totum territorium, ergo & flumina, adeoque & jura alluvionis, insulas occupandi, &c. merito exercent.

Qui posterioris generis, nihil habent, nisi quod expressum in litteris Imperatoris. Ergo si hujusmodi jura exercere volunt, docere debent, ea sibi concessa esse a domino. Hinc nuper dixi, in Marchia Brandenburg. nobiles investiri solere alveo Albis, met de oude Elbe.

Possunt tamen & hi reliquorum subdi-

Hein. de Jure Belli, &c.

R

to-

380 *Lib. II. Cap. VIII. De Acquisitionibus*
torum jure uti, si jus civile hæc jura pri-
vatis concedit, eorumque agri sunt ar-
cifinii, id quod iterum ex litteris investi-
turæ judicandum. Exstat elegans tractatus
Oethingeri de juribus fluminum, qui in
his regionibus haud parvum præstare usum
poterit.

§. 16. 17.

Sequitur nova objectio. Quum enim
supra ostensum, alluvionem non esse pri-
vatorum: objiciunt JCI Rom. Quem pe-
nes est incommodum: penes eum & com-
modum esse debet. Atqui privati sentiunt
incommodum fluminis: ergo & commo-
dum. Resp. Grotius acute. 1) Regula
vera est, si commodum ex re mea nasea-
tur. e.g. quia ex agro tributa solvo, me-
rito etiam fructus capio. At hic commo-
dum non est ex agro, sed ex re aliena
nempe flumine.

2) Si vera esset hoc casu regula, de-
beret idem dici de agris limitatis, quos
tamen ipsi veteres JCI exceperunt.

Adde 3) si hic locum habet canon,
locum etiam habebit in vi fluminis, quod
JCI denuo negant.

§. 18.

II. Sequitur altera species accessionis
FOETURA animalium, de qua quum JCI
veteres regulam repeterint: Partus sequi-
tur ventrem: quæritur A. an id J. N. & G.
sit consentaneum?

Negat id Grotius. Nam 1) si accessio-
rium sequitur principale: quis negarit utrum-
que parentem natura esse principale? 2) Si

ad

ad causam respicimus, negari denuo nequit, utrumque parentem esse foetus causam, nec sine utriusque concursu nasci posse vivum animal.

Sed fallit tamen hoc 1) si pater intertus sit. Ridiculus casus de gallina aliena ova excludente apud Basolium in *desumpto practico*. 2) Si Dominus animalis masculi mercedem pro opera ab animali suo praestita acceperit. Quod inter rusticos observatur, ubi unus communem bovem, totius gregis maritum alit.

§. 19.

III. Tertia species accessionis est SPECIFICATIO, per quam intelligitur actus, quo quis alienae materiae novam formam introduxit, adeoque novam inde speciem fecit.

n. 1.

Dici non potest, quantum de ea inter se disceptati sint veteres, Proculiani & Sabiniani. Illi enim dicebant, formam esse materia nobiliorem, adeoque specificantem fieri dominum. Hi materiam dicebant esse principale, cui forma tanquam accessorium adjungitur: ergo potius dominum materiae praeferebant. Denique Justinianus rem ita decidit, ut si res ad priorem formam reduci possit, dominus materiae jus suum retineat, sin minus, specificans. Exemplo esse possunt, qui ex alieno argento poculum, & qui ex aliena lana pannum confecerit. Controversiam eleganter pertractavit MARRILL. in *Comm. luculento ad L. Justiniani decisiones*.

Quaeritur ergo 1) quid J. N. & G. ea de re

n. 2.

R 2

sta-

382 *Lib. II. Cap. VIII. De Acquisitionibus*
statuat? Resp. Grotius, rem jure nat. merito fieri communem pro rata materię & operę: Idque probat inde, quia & res confusę & commixtę fiant communes.

Sed 1) magna est differentia inter commixtionem & specificationem. Hic duz conjunguntur materię, quarum quęque in dominio fuit, ergo non potest non massa esse communis. Hic autem forma non est substantia, ergo nec in domino. 2) Ita nihil responsum. Id enim nemo negat, materiam esse Titii, formam Mævii specificantis: sed id quęritur, cui jus sit rem retinendi alterique solvendi pretium? Id ex Grotii decisione non fiet liquidum.

Ergo rectius ostendis Thom. in dissert. elegantissima de *prelio affectionis in res fungibiles non cadente*, distinguendum esse, an materia sit res obvia & fungibilis, an tam rara, ut non facile recuperari possit? Prioris casu specificantem b. f. fieri dominum: si enim dominus materię ejusdem quantitatis & qualitatis materiam recipit, non est, quod conqueratur. Sin vero materia sit rarior, e. g. electrum insignis raritatis, tunc nihil æquius est, quam ut artifex domino materię speciem relinquat, pretio opera soluto, Res tam clara est, ut mireris merito, veteres de lana caprina litigare voluisse.

§. 10.

Quęritur 1) an J. N. sit, ut mala fide specificans speciem amittat?

Id quoque Grotius non sine ratione negat.

Nam

Nam ademptio illa est poenae: poenas autem non definit J. N. & G. Sic quidem juris N. est; ut puniantur homicidæ: sed utrum laqueo an gladio, an exsilio puniendi sint, non determinat.

Si superius principium de materia, re fungibili, & in quam non cadit pretium affectionis consideres, poena hæc videtur paullo atrocior. Domino enim materię nulla fit injuria, si tantundem ejusdem bonitatis materię accipit, quia in rebus fungibilibus tantundem est idem.

§. 21.

CONNANUS, qui *luculentos commentarios juris civilis* scripsit lib. III. cap. 6. existimat, æquitatem naturalem requirere, ut minus accessorium habeatur majoris, e. g. purpura, vestis, gemma annuli, & hinc & argentum auro alterius adferrumatur vel mixtum fiat domini auri. Quæritur itaque, an id fundamentum habeat?

Resp. Grotius negando. Idque probat inde, quia dominium est qualitas moralis, quam non mutat majus & minus: Sic e. g. qui casam habet, non minus ejus dominus est, quam alter palatii: & qui vigesimam partem prædii habet, non minus dominus est, quam qui partes ejusdem possidet novendecim. Ergo nulla est ratio, cur illi magis jus suum auferri possit, quam huic.

Accedit, quod majus physice non semper est majus moraliter, vel contra, e. g. parva auri massa moraliter major est, magna mole ligni, & gemma molle exigua

sæpe moraliter superat magnam auri argenteve massam. Si ergo Connanus intelligit majus & minus physice: tunc iniqua erit decisio: si majus moraliter, tunc falsa erunt exempla. Purpura enim sæpe veste pretiosior, gemma anulo pretiosior, &c.

§. 22.

IV. Quarta accessionis species est PLANTATIO & SATIO. Notum enim est, jure civili cautum esse, ut quis alienum agrum suo semine consevit, aut suum agrum alieno semine, quod tunc quod solo implantatum solo cedat. Quæritur an idem consentaneum sit J. N.

Negat Grotius, idque ex ratione ipsa probat, quæ veteres usi sunt. Existimant enim quod implantatum solo, id alimentum ex solo capere, adeoque fieri ejus, cujus sit solum. Unde etiam concessere, ut posset quis plantam tollere, si nondum radices egerit, quia tunc nondum attraxerit alimentum. Atqui, respondet Grotius alimenta non totam substantiam rei absolvent, sed partes, quæ crescenti plantæ vel semini pullulanti paulatim accedunt: ergo nec tota planta vel messis erit domini soli, adeoque planta erit communis pro rata.

Idem etiam V. de INÆDIFICATIONE judicat: quis enim dubiter aliquod jus commune pro rata duos habere in ædificio, quod alter b. f. exstruxit, quum alterius sit fundus? Ergo constituetur eo ipsa jus superficies. Sed hic clarum est, hanc definitionem jure civili esse inexactam. Nam rationem ipsi Jcti reddunt, id ideo cau-

tum,

tum, ne urbs ruinis deformetur: quam rationem jus nat. ignorat.

§. 23. 24.

Sexta species est VI. BONÆ FIDEI POSSESSIO. Notum enim est jure civili, qui b. f. rem alienam ex justa causa adquisivit, quamvis dominus non sit, tamen fructus lucrari perceptos & consumptos: & reddere tantum exstantes: contra m. f. possessorem ad restitutionem fructuum perceptorum & percipiendorum condemnari: an hoc J. N. & G.

Resp. neg. Quid enim aliud b. f. possessor exigere potest, quam ut indemnus fervetur? Atqui indemnus præstabitur, dummodo ei impensæ in culturam rei factæ restituantur: E. non debet sacrum ex re aliena captare, siquidem J. N. non patitur, ut quis cum alterius detrimento fiat locupletior.

Quod ad m. f. possessorem attinet: in fructus percipiendos restituit in poenam. Atqui poenas non determinari a jure nat. & G. jam supra ostendimus. E. hæc omnia ex jure civili esse, manifestum est.

§. 25. 26.

Hactenus de speciebus quibusdam OCCUPATIONIS & ACCESSIONIS: reliqua est pars capituli ultima de TRADITIONE. De ea tradit jus civile, ex solo contractu non transferri dominium, vel aliud jus in re, sed per subsequentem traditionem. Pauci excipiuntur casus, veluti ultimæ voluntates, hypotheca, adjudicatio ex tribus judiciis divisoriiis, familiæ

388 *Lib. II. Cap. VIII. De Acquisitionibus, &c.*
eriscunda, c. m. dividendo, fin. regum-
dorum, ubi traditio non requiritur. Qua-
ritur itaque, an ea omnia sint J. N. & G.

Negar & vid Grotius: 1) quia voluntas
utriusque J. N. ad dominium transferen-
dum sufficit. 2) Quia si naturale esset
hoc jus, nec exceptiones illæ admitti pos-
sent. Nulla enim ratio est, cur magis le-
gatum fiat nostrum sine traditione, quam
ædes nobis vendita & nondum tradita.
3) Quia traditio hæc tantum, est signum
translati dominii, ideo inventum, ut lites
evitentur. Sed ea de re jam supra senten-
tiam nostram exposuimus l. 2. c. 6. §. 1. 2.

Demum concludit A. hoc caput, red-
dita ratione, cur hæc tam accurate expen-
derit? Videlicet, ut adpareat non omnia
esse J. N. & G. quæ talia esse dicunt ve-
teres Jcti. Quæ observatio probe tenenda.
Sæpe animadverti, in disputationibus ju-
ridicis hoc loco editis passim testamenta,
aliaque hujus generis ex J. G. derivari,
tantum, quia id adserunt veteres. Quis,
quæso, jus N. & G. ex corpore juris
probet? Ejusmodi theses aliter probari ne-
queunt, quam ex sana ratione, non ex
auctoritate. Sed ita adsuefiunt juvenes a
doctoribus solius J. C. notitia aliqua im-
butis.

CAPUT IX.

*Quando Imperia vel Dominia
desinant.*

§. 1.

Vidimus hastenus, varios modos, quibus adquiratur vel dominium vel imperium: quum itaque contrariorum contraria sit ratio: consequens est, ut etiam dicendum sit, quibus modis amittantur & dominia & imperia: id quod fit hoc capite. Tales modi plures sunt. E.g. 1) derelictio, de qua supra actum. 2) Rei interitus. 3) Personæ interitus.

De hoc agitur in præsentī & demonstratur, extincta persona expirare etiam dominium. Causa, in promptu est. Dominium est jus, adeoque attributum personæ: non entis nulla sunt attributa. Ergo nec personæ extinctæ ullum est jus vel dominium.

Et hinc si quis moriatur, nullo relicto herede, cui vel defunctus vel ipsa lex hereditatem addicant; res ejus fiunt nullius, jure naturæ, servi liberi fiunt, quamvis leges civiles fisco addicant hereditates caducas.

§. 2.

Quod itaque de una persona verum, id & de tota familia. Quamdiu ex illa superest vel una persona, illi jus familiæ salvum est, tota familia extincta illud cessat. E.g. notum est, familiam Carolingicam

R 5 in

in Francia & Germania satis libere imperasse. Ea in Germ. extincta novus constituebatur Rex Conradus I. in Gallia Hugo Capetis. An horum familiae eodem jure utebantur ac olim Carolingica? Galli Hungoni eandem detulere potentiam. Ast Germani minime. Nam horum imperium factum est electitium, adstrictum, indivisibile, &c. An jure? Omnino, extincta enim familia, & jura ejus expirant.

Ita & si in Russia regnatix familia expiraret, & res ad novam electionem rediret: non cogerentur Russi novo imperanti ejusque familiae eandem deferre potentiam, qua polluerent imperantes in hunc usque diem.

§. 3.

A. 1. Quod in familiis obtinet: idem & de populo dicendum, si & iste expiret. Hic vero ante omnia queritur, an populus interire possit?

Plerumque id negatur, & tritissima sunt illa: Populus est immortalis, civitas non moritur.

Ratio hujus doctrinae in se verissimae haec est, quia populus vel civitas est corpus morale, persona moralis ex mille physicis composita. Morte autem solvuntur non personae morales, sed physicae. Nam quod ad corpora moralia attinet, iis semper nova membra accedunt, uno mortuo, non deficit alter: & si deficiat per degenerationem: tamen deficientium locum alii peregrini facile occupabunt: adeoque nunquam deficiet corpus istud morale, quamvis nemo

nemo eorum superfit, qui primi civitatem vel populum constituerunt.

Elegans, quo id illustrari potest, species est in *Lib. 76. ff. de judic.* Populus constituerat iudices e. g. viginti. Ex hoc collegio sensim quidam se excusaverant, quidam objerant, ita ut demum nulla persona superesset, quæ vixisset eo tempore, quo vel actio instituebatur, vel lis contestabatur. Quærebatur, an idem intelligatur iudicium? Responsio ALFENI VARII est elegantissima.

Hoc & Alfenus Varus & ipse Grotius illustrant similitudine ab ipso corpore nostro desumpta. Corpus nostrum physicum constat ex partibus fluidis & solidis. Ex utrisque per transpirationem quotidie aliquid decedit, in ejusque locum alia succedunt particule per nutritionem. Cibus enim in chylum, chylus in sanguinem, sanguis per varias excreciones in lympham, succum nervosum, carnem, ossa, &c. mutatur. Ut adeo dici possit, vel parum vel nihil nobis jam superesse ejus materie, quam in hunc mundum ex utero matris attulimus.

Jam dicimus. Quemadmodum nihilominus idem corpus manet, quamvis novæ sint ejus partes, eadem navis, quamvis post ducentos annos ne festuca quidem ex prima materia superfit: ita idem manet populus, quamvis nullus ex primis, qui illum constituerunt, hominibus superfit.

Male itaque ratiocinatur Piso apud Tacit. *annal. l. 2. s. 55.* Quum enim Atheniensibus

Germanicus multum honoris detulisset, Piso ejus inimicus illos increpans objicit, *quod contra decus Romani nominis non Arbeniensis tot cladibus extinctos, sed colluviam illam nationum comitate nimia coluisset*. Absurde populus enim moritur, sed idem manet, licet illi accedat, immo licet in aliam pene naturam mutetur. Sic Franci fuere Germani origine. In Gallia, quam devicerant, Romanis & Gallis mixti, eorum mores naturam & linguam adoptarunt: & ideo tamen nihilominus manent Franci.

Hæc doctrina magni momenti est. Nam inde possumus rationem reddere, cur foedera cum populis inita, jura populis concessa sint perpetua. Et hinc si vel maxime demonstrari potest, ex iis, quibuscum pax vel foedus initum, neminem vivere superstitem; foedus tamen vel pax ideo violari non potest.

§. 4.

Quamvis vero populum non mori hactenus demonstratum sit: id tamen intelligendum de eo, quod sit ordinarie & per se. Nam per accidens aliquando & integri populi extinguuntur. Idque sit vel extinctis partibus §. 4. vel sublato toto corpore §. 5. vel soluta forma §. 5.

Primo id sit extinctis partibus, e. g. 1) inundatione. Tale quid de magna insula Atlantica referunt veteres, eam totam cum universo populo mari absorptam. Si ergo Atlantici juribus pinguiissimis usi essent, illa dudum fuisset extincta.

2) Si civitas chasinate vel terræ motu

hau-

hauriatur, cujus rei exempla sunt apud Tertullianum, Senecam, & alios. Recentissimum est opulentissimæ civitatis Plurs in Helvetia, quæ a monte proximo obruta, omnes cives uno momento sub ruinis ædium suarum sepulti sunt. Jam locus est, ubi civitas fuit.

3) Si populus sponte se interimat. Triste Saguntinorum exemplum est apud Florum & alios scriptores Rom. Ii enim diuturna obsidione pressi ab Hannibale, quum nulla spes salutis superesset, vino se inebriarunt ex communi civitatis decreto, infisque ædibus vivi se omnes combusserunt, ita ut ne unus quidem in hostium potestatem perveniret.

§. 5.

Idem fit sublato corpore, non partibus corporis moralis. Nam si populus diffluit, ob pestilentiam, bellum, vel aliam calamitatem publicam, populus esse desinit. Sic interiit pridem populus Israeliticus, resp. Ebræa, regnum Judaicum, quamvis innumeri ubique Judæi supersint.

Hoc tamen cum grano salis accipiendum. Nam si ob periculum vel calamitatem ad tempus fiat hujusmodi discessio, cum animo redeundi: non ideo populus extinguitur, sed pristina jura sua retinet. Exemplo esse possunt civitates illæ olim fortissimæ; Spira, & Wormatia. Utraque dirissime combusta a Gallis, cives per universam Germaniam dispergebantur. Reddita pace, domum redierunt; urbes illas restaurarunt, ut jura aliquantulum respirare videantur.

An

392 *Lib. II. Cap. IX. Quando Imperia*
An ideo omnia pristina jura amiserunt?
Minime.

§. 6.

Denique & forma aliquando perit, per
servitutem. Nam civitatis forma est nexus
inter imperantes & subditos. Sublato illo
nexu, & populo universo in servitutem
redacto, populus esse desinit, & fit acces-
sio populi victoris.

Exemplum est in Israelitis a Nebucha-
dnezare Babyloniam abreptis, in Theba-
nis ab Alexandro sub corona venditis, in
Capua in praefecturam a Romanis redacta.

§. 7.

Quæritur, an idem per solam migratio-
nem contingat? Negatur. Ratio. Ubi nec
partes populi intereunt, nec totum cor-
pus, nec forma, ibi nec populus interit.
Atqui per migrationem, &c.

Absurde ergo quis dixisset interiisse po-
pulum Francorum ideo, quod in Galliam
transiisset, populum Longob. quod in Ita-
liam; populos Anglo Saxonicum & Frisi-
cum, quod in Britanniam transiissent.

§. 8.

a. 1. Quæritur porro, an & mutata reipubl.
forma desinat aliquis populus esse? Intel-
ligimus vero hic non formam internam,
quæ consistit in unione voluntatum, (ea
enim extincta omnino & populus extin-
ctus videtur, vid. supra §. 6.) sed exter-
nam, quæ vel in monarchia, vel in ari-
stocratia vel democratia vel quadam earum
mixtione consistit. Si ergo hæc mutatur,
an tunc populus idem esse desinit?

Nega-

Negatur, quia tunc non partes percunt, nec totum corpus, nec nexus inter imperantes & subditos. Manet enim imperium, quamvis non sit apud eundem vel eosdem. Populus consideratur ut corpus, imperans ut caput. Manet vero corpus, manet caput, sive unus; sive plures imperent.

Hinc jam variae solvuntur quaestiones. p. 3.
Sequitur enim inde, 1) ut si populus ad alienum contraxit, mutata reipubl. forma, nihilominus illud teneatur exsolvere, quia idem manet populus. Sic. e. g. Romanus populus non desinebat creditoribus suis debere, ejecto Tarquinio, & consulibus constitutis.

2) Ut mutata imperii forma novus imperans eundem locum teneat, quem tenuere imperiores imperantes. Hinc cum Phocenses Philippo Macedonum Regi summum in civitate sua imperium detulissent, eodem loco in Amphictionum confessu is sedebat, quo olim federant magistratus Phocenses. Sic & Rex Prussiae tanquam Dux Magdeb. Princeps Halberst. Mindensis & Caminensis eadem loca in comitiis occupat, quae olim occupaverat Archiepiscopus Magd. & Episcopi Halberstadiensis, Mindensis & Caminensis, nisi quod in scamno saecularium, ut vocant, adsidet.

3) Ut foedus antea cum populo contractum, mutata reipubl. forma non tollatur. Exarsit inde bellum Latinum. Latini se Romanis subjecerant sub Tarquinio. Eo ejecto volebant amplius subesse Rom.
quia

quia non cum Consulibus, sed cum Rege Tarquinio foedus iniissent. Quæritur, an rationi consentanea fuerit hæc eorum sententia. Id merito negatur, quia idem manet populus.

§ 9.

Quæstio novâ oritur, an populus esse desinat per unionem? Id Grotius negat, sed paullo distinctius respondendum.

Unio fit tripliciter, vel 1) per communem imperantem, uti hodie Germania, Hungaria, Boemia, Neapolis, Sicilia communi Imperanti subsunt, & tamen nullus populus alteri obnoxius est. 2) Per foedus, ut hodie unitæ sunt 7. provinciæ Belgicæ, 13. civitates Helvicæ: vel 3) per subjectionem, eamque vel plenam, ita ut suo imperio excidat populus subiectus, uti olim provinciæ Romanorum, hodie provinciæ a Gallis devictæ, vel minus plenam, quæ suum sibi imperium retinet, e.g. Prussia, Curlandia, quæ eatenus se Polonis submittere, ut subessent propriis ducibus, Polonorum clientibus.

Jam facile patet, non desinere populum per unionem primam, nec per secundam, nec per quartam, quia hic manet nexus inter imperantem & subditos. Ast in casu 3) nexus ille cessat, ut hinc sit populus accessio dominantis reipubl. Hinc hodie urbes & terræ, quas respubl. nostra in Flandria & Brabantia acquisivit, non constituunt singulares populos, uti 7. provinciæ, sed tanquam subditi sunt accessorium populorum foederatorum.

§ 10.

Quid vero si divisio fiat? Tunc omnino populus esse desinit. Fiunt enim populi duo vel plures, quorum nullus ab altero dependet. Quotcumque enim sunt summa imperia, tot sunt nexus inter imperantes & subditos, ergo & totidem populi. Sic e. g. olim Hispani non constituebant unum populum, sed tot, quot erant regna independentia. Sic quum Galli & Germani sub Carolo M. & Ludovico Pio essent, unus populus, sub nomine Francorum notus, post Ludovici Pii tempora diversi facti sunt populi.

Excipitur tamen casus, si divisio ita fiat, ut nihilominus uni superior, nexu clientelari obstricti maneant. E. g. Germania in multos principatus, comitatus, & respublicas divisa est: quia tamen omnes clientelari nexu obstricti sunt Imperatori & Imperio, hinc manet unus populus Germanicus.

Jam sequitur nobilis, ut Auctor ait, quaestio, sed ex cujus decisione satis adparet, eam in Gallia & inter pontificios scripsisse. Quaeritur, an Rom. imperium translatum sit ad Germanos? Id negat A. & putat, populum Romanum eundem esse, qui olim fuerit, sui juris, & nullo modo subiectum Germanis. Videbimus rationes.

I.) Germania magna nunquam fuit sub Romano Imperio, E. in Reges Germ. non potuit transferri Imperium Rom. nulla consequentia. Nam I.) Rom. imperium non se subiecit Germanis, sed tantum se

se obstrinxit iste populus, se eundem Imp. habiturum, quem Germani habeant regem. Idque pactum initum sub Ottone M. 2.) sæpe populus ad incitas redactus, qualis sub Carolo M. & Ottone M. erat, pop. Rom. se subiecit alii, vel saltem alterius populi clientelam rogat.

2) Mutatio & translatio Imp. non presumenda, sed probanda. Probabimus ergo. De translatione, sub Carolo M. facta ne ipsi quidem Galli dubitant. Vid. NATAL. ALEX. *Hist. eccl. sac.* 9. Pactum cum Ottone M. initum integrum exstat apud GOLDASTUM in *Constit. Imp. Tom. 1. p. 34.* & ex parte in ipsum jus Canonicum migravit, d. 63. c. 23. Hinc Auctor vitæ Mathildis coævus cap. 5. apud LAMNIT. T. 1. *script. rer. Brunsv. Totus populus Romanorum se sponte subjugavit ipsius dominantibus, & sibi solvebant tributa, & post illum ceteris suis posterius.*

3) Populus Rom. olim elegit Imperatores, sive in comitiis, sive per senatum. Id quod tale probare conatur per n. 2. 3. Et hinc colligit, nec hodie Germanos eligere posse Rom. Imp. sed ipsos Romanos, & qui eos repræsentat, pontificem. Sed hæc omnia falsa. Nam 1) ex historia notissimum, olim Imperium inter Rom. fuisse successivum, adeo, ut & adoptivi admitterentur, 2) Post Neronem elegisse legiones Judaicas, & hinc postea quoque electionem plerumque per milites factam, ita tamen ut filii succederent patri, 3.) Translatum in orientem imperium itidem suc-

successivum fuisse, & imperatores ibi semper inconsulto populo Rom. imperasse. 3) Si concedatur, populum Rom. imperatorem sibi eligere potuisse: potuit sane id etiam in Reges Germaniz electos transferre, & juri suo renunciare.

4) Denique quum negare salvo pudere nequeat, in Carolum M. & Ottonem M. translatum esse imperium, æque ac in eorum posteros, addit tamen sub finem n. 3. Ita tamen, ut jus sibi aliquod retineret, &c. Rectius sæculo XII. GUNTHERUS in *Liguino Lib. III.*

Quemcumque sibi Germania regem
Præcitat, hunc dives submisso vertice
Roma

Suscipit, & verso Tybrim regit ordine
Rhenus.

5) Non potuisse aliquem Rom. Imp. esse sine coronatione Episcopi Rom. Ergo electionem ab Electoribus factam tantum constituere Regem Germ. coronationem Pontificis Imperatorem. Sed ea omnia 1) rationibus politicis refragantur. Nam coronatio nunquam dat jus imperandi, sed est signum imperii jam legitime delati. Non quis coronatur, ut sit rex, sed quia jam est rex. 2) Hodie a temporibus Caroli V. coronatio Rom. omittitur, & tamen Reges Germ. dicuntur ab ipso Pontifice *Electi* Rom. Imperatores.

6) Episcopum Rom. vacante Imperio investituram tribuere feudorum Imp. Romani. Aliquando id egit in Ducatu Hæturiz & Parmensi, sed non semper con-

tradi-

tradixerunt Imperatores, qui & utrumque ducatum sibi hodiernum vindicant tanquam feuda imperii. Vid. GUNDLINGII *Diff. de jure Imperat. & imperii in ducas. Hestrur. & BOHMERT Diff. de jure Imperii in ducatum Pirmensem.*

§. 12. 13.

Diximus supra morte exstingui dominium. Jam sequuntur binæ exceptiones:

1) Ex jure civili, quod dominium in herede continetur, isque cum defuncto pro una persona habeatur: sed id, ut dixi, ex jure civili est.

2) Ex jure gentium, quod victor continet jura victi: sed hic distinguendum. Non contingat victor jura victi personalia. Hinc non fit uxoris victi maritus, non liberorum victi parens, &c. Continuat tamen jura victi in re, scilicet, quæ habuit in republica e.g. jus venandi, piscandi, jus ex foederibus quæsitum. Sed de his infra Libr. III. erit agendum pluribus.

C A P U T X.

*De Obligatione, quæ ex Dominio
oritur.*

§. 1.

1. **D**iximus hætenus de dominio, quomodo & adquiratur, & definat, seu amittatur. Dominium vero quum sit jus ali-quod in re: non potest non certos effectus producere. Isti effectus consistunt in obligatione.

gatione aliorum. Si enim dominus sum; alii obligati sunt, ut me non turbent, ut mihi rem meam reddant, ne ex meo lucrum capient, &c. Et de his obligationibus erga dominum agitur hoc capite, ubi

- 1) præmittuntur duæ regulæ huc pertinentes §. 1. 2.
- 2) ex his regulis varii casus & quæstiones solvuntur. §. 3. fin.

Regula I. hæc est: *Qui rem nostram in sua potestate habet, officere tenetur, quantum in se est, ut in nostram potestatem veniat.*

n. 2.

Regula æquissima est, & ex pacto derivanda. Res omnes olim erant in communione. Postea homines introduxere dominia. Id fieri aliter non potuit, quam per pactum, quo alter alteri promisit, sive expresse, sive tacite, quod quisque occupasset, id ejus futurum. Atqui ejus non esset, si unicuique liceret, rem alienam sibi retinere, ergo tenetur, qui habet, reddere, vel operam dare, ut ad priorem dominum perveniat. Ex quo patet, hanc obligationem perfectam esse, & ex ipsa regula æternæ veritatis fluere: Pacta sunt servanda.

Additur tamen, *quantum in se est*, quia

- 1) nemo tenetur ad impossibile. Hinc si verus rei dominus investigari nequit, in dubio omnino est melior conditio possidentis.
- 2) Quia nemo tenetur id suis impensis facere. Nam uti ego non possum salva justitia cum alterius damno locupletari, ita nec alter debet cum meo. Ergo si intelligam, dominum rei, quæ apud me est, Romæ vivere, is debet suo sumtu rem recuperare.

Quæ.

398 *Lib. N. Cap. X. De Obligatione*
tradixerunt Imperatores, qui & utrumque
ducatum sibi hodiernum vindicant tanquam
feuda imperii. Vid. GUNDLINGII *Diss. de*
jura Imperat. & imperii in ducas. HETRUR.
& BOHMERI *Diss. de jura Imperii in ducatum*
Pirmensem.

§. 12. 13.

Diximus supra morte extinguere domi-
nium. Jam sequuntur binæ exceptiones:

1) Ex jure civili, quod dominium in
herede continuetur, isque cum defuncto
pro una persona habeatur: sed id, ut dixi,
ex jure civili est.

2) Ex jure gentium, quod victor con-
tinuet jura victi: sed hic distinguendum.
Non continuat victor jura victi persona-
lia. Hinc non sit uxoris victi maritus,
non liberorum victi parens, &c. Conti-
nuat tamen jura victi in re, scilicet, quæ
habuit in republica e.g. jus venandi, piscan-
di, jus ex foederibus questum. Sed de his
infra Lib. III. erit agendum pluribus.

C A P U T X.

*De Obligatione, quæ ex Dominio
oritur.*

§. 1.

n. 1. **D**iximus hætenus de dominio, quomo-
do & adquiratur, & definat, seu amit-
tatur. Dominium vero quum sit jus ali-
quod in re: non potest non certos effectus
producere. Isti effectus consistunt in obli-
gatio-

gatione aliorum. Si enim dominus sum, alii obligati sunt, ut me non turbent, ut mihi rem meam reddant, ne ex meo lucrum capient, &c. Et de his obligationibus erga dominum agitur hoc capite, ubi

- 1) præmittuntur duæ regulæ huc pertinentes §. 1. 2.
- 2) ex his regulis varii casus & quæstiones solvuntur. §. 3. fin.

Regula I. hæc est: *Qui rem nostram in sua potestate habet, efficere tenetur, quantum in se est, ut in nostram potestatem veniat.*

Regula æquissima est, & ex pacto derivanda. Res omnes olim erant in communione. Postea homines introducere dominia. Id fieri aliter non potuit, quam per pactum, quo alter alteri promisit, sive expresse, sive tacite, quod quisque occupasset, id ejus futurum. Atqui ejus non esset, si unicuique liceret, rem alienam sibi retinere, ergo tenetur, qui habet, reddere, vel operam dare, ut ad priorem dominum perveniat. Ex quo patet, hanc obligationem perfectam esse, & ex ipsa regula æternæ veritatis fluere: Pacta sunt servanda.

Additur tamen, *quantum in se est*, quia

- 1) nemo tenetur ad impossibile. Hinc si verus rei dominus investigari nequit, in dubio omnino est melior conditio possidentis.
- 2) Quia nemo tenetur id suis impensis facere. Nam uti ego non possum salva justitia cum alterius damno locupletari, ita nec alter debet cum meo. Ergo si intelligam, dominum rei, quæ apud me est, Romæ vivere, is debet suo sumtu rem recuperare.

Quæ-

n. 3. Quæritur autem, an circa regulam discrimen sit inter bonæ & malæ fidei possessorem? Ratio dubitandi est, quod qui rem alienam bona fide & iusto titulo adquisivit, non peccavit, adeoque & jactura rei suæ puniri nequeat. Resp. non hanc obligationem ex delicto esse, sed ex re ipsa, & hinc nihil interesse, sive quis b. sive m. f. possideat. Rem meam repeto, non quia alter injuste eam adquisivit, sed quia mea est. Repeto non ex delicto, sed ex pacto illo primævo inter homines, de quo n. 2. diximus.

n. 4. Ex eo sequitur, ut omnes contractus posteriores huic obligationi cedant e. g. depositum, commodatum est reddendum. Et tamen si quis rem alienam apud me deposuerit, vel mihi commodarit, eam reddere non teneor deponenti, vel commodanti, sed vero domino, supervenienti & rem suam vindicanti.

Rationem hujus juris hanc reddit Grotius, quod hæc obligatio sit ex contractu illo primævo & antiquissimo, de quo n. 2. unde ei cedere debeant contractus recentiores & posteriores. Sed commodior & propior dari potest ratio. Nam contractus non valent, ubi contrahens jure contrahendi destituitur. Atqui de rebus alienis contrahens jure omni destituitur contrahendi. Ergo ejus contractus non valent, adeoque dominus præfertur merito deponenti vel commodanti, qui nullum jus rem alienam deponendi commodandive habuerunt.

Sed

Sed objici posset, 1.) dominium non esse ex jure nat. sed ex instituto hominum, contra ex jure nat. esse regulam, quod pacta sint servanda.

Resp. negando antecedens, & distinguendo. Nam est dominium ex J. N. absoluto, Deus enim omnia creavit in communione primævæ: est tamen ex J. N. hypothetico. Posito enim, homines dominium introduxisse, sequitur etiam, ut dominus in rei suæ possessione non sit turbandus. Contra jus naturæ nunquam dicitur, contractus esse servandos, ubi persona nullum contrahendi jus habet.

2.) Neminem deberi locupletiores fieri in alterius danno, aut locupletiores fieri dominum, si ego ejus rem titulo oneroso adquisitam gratis reddere tenear.

Resp. negamus dominum fieri locupletiores, nam rem suam recipit. Nec aliter gratis id facit: pretium enim repetit ab auctore suo. Sed forte is non adest, vel non solvendo est. Resp. Tunc id infortunium ferre non potest dominus, sed imputare sibi debet is, qui cum ignoto contraxit.

Recte ergo tradunt Jcti, possessorem rem alienam restituentem ne *Δπερσορ* quidem exigere posse, id est, ne honorarium, quidem. (nem Recompens,) quia dominus rem suam non tenetur bis emere. Aliud si *Δπερσορ* promissum. Tunc inventor illud ex pacto exigit.

§. 12.

Sequitur regula altera: *Qui rem alienam*
b. f.

n. 9.

n. 1.

h. f. possidet, in quantum teneatur ad restituendum fructuum, in quantum eis factus est locupletior.

Patio est, quia cujus res est principalis, ejus quoque sunt accessiones, id est fructus. Ergo si hos retineret possessor, fieret cum alterius damno locupletior. Jam quum hoc iniquum sit, sequitur sanc, ut tantum restituere teneatur, in quantum factus est locupletior.

Hinc varias conclusiones elicit A. e. g. sequitur inde

- 1) ut ex actu servi institoris teneatur dominus, non solum ex jussu & mandato, sed etiam si se ignaro contraxit, modo in rem suam versum sit. Cur? nemo debet cum alterius damno fieri locupletior.
- 2) Ut qui pro altero fidejussit & solvit, licet pro ignorante, possit actione negotiorum gestorum utili indemnitatem petere. Cur? ex eadem ratione.
- 3) Ut qui pecuniam mihi surreptam a servo, tanquam rem pecuniariam consumsit, mihi teneatur ad restituendum, ex eadem ratione.
- 4) Ut si cum pupillo contraxerim, agere adversus illum possim, si sit locupletior factus, quum alias contractus hujusmodi ex parte pupilli nullam producat obligationem.
- 5) Ut a creditore pignus alienum in tantum teneatur domino, in quantum factus est locupletior. Et quæ sunt alia hujus generis exempla. Innumera enim in jure universo, maxime in materia de quasi contractibus, passim occurrunt.

§. 3.

Hæc prior pars capitis. Sequitur, jam altera, in qua varias quæstiones ex his principiis solvit Auctor. Nam

1) quæritur, an b. f. possessor rei alienæ teneatur ad restitutionem, si ea perierit? Resp. minime. Nam 1) res perit suo domino, 2) b. f. possessor ut supra §. 2. diximus tenetur tantum, quatenus factus est locupletior. Atqui dum nec rem habet, nec pretium, non est factus locupletior, sed pauperior, ergo nihil restituit.

§. 4.

Quæst. 2. an b. f. possessor restituat fructus exstantes? Resp. omnino: 1) quia accessorium sequitur suum principale 2) quia alias cum alterius damno fieret locupletior.

Sed distinguendum tamen monet A. inter fructus rei, & fructus industriæ, quia hi inquit, non rem, sed industriam sequuntur. Sed id recte intelligendum. Qui e. g. agrum meum habet & eum colit, & conseruit, procul dubio mihi debet messem, sed industriales fructus sibi capit, id est, non accipio messem, nisi solverim impensas in culturam & semen factas. Alias enim dominus cum b. f. possessoris damno locupletaretur.

§. 5.

Quæst. 3. an b. f. possessor teneatur ad restituendos fructus consumptos? Resp. quatenus factus est locupletior. Tunc autem censetur factus locupletior, si iis, ad necessitatem, non voluptatis causa ex gr.

Hein. de Jure Belli, &c.

S piris,

piris, ponis, leporibus, cancris &c. usus est, quia in promptu fuerunt, non factus est locupletior, quia iis facile caruisset, nisi fuissent in promptu.

§. 6.

Quæst. 4. An teneatur b. f. possessor ad restituendos fructus percipiendos? Negatur; 1) quia nec rem habet, nec pretium, 2) quia non factus est locupletior.

Obijci posset, male cum egisse, quod hos fructus neglexerit. Resp. B. f. possessor se putat esse dominum, & hinc quoque in suo arbitrio positum credit, velitne fructus percipere, nec ne. Aliud ergo in m. f. possessore, qui cum sciat rem esse alienam, merito & percipiendos fructus restituit.

§. 7.

Quæritur 5) an si quis rem alienam sibi donatam alii iterum donarit, verus dominus ab hoc pretium reposcere possit? Neg. quia 1) rem restituere non potest, quam non habet, nec 2) pretium, quia donando non factus est locupletior, secundum §. 2.

Excipitur tamen donatio remuneratoria, vel necessaria. Nimirum donationem dividimus in simplicem; quæ sit ex mera & sola liberalitate, & remuneratoriam necessariam, quæ salva existimatione omitti nequit, e. g. quam sponsus facit sponsæ. Posteriori casu, si quis rem alienam donat, omnino sit locupletior, dum suæ rei parcat, adeoque tenetur ad restituendum, per reg. 2. §. 2.

§. 8.

Quæst. 6. Si quis rem alienam emptam iterum vendiderit, an restituere debeat vero domino pretium?

Resp. aut eodem pretio rem vendidit, quo emit, tunc nihil restituit, quia nec rem habet sec. reg. 1. §. 1. nec locupletior factus per reg. 2. §. 2. Aut majore pretio vendidit, quam emit, tunc lucrum debet restituere, quia in tantum factus est locupletior, per reg. 2. §. 2. e. g. emit quis anulum 20. florenis, eum iterum vendidit 30. florenis: tunc quia 10. florenis factus est locupletior, tantundem etiam restituit.

Sed hoc si non dolose alienaverit. Nam si quis b. f. rem alienam emit, & posteaquam intelligit, verum dominum vindicturum, eandem dolose vendit, licet eodem pretio, quo emit, tunc totum pretium restituit, quia dolo jus naturæ non adfuit. Et hinc est, quod jure civili is, qui dolo possidere desit, pro possessore habetur.

Qu. 7. an qui rem vero domino restituit, pretium ejus, quod ipse expendit, reposcere possit?

Resp. minime, 1) quia ac *l'acq* qui- dem exigere potest, §. 1. n. 5. ergo multo minus pretium, 2) quia dominus non esset dominus, si rem suam de novo emere & pecunia sua dominium ejus recuperare deberet. 3) Quia emptor rei alienæ, si in b. f. sit, potest ab auctore vel venditore suo pretium repetere, quippe qui ei ad evictionem tenetur.

Excipit tamen A. casum, si ne dominus quidem rem suam recuperaturus fuisset, sine pretio quodam oblato, tunc illud b. f. emptori solvi nequissimum esse. E. g. adferri aliquis iussit merces ex India. Piratæ navem intercipiunt, & merces vendunt, Mævius^o b. f. aliquas res emit: verus dominus eas vindicat. Tunc æquitas suadere videtur, ut partem pretii restituat emptori, quia sine *αὔρα* vel pretio res suas ne a piratis quidem recepisset.

Ita Grotius. Sed ego distinguere mallem inter regulas justæ & honestæ. Ex regula honestæ res certa est, non autem ex regula justæ, quæ dominum non jubet res suas bis emere. Hinc laudabitur ejus virtus, qui partem pretii restituet, sed non dicetur injustus, qui non restituet. Qui enim jure suo utitur, nemini facit injuriam.

- n. 2. Hinc consuetaria quædam eruit A. veluti: 1) quod qui impensas alieni funeris fecit, eas jure ab heredibus repetat, quia hi facti locupletiores, 2) quod negotiorum gestor lucri causa aliena negotia administrans tamen jure repetat tantum, in quantum absens factus locupletior. 3) Quod ei, ejus res navis levandæ causa jactæ sunt, reliqui quorum res servatæ merito teneantur ad contributionem secundum L. Rhodiam de jactu. Dum enim alterius detrimento res suas servarunt, facti sunt locupletiores. Sed hæc facilia & ex ipso jure civili nota.

§. 10.

Qu. 3. Si rem alienam emerim b. f. & post-

postea, ubi intellexi, dominum eam vindicaturum, eam restituerim venditori, ut mihi pretium redderet: an ita liberor?

Neg. 1) quia dolo possidere desit, doctore J. N. non adfuit. 2) Quia obligatio restituendi adest, simulac comperi, rem esse alienam. Per reg. 1. §. 2. Dum ergo rem non domino restitui, furtum commissi.

§. 11.

Qu. 9. An qui rem alienam, cujus dominus ignoratur, possidet, eam teneatur pauperibus dare? Ita vulgo docent Casuistæ, Cajetanus, Soto & alii.

Sed Jus N. id non docet, 1) quia in re aliena nulli jus est, præter Dominum. 1) Quia ubi dominus ignoratur, ibi nullus adesse videtur dominus. Non esse enim & non apparere in jure pari passu ambulant. 3) Quia in dubio melior conditio est possidentis.

Interim uti semper pium est, benefacere pauperibus: ita & res inventas illis concedere pium est, modo ne quis existimet, pauperibus jus aliquod esse, illas sibi vindicandi.

§. 12.

Qu. 10. an quod ob turpem causam datum, restituendum sit causa non sequuta?

Neg. I. Quia res non est aliena, quippe cujus dominium ipse verus dominus in accipientem transtulit. 2) Quia licet conditionaliter data sit, si quid turpe fiat: ramen implementum hujus conditionis exigere non potest dominus, quum sit

408 *Lib. II. Cap. X. De Obligatione &c.*
contra leges, adeoque moraliter impossibilis.

Quia tamen jure conditio impossibilis contractui vel pacto adjecta, contractum reddit nullum: hinc nec accipiens rem ob turpem causam acceptam retinere potest. Et hinc plerumque illa a magistratu vel Fisco in poenam eripitur.

§. 13.

Qu. II. An res alienas pretio oblato retinere invito domino possimus?

MEDINA de *restitutione* qu. 10. id affirmat, si res sit fungibilis. Grotius autem refellere conatur Medinam, & dicit in rebus fungibilibus tantundem esse idem, si consensus domini accedat, e. g. in mutuo, non autem invito domino.

Sed Medinæ decisione nihil æquius est. Nam certissimum est, res fungibiles non admittere pretium adfectionis. Demonstravit id THOMASIVS sing. diss. de *pretio adfectionis in res fungibiles non cadente*. Jam ubi nullum est pretium adfectionis, ibi tantundem est idem.

Quam ridiculus esset, qui mihi indignaretur, quod ei ejusdem bonitatis, quantitatis & fabricæ chartas restituam, non autem eam ipsam, quam a tertio b. f. emerim? Hinc hodie omnes auctores assentiuntur Medinæ contra Grotium, cujus decisio tunc demum justam habet rationem, si vel ulla in rem cadere potest affectio.

CA-

CAPUT XL

De Promissis.

§. I.

Supra diximus, alium esse modum adquirendi, alium titulum. Modus acquirendi est causa dominii proxima: titulus est causa ejusdem remota. Ille jure civili tribuit jus in re; hic jus ad rem: ille producit actionem realem; hic personalem: e. g. si prædium emptum mihi traditum est: traditio est modus acquirendi, titulus emptio.

Quum itaque supra actum de modis acquirendi: sequuntur jam varii tituli. Inter quos primus est pactum vel promissio. Agit auctor

- 1) de modis promittendi §. 1. 4.
- 2) de personis promittentibus §. 5. 7.
- 3) de rebus quæ promittuntur. §. 8. 9.
- 4) De promissionibus per alios factis §. 10. 13.
- 5) de acceptatione §. 14. 15.
- 6) de effectu promissionum §. 16. fin.

L. De modis promittendi notum est, n. 1. promitti aliquid posse vel per modum pacti nudi, vel per modum contractus. Per modum pacti, si res futura promittitur, per modum contractus, si præsens adest obligandi causa, quam veteres vocant *συνάλλαγμα*. Jam itaque

- 1) Quæritur, an & nuda pacta sine causa

caussa præsenti, ubi nullum est *συνάλλαγμα*, obligent?

Si de jure civili Romano quaestio esset, facile responderetur, pacta nuda nec obligationem nec actionem producere, sed exceptionem tantum ex edicto prætoris. At hic non queritur de jure civili, sed naturalis: Omnes agnoscunt, J. N. inter pacta & contractus quoad effectus nullam esse differentiam. Solus FRANC. CONNANUS, qui *commentarius juris civilis* satis doctos scripsit, l. 1. c. 6. & l. 5. c. 1. in alia omnia it, statuitque, nec J. N. pactum vel promissionem nudam producere obligationem.

2. 1. Ejus argumenta hæc sunt 1) quia hic in pari culpa versentur promittens, & is, cui promittitur: ille, quia sine justa causa præsente promittit, hic quia temere promittenti credit.

2) Quia ita periculum imminet omnium fortunis, & sæpius homines ex temeritate & ostentatione, quam animo deliberato promittant.

3) Quod alias nullum esset discrimen inter honestum & justum. Honestum esse, hujusmodi promissa servare, sed non injustum, si non servantur. Videri hæc singulorum virtuti & pudori relicta.

4) Quod sæpe promissa ipsi stipulanti sint inutilia, & hinc & ob eam causam cesset obligatio.

Ergo inde concludit Connanus J. N. nullam promissionem obligare, sed tantum ex legibus civibus. Has autem non pactis nudis adistere, sed contractibus tantum.

Ceter.

Ceterum id falsum esse, multis argumentis demonstrari posset. Grotius utitur

1) argumento ab absurdo, & ita ratiocinatur: Si verum est, pacta nuda J. N. non valere, tunc sequitur, ut nec foedera inter gentes ullius momenti sint: nam ea plerumque in sola futuri promissione consistunt. At posterius est absurdum, E. & prius.

2) Simile absurdum inde deducit, dum ita argumentatur: Si pacta J. N. non valent, tunc obligationem suam nanciscuntur ex Legge. Atqui lex ipsa in civitatibus democraticis est pactum, lib. 2. ff. de LL. Pacta ex mente Connani est invalidum. Ergo pacta quaedam valent, ob pacta, quæ non valent. Quid absurdius excogitari posset?

3) Supra demonstravimus, ipsum dominium in alium transferri sola voluntate nostra. Quidni & obligatio personalis?

4) Idem Grotius demonstrat ex consensu sapientum, eamque in rem laudat testimonia JCtorum L. 1. de par. L. 1. de pecun. constit. &c. Ciceronis, Horatii, Platoniorum. Sed hic quidem consensus sapientum tantum abest, ut jus faciat, ut ne gentium quidem consensus, uti sæpe diximus, pro jure sit.

Potius itaque videbimus, quid ad Connani argumenta respondendum sit. Ea hoc ordine refellit Grotius, ut 1) præmittat 3. gradus promissionum, quos vulgo confundunt, n. 5. deinde vero 2) singula argumenta expendat n. 4.

I. Primus gradus est assertio, explicans de futuro animum, qui nunc est. Et hic

est actus *μονόπλευρος*, unilateralis, ex quo nemini jus nascitur. E. g. si inter sermones familiares dixerim, Titium aliquando heredem instituam. Hic tantum explicavi animum meum, quid futurum me statuerim, sed nihil promitto.

Et de hoc primo gradu observandum voluntatem hominis ambulatoriam esse usque ad mortem; nec ulli fieri injuriam, si Titium heredem non scribam. Ratio duplex est, 1) quia ex actu *μονόπλευρο* nemini jus quaesitum est, ut possit mutationem hanc impedire. 2) Quia nemo sibi ipse legem dicere non potest, a qua recedere non liceat. Legem enim ferre est superiorum, legi parere inferiorum. Nemo autem ratione sui ipsius vel superior est, vel inferior, E. nemo sibi ipsi legem dicit, adeoque semper quis voluntatem suam mutare potest.

II. Secundus gradus est, quando voluntas non solum explicatur, sed & determinatur, & ea determinatio certo & perspicuo signo explicatur. Hic quoque est actus *μονόπλευρος*, & J. N. nos obligat, sed alteri jus nullum est rem a nobis exigendi. Dicitur alias pollicitatio. E. g. vocato notario cum testibus declaro, me Titio aedes donatas velle. Titius non adest, nec acceptat. Unde non pactum est, sed pollicitatio. Quaeritur, an obligatus sim? Sine dubio, turpe enim est promissa non servare. An autem alter habet actionem ad aedes a me exigendas? Minime, quia est actus *μονόπλευρος*, ex quo nullum alteri jus quaeritur.

si

Si objicias, absolum videri, me obligari, alteri vero non esse jus exigendi: facilis est responsio, omnia officia imperfecta obligationem producere, sed non dare jus exigendi: e. g. obligatus sum ad eleemosynas dandas, sed non ideo pauper eas a me jure exigit.

§. 4.

Tertius gradus est, ubi voluntas de futuro non solum determinata est, & luculento signo explicatur, verum etiam ab altero acceptatur.

Hic autem actus *συναδρος* vel bilateralis est, & inde alteri jus nascitur, & plena ex parte nostra obligatio.

Ratio est, quia tum hoc modo paciscimur, aut dominio nostro nos abdicamus, quod fit promissione de dando aliquo, vel libertatis nostræ parti renunciamus, quod fit promissione de faciendo. Atqui quilibet potest juri in sui favorem introducto renunciare, & ad renunciata tunc non datur regressus.

Id illustrat Grotius ex ipsa Scriptura S. ubi 1) dicitur ipsum Deum promissa violare non posse; quanto magis homines, qui legibus subsunt? 2) Salomon dicit, promittentes illaqueari verbis oris sui. Prov. V. 1. 2) Promissum Ebraice dicitur *אֶרְבָּנָה* Osereth, *vinculum*.

Jam itaque ad Connani argumenta. Primum est, in pari culpa versari promittentem & eum, cui promittitur. Resp. Verum id esse, si non deliberato animo, non serio, sed per sermones & jocum fiat promissio,

Et hinc leges Rom. stipulationem, tanquam certum signum promissionis seriæ constituisse. Enimvero inde non sequitur, ut sine stipulatione promissio non possit esse seria & ex deliberato animo certoque consilio profecta. Jam itaque respondemus. Si paciscentes in patri culpa sunt, & alter temere & non serio promittit, alter temere promittenti credit, tunc concedimus nullam esse obligationem. Ast quis dixerit, pactum nudum esse promissionem temerariam & minus seriâ?

Alterum argumentum nullius momenti est. Dicit inde magnum fortunis nostris imminere periculum, quia prompti sint homines ad promittendum. Resp. prompti sunt homines ad promissiones, & 2. generis, sed inde nullum imminet fortunis periculum. Primi enim generis promissio potest revocari, alterius generis nullum tribuit jus exigendi. Ad tertii generis promissa non magis prompti erunt homines, quam ad contrahendum, si noverint, obligationem inde nasci.

Tertium ergo plane nihili est. Sic futurum putat Connanus, ut nihil discriminis supersit inter justum & honestum. Sed quidni? An non multa alia sunt officia misericordiæ, liberalitatis, gratitudinis, quæ ex solis honestatis regulis fluunt?

Denique quartum argumentum fere ridiculum est. Possunt pacta nonnunquam utriusque inutilia esse. E. non producant obligationem. Nam 1) idem dici potest de contractibus, quis enim neget e. gr. contra-

tra-

etiam emtionis venditionis utrique aliquando inutilem esse? & tamen ea ex mente ipsius Connani obligationem producit.
2) Si utrique inutile erit pactum, tunc illud possunt mutuo consensu tollere.

Maneat ergo certum fixumque, nullum esse J. N. inter pacta & contractus discrimen, sed illa æque, ac hos obligare, modo sint seria, & ex animo deliberato profecta.

§. 5.

Pergimus ad alteram partem hujus capituli de personis promittentibus, ubi regula generalis: In promittente requiritur rationis usus. Qui enim promittit, debet animum habere vel dominio, vel libertati suæ naturali renunciandi. Illum animum habere nequit, qui rationis usu destituitur. Ergo hic præfici & promittere non potest. Ex quo sequitur

1) Ut amentis, furiosi, infantis promissio nulla sit. Circa furiosum tamen observanda exceptio. Nam sæpe sunt dilucida furoris intervalla. Quum ergo iis durantibus furor cesset: quaeri potest, an tunc promittere possit furiosus? Plerumque id indistincte affirmatur. Sed rectius distinguitur inter actum *transiuntem*, & qui explicari statim potest, e. g. donatio, emtio venditio, & *permanentem*, ubi actio explenda per distinctas præstationes, e. gr. promissio matrimonii, patrocini forensis &c. Ille a furioso expediri potest, durante dilucido intervallo, hic non potest. Vid. BUSEND. de J. N. & G. l. 3. c. 6. §. 3.

2) Ut minoris promissio valida sit. Quam-

Quamvis enim *jus civile* minorenni concedere soleat restitutionem in integrum: id beneficium tamen ignorat *jus naturæ*. Minor enim non destituitur ratione, scit, quid agat. Ergo saltem naturaliter obligatur.

n. 2. 3. Sed quaeri solet, quando puer ratione uti incipiat? Resp. id non *J. N.* Sed *jur. civ.* esse definiendum. Ratio est, quia *jus nat.* non nisi regulas universales suppeditat. De hac re autem nihil universaliter statui potest. Nam pro diversitate ingenii, temperamenti, patriæ vel climatis, alii citius adolescunt & sapere incipiunt, alii tardius. *Jus civile* ergo hic sequitur id, quod in singulis locis ut plurimum fit.

An, cum *jus civile* circa eam rem non sit ubique idem, quid obtineat, si diversarum rerump. cives contrahant? Et resp. Sequendum esse *jus loci*, ubi contrahitur. Ergo si in mari, vel in insula contrahatur, ubi nulli coloni reperiuntur, tunc res redit ad simplicitatem *J. N.* adeoque non ad ætatem contrahentium respicitur, sed disquiritur, an contrahentes usum rationis habuerint, cujuscunque ætatis sint.

§. 6.

n. 1. Secundo in promittente requiritur, ut velit promittere. Voluntati vero obstant error & metus, hinc de illo §. 6. de hoc §. 7. agitur.

Notum est, quam multa *J. Cti* præcipiant de errore circa substantiam & accidentia contractus, de dolo dante causam contractui

etui & incidente, de contractibus b. f. & stricti juris.

Sed hæc omnia cum sint juris mere civilis: merito quaeritur, quid hic statuat J. N.

Grotius existimat, omnem errorem, sine culpa nostra admissum, promissum vitare. Idque probat

1) a simili. Si lex fundatur in præsumptione facti, quod factum revera se ita non habet, ibi lex non obligat. E. g. *in L. 5. C. de serv. fugit.* Dicitur, si mancipium reip. sollicitatum aufugerit, tunc sollicitatorem non modo daturum pretium, sed & defensorem civitatis adactum iri ad n. 2.

2) mancipia restituenda. Cur? fundatur ea lex in præsumptione, quod defensor civitatis negligens fuerit, in persequendo mancipio. Si jam ergo demonstrari potest contrarium legis, nulla erit obligatio. Quum itaque hoc circa legem obtineat, idem etiam obtinebit circa legem, pacta & promissa, ut si fundata sint in præsumptione certæ qualitatis, si ea non adsit, obligatio quoque cesset: e. g. promitto centum pro poculis argenteis, fundo hic promissionem in eo, quod pocula sint argentea. Si ergo ænea sint, merito cessabit obligatio.

3) Idem probat inde, quia omnis promissio certa ratione conditionalis est. Promittimus enim sub conditione, si hæc rei qualitas adsit. Jam conditionale promissum non existente conditione non obligat, ergo nec promissum ab errante factum. n. 2.
Ast hanc regulam fere destruunt excep-
tio-

ptiones. Nam 1) promissum errantis obligat, si ipse sua culpa errarit rem non recte considerando. E. g. vendebat aliquis ædes: emtor omnes ejus partes viderat, & placuerant. Postea errasse se dicebat circa materiam, putasse se totas ædes esse lapideas, quæsi partes superiores sint ligneæ. Erraverat hic sua culpa.

2) Si erratum in re, in qua promissum non fundatur. e. g. Emit aliquis equum, putavit eum esse Holsaticum, jam Frisius adparet. Si cetera recte se habeant, frustra ad hunc errorem provocatur.

Ergo rectius dicitur. In dubio semper error nocet erranti, nisi 1) sit error invincibilis 2) alterius dolo excitatus.

§. 7.

n. 1. 2. Jam de metu quæritur, an is pactum vel promissum vitiet? Veteres Jcti existimabant, promittentem ex metu obligari: postea prætor dabat restitutionem in integrum vel actionem quod metus causa. Ergo jure civ. stricto metus actum non vitiat, sed jure prætorio rescinditur.

Ratio repetenda ex philosophia Stoica, cui dediti erant Jcti. Nam Stoici statuebant, sapientem affectibus carere omnibus, eum nec metuere, nec sperare, nec gaudere, nec lætari: si in Phalaridis tauro sit, tamen dicturum; eja quam suave est, quum nihil curo. Hinc colligebant, eum qui metuit, non esse sapientem, sed stolidum, stolidum autem non debere fructum capere stultitiæ suæ.

Jam omnes existimant, hæc ratione carere,

tere, idque luculenter demonstravit GUNDLINGIUS in *tractatu de efficientia metus*. Et tamen Grotius defendit sententiam Stoicorum & Jctorum, putatque, ex metu initum pactum omnino obligare. Rationes has habet 1) quia hic revera sit consensus. Contra voluntas etiam est voluntas, inimo quam maxime voluntas. 2) Quia hic non est consensus conditionatus, sed purus. Vult enim se a periculo liberare.

Possset objici, dari tamen restitutionem n. 3. in integrum. Resp. Grotius. Id esse ex jure civili. Hoc saepe actus justos rescindere ob reip. utilitatem, e. g. contractus minorenium: &c.

Sed hæc doctrina non est publici saporis. Metus est affectus, qui non in stultos solum cadit, sed in sapientissimos quoque. Representato enim malo futuro, & diffi- culter declinando, necessario metus oritur. Jam ergo non quæritur, an ego consense- rim, sed an alteri jus fuerit metum incu- tiendi, eoque modo consensum eliciendi. Si illi jus est, tunc & promissum metu ex- tortum valet, e. g. si debitor morosus me- tu carceris promittat, se intra octiduum so- luturum. Sin alteri nullum jus est, pro- missum quoque nullum est. Hinc alio tem- pore allegavi elegans epigramma MAR- CIAEIS *lib. 2. ep. 59.*

Quid si me tonsor, dum stricta novacu- la supra est?

Tunc libertatem divitiasque roget,
Promittam, nec enim rogat illo tempo- re tonsor.

La-

Latro rogat, res est imperiosa timor.
 Sed fuerit curva cum tuta noyacula theca,
 Frangam tonsori crura manusque simul.
 Hanc doctrinam ipse auctor agnoscere tenetur
 in verbis §. 2. *Sed illud simul verissimum cenfeo &c.*

§. 8.

a. 1. Sequitur pars III. Capitis de materia vel re, quæ promittitur. De ea primo notanda regula: Res promissæ debent esse in potestate promittentis. Si enim non sint in potestate illius, sunt impossibiles. Impossibilia autem nulla est obligatio. Hinc sequitur

1) Rerum illicitarum promissionem esse nullius effectus. Unde enim nascitur obligatio promittentis? Ex jure nat. quod dicit pacta sunt servanda. Ast idem jus prohibet res illicitas. Ergo fieri nequit, ut idem jus simul prohibeat homicidium, & tamen promittentem homicidium adigat, ut promissum præster.

a. 2. 2) Inde sequitur, ut valeat promissio rei futuræ, & nondum existentis. Quamvis enim jam non sit in potestate promittentis, sufficit tamen, quod in posterum esse possit.

3) Ut si promiserit quis factum alienum, non teneatur nisi ut omnem diligentiam adhibeat. Impossibile est enim alienam operam præstare. E. g. promitto hanc virginem tibi nupturam.

a. 3. 4) Ut non valeat promissio matrimonii a conjuge facta. Auctor quidem contrarium sentit, & existimat jus civile solum rescindere hanc promissionem, quum tamen existim

tum habere possit. Sed probe tenendum, hanc promissionem J. N. repugnare, quia promittitur res illicita, matrimonium nimirum ab eo, qui id inire non potest. Si dicas, promittitur res futura, in eum eventum, si casus exstiterit. Respondeo, & hanc promissionem turpem esse, quia ita sperat & optat conjugis mortem, cui per omnem vitam se præstiturum promisit.

Accedit & alia ratio politica. Nihil enim periculosius est hujusmodi promisso. Non enim moriente conjugē, promittens facile eo adduci se patitur, ut manum illi inferat, & manu evacuet thalamum.

§. 2.

Queritur porro, an valeat promissum rei natura vitiosum? Id recte negatur, quia, uti jam dixi, non potest J. N. adfistere promisso facti, quod ipsum jus nat. prohibet.

Ex quo sequitur, ut hujusmodi ex promisso nulla nascatur obligatio. Hinc nec qui assassinium promisit, tenetur ad solvendum. Pactum enim nullum est: rei nullius autem nulli sunt effectus.

Ast & hic dissentit auctor, & putat id quidem verum esse de pacto non impleto: si jam alter pacto satisfecerit, ei omnino pretium deberi, idque probat exemplo Judæ, qui Thamari, quam meretricem putabat, conveniam mercedem solvit. Gen. 35, 14.

Sed exempla non probant jus. Sufficit, quod hujusmodi pactum nullum sit, si nullum est, nullam potest producere obligationem. Persolvit ergo Judas mercedem fornicationis promissam, sed non persolvere de-

de

debuisset, si nouisset. Uterque paciscens autem obligatur ad poenam.

§. 10.

Quæritur quid sentiendum de promissione rei jam tum debitæ? e. g. debitor debet jam antea 100. & jam creditori solutionem promittit.

Resp. Tanto magis debet, quia ad vetus debitum accedit nova obligatio ex promisso. Si promissio per stipulationem fit, tunc jus civile fieri dicit novationem quia quum antea deberetur ex contractu mutui, jam deberi incipit ex stipulatione. Sed hoc jus nat. ignorat, quia omnes contractus sunt ejusdem generis. Idem jus civile si pactum nudum repetatur, id vocat Pecuniam constitutam. Sed & id J. N. ignorat, quia, ut supra demonstravimus, non differunt pactum & contractus.

Sed quæritur, si vi creditor debitori suo extorqueat promissum, an tunc obligatio nascatur? Resp. minime, quia hæc est vis injusta. Sed an ideo a solutione liberatur debitor? Non, quia jam ante promissum debuit. Puniendus tamen, qui vim adhibuit, pro modo circumstantiarum.

§. 11.

Jam sequitur quarta pars capitis de promissione per se vel alium facta. Potest quis promittere vel per se, vel per alium.

Si per se, tunc requiritur certum signum vel actus externus, ex quo voluntas promittendi colligatur, id est, verba, litteræ &c.

Addunt nonnunquam jura solemnitatem, e. g. apud Romanos questionem ad respondentem.

ponsionem congruam, id est, stipulationem, apud veteres Germ. manus. oblationem. Sed hæc signa non sunt J. N. quia sunt arbitraria, & apud diversas gentes diversa. Sufficit J. N. si mens & consilium adsit promittendi, idque consilium eluceat ex signis externis quibuscunque.

§. 12.

An vero & per alium quis recte promittit? Resp. omnino, quia quod quisque per alium facit, illud ipse fecisse videtur, modo voluerit, alium pro se promittere, quæ voluntas ex MANDATO colligitur.

Id mandatum vel generale est, vel speciale. Generale, si quis alterum ei negotio præposuit, in quo opus sit contractibus & promissis. Unde scimus institore contrahente jus civile dare actionem institutoriam, magistro navis contrahente, exercitoriam. Speciale, si quis alterum mandato instruit, ad hoc pactum vel promissum suo nomine faciendum.

Ratione effectus ea differentia est, quod in generali ratum debeat habere, quidquid agit mandatarius, modo res ad negotium, cui præpositus est, pertineat. At speciale mandatum non ultra obligat dominum, quam mandavit: non ergo si mandatum excessit. Ratio est, quia illo casu alter qui cum mandatario nostro contraxit, nescivit, quam illi potestatem fecerimus: at hoc casu id satis scit ex procuratorio vel mandato.

Rem duplici exemplo illustrat Grotius. Quod speciale mandatum non obstringat.

do.

dominum, si mandatarius limites mandati transcederit, patet exemplo legatorum. Legatus duplici munitus mandato agit, 1) litteris ad Principem vel republ. directis, quæ vocantur *hæc creditum*. In illis rogatur Princeps, ut huic ministro nostro fidem habeat, tanquam ipsi mandanti. 2) Litteris ad ipsum legatum directis, *de instructione*, ubi præscribitur legato, quantum promittere debeat, vel concedere alteri parti. Quid si fines hujus instructionis transcederit? Tunc non est pactum, sed sponsio, & tunc vel legatus dixit, se non esse instructum, sed promittere sub spe rati: tunc nulla ei, cui promissum, debetur satisfactio: aut simulavit, sibi instructionem esse, & promisit: tunc debetur satisfactio. Apud Rom. illa in eo consistebat, quod legatus nudus, revinctis in tergum manibus traderetur alteri parti. Exemplum est in sponsione Numantina & Caudina apud Livium, de quibus alio loco.

§. 13.

Alterum exemplum, quo docet generale mandatum mandantem obligare ad omnia rata habenda, est actio exercitoria & institoria. Institor enim & magister navis sunt mercatores generales certis negotiis præpositi. Inde sequitur, ut quod ratione istius negotii cum illis agitur, id ipse dominus egisse videatur.

An ergo actiones exerc. & instit. sunt J. N. Resp. omnino, sed qualitas tamen quædam his actionibus accessit ex J. civili, nempe quod singuli præponentes te-
nean-

neantur in solidum. Et hinc apud Hollan-
dos id non receptum esse monet, ne homines
negotiatione maritima absterreantur.

§. 14.

Quinta capitis pars agit de acceptatio-
ne. Hoc opus esse, facile probatur. Pa-
ctum est negotium bilaterale. Ergo non
sufficit unius consensus. Si ergo utrumque
consentire decet: alterius sane est promit-
tere, alterius promissum acceptare.

Ea vel expressa est, quæ verbis post
permissionem declaratur, vel tacita, quæ
ex antecedente rogatione colligitur. Nam
si ego rogo centum, alter eos promittit,
in antecessum videor accepisse: modo tan-
tumdem promittatur, quantum rogatum.
Nam si rogatus centum, promittam vigin-
ti, acceptatione speciali opus est.

Obijciunt: atqui pollicitationem reipu-
blic. factam sine acceptatione obligare.
Vid. *sic. ff. de pollicitat.* Resp. A. id juris
civilis esse. Posset addi, revera hic loco
reipubl. ipsam legem promissum accepta-
re, quemadmodum & acceptat pro pupil-
lis, & amentibus.

§. 15.

Quæritur etiam solet, sufficiatne acceptio-
nem factam esse, an præterea requiratur,
ut innotescat illa promittenti? Subtiliter
A resp. videndum esse, quid actum sit,
nam posse utraque sub conditione conve-
niri, si alter acceptet, & si innotuerit, il-
lum accepisse. Deinde videndum ait, an
promissio sit mutua, an unilateralis. Ibi
ne-

necessarium esse, ut mihi innotescat acceptatio, hic præsumi, illum acceptasse.

Sed non opus est his ambagibus. Semper requiritur, ut acceptatio mihi innotescat. Non esse & non apparere in jure pari passu ambulant. Sed innotescit mihi, vel per signa alterius expressa e. g. verba, litteras &c. vel per præsumtionem, si alter tam sit indigus, ut non possit adspersari promissum.

§. 16.

Agi jam incipit de revocatione promissi: Ea vero fieri potest 1.) nondum sequuta acceptatione. Ea enim nondum facta, nondum est pactum, sed actus unilateralis, in quo voluntas ambulatoria est usque ad mortem, uti nuper demonstratum.

2.) Mortuo eo, cui promissum, ante acceptationem. Quamvis enim obligatio ex promisso etiam ad heredes transeat: non tamen transit obligatio a defuncto nondum acquisita. Aliud si modo spes adsit, e. g. si sub conditione promissum, & defunctus accepit promissum.

§. 17.

a. i. 1. 3.) Mortuo mandatario ante negotium explicatum. Mandatario, inquam, non internuncio vel tabellario: quia in mandatario industria personæ eligitur.

Prolixus hic est auctor in ratione hujus juris investiganda, eamque in eo quaerit, quod illius verbis posita fuerit obligatio. Hinc no. 2. addit A. si præsumtio sit, mandantem voluisse mandatum valere, etiamsi moriatur mandatarius. Qualem præsumtionem adesse

adesse existimat in legatis & promissis ad
pias causas.

Sed hæc nihili. Non valet promissum,
nec factum, nec acceptatum. Mandatario
promittentis mortuo, nec factum est pro-
missum nec acceptatum; E. non valet,
nisi id per alium fieri jubeat mandans.
Præsumtio hic nihil operatur, quum man-
dans dum non per alium promittit, satis
declarat, se jam nolle promittere. Et do-
ctrina de causis piis maxima ex parte
pontificiis principiis superstructa est.

§. 18.

An & acceptatio fieri potest per alium? n. 1. 2.
Hic non quaeritur de alio, cui mandavi,
id enim extra dubium est, sed de eo, qui
pro me sine mandato acceptat.

Distinguit Grotius, mihiæ promissum
sit, an alteri. Si mihi, tunc solvendum
esse, quod alterius bono acceptavi, sin
alteri, tunc denuo distinguendum putat,
an mandato acceptandi instructus sim,
nec ne. Posteriori obligatum esse promit-
tentem, sed alteri jus non nasci, nisi ra-
tam habuerit acceptationem.

Jam videbimus exempla. Dixit ali-
quis: promitto tibi, me fratri tuo fi-
liam uxorem daturum. Ego accepto. An
recte? Omnino, quia non fratri, sed mihi
promisit. Contra dixit aliquis: promitto
fratri tuo, me ei filiam uxorem daturum;
hic fratri promittitur, si ego mandato in-
structus accepto, valet promissum. Sin sine
mandato: promittens obligatur, sed fratri
tum demum jus nascitur, si ratam habuerit

acceptationem meam. Et id quidem rectissime. Non prius enim fit pactum, quam accesserit utriusque in idem placitum consensus.

§. 19.

Qu. an liceat & onus adicere promissioni suæ meum vel tertii commodum?

Facilis responsio. Si id fiat ante acceptationem, licet. Nam alteri jus nondum quæsitum est. Si post acceptationem: id frustra fit, quia alteri jus per acceptationem quæsitum auferre nequit.

Immo quum alias rogatio antecedens pro acceptatione sit, hic tamen res secus se habet. E. g. rogo, ut mihi filiam respondeat, si soror tua nupserit fratri meo. Hic non prius obligatur promittens, quam alter hoc onus acceptarit.

§. 20.

Qu. an promissum cui error, metus, &c. causam dedit, possit convalescere? In iure civ. in multis valet regula: Quæ ab initio nulla sunt, ea ex postfacto non convalescunt. At promissa convalescunt.

1) Si causa cesset. E. g. Titius promisit Mæviæ matrimonium, quia putavit, eam possidere viginti millia: postea adparet, eam ne mille quidem possidere. Interim ea ab agnato heres instituitur, & accipit 20000. Fingamus nulla fuisse sponsalia ob errorem, non amplius tamen nulla erunt, cessante erroris causa.

2) Si nova accedat paciscendi voluntas. E. g. Titius ambiens munus publicum, a patrono cogitur promittere matrimonium

Ti-

Titiz. Postea opponit exceptionem, quod metus causa. Interea personæ in gratiam redeunt, & Titius Titiam amare incipit. Videtur jam de novo rata habuisse sponsalia.

Sed unum moneo, hac questione, quod ad errorem attinet, raro opus esse, quia supra contra Grotium demonstravimus, promissum hujusmodi non esse ipso jure nullum, sed in dubio errorem nocere debere erranti. Quid enim imputari potest Titiz, si nunquam gloriata de divitiis, dives tamen ipsa est ipso?

§. 21.

Qu. an causa expressa opus sit ad validitatem promissorum? Notum est, jure civ. si alicui dederim chirographum, falsus sim, me ei debere centum, tamen non posse actionem ex hoc chirographo institui, nisi causa debendi, e. g. mutuum, emptio venditio, &c. expressa sit. An itaque idem J. N. exigit?

Resp. neg. quia J. N. mihi licet, dominium rerum mearum & sine causa ex mera liberalitate in alium transferre, e. g. donare. Jura civilia adinvenerunt, quia sæpe potest latitare causa falsa, & vitiosa, e. g. debeo tibi centum, nimirum ex alea. Jus nat. hanc subtilitatem plane ignorat.

§. 22.

Ultima questio jam occupata est. Queritur nimirum, an factum alienum promittens, eo non sequuto, teneatur ad id quod interest?

Neg. quia factum alienum promittens non ultra se obstrinxit, quam quatenus sibi

futurum sit possibile. Impossibile enim nulla promissio est. Jam nihil amplius ei possibile est, quam ut omnem operam navet. Ergo ea navata liberatur.

Exceptio tamen est, 1) si dixit personam aliterius in sua potestate esse, 2) si in dolo sit, 3) si promiserit indemnitate,

C A P U T XII,

De Contractibus,

§. I.

Hactenus de pactis: jam de contractibus. Quum vero jam supra demonstratum sit, pacta a contractibus ratione effectus non differre, existimari posset, frustra auctorem distincte de utrisque egisse. Sed quamvis non differant pacta & contractus J. N. ratione formæ, qua utrobique mutui consensus requiritur, nec ratione effectus, quia utrobique nascitur obligatio: differunt tamen ratione objecti. Paciscimur enim de rebus omnibus, contrahimus tantum de rebus, quæ sunt in commercio. Hinc e. g. nuptiæ pactum sunt non contractus. Emptio venditio contractus & pactum J. N. dici potest.

Caput nostrum constat 3) partibus: Nam explicatur

1) quotuplices sint actus humani ad aliorum utilitatem tendentes, e. g. contractus? §. 1. 6.

2) quid contractus? §. 7.

3) quid

3) quid iustum circa contractus. §. 8. 26.

I. Actus humani sunt vel simplices vel compositi, quos & §. 5. mixtos vocat.

Simplices sunt, ubi unus contractus est, e. g. emptio venditio.

Compositi: ubi negotiorum ex pluribus contractibus compositum & constat est,

e. g. Loco alicui prædium rusticum, & pro pensione mihi stipulor dimidiam partem fructuum. Tunc negotium constat est ex locatione, conductione & societate. Unde huiusmodi conductor dicitur colonus partiarus. L. 25. §. 6. ff. loc. cond.

§. 2.

II. Simples denuo sunt vel beneficii, vel permutatorii, seu onerosi.

Beneficii, quando ex una tantum parte onus, ex altera commodum est, e. g. commodatum.

Onerosi vel permutatorii, ubi par utriusque commodum & onus, e. g. in emptione venditione.

III. Beneficii vel meri sunt, vel mutuum habent obligationem. Meri, ubi nulla est alterius obligatio, e. g. mutuum, quo solus debitor obligatur, creditor nullo modo. Mutuum habentes obligationem, ubi uterque obligatur, unus absolute & simpliciter, alter ex accidente, e. g. in commodato, deposito.

IV. Beneficii meri aut in præsens absolvuntur, si statim accedit traditio, e. g. si dono, & statim trado, vel in futurum promineat, si promitto, sed differo traditionem.

V. Beneficii qui cum obligatione mutua

T 3 sunt,

sunt, aut de re sine alienatione disponant,
uti commodatum, depositum, vel de fa-
cto, c. g. mandatum.

§. 3.

- n. 1. Haecenus de actibus beneficiis, sequun-
tur onerosi, in quibus par utriusque com-
modum & incommodum. Hi VI. vel diri-
munt partes, vel communionem induunt.

Diremtorii sunt tres illi, quos innomi-
natos vocant JCrī, do ut des, facio ut
des, facio ut facias.

De communicatoris videbimus §. 4.

- n. 2. Nam, antequam ad hoc progrediatur
Auctor, quæstionem movet: an inter con-
tractus nominatos & innominatos sit J. N.
differentia?

In civ. multum differunt. Nam 1) con-
tractus nominati singuli suam producebant
actionem: innominati omnes unam com-
munem actionem habent præscriptis verbis.
2) In contractibus nominatis locus non est
pœnitentiæ, in innominatis locus est, &c.

- n. 3. Sed recte negat auctor J. N. aliquid in-
teresse. Nam 1) quid aliud est emtio
venditio, quam contractus. do ut des &
quid aliud locatio operarum, quam contr.
do ut facias & 2) utrique contractus,
æque antiqui & naturales sunt: immo per-
mutatio omnium antiquissima. 3) Perin-
de est, siue mihi pro re & facto meo pe-
cunia numerata detur, siue alia res, dum-
modo mihi satisfiat.

- n. 4. Jam ergo singulorum contractuum di-
remtoriorum species recenset auctor. Nam
in contractu DO UT DES aut

1) res

- 1) res datur pro re, & tunc dicitur PERMUTATIO.
- 2) Pecunia pro pecunia, & tunc dicitur CAMBIUM, COLLYBUS.
- 3) Res pro pecunia, tunc dicitur EMPTIO VENDITIO.
- 4) Usus rei pro re, ut in pacto ANTICHRETICO.
- 5) Usus rei pro pecunia, ut in LOCATIONE CONDUCTIONE.
- 6) Usus rei pro re in eodem genere restituenda, MUTUUM.
- 7) Usus rei pro re in eadem specie restituenda, COMMODATUM.

Contractus FACIO UT FACIAS innumeras habere potest species, nec hæ singulare nomen admittunt, quia facta sunt innumera. n. 5.

In contractu FACIO UT DES, aut datur pro facto

- 1) Pecunia, ut in LOCATIONE OPERARUM.
- 2) Aut pro indemnitate præstanda pecunia, ut in contractu ASSECURATIONIS.
- 3) Aut pro facto alia res, tunc retinet nomen FACIO UT DES, e.g. in Advocato alienam causam agente.

§. 4.

Versamur adhuc in divisione contractuum, quorum alii benefici sunt, alii onerosi. Hoc iterum in diremptorios & communicatorios divisimus. De diremptoriis hætenus. Communicatorios quod attinet, ii vel res communicant, vel facta, vel utraque. Et tunc

inde nascitur contractus. SOCIETAS. Ea prout varii sunt fines varia acquirit nomina. Sic si plures coeunt vitæ communis & devotionis causa, vocatur COENOBIVM, si mercaturæ causa eene COMPAGNIE, si navigationis causa, eene ADMIRALITÆT.

§. 5.

Hi sunt contractus simplices, sequuntur compositi vel mixti, 1) quando negotium non ad unum contractum referri potest, sed ex pluribus veluti constat. E. g. Vendo Mævio ædes, sed ipsi remitto dimidiam pretii partem. Sic mixtura venditionis & donationis. Fabro promitto mercedem, ut mihi ex suo ligno domum construat, habemus negotium mixtum ex locatione & emtione. Sic & cambium ex variis contractibus constat. Inter remittentem & transantem est contractus do ut des, inter transantem & presentantem pactum cessionis, inter presentantem & acceptantem constitutum, inter transantem & acceptantem mandatum.

§. 6.

2) Sunt etiam mixti contractus, quando duo vel plures contractus conjunguntur, quorum unus principalis, alter est accessorius. E.g. mutuo accedere possunt contractus pignoris, fide jussionis, chirographarius. Mixta esse hujusmodi negotia facile adparet: nam inter debitorem & creditorem intercedit contractus mutui, inter debitorem & fidejussorem stipulatio.

§. 7.

Jam II. quaeritur, quid sit contractus

Pau-

Paucis redefungitur Grotius, dum dicat omnes actus aliis utiles præter beneficos contractus esse.

Sed ea nec justa definitio, nec descriptio est.

Rectius dixeris, contractus est conventio super re, quæ in commercio est iuncta.

Dico *conventio*, nam id est genus, cui subsunt species binæ, pactum & contractus.

Addo *super re, quæ est in commercio*. Ita enim contractus differt a pacto, uti supra diximus.

§. 8.

Jam sequitur III. pars de eo quod iustum est circa contractus? Hic præmittitur regula generalis: In contractibus debet esse æqualitas.

Id facile demonstratur. In contractu alter alteri quid præstat, quod ex legibus humanitatis non debet. Quicumque hujusmodi quid præstat, is jure suo exigit satisfactionem. Satisfactio est, ubi par pari refertur. Ubi id fit, ibi est æqualitas. E. in contractibus requiritur æqualitas.

Ea vero se exferit partim in actu contrahendi, partim in re, de qua contrahitur. Actus vel contractum præcedit, vel ipsum contractum ingreditur. Jam de singulis.

§. 9.

Actus præcedens contractum, 1) Ut alter alteri rei vitia candide aperiat. Id fieri oportere demonstro. Ostendimus §. 8. in contractibus requiri æqualitatem. Ergo contra justitiam agit, qui majus pretium sumit, quam res exigit. Alit majus pretium sumit,

T 5 qui

n. 1.

qui rei vitiis dissimulatis pretium sibi solvi patitur rei haud vitiosæ, ergo tenetur alteri alter vitia indicare.

Hinc recte Græci utebantur proverbio: Contractus lumen decet.

Objici posset: neminem teneri ad veritatem dicendam cum suo detrimento conjunctam. Resp. id verum esse, si alteri neque perfectum, neque imperfectum jus sit, veritatem a me exigendi. Hic autem contrahens a contrahente hoc jure exigit.

n. 2.

Sed loquimur de rei vitiis, non de circumstantiis, quæ rem ipsam non attingunt. Eas enim si dissimulat contrahens, non quidem satis humanus est, sed tamen nec injustus. Elegans exemplum apud Ciceronem est l. 3. de offic. c. 12. Vir bonus Alexandria magnum frumenti numerum advehit Rhodum, in summa annonæ difficultate. Si idem sciat, complures mercatores Alexandria solvisse, navesque in cursu frumento onustas petentes Rhodum viderit, dicturusne id sit Rhodiis, an silentio suum quam plurimo venditurus? Antipater putabat, eum id dicere debere, negabat Diogenes Babylonius.

Resp. inhonestum esse id celare, sed non injustum, quia hæc res non pertinet ad rei vitium vel interiorem naturam, quam solum debet indicare contrahens.

n. 3.

Deinde excipienda vitia, quæ vel in oculos incurrunt, vel aliunde nota sunt. Tale quid videmus,

1) Si vitia sint externa, e. g. ædes venduntur ruinosæ.

2) Si

2.) Si ipse emtor rem paullo ante possedit. Quo pertinet exemplum ex eodem Cicerone l. 2. de off. c. 16.

3.) Si qualitas sit rebus omnibus communis, e. g. quod ædes sunt tributariæ.

§. 10.

Deinde II.) & id contractum debet præcedere, ut sponte uterque decreverit contrahere. Si enim alter sponte, alter coactus contraheret, nulla inter contrahentes esset æqualitas. Hinc jam supra monuimus, contractum vi & metu extortum ipso jure nullum esse, si metus injuste excutiat.

Perinde vero est, siue vis sit explicita & crassa, siue implicita & subtilis, veluti si servus roget libertatem, dum novacula supra est, si medicus, dum cæci oculos ungit contractum celebrare suadet. L. 3. ff. de extr. cognit.

§. 11.

Hæc ergo præcedere debent contractum. Actus, qui ipsum contractum ingreditur, ita describitur a Grotio; Nemo contrahens plus exigit, quam par est. D. 1. 2.

Nihil hac regula justius. Contrahens contrahenti debet satisfactionem, per §. 8. Qui minus dat, quam par est, is non satisfacit, & qui minus accipit, quam par est, ei non satisfacit, ergo tantum dandum, quantum par est.

Sed 1.) id locum tantum habet in contractibus onerosis, vel permutatoriis. In beneficis enim alter in se solum onus sponte suscipit, adeoque hic nulla requiritur æqualitas pretii, quia pretium plane non intercedit.

2) In onerosis quoque cessat hæc æqualitas, si alter sponte quid de jure suo remittit. Sic e. g. Plinius sponte Corellie agrum minori pretio vendidit. *PLIN. l. 7. ep. 11.* quo casu ne jus quidem civile rescindit contractum ob enormem læsionem, *L. 11. C. de res. vend.* quia læsus non dicitur, si sponte aliquid remitto.

3) Etiam benefici contractus admittunt pretium. Non enim injustum est, commodantem, depositarium, mandatarium mercedem sibi stipulari, sed tantum contractus tunc in aliam speciem degenerat.

n. 2. Ceterum eleganter ex Chrysostomo observat Gror. eum qui contra hanc regulam peccat, furtum admittere. Quid enim aliud est acceptatio iniqui pretii, quam ablatio fraudulosa rei alienæ invito domino, lucri faciendi causa facta?

Quod autem de Hermia narrat, eam ubi res venditis minoris judicata videretur, pretio aliquid adjecisse: id quidem laudandum, tanquam honestum, sed non injuste agit, qui tantum offert, quanti res judicatur, quia volenti non fit injuria: modo judicans pretium usu rationis polseat, justaque ætatis sit. Quid enim si plane donaret?

§. 12.

n. 1. Diximus supra æqualitatem se exferere vel circa actum contrahendi, vel circa rem, de qua contrahitur (§. 8.) De actu contrahendi tum præcedente, tum ingrediente contractum hætenus diximus: proximum est, ut rem ipsam, de qua contrahitur, consideremus.

Si

Si res sine culpa contrahentium vitiosa adpareat, id damnum contrahentes sibi invicem rescarcire debent. Ratio ex eodem fundamento fluit. Nam 1) quum in contractu requiratur æqualitas: (§. 8.) non sufficit pretium esse æquale rei, sed rem quoque oportet esse æqualem pretio. Non autem æqualis est, si vitiosa. 2) Regula iusti est: Quod tibi non vis fieri, alteri ne feceris. Jam venditor non vult defraudari iusto pretio, ergo nec emptor debet circumveniri re vitiosa.

Obijcitur: ius tamen Rom. non ob quocunque rei vitium, vel quaecumque pretii inæqualitatem contractum rescindere, sed tantum ob læsionem enormem. L. 2. C. de resc. vend. Resp. 1) leges civiles non omnia ad vivum rescare possunt. Sufficit, modo illa vitia inhibeantur, per quæ detrimentum capere posset resp. 2) Interest reip. ne litibus immuneris fatigetur iudices. Ergo nec expedit ei, ut ob quaecumque læsionem minimam actiones dentur.

n. 2.

Sed inde non sequitur, eum non iniuste agere, qui vel in re minima alterum secum contrahentem læsit.

§. 13.

Supra diximus, regulam hanc de æqualitate proprie locum habere in contractibus onerosis: quæritur ergo, an in beneficiis plane exsulet æqualitas?

n. 1. 2.

Resp. non omnino. Nimirum distinguimus inter id, quod ex ipso contractu per se fluit, & quod ex post facto vel per accidens. Mandans c. g. non obligatur ex ipsa natu-

natu-

natura contractus, quia est gratuitus & beneficus: sed obligatur tamen per accidens, & ex postfacto, si mandatarius impensas fecit, tunc enim mandans ei debet indemnitatem.

Sed quæritur, si res commodata apud commodatarium perierit, an tunc teneatur refarciendum? Id adfirmat Grotius, modo res non fuisset apud ipsum dominum peritura: idque inde probat, quia commodans non solum rem alienam habeat, sed & utilitatem & commodum inde capiat. Verum perspicue falsum. Nam 1) casum nempe præstat, ergo nec commodatarius. 2) Utilitatem capit ex re aliena, sed volente domino gratis. 3) Si teneretur ad refarciendam rem, quæ periit, nihil interesset inter emptorem, qui pretium nondum solvit, & inter commodatarium; quod absurdum.

Ergo in contractibus beneficiis nihil præstandum, præter culpam eamque vel majorem vel minorem, prout vel majus vel minus commodum ex hujusmodi contractu quis capit.

- n. 2. Hinc non satis accurate A. dicit, hæc omnia quidem ex LL. Rom. congruere: sed ex æquitate naturali proficisci. Nam commodatarium casum præstare, nec æquitati naturali congruit, nec legibus Rom. L. 18. 19. 20. ff. commod.

S. 14.

Sed quæritur porro, quomodo justum rei pretium definiendum sit?

Grotius ejus fundamentum facit indigen-

gentiam. Sed hoc fundamentum admodum vacillat: nec enim ea, quibus maxime indigemus, pretiosiora sunt. Quantum margaritis pretium fecit luxuria? quantum unionibus?

Nos itaque rem paullo accuratius expendemus. Pretium supponit 1) rem aliqujus usus esse, sive ad vitam commodam exigendam, sive ad luxuriam, voluptatem, &c. Nam si nullius usus sit, nullius quoque pretii esse censetur.

2) Supponitur rem non esse inexhausti usus. Si enim in tanta adsit copia, ut omnibus sufficiat, tunc, licet utilissima, nullum admittit pretium. Hæc vero rei tantum pretium aliquod conciliant. Quod autem pretium intenditur vel remittitur, id est

3) ex raritate. Quo enim rarior res, eo carior. Rarior autem dicitur a) quod non nisi rarius reperitur, ut ambra, adamantes majores. b) quod copiosius quidem reperiantur, sed non nisi in regionibus dissitis, ut piper, cinnamomum. c) quod maximo cum periculo advehantur, e. g. per mare: d) quod cum summo labore & periculo reperiantur, uti Mercurius, vel argentum vivum. e) Quod res qualitatem quandam vel a natura vel ab arte humana accepit, quam nusquam vel raro alibi reperias.

Recte enim observat Auctor n. 2. habendam esse rationem laborum & expensarum, quos fecerint mercatores.

Hinc facile redditur ratio 1.) cur res ad luxu-

luxuriam pertinentes majoris vendantur quam frumentum, aliaque res utilissimæ. Quia nimirum illæ provida Dei cura sunt rariiores.

2) Cur res vilius vendatur, si sit magna venditorum copia, magna ementium inopia? Quia tñm non est rarior.

3) Cur libri Fisco addicti, hæreticorum, atheorum sint cariores? quia rariiores.

4) Cur antiqua monimenta, numi, marmora, statuz, Codices MSC. tanto pretio vendantur. Quia rariiores. Ea in re tam stulta nonnunquam est hominis affectio, ut res nihili æstimet, tantum quod antiquæ, & rariiores sint. Exstat eam in rem elegans LUCIANI *dialogus* sub titulo: *in idoliū & multos libros coemensem.*

§. 15.

n. 1. Jam de quibusdam contractibus speciatim agit auctor, & quidem de emtione §. 15. 16. 17. de locatione §. 18. 19. de mutuo §. 20. 22. de asscuratione §. 23. de societate §. 24. ad fin.

De emtione tria observat auctor I. quod per illam dominium J. N. sine traditione transferatur. Jure enim civ. aliud obtinere novimus, secundum quod non prius transit dominium, quam res tradita.

Pretii sententia facile probatur ex fine contrahentium. Qui vendunt id agunt, ut transferant dominium, & qui emunt, ut idem nanciscantur. Quum ergo uterque in dominium transferendum consentiat, quid opus est nova consensus declaratione per traditionem?

Ergo

Ergo statim omnino J. N. transfertur dominium, nisi aliter pacti sint contrahentes, quod fieri posse, nemo negaverit. Ex quo sequitur

1) ut facta emptione solutoque pretio J. N. res empta statim mea sit, ut a venditore alii vendi tradive nequeat. *

2) Ut periculum statim ad emptorem pertineat, quia res perit suo domino. Hac recte coherent, quum contra Jus civ. neget, emptorem ante traditionem fieri dominum, & tamen concedat, periculum & commodum rei venditæ transire ad emptorem, quæ sane vix conciliaveris.

3) Ut male statuat Grotius, re bis vendita, ex duabus venditionibus eam valituram, quæ in se continuit præsentem dominii translationem.

Quum enim ipse falsus sit, J. N. traditionem non requiri, sed sine ea quoque transferri dominium: sequitur, ut prior venditio J. N. semper præferenda, altera vero indistincte nulla sit, sive traditio accesserit, sive non accesserit. Si enim posterior venditio nulla est, sane non juvabit emptorem, quod rem accepit traditam. Venditori enim post priorem contractum nec vendendi nec tradendi potestas fuit.

Miscet E. hic Grotius, jus N. & civ. quod ad transferendum dominium requirit traditionem.

§. 16.

Alterum quod de emt. venditione tractat Grotius est quæstio: II. An & monopolia concedi possint salvo J. N.

Mono.

vel 4. pro 100. in Germania 6. pro 100.
sunt usuræ ordinariæ.

§. 18.

Jam de locatione conductione, de qua observat Grætius I. quod, uti in emtione periculum statim transit ad emptorem, ita & in conductione ad conductorem. Sed hæc non ita liquida, adeoque paullo accuratius expendenda sunt.

Periculum est vel in re, vel in fructibus. De re certum est, ejus dominium non transire ad conductorem, adeoque cum nec easum præstare, sed solam culpam, e. g. si ædes conductæ incendio deletæ sint.

At fructuum dominium transit ad conductorem. Iis ergo pereuntibus, damnum est penes conductorem. Hæc facile intelliguntur. Sed jam porro observandum, locationem conductionem esse contractum, quo merces datur pro usu rei. Ergo si re uti potui, debeo mercedem, si uti non potui, & merces cessat. Uti re, significat & fructus e re percipere. Ergo distinguo an fructus perceperim, an sine culpa mea percipere non potuerim. Si percepi, fructus mihi pereunt, e. g. si collecta messe horreum incendio fatali consumitur. Si casu quodam, e. g. sterilitate, tempestate, locustarum multitudine agros depascente nihil percepi, tunc nihil debeo mercedis. Ratio plana est. Quo jure enim locator hic pensionem pro fructibus exigit, quos ne ipse quidem, si non locasset, percipere potuisset?

Hinc recte jus civ. concedit conductori remissionem pensionis ob damnum fatale.

L. 15. §. 1. seq. L. 25. L. 33. ff. *Tec. condi*
Conductio enim sua natura in se continet
 tacitam conditionem, si fructus percipiam,
 si re uti potero, nisi quis casus fortuitos
 in se ultro susceperit.

§. 19.

Observat 2) quod locatio conductio quo-
 que admittat mercedem majorem vel mino-
 rem, prout res vel opera magis vel minus
 obvia est. Sic e. g. si Professori juris in
 Germania demandatur lis forensis, is triplo
 plus sportularum accipit, quam advocatus,
 quia operas suas locare alias non solet, nisi
 amicitiae causa. Sic si medicus operam ad-
 dicit, ad sectionem periculosam calculi, vel
 herniae, merces plerumque satis grandis
 est, quia non ubique obvii sunt, qui hujus-
 modi operationes dextre exsequantur.

Ast si res ordinariae & ubivis obviae, vel
 operae illiberales locantur: tunc aequalitas
 & proportio inter rem & mercedem ob-
 servanda. Alias laesio juxta superiores re-
 gulas de aequalitate servanda erit resar-
 cienda. Unde & locationem conductionem
 jus civile rescindit ob laesionem ultra di-
 midium. L. 1. C. de resc. vend.

§. 20.

Pergit A. ad mutuum, & quaestionem
 circa mutuum movere famosissimam, an usurae
 jure nat. permittae sint?

n. 1.

Plerique Scholastici id negant, solo dissen-
 siente Abulensi, quocum & Grotius facit.

Scholasticorum argumenta haec sunt.

1) Mutuum est contractus gratuitus. E.
 non possunt usurae peti. Resp. Est gratuitus

con-

2) In onerosis quoque cessat hæc æqualitas, si alter sponte quid de jure suo remittit. Sic e. g. Plinius sponte Corelliaæ agrum minori pretio vendidit. *PLIN. l. 7. ep. 11.* quo casu ne jus quidem civile rescindit contractum ob enormem læsionem, *L. 11. C. de res. vend.* quia læsus non dicitur, si sponte aliquid remitto.

3) Etiam benefici contractus admittunt pretium. Non enim injustum est, commodantem, depositarium, mandatarium mercedem sibi stipulari, sed tantum contractus tunc in aliam speciem degenerat.

D. 2. Ceterum eleganter ex Chrysostomo observat Grot. eum qui contra hanc regulam peccat, furtum admittere. Quid enim aliud est acceptatio iniqui pretii, quam ablatio fraudulosa rei alienæ invito domino, lucri faciendi causa facta?

Quod autem de Hermia narrat, eam ubi res venditis minoris judicata videretur, pretio aliquid adjecisse: id quidem laudandum, tanquam honestum, sed non injuste agit, qui tantum offert, quanti res judicatur, quia volenti non fit injuria: modo judicans pretium usu rationis polleat, justæque ætatis sit. Quid enim si plane donaret?

§. 12.

D. 1. Diximus supra æqualitatem se exserere vel circa actum contrahendi, vel circa rem, de qua contrahitur (§. 8.) De actu contrahendi tum præcedente, tum ingrediente contractum hactenus diximus: proximum est, ut rem ipsam, de qua contrahitur, consideremus.

Si res sine culpa contrahentium vitiosa adpareat, id damnum contrahentes sibi invicem refarcire debent. Ratio ex eodem fundamento fuit. Nam 1) quum in contractu requiratur æqualitas: (§. 8.) non sufficit pretium esse æquale rei, sed rem quoque oportet esse æqualem pretio. Non autem æqualis est, si vitiosa. 2) Regula iusti est: Quod tibi non vis fieri, alteri ne feceris. Jam venditor non vult defraudari iusto pretio, ergo nec emtor debet circumveniri re vitiosa.

Objicitur: ius tamen Rom. non ob quodcunque rei vitium, vel quancumque pretii inæqualitatem contractum rescindere, sed tantum ob læsionem enormem. L. 2. C. de resc. vend. Resp. 1) leges civiles non omnia ad vivum rescare possunt. Sufficit, modo illa vitia inhibeantur, per quæ detrimentum capere posset resp. 2) Interest reip. ne litibus innumeris fatigentur iudices. Ergo nec expedit ei, ut ob quancumque læsionem minimam actiones dentur.

Sed inde non sequitur, eum non injuste agere, qui vel in re minima alterum secum contrahentem læsit.

§. 13.

Supra diximus, regulam hanc de æqualitate proprie locum habere in contractibus onerosis: quæritur ergo, an in beneficis plane exsulet æqualitas?

Resp. non omnino. Nimirum distinguimus inter id, quod ex ipso contractu per se fuit, & quod ex post facto vel per accidens. Mandans e. g. non obligatur ex ipsa natura

n. 2.

n. r. 2.

natura contractus, quia est gratuitus & beneficus: sed obligatur tamen per accidens, & ex postfacto, si mandatarius impensas fecit, tunc enim mandans ei debet indemnitate.

Sed quæritur, si res commodata apud commodatarium perierit, an tunc teneatur resarciendum? Id adfirmat Grotius, modo res non fuisset apud ipsum dominum peritura: idque inde probat, quia commodans non solum rem alienam habeat, sed & utilitatem & commodum inde capiat. Verum perspicue falsum. Nam 1) casum nemo præstat, ergo nec commodatarius. 2) Utilitatem capit ex re aliena, sed volente domino gratis. 3) Si teneretur ad resarciendam rem, quæ periit, nihil interesset inter emptorem, qui pretium nondum solvit, & inter commodatarium, quod absurdum.

Ergo in contractibus beneficiis nihil præstandum, præter culpam eamque vel majorem vel minorem, prout vel majus vel minus commodum ex hujusmodi contractu quis capit.

- n. 2. Hinc non satis accurate A. dicit, hæc omnia quidem ex LL. Rom. congruere: sed ex æquitate naturali proficisci. Nam commodatarium casum præstare, nec æquitati naturali congruit, nec legibus Rom. L. 18. 19. 20. ff. commod.

S. 14.

Sed quæritur porro, quomodo justum rei pretium definiendum sit?

Grotius ejus fundamentum facit indigen-

gentiam. Sed hoc fundamentum admodum vacillat: nec enim ea, quibus maxime indigemus, pretiosiora sunt. Quantum margaritis pretium fecit luxuria? quantum unionibus?

Nos itaque rem paullo accuratius expendemus. Pretium supponit 1) rem alicujus usus esse, sive ad vitam commodè exigendam, sive ad luxuriam, voluptatem, &c. Nam si nullius usus sit, nullius quoque pretii esse censeretur.

2) Supponitur rem non esse inexhausti usus. Si enim in tanta adsit copia, ut omnibus sufficiat, tunc, licet utilissima, nullum admittit pretium. Hæc vero rei tantum pretium aliquod conciliant. Quod autem pretium intenditur vel remittitur, id est

3) ex raritate. Quo enim rarior res, eo carior. Rarior autem dicitur a) quod non nisi rarius reperitur, ut ambra, adamantes majores. b) quod copiosius quidem reperiantur, sed non nisi in regionibus diffitis, ut piper, cinnamomum. c) quod maximo cum periculo advehantur, e. g. per mare: d) quod cum summo labore & periculo reperiantur, uti Mercurius, vel argentum vivum. e) Quod res qualitatem quandam vel a natura vel ab arte humana accepit, quam nusquam vel raro alibi reperias.

Recte enim observat Auctor n. 2. habendam esse rationem laborum & expensarum, quos fecerint mercatores.

Hinc facile redditur ratio 1) cur res ad luxu-

luxuriam pertinentes majoris vendantur quam frumentum, alizque res utilissimæ. Quia nimirum illæ provida Dei cura sunt rariores.

2) Cur res vilius vendatur, si sit magna venditorum copia, magna eumentium inopia? Quia tunc non est rarius.

3) Cur libri Fisco addicti, hæreticorum, atheorum sint cariores? quia rariores.

4) Cur antiqua monimenta, numi, maræ, mora, statuz, Codices MSC. tanto pretio vendantur. Quia rariores. Ea in re tam stulta nonnunquam est hominis affectio, ut res nihili æstimet, tantum quod antiquæ, & rariores sint. Exstat eam in rem elegans LUCIANI *dialogus* sub titulo: *de in-dolentia & multis libros coemementem*.

§. 15.

n. 1. Jam de quibusdam contractibus speciatim agit auctor, & quidem de emtione §. 15. 16. 17. de locatione §. 18. 19. de mutuo §. 20. 22. de affecuratione §. 23. de societate §. 24. ad fin.

De emtione tria observat auctor I. quod per illam dominium J. N. sine traditione transferatur. Jure enim civ. aliud obtinere novimus, secundum quod non prius transit dominium, quam res tradita.

Pretii sententia facile probatur ex fine contrahentium. Qui vendunt id agunt, ut transferant dominium, & qui emunt, ut idem hanciscantur. Quum ergo uterque in dominium transferendum consentiat, quid opus est nova consensus declaratione per traditionem?

Ergo

Ergo statim omnino J. N. transfertur dominium, nisi aliter pacti sint contrahentes, quod fieri posse, nemo negaverit. Ex quo sequitur

1) ut facta emtione solutoque pretio J. N. res emta statim mea sit, ut a venditore alii vendi tradive nequeat. •

2) Ut periculum statim ad emtorem pertineat, quia res perit suo domino. Hæc recte coherent, quum contra Jus civ. neget, emtorem ante traditionem fieri dominum, & tamen concedat, periculum & commodum rei venditæ transire ad emtorem, quæ sane via conciliaveris.

3) Ut male statuat Grotius, re bis vendita, ex duabus venditionibus eam valituram, quæ in se continuit præsentem dominii translationem. B. 1.

Quum enim ipse falsus sit, J. N. traditionem non requiri, sed sine ea quoque transferri dominium: sequitur, ut prior venditio J. N. semper præferenda, altera vero indistincte nulla sit, siue traditio accesserit, siue non accesserit. Si enim posterior venditio nulla est, sane non juvabit emtorem, quod rem accepit traditam. Venditori enim post priorem contractum nec vendendi nec tradendi potestas fuit.

Miscet E. hic Grotius, jus N. & civ. quod ad transferendum dominium requirit traditionem.

§. 16.

Alterum quod de emt. venditione tractat Grotius est quæstio: II. An & monopolia concedi possint salvo J. N.

Mono.

Monopolium est privilegium, quo uni conceditur, ut soli, exclusis aliis, jus sit certas res in rep. vendendi.

Per se ergo & sua natura nihil habet iniqui. Si enim licet principi concedere privilegia, licebit etiam indulgere monopolium. Nec iniquius est, unum vendere, quam multos, dummodo iusta rerum copia pro iusto pretio venum proster.

Ergo in se nihil vitii habent monopola æque ac lusus, vinum. Uti vero lusus & vinum, utut in se bona, per accidens mala fieri possunt, si quis iis male utatur: ita idem contingit in monopolis. Ea mala sunt ob has causas,

1) quia sic non semper iusta prostat rerum abundantia.

2) Quia pretium a monopola plerumque statuitur enorme, idque pro lubitu intenditur.

3) Quia hic multis præripitur occasio, lucrandi victum, si omnibus interdicitur negotiatio, præter unum.

Hisce observatis facile respondebitur ad propositam questionem. Monopola J. N. permessa sunt, modo hæc tria vitia evitentur. Nimirum 1) si non omnium rerum, sed earum, quibus non quotidie opus est, monopolium concedatur, e. g. gemmarum, unionum, aromatum, &c. 2) Si iustum monopolæ præscribatur pretium, quod ei excudere non liceat; 3) si ceterarum rerum, quibus quotidie opus est, ut frumenti, panorum, lini, &c. negotiatio & commercium promiscue omnibus concedatur.

Cete-

Ceterum quod Auctor provocat ad Josephi monopolium circa frumentum: id huc non spectat. Nam id non concessum uni fuerat per privilegium, sed erat monopolium necessarium. Quum enim nusquam esset frumentum, necessario solus Pharaeo vendebat. Talis casus etiamnum contingere potest tempore pestis, obsessio- nis urbium, &c. ut unus tantum rerum necessariorum copiam habeat. Tunc tantum abest, ut illi privilegio monopolias opus sit, ad res suas vendendas, ut magistratu ad vendendum cogi possit.

§. 17.

Postremum quod auctor observat, est III. quod pecunia in emptione venditione non functionem recipiat in materia sola, nec in speciali appellatione aut forma, sed in genere magis communi: id est, si rarior est pecunia, tunc ejus pretium intenditur, si copiosior, tunc remittitur. Hinc facile patet:

1) Cur olim tam parvo pretio vendita sint bona, nunc carissima? E. g. Thuringia saeculo 13. vendita est. 20000. florenis, quae hodie pro 100. millionibus non venderetur. Ratio est, quia Indiis nondum repertis aurum argentumque erat rarius.

2) Cur tempore belli pecuniae pretium intendatur. E. g. In Germania, durante bello tricennali, unius thaleri tantum erat pretium, quantum hodie quatuor.

3) Cur in diutibus emporiis minores usurae dentur, quam in aliis locis. Sic e. g. in Hollandia maxima usurae habentur 31

vel

vel 4. pro 100. in Germania 6. pro 100.
sunt usurz ordinariæ.

§. 18.

Jam de locatione conductione, de qua observat Grotius I. quod, uti in emtione periculum statim transit ad emtorem, ita & in conductione ad conductorem. Sed hæc non ita liquida, adeoque paullo accuratius expendenda sunt.

Periculum est vel in re, vel in fructibus. De re certum est, ejus dominium non transire ad conductorem, adeoque cum nec easum præstare, sed solam culpam, e. g. si ædes conductæ incendio deletæ sint.

At fructuum dominium transit ad conductorem. Iis ergo pereuntibus, damnum est penes conductorem. Hæc facile intelliguntur. Sed jam porro observandum; locationem conductionem esse contractum, quo merces datur pro usu rei. Ergo si re uti potui, debeo mercedem, si uti non potui, & merces cessat. Uti re, significat & fructus e re percipere. Ergo distinguo an fructus perceperim, an sine culpa mea percipere non potuerim. Si percepi, fructus mihi pereunt, e. g. si collecta messe horreum incendio fatali consumitur. Si casu quodam, e. g. sterilitate, tempestate, locustarum multitudine agros depascente nihil percepi, tunc nihil debeo mercedis. Ratio plana est. Quo jure enim locator hic pensionem pro fructibus exigit, quos ne ipse quidem, si non locasset, percipere potuisset?

Hinc recte jus civ. concedit conductori remissionem pensionis ob damnum fatale.

L. 15.

L. 15. §. 1. seq. L. 25. L. 33. ff. *Tec. cond.*
 Conductio enim sua natura in se continet
 tacitam conditionem, si fructus percipiam,
 si re uti potero, nisi quis casus fortuitos
 in se ultro susceperit.

§. 19.

Observat 2) quod locatio conductio quoque
 admittat mercedem majorem vel mino-
 rem, prout res vel opera magis vel minus
 obvia est. Sic e. g. si Professori juris in
 Germania demandatur lis forensis, is triplo
 plus sportularum accipit, quam advocatus,
 quia operas suas locare alias non solet, nisi
 amicitiae causa. Sic si medicus operam ad-
 dicit, ad sectionem periculosam calculi, vel
 herniae, merces plerumque satis grandis
 est, quia non ubique obvia sunt, qui hujus-
 modi operationes dextre exsequantur.

Ast si res ordinariae & ubivis obviae, vel
 operae illiberales locantur: tunc aequalitas
 & proportio inter rem & mercedem ob-
 servanda. Alias laesio juxta superiores re-
 gulas de aequalitate servanda erit resar-
 cienda. Unde & locationem conductionem
 jus civile rescindit ob laesionem ultra di-
 midium. L. 2. C. de resc. vend.

§. 20.

Pergit A. ad mutuum, & quaestionem
 circa mutuum movet famosissimam, an usu-
 rae jure nat. permittae sint?

Plerique Scholastici id negant, solo dissen-
 siente Abulensi; quocum & Grotius facit.

Scholasticorum argumenta haec sunt.

1) Mutuum est contractus gratuitus. E.
 non possunt usurae peti. Resp. Est gratuitus
 con-

n. 1.

Contractus, & si merces vel usura accedit, tunc res degenerat in alium contractum, sed non ideo usurae sunt injustae. Sic & commodatum est contractus gratuitus. Si quis mercedem a commodatario exigit, ex commodato fit locatio conductio. An ergo ideo injustum est, mercedem a commodatario stipulari? Eadem est mutui ratio.

2) Pecunia est res sterilis. E. ex ea non possunt usurae peti. Resp. Est res sterilis physice, quia numus non parit numum: sed non est sterilis civiliter, quia in commerciis & negotiationibus pecuniam lucrantur pecuniae.

n. 1.

3) Res in mutuo datur pro re. Res restituitur in eodem genere. Quo jure plus exigit creditor. Resp. Si centum dantur mutuo, & centum redduntur, tunc res pro re redditur. Sed usurae dantur pro usu istorum centum.

Manifestum est J. N. neminem debere cum alterius damno locupletiores fieri. Atqui qui pecunia mea negotiatur & lucrum facit, iste locupletior fit cum meo damno, quia interim re mea carere debet. E. æquissimum est, ut mihi æquioram usuram præstet.

LUD. SEPTALIUS in libro elegantissimo de *Rasione status* ita probat, genus humanum carere contractibus usurariis non posse, quia tunc fere cessaturum esset mutuum. Quis enim cum suo periculo alteri crederet pecuniam, si spes usurarum cessaret? Nonne unusquisque potius pecuniam suam arca reconditam teneret?

Alt

Est jam alia quaestio est, an juri divini positivo concessa sit usura? Idque negat Grotius. Nam saepissime reperitur preceptum divinum in Lege Mosaica: *Ne fœnus accipe a fratre tuo.* Exod. 22. 25. Lev. 25. 35. 19. 14. Id quod tam late acceperunt Hebræi, ut & eum, qui velplevissima mercedem accepisset, item scribam, qui chirographum usurarium confecisset, excommunicatione dignum judicarent. SELDEN. de J. N. & G. lib. 6. cap. 9.

Si opponas, esse hanc legem Judaicam, respondet Grotius, esse tamen honestam moraliter, & hinc Ps. XV. laudari eos, tanquam beatos, qui sine usura credant. Immo quum Christianos deceat sanctius vivere Judæis, absurdissimum esse, si putemus Judæos nos superare posse veritate & sanctimonia.

Sed 1) omnino hæc lex mere Judaica & forensis est: idque clare patet ex Deut. XXIII, 19. 20. ubi dicitur: *Ne fœnus exerceo adversus fratrem tuum: adversus alienigenam poteris exercere.* An vero jus nat. & divinum universale distinguit inter fidei ejusdem homines & alienigenas? Observavit hæc recte SALMASIUS de usur. cap. 20. 21. p. 618. & de fœnore trapexitico p. 203. 210.

2) Honestum moraliter est non sumere usuras, sed ideo sumere non est injustum. Sic & debita remittere est honestissimum, sed non ideo injustus est, qui jure suo usus dicit, solve quod debes.

§. 21.

Monet porro Grotius, non confundendum

dum esse contractum usurarium cum aliis contractibus adfinibus. Sic e. g.

1) Pactum de indemnitate non est usurarium. Differunt sine. Qui pactum de indemnitate init, is agit de damno vitando: qui usuras sibi stipulatur, de lucro captando.

2) Pactum de opera renumeranda. Si e. g. mercator mihi pecuniam conquirat, & non sine magno labore reperit, qui mihi credant, tunc si mercatori aliquid solvam, id non est usura, sed merces laboris.

3) Pactum de periculo minuendo. Si e. g. alicui credo pecuniam, & mihi non satis cautum est, & inde mihi stipuler certam pecuniam, ne, si fors pereat, damnum sit nimium, ea non usura est.

Sed quamvis hujusmodi pacta non sint proprie usuraria, tamen a Moralistis pontificiis inventa sunt ad usuram palliandam. His vero palliis nobis non opus est, persuasus quippe, pacta usuraria nec J. N. nec divino repugnare.

§. 22.

Denique ipse Grotius concedit, legibus civilibus permitti posse usuras, salvo jure N. & divino, modo non mordaces, sed modicæ.

Exempli loco adfert exemplum Hollandorum, ubi civibus generatim octo pro centum; mercatoribus 12. pro 100. concedantur. Et in nota infra addit: Idem in Imperio constitutum.

Sed hic moneo, 1) id falsum esse de Imperio, ubi non nisi 5. pro 100. legibus permilla sunt.

2) Fal-

2) Falsum quoque esse, quod sub finem subjungit Grot. si hic modus excedatur, tunc leges quidem impunitatem dare, sus dare non posse. Nam id verum esset, si vel jure nat. vel jure divino hic modus constitutus esset: jam quum numerus definitus non sit, imperantis erit, pro modo circumstantiarum & pecuniarum in rep. copia vel inopia determinare legitimam usurarum quantitatem.

§. 23.

Pergit A. ad contractum assicuracionis, qui est contractus, quo unus vel plures pro certo premio, quod sibi solvi curant, periculum navis vel mercium navi impostarum in se suscipiunt.

Hic unam regulam inculcat jus nat. ut pro magnitudine periculi, vel longitudine navigationis premium vel intendi vel remitti debeat.

§. 24.

De societate notum est ex jure civ. quid sit, hic monendum I. quod lucri & damni partes aequaliter dividenda sint inter socios.

Quum vero aequalitas duplex sit, arithmetica & geometrica, id est, ut vel idem sit utrobique numerus, vel eadem utrobique proportio: hinc quaeritur, quanam hic observanda aequalitas. Et recte Grotius resp. geometricam, id est, omnes socii aequaliter participant non ratione numeri, sed pro proportionem summae collatae. Inde sequitur.

1) Ut si omnes aequalem pecuniam contulerint, partes quoque damni & lucris aequales sint.

Mem. de Jure Belli, &c. V 2) Ut

2) Ut si unus altero plus contulerit, cuius attribuenda sit pars pro rata summa collata. e. g. Si Titius contulit 10000. Mævius 20000. Sempronius 5000. & lucrum commune est 7000. tunc Titius accipit 2000. Mævius 4000. Sempronius 1000.

3) Ut si quis non pecuniam sed operam conferat, is partem lucri & damni capiat, prout pacti sunt socii, modo operam ut socius, non ut minister vel institor conferat.

n. 2. II. Admitti etiam inæqualitatem, si partes consentiant, modo non fiat societas Leonina.

III. Societatem univerforum bonorum nullam respicere æqualitatem. Hinc si e. g. ego cum Mævio inierim societatem universalem omnium bonorum, & in commune ego conferrem hereditatem 100000. fl. Mævius autem non nisi 12000. contulerit, tamen huic in massa communi non minus erit juris, quam mihi.

§. 25.

IV. In societate navali spectari vel communem defensionem, e. g. si fiat eene Admiralitæ, vel communem prædam, e. g. si plures nautæ tempore belli (Commiss-Fahrers) inter se societatem ineant, ad intercipiendas naves hostiles, & prædam dividendam.

Hic jus nat. nihil sancit, nisi ut fervetur æqualitas geom. in divisione lucri & damni: sed leges civiles ea omnia specialius definiunt, e. g. quantum ex præda præcipuum habeat fiscus, quantum attribuat

col-

collegio iudicum rei nauticæ, (dem Admiraltæts-Collegio) quantum magistro navis, quantum singulis nautis.

§. 16.

Denique quærit A. an jure nat. inæqualitas, in quam consensum est, attendatur, quoad actus exteriores. E. g.^o dicit Pomponius in lege in margine allegata, in pretio emtionis & venditionis licere se naturaliter circumvenire. Id jus non intelligit de actu interno mentis, quasi dolum adprober, quia semper detestandus, sed de actu externo, an ille in foro mereatur animadversionem. Idque negabant veteres. Primus Diocletianus condidit L. 2. C. de *rese. vend.* & rescissionem concessit ob lesionem enormem: quæritur, an id verum sit, quod naturaliter hoc liceat, id est, jure naturæ?

Resp. Grotius, 1) naturale sæpe dici de eo, quod passim recepti moris est, idque probat ex 1. Cor. XI, 14. ubi de coma est sermo, qui tamen locus est difficilissimus.

2) Utilem quidem hanc esse juris civ. dispositionem, quia alias infinitis titibus daretur occasio, ob incerta rerum pretia, sed ideo non statim eam permitti jure nat. in foro conscientiæ. Paucis verbis, sed emphaticis rem eloquitur scriptor vitæ Isidori, dum ait: *Injustitiam hanc esse, a legibus quidem permissam, sed quæ re ipsa justum pervertat.*

CAPUT XIII.

De Jurejurando.

§. I.

n. 1. **E**Gimus hactenus de promissis & contractibus, ad quorum confirmationem quum sæpe accedere soleat jusjurandum: de eo quoque agitur hoc capite.

Præmittit autem auctor observationem: apud ipsos quoque gentiles magnam fuisse jurisjurandi auctoritatem. Animadvertēbant enim illi, si illud contemnatur, tunc cessaturam omnem religionem, firmissimum reip. vinculum: cessaturum nexum inter imperantes & subditos, qui plerumque jurijurando confringitur, cessaturam denique omnem fidem humanam. Hinc miro consensu docent 1) jusjurandum esse vinculum fidei humanæ arctissimum, quod Ciceronis testimonio probat Grotius.

n. 2. 2) Deum esse perjurii vindicem. Hinc eos diris omnibus subjacere adseverabant, qui fidem juratam fallerent. Sane apud HERODOT. lib. 2. refertur Glaucum tantum consilium cepisse de intervertendo deposito; quod se juraverat redditurum: idque propositum & sine effectū punitum esse ita, ut cum domo universa & prole exstingueretur. Refert HEROD. l. 2. & JUV. SAT. 13. v. 199. seq. quod quum rogaret Apollinem, an sibi suaderet id facinus, responderit Apollo:

At juramento quædam est sine nomine proles, &c.

Ita

Ita Græcos versus vertit Grotius. Sed recte observavit Gronovius, male versus esse. In Græco est ἵρκος, quod & juramentum significat, & Deum perjurii vindicem. De hoc loquitur Apollo, non de juramento, cui absurde tribuitur proles.

3) Nihil ad maiorem indignationem provocare Deum, quam perjurium. Est enim affirmatio religiosa. Quid vero veneratione illa, quam Deo debemus indignius, quam eum invocare testem mendacii?

Ejusdem Cic. lib. 3. de offic. c. 29. dicit: Jam enim non ad iram Deorum, qua nulla est, sed ad iustitiam & ad fidem pertinet. Negare ergo videtur, Deos irasci perjuris, sed poenæ tamen satis eos subire, quod fidem, qua nihil sanctius, violarint.

Verum Cic. ibi disputat ex mente Stoicorum. Stoici autem quum affectus pro malis & vitiosis reputarent, non poterant Deo hujusmodi imperfectionem tribuere. Sed nos edocti sumus cum a ratione, tum a S.S. in Deo esse voluntatem puniendi malos, eumque ab omni imperfectione esse remotissimum. Id jam sufficit, & Scriptura ἀντιπροσπαράδωρ loquens eam voluntatem plectendi malos vocat iram Dei. Singularem ea de re librum scripsit LACTANTIUS de Ira Dei, ubi Stoicos refellit, sed verbis magis comitis & tersis, quam argumentis & solidis.

Jam ergo post hanc præfationem Gr. rem ipsam adgreditur, & hoc capite agit

1) de jurisjurandi requisitis. §. 1. 12.

2) de ejusdem effectu vel obligatione.

§. 13. fin.

Primo itaque in jurante requiritur animus intelligens & deliberatus. Est enim iusjurandum non actus naturalis, qui sine intellectus & voluntatis concursu peragitur, uti circulatio sanguinis, concoctio stomachi, &c. Sed actus humanus, qui semper supponit intellectum & voluntatem. Exinde sequitur

1) ut qui verba profert sine consilio jurandi, non obligetur. Narrat Ovidius, Acontium quum Cydippen in sui amorem pellicere non posset, pomo in ejus sinum projecto inscripsisse verba: Juro me nupturam Acontio. Ea quum legisset Cydippe, ferebat, illam perjurii ream esse, nisi sibi nuberet. Sed absurdum. Legere enim verba sine consilio & deliberato animo jurandi, non est jurare. *Jurata lingua est*, inquit Euripides, *mente jurare nihil*.

Hinc etiam Secretarius judicii præiens verba jurantibus, non obligatur, quantumvis eadem verba profèrat, quæ alter reddit.

2) Ut qui animo jurandi profert obligetur, etiamsi obligari nolit. Sufficit enim intellectum & voluntatem jurandi adfuisse. Et hinc absurdum, quod Mediolanenses perjurii rei excusandi causa proferebant coram Fridr. Imp. *Juravimus tibi, sed obligari tibi juramento nunquam volumus*. Rem refert RADÉVICUS in *vis. & reb. gest. Fridr. I.*

Observandum hoc contra reservationes mentales Jesuitarum, de quibus alio loco dictum. Si enim docere sæpe, jurantem

NON

non obligari, si inter jurandum ad aliud, quam de quo jurat cogitationibus suis respiciat. Quo nihil sane absurdus.

§. 3.

Quid vero si quis animum jurandi non habeat, & tamen deliberato animo verba juramenti protulerit? Casus existit, si quis præter necessitatem temere jurat. Hoc ex consuetudine facit, non ex animo deliberato. Quum tamen sciat se jurare, revera jurat, quamvis id faciat temere. Quæritur ergo, an nihilominus obligetur?

a. 1.

Resp. Gr. affirmando, rationemque addit, quia sciens jurarit. Sed si recte ponas calculum, ea in re Pontificiorum hypothese perperam sequitur. Jusjurandum J. N. non producit obligationem novam, sed obligationem quamcumque confirmat, quia est obligationis accessorium. Id statim demonstrabimus. Juravit aliquis, se nunquam pauperi ulli daturum eleemosynam: sane si per se jusjurandum producit obligationem, etiam hic debet illud servare, & tamen, si servat, perpetuo peccat. Quum ergo jusjurandum non producat novam obligationem: consequens est, ut si quis temere jurat, is quidem peccet, sed tamen non magis teneatur, quam si temere, per jocum, & non deliberato animo jurasset.

Addit auctor exceptionem, si alio sensu acceperit jusjurandum is cui detulit, quam qui præstitit, e. g. Titius petit uxorem filiam Sempronii; hic existimans natu majorem peti, jurat, se illam daturum: sed postea adparet, deferentem sensisse de natu

minore. Quæritur, an nihilominus hæc teneatur dare?

Resp. minime, quia hæc generalis regula est, verba jurisjurandi interpretanda non esse secundum sensum jurantis, sed deferentis. Quum ergo hoc Titius Sempronio non detulerit juramentum super filia majore nata, sed minore: juramentum etiam de majore nata præstitum temerarium quidem est, quia prius interrogare debuisset, quam filiam peteret, sed tamen non obligat.

n. 3. 4. 5. Quærit porro, an jurejurando admitatur tacita conditio? Hanc quæstionem subtiliter magis quam solide solvit Grotius. Videbimus ergo primum, quid quærat?

Certum est, omnem promissionem complecti conditionem saltim tacitam. e. g. Deus promittit, se præmia piis elargiturum; sed sub conditione tacita, nisi resipiscant impii. Quæritur ergo, an & juramenta hujusmodi tacitam conditionem admittant?

Id negat Grotius, idque probat loco Hebr. VI, 17. ubi Deus dicitur jurasse, adeoque impossibile esse, ut fallere possit: unde subtiliter jam philosophatur de quæstione, an Deus possit mutare decreta sua? quam quæstionem nostram non facimus, sed rem ipsam expendimus, & contrariam Grotio sententiam hic merito amplectimur.

1) Quia ex hoc loco Hebr. VI, 17. nihil sequitur. Nulla est consequentia. Deus fallere non potest, E. ejus jusjurandum non potest continere tacitam conditionem. Nam & de promissis divinis idem dicitur, quod iis
fal-

fallere Deus nequeat, & tamen Grotius concedit in iis esse tacitam conditionem.

2) Quia, ut diximus, jusjurandum non producit novam obligationem, sed eam, quæ adest, confirmat. Ergo si promissum eum tacita conditione intelligendum, cui accedit jusjurandum, hoc quoque non aliter intelligi poterit.

3) Quia tacitæ conditiones vel physice, vel moraliter sunt necessariæ: ergo iurejurando non magis tolli possunt, quam promisso e.g. ducam te uxorem, hoc promissum continet tacitam conditionem, si vixero. Hæc physice est necessaria. An ergo & mortuus tenebitur ducere, si iuraverit, se ducturum?

Rem luculento exemplo illustrabimus. Juraverat Herodes filiz Herodiadis, quidquid rogaret, se illi daturum. Rogabat illa caput Joannis Baptistæ. Ex mente nostrâ peccavit Herodes, dum jusjurandum servavit, quia hoc jusjurandum continere dicimus tacitam conditionem, si rogaverit aliquid æquum, & a legibus permissum. At ex Grotii sententia non potuit non jusjurandum servare, quia illud non continet tacitam conditionem: immo debuisset Herodes caput suum carnifici offerre, si id rogasset Herodias. Quo nescio an quidquam fingi possit absurdius.

S. 4.

Pergit A. ad juramenta extorta dolo, eaque omnino non obligare fatetur, partim, quia J. N. dolo nunquam adfuit, partim, quia hic jurans nec sciens nec

n. 1.

volens juravit, quippe de alia re sentiens, quam alter, qui eum decipit.

n. 2. 3.

Excepit tamen Grotius casum, si incertum sit, annon quis juraturus fuisset, etsi haud deceptus esset: eoquē refert exemplum Josuæ, qui cum Gabaonitis simulantibus, se e longinquo fama rerum gestarum excitos advenisse, foedus percusserat, idque jurejurando firmaverat. Hoc jusjurandum tametsi dolo extortum religiose tamen servabat Josua. Jos. IX. Cur? quia incertum, inquit Grotius, annon Josua iis juraturus fuisset, etiamsi ab hoc dolo abstinuisent.

Sed jam hanc rationem Grotii refellit PUFEND. *Lib. IV. c. 2. §. 7.* Nam 1.) quis judicabit, an errore remoto nihilominus quis fuisset juraturus? 2.) Non queritur, an alter obligatus esset, si sine dolo jurasset, sed an jam obligetur, ubi dolus jurandi causam dedit.

Rectius itaque dicitur, juramentum dolo extortum valere, modo alteri justa causa fuerit, astu utendi. Et talis erat Gabaonitis. Josua gentes Palæstinæ radicibus extirpabat. Gabaonitis justus metus suboriebatur, ne & sibi idem fatum immineret. Id per foedus avertere initebantur. Veritati autem, ne Josua foedus adspernaretur fingebant, se non Palæstinos esse, sed longe dissitos. Nihil ergo hic illiciti occurrit, maxime quum Deus internecionem harum gentium non absolute mandasset, sed sub conditione, nisi se subicerent ultro, cui ipse Grotius n. 3. demonstrat. Conf. & SELDEN. *de J. N. & G. l. 6. c. 26.*

Jam de juramentorum interpretatione, ubi recte monet Gr. eorum verba ultra receptum morem non esse extendenda, modo addas limitationem, si scilicet latior juramenti interpretatio durum quid vel inhumanum contineret: nam si talis casus non adsit, interpretatio stricta potius cavillationem sapiet, quam veram interpretationem.

Rem illustrabimus exemplis. Juraverant Israelitæ, se Beniaminitis uxores non duros. Perierat illa tribus bello præter pauculos mares. His nisi uxores datæ fuissent, aut extincta fuisset tribus universa, aut Beniaminitæ coacti fuissent uxores ducere paganas: Utrumque durum & inhumanum. Ergo strictè interpretandum videbatur jusjurandum. Non dabant filias uxores, sed patiebantur illas a Beniaminitis rapi. Jos. XXI.

Alexander Lampfacum obsidebat. Quum Anaximenes peteret colloquium, jurabat ille, nihil se eorum facturum, quæ hic peteret. Hic petebat, ut urbs dirueretur. Sic servata est. PAUSAN. lib. 6.

Antigonus filio Demetrio dixerat, se interfectorum Mithridatem innocentem, tantum quod somnium sibi de eo obtigisset, quod portendere ejus potentiam videbatur. Jurejurando obstrinxerat filium, ut taceret, nec rem eloqueretur. Hic de salute amici innocentis anxius hasta, inspiciente illo, arenæ inscripsit: Fuge Mithridates: PLUT. in Demetr.

Ast intolerabilis est interpretatio Hattōnis Archiepisc. Magd. Quum enim Ludo-

vicus III. Imp. obsideret Bambergam, ubi Adelbertus, Comes rebellis delitescerebat, Hatto petiit cum Comite colloquium. Hic illum in arcem recepit. Suasit comiti, ut Imperatori se dederet: & juratus promisit, se comitem, si Imp. supplex fieret, saluum redacturum in arcem. Credit comes juranti Episcopo, & cum illo castris adequitur. Quam haud procul ab arce abessent, dolere se ait Hatto, quod sejunus profectus sit. Comes rogat, ut secum in arcem redeat, eique dat jentaculum. Hinc denuo ad castra pergunt. Comes capite plectitur, dicente Episcopo, se iurijurando satisfacisse, comitemque saluum reduxisse in arcem. OTTO *Erfs. Chron. I, 1.*

§. 6.

Alterum jurisjurandi requisitum est, ut juretur de re moraliter licita. Jusjurandum enim 1) ideo obligat, quia Deus id acceptat. Ast non potest salva justitia acceptare jusjurandum, quo aliquid illicitum promittitur. 2) Si hujusmodi jusjurandum obligaret, plus posset juramentum, quam ipse Deus cui juratur. Bene *Æschylus in Diris*:

Neque enim fides jurata plus pollet Jove.
Peccat itaque jurans, quod juravit, non autem, quod jusjurandum hujusmodi violavit.

Huc pertinent exempla Davidis Nabali jurantis exitium. 1. Sam. XXV. nec non ejus qui latronibus silentium juravit. Si enim istud silentium cum aliorum periculo conjunctum sit, non obstante juramento veri-

veritas proferenda. C. 18. X. de test. & c. ult. X. de test. cog. Exemplum est apud GAIL. 1. Obs. 100. n. 4.

§. 7.

Idem dicendum, si res juramento promissa, non quidem illicita sit, sed tamen majus bonum impediat, & quidem moraliter bonum. Ratio est, quia æque peccat, qui, quod præceptum est, non facit, quam qui, quod vetitum, facit. Præcepta enim & prohibitiones ab eodem Deo sunt. Hinc si quis juraverit, se non parentibus benefacturum, sed id potius, quod his dari decebat, in ærarium templi illaturum, juramentum impium esset, ipso docente Christo Matth. XV, 5. de quo jurejurando Judæis frequentissimo, quod Corban vocabant, late Grotius h. l. & SELDENUS lib. 7. c. 2.

n. 1. 2.

Sic & impia sunt juramenta, quibus quis prohiberi se dicit, quo minus utile humano generi medicamentum possit revelare. Vid. LUCIAN. in elegantissimo dialogo *Tragopodia*.

§. 8.

Tertium requisitum est, ne res de qua juratur sit impossibilis. Quum enim jusjur. uti supra demonstravi, sit accessorium obligationis: aut obligatio ad impossibilia nulla sit: sequitur sane, ut & jusjurandum circa impossibilia præstitum non obliget.

Nec tamen negandum, 1. eum peccare & perjurii reum esse, qui sciens aliquid impossibile promissit, maxime si res non sit absolute impossibilis, sed respectiva. c. g. si quis

quis

quis juratus promiserit, se plumbum converturum in aurum, se perpetuum mobile facturum, quum sciret, se nec alchymistam esse, nec mechanicum.

§. 9.

2) Eum quoque obligari, qui aliquid promisit jurejurando, quod pro tempore est impossibile, eatenus ut in pendente sit obligatio, & sese exferat, si impedimentum cesset. e. g. juravit aliquis, se aggeres extructurum. Ob perpetuas tempestates & inundationes id impossibile est per totum hunc annum. Tenebitur ergo sequente, si cesset impedimentum. Hoc facile.

§. 10.

Quantum jurisjurandi requisitum est forma verborum, ut recte concipiatur jusjurandum. Nam si jurem per blithri vel per calacut, quis dicat me jurasse, quum verba hæc nihil significant?

Ut autem appareat, quomodo concipiendum sit jusjurandum: sciendum est, id fluere ex definitione. Jusjurandum est religiosa adsertio, qua quis Deum vindictam invocat, si pejeraverit.

Ex ea ergo definitione fluit, 1) essentielle id esse jurijurando, ut Deus omni-scius invocetur, ut si sciens fallat jurans, is poenam ab eo repetat. Tales sunt formulæ veteres: *Si sciens fallo, cum Jupiter me ejiciat, ut ego hunc lapidem! Deus mihi faciat quavis mala, nisi hoc faciam!* ut & hodierna: *Ita me Deus adjuvet!* Num satis poenarum dat, qui auxilio divino destituitur?

§. 11.

2.) Inde sequitur, ut juramenta per creaturas sint absurda. Sic sæpe veteres jurabant per parentes, coelum, terram. Socrates jurare solebat per anserem, anatem, columbam. Alii per caput, per oculos, per animam, per barbam, qui mos etiamnum apud Turcas obtinet. Qualia juramenta dicuntur Socratica. Quæritur ergo, an talia juramenta nomen juramenti mereantur?

Id. credit Grotius, quia Christus Matth. XXIII, 21. non expresse prohibeat hujusmodi juramenta, sed tantum abusum; immo addat, qui per templum jurat, cum per Deum jurat.

Immo n. 2. interpretatur sententiam Herazorum, quod hujusmodi juramenta non putarint obligare, nisi adjecta poena. Hanc ergo opinionem ait a Christo refutari, ostenditque, juramentum perinde obligare, si per templum, si per Deum juretur.

Hæc Grotius. Sed probe observandum, hic non esse questionem, annon homo ita jurans obligetur? Sufficit enim illum jurandi animum habuisse. Immo obligaretur, si plane sine juramento aliquid promississet: sed questio est, an non hæc juramenta sint absurda, Christianis indigna, idololatrica? Et hoc facile probatur.

1.) Quia hic nulla est religiosa assertio. Quia enim religione persequimur terram, caput, barbam?

2.) Quia istæ creaturæ nec testes nec vindices esse possunt.

3.) Quia

3) Quia Christus hujusmodi juramenta expresse prohibuit. Matth. XXIII, 21.

4) Quia omnes horum juramentorum interpretationes sunt absurdæ. *APULEIUS de Deo Sacr.* ea ita interpretatur. Juro per caput, barbam, anserem, id est, Deum capitis, barbæ, anseris creatorem. Ergo creatura nobis creatorem denotabit? Alii dicunt sensum hujusmodi juramenti esse, quod si fallamus, Deus vindictam a nobis sumeret in oculis, in capite, &c. Sed & id absurdum. Nam 1°) sic poena nonnunquam erit satis lenis, e. g. si barba pereat, vel anser, vel anas, 2°) sic etiam poena feriet innocentes e. g. si quis juret per salutem Principis. 3°) Absurdum est, Deo judici ab ipso delinquirente præscribi poenam.

§. 12.

3) Inde sequitur, ut jusjurandum concipiendum sit, ad uniuscujusque religionem. e. g. Judæus non cogendus jurare per Christum, sed per Deum, nec prohibendi gentiles jurare per Deos fictitios, Mahomedani per Mahomedem. Sufficit enim eos jurare per id, quod religiose venerantur. Vid. Gen. XXXI, 53.

Sed an perjurium committit gentilis vel Mahomedanus ita jurans? Videri posset, non committere eum perjurium, qui ita non pejerarit per verum Deum.

Sed resp. omnino eum pejerare, quia credit hunc esse verum Deum. In delictis potissimum ad affectum respicitur. Quemadmodum Muc. Scævola, quum per errorem ministrum Porseanæ pro Porfenna inter-

teri-

temeretur, non magis regicida erat, ac si regem occidisset: ita qui per Deos falsos, quos veros putat, jurat, æque perjurus est, ac Christianus, qui per Deum verum pejeravit.

§. 13.

Sequitur pars capitis posterior de EFFECTU jurisjurandi, qui est præcipue finis controversiæ. Unde & Paullus Apost. dicit: *Juramentum est finis omnis litis.*

Ratio est, quia qui defert & præstat jusjurandum, illi inter se veluti paciscuntur, quod, si alter juret, res decisa esse debeat. Pactum vero hujusmodi obligare, nemo dubitat.

Ex quo sequitur, ut in omni jurejurando duo requirantur 1) τὸ ἀληθεύειν, ut verba congruant animo, seu, quod perinde est, ut quis juret ex animo sententia, & τὸ ὁρκεῖν, ut factum congruat verbis, id est, ne jurans falsa vera, vera falsa esse pejeret.

Ratio facilis. Nam quum, ut diximus, inter jurantem & deferentem intercedat pactum, pactum autem ex deliberato animo proficisci & nihil falsum continere debeat, consequens est, ut nec in juramento id ferendum sit. Hæc facilia.

§. 14.

Alter effectus jurisjurandi est, ut obliget. Obligatio vero aut Deo & homini simul, aut Deo tantum, sed non homini nasci dicitur. Quam Scholasticorum doctrinam sequitur Grotius. Eam considerabimus.

Nimirum Scholastici & Grotius distinguunt, utrum deferenti jus sit, ne obligandi, nec ne. Si jus est, tunc & homini & Deo,

ex juramento meo nascitur obligatio. Sin-
 alter sine jure me obstringit jurejurando,
 tunc quidem obligatio nascitur Deo, cui-
 juratum, sed non homini, qui jusjurandum
 a me exegit. En exemplum. Latro me ju-
 rare cogit, me daturum mille. Hic inquit
 jus nullum est latroni, ad mille exigendos,
 sed ex jurejurando tamen meo jus natum est.
 Deo, ut me tanquam perjurum punire pos-
 sit, nisi solvam. Ast contra si debitor jura-
 tus creditori promissit debitum, & Deo &
 homini, scilicet creditori, obligatus est.

Sed hæc nihili. Supra enim 1) ostendi-
 mus, juramenta non producere novam obli-
 gationem, sed veterem confirmare. 2) Sic
 alicui solvere cogor, cui non debeo, id est,
 obligor latroni & non obligor, id quod
 absurdum. 3) Supra jam diximus, Deum
 juramentum injustum non acceptare, adeo-
 que nec obligationem inde nasci posse.

Objicit Grotius, Deum punivisse reges
 Israel, qui Babylonis fidem juratam non
 servassent, Ezech. XVII, 12. sq. Sed resp.
 hoc jusjurandum non fuisse injustum. Re-
 ges enim Isr. metu Ægyptiorum & ex con-
 scientia impotentis suæ ultro se Babylonis
 subjecerant.

§. 15.

1. 2. 3. Nihilominus tamen Grotius refutare jam
 ces conatur, qui statuerunt nobiscum, qui
 latroni vel piratæ juravit, eum non teneri
 jurejurando. Argumenta Grotii sunt:

1) Fidem juratam & hosti servandam.
 Tunc enim nos non juramus hosti, tan-
 quam hosti, sed tanquam pacifcenti, ab
 hoste

hoste autem piratam non differre. Resp. omnino differt. Hostis enim nobiscum potest justum bellum gerere, adeoque & jus ipsi est, armis nos cogendi ad jurandum Latroni & piratæ hujusmodi jus nunquam est.

2) Etsi personæ jus deficiat, tamen cum Deo nobis negotium esse? Sed resp. jam ostendimus Deum injusta juramenta non acceptare, non magis, quam vota injusta.

3) Depositum latroni reddendum esse, ergo & jusjurandum servandum. Resp. miram hanc esse conclusionem. Latro depouens nihil injuste agit, hinc eum injuste agere oportet, qui depositum negat. Ast injustus est latro vel pirata, dum me cogit jurare. Ergo ego injustus non sum, dum non præsto, quod juratus promisi.

§. 16.

Quærit porro Grotius, an & perfido sit servanda fides jurata? Recte distinguit, an juramentum se primario fundet in promissione reciproca, an non. Priore casu juramentum me non obligare, nisi & alter præstet, quod promisit: posteriore absolute me obligari, e. g. juravit Titius se heredem instituturum Mævium, si hic eum a capitis periculo liberasset. Hic si non liberavit Mævius, non tenetur Titius. Ast si absolute juravit, quamvis id eo intuitu fecerit, ut Mævium moveret, ut sibi adlisteret, nihilominus obligabitur, etiamsi Mævius nihil in ejus commodum fecerit.

Objici posset: jura tamen rescindere pacta, si inæqualitas præstationum sit nimia. Resp. id verum esse, 1) si contractus sint

one-

n. 1.

n. 2.

onerosi. Jurata autem promissio potest nonnunquam merum beneficium continere. 2.) Rescindi contractus & pacta, ubi alter inscius latus est. Qui autem jurat absolute, se aliquid præstaturum, nec ab altero sibi mutuam præstationem stipulatur, is ultro & sciens juri suo renunciat.

§. 17.

Novam conclusionem ex doctrina sua §. 14. & seq. proposita dicit Grotius. Quia enim ex ejus mente, qui injuste coactus juravit, Deo quidem, sed non homini obligatur: querit an & hæres jurantis tunc teneatur solvere mille, quos latroni vi coactus jurato promiserat defunctus?

Et respondet, non teneri heredem, quia hic nec Deo nec homini obligetur, ad solvendo mille. Non homini, cui ne defunctus quidem obligabatur per §. 14. nec Deo, cui heres nunquam juravit.

Sed quamvis res vera sit, tamen ea limitatione non opus est, si statuimus cum recentioribus omnibus, jurisjurandum vi & metu extortum injuste, nullum esse, & non magis producere obligationem, quam pactum vi hujusmodi extortum.

§. 18.

Queritur porro, an non casibus quibusdam sine perjurio possim alteri negare, quod promissi. Resp. omnino

- 1) ex mente nostra, quoties jusjurandum injuste extortum adeoque nullum est.
- 2) Si cui juravi, is ipse natum ex juramento jus remittat. e.g. Titius Mæviæ promissit jurato matrimonium, hæc suo juri renunciat.

3) Si

3.) Si quis juravit intuitu certæ qualitatis personalis. Tunc enim cessante ea qualitate cessat obligatio. E. g. Juravit aliquis tanquam miles, se vitam & sanguinem ponere pro domino velle: non sane tenetur, si miles esse desit.

4.) Si occasio desit. Sic in eodem exemplo, miles perjurium non committit, si dominus bellum non gerat.

§. 19.

Nova oritur quæstio: an id, quod contra juramentum factum illicitum tantum sit, (ut, qui fecit, peccet) an & irritum? (ut factum pro infecto habeatur?)

Subtiliter distinguit A. quod aut jus ad rem juramento confirmetur, id est obligatio, aut jus in re, e. g. translatio domini, datio pignoris, constitutio servitutis. Priore casu actus contra jusjurandum susceptus tantum illicitus est, sed non rescinditur: posteriore irritus est.

E. g. si quis promisit jurato se non acturum, & egit, illicite egit, sed ideo actio non est nulla. At si quis alteri constituit servitutem jurato, & postea impedit, actus ejus nullus est.

Ita Grotius, sed vercor, ut recte. Nam & jusjurandum, ut sæpe monui, est accessorium obligationis. Quemadmodum ergo quod etiam contra pactum juratum sit, irritum est, ita procul dubio etiam juratum.

§. 20.

Gravior est quæstio, an actus principum contra jusjurandum subditorum, vel jusjurandum subditis præstitum valeant.

Resp.

Resp. Grotius, superiorem efficere non posse, ut iuramentum non obliget, sed tamen quia actus non omnes sunt in potestate subditorum: hinc superioribus duplex circa illos competit potestas: 1) circa personam jurantis, 2) circa personam cui juratur.

1. Circa personam jurantis ea pollet potestate, ut possit

1) Irritum reddere iusjurandum, quod principis vel summi imperantis iuribus adversetur.

2) Ut possit adimpletionem ejusdem impedire & prohibere. Sic e. g. si subditi hominagium jurassent extraneo principi, imperans potest illos iurejurando solvere, quia in ejus præjudicium subditi se obligare non potuerunt.

Ratio in promptu est. Nam inter personas diversas obligatio prior posteriorem reddit irritam, quia personam jam uni obligata, alteri se obligare non potest. E. g. si quidam Titio desponsa est, non potest jam Mævio desponderi. Ergo nec principi suo obligati semel jam & aliis contrario iurejurando se possunt obstringere, adeoque obligatio prior posteriorem tollit.

Eleganter id ex ipsa lege divina, quæ parentibus & maritis permittit, librorum & uxorum vota & iuramenta solvendi. Num. XXX. Si pater & maritus id potest: multo magis princeps.

Sed quid si princeps aliquem solvit iurejurando, quod principis utilitatibus non adversatur? E. g. Tiberius iurisjurandi gratiam faciebat equiti, qui juraverat uxorem se

se nunquam repudiaturum, quum hæc deprehensa esset in adulterio.

D. HUBERUS in *dissert.* quas conjunctim edidit, etiam unam habet de *gratia jurisjurandi facta*, & existimat, principis solutionem jurisjurandi nihil esse aliud, quam concessionem impunitatis in foro externo. Nam obligationem neminem tollere posse, præter Deum, cui juratum. Sed ego arbitror nihil aliud esse, quam interpretationem jurisjurandi. Princeps non tollit obligationem, sed declarat, in casu præsentis non adesse obligationem. Conf. BURNHOLD. l. 2. c. 2. §. ult.

Sic & in personam, cui juratum est, n. 3. 4. hanc potestatem habet princeps, ut ei jus ex jurejurando acquisitum auferat, & impediat eam, ne jus exercere possit; si id reip. videatur interesse. Sic e. g. princeps quidam Germ. nobilem carcere, minis & vi adegerat ad transactionem iniquissimam, & talem quidem, qua omnia bona sua concedere tenebatur principi. Ea transactio jurejurando formata fuerat. Postea nobilis liberatus actionem in judicio aulico Imp. instituit. Princeps opponebat exceptionem transactionis juratæ: Imp. autem irritum faciebat jusjurandum vi extortum, i. e. declarabat, principi nullum jus esse ex illo jurejurando.

§. 21.

Transit jam Gr. ad questionem, an jurare Christiano liceat: nam quum Matth. V. dicat Christus: *omnino non jurabitis*, idemque repetat Jacobus in Epistola: posset existi-

n. 5.

existimari, jurare plane nefas esse, quod & Anabaptistis, Memronitis & Socinianis videtur.

Sed Grotius ostendit, Christum non prohibere juramenta omnia, quæ faciunt ad veritatem detegendam, sed promissoria tantum de rebus futuris, quia facile contingere potest, ut ne possimus quidem promissa adimplere, adeoque perjuri repariamur. Id probat Grotius

1) ex opposito: *Audistis dictum esse vobis: non pejorabitis, sed reddes Domino juramentum.* Reddere juramentum tantum dici potest de promissoriis: ergo & hæc Christus intelligit, dum addidit: *Ego autem dico vobis: ne jurato omnino.*

2) Ex ratione, qua Jacobus Apostolus utitur: *No fallaces repariamini.* Id enim itidem ad promissoria solum pertinet.

3) Ex verbis sequentibus: *Esto sermo vester, ita ita, non non.* Ubi ex indole sermonis Hebræi ostendit, ita & non prius pertinere ad promissionem, alterum ad implementum. Solebant enim Hebræi & Orientales promittere verbis: Ita, non; vel Hebraice: Amen & ain. Si jam adimpletisset quis promissa: dicebatur: Amen & sic. Si fessisset, dicebatur: Sic & non. Patet id ex 1. Cor. I, 18. 20.

4) Ex interpretatione ipsorum Hebræorum e. g. Philonis & Essenorum. Hi omnes enim dicebant, viri boni esse promissa non juramenti firmare, sed injurata adimplere. Dicta eorum ipse Grotius attulit. Ergo inde colligas, Hebræis hanc doctrin-

doctrinam fuisse communem, & hinc eam Christum quoque proposuisse.

5) A consensu gentiliū, qui eandem n. 5. 6.
regulam inculcabant, e. g. Pythagoræ, Scytharum, Ciceronis, Solonis, Alexidis Comici, Hieroclis, Libani, Eustathii, verba repetere, vel alia testimonia accumulare nihil opus est. Sufficit, ex his omnibus apparere, Christum & Jacobum non omnia promiscue juramenta prohibuisse.

§. 22.

Inde confectarium hoc elicit Grotius, quod in promissis quodvis symbolum vel signum, receptum publice, ejusdem efficacitæ esse debeat, ac ipsum jusjurandum.

Talia symbola varia erant, & sunt etiamnum e. g. apud Romanos stipulatio; seu solemnitas interrogatio & responsio: apud eosdem & omnes fere gentes oblatio dextræ: apud Russos osculum cruci oblatum.

Et sane vir bonus non jurejurando obligatur, sed conscientia. Non fidem servat, quia juravit, sed juravit, quia fidem servare jam ultro decreverat. Unde & viri boni injurati promissis plus fidei habendum, quam scelerati religiosissimo juramento.

C A P U T XIV.

*De Eorum, qui summum Imperium habent,
promissis, Contractibus, &
Juramentis.*

§. 1.

n. 1. **S**olet Grotius primum materias singulas generaliter tractare, ac deinde eas applicare ad quæstiones & controversias illustres vel juris publici. Postquam enim generatim, quid iusti sit circa pacta, contractus & juramenta imperantium? Et quidem quæritur,

1. quid imperantibus liceat circa pacta, contractus & juramenta propria? §. 1, 5.

2. Quid circa actus subditorum? §. 6, 9.

3. Quid circa successores? & an ii quoque pactis, contractibus & juramentis imperantium obligentur? §. 10, 14.

1) Quæritur, quid imperantibus liceat circa pacta, contractus & juramenta propria? Occasionem huic quæstioni dedit JOHANNES BODINUS, scriptor vere impius, ut ex ejus colloquio *heptaplomero* quod MSC. in Bibliothecis illustribus occurrit, adparet. Is lib. 1. de rep. cap. 7. docet, principem non obligari pactis, promissis & juramentis suis, nisi quatenus ipsi hæc sint utilia. Ejus argumenta sunt:

1) quia subditos possit Princeps adversus pacta promissa, juramenta in integrum resti-

restituere: inde enim sequi, ut & ipsi restituere possit.

2) Neminem teneri pactis, conventionibus, juramentis injustis. Atqui injustum esse, quidquid salutis reip. & imperantium adversetur. E. Principem iis non teneri.

Sed recte scribit GUNDELINGIUS *in via veritatis* Parr. 3. cap. de pactis, nunquam tam omnem pudorem ponere ipsos Principes, quam quidem eruditos. Argumenta enim hæc tam sunt subtilia, ut nihil supra. Nam

1) Princeps restituit in integrum subditos, sed non pro arbitrio, quia pacta ipsi non placent, sed quia ea sunt contra leges, e. g. dolo, vi & metu extorta, cum minoribus inita &c.

2) Falsum est, omnia esse injusta, quæ salutis reip. vel privata Principis repugnant. Sæpe enim respl. & Princeps justo bello, in eam conditionem redigitur, ut non possint servari, nisi pactationibus, quantumvis parum utilibus. Sic e. g. pax ultima, quam Sveci inierant, parum & reip. & regi profuit: sed ideo non injusta.

Attamen & Grotius in eo peccare videtur in defectu, quod Principes & pactis vi & metu injusto extortis, item pactis in minorennitate initis teneri dicit, prius enim inde est, quod cum Stoicis existimat, pacta vi extorta J. N. valida esse, quod supra destruximus. Posterius supponit, Principem nihil agere sine consiliariis. Sed quid si Princeps minorennis captus & ad pacta iniqua adactus sit?

n. 1. Si ergo quaestio est, an reges obligentur pactis & juramentis suis? observandæ quædam distinctiones, quarum una a Grotio omissa, reliquæ ab eo hoc §. expositæ sunt.

1) Distingu. inter pacta justa vel injusta. Injusta autem non sunt vi bellica extorta, quia ipsum bellum potest justum esse, sed e. g. a latronibus & rebellibus extorta, a captivo principe majorennæ sine consensu reip. inita, dolo alterius inita. Hæc quum ne privatum quidem obligent, multo minus principem: illa omnino obligant.

2) Distingu. inter principem, cujus limitatum imperium est, & qui pleno jure imperat. Ille nihil potest, quod ad temp. sine statuum vel ordinum consensu: hic omnia agit suo arbitrio. Si ergo prioris generis princeps aliquid promisit vel invenit contra salutem reip. id non ratum est, nisi ordines consentiant. Aliud si princeps libere imperans,

n. 2. 3) Distinguendum inter actus regis quos tamquam privatus, & eos, quos tamquam rex edit. Illi promiscue obligant, nisi & privatis conceditur remedium. Hi non nisi justî sint, & ab imperante initi, cui plenum est agendi arbitrium,

Jam aliquot exempla allegabimus. In Flandria receptum, ut si moriatur obærat, vidua & liberi, si velint venditionem bonorum impedire, marsupium cum clavibus imponam feretro. Quo facto plerumque cre-

creditores transigunt, & minorem summam accipiunt. Est ergo hoc remedium civile, contractum mutui privatis in Flandria concessum. Sed refert PONT. HEUTERUS in *Hist. Burgund.* mortuo Philippo audace Duce Burgundiæ, & Com. Flandr. ejus viduam imposuisse feretro marsupium & claves. Idne poterat? Resp. si æs alienum tanquam privatus, non tanquam princeps contraxerat: potuit vidua uti beneficio privatorum.

Franciscus I. Rex Fr. a Carolo V. captus tædio carceris iniquissima pacta ini- erat, quibus in Duc. Mediolanensem, Bur- gundiam, Flandriam juri omni renuncia- rat, magnam pecuniæ summam promiserat &c. vid. P. DANIEL dans l'*histoire de France* T. III. sub finem vitæ Francisci I. quærebatur, an Franciscus I. teneatur? Franciscus I. conquerebatur pacta vi & metu extorta esse. Sed hoc nihili. Erat enim justo bello in captivitatem redactus, & Carolus V. ei nullam præterea vim in- tulerat. 2) Se pacisci non potuisse sine consensu ordinum. Id omnino momento- sum. Quantumvis enim libere imperent reges Franciæ, tamen eo tempore alienare nihil poterant sine ordinum vel Parliam. consensu. 3) Se præstiturum, quod tan- quam privatus promiserit, regem enim ca- ptivum non esse regem. Jam promiserat pecuniam, nuptias filii &c. Et id omnino juste petebat. Quamvis enim captivus ma- neat rex ratione juris, tamen rex non est ratione exercitii. Conf. L. B. de DANKELM. *diff. erudit. de pactis principis captivi.*

Quæritur 2) quando rex jusjurandum suum in specie possit irritum reddere? Et hic Grotius ait, posse eum id antecedenter, non consequenter. Quid hoc sibi vult? Resp. Sensus est, posse principem antequam jurarit, ita pacisci cum subditis, & legem fundamentalem condere, eamque jurejurando confirmare, quod in certo casu jusjurandum principis valere non debeat. Si ergo nihil hominibus Princeps in posterum juret: eum priore juramento & lege fundamentali impedire, quo minus posterius jusjurandum servare possit; quamvis ex Gr. sententia Deo obligatus maneat.

Ast si postquam Princeps juravit, is tunc demum hujusmodi legem fundamentalem condere velit, id fieret in fraudem jurisjurandi prioris, & ei, cui juratum, jus quæsitum injuste auferretur, quod absurdum.

Quæstio insignem utilitatem habet in Germania & Polonia. Notum est summos imperantes ibi obstringi lege fundamentalis, quæ in Germania, *Capitularis*; in Polonia *pacta conventa* adpellatur. Utraque pacta imperantes tenentur jurejurando confirmare. In capitulatione inter alia cavetur, ne quem nobilem, Baronem, Comitem, aliis principibus subjectum, in horum præjudicium in principum ordinem adsumat. Fingamus ergo Imp. alicui juramento promississe, se eum Principem facturum: id non potuerit, quia antea juravit, se id non facturum. Peccavit ergo dum

dum juravit, sed peccaret magis juramentum illud posterius præstando.

§. 4.

Quæritur 3) an & reges ex promissis suis obligentur sine causa debendi? sed hæc quæstio facillima. Nam 1) jam suprademonstravimus, hoc requisitum, nempe causam debendi, manifesto esse ex jure civili; adeoque ad principes pertinere nequit. 2) Ratio etiam hujus juris in principe cessat. Nam aut cum alio Principe, vel rep. ipsi res est, aut cum privatis. Adversus alios Principes vel resp. non solent esse liberales, adeo nec quidquam sine causa promittere. Subditis autem benefacere officium est Principis: nec metus est, ne ideo ad paupertatem redigantur.

§. 5.

Denique 4) quæritur: an & juribus civilibus in pactis & contractibus summorum imperantium locus sit? Id negat Vasquius, & cum eo Grotius & recte, modo distinguas inter ea, quæ jus civile ex J. N. & G. desumit, & ea, quæ sunt propria juris civ. Illa stringunt principem, non quatenus sunt J. civ. sed quatenus sunt ex J. N. & G. Hæc non stringunt, quia jus civ. dependet a princ. Princeps autem non sibi, sed subditis leges præscribit.

Exemplis res fiet clarior. Nuptiæ fiunt consensu. Id juris civilis quidem est, sed ex J. N. & G. proficiscitur. Ast quod fieri debeant nuptiæ coram facie Ecclesiæ, & per benedictionem ministrorum Eccle-

fiat, id juris mere civilis est. Valebunt ergo principis nuptiæ etiam sine sacerdotali benedictione, sed non valebunt sine consensu.

Observandum tamen, recte facere bonos principes, si se hujusmodi legibus sponte submittant, ne scandalum præbeant subditis.

Hinc facile etiam deciditur quæstio, quam ridicule movit *Vasquius controvers. illust. l. 1. c. 51. num. 34.* an princeps possit emere sine certo pretio? conducere sine certa mercede? Consensus enim in idem pretium, vel eandem mercedem requiritur a jure civili, sed ex principiis J. N. & G.

§. 6.

- n. 1. Sequitur pars II. hujus capituli, ubi quæritur, quid principi liceat circa actus subditorum? Et primo quidem, quia sæpe cum ipsis subditis paciscitur princeps, quæritur, utrum princeps his pactis vere obligetur, an subditis jus quæsitum auferre queat, & ab obligatione resilire?

Baldus, quem & alii Juri fere sequuntur, dicunt principem obligari quidem naturaliter, sed non civiliter. Sed quum hæc distinctio obscura sit, videbimus, quid in recessu habeat.

1) Naturalis obligatio aliquando dicitur, quæ ex honesti regula; civilis, quæ ex regula justitiae fluit, e.g. naturaliter obligamur ad dandam eleemosynam, non civiliter. Si eo sensu accipiantur Baldi verba, absurda sunt. Sic enim semper imperfecta erit

erit principis obligatio, nec cuiquam faciet injuriam, si ab illa resilit.

2) Naturalis obligatio dicitur ea, quæ J. N. quidem firma est, sed ita ut jus civile ei non adsistat: civilis quæ civili jure rata est, quamvis jus naturæ eam non agnoscat. e.g. pacta servari jubet jus nat. sed jus civ. ex pactis nudis non dabat obligationem. Est ergo obligatio naturalis tantum. Contra pactum vi & metu extortum jure nat. irritum est, at jure stricto civili servandum. Est hæc obligatio mere civilis. Si hoc sensu accipias verba Baldi, illa denuo absurda sunt. Sensus enim erit, obligari quidem principem ex pacto suo, sed non nisi in conscientia, non autem cogi posse. Ergo si Imp. violat capitulationem, Ordines Imperii non nisi ingemiscere poterunt, non autem eum cogere, ut pactis stet.

Quid ergo? Dicimus obligationem ex principum promissis nasci plenam & perfectam, sive cum subditis agant, sive cum æqualibus. Rationes sunt, 1) quia J. N. sine distinctione personarum dicit: pacta sunt servanda. 2) Quia princeps dum paciscitur, non consideratur ut princeps, sed tanquam privatus, & æqualis.

Objicitur, me agere tamen non posse. Resp. Nec eo sensu verum est, principes non obligari civiliter. Nam ab actione ad obligationem non valet consequentia. Agere non possum contra fugitivum, sed tamen is mihi civiliter obligatur. Pupillus quoque

X s. ipse

ipse agere non potest, & tamen ei obligatur, qui cum eo contraxit. Accedit quod in plerisque rebuspubl. boni Principes se ultro iudiciis supremis submittunt. Sic Rex Galliz conveniri potest coram Parlamento, Elector Saxoniz coram iudicio Julico Lipsiensi.

§. 7.

Quæritur, porro, an princeps alicui jus quæsitum ex pacto vel jurejurando auferre possit. Id ordinarie rogatur. Nam ideo principi subijcitur, ut sit, qui jura nostra conservet & defendat, non ut nobis ipse jura auferat. Sed addit auctor duplicem exceptionem. Nam aliquando princeps id licite facit

1) vel poenæ causâ, veluti quum læsæ majestatis reo bona omnia simulque & jura auferuntur, & in Fiscum transferuntur: quamquam effectus hujus poenæ per indirectum etiam in liberos innocentes transeat. Principes parciores esse decet in publicandis bonis.

2) Vi supereminentis dominii. Sed nisi id jus recte circumscribatur, facile degeneraret in tyrannidem. Est ergo jus simile illi, quo utuntur medici ad urendum secandumque, si remedia ordinaria non sufficiant. Hinc distinguendum inter statum reipubl. ordinarium & extraordinarium. In statu ord. est respubl. si pax est, sique omnia se recte habent. Ast extraordinarius status reipubl. est status morbidus, corruptus, si vel seditiones vel bella gliscunt. In hoc aliquid licet principi ob necessitatem,

tem, si resarciatur damnum, sed non in illo statu ordinario. Hinc potest princeps agrum, quo ad munitionem opus est sibi samere, potest nautas cogere ad transmittendos milites, quamvis alii promissis vel iurijurando obstricti sint. Sed non potest agrum eripere solius utilitatis causa. Unde jam aliis observatum est, Grotium, ejusque sectatores, quia solius utilitatis rationem habent, non satis consuluisse subditis contra Imperantes, immo ex his principiis facile defendi posse factum Achabi, Nabothis vineam appetentis.

§. 8.

Fuerunt, qui distinguerent, inter ea quæ jure nat. & quæ jure civ. alicui competant, existimantque priora jura principem ob causas hæcenus enumeratas auferre non posse: reliqua vel posteriora posse.

Enimvero recte hanc sententiam refellit Grotius. Jus enim hoc subditorum effectus est domini. Dominium autem nascitur sive modus acquirendi naturalis sit, e.g. dum acquisitio fit per occupationem: sive juris civilis, veluti dum acquisivi per successionem ex testamento. Sufficit enim, me factum esse dominum.

Existimat Grotius principem & exteris jus quæsitum auferre posse in poenam, e.g. si vectigal defraudando retinuerint, non autem ex vi eminentis domini, quia in res exterorum nullum sit dominium eminens. Enimvero ipse tamen infra faterur, tempore belli non injustum esse exterorum naves ad transmittendos milites invitis do-

minis adhiberi, modo illis solvatur merces. Hinc recte dixeris, hoc jus in omnes se extendere cives etiam temporarios, quales sunt exteri in republ. nostra commorantes: sed eo discrimine, ut illis res & jura auferri possint in perpetuum, quia sunt cives perpetui, his ad tempus, quia temporarii.

§. 9.

Inspergit Grotius questionem, an verum sit, quod nonnullis visum, contractus principum leges esse?

Negat id Grotius & quidem rectissime. Nam 1) leges feruntur & invitis, contractus fiunt consentiente utraque parte. 2) Leges non obligant Principem, sed subditos: contractus utrosque. 3) Leges tolluntur a legislatore invitis subditis: contractus non item. 4) Immo nullus contractus principis cum principe ratus esset, si contractus essent leges, quia Princeps Principi legem ferre nequit.

Possunt tamen per accidens fieri leges non ratione contrahentium, sed ratione aliorum civium, quibus lege publica iungitur, ut ne quid contra contractum agant. E. g. pax Westphalica, contractus locationis conductionis cum publicanis initus.

§. 10.^o

Hactenus de effectu jurisjurandi vel promissi principis intuitu ipsius Principis, & subditorum. Sequitur pars III. quid juris illi sit in obligandis successoribus?

Aut succeditur vero jure universali permo-

modum hereditatis, sive patrimoniale. fit Imperium sive usufructuarium: aut titulo singulari, e. g. per electionem.

Priore casu recte adferitur, successorem obligari promissis & juramentis antecessoris, quia heres transit in omnia jura defuncti, adeoque & facta ejus præstare debet. Et de eo nemo dubitat. Hinc nihil notius, quam successorem heredem conveniri ex contractibus & promissis defuncti.

§. 11.

At de successoribus singularibus distinguendum, quod aut defuncti contraxerunt tanquam privati: & tunc non tenentur. Aut tanquam Principes intuitu reipubl. & tunc tenentur.

n. 2.

Hinc recte Grotius dicit eos non obligari *à privatis*, immediate, sed *impèriis*, mediate, mediante scilicet republ.

Ratio est, quia imperantibus republ. concessit facultatem contrahendi pro republ. Et inde est, quod Princeps novus electus ex fœdere antecessoris obligetur, non autem ad æs alienum ejus solvendum, nisi in rem civitatis versum sit.

§. 12.

Attamen & hic notanda exceptio. Nam quamvis facultatem pro republ. contrahendi Principi concesserit populus: ea tamen facultas non est illimitata & infinita. Id 1) in genere probatur, 2) in specie ostenditur, quousque se ea facultas porrigat.

n. 7.

1) Quod restricta sit hæc facultas, generatim probatur 1) ex fine civitatis. Is non est ut Princeps pro lubitu agat, sed ut id agat

agat

agat, quod salus & securitas publica exigit. Sic e. g. Roma Neroni dederat facultatem imperandi, non occidendi promissive, non urbem incendendi. 2) Quia omnia pacta habent tacitam conditionem, ut recta ratio servetur. Recte autem rationi repugnaret pacisci cum Principe, ut ei liceat in nos impune grassari. 3) A simili. Princeps veluti tutor est reipubl. Tutori autem licet administrare, non spoliare.

n. 2. 2) Sed quousque se ea facultas extendit? Resp. ut Princeps se & reipubl. obliget ob justam rationem. Non ergo hic quaeritur

1) an pactum a Principe initum utile reipubl. fuerit. Nam saepe & optima consilia male cedunt, & casum nemo praestat.

2) Nec an eo pacto resp. laesa sit. Inter Principes enim non semper locum habet aequalitas, ob inaequalitatem virium. Sic saepe potentior foederato impotenziori promittit auxilium 20000. hominum: quum impotenzior reciprocè promittat 3000.

3) Sed an pactum probabilem habeat rationem, idque in dubio merito praesumitur, donec contrarium probetur.

n. 3. Addit A. nonnullas observationes huc pertinentes, veluti, 1) veteres & eos laudare, qui antecessorum promissa praestiterant, ut Titum & Trajanum, & eos vituperasse qui promissive praestiterunt, ut Vitellium. De Tito vid. SUT. cap. 8. de Traiano PLIN. Paneg. de Vitellio Tac. hist. l. 3. cap. 55: Sed distinguendum omnino,

no, an salva republ. prestare possint nec ne. Accedit, quod Titus & Trajanus titulo universalis; Vitellius titulo singulari electionis successerunt.

2) Et republ. aliquando non teneri ^{n. 4.} prestare promissum principis sui, si jam pateat, illud manifesto vergere in, perniciem reipubl. E. g. si Princeps vicino obsequium sine ratione promiserit, eo mortuo resp. non tenebitur prestare, quod promissum, nisi expresse consenserit, vel Principem promitti jusserit.

Objici posset, dixisse nos §. 11. num. 2. rempublicam teneri, & per republ. etiam successorem singularem: quomodo ergo dici posset, hujusmodi promissum revocari? Recte resp. Grotius, hic promissum non revocatur, sed ab initio nullum fuit, quia Principi facultas hujusmodi quid promittendi concessa a populo non fuit.

3) Quæ de contractibus dicta: eadem ^{n. 3. 6.} intelligenda esse de alienationibus. Si enim res domaniales sine ratione alienaverit Princeps, populum vel successorem eas jure revocare, jam supra demonstravimus.

Enimvero ea observatio supervacua est, quoniam alienatio a Principe semper fere per contractus, raro per ultimas voluntates fiat. Contractus autem iniri non possunt de rebus alienis. Manifesto autem res alienæ sunt domaniales, quippe quæ ad remp. pertinent, usufructu duntaxat Principi competente.

§. 13.

Sequitur questio, an successor tollere possit

possit vel revocare beneficium ab antecessore datum? Sunt, qui id promiscue fieri posse existimant: quod absurdum, quum sic Principi non liceat esse benefico, quod tamen privato cuiusvis licet.

Rectius ergo cum Grotio distinguimus, de suo, an de rebus ad civitatem pertinentibus liberalis sit Princeps. Si de suo: id quod semel datum revocare non potest, nisi in poenam vel ex dominio eminente. e. gr. Si donavit ex patrimonialibus, si utensilibus auro, argento &c. aliquem locupletarit. Sic enim donavit non tanquam Princeps, sed tanquam privatus, adeoque & eodem jure tenetur. Ast Princeps beneficus de rebus civitatis de alieno liberalis est. Quum itaque hujusmodi donatio in se nulla sit, sequitur ut & ipsi, & successores & resp. eam revocare pro lubitu possint.

§. 14.

Bella est questio ultima, an contractibus eorum, qui injuste invaserunt, teneantur successores justis. Habemus exemplum in Anglia, postquam Oliverio Cromwello Carolus II. Rex legitimus successerat. Cromwellus multa foedera, multa pacta, etiam Angliae utilissima inierat cum vicinis gentibus. An iis obstringebantur etiam legitimi Reges?

Negat id Grotius. Quia Princeps legitimus plane non est successor ejusmodi invasoris, neque universalis inquam successor, nec singularis. Ergo plane non praestatur illius factum praestare.

Addit tamen Auctor exceptionem, si in
rem

rem verum: id est, si in utilitatem reip.
vergit pactum ab invasore initum. Tunc
enim quasi negotia reip. vel Principis uti-
liter gessit, adeoque hic obligatur ex axio-
mate illo notissimo, neminem debere cum
damno alterius locupletiores fieri.

C A P U T XV.

De Foederibus & Sponsionibus.

§. 1.

HActenus de pactis & conventionibus
Principum in genere. Quemadmo-
dum ergo supra pacta privatorum a con-
tractibus distinximus: ita Grotius & pa-
cta principum distinguit a foederibus &
sponsionibus, de quibus hoc capite XV.
ita agit, ut

- 1) ostendat divisionem hujusmodi con-
ventionum publicarum. §. 1, 7.
- 2) doceat, quid justum sit circa foede-
ra? §. 8, 15.
- 3) Quid justum circa sponsiones? §. 16,
17. Conventiones sunt vel publicæ vel pri-
vatæ. Publicæ, quæ nisi jure Imperii fieri
nequeunt. E. g. foedera, pax, pacta cum
hostibus inita, induciæ &c. Privatæ, quæ
& a quovis privato jure ineuntur, e. g. em-
tio, permutatio, donatio &c.

§. 2.

Publicæ demum dividuntur in foedera,
spon-

sponsiones, & pactiones. Foedera sunt pacta inter gentes inita : sponsiones pacta a legatis vel privatis sine jussu imperantium inita : omnes reliquæ conventiones, vel cum hostibus vel cum privatis initæ a republica generale nomen retinent pactionum.

S. 3.

1. Inde facile patet, quodnam sit discrimen foederum & sponsionum. Foedus initur jussu summæ potestatis, adeoque æque obligat principem & remp. ac contractus a privato per mandatarium initus.

Ast sponso est, quando ii, qui mandatum non habent a summo imperante aliquid promittunt nomine Principis vel reipubl. Quod fieri potest non uno modo, ex. gr.

1) Si legatus fines mandati excesserit, & plus promiserit, quam Princeps jussit.

2) Si Dux bellicus ad incitas redactus turpi pacto vel foedere periculum avertere conetur injussu reip. Tale exemplum est in sponsione Caudina apud LIVIUM l. 9. cap. 8.

2. 3) Si minor pars populi paciscatur ignorante vel repugnante parte majore, quale est elegans exemplum in historia belli Gallico Romani. Galli Senones Romam occupaverant & incendebant, populus maximam partem Vejos in castra, pauciores in arcem Capitolinum cum Manlio secesserant, Hi arcem defendebant diutissime, extrema passim pactum inibant, de vita illis pro pecuniæ certo pondere concedenda. Dum
jam

jam pecuniam adpendebant, Furius Camillus cum exercitu superveniens, rem omnem turbavit, negavitque populi partem pacisci potuisse invita parte maiore, de re, quæ ad universam spectet repl.

Equidem si de se tantum pacti fuissent, pactum fuisset ratum, uti quotidie tempore belli videmus validas haberi pactiones deditionis causa initas a duct præfecto præsidio, quamvis a superiore non confirmatas. At de summa rei pacisci nemo potest, nisi iussu reip. vel summi Imperantis, alias est sponsio tantum.

Sed quæritur, quæ ex sponsione spondenti imponatur obligatio? Posset videri, n. 3.
non aliam nasci, quam quæ ex promissione facti alieni. Ex ea enim tantum teneor ad operam quamcumque navandam. Sed responderetur id falsum esse: Hic enim non promitto factum alienum, sed promitto pro alio, ac si ille mandasset, quum tamen non mandaverit.

Ergo distinguendum, prædixeritne spondens, se nullo mandato instructum hæc promittere, sub spe rati: tunc non tenetur: an dissimulata, & præ se tulerit, se mandatum habere, & tunc tenetur ad satisfactionem. Ea satisfactio vel ad id, quod interest, pertingit, vel si dolus concurrat, ad poenam. Apud Romanos mos erat tradendi spondentes nudos, revinctis in tergum manibus.

§. 4.

Quum Menippus Regis Antiochi legatus apud Livium tria continuat foedera
ge-

genera : quærit Grotius, an ea divisio admittenda sit?

Nimirum ex Menippi sententia sunt, 1) foedera, quibus bello victis leges dicantur, in quibus victoris sit arbitrium, quid relinquere velit victis.

2) Foedera quibus gentes bello implicitæ pacem faciunt, tum plerumque res vero domino reddi, aut lites de jure & possessione rerum conventionione finiri.

3) Foedera, quæ sunt inter eos, qui hostes nunquam fuerunt, qualia sunt foedera de commerciis, mutua defensione.

Sed hæc divisio eo vitio laborat, quod primum genus foederum id nomen haud meretur, quippe quum foedus sit conventio inter societates liberas. Genus autem devicta & perdomita, cui leges præscribit victor, non amplius est libera. Deinde foedus est conventio: Leges autem præscribere subjectis non est conventionem vel pactiorem inire, quum sit actus unilateralis.

§. 5.

Meliorem itaque daturus divisionem Grotius foedera distinguit in ea, quæ nihil adjiciunt juri nat. & ea, quæ aliquid adjiciunt. Prioris generis foedera generalia; posterioris specialia dici possunt.

1) Generalia sunt, quibus aliquid nobis stipulamur, quod jam tum jure nat. debetur, e.g. ne alter nos lædat, ut amicitiam & vicinitatem nobis commodam percolat &c. Vocantur hæc foedera etiam amicitie.

2) Specialia sunt, quibus aliquid stipulamur,

mur, quod non debetur J. N. e. g. mutuam defensionem.

Sed quæri posset, an non fœdera generalia sint supervacua, & minus necessaria, quum certum sit, jam jure nat. deberi, quod promittitur. Verum respondet Grot. ideo veteribus fuisse necessaria, quia post diluvium præceptum juris naturæ, quod hominem homini insidiari nefas sit, oblitteratum fuerit improbitate hominum.

Hinc eleganter & erudite observat, ple-^{n. 2.} rasque gentes olim ita a pristina virtute descivisse, ut latrocinari iis non visum sit turpe, modo latrocinia exercerentur adversus externos, non adversus cives. Hinc Scythæ, Germani, Parthi, latrocinia sibi laudi ducebant. Hinc apud HOMERUM *Odysf. V. questio*: *estisne pradones, non habetur pro turpi & incivili, sed pro glorioso*. Immo apud PLAUTUM in *Milite glorioso* non semel milites vocantur latrones ex veteri more, quo latrocinari non turpe erat.

Quamvis vero hæc recte se habeant: non tamen vera hæc est ratio, cur opus fuerit fœderibus generalibus, quæ potius a natura officiorum imperfectorum & civitatum est repetenda. Nam

1) Inter vicinas gentes aut civitates vel bellum, vel præparatio belli, vel infida pax est. Semel autem extincta amicitia non facile reviviscit, nisi hujusmodi fœderibus.

2) Non laedere est officium perfectum: amicitiam & humanitatem præstare alteri, officium imperfectum. De hoc autem
ccr.

certus alter esse nequit, nisi foedere vel pacto illam sibi stipuletur.

- n. 3. Hinc etiam facile patet, an inter pacta hæc generalia referenda sint foedera de jure hospitii, itemque de libertate commerciorum? Gens genti hospitium & commercia jure perfecto non debet, quia non tenetur alterius commoda cum suo detrimento promovere.

Si ergo jure perfecto non debentur: opus est, ut pactis & foederibus sibi hanc libertatem stipulentur gentes & civitates. Et sane hoc respectu magis specialia sunt hæc pacta quam generalia. Quis enim dixerit eum Principem contra jus naturæ peccare, qui commercia cum exteris prohibet, quod ipse Deus fecit in rep. Israelitica?

§. 6.

- n. 1. Jam specialia foedera porro subdividuntur in æqualia & inæqualia.

Æqualia ubi utriusque paciscentis par est conditio, e. gr. si gentes sibi invicem promittunt mutua auxilia ejusdem quantitatatis.

Inæqualia contra, ubi impar est paciscentium conditio, quale est foedus inter Francos, & Helvetios.

- n. 2. 3. Utraque tum æqualia, tum inæqualia sunt vel pacis, vel societatis causa.

Pacis causa, quo pertinent foedera de pace constituenda, de reddendis captivis (quæ vocantur *carrels*) de induciis, de munimentis quibusdam a tertii milite custodiendis, barriere tractaten.)

So-

Societatis vel ad commercia pertinent
(commerciën-tractats) vel ad bellicam so-
cietatem (off & defensiu-alliances.)

Omnia enim hæc fœdera vel æqualia,
vel inæqualia esse posse nemo non videt,
e. gr. in pace modo utrique restituitur,
quod bello extortam, modo alterutri. In
fœderibus commerciorum causa initis mo-
do utrique modo alterutri promittitur a-
vestigalibus libertas. In bellica societate
modo par utrique imperatur militum na-
viumque numerus, modo impar.

§. 7.

Inæqualia fœdera denuo dividuntur. n. 1.
Nam aut inæqualia sunt ratione præstatio-
num, aut ratione modi præstandi.

1) Ratione præstationum, ubi inæqua-
lis est præstationum mutuarum quantitas,
e. g. rex reipubl. promittit 30000. resp.
regi 10000. milites.

2) Ratione modi præstandi: si in fœ-
dere uni præeminentia quædam conceditur,
e. g. Bavarus fœdus cum Gallo inierat,
sed hic sibi stipulabatur, ut Dux Gallica-
nus Bavaricas copias simul duceret in Ger-
mania. Sic Carthagenenses quoque fœdus
post bellum Punicum I. & II. inibant,
sed ita, ut tributum annuum Carthagenen-
ses deberent Romanis, nec sine eorum con-
sensu bellum gerere possent.

Hæc inæqualia ratione præstationum vel
sunt conjuncta cum imminutione imperii, n. 2.
vel sine imminutione hujusmodi ineuntur.
Cum imminutione conjuncta, ubi altor
fœderatus alterius imperium semper & ma-
nife.

manifesto agnoscit, ut hujusmodi foedera erant inter Rom. & Carthaginenses, inter Augustum & Herodem: hodie inter Batavos & reges Ceyloniz.

- a. 1. Quæ sine imminutione imperii sunt, vel imponunt onus perpetuum, vel temporarium e.g. Foedus Helveticum Helvetiis hoc perpetuum onus injungit, ut pati teneantur milites a Gallis in suo territorio conscribi: nec tamen eo ipso summum Helvetiorum imperium minuitur. Ast & Batavo imponebatur onus, ut pati teneatur milites suos a Gallicano Imperatore duci: verum hoc onus erat transiens.

Possent aliquis existimare, foedera hujusmodi esse iniqua, quia jus naturæ in conventionibus exigat æqualitatem.

Sed resp: Opus est ea æqualitate, ubi res certam admittit æstimationem, ut in contractibus privatorum. Ast conservatio imperii est res inæstimabilis. Hinc quia impar est rerumpublicarum potentia, hinc impotentior sæpe promittit minus, potentior majus, si hujus interest, minorem rempubl. a tertio non opprimi. Sed & impotentior civitas sæpe ultro subit majus onus, si videat aliter se salvum esse non posse, nec aliter adduci se passurum potentio-rem, ut ei auxilio sit.

§. 8.

Hæc prima pars: sequitur altera, ubi quaritur, quid justum sit circa foedera? Prima & difficillima quæstio est, an cum infidelibus liceat foedera inire? Notum enim est, quam dicam olim Hispani su-

susceperint Francisco I. Regi Franciæ, fœdus ineunti cum Turcis adversus Carolum V. Imp.

Distincte ergo eam quæstionem ad jus nat. & jus divinum positivum exigit Grotius.

Quod ad jus nat. recte negat, hæc fœdera repugnare huic juri sempiterno. Nam jus nat. est commune omnium hominum, jus. Si est commune omnium hominum, sane non distinguit illud inter infideles & fideles. Potius quemadmodum æque injustum est ethnicum occidere ac Christianum, ita æque justum, cum ethnico pacisci quam cum Christiano.

S. 9.

Quid vero de jure divino? Hic haud pauca sunt S. S. loca, ex quibus sequi videtur, fœdera cum infidelibus Deum averfari & prohibita velle. Sed Grotius tamen docet, ea nec V. T. nec novi repugnare principiis.

n. 6.

Nam 1) non improbantur fœdera amicitiae cum infidelibus inita, quale est illud Jacobi cum Labano Gen XXXI, 44. sequ. Deinde cum Edomitibus & Aegyptiis fœdera Israelitarum non improbat Deus, quia generatim voluit, ne Israelitæ Edomitas & Aegyptios averfarentur. Deut. XXXIII, 7.

Objici posset: fœdera tamen cum populis Palæstinæ prohiberi expresse. Deut. VII, 2: Sed resp. Deum Israelitis exequutionem demandasse. Prævaricatio autem fuisset, fœdus inire exequutores cum condemnatis. Ita Grotius. Sed ego existimo Deum Israelitis non solum moraliter mala

Hein. de Jure Belli, &c. Y pro-

prohibuisse, verum etiam mala politice talia, quia Deus erat summus Imperans Israelitarum, eorumque resp. vere *Θεοκρατία* dici poterat. Vid. HARM. CONRINGII *diff. de Theocrasia Hebr. republica sine exemplo*. Atqui omnino politice malum erat, Hebræos ad idololatriam natura proclives cum idololatris in sua terra obviis foedus inire. Magis consultum erat, omnes has gentes funditus extirpari, ne corrumpere Israelitas. Ratio ergo hujus prohibitionis non moralis fuit, sed politica.

- n. 2. 2) Nec Deus prohibuit foedera merciorum causa cum infidelibus inita: idque probatur exemplo Salomonis, hujusmodi foedus ineuntis cum Hieramo Tyrriorum Rege. 1. Reg. V, 12. Isque actus Salomonis expresse ibi tribuitur divinæ, quæ in Salomone reluxerit, sapientiæ. Immo non solum cum Hieramo hujus rei causa foedus inritum oportuit, sed & cum gentibus Ophiriticis, ad quas navigabant tunc homines Salomonis.

- n. 3. 4. Objici posset: Deum expresse dixisse: *Amabis proximum, quod ipsi DD. Ebræi interpretati sunt: odio habebis inimicum*. Immo id tam late interpretabantur Judæi tempore Christi, ut gentilibus ne quidem officia innoxie utilitatis præstarent, nedum ut cum iis inirent foedera. Vid. querelæ gentium de ea Judæorum *misardsporia* ab ipso auctore hoc n. 3. collectæ.

Sed recte hic responderet Grotius. Fuisse hanc DD. interpretationem falsissimam, & hinc a Christo efficacissime refutatam, non solum

solum verbis Matth. V, 43. sequi verum etiam ipsis factis. Christus enim cum Samaritide loquutus est humanissime, cum ea bibit, apud eam divertit, ut reipsa doceret, non esse sensum legis divinæ verum, quem illi adfingebant Judæi, quod abhorrendum plane sit a gentibus exteris. Addit Grotius etiam veteres fideles in legem Dei interpretatos, nempe Davidem, qui a Saule passus persecutionem ad Philistæos confugit, & Salomonem qui in precibus, quibus templum dedicabat, etiam gentilibus concessum dicit, ut in atrio extremo templi orent. 2. Reg. VIII, 41.

Soli denuo ob rationes politicas excipiebantur gentes Palæstinæ, & inter Israelitas viventes, ne familiarior justo consuetudo cum his infidelibus Israelitas ad idololatriam pelliceret. Vid. quæ diximus ad §. 9. n. 1.

Hinc tantum abest, ut cum iis commercia habere potuerint Israelitæ, ut ne liceat quidem iis officia humanitatis præstare. Diserte enim Moses Deut. XXIII, 6. *Non quæres prosperitatem eorum, nec bonum eorum, ullis diebus tuis unquam.*

3) Nec foedera mutux defensionis cum gentilibus illicita fuerunt. Sic Abrahamus armis juvit Sodomæos Gen. XIV, 14. sequi. Ita & Hassamonzi fœdus hujusmodi iniit cum Romanis & Spartanis. Vid. 1. Maccab. XIV. & XV. Quamvis enim hi libri non sint canonici: habent tamen auctoritatem historicam, docentque Hassamonæos, tanquam legis peritos hujusmodi foedera in se non putasse illicita.

Y 2

Obji-

n. 5.

n. 6.

Objiciunt loca 2. Paral. XIX, 2. XXV, 7. ubi increpatur Josaphatus, Rex pius, quod foedus inierit cum Rege Israelitarum, contra Syros. Item 2. Paral. XX, 37. ubi itidem increpatur Josaphatus, quod foedus commerciorum causa fecerit cum Achazo, rege Israelitarum idololatra. Videtur ergo Deus plane hæc foedera improbare.

Sed resp. 1) non increpatur ipsum foedus, sed Josaphati levitas & pertinacia. Deus enim per Micham prædixerat, bellum illud male cessurum, & tamen Josaphat in foedere persistebat,

q. 8.

2) Israelitarum idololatrarum eadem erat ratio ac gentium Palæstinarum inter Israelitas viventium. Familiaris enim cum illis consuetudo facile pellicere potuisset fideles ad similem impietatem. Ubi ergo eadem est ratio, ibi eadem legis dispositio.

q. 9.

3) Sæpe non tam foedera a Deo reprehenduntur, quam animi consilium, quo hæc foedera inita sunt. Sæpe enim ea inibant Israelitæ ex dissidentia erga Deum, eoque pertinet exemplum Asæ regis. 1. Paral. XVI, 12.

Quis autem ignorat ob hujusmodi pravam intentionem actus in se licitos vitari? Exempla habemus 2. Sam. XXIV. de Davide censum agente, & 2. Reg. XX, 13. de fiducia in Ægyptum posita.

q. 10.

4.) Denique Israelitis non opus fuit foederibus, si essent probi ob promissiones speciales victoriæ. Deut. XVIII, 7. Ergo plerumque aut inibantur ab Israelitis pravis & ido-

idololatria pollutis, tunc fœdera hujusmodi Deo placere non poterant, quia nihil, quod sit ab impiis Deo placet: aut inibantur a probis quidem, sed Deo disfidens, nec sic Deo placebant.

Ut paucis dicamus: fœdera cum infidelibus non in se erant illicita, sed facile mala fiebant, & Deo displicebant pro ratione circumstantiarum.

§. 10.

Pergimus ad scripturam N. T. & quaerimus, an ei adversentur fœdera cum infidelibus? Id merito negant Grœtius.

1) Quia Evangelium etiam hostium charitatem per modum præcepti inculcat. Matth. V, 43. sequi.

Quamvis enim salva manere debeat graduum differentia, adeoque æquissimum sit, ut plus amoris præstemus fratribus quam aliis: omnibus tamen Christianus debet amorem. Quod eleganter ita eloquitur Paullus Apostolus: *Benefacite unicuique, maxime tamen inquilinis fidei.*

2) Nec Christus inhibuit convictum & conversationem cum infidelibus. Potius & ipse & Apostoli frequentissime inter gentiles & Judæos versati, cum illis edebant, biberunt, &c.

Objici possent loci 2. Thess. I, 15. 2. Cor. VI, 14. ubi omne commercium cum hæreticis & religionis desertoribus videtur prohiberi.

Sed hæc prohibent 1) conversationem totalem, qua corrumpi possent fideles, & ad eosdem errores abripi. 2) Prohibent

Y 3 con-

conversationem hæreticorum ob scandalum, quod inde capere possent fideles. Multa autem in se licita mala sunt, si scandalum metuitur fratrum.

- n. 4. Objici etiam porro posset, non probari in S. S. imperia infidelium sponte inita, nec connubia cum infidelibus inita. Sed resp. 1) improbari illa non tanquam illicita, (alias enim nec retinere Christianus posset conjugem infidelem, nec parere salva conscientia posset regi infideli, quod absurdum,) sed tanquam minus bona. Si enim electio nobis est libera, qualis in conjugio, quis non male verterit homini fidei, conjugem infidelem tot fidelibus sine ratione præferenti? 2) Improbatur eadem ob eventum, qui sequi potest, tristissimum. Facile enim femina blanditiis muliebribus maritum ad errores suos pelliciet, uti contingit Salamoni: facile maritus infidelis uxorem naturæ simpliciorum imperio maritali vel auctoritate territam ad suas partes protrahet.

§. 11.

- n. 1. Satis ergo demonstratum a Grotio, foedera hujusmodi in se haud esse illicita. Posse tamen fieri mala pro circumstantiarum qualitate, idem demonstrat. Nam

- 1) possunt mala fieri, si nimia commixtio contagium infirmis adferat. Hinc diximus Deum omnem familiaritatem cum Palæstinæ gentibus prohibuisse.
- n. 2. 2) Possunt mala fieri, si foederibus hujusmodi potentia infidelium maximum capiat incrementum, ut deinde communem caus-

causam eo facilius opprimant. Sic enim occasionem suppeditamus ruinæ religionis. Obiter tamen moneo, perversam hic esse explicationem dicti Matth. VI, 33. quod non de externa propagatione Evangelii, sed de interna cura salutis agit.

Et inde concludit Grotius, opusandum esse, ne fœdera cum infidelibus contra Christianos inita nimis frequentia sint. Nos huic voto subscribimus, observato discrimine inter fœdera belli & commerciorum causa inita. Hæc enim non tam periculosa sunt fidei ac illa.

§. 12.

Illud vix ferendum, quod Grotius §. insequente Pontificiorum dogmati subscribit, omnes Christianos conjungere debere arma adversus infideles, & peccare principes in conscientia, qui id prætermittant. Hoc enim ipsum principium est, quo a sæculo XI. Pontifices homines ad suscipiendas expeditiones Hierosolymitanas excitabant. Grotii argumenta sunt

1) quia omnes Christiani sunt membra unius corporis, & hinc etiam reliquorum membrorum dolores & mala perentiscere debeant 1. Cor. XII, 18. 26. Sed resp. Christiani qua Christiani non pugnant armis carnalibus. Qua imperantes pugnant; sed tunc id non iuste fit, nisi permittat J. N. Jus nat. autem non permittit bellum ob solam adversæ partis infidelitatem.

2. Esse hanc causam communem. Resp. aut infideles bellum excitant eo consilio, ut Christianos eradicem, tunc causa est

Y 4

com-

communis. Aut ex politicis rationibus bellum susceptum, tunc non dici potest causa communis, nisi per accidens.

Hinc distinguendum inter bella defensiva & offensiva. Offensiva injusta sunt, 1) si suscipiantur sine causa contra infideles, tantum quia infideles sunt. Hinc pleræque expeditiones eruciatæ, quas vocant, fuere injustissimæ, nec justius est bellum Hispanorum contra Americanos. 2) Si suscipiantur contra prævia pacta & foedera. Triste exemplum vidit Hungaria in Ludovico, ultimo rege Hungariæ.

Si defensivum bellum gerendum, tunc justam causam habent, qui oppressis Christianis adstant, eosque in ordinem cogunt, & hujusmodi foedus laudabile est: sed non sunt injusti, qui id non faciunt, quum & in foederibus pangendis populi & reip. salus sit lex suprema. Legi meretur BUODEI Exercitatio eruditissima de *expositionibus sacris*.

S. 13.

Sequitur nova quaestio: Si plures nobis sint foederati, iique inter se bellum gerant, utri opem ferre teneamur?

Hic 1) tenendum non foedus nos obligare ad ferendam opem, sed causæ iustitiam. Semper enim foedera intelligenda sunt cum tacita conditione: feremus opem, si injuste quis te adgreditur, vel si iuste alium adgrederis. Ubi ergo unus ex foederatis nostris bellum injustum gerit, ibi ei opem ferre tenemur, cujus causa est iustissima.

Exci.

Excipitur tamen caſus, ſi alteri promiſſum, ne alteri mittantur auxilia, tunc neutri poteſt opem ferre, id quod hodie vocant Neutralitatem. Sic Venetiæ & Dux Lotharingiæ ſuperiore bello nec Gallorum nec imperatoris partibus accedebant, quia utriſque foedere obſtricti, promiſerant, ſe non miſſuros auxilia.

2) Si utriuſque partis cauſſa injuſta vel certe dubia ſit, neutri opem ferre tenemur, ſed tunc nos offerre poſſumus tanquam mediatores, & ſponſores pacis, (guarandeurs) id eſt poſſumus modo hujus, modo illius ruinam evitare, ut pax, neutro ad incitas redacto eo facilius coaleſcat.

Laudanda ea in re reſp. noſtra, quæ ſuperiore ſæculo inter Suecos & Danos ita ſe geſſit mediam, ut modo Danis contra Suevos adeſſet, modo Suecis contra Danos, prout huic vel illi parti interitus imminebat. Non enim aderant tanquam reſp. foederata; ſed tanquam ſponſor pacis, eo conſilio, ut utramque partem ad pacem redderet proclivior.

3) Si uterque foederatus bellum cum tertio gerit, tunc utrique auxilia ferri poſſunt, ſive militibus ſubmiſſis, ſive pecunia. Sic Britanni & Batavi & Caſari & Regi Luſit. copias ſubmittebant.

4) Rarior eſt caſus, quem tangit Grotius, quod foederatus utrique foederato præſentiam ſuam promiſit. Quum enim præſentia ſit individua, nec pluribus ſimul commodari poſſit: quæri tunc poſſet, utri foederatorum ipſe præſens adeſſe teneatur?

Et respondet Grotius, tunc potiorē esse causā foederatī antiquioris. Priori enim foederato jam jus quæsitum erat, quum novum foedus iniretur.

n. 4.

Addenda tamen exceptio, nisi posterius foedus simul sit conjunctum cum translatione dominii. Nam tunc posterius solet priori pacto anteferri, quia priori satisfieri potest prædicto interesse. Et hinc ratio videtur 1) cur venditio posterior, sequuta traditione priori præferatur, 2) cur venditio tollat priorem locationem secundum vulgare: *Koop breekt. Huys.*

Sed si vera fateri velimus, hæc ex jure civ. sunt. Ipse enim Grotius supra accurate docuit, dominium etiam sine traditione nuda contrahentium voluntate transferri. Id si verum, posterioris contrahentis non melior causa est, quam prioris.

§. 14.

Quæritur porro, an foedus in tempus initum tacite censeatur renovatum?

Resp. minime 1) quia natura omnium pactorum in diem initorum hæc est, ut lapsu diei expirent. 2) Quia circumstantiæ interea ita mutari potuerunt, ut foederati nostri intersit potius foedus finiri, quam continuari. Exemplum jam videmus in Helvetiis, ubi finit Gallorum foedere cum Evangelicis civitatibus nihil præstant Galli, nisi foedus revocetur.

§. 15.

Finitur etiam foedus alterius perfidia. Nam ea foederis natura est, quæ pacti.

Usum-

Utrumque tacitam habet conditionem : præstabo, si tu præstiteris.

Sed notandum 1) locum esse huic juri, si alteri prius aliquid præstandum sit. Hinc facta pace Badensi, quum & Rex restitutionem Brisaci & Friburgi, & Imperator Electori Baviaræ restitutionem promississet: hic dicebat, se restitutum, si prius restituisset Gallus: hic idem repetebat. Neuter erat perfidus, quia neutri pax priori restitutionem injungebat.

2) Perfidiam liberare partem innocentem, non perfidum. Nam ita fructum caperet malitiæ suæ. Id & in pactis obtinet. e. g. Si divorcium sit ob adulterium, solet parti innocenti permitti novum connubium, non autem adultero, quia hunc perfidia sua a nexu non liberavit.

§. 16.

Sequitur tertia pars capituli de SPONSIONIBUS. Quid sit sponsio, jam in prima parte diximus. Hic tantum binæ expediendæ erunt quæstiones.

1) Si sponsio reprobat a rep. in quid teneantur sponsores? an ad id quod interest, an ad restitutionem causæ in statum priorem, an ad dedendum corpus?

Prima sententia videtur ex jure civili defendi posse. Nam mandatarius, qui fines mandati transiit, tenetur ad id quod interest.

Altera æquissima videtur. Qui enim cum sponforibus pactus est, non aliud damnum incurrit, quam quod jam res non amplius sit in priore statu. Si ergo in eum statum reducatur, ipsi satisfactum videtur.

Tertia sententia ex jure facili, Romanorum est, & 2) exemplis illustribus firmata, sponsione nempe Caudia & Numantina, de quibus supra.

Grotius distincte hanc questionem solvit, & hinc 1) probat summum impetantem hujusmodi sponsione non teneri. Id manifestum, quia nemo obligatur facto alterius, nisi vel mandatum adsit, vel utiliter gestum sit negotium. Hic utrumque obligationis fundamentum abest.

Inde colligit, 2) populum nec ad id quod interest, nec ad restitutionem rei in pristinum statum teneri. Non ad prius, quia non læsit alios, quibuscum nunquam pactus est populus. Nec ad posterius, quia sibi imputare debent, qui occasionem rei bene gerendæ ex manibus dimiserunt.

n. 3. +

3) Nec exercitum teneri ex hac sponsione, 1) quia nec ipse contraxit, nec mandatum contrahendi dedit. Si enim id factum esset, omnino tenerentur. 2) Quia sibi debent imputare, qui sponsores tantum fidem sequuti sunt.

Reliquum est, 4) ut corpora & bona debeantur sponsores, & corpora quidem 1) si præ se tulerunt, quod publico nomine promittant, tunc enim manifestus est dolus, 2) si bona non sufficiant refarciendo damno.

Unde quum Romani hoc modo & sponsores & bona dederent, recte monet Grotius, æquius esse, ut primum bona dedantur, hisque non sufficientibus corpus.

§. 17.

n. 1.

Quæstio II. An obliget sponso summum im-

imperantem ex noticia & ſilentio? Alias enim vulgaris regula eſt, cum qui tacet, conſentire videri.

Reſp. diſtinguendum eſſe, an pure facta ſit ſponſio, an ſub conditione, ſi rata haberetur a ſumma poteſtate.

Posteriore caſu nullam obligationem ex ſponſione naſci, palam eſt. Suſpenſus enim eſt pacti effectus a ratiſhabitione imperantis: eam vel expreſſe fieri oportet verbis, vel tacite factis: adeoque nudum ſilentium non ſufficit.

Si pure factum, tunc denuo diſtinguendum, utrum ſolum ſilentium tenuerit imperans, an factum acceſſerit, ex quo ratiſhabitione colligi poſſit. E.g. ſi ſponſio facta ſit, ut naves tradantur, & imperans ante ratiſhabitionem expreſſam naves quaſdam acceperit.

Fundamentum eſt, quia qui una in re pactum probat, id totum videtur probare.

Ad factum autem hic referri nequit non factum. Eoque pertinet elegans exemplum ex Polybio & Livio adductum. Aſdrubal promiſerat, Carthaginienſes Iberum non tranſituros. Carthaginienſes poſtea negabant eam ſponſionem, ſuo injuſſu initam ratam eſſe. Obiciebant Romani, eos tacite ratum habuiſſe, quia Iberum non tranſierint. Carthaginienſes reſpondebant, nullam fuiſſe occaſionem. Et id recte. Ex non facto nulla inferri poteſt ratiſhabitione, quia nihil poſitivi hic adeſt, ex quo voluntas ratiſhabendi poſſet colligi.

Poſſet & quaſtio ſubjungi, an duces & mili-

milites injussu summi Imperantis possint
pactionem cum hoste inire expediendæ sa-
lutaris suæ causæ, uti sæpe fit in obsessio-
nibus urbium? Sed quia hæc quæstio ad
ea, quæ in bello licita sint, pertinet, hinc
de ea acturi sumus libro ultimo.

C A P U T XVI.

De Interpretatione.

§. I.

N. I. 1. **D**octrina de interpretatione veluti vaga
ac incertæ sedis est. Theologi eam
sibi vindicant sub titulo *Theologia exegerica*.
Clericus eam refert ad Criticam. Grotius
primus ad J. N. retulit, eumque postea
sequeuti sunt Puffendorfius, Thomasius, &
alii. Propria tamen hujus doctrinæ sedes
est in Logica.

Quæritur itaque, cur Grotius hanc do-
ctrinam ad J. N. referat? & cur hoc po-
tissimum loco eam pertractet? Ratio est,
quia hætenus actum de promissis. Jam de
illis sæpe nascuntur dubia, quomodo in-
telligenda sint. Non enim ad verba so-
lum, sed præcipue ad sensum promittentis
respicendum est. Quis vero fuerit sensus,
id ex regulis interpretationis est judican-
dum. Dici non potest, quanta sit hujus
doctrinæ utilitas in publicis negotiis. E. g.
Ferdinandus Catholicus foedus inierat cum
Rege Galliarum de dividendo regno Neapo-
litano. Quum Gallis assignaretur Campania
aliorumque

alique provincie, statim hic oriebatur, antiquane Campanie significatio locum habere debeat, an nova? Opus E. erat interpretatione.

Recte autem notat Grotius sub finem n. 2. n. 2. interpretationem niti signis, signa autem esse duorum generum, verba & conjecturas: E. g. Si dubium oritur, quid significant verba Caroli V. Idem, quod optat Rex Francie, & ego volo: id ex conjecturis repetendum. Sin quærat, quid significant verba: Salvo capite abito. Id ex verbis judicandum.

Verba iterum vel simplicia sunt, vel complexa sive conjuncta. Vel enim in vocibus simplicibus latet obscuritas. e. g. Titio lego penum: vel in integris phrasibus & propositionibus. e. g. Quod optat Rex Francie, & ego volo.

Constat ergo caput duobus partibus. Nam 1) agitur de verbis tam simplicibus §. 2. 3. tam conjunctis §. 4. 16. 2) De conjecturis §. 20. ad fin.

§. 2.

Fundamentum omnis verborum interpretationis est proprietas significationis. Qui enim nobiscum loquitur, vult ut verba eam in nobis excitent ideam, quam ipse habet. Ergo rem debet eloqui vocabulis propriis, adeoque valet regula: Verbatam diu accipienda sunt in sensu proprio & nativo, donec absurdum inde non sequitur. e. g. Si quis dixerit regem hunc esse tyrannum & barbarum, vel si virgo promiserit juveni per litteras, se cum constanti
amo-

amore amplexuram: nemo temere per tyrannum intelliget Regem, per barbarum cum, qui Græcus non sit, per amorem charitatem Christianam. Nam verba accipienda sunt in sensu proprio, quamdiu non sequitur absurdum.

Ast id notandum, si de proprietate vocis queritur, non esse respiciendum 1) ad etymologiam, quia illa sæpissime fallit, e. g. schola ab otio dicta: nec 2) ad analogiam, quia & hæc fallit, e. g. perire significat interire, ergo deperire, valde interire. Nec 3) ad usum veterem, quia significatio vocum mutari potest, ut doceant vocabula, tyrannus, fur, Sophista, sed ad solum usum, quem penes & arbitrium est, & vis, & norma loquendi. Hinc facile evanescunt cavillationes. E. g. Rex Turcarum promittebat præsidio Negropontano, se milites salvis capitibus obire passurum, sed illos medios dissecari iussit. Attila promittebat se sanguinem in urbe non futurum, civesque ejus partim cremabat, partim diffodiebat. Carolus V. promittebat Philippo Hassiæ Landgravio se illum dimissurum sine perpetuo carcere, (ita enim Gronvellanus callide in salvo conductu scripserat ohne ewige Gefängnis, pro ohne einige Gefängnis,) & postea multorum annorum carcere illum macerabat.

§. 3.

In specie quoque de artium vocabulis notanda regula: Artium vocabula intelligenda sunt ex sensu ejus artis peritorum.

Hinc inter Ferdinandum Catholicum &
Re-

Regem Galliarum, quæ Campania sit, optime decidere potuissent Geographi, quid classis sit, optime docebunt navarchæ: quid exercitus, ex duce bellico discemus. Horum ex usu interpretanda sunt vocabula.

Addenda tamen exceptio, modo qui loquitur præsumatur artis terminos habuisse perspectos. Sic alio tempore dixi, Jacobum Bohemium, quem alii pro heretico, alii pro philosopho Teutonico venditant, sæpe uti vocabulis latinis, ut essentia, qualitas, scientia, sed cum sutor esset, iis adfingebat sensum pro lubitu. Ita memini rustico nobilem extorsisse transactionem, cujus instrumento advocatus latinam subjeceret clausulam: renuncio omnibus exceptionibus læsionis enormis & enormissimæ, quod metus causa, doli mali, &c. Rusticus rescindi transactionem petebat. Nobilis negabat id fieri posse, quia omnibus exceptionibus renunciaverit. Verba clara esse, & se merito provocare ad Iurum usum. Sed respondebat rusticus, se latinam non intelligere, adeoque nec scire quid verba illa velint. Et vicit rusticus.

§. 4.

Aliquando etiam conjecturis opus est in ipsis verbis, 1) si sint ambigua; sive ambiguitas sit in uno vocabulo, quod dialectici homonymiam vocant, sive in integra phrasi, quod amphiboliam adpellant, e. g. Servum legavit, potest intelligi servum misit, & servum testamento reliquit, homonymia latet in voce legavit. Ast si dicitur: Quod optat Rex Galliarum, & ego volo,

n. 1.

volo, tunc, amphibolia latet in tota phræseologia.

2) Si verba in speciem sibi repugnent. e. g. si quis in testamento scripserit: Titio & Sempronio ædes meas lego. Quam partem Titius habebit, eam Sempronio, & quæ huic obtinget, eam Titio do, lego. Fundamentum, cur conjecturis tunc locus sit, est præsumptio pro homine sanæ mentis, quod non videatur sibi contradicere. Hinc cessat hæc præsumptio

1) si pacta, testamenta, scripta, quæ sibi contradicere videntur, sint diversorum temporum. Possent enim homines & principia & voluntatem suam mutare.

2) Si scriptores meditationi non sint adsuæti. Hos enim sibi non posse non aliquando contradicere, palam est. Sic multæ sunt contradictiones in Talmude, in scriptis fanaticorum, &c.

3) Si scriptum ex variis libris diversorum auctorum sit compilatum, e. g. Corpus juris. Inde ergo decidenda quæstio: an in jure nostro sint antinomix? Wissenbachius eas ubique sectatur. Strauchius quidquid potius concedendum putat, quam quod dentur antinomix. Neuter recte. Non præsumendæ ubique antinomix, quia Tribonianus & collegæ nec emotæ mentis, nec stupidi fuerunt: ast nec nullas dari suspicandum, quum corpus juris ex libris diversorum auctorum, diversis temporibus florentium, diversis sectis addictorum, a diversis personis compilatum.

¶ 2.

Adit auctor observationem, quod nonnun-

nūquam conjecturæ se sponte ingerant, & tam sint verosimiles, ut pro veris haberi possint. Ex vocantur *ex scripto & sententia*. Sice. g. si Titio legatur 1000. & 100. sint in orbe Titii, mihi ignoti, unus autem frater, vel familiaris ejusdem nominis facile se suggerit conjectura, quod de hoc senserim.

Aliæ conjecturæ se non sponte insinuant, atque hinc ceteris locis vel fontibus opus est, quarum 3. sunt, materia, §. 5. effectus, §. 6. & conjuncta, §. 7. 8.

§. 5.

Materia est objectum, de quo verba loquuntur. Ei enim consentanea esse debent, quæcunque de illo dicuntur. Unde logicis est regula: *alia sunt subiecta, qualia permittuntur esse a suis prædicatis, & contra*. Jam videbimus exempla.

1) Grotius quam plurima adfert, nos primum explicabimus, eique adjiciemus aliud. Pacti sunt hostes inducias per 30. dies. Alter interdiu abstinet ob omni cæde: sed noctu hostes incautos opprimit, castella intercipit, pagos exspoliatur & incendit. Quæritur, naturales dies intelligendi sunt an civiles 24. horarum? Resp. quia agitur de induciis, induciæ autem nullæ essent, si non liceret ab armis quiescere, res ipsa suadet, intelligendas esse dies civiles.

2) Addo exemplum Philippi Hassi, quod supra memoravi. Disputabatur inter Landgravium & Granvellanum, utrum in salvo conductu, quem vocant, legendum sit.

fit, *sine ulla captivitate*, (ohne einige Gefängnis) an *sine aeterna captivitate*, (ohne ewige Gefängnis?) Ex materia substrata palam est, priorem interpretationem solam genuinam esse. Quis enim saluum conductum petit, ne perpetuo carcere maceretur, ac non potius, ut plane non captivus sit?

§. 6.

Effectus est, qui ex verbis sequitur. Quum ergo nemo censeatur velle, ut quod loquitur vel scribit, nullum fortiaur effectum: recte interpretes regulam tenent: Verba ita interpretanda sunt, ut effectum fortiantur.

Elegans est exemplum Brusidæ, quod ex Thucidide refert Grotius, qui insidens agro Thebano cum exercitu, accepta pecunia promittebat, se agro Bocotiorum excessurum, ac deinde negabat, agrum quem exercitu suo occupavit, Thebanorum esse. Quis quæso pecuniam dat hosti, ut provinciam retineat?

Sic & absurdum, si verba testamenti: Quam partem Titius habebit, Sempronio lego, & quam hic capiet, Titio, ita interpretari quis vellet quod neuter rem habere debeat, quis enim ideo condit testamentum, ut nullum effectum habeat?

§. 7.

Tertius locus conjecturarum est conjunctorum. Hæc vel sunt conjuncta *origine*, vel *loco*. Conjuncta origine sunt, quæ ex eadem origine, eademque voluntate sunt, & alios quoque vocantur *loca parallela*. Unde regula: Verba unius loci obscuriora interpretanda sunt ex loco altero clariore.

Sic

Sic e. g. quando in S. S. uno loco dicitur *baptizabis vos Christus igne*, id facile explicabitur ex altero parallelo: *baptizabis vos Spiritum sancto*.

Sic sæpe quod in testamento obscurum est, explanari potest ex codicillis & contra. Sæpe lex codicis lucem infert legi pandectarum, &c.

§ 8.

Conjuncta loci sunt duo: 1) ratione verborum, & 2) antecedentia & consequentia. De posterioribus notanda regula: verba non interpretanda sunt extra contextum, sed consideratis antecedentibus & consequentibus. De priore: Lex ita interpretanda, prout ejus rationi consentaneum est, vel: Ubi eadem ratio, ibi eadem juris dispositio.

Sic e. g. quum in Art. 4. Ryfvicensi verba obscura sint, quod religio in provinciis restitutis relinqui debeat in statu pristino: absurde Pontificii id pro se interpretantur, quum antecedentia doceant, pro fundamento positam fuisse pacem Westphalicam.

Sic si lex: Nemo frumentum exportato, interpretanda: ex ratione legis palam est, prohiberi etiam exportationem farinæ.

Recte tamen Grotius monet, distinguendam mentem a ratione, vel quod perinde est; pretextum a vera causa, quæ legistatorem movit, e. g. Scio Principem lege prohibuisse calceos ligneos, sub pretextu, quod pedibus inimici sint: sed vera ratio erat, quia rustici ita non solvebant vestigal, quod solvitur ob calceos coriaceos.

§. 9.

§. 9.

Sequuntur quædam observationes, de verborum significatione, & quidem 1) voces modo laxius, modo strictius accipi, quas significationes probe observare debeat interpres. Sic e.g. heres in jure civili accipitur laxius, &que vocabulo & masculi & feminæ, descendentes, adscendentes & collaterales denotantur. Sed in jure feudali strictior obtinet significatio. Non enim feminæ sunt heredes feudales, nec ex masculis agnatis omnes, sed qui a primo acquirente descendunt.

§. 10.

2) Altera observatio pertinet ad odiosa & favorabilia, de quibus vulgo suggerant regulam: *Favorabilia late, odiosa strictè sunt interpretanda*. Grotius præterea tertium genus addit mediorum & mixtorum, & de illis habet regulam: *Mixta pro magnitudine boni aut murationis modo late, modo strictè interpretanda*. E. g. si aliquis condemnatur ad crurifragium, in dubio id intelligitur de mitiore genere supplicii, quo cervix primum rota contunditur, non de atrociori, quo tibie primum franguntur, deinde brachia, &c. Est enim crurifragium res odiosa.

Si Princeps concessit privilegium ob bene merita, id interpretandum laxius, est enim favorabile.

Denique si Princeps pacis causa pactum vel transactionem cum rebellibus iniit, ea modo laxius, modo strictius explicanda, prout vel majus vel minus bonum est, quod

quod inde nascitur, major vel minor mutatio, quæ hoc pacto facta est.

Ita quidem veteres omnes, & post Grotium etiam Puffendorfius. Sed D. Thomas primus has regulas destruxit singulari dissertatione, scripta contra Vincentium Placcium, quam & jurisprudentiæ civinæ inseruit. Nimirum observaverat Vir accuratissimus, neminem adhuc definitionem accuratam dedisse odioforum & favorabilium. Ipse Grotius in hoc §. descriptiones dat satis ineptas, e. g. *Favorabilia sunt, quæ aequalitatem in se habent*, & tamen ea referunt beneficia Principis, & *quæ communem spectant utilitatem*, & tamen poenæ etiam sunt res odiosæ. Sic etiam odiosa Grotio sunt, *quæ partem alteram tantum aut plus altera gravant*, (ergo beneficia Principum erunt onerosa) *quæ poenam in se continent*, (ergo poena non spectat communem utilitatem) *quæ alius faciunt irrisos*, & *quæ de prioribus aliquid immutant*, (E. testamentum posterius erit odiosum.)

Immo ne possunt quidem definitiones accuratiores dici. Nam favorabile & odiosum sunt idæ relatæ. Hinc diverso respectu modo favorabilis est res, modo odiosa, e. g. dos est favorabilis respectu generi, odiosa ratione fœceri: poena odiosa est ratione rei damnati, favorabilis ratione reip. Quum ergo cessent favorabilia & odiosa, cessant etiam mixta.

Ergo regulæ sunt nullius momenti. Sed verum tamen est, inquit, poenales leges & sententias esse strictæ interpretationis.

Resp.

Resp. 1) id non semper fit. Nam si poen-
nam lex irrogat exportantibus frumentum,
eamdem etiam irrogare censetur exportan-
tibus farinam. 2) Si vel maxime id con-
cedimus, quod aliquando leges poenales
sint strictæ interpretationis: id tamen ex
alia sit ratione, quia sc. humanitas jubet
in poenis semper inclinare in mitiorem par-
tem, non quod poenæ sint odiosæ, sed
quod quantum fieri potest, judicem deceat
abesse a crudelitate & trulentia.

§. 11.

Ita 3) apud Rom. magna erat differen-
tia inter actus b. f. & stricti juris: Illos
latius, hos strictius interpretabantur, e. g.
ex contractibus b. f. etiam usuræ adjudi-
cabantur, licet non promissæ. Quæritur
itaque, an id ex jure N. & G. sit?

Negat Grotius, & recte. Nam totum
hoc discrimen non ex natura horum con-
tractuum fluit, sed ex subtilitate formula-
riæ jurisprudentiæ Romanæ.

Sed putat rem usum habere, si hodie-
num actibus quibusdam certa forma præ-
scripta sit legibus civilibus: e. g. ut tra-
ditio fiat effestuatione, ut in Geldria.
Tunc enim in dubio eam semper requiri,
& actui inesse censi. Sin actus per se
sit indefinitus, veluti donatio, tunc beni-
gnius procedendum, & simpliciter pro-
missorum fidem exigendam. Vera hæc qui-
dem: sed nec ista ex J. N. verum ex J. Q.
sunt.

§. 12.

His præmissis jam facile patet, quid
sen-

sentiendum sit de regulis a Grotio hoc §. suppeditis. Prima est:

I. In non odiosis verba sumenda sunt secundum totam proprietatem usus vulgaris. Exempli loco esse possunt, quæ ipse Grotius adfert, ut masculinum genus commune notet. e. g. Mei heredes in dubio notant utrumque sexum. Ita in oratione pro Cæcina eleganter interpretatur verba edicti: *Unde tu dejectus es*. Reus enim non dejecerat Cæcinam, sed illum prohibuerat suum adire. Sed utrumque exemplum & favorable est & odiosum. Mei heredes habento, est favorable, mei heredes solvunto, est odiosum. Et tamen utroque casu sexus uterque intelligitur. Causa Cæcinæ favorabilis erat ratione Cæcinæ restituendi, ast odiosa ratione dejectis. Et tamen utriusque interitu eundem locum habet edicti interpretatio.

II. In favorabilibus, si is qui loquitur jus intelligat, aut peritorum juris consilio utatur, verba laxius sumenda, ut etiam includant significationem artis. Sed sic revera res favorabilis sit odiosa ratione ejus qui jus novit, & is poenam fert scientiæ suæ. e. g. Donat aliquis in aliam Provinciam migraturus alii penum, & pro populari usu intelligit, quæ sibi supersint in cella percuaria, ut carnes, pernas, poma & similia. Alter autem dicit, tu juris peritus es. Hinc mihi etiam debes ligna, carbones. Quid stolidius? Et hinc ipse Grotius addit limitationem, quæ totam fere regulam destruit sub finem §.

Hein. de Jure Belli, &c. Z III. In.

n. 3.

III. In odiosis etiam sermo figuratus aliquando admittitur, quo onus videtur. Exemplum Grotii est: foederatus promissit auxilia, non debet ea mittere, nisi alterius impendiis. Sed 1) quid hic figurati sermonis? 2) decisio ne quidem vera est. Nam ex circumstantiis judicandum erit, quis impendia ferre debeat, e. g. si potens impotenti. Gallus Helvetiis promittat 30000. milites impendiis Helvetiorum, onus id erit magis impotentiori reip. quam auxilium.

§. 13.

n. 1.

Sequitur quaestio illustris: an in foederibus sociorum nomine veniant ii tantum, qui tunc sunt, an qui & in posterum in societatem nostram admittuntur? Occasionem huic quaestioni dedit foedus inter Rom. & Carthagenenses. Finito enim bello punico, pax & hac conditione inibatur. *Utriusque populi socii ab utroque populo erunt*. Hannibal postea Saguntinos vexabat, & demum urbem funditus delebat. Quærebatur, an foedus a Carthagenensibus fuerit violatum? Carthagenenses negabant, quia Saguntini eo tempore non fuerint socii P. R. Romani contendebant, intelligi etiam socios futuros.

Quid Grotius? negat Saguntinos foedere comprehendere, ex ea ratione 1) quia hic agatur de abrumpendo foedere, quæ res sit odiosa: 2) quia sic Carthagenensibus adimatur libertas hostes armis persequendi, id quod denuo odiosum.

Sed hæc decisio nihil est. Nam 1) & odio-

odiosa & favorabilis res est, de qua agitur, odiosa Carthagenensibus, favorabilis Saguntinis & sociis Rom. 2) Qui sociis suis prospectum cupit, procul dubio id facit in futurum, non in præteritum. E. & futuros procul dubio foederatos intelligebant paciscentes. 3) Non est odiosum Carthagin. armis persequendi Saguntinos libertatem adimi. Habent enim jus conquerendi injurias apud Rom. & si hi justitiam negassent, tunc possent jure suo uti.

Quum vero semel Grotius vulgarem amplexus sit regulam, querit: an non nefas fuerit Romanis, socios Saguntinos defendere?

§. 14.

Nova quæstione regulas suas de favorabili & odioso illustrat Grotius. Querit, si foedere inæquali convenerit, ut foederatus altero inconsulto bellum gerere nequeat, an id late de omni bello, an stricte de offensivo, quod vocant, intelligendum sit?

Resp. de offensivo tantum. Foedus enim inquit, hoc odiosum est, quia id inæqualitatem continet, & libertatem alterius partis nimium coarctat: odiosa vero stricte interpretanda.

Ipsa decisio vera, sed ratio decidendi, ut jam sæpe monuimus, inepta est. Vera ratio est, quia ex ipsis verbis patet, bellum defensivum intelligi non posse, quia alias absurdum inde sequeretur, ut voluerint Romani foederatos cogere, ut a quovis impune possint extirpari. Verba autem ita intelligenda, ne absurdum inde sequatur.

Sequitur novum exemplum. Finitis bellis Punicis primo & secundo foedera admodum inæqualia inire tenebantur Carthaginenses: sed tantum illis expresse servabatur libertas, id est, ut hodie loquimur la sovverinité: non erant subditi Rom. sed foederati inæquales. Ast quum Cato in senatu Romanis, nulla injuria provocatis, suavisset, ut Carthaginem funditus excinderent: mittebantur legati, qui Carthaginensibus hanc conditionem ferrent, ut in alium locum mediterraneum migrarent, ibique novam urbem conderent. Hi pacem se accurate servasse clamabant, Romanos autem sibi injuriam facere, qui tale quid jubeant eos, quibus libertatem diserte confirmassent. Respondebant Romani, se libertatem civibus, non mœnibus & domibus promississe. APPIAN. *in Punicis*. Quæritur itaque, an foedus ita recte interpretati sint Romani?

Negant omnes & recte: Non quod pactum hoc tanquam odiosum strictæ fuerit interpretationis, sed quod hoc fluat ex ipsa natura libertatis & αὐτονομίας. Verum est eam competere civibus, non domibus & mœnibus: sed cives tamen dici non possunt liberi & αὐτονομοί, qui ab alio cogi possunt ad migrandum loco, & sedes alio transferendas. Æque absurda ergo hæc interpretatio, ac si quis promitteret vitam, & dicat deinde, vitam animæ, non corpori competere, adeoque fas esse corpus destruere.

§. 16.

n. 1.

Pergit Grotius ad famosam quæstionem de pactis realibus & personalibus. Ita non dicuntur pacta ratione originis, quasi ex jure in re sint, nam ita omnia pacta & contractus sunt personalia, sed ratione effectus. Ex quibusdam pactis heredes etiam obligantur; & heredes etiam jus nanciscuntur: aliorum effectus ad heredes non transit. Illa dicuntur realia, e. g. emptio venditio, hæc personalia, e. g. pactum sponsalitium. Quum ergo sæpe nasci soleat controversia, reale an personale sit pactum: certæ in promptu esse debent regulæ, unde id dijudicandum.

Reg. 1. Pacta cum populis liberis inita sunt realia, ratio, quia ipsum subjectum est immortale & perpetuum. Manet idem corpus, etiamsi magistratus immo & forsua mutetur subinde. Hinc etsi ex libera rep. fiat monarchia: salvum tamen est foedus, quia idem corpus manet. Quemadmodum enim ideo foedus non expirat, quia hoc triennio alii sunt Ordinum delegati, quam superiore, & quia ex Ordinibus illustribus, qui ante 100. annos republ. repræsentabant, hodie nullus superest; ita nec expiraret, si loco ordinum princeps præficeretur.

Exceptio tamen est, si foedus expresse eum in finem initum, ut reip. libertas contra monarchiam defendatur. Hinc expiraret foedus, si civitas Helvetica vellet principem creare.

Reg. 2. Pacta cum monarchis inita sunt

n. 2.

Z 3

rea.

realia, si vel in perpetuum, vel ita inita, ut expresse heredum fiat mentio, vel heres ira succedat, ut teneatur præstare factum defuncti. Absurde ergo Perses negabat foedus cum Philippo initum ad se pertinere, quum & in perpetuum initum esset, & Perses esset Philippi filius & heres.

Immo temporarium foedus est reale, si tempore nondum elapso moriatur paciscens. Ita enim expressa est paciscentis voluntas, ut & successor obligetur, quoad tempus elapsum sit. Hinc quum Leopoldus Imperator cum Turcis iniisset inducias 20. annorum: peccasset Josephus, si tempore illo nondum elapso bellum movisset.

n. 3. Reg. 3. Grotii hæc est: In dubio foedera favorabilia perpetua & realia; odiosa personalia intelliguntur.

Sed quænam sunt foedera favorabilia & odiosa? Favorabilia, inquit, sunt foedera pacis, commerciorum, vel defensionis mutuae causa inita: non autem offensiva, quæ vocant, ea odiosa habentur.

Sed resp. æque favorable est vindicare iniurias reipubl. illatas, quam se defendere, & pax ex altera parte aliquando æque odiosa est, ac bellum offensivum.

Dicendum ergo, in dubio foedera omnia præsumi realia, nisi vel personæ industria electa sit, vel causa, ob quam foedus initum cessarit. e. g. Si foederati reliqui uni imperium militare ob. insignem belli peritiam detulerint, vel si mortuo foederato resp. lædens læsæ satisfaciatur ex assc.

n. 4. 5. Sed objicitur, societates morte finire, adeo
ut

ut si focii se obligarint pro heredibus, hi tamen non teneantur inviti in societate manere. Cur ergo cogantur respublicæ?

Resp. 1) regula illa de societate est ex jure mere civili. 2) Ratio ejus, quod socius focii industriam elegerit, non quadrat rebusp. qui foederati potentiam elegerint censentur.

Objicit BODINUS, de rep. lib. 5. c. ult. foedera jurejurando firmanantur. Jusjurandum personam non adgreditur, E. nec foedus.

Resp. nulla consequentia. Jusjurandum obligationem non producit, (nam & injurati foederati obligarentur ex nudo promisso,) sed firmitatem reddit. Hinc recte Grotius: Potest juramenti obligatio personam tantum obstringere, & ipsa promissio obligare heredem.

§. 17.

Reg. 4. Rex ex foedere tenetur & jus retinet, etiam regno expulsus. Ratio est, quia Rex non solum est vocabulum facti, sed & juris. Rex erat Ludovicus Pius etiam regno injuste privatus. Ergo & omnia, quæ tanquam Rex egit, rata manent.

Hinc e. g. Carolus II. Rex Britt. regno ejectus non poterat bellum movere iis, quibuscum pater foedus inierat. Et contra qui patri defensionem promiserant, jam & pro filio bellum suscipere tenebantur. Sed hæc quidem in scholis vera sunt. Mundus aliter sentit. Principibus regno privatis idem accidit, quod plebeiis:

Donec eris felix multos numerabis amicos,
Tempora si fuerint nubila, solus eris.

Reg. 5. *Fœdus, cum antecessore initum non transit ad successorem injustum. Sic Cromvello nullum jus erat ex fœderibus cum Carolo I. ejusque antecessoribus initis. Rationes sunt duæ, 1) quia fœdus initum cum principibus, tales non sunt invasores, sed tyranni: possessionem habent, non jus.*

2) *Quia nemo potest duobus hostibus simul uno eodemque fœdere obstringi. Atqui fœdus cum justis antecessoribus initum etiam ad successores injuste regno ejectos transire §. 17. demonstratum est: ergo non potest transire ad successores injustos. Absurdum e. g. fuisset, si Belgæ ex fœdere cum Elisabetha & Jacobo I. inito obstricti fuissent & Carolo II. & Cromvello.*

Subjungit Grotius quæstionem Chrysippi notissimam: si quis ei qui prior ad metam pervenerit præmium promiserit, & uterque eodem momento eo perveniat, utrum præmium nulli an alterutri, an utrique debeatur?

Neutrum accipere injustum est, nam sic frustra laborem, ad quem sine præmio non obstricti erant, suscepissent. Alterutri illud dari, æque injustum, quum sint in pari causa. Utrique dari non potest, quia non duo, sed unum præmium promissum. Nemo autem tenetur plus præstare, quam promissit.

Sed resp. superest quartum, ut uterque acci-

accipiat, sed unum illud præmium, quod promissum. Id est, inter se illud dividunt æqua lance, non quia favorabilia sunt virtutum præmia, quam rationem allegat Grotius, sed quia supra diximus, ita interpretanda esse verba, ut effectum habeant.

§. 20.

Haftenus ergo satis destruximus regulam de favorabilibus & odiosis, ostendimusque, posse pleraque decisiones, quas ex hoc fundamento petit Grotius, ex aliis regulis hermeneuticis desumi: jam pergitur ad partem capituli posteriorem, & quia haftenus ostensum, quomodo ex ipsis verbis petenda sit interpretatio: jam videbimus, quando ex sola conjectura desumenda sit, quamvis ex verbis immediate hic sensus non fluat?

Secundum has conjecturas interpretatio dividitur in extendentem & coarctantem, vel, ut alii loquuntur, in extensivam & restrictivam. Extensiva est, quando lex vel pactum profertur ad casum, qui verbis ipsis non continetur. e. g. Septimum præceptum est: *Ne adulterium committito*, an ideo licet stuprum committere? Octavum: *Ne furtum committito*: licetne ergo defraudare alterum? Restrictiva, quando casus eximitur a lege vel pacto, quem verba videntur comprehendere. E. g. Qui sanguinem hominis fudit, ejus sanguis fundetur: an & chirurgi venam secantis?

An ergo id licet pro lubitu? an in cujusque arbitrio positum, utrum extensiva an

Z 5 restricti-

restrictiva interpretatione uti malit? Minime, sed certo opus est fundamento, quod non aliud est, quam ratio legis vel pacti.

- n. 2. Nasquitur inde regula: Quoties ratio legis vel pacti unica latius patet, quam verba, toties locus est interpretationi extensivæ. Ratio enim est finis, quem legislator vel paciscens intendit. Et media debent esse proportionata. Ex. ita interpretanda, ut finem hunc adsequatur. e.g. Nemo sine laterna noctu prodeat in publicum. Prodeunt laterna instructi, sed Vulcanum in cornu non gerunt, an incidunt in legem? Nemo frumentum exportato ad hostes. Civis exportat farinam, an impune id faciet?

- n. 3. Sed ipse auctor jam illustria quædam exempla adfert. Lacedæmonii, seu ex Nep. in Themistocle patet. Athenienses prohibebant muris cingere urbem: procul dubio ex pacto, siquidem alias jus nullum muniendi habuissent. Quid si Themistocles novum muniendi modum per aggeres prospectum habuisset, an eo salvo pacto posuisset uti? Minime.

Condidit aliquis testamentum, & Mævium substituit postumo si moriatur. Postea ne nascitur quidem: an Mævius heres erit? Omnino, quia ratio disponendi fuit, quod Mævium vellet heredem esse, si suus non exstaret.

- n. 4. Supra jam habuimus casum, quod Cæna apprehensurus possessionem prohibebatur prædia adire, & quod quum interdicto, unde vi uteretur, disputatum fuerit, an ei locus sit, quum verba interdicti hæc sint:

sint: Unde tu dejectus es. Cæcina autem non fuerat dejectus, sed non admissus.

Resp. omnino locum esse interdicto, quia prætoris ratio & finis fuit prohibere omnem vim, quo quis suo injuste privatur.

Athenis lex erat, patrem testari non posse invitis liberis. Pyrrhus filia invita non testamentum condiderat, sed adoptaverat, quæstio erat, an in legem incidere? idque recte adfirmat Isæus, quia legislatoris ratio fuit prohibere, ne liberi injuste exheredes essent.

§. 21.

Eodem pertinet quæstio GELLII lib. 1. c. 13. An mandatarius mandatum possit adimplere per æquipollens? E. g. iussit aliquis, ut pro se fidejubeam, ego mandavi creditori, ut crederet. Mandavit quis, ut actionem instituam suo nomine ad rem consequendam. Ego sine actione rem redigo, ut res tradatur, an ratum habere debet dominus?

Resp. Respiciendum esse ad rationem mandati, si mandans finem suum consequitur etiam per æquipollens, rem ratam habere tenetur. Sin aliud probabiliter intendit, locum non habet interpretatio extensiva. In exemplis allatis finis mandantis prioris fuit, mutuum accipere, hunc finem adsequitur, siue fidejubeam siue mandem: posterioris finis erat, rem consequi, eam consequitur, siue actione utar, siue ultro possessor reddat.

Ast si finis & ratio sit diversa: tunc aliud statuendum. c. g. Mandavi ut mihi

quis emat Puffendorhium, mandatarius Grotium emit.

§. 22.

Jam ad interpretationem restrictivam. Ei locus est vel ob defectum voluntatis §. 22. 25. vel ob repugnantiam casus cum voluntate §. 26, seq.

De priore Reg. 1. est: Si ex interpretatione litterali sequeretur absurdum, tunc utendum interpretatione restrictiva. Nemo enim legem ferens vel paciscens præsumitur absurda velle, alias enim non esset sanæ mentis, adeoque nec legislator esse, nec pacisci posset, &c. Qui feram in silva Principis occiderit, per triennium ad operas publicas condemnatur. Hæc lex si porrigeretur ad eum, qui lupum vel aprum se adgredientem occidit, esset absurda. Ergo opus interpretatione restrictiva.

§. 23.

Reg. 2. Quoties verba latius patent, quam ratio diserte expressa, toties restrictiva opus est interpretatione. Quia hætenus sæpe turbæ factæ, nemo post XI. horam ædibus suis egreditur, qui egreditur, mulcabitur 100. florenis. Egressus aliquis est, ut medicum vocaret ad ægrotum, non mulcabitur, quia verba laxiora sunt ratione adjecta.

§. 24.

Reg. 3. Quoties aliunde constat de ratione legislatoris vel paciscentis, toties secundum illam lex interpretanda restrictiva. e. g. Rex Prussiæ inhibuit edicto peregrinationes Gallicanas. Finis regis fuit impedire, quo
mi-

minus pecunia ex Germania in Galliam frustra & sine fructu inferretur. Quis Bruscus a Principe extero mittitur in Galliam sumtibus Principis: an in legem incidit?

§. 25.

Reg. 4. Ubi non actus, sed potentia prohibita, ibi locum non habet restrictio. e. g. Pactum Romani inierant cum Carthaginensibus, ne hi ultra certum promontorium classem ducere possent. Finis procul dubio fuit, ne bellum maritimum Romanis imparatis nasceretur. Jam fingamus Carthaginenses non nocendi animo, sed exercendæ turbæ nauticæ causâ classem eduxisse, an contra pactum egisse censendi erunt? Omnino: ipsa enim potentia illis adempta, non solus actus, vel quod magis perspicuum. Voluerant Romani paciscentes non solum bellum maritimum, sed & ejus periculum & suspensionem hoc pacto excludere.

Quærit Grotius, an promissa habeant in se tacitam conditionem, si res maneant, quo sunt loco? JCTi pragmatici id vocant conditionem tacitam vel clausulam rebus sic stantibus, de qua elegans & erudita exstat dissertatio JCTi eximii HENR. COCCII.

Negat id Grotius, nisi apertissime pateat, statum illum unicam fuisse causam promittendi. Recte. Ergo distinguendum erit, an mutatio status rerum pertineat ad essentiam rei, de qua pactum initum, an non. Prior casu promissum ob illam est irritum, posteriore minime. E. g. Virgo cui juvenis matrimonium promiserat, morbo reddita est tam deformis, ut jam ab ea plane abhorreat,

pa-

factum sponsalium: ergo nullum. Contra si puella ista incendio facta fuerit pauperior, salva erunt sponsalia.

§. 26.

- n. 1. Alterum interpretationis restr. fundamentum est repugnantia casus emergentis cum voluntate. Voluntas vero colligitur aut ex naturali ratione. §. 26. 27. aut ex aliis signis §. 28. sequ. Naturalis ratio dicitur æqualitas, quæ est correctio ejus, in quo lex deficit ob universalitatem. Sic lex mori jubebat filium Manlii Cos. absente patre castris egressum, verba enim legis universalia erant: sed æquitas id debuisse corrigere ob circumstantias.

Ergo æquitas maxime differt a dispensatione vel indulgentia. 1) Illa & judici observanda, hæc a solo imperante conceditur, 2) illa nititur jure, hæc gratia. 3) Illa legem interpretatur, hæc ejus effectum suspendit.

- n. 2. Quia autem datur etiam æquitas cerebrina, notandæ sunt regulæ certæ, ex certis defunctæ indiciiis.

- n. 1. Reg. 1. Quoties si verbis inhærendum esset, aliquid fieret contra naturalia & divina præcepta, toties æquitas jubet adhiberi interpretationem restrictivam. Lex jubet depositum reddere: si furioso gladium redderem, ut alteri mortem intentaret, fieret aliquid contra legem divinam. E. non reddendus.

§. 27.

- n. 3. Reg. 2. Si ex litterali interpretatione non quidem illicitum quid, sed tamen aliquid grave atque intollerabile sequitur, æquitas jubet adhiberi interpretationem restrictivam.

Ra-

Ratio est, quia quum natura humana a rebus hujusmodi gravibus & intolerabilibus abhorreat, non præsумitur aliquis se obligasse ad gravia & intolerabilia a se non prævifa. E. g. conductor in se recipit casus fortuitos. Aedes terræ motu corruunt, fruges a locustis depascuntur, non censetur de his insolitis cogitasse.

Inde hoc consuetarium eligit Grotius, non usus quoque veram esse doctrinam Ciceronis, quod non sint servanda promissa iis, quibus promiseris inutilia.

Aequitas enim locum habet, si casus cum voluntate repugnat. Volui autem ego promittere, voluit alter promissum accipere; adeoque nihil est, quod paciscantium voluntati repugnet. Objicitur, at promissum inutile alteri esse. Resp. 1) id dijudicare non debet promittens, sed alter cui promissum est. Deinde 2) si vel maxime inutile sit, non statim est damnosum, uti superiore casu, quo gladius depositus furioso erat reddendus.

Et ita facile intelligitur locus *SENECÆ de benef. l. 4. c. 35.* ab auctore allatus. Nam pleraque exempla a Seneca allata pertinent ad regulam 1. vel 2.

§. 28.

Diximus §. 26. n. 1. voluntatem colligi vel ex naturali ratione, quæ dicitur æquitas, vel ex alijs signis. De priorè dictum, jam de his quoque agendum.

Horum signorum certissimum est collisio verborum, qualis hic non intelligitur contradictoria per se, qualis est in antinomis.

in pactis contrariis, sed per accidens, & ex circumstantiis, si casus incidat, ut duæ leges vel duo pacta in se non pugnancia simul servari non possint. E. g. Dicit lex; *sabbatum esse sanctificandum*: dicit, *defensionem non omittendam*. Hæc non sunt contradictoria. Sed casus incidere potest; ubi alterutra lex violanda. e. g. quum Pompejus Hierosolymam obsideret.

Quæritur itaque, quæ tunc lex, quod pactum alteri sit præferendum? Grovius itaque certas regulas & hic commendat.

§. 29.

n. 1.

1) Reg. 1. Lex permissiva cedit præceptivæ. Ratio clara. Præceptiva libertatem restringit; permissiva libertatem indulget. Ex præceptiva jus nascitur legislatori: ex permissiva jus nascitur mihi. Ergo circa hanc possum juri meo renunciare: circa illam non possum jus legislatoris violare. E. g.

Reg. 2. Lex quæ certum tempus præscribit, præfertur ei, quæ generatim aliquid præcipit. e. g. Dies sabbathi celebrandus, laborandum. Ratio est, quia sic utrumque fieri potest.

Exceptus tamen est casus, si observata prior lege occasio alteram servandi elaberetur. e. g. Christus ipse permittit, ut sabbatho asinus e fovea extrahatur; ut ægrôti curentur, &c.

Reg. 3. Lex vel pactio vetans vincit jubentem. Leges enim negativæ obligant semper, leges affirmativæ tantum data occasione. Lex est, *ne fursum commissa*; lex quoque, *da eleemosynas*. An potest quis furari, ut eleemosynas dare possit? Minime.

Reg. 4.

Reg. 4. Specialis lex vel pactio generali præfertur. e. g. Honora parentes, lex est specialis. Aliorum commoda promove, generalis. Quis dubitet, quin parentum major habenda sit ratio, quam aliorum?

Reg. 5. Lex poenalis vincit imperfectam (dicitur autem lex imperfecta, quæ poenam adjunctam non habet, vid. ULP. *Fragm. tit. 1.*) Item lex quæ majorem poenam irrogat, vincit eam, quæ minorem minatur. Poena enim est malum physicum, quia est passio. Ex duobus malis physicis est minus eligendum. Exemplum habemus in N. 115. Si quis parentem detulerit vel accusarit, potest exheredari: sed non potest, si detulerit filius patrem ob crimen perduellionis, quia in hoc delicto & silentium supremo supplicio punitur.

Reg. 6. Lex vel pactio posterior vincit priorem. Lex enim & pactio posterior priorem tollit.

Addit Auctor Reg. 7. Pactum juratum præferendum injurato. Sed id perspicue falsum. Juramentum enim novam obligationem non producit. Immo esset hoc medium omnia pacta eludendi, si juratum injurato promiscue præferendum esset. e. g. Titius promisit primum matrimonium Mæviz sine juramento, postea Semproniz jurato. An posteriora sponsalia præferenda? Sic semper licebit priora eludere, &c.

Dicendum ergo, in dubio posterius pactum tollere prius, si inter eosdem initum sit, prius vincere posterius, si inter personas diversas, sive jurata sive injurata sint.

Ra-

2, 2.

Ratio est, quia ex priorē pacto alteri ius quaesitum est, quod ipsi auferri posteriore pacto cum alio inito nequit.

§. 30.

Subjungit auctor aliquot quaestiones leviores, velut 1) an in dubio contractus perfectus sit, antequam scriptura fuerit confecta?

Resp. Auctor, contractum subsistere sine scriptura, adeoque hanc ad ejus essentiam non pertinere. Et id verum.

Sed addenda limitatio, modo consuetudo non inoleverit plane contraria. Sic e. g. in Germania nulla sit emtio venditio rerum immobilium, sine instrumento judiciali, inter resp. & principes nullum foedus initur, sine instrumento. Hoc semel recepto, omnino praesumitur pactum nondum perfectum, antequam scriptura confecta & tradita sit, quod inter principes vocatur *permutatio instrumentorum*.

§. 31.

2) An contractus gentium, quantum licet, interpretandi sint ex jure Romano? Id recte negatur. Non vivimus tempore Bartoli & Baldi, qui ex jure Rom. probare conabantur, Imperatorem Germ. Rom. esse dominum mundi. Jus Rom. obligat privatos, quatenus receptum, non principes. Obligant eos, qui vivunt in eadem rep. non qui in statu naturali.

§. 32.

3) An accipientis verba potius attendenda sint, an offerentis? Resp. aut alter absolute acceptat, quod promissum, aut cum restrictione. Si prius, quaestioni non est locus, quia

quia consentiunt paciscentes in unum pactum. Posteriore casu non potest respici ad verba acceptantis, nisi offerens consenserit. E. g. offero tibi 100. tu acceptas. Offero centum, alter dicit, se mille desiderare. Hinc ex oblatione mea nec centum nec mille debeo, nisi in posterius consentiam. Non centum debeo, quia alter non accepit, nec mille, quia non promisi. Ergo nihil debeo.

CAPUT XVII.

De Damno per injuriam dato, & obligatione qua inde oritur.

S. I.

EGimus hactenus de obligationibus. Obligationes nascuntur aut ex pactione, aut ex delicto, aut immediate ex lege. e. g. quod promisi, id debeo ex pacto. Si damnum dedi, id refarcire teneor ex delicto. Denique quod pater liberis debet alimenta, id nec ex pacto, nec ex delicto, sed immediate ex lege est. Hucusque de pactionibus actum, jam de delictis.

Delictum vel maleficium Grotius definit culpam omnem, siue in faciendo, siue in non faciendo pugnantem cum eo, quod aut homines communiter, aut pro ratione certæ qualitatis facere debent. Sed magis perspicue definiri potest, quod sit factum illicitum adversus legem dolo vel culpa commissum. Dicimus *factum*, quod vocabulum

& non

& non factum comprehendit. Dicimus *illicitum adversus legem admissum*. Dantur enim etiam illicita adversus honestatem vel decorum admissa, e.g. immodestia, avaritia, superbia, sed ea non sunt delicta, quamvis vitia sint. Addimus *dolo vel culpa*. Si dolose adversus legem agitur, est delictum verum: sin culpa, quasi delictum. Tale delictum etiam est damnum injuria datum, de quo hoc capite dicimus, 1) quid sit §. 2. §. qui illud dent §. 6. 11. quomodo resarciendum §. 12. fin.

§. 2.

- n. 1. Primo quaeritur, quid sit damnum? Recte observat Grotius; id a demendo dictum esse. Quoties ergo dicitur aliquid de eo, quod nostrum est, toties inferitur damnum.

Nostrum aliquid dicitur vel natura, e.g. vita, sanitas, membra, pudicitia, fama; vel facto & instituto humano, e.g. bona, jura. Qui alterutrum ex his surripit, demit, corrumpit, is damnum nobis facit.

- n. 2. Quum autem & jura referantur ad ea, quae nostra sunt: aliqua autem jura nobis nascantur ex justo, quae supra Grotius c. 1. l. 1. vocavit *facultatem*: alia ex honesto tantum & decoro, quae Grotio dicuntur *apertendo*: quaeritur, quanam hic intelligantur, dum & imminutionem jurium damnum esse dicimus? Et recte respondet Grotius sola jura ex regula justii profecta. Hinc qui furatur, qui vulnerat, qui vim infert, is dat damnum, non qui stipem petens nihil impetrat, nec qui ignem petens repulsam patitur.

Ratio est, quia jura imperfecta revera
no-

nostra non sunt aliter, nisi quatenus alter velit: dependet eorum præstatio ab alieno arbitrio. E. g. debitum exigere possum, nec in debitoris arbitrio est, an id præstare velit: ergo hoc jus revera meum est. Contra pauper stipem petit, sed non nisi ea conditione, si alter dare velit. Quod vero ab alterius arbitrio pendet, revera non nostrum est. Ergo nec damnum datur, si hujusmodi imperfecta jura nobis denegantur.

§. 3.

Observat tamen Grotius, aliquando concurrere aptitudinem & facultatem, seu, quod perinde est, jus imperfectum & perfectum: id est, quod ex altera parte est jus imperfectum, id ex altera parte & alterius persona perfectum est. Id toties fit, quoties lex præceptiva poenalis accesserit. Lex enim sæpe ex officiis imperfectis facit perfecta. e. g. Jus imperfectum est, petere honores. Hinc si repulsam feram, damnum id vocare nequeo, quamvis ad hoc officium aptissimus videar. Ergo ex mea persona hoc jus est imperfectum. Contra magistratus, qui eligunt lege præceptiva tenentur. Ergo ex eorum persona est obligatio perfecta.

Sæpe etiam fit, ut accipere sit juris imperfecti, petere juris perfecti, adeoque non is damnum det, qui rem petitam denegat, sed qui petere prohibet. e. g. Romæ plures sæpe Candidati petebant honores. Qui repulsam tulerant, conqueri de damno sibi dato non poterant. Ast si quis civem honestum prohibuisset honores petere, is omnino damnum dedisset injuria.

§. 4.

Quum autem nostra sit primo res principales, deinde ejusdem accessoria, nempe fructus: queritur, an & ad illos damnum se porrigat? Idque recte affirmat Grotius. Fructus enim rei nostræ æque jure perfecto nostri sunt, ac ipsa res principalis. Ergo qui eos nobis intercipit, æque id quod nostrum est deminuit, ac qui rem principalem corrumpit. e. g. qui agrum sibi retinet fructus, quos ex eo agro percipere dominus potuisset, intercipit, adeoque dedit damnum.

Quia tamen nec nos fructus rei nostræ percepissemus sine impensis quibusdam: nos autem non lucrum captare, sed damnum vitare debeamus: hinc sequitur, ut fructuum restitutionem petere non aliter possimus, ac deductis expensis.

Queritur, an & spes hic in censum veniat? Resp. non omnes, quod speramus, nostrum est, & recte Justinianus noster: Sæpe de facultatibus suis amplius, quam in iis est, sperant homines. Ergo distinguendum erit inter spem effectus ordinarii & extraordinarii. Illius omnino habetur ratio in æstimando damno: hujus non habetur. Deinde & spes effectus ordinarii vel proxima est, vel remotior. Illa magis in censum venit quam hæc. E. g. qui sementem fecit sperat messem, hæc spes est effectus ordinarii. Ergo qui fruges immaturos corrumpit tenetur damnum resarcire. At omnes qui navigant in Indiam, lucrum spe-

sperant & divitias. Hic extraordinarius navigationis effectus est. Fingamus porro navem in Indiam profectam non procul a portu a pirata interceptam: mercatorem autem petere lucrum immensum, quod ex hac navigatione speravit: vix ejus ratio habebitur, quia spes hæc admodum remota erat. Fingamus contra, navem ex India reversam immensas divitias attulisse, & non procul a portu interceptam: hic erat spes lucri potiundi proxima. Ergo ejus ratio omnino habebitur a judice.

§. 6.

Secunda pars capitis inquit: quinam damnum dedisse, & ex eo ad restitutionem obligari dicantur? Causæ, seu ex philosophia notum, sunt vel physicæ, vel morales. Physicæ sunt, quæ ad effectum concurrunt motu physico, e. g. membra sua adplicando ad furtum aliquod producendum, e. g. fur qui ipse rem alienam subtrahit. Causæ morales dicuntur, quæ mente tantum, non motu physico ad effectum concurrunt, e. g. ii quorum ope & consilio furtum factum. Priores obligari, nemo dubitat: jam de posterioribus queritur.

Hi concurrunt aut faciendo, aut non faciendo, e. g. furibus opem tulerunt, faciendo concurrunt, qui sciverunt, alterum furtum facturum, idque non impediverunt, quum possent ac deberent, non faciendo concurrunt.

Faciendo alii primario, alii secundario obligantur ad refarciendum damnum. De illis regula est: Qui jubet, nec consensum requi-

requisitum adhibet, vel adjuvat, vel receptum dat, vel qui alio modo de crimine participat, ex damno dato primario tenetur. e. g. assassinator, qui sicarios conducit, pater, qui jubet filium furari, occidere, latronum & furum socii, &c.

§. 7.

De his regula II. est: Qui consilium dat vel laudat, & ostentatur, secundo tenetur. Consilium enim non est obligatorium.

Sed de hac regula notandum 1) eam pertinere non ad consilium generale, sed speciale, quod simul circumstantias præmonstrat. Qui generale suggerit, poena quidem dignus est, sed ad resarciendum damnum non tenetur e. g. qui alii suavit ut furetur, non præmonstrato loco, ubi furtum commode committi possit.

2) Laudem præcedere debere novum factum, non sequi. Ita enim ad factum non concurrat. Inde ergo adparet, quid sentiendum de Æsopi facto, qui lapide a puero percussus, puerum laudavit & assem dedit, spondens alium plus daturum.

§. 8.

Non faciendo iterum aut primario quis concurrat, aut secundo. De illis observanda Reg. III. Qui prohibere jure perfecto debet & potest, idque non facit, merito ad resarciendum damnum tenetur. e. g. pater, prædagogus, &c.

Unde id non pertinet ad eum, qui jure perfecto non tenetur. e. g. vicinus videt fures ingredi in vicini ædes, nec clamat. Inhumanus est, sed damnum non resarcit.

§. 9.

§. 9.

De his tenenda reg. IV. Qui non dissuadet, aut reticet, is secundo tenetur.

Sed hic denuo respicitur ad obligationem perfectam. Nam e. gr. concionator aulicus, consiliarii, ministri primario jure perfecto obligantur dissuadere Principi facta illicita, aut non pedissequi, subditi, &c.

Ita & jure perfecto non teneor alterum delinquentem deferre vel accusare: aut in crimine majestatis unusquisque tenetur, ubi & silentium punitur.

§. 10.

Quamvis itaque certum sit, etiam causam moralem teneri ad restitutionem domini: regulæ tamen hæcenus allatæ admittunt limitationem, modo causa moralis vere momentum attulerit ad effectum hunc producendum. Hinc non tenentur

1) qui tantum occasionem dederunt inſcii, nisi magna concurrat negligentia. E. gr. pater iter instituit, filia interea stuprum patitur, patre inſcio & nolente. Si tamen sine custode reliquerit filiam juvenulam & lascivam, excusari nequit. Elegans exemplum est in Lege Mosaica, quod qui planum testum fecerint in ædibus suis, idque non cinxerint clathris, & aliquis inde cadat, reus esse debeat.

2) qui calcar addidere currentibus, id est, non obscure probarunt facinus, quod committere alter certo decreverit exempli grat. Titius audit, Marium vulnerare

Hein. de Jure Belli, &c. A a de-

decrevisse Sempronium, id factum probat. Hic sane poena dignus: sed non tenetur ad restitutionem, quia id fecisset Mævius, etiamsi consensus Titii non accessisset.

§. 11.

Quamvis etiam causa moralis ætue obligata sit, ac physica: non tamen illa eodem modo tenetur semper: sed inter reos ratione restitutionis certus ordo observatur. Nam

1) si reus in alterius potestate sit, is, cujus Imperio facinus admissum est, tenetur, e. g. pater, dominus, &c.

2) Deinde causa physica, ita, ut si non habet in ære, luat in corpore. Hinc

3) reliqui, qui consilium dederunt, laudarunt, non prohibuerunt, &c.

Singuli tenentur in solidum, inquit A. & uno solvente reliqui liberantur, (quod in poena secus se habet.) Sed id tantum verum est de actibus individuis, ubi non constat, quantum quisque ad effectum contulerit: si autem dividuum est factum, quisque tenetur pro rata. E. g. tres Titium aggressi, unus vulnus inflixit in capite, alter in brachio, tertius tantum percussit baculo. Si de fostro quaestio est, singuli pro rata tenentur.

§. 12.

Sequitur tertia pars de modo resarciendi damnum. Ubi 1) quaeritur, utrum quis tantum de effectu delicti proximo, an etiam de remotiore teneatur? Resp. de utroque. Nam qui deliquit, utriusque effectus causa est. Philosophi quidam vocant causam

nam

fam sine qua non. Exempla bina attulit Grotius, privatum alterum, alterum publicum. Quidam vicini platanum incendebat, ex ea domus arserat. Etiam hoc damnum tenebatur resarcire. Ita & Ariarthes exitum Melamni obstruxerat, ut regionem faceret insulam. Sed inundatione magna. Galatiæ & Phrygiæ pars periiit. Tenebatur Galatis & Phrygibus ad restitutionem.

Exceptionem tamen patitur regula, si actus in se non illicitus est, sed permixtus. Tunc enim qui jure suo utitur, nemini facit injuriam. c. g. Qui fontem in suo fodit, non tenetur vicino, licet venam aquæ vicini inciderit.

§. 13.

Exemplo porro homicidii id declarat A. Homicida occiso vitam reddere nequit nec ea recipit æstimationem. Sed tamen tenetur ad resarcienda damna, quæ inde ad defuncti familiam redundarunt. Hinc solvit impensas in curationem factas, solvit alimenta familiæ, impensas funeris.

Sed alimentorum hodie raro habetur ratio. In Saxonia solvitur pro illis agnatis defuncti pecunia, quæ vocatur Wergeldum, estque 40. florenorum.

§. 14.

Ad quid tenetur, qui non occidit sed mutilavit, vel vulneravit? Resp. ex eodem fundamento §. 12. explicato, teneri cum ad omne damnum cui occasionem dedit. Hinc & ipse solvit impensas curationis,

restituit id, quod lucrari potuisset, nisi ex vulnere decubuisset.

Quia etsi in posterum ob mutilationem alimentis carere debet vulneratus, horum quoque habetur ratio.

§. 15.

Ad^d quid terretur adulter? Resp. A. cum 1) indemnem præstare maritum ab alenda prole, 2) eundem liberis reliquis teneri ad resarciendum damnum, quod patiantur ob concursum proli adulterinæ ad hereditatem.

Sed Grotius hic non satis accurate sequutus est LESSIUM, Jesuitam. Decisio enim hæc absorta est. Aut constat prolem esse adulterinam, e. g. si maritus per aliquot annos absens fuerit, aut dubium est, utrum ex patre an ex adultero suscepra sit. Priore casu maritus alienæ proli nec alimenta debet, nec hereditatem: posteriore casu non tenetur adulter prolem alere, pro qua militat præsumtio, non esse legitimam.

Certius est, stupratorem aut dotare debere mulierem, aut ducere, quin & ad præstanda alimenta obstrictum esse, quia hæc in re damnum intulit stupratæ.

§. 16.

Quid fur præstat? Rem cum accessione, restituit damnum, & præstat lucrum cessans.

Nescio autem cur Grotius cum LESSIO existimet, furem, si res perierit, debere æstimationem non infimam, nec summam, sed mediam. Id enim locum habet in contra-

tractibus, si res apud alterum perierit sola culpa. Ast hic de delicto quæritur, quod favorem non meretur, adeoque iustissimum est, ut ex fundamento §. 12. omne damnum, adeoque & summam æstimationem præstet.

§. 17. 18.

Pergit auctor ad dolum & vim. Quid præstat, qui dolo aut vi promissioni dedit causam? Resp. aut jam præstitum est, quod hoc modo promissum, aut nondum præstitum. Priore casu reddi oportet cum fructibus: posteriore promittens restituendus in integrum, & ab obligatione absolvendus. Plus enim damni non datum est.

Exceptio tamen est, si quis ipse causam dedit, cur vim pateretur: Tunc enim vis non est injusta ex. gr. si debitor morosus causam dedit magistratui, illum cogendi.

§. 19.

II. Quum & bellum jure gentium pro vi injusta habeatur: quæritur, an & hic alter alteri teneantur ad resarcienda damna, si appareat eum bellum injustum gessisse.

Resp. Justitia belli vel interna est, quæ ex causa judicatur. Justa enim belli causa facit justum bellum, vel externa, quæ ex personis & modo judicatur. Tunc Principes & resp. gerunt bellum justum, privati, subditi, latrones, injustum. Justitia interna occultior est: externa in oculos incurrit.

Quia ergo de occultis difficulter judicatur, & neutra pars sateri solet, se bellum injustum gessisse: hinc respicitur tantum ad justitiam externam, adeoque regula est: Qui bellum justum gerit, (in sensu posteriore) is alteri non tenetur ad damna resarcienda: Qui injustum, tenetur, ut rebelles, piratæ &c.

§. 20.

n. 1. 2.

III. Qu. an & imperantes teneantur ex damno per subditos dato? e. g. si Principis cujusdam subditi latrocinia egerint.

Resp. distinguendum, an imperantes & magistratus ea media adhibeant, quibus uti solemus ad hæc impedienda. Tunc non tenetur. Secus si latronibus & piratis parcant, eosque non diligenter persequantur.

IV. An tunc imperantes teneantur, si tempore belli codicillos dederunt privatis, ut hostium naves intercipient, hi vero amicorum, vel sociorum naves adgressi sint?

Resp. tenentur ad puniendos noxios. Sin aufugerint ad aliud non tenentur. Sin aufugerint bona eorum noxæ dantur. Sufficit enim, quod mandatum plane contrarium dederint.

Id quod Grotius illustrat exemplo militiæ terrestri, quæ si injussa Ducum damnum dedit, non obligat Duces.

Objicitur, aut usos esse rectores opera malorum hominum, & ex ea causa patremfam. ex facto servorum & ancillarum teneri. Resp. In familia facilis fieri posse

posse selectum hominum, quam in exercitu vel nautico vel terrestri, ubi insignis multitudo requiritur.

§. 21.

Quæritur, an ex J. N. sit noxx datio servi vel pecudis? Pufendorf. affirmat: Grotius rectius negat, eamque ex jure civili oriri observat. Dominus enim cum causa sit, natura ad nihil tenetur, pecus quoque quum delinquere nequeat, ad restitutionem adigi potest. Sed legislatores eam actionem dederunt, ne plane indemnes essent læsi.

§. 22.

V. Ultima quæstio est, quomodo refarcienda damna honori vel æstimationi illata? Sane existimatio & fama sunt res inæstimabiles, & hinc sufficere videtur, ut alter puniatur. Sed recte resp. Grotius, in omni delicto concurrere vitiositatem actus, & damnum datum: illam poena; hoc restitutione expiari. Ergo non sufficit puniri, qui injuriam intulit, sed & restitutionem debet. Ea consistit,

1) in culpæ confessione & declaratione honoris vel testimonio innocentiz.

2) In æstimatione pecuniaria, si eam instituere velit actor. Quamvis enim existimatio non sit in commercio, sufficit tamen, quod alter adseveret, se malle parere tanta pecuniæ summa, quam hanc ignominiam pati.

3) Immo si injuria damnum illi aliud

intulerit, id quoque refarciendum, e. g. si in Germania opifici injuriam passo a collegis exercitium interdicatur opificii.

C A P. U T XVIII.

De Legationum Jure.

§. 1.

Sæpe monuimus, A. nostrum magnam differentiam statuere inter J. N. & J. G. quorum illud ex ratione, hoc positivum esse statuit. Ad jus G. etiam refert jus legationum & jus sepulturæ, de quibus agitur duobus capitibus sequentibus. Quia enim hactenus ostendit, quid J. N. nobis debeat: docere etiam voluit, quid debeat ex jure G. Jam sæpe monuimus, non dari jus G. a jure naturali diversum, & hinc etiam hæc ratio ordinis & connexionis cessat: tamen sequendus est Auctor, dicendumque hoc capite de jure legationum.

Quæritur autem primo, an jus legationum ex J. G. sit? Adfirmat A. & provocat suo more ad veterum quorundam testimonia, qui legatorum sanctimoniam ad J. G. referunt. Sed facile demonstratur, legatorum jura ex ipso jure nat. esse.

Juris nat. est, unumquemque posse negotium per alium explicare: ergo & idem jus competit reip. & ejus rectoribus.

Juris

Juris nat. est belligerantes pacem facere, idque quum fieri non possit sine internunciis, internuncii autem futuri non sint sine inviolabilitate. E. jus nat. jubet legatos esse inviolabiles.

Nihil ergo hic positivum est, præter ritus quosdam & privilegia, in legatis recipiendis, dimittendisque observari solita. Sed ritus non pertinent ad jus, sed ad decorum, unde & mutari possunt pro gentium arbitrio.

Videbimus 1) Jus mittendi recipiendique legatos, §. 2. 3. 2) Inviolabilitatem eorum. §. 4. fin.

§. 2.

Quæritur itaque quod ad priorem partem n. 1. attinet, quis habeat jus legatos mittendi? Resp. is, qui capax est summi imperii.

Fluit id enim ex ipsa definitione, Legatus est persona missa ad remp. vel Principem exterum, ut negotia principis vel reip. suæ expediat. Hæc vero definitio non quadrat aliis, nisi vel a Principe vel a rep. missis ad alium Principem vel remp.

Solent quidem & alias publico nomine quidam mitti, vel a Principe seu republ. ad subditos, vel a subditis ad summos imp. seu remp. sed 1) hi nomine ab illis differunt, nam priores dicuntur *Commissarii*, posteriores *delegati* vel *deputati*. 2) Differunt & re ipsa. Nam illis ex jure N. debetur inviolabilitas: his non semper debetur. 3) J. Ctorum controversiæ deciduntur ex J. N. horum ex J. C. nempe ex *sic. ff. de legation.*

- n. 2. Pro capâcibus summi Imp. habentur etiam foederati inæquales. Foederati enim, licet prærogativam agnoscant alterius reip. tamen sunt liberæ societates, quamdiu non sunt subditi. Hinc e. g. Valesii & Grisones recte mittunt legatos quamvis sint foederati Helvetiorum inæquales. Et Carthaginenses olim jure legationum gaudebant quamvis iniquissimum foedus illis Romani extorsissent. Idem hodie dicendum de Algeriensibus, Tunetanis, Tripolitanis.

Aliud dicendum de regibus victis & exutis regno. Hi enim ad victores legatos non mittunt, nisi data fide publica. Exemplum Persei ipse Grotius adducit.

- n. 3. Idem obtinet in bello civili. Tunc enim neutra pars bellum gerens est societas libera, adeoque nec jus legationum habet, siue cives inter se bellum gerant, siue cum Principe.

Attamen id exceptionem patitur 1) ratione tertii, si causa sit dubia. Sic e. gr. quum Belgæ foederati ab Hispanis defecissent, ordines legatos mittebant ad Henricum IV. Regem Franciæ, qui paullo ante pacem cum Hispanis inierat. Legatus Hispanicus cœlum & terram movebat Parisiis, ne rebellium, ut vocabat, internuntii jure legationis tuerentur. Sed Henricus IV. recte resp. ratione Gallorum Belgas esse societatem liberam, nec Hispanum sibi leges præscribere posse, quorum legatos admittere debeat.

2) Ex necessitate. Bellum enim civile debet pace demum finire. Ea coalescere ne-

nequit, nisi ope legatorum. Ergo admittendi & eorum internuncii, qui bellum civile gerunt, data fide publica, & salvo utriusque jure. Sic Cæsar Hungarorum sub Ragozzio rebellantium legatos salvo jure suo, & data fide publica admisit.

§. 3.

Quæstio altera est, de admittendis legatis, an omnes teneantur legatos extraneorum principum vel rerump. admittere? Sunt qui generatim dicunt, admittendos esse legatos promiscue. Alii cum Grotio rectius distinguunt. n. 1.

Promiscue omnes non admittendos esse vel inde patet, quia ex decoro tantum fuit hæc obligatio. Nam e. g. decorum requirit, ut amicum me salutaturum admittam: sed si tamen vel nolim vel non possim eundem admittere, non ideo injustus sum. Ita & de legatis ex decoro fuit regula: Legati admittendi, nec temere rejiciendi sunt.

Sed si ob justam causam nolim vel non possim admittere, eo ipso peccasse non dicor contra justitiam. Sunt autem justæ causæ rejiciendi legatos vel ob personas mittentes, vel ob personas missas, vel ob causam, propter quam mittuntur.

1), Ob personas mittentes cessat hoc officium, si Princeps vel resp. mittens legatos hostili in nos animo sit. Hosti enim nihil debemus officii, qua hosti. Hinc si hostis pacis causa mittit legatos, hi non gaudent inviolabilitate, nisi data fuerit fides publica. Et, si nolumus, eos amplius n. 2.

nobiscum manere, statim possumus remittere. Exemplum luculentum est in historia Belgica. Albertus Austriacus rogabat ordines, ut legati sui reciperentur, conditiones pacis oblaturi. Ordines diu negabant: denique data fide publica, Hagam proficisciebatur Spinola & alii. Quum adpareret, legatos non pacem velle, sed corrumpere conari reip. ministros, jusserunt eos intra breve tempus domum redire.

2) Ob personas missas. De pace tractabatur Coloniz. Imperator promiserat, se Galli legatos suscepturum. Mittebat Rex Galliz Furstenbergium, Principem rebellem & transfugam. Imperator illum captum Viennam abduci jubebat. Et sane non teneor quemcumque admittere, sed eum, qui mihi non suspectus sit.

3) Ob causam, propter quam mittuntur, e. g. si adpareat, legatos vel spectandi causa adesse, vel turbas concitare velle in rep. vel aliquid ambire, quod præstari nequeat. Hinc a protestantibus non admittuntur Nuncii Pontificis.

S. 4.

n. 1. Sequitur jam altera pars de legatorum inviolabilitate. Ea inviolabilitas partim ad personas legatorum, partim ad eorum bona pertineret comites.

1) Quod ad personas attinet, de his maxime dissentiunt DD. quia id jus ex J. G. explicare conatur, id est, ex jure a jure nat. diverso, cujus tamen nulla fundamenta certa sunt.

Videbimus ergo 1) ipsum dissensum DD.

DD. 2) Quomodo Grotius illud componat:
3) Quid ex veris ac genuinis J. N. Principiis de hac questione sentiendum sit?

DD. quidam 1) inviolabilitatem legatorum restringunt ad vim injustam, e. g. ut spoliari, vel injuriis addici nequeant. Et sic nihil præcipuum habent legati præ aliis hominibus in republ. nostra viventibus.

2) Alii vim etiam justam negant inferri posse legatis, nisi ubi jus G. violent, e. g. conjurationes & rebellionem in rep. fovendo.

3) Alii generatim contra omnem vim muniant legatorum personas.

2) Quid ergo Grotius? Dicit questionem difficilem esse, quæ in partem utramque disputari posset. Pro prima & secunda sententia pugnare, quod delicta non debeant manere impunita. Pro tertia, quod legationum utilitas hunc favorem mereatur, ut personæ legatorum sint inviolabiles. Ergo nihil superesse ait, quam ut videamus, in quam inviolabilitatem legatorum gentes consenserint, idque non ex exemplis, sed tum ex sapientum judiciis, tum per conjecturas esse judicandum.

Enimvero 1) si tam incertum hoc jus est, & de eo in utramque partem potest disputari: J. G. dici potest obscurissimum, quum tamen & barbaris gentibus liquido constare debeat, ad quid obligentur.

2) Ut exempla non probant jus G. ita nec sapientum judicia. Per sapientes enim Grotius intelligit eruditos. Atqui erudi-

tos

tos ipsos dissentire, jam n. 1. hujus §. vidimus.

3) Per conjecturas probare jus, perinde est ac dicere jus esse incertum. Ergo nemo punietur, qui legatos violavit.

n. 3. Videbimus tamen sapientum judicia, quibus utitur.

Alterum est LIVII, *Lib. II. cap. 2.* ubi Tarquinii legatijs conjurationem in urbe adventibus percipisse dicuntur Romani, adeoque plus valuisse jus G. quam legatorum improbitas.

2) SALLUSTIUS *de bello Jug.* refert Bomilcarem, qui Jugurthæ legatos comitatus erat, reum factum, magis ex æquo bonoque, id est, magis bono & utili exemplo) quam jure gentium.

Exinde sequitur, ut sapientes existimarent, legatos non violandos, etiamsi peccasse censeantur. Sed respondebunt alii,

1) sapientum judicia non facere jus. 2) a Livii & Sallustii auctoritate ad consensum omnium sapientum non valere argumentum.

n. 4. Jam ad conjecturas: 1) Inviolabilitas legatorum, inquit Grotius, est privilegium. Privilegium aliquid tribuere debet præter jus commune. At nihil tribueret, si vis tantum injusta abesse a legatis juberetur, (ea enim abesse debet ab omnibus hominibus.) Ergo & vis justa ab iis abesse debet.

2) Ubi duo mala sunt reip. ibi eligendum est minus. Jam malum quidem est delictum impune committi, sed multo pejus violare legatorum personas, quarum causa bel-

bellum excitari facillime posset. E. minus malum eligendum.

3) Si concederetur vis iusta contra legatos, nunquam defuturus esset prætextus legatos violandi, quum plerumque consilia reip. nostræ adversa ex officio agitent.

4) Legatus repræsentat personam imperantis & reip. a quibus mittitur. Ergo non esse in repub. nostra fingitur, quamvis in ea sit. Ergo nec ob delicta puniendus.

Ergo inde colligit Grotius 1) vim iustam abesse debere a legatis, æque ac iniustam. 2) Delicta eorum levia dissimulanda esse, 3) ob graviora finibus exesse juberi legatos, 4) ob atrocissima ad eum, qui misit, mittendos esse.

Observat porro Grotius, hanc quoque legem admittere exceptionem 1) necessitatis, quæ plane non habet legem. Id est si conjuratio gliscat, & extremum inde periculum imminet reip. non quidem violari possunt legati, sed tamen custodiri, interrogari, immo & litteræ eorum intercipi. Exemplum legatorum Tarquinii adduxit Grotius. Addi possunt alia. Sic Cicero legatos Allobrogum in via publica intercipi & Roman reduci iussit, quia litteras Catilinæ ad Allobrogos ferebant, ex quibus tota conjuratio patefcere possit. Recentissimum exemplum est Goezii in Belgio, & legati Svecici in Britannia custoditorum.

2) Grotius recte addit, admittendam quo-

quoque esse 2) exceptionem hostilitatis. Contra hostem enim omnia licita sunt. Hinc si hostilia molitur legatus, e.g. urbem vel portum nostrum intercipere audeat, tunc & occidi poterit, non tanquam legatus, sed tanquam hostis.

Ita ergo Grotius thesin suam probat per conjecturas. Sed clarius probari potest ex ipsis principiis J. Nat. Nam 1) socialitas requirit, ut inter gentes pax vel restitua- tur vel conservetur. Id fieri non potest sine internunciis. Hi munere suo fungi non possent, nisi essent inviolabiles, E. sunt inviolabiles. 2) Qui legatum recipit, is recipit personam, quæ repræsentat principem, vel remp. exteram. Atqui Prin- cipem exterum in rep. nostra peccantem non puniremus, nisi hostilia molitur. E. nec legatum. 3) Quod tibi non vis fieri, alteri ne feceris. Legatis nostris nihil mali intendi volumus. E. nec id aliorum lega- tis debemus intendere, Ita sane res clara, & nec iudiciis sapientum, nec conjecturis opus est.

§. 5.

n. 1. Sed jam porro quaeritur, quem legato- rum inviolabilitas obliget? Recte resp. Gro- tius, eum, ad quem legati mittuntur. Hi enim dum legatos recipiunt, tacite iis pro- misisse censentur inviolabilitatem.

Inde ergo consequitur, ut ratione tertii non sint inviolabiles. Hinc si e.g. legatus Gallicanus per remp. nostram iter faciens in Britanniam, delictum committeret, pro- cul dubio posset puniri, quia ratione reip.

no-

nostræ non est legatus, nec eum tanquam legatum unquam recepimus.

Aliud si non deliquerint. Tunc ut alii n. 2.
viatores libero per territorium nostrum transitu merito fruuntur. Inde ergo illustris controversia inter Carolum V. & Franciscum I. Regem Franciæ, decidi potest. Franciscus I. mittebat legatos ad Turcas, qui foedus contra Carolum V. cum iis inirent. Hi legati per Ducatum Mediolanensem tendentes Venetias, jussu Caroli V. intercipiiebantur. Franciscus I. jus gent. violatum querebatur. Minime vero. Nam ratione Caroli V. ad quem legati missi non fuerant, ne erant quidem legati. Carolus nec fidem dederat legatis hostis per fines suos transeuntibus. Non poterat ipsi vitio verti, quod legatos pro hostibus tractaret qui foedus adversus se cum Turcis inire moliebantur.

§. 6.

Quæritur porro, an & hostis legatos ad se missos præstare debeat inviolabiles. Resp. distinguendum esse inter legatos sollemnes & caduceatores. Legationem hostium sollemnem admittere non tenemur. Semel tamen admissa inviolabilis est, ob ea quæ §. 5. diximus.

Caduceatores utrinque inviolabiles sunt ex regula J. N. quod tibi non vis fieri, alteri ne feceris. Sunt autem caduceatores internuncii nullo caractere instructi, quos dux ad ducem mittit, induciarum, vel redimendorum captivorum causa. Cui muneri moribus gentium Europæarum ple-

plerumque adhibentur buccinatores & tympanotribæ, quibus æque religiose præstatur inviolabilitas ac legatis sollemnibus.

§. 7.

Quæstio nova est: an legatus occidi, vel male tractari possit jure talionis? Id merito negatur. Pacta sunt servanda. Hostis noster legatum violavit, cui fidem dederat. Turpiter egit & contra jus gentium. Nos jam fidem damus hostis legato ad nos misso. Æque turpiter & contra jus G. facimus, si violamus. Huic enim legato fidem dedimus, nec ab ea obligatione nos liberat res cum alio acta.

Aliud dicendum, si violatione legati hostilis nostrum liberare possemus. e. g. Legatus noster mancipatus est carceri. Nos hostilem legatum itidem mancipamus carceri, donec noster vinculis solvatur.

§. 8.

n. 1. Pergit auctor II. ad legatorum comites & res, & quærit an & hæc fruantur privilegio? Id recte affirmatur. Nam 1) accessorium sequitur suum principale. 2) Æque violatur legatus, si personæ ejus, ac si familiæ & rebus eisdem vis inferatur. 3) Dum legatus repræsentat Principem suum: jurisdictio quoque illi relinquenda in familiam & res suas.

n. 2. Sed quousque se ea jurisdictio legati exerceat, id ex moribus judicandum. Hinc nata controversia inter Regem Galliæ & Papam, qui jus asyli (*die Quartier-Son-heit*) Romæ tollere cupiebat. Et sane injuriam sibi fieri frustra querebatur Lovoois

Legatus Gallicanus. Nam inviolabilitas legatorum consistere potest, etiamsi jus asyli non concedatur facinorosis in ædibus legatorum.

Ita & indecorum hodie plerisque habetur gentibus, legatis concedere jurisdictionem criminalem in familiam, & nemini rem fuisse graviter tractatam, quum legatus Russus Hafniæ in Dania pedissequum securi cædi in atrio ædium suarum iussisset.

§. 9.

Quæstio illustris est, an bona legatorum arresto, quod vocant constringi possint ob æs alienum? Tale quid legato Russico in Britannia, Svecico Berolini contigisse meminimus.

Id rectius negatur, quia inviolabilitatem se etiam ad res legatorum porrigere diximus §. 8. immo & ad vim justam. §. 4.

Objicitur, ita occasionem datum iri legatis contrahendi æs alienum, & defraudandi cives nostros. Sed resp. 1) cives nostri cauti esse debent, ne aliter quam Græca fide, & præsentem pecunia legatis vendant, ut privatos exigant fidejussores, privata pignora &c. 2) Si æs alienum contractum initio, interpellandi legati, deinde eorum Principes, si ne sic quidem satisfiat, tunc repressaliis locus est.

§. 10.

Objiciunt ita neminem fore, qui cum legatis contrahere velit? Resp. 1) id non verendum esse, quia & regibus ipsis non desunt

n. 1. 2.

desint creditores. 2) Nec interesse nostra; si enim fidem non reperit legatus, emet pecunia parata. 3) Gentes quasdam iis jus non dixisse, qui fidem alterius Grotius probat n. 2. hujus §. qui totus perlegi meretur.

§. 11.

Postremo queritur, quam satisfactionem debeant, qui legatos violant? Resp. quam exigere resp. a rep. solet, id est iusta hæc est belli causa, quod alter jus gentium violavit. Hujus rei multa exempla sunt. Prægnantissimum existat 2. Sam. X. ubi David bello internecino extinxisse dicitur Ammonitas, qui legatos suos violarant, quum alioquin Deus prohibuerit Ammonitis fieri injuriam.

CAPUT XIX.

De Jure Sepultura.

§. 1.

PRÆter jus legationum ex jure G. etiam jus sepulturæ derivat Grotius, de quo videbimus

n. 1.

- 1) An sit juris Gentium? §. 1.
- 2) Cur sepeliendi ritus inventus? §. 2.
- 3) Quibus sepultura debeat? §. 3. ad fin.

Primum queritur, an sit juris gentium sepultura? Adfirmat Grotius, idque primum probat.

I. Te-

I. Testimoniis Dionis, Chrysostomi, Senecæ, Hebræorum, Isidori Pelusiotæ, Æliani & aliorum, quæ non sine adparatu accumulavit Grotius.

Sed 1) testimonia & judicia sapientum non faciunt jus, & 2) ne consentiunt quidem. Hebræi enim, Isidorus, Ælianus, Euripides, non juri G. sed juri nat. tribuunt morem sepeliendi mortuos.

II. Ex iis veterum locis, in quibus hoc n. 2. jus Diis adscribitur, tamquam inventori-
bus. Quo præcipue pertinet locus Sophoclis elegantissimus. Jam Diis adscribere solent poetæ, quæ ex jure gentium sunt, e. gr. jus legationum. E. & jus sepulchræ est juris gentium.

Mirum argumentum. Gentiles omnium fere rerum origines ad Deos referebant. Agriculturam invenit Ceres, oleam Apollo, vinum Bacchus, an & hæc dicemus juris gentium?

III. Argumentum ex fabula ducit Grotius, n. 3. quam prolixè recenset verbis Isocratæ. Adrastus quum antea non sepeliisset mortuos cum Thebanis committens prælium ad internecionem cæsus est, viditque interemptos ordines hostium ducere. Hinc jus sepulchræ suis petens, non obtinuit, donec Theseo demonstravit, id juris gentium & divini esse. Ex quo patet Thesea & Isocratæ etiam hoc jus pro jure gentium habuisse.

Resp. 1) Fabula hæc, ipso fatente Isocrate, a poetis est.

Pictoribus atque poetis
Quid-

Quidlibet audendi semper fuit æquã potestas.

2) Non statim est juris G. quod tale videtur Iſocrati & aliis, qui sæpe ignorant, quid sit jus gentium. 3) Et quomodo aliquid simul est juris gentium & divini?

n. 4. IV. Denique inde patet, quod veteres huic officio nomen virtutum tribuunt. E. gr. Cicero vocat humanitatem & mansuetudinem, Val. Max. misericordiam & religionem, Quintilianus misericordiam & humanitatem &c.

Resp. 1) Est humanitas mortuos sepelire, ne vivis sint abominationi & tædio.

2) Judicia hæc gentilium singularem habent rationem. Nam existimabant, non posse quiescere manes, sed tristis oberrare, nisi corpus sepeliatur. Quæ de re multa notavit J. C. GUTHRIUS de *jure manium*. Ergo inde non sequitur, morem sepeliendi esse juris gentium.

Quid ergo dicendum? Resp. questio duplex est; 1) An e medio hominum viventium removendi mortui? Idque unusquisque affirmabit ob periculum societati humanæ imminens ex mortuorum fœtore, putredine, & inde sequutura infectione æris. Et hæcenus id officium est juris naturæ, unde omnia derivanda, quæ societati humanæ conducunt. 2) Altera questio est, an præcise sepelienda sint cadavera? Et hic respondemus: nihil hac de re nec jus nat. nec J. G. statuere. Hinc & olim pleræque gentes etiam humanissimæ.

mx, cremare malebant cadavera, quam sepelire. Apud Christianos tamen id receptum, ut sepeliantur, non ex J. N. & G. sed partim imitatione Ebræorum, quibus hic mos placebat, partim quia ipse Deus probasse videtur sepeliendi ritum, verbis notissimis: Terra es, & in terram reverteris, contra improbavit ritum cremandi mortuos in regibus Israelis ad gentilismum prolapsis.

§. 2.

Altera jam sequitur quæstio, cur cum ritum adinvenerint veteres? Rationes varix recensentur a Grotio. n. 1.

1) Moschion vetus poeta hanc reddit rationem, quod cyclopes vel gigantes olim soliti sint cadavera mortua devorare. Quorum feritati hunc bolum subtraxerint, dum ea sepelierint.

Sed hæc ratio non admodum probabilis: 1) de gigantibus enim plura mentiuntur veteres, quam comperta tradunt. 2) Gigantes si tanto appetitu in hæc fercula ferebantur, facile ea potuissent terra eruere, & devorare. Rectius itaque homines consuluissent cadaveribus, si ea cremassent.

Si quæras, unde hanc originem hominum sciverint gentiles? respondeo, per traditionem, cujus luculenta exstant vestigia apud Eusebium in *preparatione evangelica*, in quo libro ex instituto hujusmodi sententias & traditiones gentilium collegit Eusebius, quæ consentanea sunt religioni Christianæ.

3) Chri-

n. 3. 3) Christiani tertiam reddunt rationem: spem resurrectionis. Quum enim eam sperent credantque Christiani, non in cineres redigent suorum corpora, sed ea tanquam pretiosum thesaurum recondunt & deponunt, ut spem suam declarent resurrectionis. Notetur locus elegantissimus Prudentii.

n. 4. 4) Accedunt & aliz rationes. Inprimis huc pertinere Grotius videtur præstantia & dignitas hominis præ reliquis animalibus. Ea enim facile movere potuit veteres, ut nollent cadavera mortuorum objicere feris, volucris, bestiis aliis, sed sepelire. Sane hanc rationem reddunt *QUINTILIANUS declamat. 6.* & *VIRGILIUS*. Quibus Grotius addit, quod Deus Jer. XXII. tanquam poenam impiis minetur, quod sepulturam non sint habituri, sed esca futuri avium.

Sed & hæc ratio non magni momenti est. Nam 1) non deterius est comedi a volucris & feris, quam a vermibus, 2) Utrumque facilius prohiberi posset per combustionem cadaverum, 3) Comminatio prophetica non tam ob consequens est terribilis, quam ob antecedens. Nam defectus sepulturæ & cadaver objectum feris bestiis & volucris est indicium mortis cruentæ & violentæ.

n. 5. Inde ergo concludit Grotius, adeo esse officium boni viri, sepelire mortuos, ut veteres 1) id non hominibus, sed humanitati tribuant. 2) Ut nec inimicis dene-ganda sit sepultura. Prius non magni ponderis

deris est. Quod enim humanitati tribuitur, id & hominibus tribuitur. Alterum verum est, sed ex alia ratione, quia cadavera mortuorum non amplius sunt obiectum iræ & ultionis. Quis non rideret hominem ligneam statuam verberantem? Et quid stultius est, quam irasci mortuis? Notum est diſterium regis, cui superbum hostis maſoleum ostendebatur, quique suadentibus amicis, ut illud dejiceret, respondit: utinam vero omnes hostes mei sub huiusmodi maſoleis quiescerent!

§. 3.

Hinc facile deciditur quæstio, an & hostibus publicis debeat sepultura? Id adfirmat Grotius, idque suo more & testimoniis & exemplis probat. Sic n. r. accumulatur testimonia Appiani, Taciti, Dionis Chrysostomi, & aliorum. Sed ratio paullo ante allegata sufficit. Eſſet enim hæc ira stolidæ & invidia plus quam canina, mortuis hostibus irasci, iisque invidere sepulturam, qua nihil minus & minore sumtu præstari potest.

Tamen & hic observandum, quod paullo ante diximus, pleraque hæc gentilium testimonia fluxisse ex falsa & erronea eorum opinione, quod inſepulcorum manes quiescere non possint.

Idem Grotius illustrat exemplis Herculis, Alexandri, Hannibalis, Pompeji & aliorum, qui hostibus etiam bello occisis hoc officium præstiterunt.

Et ne sola exempla ex gentilismo proferre videatur, addit, apud Hebræos etiam

Hien. de Jure Belli; &c.

Bb Pon-

Pontificem maximum, qui tamen nullum funus alias curare, nec mortuum tangere poterat, Lev. XXI, 1. sepelire debuisset cadaver, quod insepultum reperisset. Immo Christiani vel vasa ecclesiæ vendi permittebantur, ut alerentur pauperes & sepelirentur mortui. *Adrianos. de offic. lib. 2. c. 28.*

- n. 4. Sed ut vera fateamur, (1) hæc exempla ad rem non pertinent. Quæstio enim non est de officio sepeliendi mortuos, sed de sepeliendis hostibus publicis. (2) Exemplis facile alia exempla opponuntur. Unde omnis argumentatio a simili & exemplo anceps est & periculosa. Refert ARNEAS SYLVIVS de Barbara, uxore libidiniosissima Sigismundi Imperatoris, quod mortuo marito ministri ipsi suaserint viduitatem perpetuam, addiderintque, sic eam imitaturam columbellas, quæ viduæ mori soleant, illa autem responderit, & quidni potius imitarer passerulos? Sic similia & exempla nihil probant, quia semper opponi possunt contraria.

Observat hoc ipse Grotius. Fatetur, existare exempla in contrarium, sed addit, ea communi hominum judicio damnari. Id facile concedo, modo etiam concedatur, exemplis jus non probari.

S. 4.

- n. 1. Hactenus de hostibus: jam de facinorosis quæritur, an & his sepultura debeat? Haud obscure adfirmat Grotius, idque probat ex lege divina, Num. XXV, 4. Deut. XXI, 23. 2. Sam. XXI, 26. quia Deus jussit & ligno suspensos sub vesperam sepeliri. Id quod tam religiose ob-

ob-

observatum novimus a Judæis, ut nec servatori nostro, quem summo odio perfequebantur, sepulturam inviderint.

Idem probat ex legibus civilibus L. 1. C. de cadav. pun. L. 3. C. cod. L. 2. C. de religiof.

Objici posset praxis. Nam nemo ignorat, cadavera sæpe & olim & nunc in furca exponi, vel in rota & patibulo in publico conspectu relinqui solita. Sed disputari posse, an id laudabile sit. Contra laudatos fuisse ait, qui corpora punitorum sepeliverint. Objici porro posset, Davidem tamen non dubitasse caput Goliathi circumferre & ostentui servare. Sed respondet, id factum fuisse alienigenæ, gentili, Dei contemptori & inimico.

n. 2. j.

Hæc Grotius. Quid vero de tota controversia sentiendum? Omnino existimandum non absurdum esse, cadavera punitorum ostentui exponere. Nam 1) cadaveri mortuo non fit hoc ipso injuria, quia mortuum est. 2) Nec hoc fit in poenam, quia mortuus nihil patitur, quam tamen poena debeat esse malum passionis. 3) Sed hoc exigit finis poenarum & salus reip. Nam supplicia sumuntur a facinorosis, ut alii deterreantur, ne simile quid committant. Quum vero paucissimi homines supplicium sumi videant, nec quotidie sumantur: quid absurdum, si cadavera publice exposita admonere jubeantur prætereuntes, in rep. non impunita manere scelera?

Ad argumenta Grotii facile respondetur. 1) Lex divina singularem habet rationem, ne polluat terra. Illæ autem quæ

de pollutionibus hominum & terræ dicuntur in lege Mosaica, carimonialia sunt, adeoque nos non magis obligant, quam quæ de animalibus puris & impuris dicuntur.

2) Ex legibus civilibus nec J. N. nec G. probatur.

3) Exemplum Davidis omnino repugnat doctrinæ Grotii. Nam si verum est facinorosos esse sepeliendos, secundum jus G. verissimum quoque erit, sepeliri debuisse caput Goliathi. Jus G. enim & N. inter fideles & alienigenas non distinguit.

Rectissime ergo dixeris humanius quidem esse, & clementius, cadavera facinororum sepeliri; nec tamen peccare legislatores qui ea publice in furca, rota, patibulo exponi jubent, si id ad deterrendos alios a simili facinore utile videatur,

§. 5.

Regulæ hic de sepeliendis mortuis jam Grotius addit exceptionem, quæritque, an & iis, qui sibi ipsis manus intulere, sepultura debeat?

Observat hic Grotius 1) ipsos Hebræos his sepulturam negasse, idque probat ex JOSEPHO de bello Jud. Lib. 2. cap. 25.

2) hanc poenam esse rationi consentaneam, quia alias irrogari non possit iis, qui mortem pro supplicio non habuerint.

3) Similia instituta aliarum gentium existare, quæ eos, qui se occiderint, sepeliri voluerint.

Sed & hic aberrare videtur Grotius, dum hæc instituta ad poenam refert. An puniri possunt mortui, qui nihil sentiunt, nihil patiuntur.

patiuntur? Annon satis gravem poenam subierunt, qui se ipsos occiderunt, & præterea æterni supplicii periculum adjerunt? Ergo potius dicendum, posse salva justitia horum cadavera insepulta relinqui, ut aliis terrori sint, ne simili modo in propria viscera sæviant.

Ea occasione disputat Grotius, an J. N. liceat, se ipsum occidere? id merito negatur, quamvis id auctor non indoctus singulari libro, quem *βιοδαίμων* inscripsit, probare voluerit, & in se ipso paullo post triste experimentum cœperit. Nam

1) vitam non a nobis habemus, sed a Deo. Ergo non nostra est, adeoque nec potestati nostræ subiecta.

2) recta ratio nobis inculcat conservationem nostri. Ergo prohibet destructionem.

3) Lex divina naturalis æque ac positiva jubet nos amare proximum, tanquam nos ipsos. Ergo & nos amare debemus tanquam proximum. Atqui proximum occidere nefas est. E. & nos ipsos.

4) Mors voluntaria semper proficiscitur ex impatientia, desperatione, incredulitate, adeoque effectus horum vitiorum non melior esse potest, quam causa.

5) Denique ea stultitia nulla est major. Quænam enim stultitia est, ne moriari mori? inquit eleganter Martialis.

Illustrat hoc Grotius eleganti observatione, quod Hebræi mortem vocarint *מיתה*, dimissionem. Uti & Simeon Luc. II. dicit: *Nunc dimittis servum tuum in pace.* Cur ita locuti sunt Hebræi? Ut ostenderent,

mortem a Deo expectandam, nec ex statione discedendum prius, quam a summo Imperatore, Deo, avocemur & dimittamur.

n. 4.

Sed Hebræi tamen unum casum excipiunt, quo defendi posse existimant *αὐτὴν χρεῖαν*, si videat homo, vitam suam dedecori fore Deo. Hoc colore enim defendunt mortem voluntariam Samsonis & Saulis. Addit Grotius exemplum Razis. 2. Macc. XIX, 37. & Christianorum quorundam, quorum meminit Augustinus, manus sibi inferentium, ne tormentis adacti Christum abnegarent.

Sed nescio an hæc exceptio facile defendi possit. 1) Samsonis exemplum est typicum. Ita rem disposuit providentia divina, ut Samson morte sua mortem Christi adumbraret. Ex typicis vero regulæ morales desumi non possunt. An quis regulam moralem petat ex fratre Jacobi fratris benedictionem dolose intercipiente?

2) Saulis & Christianorum illorum exempla admodum ambigua sunt, nec certum an laudanda. Id vero certum hos quoque, qui manus sibi consciscunt, quia vitam suam dedecori fore existimant, Deo incredulos & desperabundos esse, nec fiduciam in Deo collocare, qui facile etiam ex ignominia nostra gloriam suam amplificare potest.

n. 5.

Hactenus de propiicidis, quibus sepultura ex institutis multarum gentium negatur. Eiusdem generis exceptio est altera. Nam nec sacrilegio sepeliri patiebantur

Græ-

Græci, ceu ex Dion. Sic. Lib. 16. probat Grotius. Id quod ipse Grotius non improbat.

Inde vero contra ipsum Grotium argumentamur: quod si injustum non est, insepultos relinqui propitius & sacrilegos, nec injustum sit, insepultos exponi facinorosos alios.

§. 6.

Vidimus itaque, quæ obligationes ex Grotii sententia e jure G. descendant, nempe jura legationum & sepultura. Hujus generis & alia quædam esse ait, veluti usucapionem, successiones ab intestato, contractus. Sed rectius dixisset, pleque hæc ex jure nat. esse. Juris naturalis sunt contractus & successiones ab intestato. Juris quoque naturalis est, ut qui longo tempore rem suam neglexit, & pro derelicta habuit, dominio suo excidat.

Objicit Grotius, tamen hæc juris naturalis sint, tamen accipere firmitatem ex lege humana.

Sed resp. id verum esse, sed non de jure gentium, verum de legibus civilibus, quæ in usucapione tempus legitimum; in contractibus formam & modum contrahendi; in successione ab intestato gradus definire solent. Unde & hæc omnia admodum varia esse solent apud gentes diversas.

CAPUT XX.

De Penis.

§. 1.

n. 1.

Sæpius monuimus Lib. 2. hujus operis agi de causis belli iustificis, quarum tres statuit Grotius: 1) defensionem, 2) exactionem ejus quod nobis debetur, & 3) poenam. Vid. Lib. 2. c. 1. §. 2. Quum ergo prolixè hæcenus egerimus de defensione, nec non de eo quod nostrum est, vel nobis debetur, eaque occasione de variis acquirendi modis, variisque titulis disseruerimus: proximum est, ut jam tertiam quoque belli causam expendamus, quam præter Grotium, vix quisquam DD. juris nat. admittit. Nobis jam agendum 1) de natura poenarum. §. 1, 17.

2) an omnes actiones vitiosæ puniendæ. §. 18, 27.

3) quomodo poenæ æstimandæ. §. 28, 37.

4) de bello in poenam indicto. §. 38, ad fin.

I. Naturam poenarum primo sistit definitio, ex qua deinde variæ quæstiones solvantur. Grotio poena est malum passionis, quod infligitur ob malum actionis. Sed si hæc definitio admittatur, nihil discriminis erit inter poenam & vindictam privatam. Sane & hæc est malum passionis, quod infligitur ob malum actionis. Et tamen inter hanc & illam multum interest. Nam poena est li-

est licita, vindicta privata prohibita: qui illam non infligit injustus aliquando est, qui hanc repetit, semper injustus & pœna dignus est.

Quare si definitioni Grotii addideris verba: a superiore; tunc illa recte se habebit omnino. Dicimus esse

1) malum passionis. Atqui aliquando pœnæ loco injungitur actio, e. g. operæ publicæ, onus remos ducendi. Resp. tunc ex actiones non sunt pœna, sed passio illa vel modestia, quam inde reus sentit.

2) Malum, quod infligatur ob malum actionis. Ergo ubi quis malum sentit sine prævio reatu: id pœnæ nomen haud meretur. Huc pertinent, qui ob mutilationem a sacerdotio arcebantur.

3) Malum infligendum a superiore. Alias enim, ut diximus, esset vindicta privata. Posset objici, Deum tamen unicuique Judæo permisisse, ut supplicium sumere posset ab idololatra: & hodie privatis licere occidere fures nocturnos, aggressores, latrones, &c. Sed resp. 1. Jus puniendi superior demandare potest privato, e. g. apud nos carnisfici: potuit ergo Deus etiam privatis mandare exsequutionem pœnæ idololatriæ irrogatæ. Inde vero non sequitur, ut par in parem habeat jus puniendi, etiam sine speciali hac superioris permissione. 2) Cædes furis, aggressoris, latronis proprie non est pœna: (nam ea licita est etiam si e. g. aggressor furiosus sit, vel in persona erret,) sed defensio.

Ex hac ergo definitione fluit, pœnam jure optimo infligi. Nam 1) malum passionis pro malo actionis, inflictum nihil

aliud est, quam *jus talionis*. Quid *justius* est, ut qui malum fecit, malum ferat?

2) Infigitur a superiore, cujus est omnem injuriam cohibere a subditis. Id fieri sine poena non posset. Si ergo justum est, magistratus injuriae arcendae causa institui: *justissimum*, quoque omnino erit, eos punire noxios. Si enim finis justus est, justa quoque erunt media, sine quibus finis obtineri nequit.

3) Objici porro definitioni posset: Deum tamen aliquando punire sine praevia culpa. Castigat etiam pios, immo hos saepe magis vexat poena, quam impios. Ergo aut injuste tunc Deus agit, aut falsum est, poenam esse malum passionis, &c. Sed resp. 1) falsum esse, quod unquam Deus puniat sine culpa. Quis enim tam pius est, ut sine peccato sit? 2) culpam aliquando latere, sed eam non minus poena dignam, ac manifestam. 3) Differre castigationem & poenam. Nam illa & innocentibus irrogatur, ut cautius mereri discant: haec non nisi noxiis. E. g. furiosus qui damnum dedit, revera non peccavit. Et tamen castigari potest, ne in posterum simile damnum det, aut puniri nequit. Ita & Deus pios castigat, ut emendet, non punit, ut perdat.

§. 2.

Quaeritur primo, utrum ad justitiam expletricem, an ad attributricem pertineat poena? Justitia expletrix tribuit, quod jure perfecto debetur: attributrix quod imperfecto, ex regulis honesti & decori. Unde ergo poena nascitur?

Ple-

Plerique eam referunt ad justitiam attributricem ex duplici ratione, 1) quia in pœnis observetur proportio geometrica, id est, qui unum delictum commiserunt non eadem omnes pœna adficiuntur, sed majore alii, alii minore, pro ratione meriti. Jam vero Aristoteles justitiam distributivam vel attributricem vocat, ubi observatur proportio geometrica: 2) quod pœna a toto parti detur. Id recte intelligendum. Thomas de Aquino & alii Aristotelici dicunt, inter justitiam attributricem & explettricem hanc esse differentiam, quod in explettrice privatus agat cum privato: in attributrice resp. cum privato. Ergo pœnas pertinere putant ad attributricem: contractus ad explettricem.

Sed resp. Grotius 1) falsum esse, proportionem hanc esse geometricam, 2) falsum eam in sola locum habere justitia attributrice. Quotiescumque enim ad rem non ad personam respicitur, toties hæc proportio est arithmetica. Sic e. g. minus solvo mercatori pro panno viliori, plus pro subtiliori: quis dixerit hanc esse proportionem geometricam, quum non ad personam mercatoris, sed ad rem vel mercem respiciam? Hujusmodi proportio etiam a justitia explettrice observatur.

Ad 2) Falsum esse, quod justitia attributrix detur a toto parti, inæque reip. res sit cum privato. Idem enim etiam in explettrice contingere potest. E. g. resp. potest cum privatis, publicanis contrahere. Hic res est toti cum parte, & tamen contractus

B. 2.

pertinent ad iustitiam expletricem. Præterea falsum quoque est, in poenis semper rem esse toti cum parte, resp. cum privatis. Nam & privatus a privato jure poenam repetit, modo sit superior. Sic e. g. pater punit filium, pædagogus discipulum, dominus servum.

n. 3. 4. Quid ergo ad quæstionem ipsam respondendum? distinguendum esse inter punientem, & eum, qui poenam sustinet. Quod ad posteriorem attinet, ille obligatus est ad poenam jure perfecto, adeoque ex iustitia expletrice, 1) quia jam superiore §. diximus, iustissimam esse talionem, ut malum sentiat, qui malum fecit. 2) quia ipse reus peccando in poenam tacite consensit. Scit enim reus legem actum prohibere, scit eandem hoc vel illud supplicium minari. Dum ergo nihilominus peccat, tacite consensit in hanc poenam, adeoque iustissime & jure perfecto ex consensu suo tenetur.

Ast puniens ad infligendam poenam obstrictus est ex iustitia attributrice. Ergo non injustus est, si poenam remittit, sed mitior æquo. Immo possunt esse iustissimæ causæ poenam vel remittendi, vel minuendi, vel intendendi, prout personæ vel aliæ circumstantiæ id exigunt. Hæc nisi accurate observentur, facile in varios errores quis incidere posset.

§. 7.

n. 1. Jam quæritur secundò, quis habeat jus puniendi? Resp. auctor, hoc subjectum puniens a jure nat. non determinari. Naturæ

turæ quidem convenientissimum esse, ut fiat a superiore, sed tamen id non esse absolute necessarium.

Sed hic maxime errat Grotius. Nam 1) si naturæ conveniens est, superiorem sumere supplicium, qui fieri potest, ut jus nat. non determinet, cuinam jus puniendi sit? Jus nat. sane inculcat id, quod naturæ est conveniens. 2) certissimum est, neminem puniri nisi superiorem. Nam qui poenas restituere & sancire potest, ei & jus est illas infligendi. Atqui prius potest solus superior. E & posterius.

Unde facile patet, quid sentiendum de observatione Grotii, quod nocens non possit punire nocentem. Hæc doctrina plane nullius momenti est. Pinguis rempubl. cujus rector omnibus vitiis cooperatus & contaminatus est: in ea sane re tunc nullum vitium, nullum delictum poterit puniri.

Ergo distinguendum inter justum & honestum. Ex regula justii jus puniendi habet superior, sive virtute sive vitiis sit conspicuus. Et hinc adulter conqueri non potest de facta sibi per poenam injuria, si vel maxime princeps vel iudex ejusdem delicti suspectus sit.

Si autem quaeritur, an honestum sit, eum qui punit, propria culpa redargui: omnino id adfirmandum. Non ergo peccat vitiosus magistratus, quod punit, sed peccat, dum ipse similia committit. Et ita intelligenda verba Servatoris & Pauli Apostoli a Grotio allegata.

Tertia quaestio est, quis sit finis poenarum? Hæc doctrina ideo necessaria est, quia ex fine deinde fluunt officia circa poenas observanda. Hic primum spurii fines removandi. Poenæ ergo finis non est.

1. Satisfactio justitiæ divinæ debita. Quod facile potest demonstrari. Nam 1) justitia Dei est infinita, adeoque per poenam finitam illi satisfieri nequit.

2) Si hic esset poenarum finis, injustum esset, ullam poenam remittere. Atqui omnes fatentur, aliquando clementiæ laudem mereri, qui poenas remittunt. Immo aliquando peccarent imperantes, si mala quædam poenis persequerentur, e. g. hæresin, vitia interna, ambitionem, avaritiam, &c.

2. 2. Objici posset, at Deum tamen poenas infligere, ut satisfaciatur justitiæ suæ. Resp. distinguendum inter poenas temporales & æternas. Temporales Deus non eo fine infligit improbis, ut satisfaciatur justitiæ suæ: sic enim poenæ non possent esse temporales, sed potius æternæ esse deberent & infinitæ, sed ut emendet homines. At æternarum poenarum omnino is finis est, ut satisfaciatur justitiæ suæ, quod prolixè probat Grotius.

At inde non sequitur, ut idem finis sit poenarum humanarum. Potius argumentamur: Solæ poenæ æternæ infinitæ satisfaciunt justitiæ divinæ. Homines non infligunt poenas æternas. E. nec poenæ humanæ satisfaciunt justitiæ divinæ, adeoque

que nec is finis esse potest poenarum humanarum.

Spurius quoque finis est II. sola ultio. Nam 1) omnia officia summi Imperantis debent respicere salutem reip. ad quam vero nihil facit ultio. 2) Inhumanum est, solo delinquentis dolore pascere velle animum.

Et hinc eleganter SENECA l. 2. de ira cap. 12. Exsequar, quia oportet, non quia dolet, & cap. 32. Ad vindictam veniendum, non quasi dulce sit vindicare, sed quasi utile.

§. 5.

In hoc §. alterius illustrat Grotius, & imprimis objectionem removet. Nimirum veteres philosophi fere consentiunt, 1) nihil esse vindicta suavius. 2) Eam voluptatem oriri ex principio homini cum bestiis communi, adeoque non malam vel injustam esse posse. Varia veterum loca eo pertinentia colligit Grotius, tum hoc n. 1. tum in notis.

Sed facile resp. 1) non omne quod homini suave & jucundum est, ideo quoque bonum est & justum. 2) Nec quod ex principio homini cum bestiis communi nascitur, laudandum. Nam sic & scortatio, adulterium, aliaque hujus generis delicta carnis possent excusari. 3) Potius recta ratio docet, mentem debere adfectibus dominari, inhumanumque esse indulgere vindictæ. 2) Hanc voluptatem rationi etiam ideo adversari, quia sæpe fertur in res inanimatas, bestias, homines innocentes.

Ad

n. 2. Addit Grotius 5) hanc vindictæ cupiditatem non modo Christianos, sed & paganos doctores paullo cordatiores improbare: Paulus: *Ne ulciscimini vos ipsi, charissimi, sed locum date iræ Dei*. Christus: *Diligite inimicos vestros, benedicite maledicentibus vobis, benefacite odio prosequentibus vos, precamini pro vos ladentibus*. Similiter ex Seneca Maximo Tyrio, Plutarcho colligit Grotius. Ergo si quidam philosophi suavitatem vindictæ laudarunt, iis facile opponi possunt contraria meliorum suffragia.

n. 3. 6) Cupiditas vindictæ est iudicium animi exigui, & a ratione parum instructi. Nam a) ejusmodi homo adhuc adfectibus suis indulget, b) maxime in eo prædominatur temperamentum melancholico-sanguineum, quæ mixtura plerumque stultos facit homines.

Hinc videmus plebem vindictæ cupidiorum esse, quam viros politicos, immo & principes bene instructos, quorum plerumque symbolum est: Qui nescit dissimulare, nescit imperare. Consideretur locus elegantissimus Juvenalis.

Quis vero dixerit, ex voluptate non prudentissimorum hominum, sed stultorum judicandum esse, quid, naturam, humanam deceat?

n. 4. Unde ex his rationibus recte colligit Grotius, finem spurium poenarum esse ultionem.

§. 6.

n. 1. Videbimus jam de fine genuino poenarum. Observat Grotius Platonem in *Georgia*

glia & Taurum philosophum duos statuif-
se poenarum species, alias enim infligi
videri *emendationis causa*, ut si furtum
primum ictu fustium vindicatur. Hac enim
castigatione fur non perimitur, sed ad-
monetur, ut in posterum cautius mercari
disceat, unde & hæc poena eleganter in
L. 7. ff. de poen. vocatur fustium admoni-
tio: alias *exempli causa*, e. g. si fur la-
queo suffocatur, tunc enim fur non emen-
datur, sed perimitur: aliis tamen exemplo
est, ne simile delictum admittant.

Addit Taurus tertiam speciem, nempe
poenam, quæ *τιμωρίας* vel *satisfactionis*
causa infligitur, e. g. si is qui alteri inju-
riam verbalem intulit, damnatur ad palino-
diam, ut omnem injuriam recanet, & se
mentitum esse publice fateatur.

Unde colligit Grotius triplicem esse poe-
narum finem: *νυθούσαν* vel *emendationem* *τι-*
μωρίαν vel *satisfactionem*, & *κόλασιν*, seu
exemplum, vel quod perinde est, in poenis
respici vel ad utilitatem peccantis, aut ad
utilitatem læsi, aut ad utilitatem ipsius reip.

S. 7.

Primus ergo & præcipuus poenarum fi-
nis est EMENDATIO. Nullum est enim
medium emendandi homines improbos cer-
tius & efficacius, quam poena. Id eleganter
probat Grotius.

Omnis peccandi consuetudo frequen-
tibus actibus peccandi contrahitur: frequen-
tia ista actuum id operatur, ut peccatum
dominetur voluntati, & mens ex pecca-
to voluptatem percipiat. Ea voluptas vero
non

n. 26

n. 26

non potest in mente extinguī, nisi contrario dolore, cujus memoria ita adficiat animum, ut quis malit voluptate carere, quam denuo istum dolorem subire. Dolor iste infligitur per poenam. E. poena est medium emendandi.

Sed distinguendum tamen inter emendationem moralem, & civilem. Illa ipsam mentem sanat, hæc tantum actus pravorum externos impedit. Illa ex poenis non speranda, hæc expectanda omnino.

2. 1. Quum ergo hic finis tam bonus & præclarus sit, quaeritur, quis hujusmodi poenas possit irrogare? Et responderet, unumquemque id posse, modo paribus vitiis non teneatur. Sed id falsum esse, ipse paullo post agnoscit. Addit enim, castigationem quidem verbalem ab unoquoque fieri posse, non autem verbera vel alia remedia corporis adstrictiva infligi nisi ab iis, quibus leges concedunt hanc facultatem castigandi.

Enimvero ita denuo prodit errorem Grotius, quod puniendi jus unicuique concedit. 1) Si id verum esset, liceret etiam unicuique peccantem verberibus aliisque modis coercere. 2) Si hoc iis conceditur tantum, quibus legibus id jus tribuunt, jus puniendi competit superioribus duntaxat, ut parentibus, præceptoribus, magistratibus. Accedit 3) quod verbalis castigatio proprie non est poena, quia non est malum passionis cum dolore conjunctum, sed dehortatio amica cum multa benevolentia refectione conjuncta.

Quæ-

Quærit autem Grotius: an poena ^{POENÆ} ad emendationem comparata etiam ad mortem porrigi possit? Id recte negat. Nam qui destruitur, & perimitur, is non emendatur; quia mortuo nulla est occasio malefacta virtutibus emendandi.

Eatenus tamen potest dici emendari damnatus ad mortem, quia satius habetur hominem inemendabilem non vivere, quam vivum novis quotidie sceleribus se pollueri. Sic Christus ipse dixit, melius quibusdam esse, si nunquam fuissent nati. Marc. XIV, 21.

Quamvis vero hæc recte se habeant; id tamen intelligendum tantum est de hominibus inemendabilibus, de quibus Joannes 1. Epist. V, 16. dicit, *eos ad mortem peccare, & ne orandum quidem pro iis esse.* Quum vero charitas Christiana vix patiatur de cujusquam hominis emendatione desperare: hinc omnino rarissime hanc observationem locum habere ipse Grotius agnoscit.

§. 8.

Alter finis poenarum est SATISFACTIO, vel utilitas ejus, qui læsus est a peccante. Sed id recte intelligendum. Non enim ea satisfactio consistere debet in voluptate, ex peccantis dolore percepta, (hanc enim voluptatem inhumanam esse, jam supra demonstravimus:) sed in securitate, ut inde certus esse possit læsus, sibi non eadem in posterum imminere. Id fit tripliciter,

1) Si tollatur, qui deliquit, vel supplicio extremo, vel damnatus ad vincula perpetua, vel in exilium ejectus.

2) Si

2) Si vires nocendi ei auferantur, e. g. Si quis divitiis fretus, alios injuriis lacessivit, & a magistratu multa graviore ad egestatem redigitur. Pertinet huc exemplum Lutatii Veratii apud GELL. Lib. 20. cap. 1.

3) Si malo suo dedoceatur delinquere. E. g. minister Ecclesie crebris objurgationibus debacchabatur in magistratum. Admonitus respondebat, id sui officii esse, nec ullo periculo se deterreri ab illo exsequendo. Magistratus ipsi transmisit rescriptum, si in posterum vel mentionem faceret magistratus objurgandi causa, se ei centum florenos de salario detracturum. Id quum semel & iterum fieret, statim coepit cautius mercari. Malo enim suo dedocebatur delinquere.

n. 2. Iste poenarum finis itidem Grotio tam bonus videtur, ut ab unoquoque privato hujusmodi poena infligi possit: unde probat.

1) Id in statu naturali recte rationi haud repugnare. n. 2. 3.

2) Idem in statu civili esse abrogatum. n. 4.

3) Vestigia tamen quaedam juris antiqui etiamnum superesse. n. 5. 6.

I. Primam thesin Grotius demonstrat 1) hoc argumento, quod unicuique liceat jure nat. omnem vim & injuriam a se propulsare, adeoque & vindictam vel ultionem eo nomine sumere ab adversario. Id quod testimoniis Ciceronis & Mithridatis apud Justinum illustratur. Deinde idem probat suo more.

n. 3. 2) Ex consensu gentium. Apud Hebraeos Sam-

Samson ultionem spirabat adversus Philistæos, quia sibi fecerant injuriam. Apud Græcos Platæenses & Demosthenes profitentur, jus hoc esse commune, ut liceat ulcisci hostilia parantem. Ita & Carthaginenses, ita & Germani veteres ætiocinati sunt. Adeoque non dubitandum, quin ultio vel pœna satisfactionis causa inflicta sit juris gentium.

Sed multa hic animadversionem merentur. Nam 1) ultio non est pœna, sed medium, vel cogendi alterum ad pacem, vel illum viribus exuendi, ne nobis nocere possit. Hinc facile fatemur, in statu naturali ob quamcumque læsionem bellum suscipi posse, idque tamdiu continuari posse, donec alter vel damnum resarciverit, vel ad incitas redactus sit: verum, quis dixerit, gentem tunc a gente puniri, nisi improprie loqui velimus? 2) Exemplum Samsonis nihil ad rem facit. Hic enim non vivebat in statu naturali, sed in statu civili, ejusque bella adversus Philistæos defendi non possent, nisi speciali Dei jussu & ductu Spiritus S. illa suscepisset. Ergo fatemur quidem in statu naturali, unumquemque in alterum hostilia parantem ulcisci posse, sed negamus hanc esse pœnam, quæ semper conceptum superioritatis involvit.

II. Illud vero rectius observat Grotius, jus hoc ulciscendi privatis in statu civili fuisse ademptum. Nam 1) in statu naturali ideo ultio conceditur, quia defunt judices, quorum auxilio homines utantur.

Atqui

Atqui hi non desunt in statu civili. 2) Quia sic nunquam tranquilla futura esset resp. sed vere bellum omnium in omnes nasceretur, si manu rem gerere possint privati. Et hinc videmus ultionem privatam omnem prohiberi, adeoque multo minus parem a pari pœnis adfici posse in statu civili. Ergo & hic semper pœna infligenda a superiore.

n. 5. III. Ostendit Grotius, quasdam esse exceptiones, id est casibus nonnullis & privatos ultionem & pœnam sumere posse,

1) In locis, ubi judicia sunt nulla, ut in mari. Hic unusquisque potest adversus piratas non modo se defendere, sed etiam injurias ulcisci, eos vita & rebus spoliare. Sic Jul. Cæsar adhuc privatus piratas crucifuffixit.

2) In extremo periculo, e. g. si me hostis in via publica gladio adgrediatur, meque in extremo periculo videam constitutum.

n. 6. 3) Quasdam leges adhuc plus indulgent. Sic apud Moschos unusquisque ultor sibi est, modo prius judicem adierit. Apud Germanicæ originis gentes plerumque controversiæ singulari certamine finiebantur. Veteres Hebræi permittebant proximo occisi agnato, ut posset occidere homicidam ubicumque repertum, modo ne in asylo quodam habitaret. Simile quid apud veteres Græcos fuisse receptum, & Grotius hic probat, & multo prolixius Ferrus in *Antiquitatibus Homericis*.

Sed quamvis hæc omnia vera sint, tamen

men 1) & sic proprie non pœna infligitur, sed vindicta sumitur, quas differre jam antea demonstravimus. 2) Hæc omnia sunt per modum belli, non per modum iudicii, quo pœnæ infligi solent. Hinc quamvis privato nautæ liceat piratæ ulcisci, nescio tamen an pœnam effugeret, si captos latrones vellet ad mortem condemnare, & supplicio privati adficere, nisi id summi Imperantes expresse permittant. Unde Cæsaris factum non ab omnibus probatur. Debuisset enim captos offere magistratui.

§. 9. 12.

Tertius finis est utilitas communis reip. vel exemplum. Ideo enim sæpe infliguntur suprema supplicia, 1) ut reliqui subditi æque ac peregrini videant, non impune in rep. nostra delinqui, 2) ut alii diro isto pœnarum genere deterriti, sibi a simili infortunio caveant. Semper enim plebs magis sensu quam rationibus flectitur, & magis attendit huiusmodi tragœdiis admonita, quam si mille leges ferrentur. Et hinc facile redditur ratio, 1) cur non intra carceres, sed publice in omnium conspectu supplicium sumatur. 2) Cur corpora damnatorum in patibulis, rotis & furcis publico conspectui exponantur, quod supra probare non videbatur Grotius.

Has quoque pœnas infligendi jus omnibus commune esse, affirmare non dubitat Auctor in statu naturali, idque probat variis argumentis, 1) quia ex sententia Tullii, Horatii & Euripidis sapiens nemo pri-

privatus sit, sed semper magistratum veluti gerat, 2) quia jure nat. fas sit, id quod noxium est, tollere. Sic licet occidere serpentes, leones, aliasque feras, quidni etiam homines improbos, a quibus nemo securior est, quam a serpentibus & leonibus?

Sed fatemur quidem posse in statu naturali homines noxios de medio tolli per modum belli sive offensivi, sive defensivi, non autem per modum poenae, quia in statu naturali nulla est Superioritas. Rationes Grotii parum ad rem faciunt. Nam 1) sententia Ciceronis, Horatii, Euripidis, Stoica est. Hi dicere solebant, solum sapientem esse Regem, principem, magistratum, dominum, subditum, servum & omnia, non actu scilicet, sed potentia, quia in his omnibus sapienter personam suam repraesentet. 2) Jure nat. fas est occidere noxia tamquam hostes, non tamquam peccantes, qui soli poenam merentur. Sic serpentes, feræ bestiae, furiosi non peccant, & tamen eos, si aliter periculum evadere non licet, recte occidimus etiamnum.

- u. 4. Concedit tamen & hic auctor hoc jushodie privatis in statu civili fuisse ademptum, 1) quia poena inquisitionem requirat, ad quam non omnes vel prudentia vel æquitate sufficiente instructi sunt, 2) quia æstimatione poenae magnam prudentiam & æquitatem requirat, quam non unusquisque præstabit. Addo 3) quia nulla est poena sine lege, nulla lex sine legislatore, nullus legislator, nisi qui superior, ergo & poena non potest exempli causa, nisi a superiore infligi.

Deni-

Denique vestigia quædam hujus juris etiamnum superesse docet. A. 1) in locis ubi judicium auxilium non est sperandum. De quo casu jam supra dictum. 2) In quibusdam in delicto deprehensis, e. g. jure Hebræo licebat privato occidere idololatram Judæum: jure Romano maritus recte occidebat adulterum domi suæ in delicto deprehensum. Resp: hæc ultio permittitur a lege, adeoque revera a superiore per privatas personas infligitur. 3) In castigatione domestica liberorum & servorum, quæ sæpe usque ad necem apud quasdam gentes pertinebat. Resp. Ergo tunc poenæ infliguntur a superioribus, & permissu superiorum. Unde & parentibus dominisque non sit injuria, si eorum jus restringatur ad modicam coercionem, ceu hodie ubique gentium fieri animadvertimus.

§. 10.

Persuasit sibi hæcenus Grotius, poenas posse ab unoquoque infligi jure nat. etiam a privato. Quam parum id probarit, ad singula ejus argumenta vidimus: jam vero porro quaerit: an lex evangelica privatis & paribus indulgeat jus puniendi?

Et primo quidem recte adfirmat, poenas a parentibus dominisque inflictas, modo intra æquitatem subsistant non repugnare evangelio. Sed hujus rei ratio facile ex ipsa definitione nostra petitur. Parentes enim & domini ratione liberorum & servorum sunt superiores, & tales quidem, quibus directio familiæ legibus permittitur.

Hain. de Jure Belli, &c.

Cc Ergo

Ergo evangelium iis jus puniendi non magis adimere potuit, quam magistratibus.

n. 1.
3. 4.

Ast ultionem inter pares Evangelio prohiberi, ipse concedit Grotius. Idque demonstrat 1) a minore ad majus argumentandū, quia ne quidem Lex Mosaica ultionem probet Levit. XIX, 17. Exod. XXIII, 4. 5. 2) dictis Christi, Matth. V, 44. seq. ubi tamen fallitur Grotius, quod ex præcepto Christi ne judicem quidem salva conscientia adiri posse existimat, quamvis eandem sententiam foveat TERTULLIANUS *lib. 4. adv. Marcionem*, cujus verba prolixè recensentur. Nam 1) Christus non tollit poenitentiam. 2) ita consistere non posset resp. si impune improbi possent probos vexare. Vexarent autem impune, si his non liceret adire judicem. 3) Ipsum evangelium judicum officium probat. vid. Rom. 13. Ast id frustraneum esset, si haud liceret ab iis auxilium implorare.

n. 5.

Ceterum ex hoc testimonio Tertulliani colligit Grotius 1) Christianis ultionem non fuisse permissam, 2) ne Hebræis quidem semper fuisse permissam. Nam ultionem putat esse duplicem, aliam sumi ex odio erga peccantem, aliam tantum in futurum cavere.

Priorem Hebræis fuisse prohibitam probat 1) ex Levit. XIX, 17. *Non adservabis odium adversus proximum.* 2) Ex testimonio Philonis, qui in legatione ad Cajum, quum Judæi ab Alexandrinis gravissimis essent vexati persecutionibus Imperatorem ita adloquebantur: Non delectamur o Domine

minē ultione de inimico, nam ex sacris legibus didicimus hominum misereri. 4) A minore ad majus, quia ipsi gentiles hujus vindictæ inhumanitatem agnoscebant. Elegans locus Claudiani huc pertinens existat apud Claudianum.

Immo & ultio, quæ in futurum cavet, n. 6.
Christianis fuit prohibita, Hebræis autem, 7.
ut supra diximus, permissa. De Christianis res clara est ex Luc. XVII, 3. ubi jubemur adversariis remittere delicta.

De Hebræis contra aliud patet 1) ex lege talionis, oculus pro oculo, &c. quam tamen Grotius in usu fuisse dubitat. 2) Ex multa privato læso adplicanda, quæ æque apud Hebræos ac alias gentes erat recepta. 3) Ex divortio permessa, ob quodcumque fere delictum saltem gravius.

At quamvis ultionem omnem tam severe inhibuerit evangelium: aliud tamen de pœnis demum concedit Grotius, has enim, prout a magistratu infliguntur, ne Christum quidem sustulisse fateretur. Nam 1) quid clarius est verbis Apostoli: *Magistratus gladium non frustra gerit. Est enim Dei minister, vindex ad puniendum maleficos.* 2) Christus nusquam tollit leges politicas. n. 8.

Sed quum hæc verissima sint, recte inde colligas, magnum esse discrimen inter pœnam & ultionem, quas Grotius semper confudit. Illam enim Christus concessit, hanc prohibuit, illa nihil inhumani continet, hæc inhumana & crudelis est, &c.

- a. 1. Jam objectiones removet Grotius. Sunt enim qui ne poenas quidem permitti in Evangelio existimant, idque inde probant. 1) Quia Dei exemplum sequendum sit etiam magistratibus. Atqui Deus multis ignoscit peccantibus. Solem suum oriri patitur super iustis & iniustis, pluit super pios & impios. Matth. V.

Respondet Grotius, misericordiam Dei tantum spectare ad peccata contra primam legem aut contra legem Moysi admissa ante notitiam Evangelii, non ad ea quæ postea committuntur. Quæ sane doctrina plane singularis est.

Nos potius ita respondemus 1) Deum tamen non semper ignoscere, E. & magistratum non semper ignoscere debere, 2) Deum ignoscere illis, quos prævidet ad frugem redituros, id vero tam facile discernere nequeunt magistratus & iudices, quippe non omniscii.

- a. 2. Obijciunt 2) Deum veniam indulgere poenitentibus. Ergo & magistratus esse id facere. Resp. 1) Deus scit, qui veram agant poenitentiam: id ignorant homines. 2) Deus quidem poenitentibus certo remittit poenam sempiternam, sed non semper temporalem, ceu exemplo Davidis patet. Ergo & magistratus potest poenitentes punire.

- a. 1. Obijciunt 3) solum supplicia capitalia ita excusari non posse, quia spatium poenitentiae præcidatur. Sed resp. Id non præcidi

cidi a piis magistratibus, 1) quia non festinant supplicium irrogando, sed spatium indulgent, ministros ecclesiae ad reum mittunt &c. 2) quia saepe magis serio agunt poenitentiam, qui jam mortem sibi imminere vident, quam quibus spes est vitae longioris, 3) quia si perseverat in contumacia reus, id sibi imputare debet, nec magis ejus rei culpa potest tribui magistratui, quam Deo, quum ne Dei quidem verbum omnes convertat.

Objici 4) posset, poenis & suppliciis opus fuisse inter gentiles, non inter Christianos, quos magis pios esse deceat. Sed resp. Decet quidem Christianos pietas, sed inde non sequitur, ut omnes sint pii. Contrarium docet experientia. Ergo æque opus est poenis, ut tranquilla sit resp.

Postremo tamen Grotius commendat magistratibus Christianis exemplum Sabaconis, Regis Ægyptiorum, qui supplicia capitalia in operas publicas mutaverit.

Et omnino quidem laudabilis est clementia: sed nonnunquam clementia sit crudelitas, si ita parcit gladio imperans, ut inde occasionem arripiant homines delinquendi. Sane si fures sciant, imperantem non laqueo punire, sed ad operas publicas condemnare fures, actum erit de ejus subditis. Fures enim omnes spe vitae saltem servandæ in ejus provincia quæstum facient. Exemplum vidimus in Germania in Episcopo Wirzburgensi, qui religionis causa omnes fures fustigatione tantum & operis publicis plegebatur.

¶ 1. Quæstio quæ jam sequitur facilis est :
An cessante uno ex finibus paullo ante explicatis, ipsa poena cesset?

Adfirmat Taurus philosophus apud Gesium : sed rectius negat Grotius. Requiritur enim, ut omnes fines cessent. Ergo si vel maxime per poenam non emendetur reus, si exemplum in eo statui nequeat, quod aliis admonitionis loco sit : sufficit tamen, si tertius finis super sit, nempe satisfactio, id est, ne simile quid in posterum possit committere.

In vita Friderici Wilhelmi Electoris apud Puffendorffium legimus equitem quemdam Prussum electori insensum ad Polonos se contulisse, & tot calumnias inter Polonos de electore tunc adhuc Polonorum vasallo sparsisse, ut & bellum constari inde facile potuisset. Elector dabat negotium legato suo Wasloviz viventi, ut hominem clam interceptum Regiomontum mitteret. Is illum domum sub spe reconciliationis pellexit, & plaustrum tectum impositum noctu abduci jussit. Homo postea latuit, existimarentque plures eum gladio clam percussum. Fingamus id factum. Hic nec emendationis causa sumtum supplicium, nec exempli causa, (quia nemo vidit) an ideo injuste sumtum est? Neg. Reliquus enim erat tertius finis, nempe satisfactio, vel cautio, ne imposterum simile quid committeret.

Jam sequuntur aliquot consilia conscientiz suppeditata a Grotio.

Primum, non tutum esse homini Christiano privato poenam de improbo sumere, sive suæ sive publicæ utilitatis causa. Rationem supra dedit, quia omnis ultio prohibita a Christo in Evangelio.

Ex quo porro colligit, laudandos esse populos, qui navigantes mandato instruunt persequendi piratas, sic enim fieri, ut eos non privatim sed publice persequantur.

Nos autem jam demonstravimus, non solum minus tutum, sed & plane illicitum, & juri nat. contrarium esse, privatim punire quemquam, nisi quis sit superior: non enim hanc esse poenam, sed ultionem.

§. 15.

Secundum, non tutum esse homini Christiano accusare quemquam capitis, & hinc laudandos populos, qui accusatorem publicum, id est procuratorem generalem constituiebant. Ratio Grotii est, 1) ne quis aliquid faciat ad alienum sanguinem fundendum, nisi publico nomine. 2) Quia concilium Eliberinum accusationes & delationes prohibuit.

Sed in eo minus religiosus videtur Grotius. Nam 1) sanguinem humanum fundere in se non injustum est, sed sanguinem humanum fundere injuste. Alias nec Procurator generalis salva conscientia posset quidquam facere ad sanguinem fundendum. 2) Non sequitur, quia poenam privatus intelligere non potest, E. nec accusare potest. Poena enim requirit causæ cognitionem, quæ non est privati par, sed superioris. Accusatio autem integram causæ cognitionem

nem relinquit iudici, nec cuiquam nocet, nisi crimen verum esse probetur. 3) Aut ergo accusare in se malum & injustum est, aut non est. Si prius, nec procurator accusare poterit. Sin posterius, & privatus salva conscientia accusabit. Hinc 4) nec in Hebræorum rep. divinitus instituta accusationes privatæ exsulabant, ceu jam ab aliis ostensum est. 5) Concilia non sunt norma fidei & morum, & multa continent, a sanæ rationis principiis aliena. Qua de re diximus ad Proœm. §. 5 r.

§. 16.

Non tutum esse, ambire munera publica; quæ ad sanguinem fundendum comparata sunt. Nimirum 1) quia Grotius existimat. sanguinem humanum fundere periculosum esse, 2) quia Christus Matth. VII, 1. minatur eodem modo Deum judicaturum de nobis, quo nos iudicemus de aliis.

Sed, 1) si periculosum est, sanguinem humanum fundere, non sequitur, ut nemo huiusmodi munus ambire debeat, sed ut cauti esse debeant iudices de causa cognoscenda. 2) Sic & comminatio Christi nobis debet incitamento esse, ne injuste iudicemus, non autem ut abhorreamus a munere iudicis. 3) Aut in se malum est, de capite iudicare aut non est. Si prius, nec iussu reip. quis de capite iudicare poterit: sin posterius, etiam ambire quis poterit munus huiusmodi, si se illi videat idoneum.

§. 17.

n. 1.

Quærit demum Grotius: utrum leges, quæ

quæ privatis faciunt facultatem interficiendi, vere interficientem excusent, an tantum tribuant impunitatem in foro humano? Exempla varia sunt, e. g. occidere licet furem nocturnum, marito adulterum domi suæ deprehensum, patri adulterum cum filia vel in genere vel in suis ædibus deprehensum.

Distinguit Grotius, utrum lex hujusmodi quid indulgeat ob solum dolorem, vel ultionis causa, an ob periculum imminens. Si prius: tunc posse omnino dici impunitatem tantum dare legem, non autem ideo excusabilem esse hominem in foro conscientię.

Sin autem ob periculum imminens id fiat, omnino & in divino & in humano foro esse excusabilem, qui jure sibi concessio usus sit. Id quod etiam de bannitis dicendum. E. g. In Germania imperator status immorigeros declarat in bannum Imperii, (in die Acht ende Oper-Acht) ejus formula est: Vita corpus & fortuna ejus unicuique pateant. Hic si quis bannitum occiderit, omnino & in foro conscientię & inter homines excusatus est.

Et ita recte sentit Grotius: Nam 1) jam supra diximus evangelium non probare ultionem. Hinc quamvis illa indulgeat lex, non plus tamen potest illa promittere, quam impunitatem.

2) Et jus nat. & evangelium concedit, ut adversus hostes & pericula nos defendamus, quia utrumque jubet ut nos amemus æque ac proximum. Ergo omnino

Cc 5 excu-

excusatur, qui furem, aggressorem, hostem, malit occidere, quam ab eo occidi.

3) Banniti sunt condemnati causa cognita. Eos salva conscientia occideret carnis ex jussu imperantis. E. & idem Imperans civibus promiscue indulgere potest jus occidendi bannitos.

§. 18.

Hactenus prima pars capituli, de poenarum natura. Jam sequitur altera: an omnes & quanam actus vitiosi puniendi sint in republica?

Hic recte negat Grotius, omnia delicta in statu civili esse poenae obnoxia. Poena enim non infligitur, ut satisfiat justitiae divinae. Nam ipse satisfactionem exigit Deus. fururo die judicii, sed emendationis, satisfactionis. privatae & exempli causa. At non omnes actus vitiosi turbant remp. vel salutem publicam repugnant. Ergo nec omnes puniendi.

Inde ergo sequitur, ut poena exempti sint I. actus mere interni, si in externos non erumpant, e. g. ambitio, odium, ira, invidia. Nam 1) interna soli Deo cognita, 2) ea nihil pertinent ad remp. quae salva est, modo improbitas non in actum erumpat.

Notanda tamen limitatio, quod si semel internum vitium in actum externum erumpit, tunc & motus vel actus internus in estimationem veniat, e. g. si quis occidit dolo, magis punitur, quam si homicidium sit culposum.

§. 19.

II. Poena eximuntur actus inevitabiles
natu-

naturæ humanæ, quo pertinent vitia ex temperamento hominis resultantia, e.g. voluptas, ambitio, avaritia. 1) Quamvis enim hæc vitia esse, nemo neget, sunt tamen vitia, quibus ita patet natura humana, ut is humanum genus e medio tollere debeat, qui vellet omnino hæc vitia tollere. 2) Hæc vitia in se non turbant remp. Simulac vero turbant, omnino possunt puniri.

Quod autem Grotius dubitat, an hujusmodi vitia naturæ humanæ tam propria possint peccata dici, id omnes merito mirantur. Dicit quidem, peccatum esse; quod libera & spontanea voluntate committitur: hujusmodi autem vitia non esse spontanea, nec ex libera voluntate proficisci. Sed resp. negari definitionem. Peccatum definiente Apostolo est *avopia*. aberratio a lege. Quis vero negaverit, hæc vitia a lege aberrare? 2) libertas voluntatis eatenus salva est, quod possent homines hæc vitia deponere & emendari, modo oblati gratiæ medii uti vellent. Id dum non faciunt libere & sponte, in vitiis perseverant.

n. 2.

§. 20.

III. Poena exempta sunt peccata, quæ non nocent societati humanæ vel reipubl. Sic e. g. grave vitium est invidia: quia tamen invidus plus sibi quam societati humanæ detrimenti infert, hinc omnino non puniatur inter homines.

n. 1.

Ratio est 1) quia hic finis poenarum cessaret, 2) quia Deus & sapientissimus, & iustissimus & potentissimus est, ad hæc vitia punienda.

Cc 6 IV. Et-

IV. Etiam actus imperfectæ obligationis non pœnam admittunt. e. g. misericordia erga pauperes. Nam 1) hæc obligatio non producit actionem in foro, ut sæpe diximus, ergo nec pœnam admittit. 2) Hi actus proficiſcuntur ex honesto, ex decoro, id est ex virtute. Ad virtutem autem cogi nemo potest.

2. 2. Unde facile deciditur quæſtio: an detur actio ingrati? Disputat de ea *singulari dissertatione* BOECLERUS, & ex veteribus SENECA, L. 3. de benef. c. 7. Sed gratitudo manifesto est officium imperfectum, quod ex honestate, non ex iusto nascitur. Ergo inde nec pœna datur nec actio, per num. 1. hujus §.

Dividi tamen potest in simplicem & prægnantem. Simplex est, quando benefactori quis non benefacit: prægnans quando eidem ægre facit. Prior non producit pœnam: posterior omnino pœnam non quidem producit, sed augeat, quia quum nemini inferenda sit injuria, multo gravio-rem pœnam meretur, qui injuriam facit benefactori suo, & beneficia maleficiis remunerat.

§. 21.

Quum ergo non omnia delicta pœnam mereri hæcenus demonstratum sit: quæritur porro, an & in iis delictis, quibus pœna constituta, veniæ locus sit, eamque aliquando indulgere possit summus imperans?

Negant Stoici, quorum paradoxum est, sapientem nemini ejus noscere, nemini dare veniam, de quo prolixè LIPSIUS
in

in *Philos. Stoica*. Nimirum ita ratiocinatur. Venia est debita poenae remissio, saepius, quod debet, non remittit. Sed recte observat Grotius poenam debere principem, sed delinquentem: si vero debitori remittitur, quod debet, nulla ipsi fit injuria.

Possit quis urgere, aut & sapientem principem poenam debere infligere, adeoque & ex ejus parte adesse obligationem, a qua recedere non possit. Resp. non obligari principem nisi ex lege poenali: legem poenalem a principe dependere certum est. E. & eandem tollere, multamque magis contra illam aliquando veniam dare potest.

§. 22.

Id jam porro probat Grotius, & quidem licere principi veniam dare tam ante legem poenalem latam, tam post illam.

I. Ante legem quidem certum est delinquentem puniri posse, si delictum novum adversus remp. admittat, quia 1) sic locus est finibus poenarum, nempe satisfactioni & exemplo. 2) quia naturaliter, qui deliquit (contra remp.) in eo statu est, ut puniri possit. Unde & Romani, cum Malleus Glaucia primum admisisset parricidium, nec ulla adhuc lex poenalis de parricidio extaret, eum poena acerbiori adtulerunt.

Sed quemadmodum ante legem poenalem delictum puniri potest, ita & certis concurrentibus circumstantiis poena potest remitti. e. g. 1) si delictum si paucissimis cognitum, nec interfu it. illud palam

palam fieri. 2) si plura existent delinquentis merita, quam ut leve delictum & fraudi esse debeat; 3) si jam sequuta sit satisfactio, 4) magnum immineat societati periculum ex poena. Sic Deus ipsi Caino peperit, quum nondum lata esset lex de occidendo homicida, tantum ne Habel & Caino extinctis amplificatio humani generis impediretur.

- n. 2. Accedit quod clementia non minus laude digna, quam justitia. Clementia enim ex charitate emanat, & jure stricto statutum est adversus improbos. Quod ergo in contractibus, testamentis &c. est æquitas, id in poenis est clementia. Utraque respicit ad circumstantias, iisque aliquando permovetur, ut ignoscat.

§. 23.

Id quum ne Stoici quidem negare queant; tamen concedere non audent, sapientem ignoscere, sed eum tantum parcere dicunt. Sed quid quæso est parcere delinquenti, quam ignoscere? Habemus itaque hic exemplum, quo probatur, quod jam dudum Stoicis vitio verterunt veteres, nempe eorum controversias magis in vocabulis hære, quam in rebus ipsis, adeoque non nisi *λογωμαχίας* esse.

§. 24.

1. Sed quid lata jam lege poenali? an & tunc veniæ locus est? Resp. omnino, & quidem 1) ex illo principio: Nemo sibi ipsi potest legem dicere, quia nemo est sui ipsius superior. Ergo & princeps subditis quidem leges fert, non autem

autem sibi, adeoque & a lege sua impune & licite recedit.

Rem paullulum mitigat Grotius. Nam dicit, principem considerari posse, vel ut partem civitatis, vel ut repræsentantem totum civitatis corpus. Priore sensu illum legibus obligari, posteriori minime. Sed non opus est ea distinctione. Princeps qua pars civitatis non legibus obligatur: (cives enim ei leges præscribere nequeunt) sed pactis. Unde tenetur quidem legibus fundamentalibus, sed ea nihil aliud sunt, quam pacta. Qua civitatem repræsentans est auctor legis. Lex vero non auctori præscribitur, sed subditis. Ergo & hos solos obligat.

1) Idem inde probatur, quod legislator n. 2. 2. totam legem tollere potest. Jam si totam legis obligationem tollere potest, potest & eam pro parte tollere, id est adversus legem ignoscere. Hinc plane politice Augustinus: Imperatori licet revocare sententiam, & reum mortis absolvere, & ipsi ignoscere, quia non est subiectus legibus, quia habet in potestate leges ferre.

Sed tamen, facile largimur Grotio, id non temere, nec sine justa ratione fieri debere. Ratio est, 1) quia, uti legem sine justa & idonea ratione non fert legislator, ita nec ab eadem sine justa & idonea ratione discedere potest. 2) Quia sic vilesceret lex, & 3) multi alii, ipse impunitatis peccarent.

§. 25.

Sed quænam sunt justæ causæ ignoscendæ

scendi? Grotius ea dividit in *intrinsecas* & *extrinsecas*.

Intrinsecæ dicuntur, quæ ex ipso delicto resultant: *extrinsecæ*, quæ ex aliis circumstantiis extra hoc factum emergunt.

Intrinseca causa est, cum si non injusta, tamen dura est poena ad factum comparata; adeoque hæc causa non differt ab æquitate, é. g. si Manlius filium supplicio capitali addicit, quod castris injussu patris egressus esset.

§. 26.

Extrinsecæ causæ plures sunt, 1) *merita delinquentis*, & 2) *spes futurorum meritorum*. Sic *David* veniam concessit *Joabo*, homicidæ, quia unus sæpe ejus rem restituerat, & spes in eo maxima erat, tanquam in viro fortissimo & belli perito. Addit *Grotius* 3) *ignorantiam*, sed ea potius causa *intrinseca* est. Hinc facilius ignoscit princeps adolescenti, quam seni. *Melior* jure addimus 4) *multitudinem peccantium*, & periculum inde ad rem. redundaturum. Sic ignotum in *Germanico bello* rusticis plerisque, qui arma adversus principes corripuerant: quis enim agros coluisset? Sic *Agésilæus* ignovit parti exercitus ad hostes deficere volenti. 5) Si delictum quidem in se sit detestabile, sed causa tamen delinquendi saltem probabilis. Ita rusticis illis rebellibus & id utilitati fuit, quod a nobilibus & clericis fuissent immani tyrannide oppressi, & ad desperationem adacti.

§. 27.

Ferd. Vasquius, *JCrus* doctissimus statuit,

tuit, eam causam sufficere ad indulgentiam veniam, de qua legislator consultus dicat, sibi eum casum in mente non fuisse, quum legem ferret. Quæritur itaque, an recte ira sentiat?

Negat Grotius, & quidem recte. Nam Vasquius manifesto confundit jus dispensandi & æquitatem, inter quæ maxima est differentia. Nam 1) jus dispensandi pertinet ad legis applicationem, æquitas ad ejusdem interpretationem. 2) Dispensatio est voluntaria, est enim in arbitrio legislatoris, an dispensare velit nec ne. Æquitas est necessaria, & hinc illa denegari nemini potest. 3) Dispensare est principis vel LLtoris solius. Æquitatem & judex observare tenetur. 4) Illa non trahitur ad omnes similes casus: hæc ad omnes omnino pertinet.

§. 18.

Sequitur jam III. pars capituli, quæ discutit de æstimatione poenarum. Ea autem duplici nititur fundamento 1) merito, ob quod poena infligitur. Nam prout illud majus minusve est, eatenus & poena intenditur vel remittitur, e. g. parricida plus poenæ subit, quam homicida. Homicida acius punitur, quam qui aliam injuriam realem intulit. Hic major poena dignus, quam qui verbalem injuriam intulit, &c.

Ex quo sequitur axioma: Neminem ultra meritum plectendum, adeoque omnino peccaret imperans, qui simplici homicidæ infligeret poenam parricidii, ulneranti poenam

pœnam homicidii, convicianti pœnam vulnerantis.

Alterum fundamentum est 1) utilitas, cuius causa pœna infligitur, prout illa major minorve est, eatenus ut pœnæ acriores esse solent, quamvis in se delictum non sit horrendum. e. g. Desertor laqueo punitur, quum desertio non sit tantum delictum, ac furtum; homicidium, sed quia tamen est frequentius inter milites, & reip. inde maximum immineret periculum, si impune posset milites a signis diffugere: hinc omnino utilitas reip. postulat, ut majore supplicio adficiantur desertores. Jam de merito agemus.

§. 29.

2. 1. Meritum est quantitas moralis facti, cui pœna proposita est. Jam factum non est substantia physica, quæ proprie admittit quantitatem: sed tamen quum factum non possit concipi sine circumstantiis, eæ efficiunt, ut illud modo magis, modo minus vitiosum videatur. Imprimis autem ad tres respici solet circumstantias.

- 1) ad causas, quæ impulerant delinquentem. §. 29.
- 2) ad causas, quæ eundem retrahere debuissent. §. 30.
- 3) ad personam ipsam, quæ deliquit. §. 31.

Inter causas impellentes maxime detestanda est 1) DOLUS, sua proærcis, malitia maxima. Unde & hic semper pœnam auget aut minuit, prout ipse major aut minor est. Hinc proxima causa sunt. AFFECTUS, qui aliquando parum a dolo differunt & hinc pœnam augent, aliquando excu-

excusant, vel saltem pœnam minuunt. Unde distinctè procedendum.

Nimirum affectus sunt vel læti vel tristes. Illi oriuntur ex repræsentatione boni, & consistunt in appetitu, ut læticia, spes, hi ex repræsentatione mali, & consistunt in aversatione; ut ira, metus, tristitia.

Tristes affectus plerumque pœnam minuunt, modo justa causa fuerit hunc effectum concipiendi. Sic si quis mortis, carceris, doloris, vitandi causa injuste quid fecerit, præcul dubio excusabilior erit, quam is qui ex proæressi, nulla urgente causa peccavit.

Illustrat id quibusdam locis Demosthenis, Polybii, Aristotelis & Porphyrii. Nobis autem sufficiet Aristoteles, quia simul traditionem hujus juris tradit. Nimirum quo magis actio est voluntaria, eo magis imputatur. At magis voluntaria est actio, quæ nulla urgente causa suscipitur, quam quæ urgente ira, metu, dolore admittitur, quia hoc casu homo sui minus compos est, quam priore. Ergo omnino etiam prior magis imputatur, quam posterior.

Hæc de affectibus trilibus. Jam sequuntur læti, qui pœnam semper augent, quia hujusmodi actio semper est voluntaria, immo eo magis voluntaria, quo majorem voluptatem mens ex hac actione percipit.

Diximus autem affectus lætos oriri ex repræsentatione boni, non veri quidem, sed adparentis. Jam vero bona adparentia nobis blandiuntur vel sub specie honesti, vel sub specie utilis, vel sub specie jucundi.

Si

Si sub specie honesti, tunc nascitur ambitio; si sub specie utilis, avaritia, si sub specie jucundi, voluptas, quos tres appetitus primarios conjungi videmus 1. Jo. II. 16. Hinc si quis e.g. ex mera voluptate & lascivia alteri fecerit injuriam, vel ex ambitione & lucri cupiditate, omnino poena eo majore dignus est, quo facilius laetis his affectibus resistere potuisset.

§. 30.

n. 1. Deinde II. respiciendum ad causas, quæ retrahere debuissent, tales sunt

1) Injustitia, cujus tanta est turpitudine, & tam abhorrens a societate humana naturæ, ut omnino vel ipsum nomen unumquemque a delictis absterre debet. Unde axioma: Quo major est injustitia, eo majorem meretur poenam.

Major autem injustitia æstimatur 1) ex damno inde emergente, an reip. universæ, an pluribus, an paucis vel uni, an magis minusve nocitum? 2) Ex perfectione delicti, an consummatum fuerit nec ne? 3) Ex objecto, in quo damnum datum, veluti an vitæ, an familiæ, an rebus nostris nocitum.

n. 2. Id quod illustrat Grotius doctrina decalogi, ubi putat, gradatim a vitiis gravioribus descendendi ad leviora. Sic incipit Deus a delictis adversus se commissis, præceptis quatuor primis, deinde in quinto præcepto pergit ad superiores, parentes, magistratus, in sexto ad vitam hominis, in septimo ad familiam, id est matrimonium, in octavo & nono ad res hominis, postremo

mo præcepto sequuntur delicta inconsummata, concupiscentia.

II. Causa contrahens esse deberet PIETAS, qua hic intelligimus naturalem obligationem iis debitam, a quibus dependemus, vel qui a nobis dependent. e. g. officia erga parentes, liberos, conjugum inter se. Quo major ergo est impietas delinquentis; eo graviores pœnam meretur. Sic omnino gravius punitur, qui patrem, matrem, filium, quam qui alium hominem occidit. n. 3.

III. Accedit tertia causa diuturna indulgentia. Ea deberet delinquentibus incitamento esse ad pœnitentiam. Unde ipse Deus tam diu connivet, ut homines ad resipiscentiam impellat. Quod si ergo homines id nolint, sed contumaciter delinquendo pergant, tunc pœnam duplo majorem merentur, partim ob nova, partim ob superiora delicta. Sic e. g. veteranus latro gravius plectitur, quam qui semel latrocinando infelicitè artem fecit.

Quæri hic solet, an & vita anterior emendata ad pœnam imminuendam faciat? Rectè Grocius monet distinguendum, 1) an totum vitæ genus immutatum sit & homo non gradu, sed præcipiti cursu a virtute desciverit, & ad vitia transcurrerit. Tunc nihil ipsi prodesse potest vita antea facta: immo tanto excusabilior est, ut ipse Deus inculcat Ezech. XVIII, 24, an 2) a virtute non desciverit, sed tamen ex infirmitate & consternatione animi deliquerit? Tunc omnino ad pœnam mitigandam hæc circumstantia prodest. n. 4.

B. 1. Postremo III. respiciendum, ad personam peccantem: quæ eo magis vel minus punienda, quo magis minusve apta fuit ad causas averteutes considerandas. Hinc Grotius respiciendum esse monet

1) Ad temperamentum corporis. Sic æ. g. Melancholicus facilius evitabit adulteria quam sanguineus. Sed ad hoc vix respicitur in praxi, quia 1) raro iudices id accurate discernere possunt, & 2) nullum temperamentum est tam pravum, quin virtute superari emendarique possit.

2) Ad ætatem: hinc adolescentes excusabiliores sunt, quam senes, quia hi facilius considerant rem, quam adolescens æstu juvenili abreptus.

3) Ad sexum, quia femina minus censetur prudens ac masculus.

4) Ad educationem: nam ea neglecta homines facile obbrutescunt. Sed & in his omnibus parum momenti est, si malitia ætatem suppleat, si femina ultra sexum sapiat, si delictum ita sit comparatum, ut & male educatus, modo homo sit, satis scire possit, id esse prohibitum.

B. 2. Et hic 5) ad affectus tristes ejusque causas respiciendum. Nam 1) affectus sunt admodum naturales, 2) illos coarctantur ex representatione maxime repentina mali, adeoque prius homo accenditur, quam accendi se animadvertat. 3) Semel inflammatus nescit fere, quid agat, & 4) raro tunc rationis tantum superest, ut imperare affectui possit. Hinc c. g. si juvenis alioquin probus

voluptate excesserit, facile poena minuetur.

Cessat tamen hæc causa, si ætas affectus suppressisse debebat. Hinc ridiculi sunt senum amores, & hinc eo magis puniendi, ridicula est juvenum avaritia, quam facile vincere possent.

S. 32.

Quæstio jam porro oritur, an poena n. 1.
semper debeat delicto esse proportionata? Id est an plus puniri possit, quam damnum dedit peccans? e. g. fur simplum abstulit, jure Romano in duplum vel quadruplum condemnatur, apud nos rem aufert, & ideo amittit rem, famam, immo & vitam; an hoc iniquum? Id recte negat Grotius. Nam

1) Ipse Deus, legislator perfectissimus, furtum quadruplo & quintuplo punivit in lege Mosaica.

2) Non punitur tantum damnum datum, sed & reatus, id est animus & consilium peccandi.

3) Omnes gentes hujusmodi poenas probarunt, adeoque ex hypothese Grotii inde colligi potest, esse juris gentium. De Romanis & Hebræis jam vidimus. Apud Græcos lege Attica fur ultra dupli condemnationem etiam per dies aliquot vincus habebatur.

Sic & Indi ultra talionem vulnerantem n. 2.
vel mutilantem manu truncabant. Alia exempla passim prostant. Nos jam observamus

1) Huic juri etiam locum esse in delictis non consummatis, si magnus sit dolor.

Exem-

Exempla sunt Deut. XIX, 19. XXII, 19.
Exod. XXII, 9.

2) Cessare hanc observationem, si supplicium sit capitale. Nam ultra mortem plus poenae exigi nequit. Hinc homicidæ qui vitam eripuit, vita eripitur, nihilque poenae ultra irrogatur.

3) Posse tamen & hic locum habere augmentum supplicii ratione qualitatis, si insignis dolus accesserit, vel crudelitas & malitia horrenda. Hinc inventa supplicia dirissima, dissectio in 4. partes, ustulatio candentibus forcipibus facta, contusio, vel crucifragium, &c.

§. 33.

Sed jam contrariam sententiam refellit Auctor, qua statuit, semper proportionem accurate servandam inter delictum & poenam, & quidem harmonicam, uti vocat Jo. BODINUS *de rep. lib. 6. c. ult.* Idque probant inde, 1) quia multa non eadem irrogatur diviti & pauperi, 2) quia ubi ignominia adficitur vir honoratus, sæpe in vili persona ad poenam corporis adstrictam pervenitur.

Sed resp. hic non respicitur ad proportionem inter delictum & poenam, sed ad proportionem inter poenam & vires personae puniendæ. Nam poena debet esse malum passionis. Passio non omnium eadem ex eadem re. Ergo facile quidem concedimus Bodino, observandam esse proportionem inter poenam & personam puniendam, sed nos hic loquimur de proportionem inter poenam & delictum.

§. 34.

§. 34.

Quæritur etiam, an non charitas suadeat pœnam remittere delinquenti? Sed id merito negatur. Nam 1) charitas sine iustitia injusta est, 2) charitas major vincere debet minorem. Atqui reip. & humano generi hanc charitatem debemus, ut. curæ nobis sit ejus securitas, quæ sine pœnis nulla foret. 3) Sæpe charitas delinquenti hoc modo exhibita ipsi potius damno quam utilitati foret. Eo pertinet historia Francisci I. Reg. Gall. qui quum comiti bis pœnam homicidii remisisset, & jam tertium in idem delictum prolapsus capitis damnasset, reus dicebat, se supplicium tantum subire ob primum homicidium, ob duo reliqua supplicium jure ferre regem, qui si primum se capitis damnasset, reliqua illa delicta committi non potuisset.

§. 35.

Quæritur porro, an ob facilitatem peccandi pœna possit augeri? Resp. omnino. 1) Finis enim pœnarum est non modo emendatio & satisfactio, sed & exemplum ut alii deterreantur a delicto. Atqui eo magis deterrendi sunt homines, quo facilius possent delictum committere. 2) Ipse Deus hoc observavit in lege Hebræa Exod. XXII, 1. §. Hinc gravissime punitur furtum equorum, armentorum, aratri, &c.

§. 36.

Proxima quæstio est, an ex clementia pœnæ possint imminui? Et id nemo negaverit. Quum enim ex clementia pœna
Hein. de Jure Belli, &c. Dd pla-

n. r. 2.

plane tolli queant, ut supra demonstratum, quidni & imminui?

Immo hoc facilius licet, quum prius non nisi ob causas urgentissimas fieri posse dixerimus. Nam interest reip. ut delicta puniantur, & hinc non modo facilis esse potest Princeps ad poenas plane remittendas. Sed non interest reip. ut poenæ cum maximo dolore delinquentium, conjunctæ sint. Quid enim utilitatis inde perveniet ad remp. si capitis damnatus non nisi tarde & inter mille cruciatus moriatur?

Hinc omnes laudant hanc clementiam, quæ in poenarum mitigatione consistit. Meditatur magnus Germaniæ Jctus, Jo. PARRUS a LUDWIG, Consiliarius Regis Intimus & Cancellarius Academ. Hallens. tractatum de *truculentia jurisprudentia criminalis*: Ubi ostendet, magis judices plerisque excessu, quam defectu, peccare.

§. 37.

Obsignat hanc tertiam partem Grotius variis observationibus, quas Hebraei & Romani inculcant: Sed addit, omnes has observationes se jam ad loca sua retulisse. Adeoque non opus est, ut his diutius immoremur.

§. 38.

Progredimur potius ad partem IV. & ultimam, ubi agitur de bello poenæ causa suscepto. Existimat enim Grotius, gentem adversus gentem posse bellum suscipere, poenæ causa, si quod delictum paullo gravius admisisset. Sic e.g. notum est, Gallos Proteſtantes crudeliter vexasse, & expulſiſſe patriâ.

tria. Si quæstio oboriretur, an ideo reliqui Protestantes potuerint salvo jure bellum indicere Gallis, Grotius ex principiis suis respondisset, posse. Videbimus ergo rationes.

1) Quia historix passim doceant, bella pœnæ causa suscepta. Sed resp. historix docent, quod factum sit, non quod fieri debuerit.

2) Quia delicta gentium plerumque cum damno conjuncta sint vicinorum. Resp. tunc potest bellum geri ad damnum reparandum non in pœnam. Ergo tunc est fallacia non causæ ut causæ.

Addit tamen Grotius cautionem, non esse bellum gerendum ob quælibet, etiam minima delicta, sed ob gravissima tantum.

Nos autem existimamus cum recentioribus omnibus, bella plane suscipi non posse pœnæ causa. Nam 1) ut supra demonstravimus, pœna semper infligitur a superiore, gens autem ratione gentis non est superior. 2) Pugnat hoc principium Grotii cum saniore politica. Omnis resp. est independens (souverain) ergo est *autodidivot*, id est, nemini tenetur factorum suorum rationes reddere, nisi quatenus alterius interfit. Atqui si possent externæ resp. pœnam repetere ob quodcumque gravius delictum, tunc non esset resp. *autodidivot*, adeoque nec independens, id quod absurdum. Præclare hæc argumenta exposuit & firmavit clar. BUDDÆUS in *Analektis J. N. & G.* dissertatione de expeditionibus cruciatis, quæ huc omnino conferenda.

Hinc facile patet, quid de quæstionibus

reliquis omnibus sentiendum sit, quas Grotius movet? Omnes sunt frustraneæ. Eas tamen paucis expendemus.

§. 39.

n. 1. Quærit I. An & ob delictum inchoatum, nec adhuc consummatum possit bellum suscipi? Nos sine ambagibus respondemus, non posse, quum ne quidem ob consummatum delictum licitum sit bellum.

Ast Grotius hoc aliquando concedit 1) voluntas modo ad externos actus processerit, possit puniri, e. g. si homicidium quis decrevit, & sclopetum explosit, nec tamen effectus sequutus est 2) Quia leges & consilia peccandi vindicant, 3) quia Romani Perseo bellum inferre decreverint, quia bellum pararet adversus Romanos.

Sed hæc nihili sunt. Nam 1) voluntas si ad actus externos processerit, punitur, sed a superiore, non ab æquali, 2) leges consilia vindicant, scilicet civiles, quæ gentes non obligant. 3) Romani bellum inferbant Perseo non in pœnam, sed defensionis causa. Quis enim primum expectaret ictum, si videat, alterum in eo esse, ut nobis ictum infligat.

n. 2. 3. 4. Concedit tamen Grotius non nisi graviora delicta inchoata locum pœnæ facere, 1) quia in rep. ne omnia quidem consummata delicta puniantur, 2) quia lex Hebræa non nisi graviora delicta consummata puniat. Unde n. 4. concludit, non punienda esse delicta inchoata, nisi sint graviora, & jam eo processum, ut malum proxime immineat.

Sed

Sed quid opus erit cautione hac, ubi nondum demonstratum est, bellum pœnæ causa posse suscipi?

§. 40.

Quærit 2) an bellum geri tantum possit ob delicta adversus rep. vel subditos nostros commissa, an ob alia quæcumque crimina? e. g. subditos proprios ob religionem persequendo, quod fecit Ludovicus XIV. Rex Galliarum.

Grotius utrumque concedit, & quidem ob has rationes plane fuitiles, 1) quod imperantibus jus puniendi datum sit, non qua imperant, sed qua nemini parent. 2) Quod honestius sit aliorum, quam suas vindicare injurias.

Sed resp. 1) arg. falsum esse. A nemine enim imperantibus data est facultas puniendi, quam a rep. cui præsumunt, & quæ voluntatem suam in omnibus submitit imperanti. Ergo puniunt, quatenus imperant, nec aliis pœnam infligere possunt, quam qui suam voluntatem voluntati eorum submitserunt.

2) Honestius est aliorum, quam suas vindicare injurias modo legitimo. Bellum autem pœnæ causa susceptum modum legitimum esse, nondum demonstratum.

Ergo fatemur ob delicta adversus rep. vel subditos nostros admissa bella geri posse: Sed tunc non geruntur pœnæ, verum potius luendi juris nostri causa. Negamus autem suscipi posse bellum ob alia delicta quæcumque.

Nec majoris momenti est arg. 3. quod n. 21

Dd 3 ab

Ab omnibus vetustis scriptoribus laudetur Hercules, qui orbem armis victricibus peragravit, ut eum a tyrannis liberaret, Antio, Basilde, Diomede & similibus.

Resp. 1) factum ipsum est fabula. 2) Si verum illud ponamus, multa laudant veteres, quæ laudem non merentur, Quis veterum non laudavit factum Ulyssis Trojam contra fidem datam equo ligneo occupantis? Et tamen hæc inexcusabilis est perfidia. 3) Hercules non fuit Rex, non imperans, sed privatus, adeoque ne bellandi quidem jus habuit. Ergo ejus bella non magis laudanda, quam latronum, etsi per accidens etiam tyrannos aliquot oppresserit.

n. 1. 4) Per species quasdam thesin suam illustrat Grotius, & ostendit recte bellum suscipi adversus eos, qui in parentes injusti sunt, in antropophagos, in piratas, etiam si nos non oppugnent. Hos enim esse belluis similes, idque illustrat testimonius Aristotelis & Isocratis.

Sed resp. 1) Impietas in parentes delictum est, sed quod exteram remp. non magis tangit, quam adulteria aliaque delicta in aliena rep. admissa. Non possunt nobis hujusmodi homines vitio vertere, si ab eorum communione & societate abhorreamus. Sed ideo non possumus nobis jus puniendi sumere in aliena rep. 2) antropophagia est inhumanum quid, sed recte distinguit Pufendorf: num cadavera devorent, an hospites ad se adventantes. Si prius, nostra resp. inde non magis læditur, quam si devorent serpentes. De gestibus non est disputandum.

Sin

Sin hospites ad se profectos devorant, tunc bello illos persequimur oblationem, dum violarunt securitatem publicam. 3) Piratæ non sunt societates liberæ, adeoque nec adversus illos proprie bellum geritur, sed quærentur ad supplicium, tanquam delinquentes privati, & quidem tales, qui vagi & fugitivi sunt; adeoque ab unaquaque rep. rapi possunt ad supplicium.

Denique 5) & doctrinam Innocentii PP. ^{n. 4.} probat, qui putat bello in poenam peti posse, qui in naturam delinquant c. quod super his X. de vor.

Sed 1) nonnulli Canonistæ & Pontificii Scriptores, ut Victoria, Vasquius, Azorius, Molina contrariam opinionem tenent.

2) Inde sequitur id absurdum, ut ob omnia delicta decalogo vetita possit bellum suscipi, quia omnia illa contra naturam sunt. Sic e. g. semper contra quosdam populos licebit bellum gerere, quia in eo Regno libidines nefandæ admodum sunt frequentes, semper iustum erit bellum contra alios, quia homicidia, & furta sunt frequentissima, & fere impune committuntur.

§. 41.

Jam cautiones quasdam subnectit Grotius, circa hujusmodi bella observandas. I. ne mores sumantur pro jure nat. adeoque non statim pro delictis contra naturam admittis accipiantur, quæ tantum moribus plurimarum gentium repugnant. Hinc absurdum esset, bellum indici Tartaris, quod carne cruda vescantur, Indis, quod comburant cadavera &c. Cautio vera est,

sed frustranea, quia ne ob vera quidem delicta licitum esse bellum agnoscimus, nisi nos istis delictis sumus laesi.

§. 42.

II. Ne pro delictis habeamus, quæ magis sunt contra jus positivum divinum, quam contra naturale. Immo nec ea, de quibus adhuc lis est, an sint juri nat. contraria. Hinc absurdum esse fatetur, si quis Januensis bellum inferat ob scenebre malum, quod in ea rep. grassatur, Turcis ob polygamiam, &c.

Sed hæc quoque cautela frustranea, quia nec justum esset bellum, si delicta hæc juri nat. contraria esse concederentur.

§. 43.

III. In ipso jure nat. discernenda esse manifesta & non manifestis. Nam

1) Aliqua ipsa sua natura sunt difficultoris indaginis, e. g. 1) quæ ex honesto fluunt & decoro, quia supponenda hic principia physica & moralia, 2) quæ ad officia hypothetica pertinent, quia hic supponenda principia politica de natura dominii, pretii, reipublicæ.

n. 2. 3. 2) Alia juris nat. officia difficultia sunt certis personis ob ruditatem, educationis defectus, e. g. barbaris.

Cum his mitius agendum putat Grotius, ita ut non statim ob neglecta officia J. N. minus manifesta homines rudes & barbari bello opprimi possint. Sed denuo cautela superflua, quia Grotius non probavit, vel

ob

ob manifestissima debita bellum jure suscipi posse.

§. 44.

Redit ad quæstiones, quarum 3) est, an & ob delicta adversus Deum admitta, bello locus sit? Hic Covarruvias negativam recte defendit. Et Grotius contra primo refutare conatur Covarruviz argumenta. Deinde & suam sententiam proponere nititur.

1) Covarruvias dixerat, punitivam potestatem non esse sine jurisdictione. Sed resp. Grotius, hanc se sententiam jam antea rejecisse. Nos replicamus, rejecisse Grotium hanc sententiam, sed injuria, uti per totum caput demonstravimus.

2) Dixerat Covarruvias Principem tantum *ἐπίσκοπον* accepisse in subditorum actiones, non in extraneorum. Resp. Grotius, id falsum esse. Quemadmodum enim Episcopi omnes universalis Ecclesie curam susceperint, ita & principibus singulis generalem pro humana societate curam incumbere. Nos replicamus. Aut concedit ergo Grotius, singulos Episcopos in universalem Ecclesiam habere potestatem directivam & punitivam, tunc habebimus plus, quam papatum: aut dicit Episcopis tantum jurandi Ecclesie universalis salutem non directivam & punitivam potestatem competere. Et tunc simile quid etiam concedere debet de principibus, quod cura ipsis incumbat pro societate humana, sed non tamen ideo polleant potestate privativa extra temp. suam.

Dd 1

3) Dix.

n. 2.

3) Dix. Covarruvias, Deum sufficere vindicandis, quæ adversus se commissa sint. Resp. Grotius. Sufficere Deum etiam vindicandis injuriis adversus homines commissis. Et tamen neminem negare, has injurias esse puniendas. Nos replicamus. Distingueudos esse hos casus. Injuria hominibus illata non soli vindictæ divinæ relinqui potest, quia turbat societatem humanam. Ast delicta adversus Deum commissa, non semper turbant societatem humanam.

n. 3.

Objicit Grotius, religionem non solum considerari posse ut medium conciliandi sibi divinam gratiam, verum etiam, tanquam vinculum reip. Ergo delicta adversus Deum commissa saepe turbare temp. Resp. Tunc aut turbant temp. exteram, & sic nostra non interest, nisi foedere illi reip. obstricti simus. Aut turbatur resp. nostra, tunc poenæ locus est, quia adversus temp. nostram admissum est delictum.

n. 4. 5. 6.

Objicit porro religionem non solum esse vinculum reip. sed & totius societatis humanæ, adeoque & ob delicta adversus Deum commissa posse bellum geri adversus extraneos. Sed 1) religio est sententia in intellectu consistens. Intellectus non peccat, sed errat. Error non poenam, sed commiserationem meretur, non gladio, sed argumentis expugnatur.

2) Homines non semper vivunt secundum principia intellectus, sed secundum propensiones voluntatis. Hinc multi Christiani pessimis; multi athei honestis moribus

bus

bus præditi sunt. In rep. autem & societate humana sufficit, externa adsit honestas & justitia.

§. 45.

Jam ergo hac occasione de religione generatim agit Grotius, & quidem de naturali, & omnibus hominibus communi, quam quatuor veluti articulis theoreticis constare censet:

I. Esse Deum, & quidem unum.

II. Deum non esse rem quamdam similem creaturis, sed ens aliquod sublimius, id est ens infinitum & perfectissimum.

III. A Deo curari res humanas. Nam alias perinde est, si quis Deum neget, si eundem otiosum esse fingat. Unde & Epicurus plerisque visus est Atheus, quia Deum sibi otiosum imaginatus est.

IV. Eundem Deum esse opificem hujus universi. Nam alias nullum esset principium dependentiæ, ex quo ad cultum & obsequium Deo præstandum obligaremur.

Eleganter observat Grotius, quatuor ista religionis naturalis capita totidem decalogi præceptis inculcari. n. 2.

1) Unitas Dei præcepto primo: *Non habebis Deos alienos præter me.*

2) Ejus natura inconspicua præcepto 2. *Ne facias tibi imaginem &c.*

3) Ejus providentia præcepto. 3. *Ne sumas nomen Dei in vanum.* Id frustra esset, nisi Deus curaret humana.

4) Creatio denique fundamentum est institutionis sabbathi.

n. 3. Hi sunt articuli religionis naturalis theore-
tici. Practici sunt, qui ex superioribus
fluunt.

1) Si Deus est unus: sane ille hono-
randus est, Honorare enim est objecto tri-
buere prerogativam. Summam autem prae-
rogativam meretur quod unum est, & sibi
par nihil habet.

2) Si Deus est ens perfectissimum: erit
sane amandus. Amor enim est appetitus,
qui fertur in bonum. In quem ergo ma-
gis feratur, quam in bonum summum &
perfectissimum?

3) Si curat res humanas: & timendus
& in eo collocanda fiducia. Nam tunc & scit
actiones nostras, ergo & non pareet pec-
catis. Scit calamitates piorum, ergo &
preces eorundem audiet. Prius timorem,
posterius fiduciam excitabit.

4) Si Deus condidit universa: ab ipso
dependemus. Ergo est superior noster, er-
go jure nobis praescribit leges, adeoque
& eidem merito obtemperamus.

n. 4. Haec omnia ipsa recta ratio cognoscit,
1) inde, quia omnia in mundo sunt con-
tingentia, nihil necessarium. Quod est con-
tingens, non necessarium, illud extra se
habet causam cur sit: E. extra mundum
debet esse causa, cur sit. Illa causa quum
nulla re determinetur, non potest non esse
infinita, quumque omnia ad certum finem
fecerit, intelligens, adeoque perfectissima.
Ens infinitum, perfectissimum, intelligens
est Deus. E. Deus est.

2) Addit Grotius argumentum a *monarchia*
seu

seu communi omnium gentium persuasione desumptum : quia nulla sit gens tam barbara , quæ non Deum esse fateatur . Sed hoc argumentum non adeo firmum est , Nam & nulla fere gens olim fuit , quin crediderit plures Deos , & tamen is error fuit . Ergo hoc argumentum tantum adminiculus est .

§. 46.

Jam his præmissis querit , an propter religionem hanc violatam poena possit irrogari ? Distinguit Grotius inter notiones ipsas de Deo , & modum ab iis discedendi .

1) Notiones ipsæ vel clariores sunt vel evidentes , vel paullo obscuriores . Clariores sunt illæ de Dei existentia & providentia . Nam 1) has omnes etiam hebetiores agnoscunt , modo cogitare velint , quod existant , & cur existant ? 2) quia sunt principium omnis religionis , adeo ut sine his ne concipi quidem religio possit . 3) quia consentiunt philosophi , has notiones non posse a religione secludi .

4) Quia omnes gentes has veritates agnoverunt . Et hinc plura loca colligit veterum , qui has veritates & inde fluentem cultum divinum ad jus gentium retulerunt . Vid. *L. 2. ff. de iust. & iur.*

II. Modus discedendi ita differt , ut alii primi has notiones deferant , & hujusmodi doctrinas tollant , alii eo errore abrepti postea in atheismo perseverent . Qui ergo primi has rationes clarissimas tollunt , illos puniri posse existimat .

3) Quia

- 1) Quia in culpa sint, dum ad veritatem evidentissimam cœcutiant,
 2) quia societatem humanam violent, dum ejus vinculum tollant.

Sed in eo manifeste errat Grotius. Omnis poena ponit delictum, omne delictum in voluntate, non in intellectu querendum: error, qui in intellectu tantum est poenam in se non meretur, ut si quis cæcus non videt, non punitur.

S. 47.

- n. 1. Quod ad reliquas notiones de religione attinet: Illæ non æque claræ sunt ac istæ duæ. Quod inde videmus 1) quod plures populi qui Deum existere crediderunt, tamen plures Deos statuerunt. 2) Quod & sapientissimi philosophi pagani mundum sibi finxerint æternum. 3) quod Epicurus & alii providentiam negarint.

- n. 2. Hos ergo errores non statim poenam mereri inde probat. 1) quod & sine illis quodammodo consistere possit religio. 2) Quia lex divina non omnes gentiles & idololatrias puniri jussit, sed tantum seductores. Deut. XIII. 16. Apostatas. Deut. XII. 23. 3) antropophytas, id est, qui sacrificia humana offerebant. Lev. XX. 2.

- n. 3. Objici possent Cananæi populi, quos ob idololatriam Deus funditus extirpari jussit. Sed respondet Grotius, 1) id factum esse ob immensa scelera, quibus idololatriam cumularint 2) non nisi post spatium poenitentiae longissimum concessum. Ego respondere malim, a facultate puniendi Deo competente non procedere.

argumentum ad jus puniendi hominibus competens, de quo hic agitur. Deus omniscius est, & mentes hominum perspicit. Tale quid non sibi arrogabunt homines.

Deinde ut existimabat Grotius puniri posse, qui primi religionis fundamenta tollunt: ita contra negat puniendos, qui ex ignorantia majores sequuntur. Quod facile concedimus. Exceptionem tamen duplicem addit, dignos poena esse

- 1) qui diabolos & vitia adorant,
- 2) qui sacrificiis humanis utuntur.

Et id concedo, nisi quod quoad cultum cacodæmonum vix credibile est ullum mortalem fore tam stupidum, ut eos adoret, si sciat esse cacodæmons. Unde plerumque gentiles eos potius pro Diis bonis habuerunt.

Hactenus ergo cum Grotio facimus. Hi puniri possunt, sed a quo? a magistratu. Si quis vero ideo bellum indicere vellet genti: vix esset excusandus. Potius convertendi erunt. Nec laudandus Carolus Magnus Saxonibus bellum intulit.

S. 48.

Et hoc ipse Grotius recte agnoscit h. s. n. ubi querit, an bellum inferre fas sit iis populis, qui nolint suscipere religionem Christianam? Negat,

- 1) quia religio persuaderi non potest naturalibus argumentis. Possum quidem persuadere ethnico, Deum existere, Deum unum esse, & alia hujus generis capita

religionis naturalis : sed Christum esse filium Dei, cum mortuum pro peccatis hominum, resurrexisse, adscendisse in Cœlos, non est objectum demonstrationis, verum fidei. Fides vero est opus Dei. Ergo nemini irascendum, qui exors est divini istius doni,

A. 2. 2) Quia naturæ doctrinæ Christianæ repugnat coactio : Neminem Christus voluit vi & poenis ad credendum adigi. Rom. VIII, 15. ubi exigit filialem, non servilem spiritum. Jo. VI, 6. ubi Christus quærit : *an & vos vultis a me discere*. Luc. IX, 54. ubi increpat discipulos ignem cœlo devocaturus.

3) Quia hoc & patres agnoverint, Tertullianus, Athanasius, Chrysostomus : immo & Concilium Toleranum, cujus canon num. 1. hujus §. adducitur. Ubi tamen notanda Augustini fluctuatio, qui quum & ipse antea sanam doctrinam de non persequendis hæreticis & infidelibus defenderet : postea, quum Donatistas hostes habere cœpisset, in contraria cucurrit.

A. 3. Objici solet a Pontificiis locus Luc. XIV, 29. *cogite intrare*. Sed 1) vox hæc in Evangelio sæpe notat instantiam rogantis, non coactionem violentam. 2) Ex contextu adpareret, hanc solam significationem locum habere. Nam sermo est de convivio nuptiali, quis ad illud cogitur vi?

§. 49.

A. 4. Alia est quaestio, an bellum inferri possit gen-

gemibus Christianam religionem injuste persequentibus? Id adfirmat.

Quia in Christiana religione nihil est, quod repugnet statui sociali & civili, immo hæc doctrina & sancta est, & in moralibus rationi convenientior, quam omnes reliquæ religiones. Persequi veritatem delictum est. E. in poenam potest bello vindicari.

Sed rem concedo. Rationem Grotii rejicio. Tunc enim causa belli hujusmodi non est delictum, sed defensio.

§. 10.

Denique quæritur, an poenam mereantur, qui in Deos suos licet falsos sunt irreverentes? 2, 1. 2.

Adfirmat Grotius, quia quantum in ipsis est, verum Deum offendunt, qualem esse putant Deos falsos suos. Unde æque poena dignus, qui per falsos, quam, qui per verum Deum pejeravit, quemadmodum æque regicida est, qui pro rege, quem occidere voluit, summum ejus ministrum trucidavit, adeoque in persona erravit. Rem jam supra explicavimus, ubi de jurjurando & perjuriis actum.

C A P U T XXI.

De Communicatione poenarum.

§. 1.

Hic primo omnium quæritur, quid sit n. 1.
poenæ communicatio? Est actus justitiz,

tiæ, quo pœna non solum delinquentes principales, sed & alios sequitur. Et hi iterum duorum generum sunt. Vel enim puniuntur qui delicti sunt participes, de quibus §. 1, 8. vel qui extra reatum sunt, §. 9. ad fin. Sed quum pœna sit malum passionis ob malum actionis inflictum a superiore: consequens sane est, ut pœna non possit infligi nisi iis, qui delicti sunt participes. Quare rectius dixeris: In communicatione pœnarum vel ipsam pœnam communicari si plures sint delicti participes, vel tantum damnum ex ista pœna resultans. e. g. Si quis percussorem aere conduxit, uterque reus est, & hinc proprie punitur, si vero utrique sunt uxores & liberi, hi simul damnum ex isto maritorum & parentum supplicio sentiant, sed proprie non puniuntur, tanquam innocentes.

- n. 2. I. Jam quod ad priorem partem attinet, Auctor præmittit regulam: Pœnas dat non solum causa delicti physica, e. g. percussor, sed & causa moralis, e. g. qui cum aere conduxit.

Causa physica est, quæ actu physico & corporali delictum perpetravit.

Causa moralis, quæ animo vel consensu concurrat, e. g. iussu, consensum requisitum adhibendo, adjuvando, receptum dando &c. & pœnam ideo meretur, quia in imputatione facti tantum dispicitur, an quis sit actionis auctor. Auctor aliquis est non modo corpore sed & animo, quia quod quisque per alium fecit, illud ipse fecisse videtur.

Atta-

Attamen hic probe dispiciendum, 1) an vere sine ejus concursu actio non foret suscepta. Hinc non statim, qui laudavit, puniendus est.

2) An nudum & generale consilium datum, an jussus vel consilium speciales accesserit. Prius enim consilium non est obligatorium.

3) An si quis ob delictum non prohibitum puniatur, perfecta adfuerit prohibendi vel impediendi obligatio. Hinc poena furti particeps non est, qui in vicinia furtum fieri vidit, nec prohibuit; quamvis ejusmodi vicinus sit inhumanus.

§. 2.

Hæc jam Grotius applicat ad questionem nobilissimam, an ob delictum privatorum communitas tota, vel ejusdem rectores teneantur?

Id negatur in thesi, 1) quia poena tenet suos auctores, non innocentes. 2) Quia unus vel alter civis non est tota civitas. 3) Quia nulla est civitas vel respublica, quæ ex meritis probis & virtute ornatis civibus constet, adeoque rectores civitatum tantam probitatem suorum civium præstare nequeunt.

Quare potius distinguendum, civitasne deliquerit, an civis? Priore tantum casu poena adficitur civitas ejusque rector, non posteriore. Quæritur autem, quando civitas deliquisse dicenda sit?

Resp. id fieri *patientia & receptu*. Hinc 1) requiritur patientia. Ea autem intelligi non potest

1) Si-

1) Sine scientia. Ergo prima regula est, qui magistratus scit, cives delictum meditari, idque non prohibet, iste ipse delinquit, adeoque & poenam meretur. Hinc Cicero Pisonem seditionis arguit, quod quum consul esset, sciret tribunos plebis turbas dare, iisque non resisteret.

Id non modo variis veterum testimoniis probat Grotius, sed & a pari, quia & jure privato pater ex delicto filii, dominus ex delicto servi tenetur, si uterque sciverit hos delinquere, nec prohibuerit. Quanto magis tenebuntur rectores civitatis, quibus plus auctoritatis est & potentiae ad delicta civium coercenda?

2) Requiritur in rectoribus facultas prohibendi. Hinc non semper rectoribus civitatum delicta civium possunt imputari, si ipsis defuerit impediendi facultas. Nam alioquin nulla culpa esset in rectoribus, adeoque nec poena in eos caderet. Destitui autem hos saepe facultate prohibendi certissimum est. Casus sunt varii.

1) Si ut Tacitus ait delicto impar sit respublica. Sic e. g. Russiae Imp. quamvis severus, quamvis potentissimus, non tamen potuit per regnum suum tollere latrocinia. Injuriam itaque ei fecissent exteri, si ob homines suos in viis spoliatos bellum ipsi intulissent.

2) Si res per tumultum repentinum acta. Tunc plebs semel in furorem acta, nec rectorum civitatis, nec aliorum sana monita admittit, adeoque & poena non habet locum.

Hinc

Hinc facile patet, quomodo intelligenda sint illa? Sæpe luit populus poenas unius iniqui. Nempe 1) si unus aliquid egit consilio publico, 2) si reliqui sciverunt, & cum possent, non prohibuerunt, 3) si re peracta non puniunt. n. 5.

Hinc etiam liquet, an presumatur scientia & puniendi facultas? Id ex circumstantiis judicandum. Scilicet considerandum, 1) an delictum fuerit diuturnum, an momentaneum, 2) utrum per tumultum repentinum, an a paucis susceptum, 3) utrum milites aliaque instrumenta resistendi in promptu fuerint nec ne. 4) An rectores civitatis indignationem suam prodiderint resistendo, dehortando, minando, puniendo, nec ne. n. 6.

§. 3.

Deinde 2) & receptu dato civitatum rectores delicti sunt participes. Hinc si illi piratis in portibus suis receptum dant nec eos puniunt, perinde est, ac si piraticam agerent: quia sic fiunt causa delicti moralis. n. 7.

Objici posset, 1) unumquemque civitatis rectorem posse veniam delinquentibus dare, poenamque remittere. Hinc qui jure suo utitur, nemini facere injuriam. Ergo nec magistratui quidquam posse imputari, qui piratis receptum dederit, dummodo non jusserit delictum fieri.

Sed resp. distinguendum esse inter delicta in rep. & adversus extraneam rempublicam vel adversus superiorem admissa. Priore casu n. 8.

casu si rectores civitatis jus aggratiandi exercent, jure suo utuntur, adeoque de nemini faciunt injuriam.

Ast posteriore casu extraneæ reip. vel superiori jus quæsitum est, jus nimirum satisfactionem pro damno dato, delictive perpetrato exigendi. Id vero ipsis invitis auferri nequit. Et hinc si auferunt, omnino delicti admissi ipsi sunt participes.

§. 4.

- a. 1. Hinc porro facile deciditur quæstio, ad quid reip. extraneæ obligentur rectores civitatis, si cives eorum adversus externos deliquerint?

Resp. Exteri, qui damnum patiuntur, ipsi possunt punire cives nostros in suo territorio peccantes, si ibi deprehenduntur, quia delinquendo fiunt cives temporarii.

Si in temp. nostram se contulerunt; tunc non possunt actum jurisdictionis exercere exteri in territorio nostro; nec id sine confusione summa fieri posset. Hinc ergo sequitur, ut aut ipsi debeamus supplicium sumere, aut reos dedere exteris.

- a. 2. Deditionem hanc esse juris gentium, variis exemplis demonstrat Grotius, veluti Israelitarum Jud. XX, Philistæorum, Jud. XV. Lacedæmoniorum, Romanorum &c. Sed nihil opus est ista inductione. Nam potest ex ipsis principiis J. N. demonstrari. Extræ reip. quæ in nos deliquit, debemus satisfactionem, vel poenam ab his hominibus repetendam, qui deliquerunt.

Pœna

Pœna illis infligitur vel per nos vel per ipsos, qui læsi sunt. Si per nos, debemus punire: si per læsos, debemus dedere.

Quæritur autem, quem penes sit optio? n. 1. 4. 51.
Et recte respondet Grotius, penes rectores vel superiores delinquentium, qui si ipsi pœna iusta addiunt delinquentes, nihil ultra exigere possunt exteri. Accedit & alia ratio, quia periculum est, ne exteri iræ & vindictæ in fontes plus iusto indulgeant, & hinc nimis crudeliter consulant in eos.

Nonnunquam tamen ultro resp. extera civitati optionem concedit, ut eo cumulatius satisfiat. Id enim fieri posse nemo dubitat, quia ex ipsis rectæ rationis principiis quisque potest juri in favorem sui introducto libere renunciare. Exemplum Cæritum est apud Liv. lib. 7.

Quæritur porro, an obstricti simus ad dedendos etiam externos, qui ad nos confugerunt? Quæstio hæc sæpe orta, velut quum ex Anglia quidam Regis hostes ad Gallos & Hispanos confugerent, item quum ex Administratoribus pecuniæ publicæ, peculatus rei in Belgium Austriacum discessissent.

Sed responsio facilis. Distinguendum an apud nos hostilia meditentur adversus patriam: & tunc aut dedendi, aut ipsi item pro hostibus jure habemur: an quiete vivant: tunc non dedendi quidem sunt, quia se semel fidei nostræ commiserunt, sed tamen patriæ eorum administranda iustitia,

sticia, si hos homines accusare coram foro nostro velint.

Ratio diversitatis est: quia isti fugitivi, dum in temp. nostram se contulerunt, statim sunt cives nostri. Ergo aut ante istam fugam peccarunt, aut dum apud nos latent. Si antea, tunc tanquam cives nostri puniendi; si postea apud nos hostilia moliantur, tradendi, per ea, quæ ad n. 2. hujus §. monuimus.

Denique quæritur, an a sua civitate dediti & non recepti cives maneat? Quæstio hæc mota, quum Mancius Numantinis deditus & non receptus postea in senatum veniret, & dicturus esset sententiam. Hinc nata controversia inter JCos de qua *L. vet. ff. de legat.* P. Mucius Sævola cum civem negabat, Brutus & Cicero contrariam defendunt sententiam. Ille utebatur argumento, quod semel expulsus e civitate non magis civis sit quam exsul: hi contra, quod deditio sine acceptione nulla sit.

Grotius noster cum Cicerone & Bruto facit, sed ejus tamen rationem rejicit, quia deditio non æque ac donatio sit actus bilateralis. Hinc hoc argumento mavult uti. Qui dedit populo alteri, potestatem concedit puniendi. Si populus ea potestate non utitur, tunc ipse populus dedens arbitrium habet puniendi aut non puniendi. Atqui non punivit, si nullum ea de re existit decretum vel sententia condemnatoria. Ergo nec civitatem amisit Mancinus, quia civitas non ipso jure sed per decretum populi amittitur.

Nos

Nos putamus & Grotii & Ciceronis rationes satis firmas esse & solidas. Nam quod ad hujus argumentum attinet, certissimum est deditionem æque actum bilateralem esse, ac donationem, adeoque nec ipsum sine acceptatione intelligi.

§. 5.

Nova jam quæstio nascitur: An non reos defendat jus asyli & refugii? Talia sane asyla hodiernum sunt apud Pontificios Ecclesiæ & Monasteria: Apud Hebræos certæ urbes. Romæ quoque Romulus, jus asyli constituerat ad civibus locupletandam remp.

n. 1.

Recte resp. Grotius hæc asyla injustissima esse, nisi certis circumscribantur limitibus. Primaria ergo regula est: Asyla non constituuntur pro fontibus, sed pro infortunatis. Id tale probat Grotius 1) testimoniis veterum Græcorum, qui hunc finem eleganter expresserunt: Ubi præcipue legi merentur verba Gylippi apud Dionor. Sic. lib. 13.

2) Exemplo Atheniensium, qui quidem asylum constituerant aram misericordiæ, sed non nisi miseris, victis bello, exsulibus; persequutionem & injuriam passis, quibus ipsa humanitas jubet auxilium ferri.

n. 2.

3) Præxi gentium veterum, qui maleficos ab ipsis aris abstractos punire non dubitabant. Non pauca eam in rem exempla cumulat Grotius ex Auctoribus Græcis: quibus addi possunt illa sacra. Salomon Adoniam & Joabum aram amplectentes occidit. Asyla quidem quædam constituerat Deus in gente Israelitica, sed

n. 3.

Hien. de Jure Belli, &c. Ecce non

non nisi iis, qui plane innocentes erant, & homicidium e. g. casuale commiserant, ut tuti essent a vindice sanguinis, id est a proximo agnato, cui jus erat vindicandi eadem agnati sui.

n. 4. 5.

Jam facile patet, quid factu opus sit, si delicti veri reus ad asyla nostra se receperit. Dicit Grotius, aut puniendi, aut dedendi, aut amoverendi, id est, illis injungendum est, ut quantocytus terra nostra egrediantur.

Possunt ergo puniri, quia jus asyli non fontibus, sed innocentibus prodesse debet: possunt dedi, quia hæc opus semper competit populo, ad quem confugerunt delinquentes: possunt denique amoveri, quia cogere nos non potest exterius ut eum tradamus, qui quædiu apud nos fuit, & ad fidem nostram confugit, nihil deliquit. Et eo postremo temperamento plerumque utuntur hodie gentes. Sic Galli non dediderunt Equitem S. Georgii, Ducem Ormondix, Comitem Bullingbrockæ, sed tantum expulerunt.

Sed & hic 1) superior valet distinctio, hostilem adversus nos animo sint, qui ad externos transfugiunt, an alius delicti in privatum admissum rei. Hæc enim debita plerumque dissimulant generosi principes. Ibi vero vel pœnam urgent, vel deditio- nem, vel expulsionem.

2) Cessare obligationem, si malum ita invaluit, ut non nisi proposita impunitate coerceri possit. Tunc enim data semel impunitate, nec deditio, nec pœna jure flagitatur, immo nec expulsio. E. g. si pirata

piratæ promissa impunitate ad nos confugerint, & piraticam deseruerint.

§. 6.

Porro quæritur, an plane nihil auxilii sit reis ad nos confugientibus in defensione nostra? Diximus enim sæpe & hos vel puniendos, vel dedendos, vel amovendos. Ergo non melior eorum erit conditio, ac si domi se passi essent in vincula conjici. Resp. omnino. Nam

1) Æquiores sperare poterunt judicem principem exterum, quam judices domesticos, qui plerumque vel privato odio in reum, vel adulatione adversus principem ad perdendum miserum stimulantur.

2) Defenduntur interea, dum causa cognoscitur. Nam quum nemo indicta causa sit puniendus, tradendusve alterius libidini, merito prius causa cognosci debet, ne deterioris sit conditionis supplex, quam quicumque alius ex civibus nostris.

Sed ea occasione nova nascitur quæstio, ex quo jure sit judicandus supplex, num ex jure istius civitatis, in qua peccavit, an ex jure nostræ civitatis, ad quam confugit?

Resp. Grotius, aut delictum quod admittitur est contra jus nat. & gentium: tunc hoc sequendum est. Aut delictum est mere civilibus legibus prohibitum, tunc illud judicandum ex jure civitatis ejus, in qua peccavit.

Sed jam ab aliis recte observatum, jus nat. & gentium hic nunquam habere locum.

Nam 1) hic quæstio est de infligenda pœna. Pœnas autem plane nullas definit jus

nature. 2) Jus nat. & gent. normā est in statu naturali. Qui autem ad nos confugiunt, non sunt in statu naturali, sed statim fiunt cives nostri. Ergo judicandi ex jure civili. Sed ex quo? ex eo, inquit Grotius, contra quod peccarunt. Sed id falsum. Civis enim noster factus. Ergo secundum eas leges judicandus erit, quæ alios cives obstringunt.

§. 7.

n. 1.

His præmissis, ad quæstionem primariam redit Grotius, quæritque, quomodo delicti rectorum participes fiant subditi? Hætenus enim vidimus, quomodo delicti alieni participes fiant rectores civitatis: deinde quomodo delictum paucorum transeat ad totam communitatem?

Recte resp. Grotius consensu. Sed hic gravis moveri posset controversia, an non semper consentire teneantur subditi in facta & consilia rectorum, quum semel voluntates suas voluntati imperantis submiserint? Respondendum, facta principis aut ex jure principatus nasci, aut ex tyrannide. Si prius, subditi indistincte probare & præstare debent facta principis. Et tunc verissimum est illud: Quidquid delirant reges, plectuntur Achivi.

Sin autem actum tyrannicum exercuit imperans, tunc non consentire tenentur subditi, e. g. si princeps regis externi uxorem rapuerit, si legatos violarit. Ergo tunc videndum an consentiant, cum juvando, milites & pecuniam suppeditando &c. an improbent factum, eique subsidia

sidia negent: priore casu itidem quidquid delirant reges plectuntur Achivi. Posteriore casu minime.

Quid si pauci e civitate peccarunt, an delictum ad civitatem pertinet? Resp. similis est decisio. Aut reliqui consentiunt, & factum probant. aut non. Si prius, simul plectuntur. Sin posterius, debent delinquentes punire aut dedere. Id si faciunt, poena itidem digni sunt.

Objici posset 1) plurima suffragia vincere pauciora. Resp. in iis, quæ ad tempus pertinent, non in delictis.

2) Poena adfici non posse totas universitates. Resp. Experientia contrarium docet. Possunt enim libertatibus, bonis, juribus spoliari, possunt cives maxime delicti auctores occidi. Unde & mori & capite deminui dicitur civitas jure Rom. si aratrum inducatur. Quamvis justissimum omnino sit, parcere innocenti plebi, sexui sequiori, infantibus.

§. 8.

Nobilissima porro quaestio est, an poena ob delictum ab universitate semper exigi possit? id est, licet vel maxime praesumptio sit, eos, qui deliquerunt, cives jam pridem obisse?

Utrinque difficultas haud parva emergit. Nam pro affirmativa militat, quod universitas, ut supra demonstravimus, non moriatur. Pro negativa, quod innocentes poena adfici nequeant, & verum tamen est, post 100. e. g. annos ex civibus, qui peccarunt, vix quemquam superesse posse.

Ee 3

Ac:

Accedit, quod ipse Deus vetat plesti liberos ob delicta parentum, parentes ob delicta liberorum.

Sed recte resp. Grotius, de universitate quædam dici solere, tanquam de universitate, quædam ob singulos cives, quibus universitas constat. Sic e. g. quando dicimus universitatem habere leges, ærarium, esse pauperem, divitem, totam tunc universitatem intelligimus. Quando autem dicimus, universitatem esse fortem, virtute præditam, prudentem, tunc intelligimus cives, ex quibus componitur universitas. Hinc universitas quidem non exstinguitur, & hinc e. g. ærarii debitum non exspirat. At potest civitas esse desinere docta, fortis, virtute prædita.

Jam nemo negat, delicta quoque ad posteriorem classem pertinere, adeoque mortuis civibus, pœnam qui meruerunt, pœnam etiam exstingui.

n. 2. 3.

Hinc facile patet, quò jure olim Alexander Persas bello adgressus sit, ex ea causa, quòd majores eorum Græciæ vastitatem intulerint. Eorum enim nemo tempore Alexandri supererat, qui cum Græcis bellum gesserant. Unde Arianus hunc obtentum graviter exagitat.

Deinde hinc facile deciditur quæstio, quid de reliquis hujus generis bellis vindictæ causa susceptis sentiendum sit? omnia enim injusta sunt nisi duobus casibus: 1) si posteri eundem hostilem animum continuant, quod Alexandrum quodammodo defendit. 2) si lis de satisfactione

etione

Atione adhuc durat, eumque præfracte negant posteri. Tunc enim & facti majorum participes fiunt.

§. 9.

Pergimus ad posteriorem capitis partem, ubi agitur de poena & cum innocentibus communicata. Sed jam supra diximus, proprie poenam nunquam sequi alios, quam auctores delicti: Delictum enim & poena, malum passionis & malum actionis sunt correlata, quæ se mutuo ponunt & tollunt. Ergo videndum, quo sensu dicatur poena & cum innocentibus communicari?

§. 10.

Omnis poena est malum passionis. Hoc in dolore vel damno consistit. Dolor vel damnum aliquando directe infliguntur, quando alicui jus proprium, vel quod ex officio perfectio ipsi debebatur, aufertur; e. g. vita, opes, fama: vel indirecte, seu per consequentiam, quando aliquis amittit, quod jure improprio seu ex officio imperfecto debebatur, vel quando aliquis jam non habet, quod habiturus fuisset, si hoc vel illud non obstaret.

Circa prius notantur regulæ. Damnum omne, quod præter meritum datur, injuria datur, e. g. si rector civitatis famam, vitam, bona aufert, ad quæ illis conservanda jure perfecto tenebatur.

De posteriore casu notanda regula: Qui jure suo utitur, nemini facit injuriam, quamvis alter ideo damnum per indirectum sentiat. Elegans exemplum est in pu-

Ec 4 tco,

teo, quem in meo fodio, hic nullam alteri facio injuriam, quamvis venæ alterius putei incidantur.

n. 1.

Hinc facile deciditur quæstio, an excusari possit, poenam & cum liberis, posteris per indirectum communicari? e. g. bonis patris confiscatis. Resp. 1) Liberi quædiu bona ipsi nondum possident, habent tantum, jus imperfectum. 2) Damnum in his datum non directe, sed indirecte datur, per §. 10. n. 1. 3) Atqui circa hæc damna valet regula: Qui jure suo utitur, nemini facit injuriam. Ergo & magistratus nemini facit injuriam, puniens delinquentem, quamvis effectus poenæ & ad innocentes perveniat.

Interim humanitas omnis est, posteritati delinquentium parcere, & ei saltem tantum relinquere, ne ad mendicitatem suo merito adigantur. Verum quod humanus est, id non statim, si omittatur, pro injusto habendum.

§. 1 R.

n. 2.

Deinde & altera distinctio æque utilis est. Aliud patitur homo ex causa peccati, aliud occasione ejusdem. Simile quid in contractibus animadvertimus. Alius solvit ex causa contractus, quia debet, uti debitor, emtor, conductor, alius occasione ejusdem, veluti fidejussor, qui tamen nihil accepit, ex quo oriatur obligatio. Sed sufficit, cum pro alio promississe.

Eodem modo se res habet in delicto. Alius ex causa delicti tenetur ad malum passionis serendum, veluti delinquens.

Alius

Alius occasione delicti, ob sponfionem pro delinquente, si quis e. g. pro delinquente de iudicio sisti vel iudicatum solvi satis dedit. Sufficit enim, eum satis dedisse.

Alia quaestio est, an hæc obligatio ad mortem usque extendi possit? Veteres hic admittunt vades, & notum est, exemplum Damonis & Phidiae, quorum alter pro altero supplicium capitale subire & volebat, & cogebatur, nisi alter rediisset in tempore. n. 3. 2.

Eodem pertinet jus obsidum, de quo singularis exstat SCHILTERI *Dissertatio*. Nam sæpe promissa denegante principali obsides licet innocentes ad supplicium raptos novimus. Exemplum habet ipse GROTIUS *Lib. 3. cap. 4. §. 14.*

Id ergo jure fieri recte negat Grotius. Alia enim sunt, in quæ homines potestatem habent, uti commoratio in patria, fortunæ, &c. in alia Deus iis nullam dedit facultatem, nullum arbitrium, ut in vitam, membra.

Ergo obligare se quidem potest homo ad solvendam mulctam, subeundum exsilium, ad carcerem ferendum pro alio. Quamvis enim nihil deliquerit, sufficit tamen, eum promisisse.

Ast non potest, se obligare ad supplicium capitale, ob mutilationem membrorum &c. Quum ergo alteri in insontem jus nullum sit, nisi ex promissione vel sponfione ejus, sequitur, ut & illi nullum jus sit supplicium hujusmodi infligendi.

§. 12.

Ergo verissimum manet axioma, nemi-

Ec 5 nem

nem innocentem ob delicta aliorum puniri posse ne parentes quidem ob delicta liberorum, vel liberos ob delicta parentum.

Nam 1) delictum & poena, ut dixi, sunt correlata, adeoque se mutuo ponunt & tollunt. 2) Poenae infliguntur ob meritum. Meritum est personale, & hinc personam non egreditur. 3) Sic nec finis poenarum obtineri posset. Quod enim exemplum esset, plecti innocentem. Sic sane non emendantur homines, sed potius eo adducuntur, ut credant, perinde esse, noceens aliquis sit, an innocens.

§. 13.

Id pluribus veterum testimoniis confirmat Grotius, veluti Hieronymi, Augustini, Dionis, Chrysostomi, Philonis, Senecæ. Sed quid opus testimoniis ubi rationes sufficiunt, paullo ante a nobis suppeditatæ? Quare potius ad dubia quædam tollenda progredimur.

§. 14.

a. 1. Sed opponunt alii huic doctrinæ de non plectendis liberis delinquentium exemplum ipsius Dei, poenam non solum pravis, sed & eorum posteris in tertiam quartamque usque generationem comminantis. Ex. XX. quin & poenam hanc revera infligentis posteris Saulis, Jeroboam, Achab. 2. Sam. XXI. 1. Reg. XIV. 2. Reg. VIII, 9.

Sed resp. 1) Falsum est Deum punire posteros innocentes. Nec enim justitia patitur, malum passionis, sine malo actionis ulli mortalium inferre.

2) Si verum esset, Deum punire liberos

ros

ros ob delicta parentum, deberet eos damnare, quæ propria pœna peccati est secundum infinitam Dei iustitiam. Id vero se facturum nunquam minatus est.

3) Dicit ergo Deus, se visitaturum peccata parentum in liberis, id est, leviteris calamitates temporales imminissurum. Id vero potest Deus etiam piis, innocentibus, filiis suis, salva iustitia, vi iustitiam dominii eminentissimi, quo potest pro lubitu bona & mala temporalia inter homines dispensare.

4) Addit Grotius, quod exempla doceant, Deum hoc jure tantum uti in delictis gravissimis, e. g. idololatria, sacrilegiis, periuriis, quæ in ipsius Dei contumeliam vergunt.

Sed hoc argumentum parum ad rem facit. Pœna enim proprie sic dicta nec ob graviora nec ob leviora delicta in ullum innocentem cadit.

5) Paulo majoris momenti est observatio sequens, quod in novo testamento nulla hujus generis comminatio de pœna posterorum extet. Jam notum est, V. T. potissimum urgere promissiones felicitatis temporalis in terra Canaan perfruendæ. novum autem testamentum primario tendere ad promissiones spirituales vitæ æternæ. n. 3.

Inde ergo sequitur comminationem hanc legalem tantum pertinuisse ad felicitatem illam in Cananitica terra perfruendam. In hac vero poterat Deus salva iustitia, tamquam supremus Rex & Dominus liberis ob pietatem parentum pinguorem; ob scelera minorem portionem assignare. Nec

tamen dixeris, hanc proprie esse poenam; quamvis vulgus forte ita loquatur.

n. 4.

6) Sed præcipuum argumentum est in dictis illis Ezechielis, ubi negat Deus, liberos ferre debere delicta parentum, vel parentes liberorum, sed unumquemque ob proprium peccatum moriturum esse denunciare. Inde sane luculenter patet, Deum proprie non punire innocentes posteros, nisi 1) vel continent delicta paterna & avita, uti plerumque fit, vel 2) nisi poenam vocare velis castigationem, quæ non ob malum præteritum, sed ob bonum futurum, nempe emendationis causa infligitur.

§. 15.

Inde ergo colligit Grotius rectissime, dirissimas esse leges humanas, quæ liberos rebellium supplicio extremo addicunt, uti exemplum habemus apud Persas Dan. VII, 22. qui & ipsos cognatos, & universam familiam devocabant, ut eo tristicres perirent rebelles. Quis enim justum esse dicat supplicium innocentum?

§. 16.

Sed posset quis objicere; ergo etiam injustam esse legem illam dirissimam *semper* C. ad L. Jul. Majest. quia liberos perduellium hereditatibus & honoribus excludit.

Resp. negari non posse, legem satis factam esse: sed ideo dicti non potest injusta. Nam jam supra distinximus inter damnum directe & indirecte datum. Illud vocavimus, quod aufert id, quod jure perfectio competit: hoc quod aufert jus jure im-

im-

imperfecto competens, qualia jura procul dubio sunt hereditates & honores. Ergo si illis liberi perduellium excluduntur, non pœna ipsis infligitur, sed damnum indirecte patiuntur, adeoque valet regula: Qui jure suo utitur, is nemini facit injuriam.

§. 17.

Idem ergo & de subditis dicendum, si delirantibus regibus plectuntur Achivi. Pœnam directe non patiuntur. Nam 1) pœna inter gentes æquales non habet locum, 2) nullum hic est malum actionis, cujus correlatum pœna esse possit, nisi, ut supra diximus, consensus subditorum in actus rectorum tyrannicos accesserit. Sed damnum ferunt indirecte. Ergo dum jure suo utitur princeps, bellum gerendo, nemini facit injuriam.

Oblici posset exemplum divinum. Deus enim, ceu notum; ob delictum Davidis triduanam pestem immisit subditis, quos ipse David innocentes fatetur, dum dicit: *Ego peccavi, quid ista oves fecere?*

Sed resp. non hic puniuntur subditi, sed Davides. Nam subditi moriuntur, & quidem jussu Dei, quem penes vitæ necisque arbitrium est. Quemadmodum ergo non dicimus proprie: Deum punivisse infantem, qui mortuus ex utero materno prodit, nisi quatenus generatim mors est peccati stipendium, ita nec subditi Davidis dici possunt pœna adfecti, quia morui, siquidem & piis & infantibus moriendum. Ast punitus est David, dum subditis privatus est.

Idem dicendum Grotius monet de civibus & subditis, qui in delictum universitatis non consenserunt. Sed quum de his jam supra actum sit, nihil est, quod hic addamus.

Id vero quæri meretur, cur heres, qui ob debita antecessoris teneatur, non item teneatur ob delicta ejusdem?

Sane utraque est obligatio, illa ex facto licito, id est, ex conventionione, hæc ex illicito, id est, ex delicto. Ergo videtur utriusque par ratio esse.

Sed respondetur magnam subesse differentiam. Contrahimus de rebus in patrimonio existentibus. Ergo obligatio ex contractu æque ab hærede ac ipso contrahente potest adimpleri, ex bonis nimirum contrahentis, quæ ad ipsum pervenerunt. Obligatio autem ex delicto non afficit bona, sed personam delinquentem. Quæ vero mere sunt personalia, ea cum persona expirant. Quod adeo verum est, ut nec conventioniones, quæ circa personam ineuntur, ad posteros transeant, e. g. sponsalia, societas, mandatum, &c.

Sed objici posset, nonnunquam tamen & hæredes ad prænam teneri, e. g. si defunctus in multam jam condemnatus moritur, tunc enim multam illam & heres tenetur exsolvere.

Sed respondetur. Heres non tenetur, nisi poena mutata sit in aliam obligationem.

Sane

Sane defunctus tenebatur ad poenam pecuniariam. Ejus respectu illa multa vera poena fuisset. Quum vero illam non solverit, illa multa transit in aliud genus obligationis, nempe in *as alienum*. Illud vero & heres exsolvere tenetur. Solvit ergo hanc pecuniam heres; in quaſi defunctus condemnatus fuerat, non tamen solvit tamquam poenam, quia ipse nihil deliquit, sed tamquam *as alienum*.

C A P U T XXII.

De Causſis Injuſtis.

§. 1^o.

Causæ belli vel justæ sunt, vel injustæ, vel dubiæ. Justæ sunt vel justificæ, ob quas bellum justum geritur, quales ex mente Grotii sunt tres, defensio, exactio ejus; quod nobis jure nostro debetur, & poena, quavis tertiam cum recentioribus merito rejiciamus; vel suavorix, quæ in animo latent bellum gerentis, quamvis alia causa justifica proferatur. Unde & pretextus vocari solent, quia causæ injustæ plerumque justæ causa pretextitur, & obtenditur, ne in oculos incurrat.

n. 2.

Rem exemplis illustrat Grotius. Alexander bellum gerebat cum Persis, nulla hic ex 3. causis à Grotio proditis habebat locum. Nec enim Darius Græcos vexabat, ut defensione opus esset, nec Græcis

n. 3.

cis

cis quidquam debebat, quod bello repetendum esset, nec delictum admiserat, quod armis videretur vindicandum. Ergo omnes veteres consentiunt, veram belli causam ex parte Alexandri fuisse cupiditatem gloriæ imperii, divitiarum, Persicæ militiæ statum iniserrimum. Quia tamen hæ causæ aperte injustæ erant, hinc jus prætexebat aliam in specie justiore, nempe ultionem injuriarum a Xerxe Græcis illatarum.

Sic Cæsari bellum civile inchoanti, vere finem fuisse propositum, ut opprimeret libertatem patriæ, eventus docuit. Sed ne hæc causa injustissima innotesceret, prætexebat defensionem contra Pompeji potentiam.

Omnes ergo hujusmodi causæ, quæ hujusmodi prætextu velantur, vere injustæ sunt. Et de his agitur cap. 22. quemadmodum de dubiis cap. 23.

§. 2.

Ex causæ injustæ iterum duorum generum sunt. Aut enim bellum geritur ex nulla causa, aut ex causis minus sufficientibus.

Ex nulla plane causa geri solet bellum ab illis, qui periculorum ob ipsa pericula avidi sunt. Quemadmodum Tacitus de veteribus Germanis refert, eos fere perpetua inter se bellâ gessisse, nec tamen ea re opes vel imperii latitudinem quævisse: sed tantum quia periculis delectarentur. Tale quid & de Alanis narrat Ammianus.

Hujusmodi sane bella recte serina vocat

Gro-

Grotius. Nam 1) quid crudelius, quam in crudelitate voluptatem quærere? 2) Hujusmodi homines ipsis latronibus sunt deteriores, quia ne hi quidem occidunt, nisi saltem spes prædæ affulgeat. 3) Bellum est contentio vel concertatio, societatum liberarum. Contendere autem & concertare, quum nulla sit controversia, absonum & sanæ rationi adversum est.

S. 3.

Alii causas quidem belli habent, sed insufficientes, suasorias tantum, non justificas, quamvis aliquando & has præ se ferant. Idem hic contingit, quod in hereditatibus privatorum. Si alius quam verus heres possidet hereditatem, tunc ille qui possidet, aut pro herede possidet, id est, dicit se heredem esse, aut pro possessore, id est, quæsitus, cur possideat, nihil aliud respondere potest, quam possideo, quia possideo. Ille quasi causam possessionis justificam allegat, hic illam non curat. Eodem modo bellum gerentes modo dicunt, se id defensionis suæ causam gerere, vel juris sui repetendi: modo solo prætextu contenti causam justificam non curant.

Hujusmodi exempla complura exstant. Inprimis ita bella sua defendunt barbari. Sic Brennus expeditione e Gallia in Græciam & Asiam ipsam suscepta, causam quæsitus, cur aliena invaderet, respondit omnia esse validorum. Ita & Hannibal increpatus, quod contra foedus injustum bel-

bellum gerat, respondit: pro foedere quoque iustitia est ensis.

§. 4.

Jam ergo expediendæ sunt insufficientes illæ bellorum causæ. Ubi primo generatim observat Grotius 1) summos imperantes plerumque duobus nominibus pacis & belli tamquam numis uti, non ad id, quod iustum est, sed ad id, quod expedit. Ex quo consequitur, ut non sufficiat audire prætextum belli, sed genuina causa expendenda sit. 2) Observat Grotius, bellorum causas injustas facile intelligi, quum de causis iustis constet. Quemadmodum enim data linea recta, omnes, quæ quocumque modo ab illa directione discedunt, curvæ esse intelliguntur: ita, ubi scimus, quæ causæ iustificæ bellorum sint, nempe defensio & repetitio juris sui, per se consequitur, ut omnes reliquæ, quæ proferuntur bellorum causæ, injustæ habeantur. Eas jam videbimus.

§. 5.

- n. 1. Talis injusta causa est ex vicini potentia. Nam 1) ita nullum est jus controversum, ob quod bellum geratur: & æque absurdum est bello petere potentem, quia potens est, quam litibus in rep. vexare vicinum, quia me deterior est. 2) Potentia sola mihi non periculosa est, nisi de animo laedendi constet. Sic Helvetii habent potentissimos vicinos, Imperatorem & Regem Galliarum: sed quum certissimi esse possint, neutrum de opprimenda Helvetia inire consilia, omnino non essent

cxcu-

excusandi, si ideo bellum alterutri intendant. 3) Si potentior est vicinus, mihi jus est, mihi præsidia circumponere, urbes munire, militem alere, foedera cum aliis potentibus pangere, sed ideo non sequitur, ut statim mihi liceat ad bellum ruere.

Ex quo consequitur; ut ob munitionem novam exstruendam, alter alteri bellum inferat. Qui enim jure suo utitur, nemini facit injuriam. Exceptio tamen est, 1) si ex hujusmodi castellis nobis imminet periculum, vel maximum incommodum. Sic semper Basileenses conqueruntur de munimento Hunningensi, Basileæ tam propinquo, ut inde tormentis peti possint. 2) Si foedus obstat vel pactum. Ita aliquoties cum duce Lotharingæ pactus est Rex Galliarum, ne novum exstrueret munimentum. Hinc non tam indignabatur Imperator, quod postremus Dux Mantuæ urbem suam novis operibus muniret, quam quod istud propugnaculum daret Gallis custodiendum. Unde & in Electorem Coloniarum indignatio Cæsaris exarsit, quum Bonnæ præsidium Gallicanum induceret.

S. 6.

Injusta quoque & insufficiens belli causa est II. sola utilitas. Quum Russi bellum inferrent Suecis, inter alios prætextus & hic erat, quod opus Russis sit portu, quem nec precibus nec pretio impetrare potuerint a Suecis. Hæc sane vix excusanda. Nam 1) sic ad sententiam Epicuri delabimur, cui sola utilitas iusti prope mater & æqui

æqui videbatur, quam pestilentissimam doctrinam in proœmio profligavimus. 2) Quod mihi prodest, & alteri non nocet, ad id obligatus est unusquisque, id est, ad officia innoxie utilitatis, e. g. ut patiar lumen de lumine meo accendi, &c. non autem ad id, quod sibi vel alteri nocet, & mihi prodest. 3) Eodem modo & furta, rapinæ, latrocinia poterunt defendi, quæ omnino profunt furibus, raptoribus, latronibus.

§. 7.

Tertia causa injusta est III. denegatio matrimoniorum, si alioquin est uxorum copia. Nam 1) nuptiæ fiunt consensu. Consensus autem debet esse ultroque, non coactus. 2) Multæ possunt esse iustissimæ causæ denegandi alteri filiam, veluti religionis & morum diversitas, lites de futura hereditate, &c. Si iustæ sunt hæ causæ, sane qui jure suo utitur, nemini facit injuriam.

§. 8.

Ejusdem porro commatis est IV. amor mutandæ sedis. Sic Cimbri ideo bellum inferebant Romanis, quod hi illis novas sedes in aliqua Romani Imperii provincia negabant. Quin pleraque bella inter Romanos & Germanos ex hac ipsa causa nata sunt. Hæc quoque causa injustissima. Nam 1) quæ nulla sunt, cedunt occupanti, non quæ jam ab aliis occupata. 2) Officium perfectissimum ex dominio resultans est, ut teneamur alterum in dominio suo defendere, cumque in possessione rerum suarum

non

non turbare. 3) Generalissimo L. N. principio id quam maxime repugnat, quod dicit: Quod tibi non vis fieri, alteri ne feceris.

§. 9.

Nec magis defendi potest bellum V. inventionis titulo susceptum, quem titulum imprimis urgebant Hispani, occupantes Americam. 1) Inventione enim jure acquirimus res vel nullius, vel pro derelictis habitas: non quæ jam dominum habent. 2) Eodem modo Americani invenire potuissent Europam. Si illam occupassent, de illata nobis injuria merito essemus conquesti. Jam quæ tibi non vis fieri, alteri ne feceris.

§. 10.

Similis quoque est belli causa VI. diversitas religionis, & morum, e. g. quod gens quædam idololatriæ dedita, quod in ea sint anthropophagi, polygami. Quam causam iidem Hispani urgebant.

Nam 1) ut recte observat Grotius, ad dominium non requiritur virtus moralis aut religio, sed sufficit aliquem esse hominem. Hinc impio res suas non magis furto surripere possum, quam pio. 2) Dominium in res creatas Deus dedit hominibus, non Christianis in specie, non piis. Hinc Grotius addit observationem, si daretur populus plane amens & ratione destitutus, ei omnia præter alimenta posse auferri. Sed hæc observatio partim absorta est, quia populus ratione destitutus, tanquam contradictio in adjecto ne concipi-

qui.

quidem potest, partim falsa: nam & ferissimum manere rerum suarum dominum, ipse supra Grotius falsus est, quidni etiam populus amens?

n. 2. Hinc injustæ fuere iræ Græcorum in barbaros, quos tanquam naturaliter sibi hostes avversabantur. Nam 1) id somnium nitebatur præjudicio, quod præter Græcos nulli mortales intellectu humano instructi sint, 2) hostis sine hostili animo concipi non potest. 3) Sæpe quo minor est intellectus cultura, eo major probitas. Scythæ sane sanctitate morum Græcos virtute longe superabant.

§. 11.

Injusta porro causa est VII. Libertatis desiderium. Nam 1) libertas quidem est res inæstimabilis, sed non naturæ humanæ necessaria. 2) Libertas naturaliter omnibus data est, sed ei renunciari potest ab unoquoque. Id si factum, non datur regressus ad libertatem naturalem. 3) Nemini jus quæsitum auferendum, ergo nec principi jus in subditos juste quæsitum. 4) Ipse Apostolus intempestivum hoc libertatis desiderium improbat in servitute privata. 1. Cor. VII, 21. quanto magis in civili, quæ illa multo est tolerabilior?

§. 12. e

Injusta causa VIII. est voluntas regendi alios tanquam natura servos. Aristoteles primus existimavit dari servos natura. Omnes enim, qui se ipsos regere nequeunt, ob insignem stupiditatem, a natura ad servitutem destinatos aiebat. Hoc sci-

scitum placet & principibus quibusdam; qui sæpe satis justam bellandi causam sibi esse putant, si gens, cui arma minantur, sint natura stupidi & se ipsos regere nesciant. Sed 1) falsum est illud Aristotelis principium. Quamdiu enim quis ratione utitur, se ipsum regere posse præsumitur, nec si furiosus sit, ideo servus sit, quamvis ab alio regatur. 2) Beneficium nemini obtruditur. 3) Nec nobis ulla obligatio incumbit regendi stultos, qui regi nolunt.

§. 13.

Sunt ex glossatoribus veteribus quidam, n. 1. uti Bartolus, qui Imp. Romanorum jus tribuunt in universum mundum, quia 1) in legibus vocetur, mundi dominus, *L. dñus ff. ad L. Rhod. de jact.* 2) quia in sacra scriptura Romanum Imp. vocetur orbis universus, (*οἱ οἰκουμένη*), Luc. II, 1. 3) quia ita loquantur auctores classici, uti PETRONIUS: *Orbem jam totum visor Romanus habebat.*

Quærit itaque Grotius, si Imp. hodiernus ex eo principio velit gentibus aliis bellum indicere, annon & hæc IX.) injusta belli causa esset?

Equidem frustra movetur hæc quæstio, quum Imperator non sit tam simplex, ac olim Bartolus. Sed si tamen forte Imperatorum quisquam ita rationaretur, omnino injustissimus esset. Nam 1) ex titulo ad rem nulla consequentia. 2) Romani dum se mundi vel orbis Dominos appellarunt, intellexere orbem Romanum, i. e. provincias Rom. imperii. 3) Impera-
tor

tori non plus in alienas provincias licet; quam aliis Regibus & Imperatoribus.

a. 2.

Dantes Aligerius, Italus Gibellinus, Bartoli sententiam stabilire conatur eo argumento, quod id expediat humano generi, si orbis universus uni subesset, tunc enim cessare oportere bella inter principes.

Sed resp. 1) tunc bella gesturi essent subditi, quia unus non sufficeret orbi universo regendo, ob hominum numerum & locorum distantiam. 2) Si vel maxime utile esset hujusmodi imperium, tamen non esset ulli invito obtrudendum. 3) Nec sequeretur, ut præcise Imp. Romano, ac non alii competeret.

Si quis dicat, huic pinguius jus vel ideo esse, quod antecessores ejus magnam partem terræ tenuerint: resp. illas partes dudum amissas esse & ab aliis justo titulo possideri. Fuimus Troes, fuit Ilium & ingens gloria Teucrorum.

§. 14.

a. 1.

Pontificii jus in universum orbem non quidem Imp. sed Ecclesiæ Rom. tribuunt. Et hinc Hispani præ se tulerunt, omnibus aliis titulis deficientibus sibi sufficere donationem Americæ a Pontifice Rom. factam, quia Ecclesiæ competat imperium in universum orbem.

Speciosa eam in rem adferunt argumenta, veluti, quod Ecclesia ex intentione Christi sit catholica, & sic diffusa per universum orbem, quod omnes pater filio gentes donaverit, quod Christi imperium extendi debeat a mari ad mare.

Sed

Sed id imperium plane fictitium. Nam
 1) ad ecclesiam non pertinent gentes infideles, sed Christiani. *Quid ad nos illi, qui extra sunt.* 1. Cor. V, 12. 2) Alia est ecclesia, aliud imperium. Illa est in imperio, sed non imperium.

3) Christus negavit regnum suum esse de hoc mundo. Jo. XVIII. 36. Ergo nec imperium seculare in gentes sibi arrogavit, nec id dedit Apostolis & ecclesiae. 4) Idem nec media illa propagandi ecclesiam commendavit, quibus uti solent homines ad propaganda imperia, ut bellum, arma, foedera, sed preces, praedicationem verbi, &c. 5) Ecclesia non destruit politias. Vide elegantem Augustini locum.

6) Episcopus non sit percussor. 1. Tim. n. 3. 4. III, 2. *Potentes imperant, vos autem non sic.* Ergo sane Episcopus Romae non potest vel bellum gerere, vel reges ad bellum concitare, ad propagandam ecclesiam. Quod enim quis per alium facit, id ipse fecisse videtur.

Ut paucis dicamus, res tam ridicula est, ut Americani quidam Rex, quamvis non adeo sagax, dixerit, tamen stolidum esse oportere pontificem, qui regna donet, quae non sua sunt.

§. 15.

Injusta belli causa est X, spes implendi vaticinium divinum, quod hic vel ille pro sensu suo fanatico explicat. Sic ante centum & quod excurrit annos, Pontotivius Drabius & Kotterus varias sparge-

Hier. de Jure Belli, &c.

F f bant

tori non plus in alienas provincias licet, quam aliis Regibus & Imperatoribus.

a. 4.

Dantes Aligerius, Italus Gibellinus, Bartoli sententiam stabilire conatur eo argumento, quod id expediat humano generi, si orbis universus uni subesset, tunc enim cessare oportere bella inter principes.

Sed resp. 1) tunc bella gesturi essent subditi, quia unus non sufficeret orbi universo regendo, ob hominum numerum & locorum distantiam. 2) Si vel maxime utile esset hujusmodi imperium, tamen non esset ulli invito obtrudendum. 3) Nec sequeretur, ut præcise Imp. Romano, ac non alii competeret.

Si quis dicat, huic pinguius jus vel ideo esse, quod antecessores ejus magnam partem terræ tenuerint: resp. illas partes dudum amissas esse & ab aliis justo titulo possideri. Fuimus Troes, fuit Ilium & ingens gloria Teucrorum.

§. 14.

b. 1.

Pontificii jus in universum orbem non quidem Imp. sed Ecclesiæ Rom. tribuunt. Et hinc Hispani præ se tulerunt, omnibus aliis titulis deficientibus sibi sufficere donationem Americæ a Pontifice Rom. factam, quia Ecclesiæ competat imperium in universum orbem.

Speciosa eam in rem adferunt argumenta, veluti, quod Ecclesia ex intentione Christi sit catholica, & sic diffusa per universum orbem, quod omnes pater filio gentes donaverit, quod Christi imperium extendi debeat a mari ad mare.

Sed

Sed id imperium plane fictitium. Nam
 1) ad ecclesiam non pertinent gentes infideles, sed Christiani. *Quid ad nos illi, qui extra sunt.* 1. Cor. V, 12. 2) Alia est ecclesia, aliud imperium. Illa est in imperio, sed non imperium.

3) Christus negavit regnum suum esse de hoc mundo. Jo. XVIII. 36. Ergo nec imperium saculare in gentes sibi arrogavit, nec id dedit Apostolis & ecclesiae. 4) Idem nec media illa propagandi ecclesiam commendavit, quibus uti solent homines ad propaganda imperia, ut bellum, arma, foedera, sed preces, praedicationem verbi, &c. 5) Ecclesia non destruit politias. Vide elegantem Augustini locum.

6) Episcopus non sit percussor. 1. Tim. n. 3. 4. III, 2. *Potentius imperant, vos autem non sic.* Ergo sane Episcop. Rom. non potest vel bellum gerere, vel reges ad bellum concitare, ad propagandam ecclesiam. Quod enim quis per alium facit, id ipse fecisse videtur.

Ut paucis dicamus, res tam ridicula est, ut Americanus quidam Rex, quamvis non adeo sagax, dixerit, tamen stolidum esse opertere pontificem, qui regna donet, quae non sua sunt.

§. 15.
 Injusta belli causa est X, spes implendi vaticinium divinum, quod hic vel ille pro sensu suo fanatico explicat. Sic antequam & quod excurrit annos, Pontatovius Drabitzius & Kottorus varias sparge-

Hein. de Jure Belli, &c. F f bant

bant visiones & prophetias, quibus prædicebant, domui Aultriacæ imminere exitium, ecclesiam per orbem propagandam, Antichristum Rom. destruendum, quæ vaticinia tunc conjunctim edebat Theologus reformatus magni nominis, AMOS COMENUS, sub titulo; *Lux in tenebris*.

Sane si quis tunc his delictis induci se passus esset ad arma corripienda, procul dubio bellum gessisset injustissimum. Nam 1) difficile est discernere prophetas & pseudoprophetas. 2) Difficilius, sine spiritu prophetico vaticinia interpretari, 3) prædictio, sine mandato non potest tranquillam reddere conscientiam. Sic Judæis prædicta erat certo liberatio ex Ægyptiaca servitute, & ex captivitate Babylonica, nec prius tamen libertatem adfectare jure poterant, quam Deus juberet.

§. 16.

Injusta belli causa est XL. exactio officiorum jure imperfecto ex sola virtute, honestate, decore debitorum. Quemadmodum enim hæc officia in foro actione, ita in statu naturali bello extorqueri non possunt. Hinc non erat justum bellum Rom. in Regem Cypri, tanquam ingratum. Gratitude enim est officium imperfectum, nisi sit prægnans, cum injuria, adversus benefactorem conjuncta.

§. 17.

Denique claudit hoc caput Grotius addita observatione, causam belli aliquando esse justam, & tamen ipsum bellum injustum. Nam virtus non solum in actione
exter-

externa consistit, sed in animo. Unde bellum injustum geritur.

1) Si in animo Imperantis latet causa arcana, quæ ipsum magis movet, quam justa causa, e. g. ambitio, studium propagandi imperium.

2) Si bellum non geritur iusto modo, e. g. violando pacta cum hoste inita, invadendo simul socios, crudelitati militum indulgendo.

Sed sub finem recte observat Grotius, distinguendum inter justitiam internam & externam. Justitia interna respicit ad forum conscientie, externa ad homines. Ergo coram hominibus iustum est bellum, modo justa causa adsit: coram Deo autem hæc non sufficit, nisi & animus ab omni pravo affectu purgatus sit, & bellum ipsum iuste & secundum rationem geratur, quia actiones vere bonæ non materialiter tantum, sed & formaliter debent convenire cum lege divina.

C A P U T XXIII

De causis Dubiis.

§. I.

Caput hoc constat duabus partibus. Prioræ agitur de dubitatione generalit, & quid in dubio agendum sit. §. 1, 3. Posterioræ de causis belli dubiis, an ex ad bellum gerendum sufficiant. §. 6, fin.

FF 2 L De

I. De dubitatione 1) generationem observat Grotius, eam in rebus moralibus frequentissimam esse. Quod verum est. Sed ratio, qua utitur, non est maximi momenti. Nam dicit hanc dubitationem inde esse, quod moralia non æque certa sint, nec tam sub demonstrationem cadant, quam physica & mathematica. Sed hoc artis principium dudum explere H. Conringius & Pufendorfius. Ubi enim sunt certa principia, ibidem sunt certæ & demonstrativæ conclusiones. In moralibus sunt certa principia. E. sic æque certum est, neminem lædendum esse, ac bis duo esse quatuor.

Sed verâ ratio est applicationis practicæ difficultas. Actiones enim hominum tam variis coloribus dilutæ sunt, ut non statim pateat, quodnam morale principium hic sit applicandum. E. g. contra legem divinam nihil esse agendum, certissimum est, sed an e. g. saltare contra legem divinam sit, potest dubitari, quia saltatio est actio, quæ alii indifferens, apud alium cum multis voluptatibus conjuncta esse potest.

§. 2.

n. 1.

2) Jam porro quaeritur, quid in hujusmodi dubio faciendum? Recte Grotius defendit regulam: Contra conscientiam dubiam nihil est agendum. Ergo suspendenda tamdiu actio, licet forte in se bona & justa, donec dubium istud animo exultum sit. Alias qui agit peccat, licet forte actio in se plane bona vel saltem indifferens sit.

Falso

Falso autem hanc regulam probat ex Rom. XIV, 23. Quum ibi per fidem non intelligatur certum animi iudicium, sed, fides salvifica. Ex ea quidquid non fit, coram Deo peccatum est.

Vera ergo ratio est, quia contra conscientiam dubiam agere idem est, ac Deum ipsum contemnere & ludibrio habere. Id enim agit, qui ita ratiocinatur: Nescio, an Deus velit, an nolit hoc fieri; tamen sive velit, sive nolit, faciam.

Addit sub finem Grotius exceptionem. Si scilicet res alterutra necessario agenda sit, & utraque tamen iniqua videatur. Tunc enim ex 2 malis putat eligendum minus, ex 2 iniquis minus iniquum.

Id vero perspicue falsum. Nam 1) si vera est necessitas, id quod ex necessitate fit, non est minus iniquum, sed æquum, e.g. si quis moderamine inculpatae tutelæ utitur. 2) Regula illa, ex duobus malis eligendum est minus: non pertinet ad mala moralia, sed ad physica.

S. 3.

Jam si contra conscientiam dubiam nihil agendum; existimare quis posset, ita fore, ut nulla actio tunc explicetur. Sed id recte negat Grotius, quia dubium plerumque post tempus aliquod dissipari solet, & mens in alterutram partem esse proclivior, & quidem

1) vel argumentorum pondere, quod antea non statim intellexerat tantum esse, vel
2) auctoritate. Si enim hujus vel illius viri sapientis, in quo magnam collocamus

fiduciam, auctoritas accedat, facile evellitur dubitatio, quæ antea animum in diversa trahebat.

§. 4.

Sed quæritur, an auctoritas illa tranquillam reddat conscientiam? Jesuitæ id affirmant: & ipse eorum probabilissimus, de quo alio loco egimus. Putant enim si quis quid agat, in se injustum & malum, eum tamen in conscientia excusari, modo aliquot doctorum suffragia pro se militare videat.

Grotius noster paulo cautior est, sed tamen existimat, simpliciores audire debere sapientum consilia. Si id verum, sane non peccant, si secundum illa consilia agant. Et inde sequitur, ut excusandi sint, licet male agant.

Sed respondemus 1) falsum esse, quod dicunt Arles, Jesuitæ & Grotius: probabile esse quod tale videtur omnibus, vel pluribus vel sapientioribus. Id enim in rebus facti potest esse verum, at in doctrinis probabilitas non nascitur ex auctoritate, sed ex rerum attributis & effectibus, uti recte docuit in Logica sua Clericus. 2) Nemo rationes in conscientia reddit ex aliorum judicio, sed ex suo, adeoque illud non excusabit. 3) Tenemur quidem aliorum sapientiorum consilia audire, sed non statim sequi, adeoque excusatur quidem qui audit, sed non semper qui sequitur.

§. 5.

n. 1. 2.

Quid vero si occurrant dubia, quæ utrinque

que sunt eodem argumentorum pondere instructa? Tunc distinguit Grotius inter res minoris & majoris momenti. In illis eligi posse putat sine vitio, quidquid libeat: In his eligendum ait, quod tutius.

Sic e. g. si reus homicidii pro se habeat duo testes, qui dicant non illum, sed Maxium occidisse: duo autem testes æque idonei affirmant illum omnino occidisse, neque ullo alio modo res ad liquidum perducí possit, (e. g. quia tortura in aliqua republ. non conceditur,) tunc eligendum est tutius, id est reus potius absolvendus quam supplicio afficiendus, quia vita humana est res maximi momenti.

Sed fingamus pauperem cum divite litigare de centum florenis, res est minoris momenti: sed tamen non ideo iudici perinde esse debet, condemnare an absolvat.

Adeoque vera potius regula: In dubio semper priores esse debemus ad absolvendum, quam ad condemnandum, sive res sit minoris sive majoris momenti, quia tutius est absolvere debentem vel nocentem, quam non debentem & innocentem condemnare.

§. 6.

II. Sequitur pars capituli altera de belli causis dubiis. Ubi 1) statim ex iis, quæ antea diximus, sequitur axioma: Quamdiu causa belli est dubia, tamdiu illud non est suscipiendum.

Hoc fluit 1) ex regula generali §. 2.

Ff 4. Con-

Contra conscientiam dubiam nihil est agendum, 2) ex ipsa natura belli, quod est contentio de jure controverso, & vel defensionis vel juris nostri vindicandi causa geritur, ut supra dictum. Atqui quamdiu an alter nobis injuriam faciat, dubium est, defensionis; quamdiu incertum, an nobis hoc vel illud debeatur, vindicationi locus non est. E. nec bello locus est. 3) Accedit, quod bellum sit medium jure suo potiundi admodum periculosum, anceps, & cum mille rerump. & hominum cladibus conjunctum. Rem tam difficilem sine causa liquida suscipere plus quam ferinum est.

§. 7.

2) Quæritur, quibus vero modis causæ gentium dubiæ ad liquidum perducantur, quum nullum habeant communem judicem, sicuti privati? Resp. Grotius, id fieri posse

1) Colloquiis. §. 7.

2) Arbitrio. §. 8.

3) Sorte. §. 9.

4) An & bello repræsentativo? §. 10.

5) Regulis quibusdam. §. 11. 12.

n. 1.

I. Medium est colloquium inter gentium legatos, imperatores, immo ipsos reges. Ita enim 1) sæpe fit, ut facile lites terminentur. Non enim hic affectus dominantur, sed periculum imminens æquiora suadet. Unde & ratio reddi potest, cur de maximis reip. negotiis facilius transigant rectores civitatum, quam theologi de controversiis circa religionem etiam levissimis?

2) Me-

re 2) Medium hoc etiam est rationi maxime consentaneum: quia non possum de jure meo certo statuere, nisi & alteram partem adjuverim.

Accedit 3) ratio, quod si æqua per colloquium obtulimus, eaque altera pars non admisit, bellum insequens tanto justius sit. Tentanda enim remedia mitiora, quibus non sufficientibus tunc ad graviora deveniendum.

§. 8.

II. Medium est compromissum vel arbitrium. Nam quamvis gentes & summi imperantes nulli judici subsint, potest tamen unusquisque suo juri renunciare, adeoque se subicere aliorum arbitrio. Variis exemplis per numerum utrumque demonstrat Grotius, & usos esse veteres hoc medio, & cum fructu usos esse.

Sed quamvis id verum sit, non tamen hoc medium difficultate caret. Nam 1) non facile reperitur inter gentes arbiter, qui utrique parti placeat, & a quo metuendum non sit, ne alterutri plus justo faveat. 2) Si arbiter decidit causam, nulla in promptu est exsecutio, si alter parere nolit. Et sic nihilominus res ad bellum devenit. 3) Plerumque hujusmodi arbitria tantum inserviunt alteri parti, cujus interest, tempus trahi, ut eo commodius possit se bello imminenti præparare.

Quod vero Grotius existimat, hoc officium tanto magis incumbere Christianis

civitatum Rectoribus, id omnino verum est, non quidem ob rationem, quam ex loco Paulli ducit Grotius, qui huc plane non facit, sed quia religio suadere debet principibus Christianis, ut a bello, quantum potest, abhorreant, nec nisi mitioribus tentatis mediis ad illa ruant.

4.

Consilium porro, suppeditat Grotius, ut conventus quidam sint Christianorum principum & potestatum, in quibus gentium controversiæ deciduntur, ne statim ad bellum ruerent.

Sed, hoc consilium. 1) ad jus gentium non pertinet, quia, non quid utile, sed quid justum sit, considerat. 2) Nec magnæ utilitatis futurus hic conventus, quia non gauderet jure superioritatis, adeoque nec facultate exsequendi. 3) Nec fieri posset, quin hic ipse conventus multas bello occasiones daturus esset. Plura, suffragia vincere nequeunt, quia sic potentiores respublicas semper superarent impotentiores. Ergo maxima lis oritura esset de modo suffragandi, de jure dirigendi, de ordine inter delegatos servando. Accedit 4) quod ob diversitatem religionis semper in hoc ipso conventu futuræ essent factiones. Ergo certum omnino est, hujusmodi conventum nec institui posse, nec admodum utile fore.

§. 9.

Tertius modus vel III. medium est fors. In dubio enim 1) res optime Deo committitur. In ejus vero manu est fors, & cadit illa, prout Deo visum. Prov. XVIII, 18.

2) Ita

2) Ita difficultates illæ evitantur, quas §. superiore in arbitrio deprehendimus. Sors enim non affectibus in transversum non rapitur, non magis favet parti alterutri.

Si quis dicat, sortis eventum dubium esse, adeoque æque eum qui injustam causam habet vincere posse, ac qui justam. Resp. æque incertum esse belli eventum, nec semper justos sequi victoriam. Quemadmodum ergo hoc casu in providentia divina acquiescendum: ita etiam, si sors nobis non faveat. Sufficit causam nostram esse dubiam & illiquidam.

§. 10.

Commendant aliqui IV. medium, nempe bellum repræsentativum. Unde ante omnia videndum, quid sit hujusmodi bellum. Justum bellum est, si gentium exercitus concurrunt, & contendunt inter se. Ergo bellum repræsentativum est, si aliquot homines utrinque committuntur, qui exercitum utrumque repræsentent, & inter se certamen singulare committant, addita conditione utra pars victoriam reportatura sit, ut ea pro domino alterius habeatur. Exemplum reperimus apud Liv. lib. 1. ubi Romani & Albani exercitus jam in procinctu stantes tres utrinque fratres tergeminos, illi Horatios, hi Curatios hoc modo commiserunt.

Eam antiquam fuisse Græcorum consuetudinem, variis exemplis docet Grotius. Qualia sunt etiam illa, ubi ipsi belli duces hoc modo congressi sunt, ut apud Virgil. Lib. XI. *Æneid.* Aneas & Turnus.

Ff 6 Simi-

R. 2.

Simile quid apud veteres Germanos inprimis apud Francos obtinuisse monuimus, & ex loco Agathie præclare docet Grotius numero hoc 2.

Et inde etiam nova exempla haud pauca exstant, quod summi imperantes se provocarunt ad duellum. Imprimis nota exempla Caroli V. a Francisco I. Rege Gall. & Caroli Gustavi Regis Svec. a Christiano Dan. Rege provocati.

Quæritur itaque, an hujusmodi bellum repræsentativum licitum sit? Nemo negabit. Nam 1) si justos & numerosos exercitus committere possunt imperantes, quidni & paucos homines? 2) Ita pauca clade res transigitur, & ita multum sanguinis humani lucrificatur.

Sed alia est quæstio, an utile & suadendum sit hujusmodi bellum. Id nemo dixerit, 1) quia in justo bello semel victus, foederibus vel nova felicitate rem suam potest restituere. Hic nulla spes melioris conditionis superest. 2) Quia si vel maxime quis victor existat, tamen certus esse non potest, an victus viribus adhuc integris compromissum sit impleturus. Adeoque hoc casu ex repræsentativo verum bellum nascetur.

§. 18.

Quinta ratio consistit in regulis quibusdam, quarum veritatem gentes omnes agnoscunt. Earum 1) est: In dubio melior est conditio possidentis. Pro possessore enim militat præsumtio, modo constet illam non violentam esse.

Ex

Ex quo sequitur 1) ut, qui petit magis teneatur bellum evitare, & mitiora remedia tentare, quam, qui possidet. 2) Ut nemo possit alterum de possessione ejicere, vel bellum ei inferri, nisi jus suum sit liquidum.

§. 12.

2) In dubio is censetur in mala causa esse, qui in rei a neutro possessæ divisionem non consentit. Si alteruter consideret, in dubio melior esset possidentis conditio, & sic ad divisionem perveniri non posset. Si causa esset liquida, alterutri res tota deberetur, adeoque nec sic locus esset divisioni. Ast ubi neuter possidet, ubi jus utriusque dubium est, ibi aut forte res dirimenda, aut divisione. Illa utrinque rejecta, hanc qui adspiciatur pro iniquo habendus erit.

§. 13.

Finem huic capiti Grotius imponit elegantem tractans questionem: an fieri possit, ut utraque pars belligerans ex justa causa bellum gerat?

Grotius vocabulum *justum* varie sumi docet. Modo *justum* quid dicitur *ex causa*, si causa justa sit, e. g. si bellum quis gerit ob defensionem adversus aggressorem iniquum. Modo *ex effectu*, si effectus sit justus & legibus conformis, e. g. si quis in bello servat pacta, inducias, si non servit in captivos, innocentes, &c.

Ratione causæ iterum aut *specialiter* justum accipitur, aut *generaliter*. Generaliter justum est, quidquid rectum, e. g.

occu-

occupare bello urbes, occidere homines. Specialiter, quod ex omni parte rectum, & quidem tum ratione *operis*, ut actio in se legibus conformis sit, tum ratione *operantis*, ut is & eo animo agat, quo lex rem vult agi. Sic eleemosynas dare, justum est ratione *operis*, ast si quis eleemosynas dat ambitionis causa, injuste agitur ratione *operantis*.

- 2. Jam facile rem explicabimus. In speciali acceptione ratione *operis* dici nequit, bellum utrinque justum geri. Nam 1) ex omnibus contradictoriis propositionibus altera semper vera, altera falsa. Adeoque 2) & inter litigantes semper debet aliquis justam, alter injustam causam habere.

Sed dici tamen potest, ratione *operantis* bellum utrinque justum aliquando geri; si res tam sit dubia & ambigua, & uterque se justam causam habere firmiter persuasus sit. Possumus hoc illustrare similitudine litis forensis, ubi utraque pars litigans non potest justam causam habere, quamvis contingere possit, & uterque juste litiget, & persuasissimus sit, se justam causam habere.

- 3. 4. In sensu generali bellum utrinque potest dici justum, si utraque pars culpa vacat. Sic e. g. saepe bellum exardescit ob injuriam ab antecessore datam, & jam irreparabilem. Hic qui vindicat injuriam, injustus dici nequit, quia jure suo utitur, nec tamen injustus est, qui impugnatur, quia ipse non laesit, nec per eum stat, quo minus injuria reparetur.

Deni-

Denique si iustum ratione effectus confideretur, tunc omnino uterque bellum iustum gerere potest, 1) si illud legitime iudicat, 2) si illud ita gerat, uti mores gentium exigunt, id est, si observat mores gentium humaniorum, (la raison de guerre) 3) si pacta servet etiam cum hoste inita. Hæc iustitia laudi cedit belligeranti, sed ipsum bellum non excusat.

C A P U T XXIV.

Monita de non temere etiam ex iustis causis suscipiendo bello.

Caput hoc ad jus gentium non pertinet, sed mere politicum. & oratorium est. Multis enim argumentis suadet Grotius, ne supremæ potestates temere ad bellum ruant, etiam si & iustam & liquidam causam habeant, nisi ea sit simul gravis & maximi momenti.

Nimirum hic idem dicendum, quod de lite privatorum. Possunt hi jure litigare, si vel aliquot stultos aliter debeat: sed nemo tamen prudens ob rem tam leviem litigabit, quamvis causa admodum sit liquida, quia remedium ipso morbo gravius est. Ita & nec iniustum esset bellum gerere ob injuriam etiam levissimam, sed prudentiæ tamen regulis repugnat bellum gerere ob injuriam leviolem.

Hoc toto capite multis argumentis ex
posi-

politica & theologia petitis probat Grotius, & sub finem clades & mala bellorum vivis coloribus depingit, ut absterreantur imperantes a pruritu bellandi, & arma non nisi urgente extrema necessitate corripiant. Nihil ergo causæ est, cur hoc caput uberius explicemus, quum ab unoquoque privatim perlegi & intelligi facillime possit, & ad ipsum jus gentium, quod tractamus, nihil faciat. Potius ergo ad-penultimum progredimur.

C A P U T XXV.

De causis belli pro aliis suscipiendi.

§. I.

n. 1. **V**idimus hactenus, quando unusquisque populus pro se bellum in statu naturali suscipere possit, quæque causæ ad id suscipiendum sufficiant.

Atqui notum est, sæpe imperantes bella gerere non tam pro se, quam pro aliis, & quidem vel α) pro subditis §. 1, 3. vel β) pro foederatis §. 4. vel γ) pro amicis §. 5. vel pro δ) hominibus quibuscvis §. 6, fin. De his ergo bellis pro aliis susceptis jam agitur, & primo omnium queritur, quo jure bellum pro aliis geri possit? Grotius hoc fundamentum ponit, quod unusquisque & alieni juris exsecutor sit. Id vero falsissimum esse, unusquisque videt. Nittur enim falso isto principio, quod in statu naturali par parem peccantem poenis coer-

De causis belli pro aliis suscipiendi. 683
coercere possit. Quod supra cap. 20. satis
prolixè destruximus.

Ergo verum fundamentum indagare facile possumus, modo respiciamus ad statum civilem. In statu civili absurdum judicatur, alienas causas sine mandato in judicio agere. Semper enim his auctoribus obstat exceptio: tua non interest. Ita & in statu naturali absurdum esset, si quis e. g. Hispanis ob injurias Americanis illatas bellum inferret. Quemadmodum vero in statu civili conceditur & tertio interveniendi jus, si potest demonstrare, sua interesse. Ita & in statu naturali nulli genti denegari potest jus alterum bello interveniendi, modo liquidum sit, ejus interesse.

Interest autem vel ratione subjectionis, vel confederationis, vel amicitiae, vel communis vinculi humanæ naturæ.

I. Nostra interesse potest ob subjectionem: adeoque justè bellum suscipitur pro subditis, si illi a gente externa injustè tractentur. Quum enim imperantes subditis debeant defensionem non modo adversus vim internam concivium, sed & externam aliarum gentium: non potest sane principi vel reipublicæ vitio verti; si ad vindicandas subditorum injurias arma corripit.

Exemplum historia Rom. suppeditat in bello Mithridatico. Mithridates, Rex Ponti edictum proposuerat, ut omnes Romani per Asiam negotiantes una nocte interimantur. Eo facto Romani illi bellum inter-

n. 2.

ter-

verecinum intulerunt. Vid. Cic. Orat. pro
L. Manilia.

§. 2.

Quamvis vero bellum hujusmodi iustum sit: prudentia tamen suadet, ne ob qualvis levissimas injurias suscipiatur, e. g. si duo gentis nostræ mercatores ab extero rege rebus suis spoliati sint. Nam.

1) Illa dum paucorum damnum vindicatur, id fit cum damno reliquorum civium multo majore.

2) Toto superiore capite Grotius demonstravit, non suscipiendum esse bellum etiam ob causas justas & liquidas, nisi eadem sint maximi momenti.

3) Quamdiu aliud superest remedium, non ad hoc violentum deveniri potest. Atqui hoc casu aliud superest remedium, nempe ut decernantur repressaliæ, de quibus infra.

§. 3.

a. 1. Quæstionem hic movent DD. an civis innocens dedi possit, si res aliter componi non possit, vel bellum immincat, cui non simus pares. E. g. Simionem petebant Philistæi ab Israelitis, quum plane esset innocens. Quæritur an salvo jure dedi potuerit?

Qui hanc quæstionem tractant, plerumque confundunt, res maxime diversas. Alia enim quæstio est, an civis hujusmodi deferri possit, alia an dedi in hostium potestatem.

De.

Deferi posse, recte contra Vasquium defendunt Soto & Grotius. Nam 1) ita ipsius securitati prospicitur. Quum enim hosti dedendus non sit, nos autem illi praesidio esse non possumus: quid ipsi suaderi potest salubrius, quam ut rep. nostra excedat, & alio loco iuriore delitescat. 2) Civis salutem civitatis suae antepone-
nere tenetur, quia bonum communionis semper praefendum bono individuali. Ergo nec potest vitio vertere reip. propter ejus personam periclitanti, si hæc eum excedere civitate jubeat, ne bello implicetur.

Gravior autem quaestio est, an tradi possit? Hic diversae sunt admodum sententiae. Soto quidem id negat, sed putat tamen civem ipsum obligatum esse, ut malit se hosti tradere, quam patriam propter se periclitari. Vasquius & id negat, adeoque nec civem ad spontaneam deditionem obligatum, nec invitum ab imperantibus dari posse, contendit. Grotius civem non absolute teneri putat, ut sponte se dedat: sed invitum tamen aliquando dari posse existimat. Has sententias expendemus.

Soto dum putat civem obstrictum esse ad deditionem spontaneam, manifesto confundit obligationem perfectam, quae ex regula iusti, & imperfectam, quae ex honesto, vel decoro, vel ut paucis dicamus, ex charitate & virtute oritur.

Jure perfecto nemo innocens tenetur se poenis vel earum periculis offerre, quum
potius

potius regula iusti vetat, quemquam innocentem puniri.

At laudanda nonnunquam hominis virtus & charitas erga patriam, qui se ipsum periculo exponere mavult, quam rempublicam. Interim iniustus non est, si id facere nolit. E. g. Laudatur Codrus, qui pro rep. occidi se passus. Sed tamen non voluisset, non fuisset iniustus. Est enim ea natura omnium officiorum imperfectorum, ut coactionem respuant.

4. Vasquium autem Grotius refutat, & putat non quidem teneri civem innocentem se sponte tradere, sed tradi tamen posse invitum, si imminens periculum evitari aliter nequeat. Quæ sane contradictionem sapiunt. Quæ enim non teneor facere, quomodo possum ad id cogi? Videbimus ergo rationem Grotii. Dicit, 1.) officia quidem imperfecta non admittere coactionem, sed exceptionem esse in necessitate, e. g. si aqua desit omnibus, unus, cui superest, potest cogi ad illam cum reliquis communicandam. Sed resp. Id verum esse, si fiat sine alterius incommodo. Hinc si domino abriperetur aqua, ut aliis usui sit, id esset injustissimum. Ita injustum quoque tradere civem innocentem, ut reliqui serveantur.

2.) Imperantem in extrema belli necessitate cives posse hosti opponere, & jubere ut moriantur potius, quam stationem deserant. Quidni igitur & innocentem tradere possit, licet ipsi exitium imminuat? Resp. priore casu civis exponitur periculo.

riculo, sed hoc posteriore exitio. Illo casu se defendere potest, hoc ipsi jus defendendi intercipitur. Illi cives bello cadunt; hic in pace proditur a patria innocens.

Ergo tutissimum est, Vasquii sententiam sequi.

§. 4.

II. Bellum jure geritur pro foederatis. 1) Foedus enim est pactum liberarum societatum. Ex pacto nascitur obligatio. Qui vero agit, ad quod obligatus est, nemini facit injuriam. Ergo nec qui foederato fert opem promissam in foedere. 2) Foedera fiunt, ut impotentiores pares sint potentioribus. Atqui nostra maxime interest, ne foederatus noster impotentior opprimatur. Ergo & dicite pro eo bellum gerimus.

Cessat tamen hæc obligatio, 1.) si foederati bellum, sit injustum. Ad id enim gerendum obligasse nos haud videmur. 2.) Si certo immincat exitus infelix. Quisque enim sibi proximus. 3) Si alter, quocum foederatus noster bellum gerit, nobis antiquiore foedere junctus sit. Tunc enim pactum prius tollit posterius, quia inter diversos initum.

§. 5.

III. Bellum geri potest pro amicis, sive amicitia ex cognatione, sive ex affinitate, sive ex alia iusta & honesta causa nascitur. Amicorum enim est idem velle ac idem nolle. Inter eos veluti tacitum foedus est, adeoque pro illis idem licet, quod pro foederatis. Exempla plura sunt in prom.

promptu. Sic Abrahamus pro Lotho arma sumit, Carthagenenses pro Tyriis cognatis.

§. 6.

IV. Causa, ob quam bellum pro aliis suscipi potest, est commune vinculum humanæ naturæ. Sed quamvis homo ad opem homini ferendam obstrictus sit: in vita tamen civili ex naturalis cognatio non sufficit, quia alias semper bellum pro aliis iuste geritur. Ergo præterea requiritur 1) vinculum aliquod commune specialius, e. g. religio, commercia & jus hospitii tum e agente, 2) ut nostra quoque modo intersit. 3) ut tam iusta sit oppressi causa, ut omnium provocare misericordiam merito debeat.

§. 7.

2. 1. 2. Sequuntur aliquot quæstiones, quas Grotius sub finem capitis expendit. 1) An hæc obligatio, quæ ex communi vinculo humanitatis nascitur, sit absoluta & perfecta?

Id merito negatur. 1) Nam sæpe id ne quidem fieri potest. Ad impossibilia nemo obligatur. 2) Hoc officium est ex honesti regula. Virtutis est, non iustitiæ, alios defendere. E. respuit coactionem. 3) Est officium erga proximum. E. semper postponitur officiis erga se ipsum. Quare si sine incommodo & periculo nostro aliis opem ferre non possumus, satis excusati sumus.

§. 8.

2. 2. 2) Quæritur, an bellum recte geratur pro subditis alienis, si scilicet ab Imperante suo opprimantur & iniuste vexentur.

Gro.

Grotius recte distinguit, an princeps tantum duriores agat principes: an vere tyrannum. Priore casu ne subditis quidem licet arma corripere, qui semel se ejus voluntati submiserunt, nedum aliis quorum non interest. Posteriore casu, si hostilem nimirum animum gerit adversus remp. non est imperans, sed hostis, in quem subditis omnia licent. Ergo nec aliis vitio verti potest, si auxilium ferant.

Sunt, qui ne adversus tyrannum quidem bellum a subditis geri posse putant. Sed Grotius contra hos eleganter disputat ex hypothesis. Etsi enim concederemus id verum esse, tamen id impedimentum tantum esset personale: id est, causa belli non injusta esset, sed tantum personæ belli incapaces. Jam ubi impedimentum personale tantum est, ibi pro persona alii gerere possunt. e. g. Pupillus ipse agere contra tutorem suspectum nequit, sed alii jure agunt. Ergo quamvis & ipsi subditi bellum gerere cum principe suo non possent, possent tamen alii, qui non sunt subditi, bellum pro iis suscipere. Ergo hæc quæstio proculdubio adsumenda.

§. 9.

3) An militiam mercenariam sequi sine discrimine liceat. Olim gentes fere omnes utebantur militia selecta, non mercenaria. Jam autem monarchico æque ac aristocratico statui convenientior censetur militia mercenaria quam selecta. Et sane parum interest, si quis mercede conductus, si ve gratis militet pro patria. Ast jam quæstio

stio est, an sine causæ discrimine, promiscue omnibus hanc operam præstare liceat? e. g. hostibus, rebellibus, bellum injustum gerentibus, &c. Idque negat Grotius.

1) Quia in se indecorum est, pro sola mercede vendere vitam, nisi nos justitia causæ impellat, Turpes olim habiti gladiatores, qui levi auctoramento, puta pecunia, sanguinem vendebant. Quid vero interest inter hujusmodi gladiatorem & militem mercenarium?

n. 1. 3. 2) Quia hi ipsis carnificibus sunt deteriores. Hi enim iusta sententia damnatos occidunt mercede conducti: illi innocentes.

3) Non potest bellum geri nisi necessitas urgeat, adeoque est medium extraordinarium. Hi autem mercenarii ordinarii inde vivendi medium sibi fingunt.

§. 10.

4) Quia quamvis stipendium in se licitum sit, non tamen is debet esse finis & sola causa impulsiva. Sic e. g. nec injustum est ministro ecclesiæ, stipendium capere. Si tamen is solus illi & unicus finis propositus sit, non excusandus est. Eodem modo sese res habet in milite. Hunc præcipue justitia causæ impellere debet: stipendium tantum accessorium habetur. Moralia ex fine, æstimantur eatenus, ut quidem res in se mala, propter finem bonum bona non fiat: bona autem in se propter malum finem fiat mala.

691

C A P U T XXVI.

*De Causis iustis, ut Bellum geratur ab
his qui sub alieno Imperio
sunt.*

§. 1.

Homines sunt vel sui juris, vel alieno juri subjecti: eaque subjectio vel ex jure gentium est, veluti servorum & filiorumtam. vel ex instituto hominum, qualis est societas civilis, ubi imperantes & subditi. De his jam agitur, & quæritur, an subditi jussu summi imperantis possint salva conscientia bellum gerere, maxime si putent, causam belli esse injustam? Grotius hic duos casus distinguit. Nam aut subditis libera datur optio militandi, vel quiescendi, de quo casu §. 2. vel necessitas ipsis imponitur militandi a summo imperante. §. 3. fin.

§. 2.

Si optio datur, veluti si status est democraticus, & singuli cives ad deliberationem adhibentur, tunc easdem regulas adhibere debent, quas adhibent, qui sui juris sunt, id est imperantes:

Ita Grotius. Sequænam illæ regulæ?
Ut videant 1) an causa belli sit justa & liquida, 2) an magni momenti. 3) An is reip. status, ut eventus felix sperari queat. Hæc enim in deliberationibus præcipue debent attendi.

Hein. de Jure Belli, &c. GG §. 3.

n. 1. 2.

Sed quid si necessitas militandi imponatur? tunc aut ita dubitant, ut in partem negativam sint procliviores: aut ita ut plane fluctuent.

Si prius: tunc non possunt salva conscientia militare. 1) Quia contra conscientiam dubiam nihil agendum. 2) Quia magis obediendum Deo, quam hominibus, adeoque horum imperium semper intelligendum cum exceptione legis divinæ. Si enim plures sunt superiores, supremi voluntas vincit voluntatem inferioris. Sic ex. gr. pater nihil imperare potest contra leges civiles, lex civilis nihil contra divinitatem. Non ergo imperans potest dicere: milita, si Deus id prohibeat.

n. 3.

3) Quia necessitas quidem excusat, sed non in iis, quæ lex prohibet, & quæ injunguntur nobis ab hominibus, eo fine, ut ad peccandum inducamur. E. g. possum quidem necessitate excusari, si fugiens injustum aggressorem hominem obvium prosteram, quia hic malum physicum imminet a malitia hominis, & impedimentum a Dei providentia est: sed si me tyrannus occidere vellet, nisi satisfacerem, vel nisi homicidium committerem, id salva conscientia fieri nequit, quia hic tyrannus intendit, me pellicere ad peccandum.

n. 4. 5.

Id variis exemplis illustrat Grotius, veluti militum Judæorum Alexandro militarium, legionis Thebæ, militum Juliani, immo & spiculatorum, qui mori maluerunt,

runt, quam Christianos occidere. Rem ipse textus satis exponit.

§. 4.

Quid vero si fluctuet animus, nec adeo liquidum sit, iustum an injustum sit bellum? Tunc diversæ sunt sententiæ.

1. Plurimi enim censent hic parendum esse subdito. Nam 1) aliud esse iudicium contemplativum, aliud activum. An bellum hoc sit iustum, hoc iudicium potest esse dubium, sed an imperanti parendum sit, de eo dubitari nequit.

2) Quia & ipsa iura civilia concedunt impunitatem iis, quibus obsequii gloria relicta fuerat.

3) Aliud esse injustum agere, aliud iniuste. Injustum agit, qui contra leges agit, iniuste qui scienter & voluntarie leges transgreditur. Jam qui imperio alterius, cui subiectus est agit, potest quidem injustum & contra leges agere, sed non iniuste, nisi id faciat scienter & voluntarie.

4) Quia leges non reddunt rationem, ergo nec imperantes. Et hinc elegans illud Philonis:

Servi tua est fortuna, ratio ad te nihil.

5) Accedit testimonium AUGUSTINI l. 1. n. 3. de Civ. D. c. 24. cuius ipsa verba habemur in textu.

II. Nihilominus tamen ADRIANUS PP. n. 4. in *Quæstionibus quodlibeticis* & Grotius putant, hic subditum salva conscientia parere non posse.

Nam & hic sufficit, militare iustum du-

Gg 2 bi.

bitare. In dubio autem semper eligendum; quod tutius. Tutius autem est abstinere militia, quam repugnante conscientia militare.

Laudantur ideo a Grotio Esseni & Pythagoræi, quorum hi bellum omnino rejecerint, illi jurarint, se ne iustos quidem militaturos. Sed nescio; an magis laudandi sint Pythagoræi, quam Anabaptistæ, idem olim sentientes. Et quam absurdum est ejurare militiam omnem etiam jussu superiorum suscipiendam, quum iuramentum contra leges non valeat? *L. 5. C. de LL.*

a. 5. Obijciunt, qui aliud sentiunt: 1) ita periculum esse inobedientiæ erga imperantes. Resp. Grotius, at majus evitari periculum homicidii committendi. Ex 2. malis eligendum esse minus. Enimvero id nihili est. Ex 2. malis physicis eligendum est minus, non ex moralibus. Ergo potius respondendum, non esse hanc inobedientiam si quis neget imperanti, quod putat a Deo prohibitum. Qui Deo magis obsequitur, quam hominibus, ei nulla imputari potest inobedientia.

2) Ita temp. in extremum adduci posse periculum; sed resp. Ergo imperantem exponere subditis debere causas belli iustificas, quæ si iustæ sint, facile bonis civibus persuadebunt, ut imperanti pareant.

a. 6. 3) Imperantem non teneri legum suarum rationes reddere. Resp. Grotius 4) id verum esse de legibus vere & proprie dictis, & ideo refellit Tertullianum, qui ne leges quidem sine ratione valere existimat,

non

non de actibus specialibus, quæ pertinent ad conscientiam: Actus enim, de quibus leges civiles scribuntur, sunt indifferentes: aut bellum non est indifferens, sed vel iustum, vel iniustum.

ß) Quamvis imperans rationes reddere non teneatur legum suarum: tamen sæpe id agit, si bonus sit; ut subditi eo pareant libentius. Sic ex. gr. ipse Deus potuisset Exod. XX. in eo acquiescere: *Non habebis Deos alienos coram me*, sed addit rationem: *Ego sum Jehova, Deus tuus, qui te ex Aegypto eduxi.* γ) Et eo etiam comparatæ sunt clarigationes & manifesta, quibus belli denunciationes fieri solent publice, ut subditi omnes statim videant, bellum esse iustum, quia ut & exteris & universus orbis videat, nos bellum ex iustissima causa suscepisse.

Vidimus hæc utramque sententiam, vidimus quæ pro utraque militant, rationes. Quæ ergo præferenda? Nos omnino arbitramur, temperandam esse posteriorem sententiam, nec tam crude admittendam. Nam 1) subditi sæpe rem non ita intelligunt, ut possint de iustitia belli rite judicare. 2) Pro imperantibus in dubio militare debet præsumptio, quod non sine iusta & urgente causa velint bellum gerere. 3) Omnino summum periculum reip. immineret, si imperans singulis rationes reddere teneretur, maxime quum rationes non semper vincant homines pertinaces. Ergo distinguimus, an iniustitia belli admodum probabilis sit, an tantum dubia. Priore casu

nihil agendum contra conscientiam, posteriore parendum magistratui, quia de re, quæ ultra captum est, nec dubitare nec decidere possum.

- n. 2. Et ita etiam facile deciditur quæstio de carnifices, an possit salva conscientia hominem supplicio adficere, si dubitet? Nos enim eodem modo distinguiamus, utrum satis probabile sit, hominem injuste damnatum, tunc id salva conscientia non potest a carnifice, an talis probabilitas non obstat, tunc enim præsumere debet, judicem nihil injuste decrevisse. Jura enim carnifices intelligere non solent.

§. 5.

- n. 1. Interim facile largimur Grotio, bonum & pium Principem non facile coacturum subditos militare, si causa iis sit dubia. 1) Quia illis tributa possunt imponi, quibus facile conduci possunt milites, qui non dubitant. 2) Quia & politice periculosum esset invitos milites adversus hostem educere.
- a. 2. 3) Quia durum sit, Christianos ad militiam adigere, quum majoris sanctitatis sit, non militare.

Sed postrema ratio, quamvis testimonio Origenis confirmetur, non caret errore. In se enim nullus status altero sanctior est, adeoque nec militum status Deo ingratiorem quam paganorum, modo quis in statu illo leges divinas observet. Et æque sanctus fuit Josua, bella Domini gerens, quam Sacerdos sacrificans. Socianismus & monachismus sapit hæc Grotii opinio.

Postremo quaerit Grotius, an arma subditorum, etiam in bello injusto, iusta esse possint? Adfirmat Grotius, si vitam & bona defendant, quæ sibi eripi ut patiantur jure perfectio obstricti non sunt subditi. Hinc fingamus Imperantem nostrum bellum injustum, etiam nobis invito suscepisse. Fingamus exercitum nostrum casum, & hostem jam impressionem facere in terras nostras, an ideo tenebimur jugulum illi præbere, & nos ipsi exhibere mactandos? Minime. Agreditur nos tanquam hostis, & victoria abusus eadem nobis intentat, quam scopo potiri posset etiam sine caede. Ergo nobis licet defensione iusta illam crudelitatem hostilem a nobis amoliri. Et de ea quidem re nemo dubitat, ipsaque praxis hanc sententiam satis confirmat.



LIBER TERTIUS.

• C A P U T I.

*Quantum in Bella liceat, regula ex
jure naturæ generatis, ubi &
de dolis & mendacio.*

§. 1.

Monuimus sub initium Libri r. tres
esse hujus operis partes, quas com-
plexi sumus hoc versiculo:

Quid bellum, belli causæ, quæ jura-
que belli. Quæ jura belli sint, Grotius
ait definiri posse aut nude, sine prævio pa-
cto, & tunc id definitur

Vel ex jure naturæ cap. I.

Vel ex jure gentium cap. II, XVIII.

Aut ex promisso antecedente cap. XIX. ad
fin. Sæpe enim diximus aut agi cum ho-
ste tanquam cum hoste, aut tanquam cum
paciscente. Priore casu hostis in hostem
omnia licent, at posteriore non item, sed
pacta sunt servanda.

§. 2.

n. 1. Dum ergo primum quæritur hoc capite
quid J. N. liceat in bello? Grotius primum
regulas quasdam præmittit, §. 2, 4. ac de-
inde ex iis varias definit quæstiones §. 5.
ad fin.

Reg. I. Omnia licent in bello, quæ ad
finem

finem consequendum sunt necessaria. Quæ regula inde probatur 1) quia officia moralia semper ex fine æstimantur. Dum enim Deus vult finem, procul dubio etiam media probat, sine quibus finis obtineri nequit. 2) quia & in statu civili media etiam violenta permissa diximus, si aliter defendere nos non possimus. Quanto magis ergo in statu naturali raptum licebit, quantum defensio & finis noster, ob quem belle gerimus, exigit.

Illustrat id exemplis quibusdam Grotius. n. 1.
Nemini possum in statu civili æque ac naturali suum detinere. Et tamen si mihi alter debet aliquid, & periculum imminet, ut solvendo sit, tunc gaudeo jure retentionis. Cur? quia finis hoc casu id exigit, qui est, ut meum consequar.

Sic & rem meam nemini eripere possum vi, sed auxilium judicis teneor implorare. Et tamen si fur mihi aliquid subtrahit, vel is qui rem meam b. f. possidet, fugam minatur, nemo dubitat, quin ei eripere possim, quod meum est, quia finis id exigit, qui est, ut rem meam consequar.

Ita & quia justum est, delinquentes n. 3.
puniri, justum quoque erit omne, quod ad hunc finem consequendum necessarium est. Hinc si fingamus rebellem civem se arci inclusisse, & militari vi se tueri: nemo dubitabit, licere arcem oppugnare, milites occidere, in quibus reus habitat, quia finis id exigit.

Ergo sequitur, ut liceat etiam in bello homines occidere, incendiis arces delere.

res hostiles perdere, si id exigit finis noster, qui est vel defensio, vel juris nostri repetitio.

§. 3.

Reg. 2. Jus nostrum non ex belli principio, sed ex belli causa spectandum & metiendum est. Hinc sequitur,

1) Ut non defensio sit iisdem circumscripta limitibus, quibus læsio alterius. E.g. si hostis nobis intercepta urbem unam, nihil impedit, quo minus ipsi totam provinciam eripere possimus. Sufficit enim hostilem adversus nos animum fovere alterum.

2) Ut qui focii accedunt hostibus nostris, pari passu ambulent cum ipsis hostibus, adeoque & eodem modo tractari possint, quamvis antea nos haud læserint. Nec interest, bellum ex parte hostis nostri aperte injustum sit, an probabiliter tantum.

§. 4.

n. 1. Tertia regula est: Quædam in bello ex consequente iusta sunt, quæ si ex proposito fierent, injusta haberentur. Nam in his quæ per consequens alteri damnum dant, valet regula: Qui jure suo utitur, nemini facit injuriam.

Hujus regulæ insignis usus est in statu civili ac naturali. Nam ibi sequitur, 1) ut si me adversus latrones defensusus, scilicet cum innocentem occidam, id culpa vacet. 2) Ut si repressaliis utamur: plus sumere possimus, quam debetur, modo superfluum restituere parati sumus. 3) Ut na-

vem

rem piraticam possimus tormentis petere, incendere, mergere, quamvis probabiliter & innocentes in nave sint.

Attamen temperamentum hic recte suadet adhibendum Grotius, ne scilicet jure illo stricto utamur, si charitas aliud jubeat. Juber autem charitas aliud, 1) si iste actus minus sit necessarius, e. g. si navem piraticam integram capere possimus. 2) Si ex actu majus malum quam bonum expectandum, e. g. si mille homines propter unum perdamus. 3) Si manifesto videamus nos non hostibus, sed nobis ipsis damnum inferre, e. gr. Hannibal per viam angustam iter facturus, ubi utrinque Romani montes obsederant, ab utroque latere Romanos captivos proficisci jussit. Maluerunt Romani viam dare Hannibali, quam suos perdere.

Objici posset, Deum nonnunquam punire integras gentes, quum non sit probabile, in tota gente nullum esse innocentem. Sed resp. 1) Deum tunc innocentes non punire, sed castigare tanquam pios. 2) Eum si innocentes mori jubeat, jure suo supremo uti, quali non gaudent homines. 3) Immo ne solere quidem Deum qua est clementia, ad excidium gentium festinare, si vel pauci vere innocentes sint. Legi eam in rem meretur colloquium Dei cum Abrahamo de Sodomis excindendis.

§. 5.

Jam sequuntur quaestiones, quarum 1) est, a. 1. 2. quid liceat adversus eos, qui hostes non sunt, hostibus tamen per indirectum opem

ferunt, commeatum, arma & similia subministrando.

Hic eleganter Grotius distinguit, 1) inter res ipsas, an sint ad belli usum comparata, e. g. arma, pulvis pyrius. 2) an ad voluptatem tantum, ut vinum, chartæ lusoriæ, &c. 3) an & in an extra bellum usum habeant, iisque commode carere nequeamus, e. g. frumentum, pecunia, naves.

De primi generis rebus notanda regula: Qui hostibus arma & res bello necessarias subministrat, hostis est. Et hinc solent hæc intercipi sub nomine *contrabande*. Quo de jure singularis existat *differentia nostra de navibus ob merces illicitas commissis*.

2) De secundi generis rebus: Frustra prohibentur, quæ hostes non fortiores reddunt, sed molliores, quales sunt res omnes ad voluptatem pertinentes.

Exceptio tamen addenda, quod prohiberi possunt res, quæ ad necessariam militum voluptatem pertinent, sine quibus illi commode vivere nequeunt sub aere frigido & humido, e. g. vinum adustum, herba Nicotiana, &c.

n. 3. 3) Circa tertium genus Grotius distinguit belli statum. Nam regulas format sequentes:

1) Si uerè me aliter non possum, nisi ut submissa intercipiam, necessitas jus dabit, sed cum onere restituendi.

2) Si juris executionem hujusmodi subiectio impedit, submittere tenebitur de damno dato.

3) Si

3) Si subvehens hoc casu damnum nondum dedit, sed dare voluit, jus erit rerum retentione eum cogere, ut satisfat de futuro.

4) Si quis hostibus injustissimis, e. gr. rebellibus subvehat comestum, criminally tenetur.

Sed hæ regulæ fere fundamento destituntur, nec in praxi servantur. Nam

1) Negari nequit, hostem his rebus submissis fieri fortiores.

2) Quum in hostem hosti omnia liceant licebit etiam interciperi, quæ ipsi a tertio submittantur, sine discrimine, an necessitas id exigat, nec ne.

Objici posset, tertium tamen jure suo, id est libertate commerciorum uti, adeoque nemini facere injuriam. Sed responderi potest ex ipsis n. 4.

Nimirum solent tempore belli publicare edicta (placas) quibus denunciatur, bellum nobis esse cum hac vel illa gente, adeoque nos deesse, merces illicitas (contrebande) quæ ipsis a quocumque submittantur interciperi & confiscare. Unde additur admonitio, 1) ut navæ non nisi idoneis instandi testimoniis (passeports, connoissements &c.) navigent, 2) ut merces certas, quæ recenseri solent, hosti non advehant, 3) ut damnum sibi imminens vitent.

Qui itaque contra hanc admonitionem faciunt, non utuntur jure suo. Possunt enim commercia cum hostibus exercere, qui neutrarum partium sunt, sed non eum
in.

instruere rebus ad bellum necessariis. Nam hoc si faciunt, hostes nostri sunt.

Ex quo patet, hanc prohibitionem ultra ea, quæ in bello usum habent extendi non posse, adeoque injuriam factam Belgis a Svecis, qui naves quascunque cum Danis & Russis negotiantes, intercipient, immo & in portus ab hostibus occupatos e. g. Rigam, Stetinum, Wisnariam destinatas, quamvis non adveherent merces illicitas.

- n. 5. Sub finem hujus §. rationem reddit Grotius, cur hanc quæstionem ad jus nat. referat. Nimirum, quia in historia nihil exstet, ex quo adpareat, quid gentes ea de re sanxerint. Sed 1) non opus est hac ratione. Quæ enim ex ipsa recta ratione decidi possunt, ad jus nat. pertinent. 2) Ea ratio etiam non satis liquida est. Nam omnino jam ab octingentis & pluribus annis iste mos inter gentes viguit, ut res hostibus advehendas interciperent. Exstat peraratus, sed magni momenti liber *Consulatus maris* Italice scriptus, in quo Imperatorum Constantinopolitanorum, Hispanorum Gallorum & reliquarum gentium edicta huc pertinentia collecta sunt. Unde hic liber illis, qui in collegiis archithalassicis (Admiralitatibus) adsident, in magno pretio esse solet.

§. 6.

- n. 1. Quæstio 2. est de dolo: an eo uti in bello, & hosti damnum inferre liceat? Ubi 1) auctor diversas sententias recenset

§. 6.

§. 6. 2) Eam distinctionibus conatur §. 7.
8. 20.

Quod ad prius attinet : omnino fuere
1) qui hujusmodi dolum non improba-
runt. Idque Grotius probat a) testimoniis
Homeri, Virgilii, Solonis, Fabii maximi,
qui omnes concedunt, dolum contra ho-
stes adhibitum potius laudandum, quam
reprehendendum esse. Hinc tot libri ex-
stant de stratagematibus, ut Polynæi, Fron-
tini, &c.

β) Idem probat exemplis maximorum
imperatorum & belli ducum, quorum ideo n. 2.
sapientia consentiente omnium suffragio
laudatur, quod hostem deceiverint, e. gr.
Ulyssis, Xenophontis, Brasidæ, Agefilai,
&c. Immo ipsi Lacedæmonii, quibus nul-
la gens bella sanctius gerebat, hæc furta
belli, uti vocantur, vel stratagemata pro-
babant.

γ) Ex principiis Juris. Juri ceu no- n. 3.
rum semper dolo addunt epitheton, *dolus*
malus, quia norunt dari etiam dolum bo-
num. Si quæras, quis sit dolus bonus &
respondent, 1) quo alterius non damnum,
sed utilitas promoveretur, 2) quo contra
hostes utimur. L. 1. §. 3. ff. de dolo.

δ) Ex testimoniis ipsorum Theologo-
rum, nempe AUGUSTINI *Quæst. X. super Job*
& CHRYSOST. *lib. 1. de sacerdot.* Potuisset
Grotius.

ε) Aliud multo firmiter argumentum ad-
dere, nempe quod ipse Deus stratagema-
ribus uti jussit Josuam, in expugnanda
urbe Ai. Jo. VII, 2. Quod autem Deus
non

non modo probat sed jubet, id illicitum esse nequit.

- n. 4. 2) Sunt tamen etiam, qui negant hujusmodi dolos excusandos esse, quorum generale hoc argumentum est, quod non sit faciendum malum, ut eveniat bonum. Nam 1) ita etiam probari posset, in bello non licitam esse hostium caedem, 2) est hæc petitio principii. Nam id ipsum quaeritur, an omnis dolus, & hic, quo adversus hostes utimur, in se malus sit?

§. 7.

Quare Grotius distincte procedit, quia dolus non est unius generis. Alius 1) est negativus, alius positivus. Dolus negativus consistit in dissimulatione, ubi suppressio, quod verum est, e. gr. si exercitus sine tympanorum strepitu, nocte intempesta, inscio hoste iter facit.

Dolus positivus est actus vel sermo, quo alterum circumveniamus, adeoque non in nuda dissimulatione, sed in simulatione consistit, e. g. si exercitus fugit, ut hostes in insidias pelliciat.

Dolum negativum i. e. dissimulationem non semper malum esse facile probatur:

1) Quia non semper teneor illi veritatem dicere, qui illam nec perfectam, nec imperfectam jure a me exigere potest. Si non teneor veritatem dicere, dum dissimulo, jure meo utor. Dum jure meo utor, nemini facio injuriam.

2) Saepe dissimulatio est necessaria & inevitabilis, quia aliter me defendere non possum. Qui nescit dissimulare, nescit im-

pe.

perare. Et sane bellum qui gerunt, plus quam stolidi essent, si hosti semper denuntiarent, quid acturi sint.

§. 8.

Dolus positivus vel in factis consistit, n. 1. vel in verbis. Unde supra illum definivimus, quod sit actus vel sermo.

Si in factis consistit, *simulatio* dicitur: si in verbis, *mendacium*.

Quod ad mendacium, illud probe distinguendum a falsiloquio. Recte enim Grotius negat, omnem simulationem in verbis deprehensam esse mendacium. Verba enim sunt signa ideatum. Quemadmodum ergo non semper ideas meas cum aliis communicare teneor, ita nec mentior semper, si aliud dico quam sentio. e. g. Si me latro roget an res pretiosas mecum feram: si infans interroget medicum, an potiuncula sit amara? Ergo 1) mendacium est, ubi falsum dico, quum alter jure a me exigere veritatem posset: falsiloquium, ubi alteri nullum hujusmodi jus est. 2) Mendacium est, si falsum dicendo alteri damnum injuria infero: falsiloquium, quoties tantum meam utilitatem promoveo, vel ipsius, cui falsum quid persuadere conor.

Ergo porro distinguendum, an facta & n. 2. verba libere significant, an ex conventionem, e. g. quid *ius mundi* significet, nondum est communi consensu expeditum: HENR. BODINUS in *dissertatione singulari de jure mundi* ita vocavit jus naturæ.

Contra alia verba jam valent ex consensu tacito, ex usu, qui veluti iis definitio-

nem

nem imposuit, e. g. jus naturæ, & hinc absurde quis diceret, se per jus naturæ intelligere jus civile & canonicum.

De prioribus duplicem regulam suppeditat Grotius. I. Ubi nullum inde sequitur nocumentum, ibi verbis hujusmodi vel factis uti possum, quamvis alter inde aliam ideam concipiat.*

II. Ubi ipsum nocumentum justum est, ibi itidem hujusmodi verbis vel factis jure utor.

§. 3. 4. 5. Utramque regulam exemplis illustrat Grotius. Et priorem quidem exemplis Christi Luc. XXIV, 28. Marc. VI, 48. Pauli Act. XVI, 3. Posteriorem exemplo ex Jo. VIII, 2.

§. 9.

Jam quæritur de verbis, quæ non libere significant, sed ex conventionem hominum tacita. Nam qui his abuzitur ad alterum circumveniendum, is proprie mentiri dicitur. His adversus hostem quoque uti non licere multi existimant, ob varia argumenta.

1) Ob dicta SS. quæ omne mendacium damnant. Prov. XIII, 5. Prov. XXX, 8. Ps. V, 7. Col. III, 9.

2) Ob testimonia ipsorum poetarum, qui tamen alioquin moralem philosophiam non adeo rigidam sectantur.

3) Quia quod per se turpe & vituperabile est, eo ne adversus hostes quidem uti licet. Ergo non magis licita esse mendacia, quam adulteria, stupra, quibus in hostes grassantur.

Sunt

Sunt tamen, qui aliud sentiunt, qui nec^{n. 2.} ipsi suis rationibus destituuntur. Nam

1) Provocant ad exempla in sacris, ubi & emendatissimi homines sine reprehensionis nota hostes circumvenerunt. 2.

Reg. XVI, 29.

2) Ad veterum Christianorum consensum. Exempla quædam jam vidimus supra §. 6. n. 3.

3) Ad consensum philosophorum, Socratis, Platonis, Xenophontis, Ciceronis, Stoicorum, qui 1) & sapientem mentiri fatentur, e. g. si utilitatem alterius promovere possit, ut medicam decipientem ægrotorum.^{n. 3. 4.}

2) Non facta turpia dicunt, sed causam adeoque nec mentiri vel falsa loqui, sed ad decipiendum alterum vel illudendum mentiri. Contra vitio carere existimant mendacium vel propriæ salutis vel alienæ utilitatis causa dictum.

§. 10.

Rem expediturus Grotius distinguit 1) inter mendacium, quod imprudenti excidit, & quod sciens profert.^{n. 1.}

Prius est, si quis falsum profert, quod verum putabat. e. g. Si dicat quis Mævium divitem esse, quem omnes pro tali habent.

Posterius, si quis tanquam verum profert, quod falsum scit esse, e. gr. si quis dicat, Mævium mortuum, quem vivere sciat.

Prius vitio caret, nisi culpa nimis credulitatis accedat. Nam sic nullus accedit do-

dolus, nulla proæresis, immo nec culpa :
 Ast non vacat culpa, qui omnem famam
 sine auctore sparsam statim ad alios pro-
 pagat, tanquam veritatem indubiam.

2.1. Ex quo consequitur, ut nec ambigua
 locutionis usus semper pro mendacio ha-
 bendus sit,

1) Si ille non cum proposito decipien-
 di sit conjunctus.

2) Si quis salutis suæ in justa causa
 consulat, veluti Athanasius in veste nauti-
 ca fugiens, a persequentibus interrogan-
 tibus, an nosset Athanasium? Tam, in-
 quit, novi, quam me ipsum. Quæsitus
 porro an procul absit, non, inquit, pro-
 cul, facile eum assequeremini, si festina-
 retis.

3) Si ambiguitas illa simul improbo-
 rum evitet quæstiones, & probis ad in-
 structionem faciat. Sic sæpe loquutus Chri-
 stus, e. gr. *Lazarus amicus noster dormit.*
*Dirigite templum, & intra triduum restau-
 rabo.*

Unde etiam ratio redditur, cur tot pa-
 rabolis usus sit Christus, cur fabulis usi
 sapientes. Bene PHÆDRUS:

Servitus obnoxia,

Quum, quæ volebat, non audebat di-
 cere,

Affectus proprios in fabellas transtulit,
 Calumniamque fictis elusit jocis.

Contra ex iisdem principiis patet, con-
 tingere posse, ut hujusmodi loquendi ge-
 nus improbum habeatur:

2.3. 1) Si Dei honos violetur, e. g. si quis
 Chri-

Christianus se dicat Mahumedanum vel paganum,

2) Si amor proximi laedatur, ex. gr. si in contractibus mercator mercem corruptam & pravam laudat tanquam optimam.

3) Si reverentia superioribus debita fusque deque habeatur, e. g. si testis coram magistratu vel falsa dicat, vel ambigue ad quaestiones respondeat.

§. II.

His ergo praemissis, jam porro quaerit Grotius, in quo forma consistat mendacii, quum saepe falsiloquium vicio carere dixerimus?

Respondet Grotius, in repugnantia cum jure existente aut manente ejus ad quem sermo dirigitur. Omne enim delictum requirit subjectum delinquens, & subjectum adversus quod delinquitur. Illud delinquit, quia jus alteri debitum vel violat vel intercipit, adversus hoc delinquitur, quia jus ejus intercipitur, & violatur, e. g. Fur violat alterius jus, nempe dominium. Contra si latroni spolia eripiuntur, is conqueri nequit, adversus se commissum esse delictum, quia nullum jus in spoliis istis habuit, quod potuerit violari.

Jam applicabimus ad mendacium. Mendax delinquit, dum alteri falsa persuadet, quum obstrictus ei sit ad veritatem apertendam. Et alteri per mendacium fit injuria, quia jus ejus exigendi veritatem violatur. Unde fuit regula:

Ubi-

Ubicumque alteri nec perfectum nec imperfectum jus est, veritatem exigendi, ibi falsiloquium non est mendacium, adeoque nec delictum.

- n. 2. Regulam hanc ita porro explicat Grotius, quod non sufficiat, alteri jus fuisse aliquando veritatem exigendi, sed requiratur, ut jus hoc maneat, & saluum sit. Nam jus sublatum non est jus. Quemadmodum enim quis debitum exigendi adfuisse potest, sed illud postea sublatum pacto de non petendo, acceptilatione &c. ita & jus exigendi veritatem sublatum esse potest, quo facto & mendacium non admittitur.

- n. 3. Sed quando & quomodo illud jus tollitur? 1) Consensu alterius, vel expresso, si id permittit, ut falsum dicatur, qui casus forte rarissimus, nisi quis ab altero petat, ut sibi fabulam referat. 2) Vel tacito seu potius præsumto, si prævideamus alterum id falsiloquium non ægrelaturum, quo utilitas ejus promovetur, e. g. si medicus infanti persuadeat potionem esse dulcem.

§. 12.

Ex his principiis jam variis conclusiones elicit Grotius, quarum prima est, quod liceat falsiloquio uti adversus infantes, amentes. Rationem jam diximus, quod eorum promoveatur utilitas.

Unde sequitur, ut solius illusionis causa falsa proferre non liceat, adeoque vere peccant, qui infantibus falsa narrant de angelis, de spectris, de religione.

§. 13.

§. 13.

Secunda conclusio est, quod si sermo ad n. i. i.
eum dirigitur, qui non decipitur, tertius
autem inde falsam hauriat persuasionem,
id non sit mendacium. Interrogans enim
jus habet a me veritatem exigendi, non
tertius, qui non interrogat, e. g. si via-
tor Harlingam tendens quærat, quæ recta
via sit, & ego respondeam, eundem esse
occidentem versus, tertius autem Leonar-
diam tendens id audiat, & occidentem
versus ambulet, frustra sane hic conque-
retur, se a me deceptum, quum me nun-
quam interrogaverit.

Sic Flaccus narrabat suis, hostium ur-
bem expugnatam, quia sciebat, explorato-
res adesse. Hi in castra reversi id narra-
bant. Hostes perterriti hoc nuncio fugam
capessiebant. Hic nihil sane est, quod de
Flacco potuerunt conquiri hostes, partim
quod ad eos sermonem non direxerat,
partim quod veritatem hostis ab hoste exi-
gere non potest, nisi pactum antecesserit.

§. 14.

Tertia conclusio est, quoties præsumtio n. i. i.
est, alterum falsiloquium nostrum grato
animo accepturum, toties illud non est
mendacium. Præsumtio enim hæc sæpe
tam firma est, ut pro demonstratione sit.
Quemadmodum ergo furum non commit-
tit, qui contractat rem amici: quem com-
modaturum certo præsumit, ita nec men-
dacium est, si falsa profetam, si præsum-
tio certa sit, amicum mihi gratiam habi-
turum. E. g. apud PLIN. lib. 3. ep. 16. Arria

marito Pato ægrotanti persuadet filium convaluisse, quum esset mortuus. Duces bellici sæpe promittunt auxilium, quum nullum speretur, tantum ut animum addant.

S. 15.

- n. 1. Quarta conclusio est, quod imperantes sæpe falsiloquiis non injuste utantur. Sed ratio Grotii non placet. Nam & hoc jus arcessit a dominio eminente, quasi dominium eminens & ad facultatem mentiendi porrigendum sit. Potius vera ratio denuo est præsumtio, quod subditi id grato animo accepturi sint, eo quod hoc modo utilitati reip. consulatur. Eodem ergo se modo res habet, ac in falsiloquio utente adversus ægrotum.

Quod autem istud jus imperantium non sit ex dominio eminente, vel inde clarissime patet, quod Deo non conveniat falsiloquium, quamvis eminentissimum sit ejus in res creatas dominium. Utilitatem autem nostram Deus & sine falsiloquio promovere potest, quum sit sapientissimus, & mille media ipsi nota sint, quæ homines ignorant.

- n. 2. Illustrat hoc exemplis. Josephus tanquam pro-Rex Ægypti simulavit, se fratres pro exploratoribus & filiabus habere, ut eo modo veritatem eliceret, ut Benjaminum fratrem, quin totam Jacobi familiam in Ægyptum pelliceret.

Sic Salomon simulavit, se vivum infantem, de quo binæ meretrices litigabant, gla.

quantum in Bello licet &c. 777
gladio divisurum, ut veritatem eliceret,
utra mater sit.

Sæpe etiam imperantes legibus suis in
se salubribus reip. sed civitati parum gra-
tis falsam rationem prætexunt, ut eo fa-
cilius reperiant obsequium.

§. 16.

Quinta conclusio est, quod quoties vi-
ta innocentis aut par aliquid aliter ser-
vari non potest, licitum sit uti falsilo-
quio. Hic enim improbus est, qui inno-
centiæ struit insidias, nec perfecto nec
imperfecto in veritatem exigere potest.
Sic recte Michol filia Saulis celavit &
occultavit Davidem maritum, nec ideo
rea fuit mendacii.

§. 177

Jam ad hostes redit auctor, quum nunc
facile decidi possit tota quæstio, an ho-
stes dolis & mendaciis circumveniri pos-
sint: affirmare id multos jam repetit
Grotius, nempe Platonem, Xenophonem,
Philonem, Chrysostomum, &
inprimis Eustrathium Metropolitam, cu-
jus luculentissima exstant scholia in Ho-
merum. Locus a Grotio exscriptus me-
retur legi.

n. 2.

Ast scholastici, & hodie ex Jesuitis quidam
hoc negant, mendacio locum esse ad-
versus hostem, contra concedunt, uti nos
posse sermone ambiguo, & reservationi-
bus mentalibus. Religiosi scilicet homi-
nes, qui hereticis negant servandam esse
fidem, & tamen nefas putant decipere
hostes: qui falsiloquia rejiciunt, & pro-
Hein. de Jure Belli, &c. H h bant

n. 1.

bant ambiguitates & reservationes mentales, id est mendacia, qui hostibus denique parcunt, & inter cives ipsos omnem bonam fidem tollunt, & veluti in exilium ejiciunt.

Verè enim reservationibus istis mentalibus omnem fidem ejici in exilium inde patet:

n. 4.

1.) Quia omnes voces admittunt duplicem significationem formalem, & materiale, c. g. ire, currere, volare, equitare, vocabula hæc omnia unam habent notionem formalem, (nam significant motum ad locum.) Sed singula habent significationem suam specialem & materiale. Ire significat motum ordinarium, qui fit pedibus, currere motum extraordinarium & festinatum isdem pedibus factum, volare motum, qui fit alis, equitare motum qui fit equo. Si ergo omnia vocabula habent significationem duplicem, omnia etiam admittunt ambiguitatem.

2.) Quia ita nec promissis, nec pactis, nec jurejurando alterius fidem habere possum, quum semper sit periculum, ne mihi reservationibus suis mentalibus illudat.

3.) Quia sic absurdum hoc inde defendunt, quod, quo quis est ingeniosior, eo facilius possit esse improbus.

§. 18.

Quid ergo in tanta sententiarum diversitate sentiendum? Resp. nec verum est, omnia falsoquia adversus hostem illicita

licita esse, nec concedendum, omnia esse licita. Nimirum distinguendum, an nobis res sit cum hoste tanquam cum hoste; & tunc illum jure decipimus, quia hostis in statu naturali nec jure perfecto nec imperfecto a me quidquam juris exigere potest. Si illum occidere rebusque spoliare possum, quidni & dolis circumvenire?

An vero agamus cum hoste tanquam cum pacifcente, tunc omnino fidem ipsi debemus servare, quia eo ipso, dum cum illo pacti sumus, ei jus perfectum dedimus, veritatem a nobis exigendi. Unde recte colligit Grotius, nec in promissis, nec in induciis, nec in colloquiis decipiendum hostem, quia ipsi jus novum dedimus.

§. 19.

Ex quo consequitur, ut & hosti jusjurandum servandum sit, e. g. si captivus juravit, se adversus hostes per certum tempus non arma gesturum. Nam

1) Jusjurandum hoc præstitit ex pacto. Pacta & hostibus sunt servanda.

2) Jusjurandum præstat Deo, injustum autem Deum invocari testem ab iis, qui jurant, ut fallant.

3) Si obficiatur jusjurandum hujusmodi esse vi extortum, respondetur, id negandum. Nam non omnis vis irritum reddat jusjurandum, sed vis injusta. Sic e. g. non ideo falsa proferre potest testis, quia iudex seum invitum cogit ad testimonium præhibendum. Quis autem

H h 2

dixit.

dixerit, injustam esse vim, qua hostis adversus hostem utitur?

§. 20.

a. 1. Quamvis vero hactenus Grotius probavit, in se injustum non esse, decipere hostem; tamen existimat, tutius & Christianæ simplicitati magis consentaneum esse, ab hujusmodi fraudibus & falsiloquiis abstinere.

1) Quia ipsi gentiles hoc agnoverint. Si enim statuerant viro bono convenire veritatem, maxime regibus & rerumpublicarum rectoribus.

a. 2. 2) Quia Christianis imprimis a Christo commendata est simplicitas columbina Matth. X, 16. & omnis vanitas interdicta. Matth. XII, 35.

3) Quia imitari debent Christum, cujus in ore non est inventus dolus,

a. 3. 4) Quia laudati veteribus reges & principes, fraudes hujusmodi adspernati, & virtute non furtis extorquentes victoriam. Tale quid de Alexandro, & imprimis de Romanis prædicatur, de quibus *ÆLIANUS* Romanis propriam esse virtutem non per astus & dolos quaesitam victoriam.

§. 21.

Tertia questio est, an liceat hosti, hostem adigere ad aliquid faciendum, quod ipsi non licitum est: e. g. captivo injungere, ut regem suum occidat, ut patriam prodatur. Nam

1) Hosti in hostem omnia licent, id est in ejus corpus & bona, non in animum & con-

& conscientiam, ut illi imperari possint scelera.

2) Qui causam alteri dat peccandi, is & ipse peccat.

3) Quod tibi non vis fieri, alteri ne feceris. Jam nemo dixerit hostem velle, ut ab hoste sicarii adversus se emanent ex ipsis subditis. Ergo nec id faciendum aliis.

§. 22.

Sed quid si alter sponte se offerat ad hujusmodi operam nobis praestandam, e. g. ad tradendam urbem, occidendum regem, &c. ? Tunc Grotius dicit, uti nos posse ex occasione. Sed quamvis facile concedamus, id licere jure nat. de quo hic quaeritur, aliud tamen obstat moribus gentium humaniorum, quae regum etiam hostium personas sacrosanctas habent, nec eos putant per sicarios occidendos. Laudem meretur Fabricius, qui medicum Pyrrhi sibi offerentem, quod veneno tollere velit regem, ad dominum transmisit, rogavitque, ut sibi de veneno caveret. Multa jure stricto licita sunt, quae non probat mox gentium humaniorum, (la raison de guerre) de quo agitur jam capitibus sequentibus.

C A P U T II.

*Quomodo jure gentium bona subditorum pro
debito imperantium obligentur,
ubi de repressaliis.*

§. I.

n. 1.

HActenus quid ex jure nat. in bello liceat : jam de jure gentium . Jam saepe monuimus , jus gentium a jure nat. diversum haud dari , sed esse ipsum . jus nat. negotiis gentium applicatum . Sed si per jus gentium intelligas mores a variis gentibus humanioribus introductos : tunc hæc capita , quæ sequuntur , usum habent .

Et hoc quidem capite acturus Grotius de REPRESSALIIS , primo querit , an ex facto alieno quis possit obligari . Per repressalias enim ob debita imperantium res subditorum interceptiuntur .

Recte resp. jure nat. ex facto alieno neminem teneri . Sive enim obligatio proficiscatur ex contractu , sive ex delicto , utrobique fundamentum obligationis est factum , i. e. promissum vel maleficium . Tertius autem non promissit nec deliquit . Et nec obligatur .

n. 2.

Nec aliter res se habet in universitatibus . Ea constat ex singulis , collective sumtis , sed non singuli constituunt universalitatem separatim . Ergo , quod universitas debet , non potest J. N. a singulis civibus exigi in solidum : sed id primo sol-

solvendum ex bonis universitatis : si hæc non sufficiant, singuli tantum pro rata teneantur, quia pars sunt universitatis.

Hæc omnia ex ipso jure civili illustrat Grotius, veluti *ex L. nn. C. ut nullus ex vicar. ex titulis*, ne filius pro patre, ne pater pro filio, ne maritus pro uxore &c. Colligit etiam eas leges, ex quibus adparet, singulos ex debito universitatis conveniri non posse. Quæ quidem recte se habent, si inde colligas jus civile ea in re servare principia juris nat. Alioquin ex jure civili jus nat. probari nequit.

§. 2.

Quum ergo J. N. neminem pro alio §. 1. obliget: quaritur 2) an non jus gentium hujusmodi obligationem introduxerit?

Affirmat. Nam experientia docet, fore ob debita vel imperantium vel reip. bona privatorum arresto obstringi, & tamdiu detineri, donec satisfactum fuerit. Id quum ex jure nat. non esse demonstratum sit §. 1. ex jure gentium voluntario esse putat Grotius, quod usu ex gente & humanis necessitatibus introductum est.

Sed si recte ponas calculum, falsum est, §. 2. hoc ex jure nat. non posse defendi. Ipse enim Grotius no. 1. fatetur, hoc naturæ non repugnare. Id paullo accuratius probabimus. Nam 1) certum est, rempublicam ratione alterius reip. considerari tanquam unam personam moralem. Ergo quod imperans debet, omnes, id est, tota natio, quæ in remp. coarctat, debere

consentur . 2) Ergo si imperans solvere
vel non vult , vel non potest , nihil su-
perest , quam ut natio creditrix ipsa sibi
jus dicat , & res alterius nationis inter-
cipiat . 3) Subditis tunc non fit inju-
ria , quia dum voluntates suas voluntati
imperantium submiserunt , etiam quasi
fidejusserunt pro factis summi imperantis .
4) A majore ad minus argumentari pos-
sumus , si licet in bello propter facta
imperantis vita & bonis spoliare subdi-
tos , quidni bonis ob imperantis debita ?
Accedit 5) quod is cujus bona inter-
cepta sunt , regressum habet adversus
imperantem vel concives , ut indemnitas
praestetur . Denique 6) proprie civibus
bona non intercipiuntur , sed pignoris
instar capiuntur , detinenturque tam diu ,
donec satisfactum sit . Si ergo imperans
vel resp. cives non vult rebus spoliari ,
solvat quod debet .

Quae quum ita sint , nihil causae est ,
quare hoc jus ex jure quodam gentium a
jure nat. diverso repetamus .

§. 3.

n. r. 3.
3. 4. Ceterum jam rem exemplis illustrat
Grotius , docetque , ex moribus gentium
aliquando homines , aliquando res fuisse
adprehensas ob debitum imperantium .

Homines aliquando fuisse interceptos
demonstratur 1) ex lege Attica , quae si
cades a gente vicina facta , nec vindi-
cata esset , propinquis concessit tres homi-
nes comprehendere ex ea natione , donec
supplicium ab homicida fuerit sumtum .

Hi

Hi ergo homines adprehensi non erant servi, sed obfides, quibus imminebat triste servitutis fatum, nisi civitas supplicium sumeret.

An hoc injustum? Minime, ut enim justo bello capimus privatos ob facta summorum imperantium, ut eos ad pacem cogamus: ita licebit & capere homines, non ut ab iis supplicium sumamus, sed ut hoc modo cogantur imperantes, supplicium a fontibus sumere.

Specialem legem Aristocratis hic adfert Grotius, & an iuste reprehensa sit a Demosthene quaerit. Aristocrates legem rogaverat, ut si quis exterius Charidemum occidisset, is undique abripi posset, si quis ei obsisteret, is hostis loco esset.

Reprehendit id Demosthenes 1) quod non distinxerit, an jure an injuria caesus sit Charidemus, 2) quod non exegerit, ut prius postuletur judicium, 3) quod non eos apud quos facta sit caedes, sed a quibus receptus sit homicida teneri voluerit, 4) quod inde bellum nascatur.

Sed respondet Grotius recte Demosthenem non ubique rem acu attigisse. Verum est, 1) distinguendam fuisse causam caedis justam & injustam. Quid enim si quis Charidemum ex moderamine inculpatae tutelae vel in adulterio deprehensum occidisset? Justa quoque est criminatio. 2) Nam non prius nobis tempore pacis jus est repressaliis vel aliis violentis remediis uti, quam altera resp. a nobis requisita jus vel satisfactionem denegaverit. At

Hb 5 ter.

tertia & quarta causa nihili sunt. Nam qui receptum dat æque particeps sit delicti, ac ipse delinquens. Nec statim resp. quæ homines illos detinet, dici potest bellum movere, quum parata sit, eos reddere, simulac satisfactum sit.

- n. 5. Demonstrat Grotius eandem thesin 2) iis exemplis, ubi homines eorum capti, qui nostros homines injuria captos detinent. Sic. e. g. quum Carthaginenses capere velent Aristonem Tyrium, obsistere cives, causati, sibi tunc idem fatum imminere in variis emporiis. Siverunt ergo, morem jam iis temporibus viguisse, ut pro captivo alii caperentur.

§. 4.

Sed frequentius manus injiciuntur REBUS, & id jus vocatur proprie REPRESENTATIVE, Græcis *ἀντιπροσώπων*, Saxonibus & Anglis *Widermannung*, a Germanico *Widerneemung* recipere, Gallis *l'intermar*, a Celtico *mark*, quod significat limitem, unde *Markgraf*, comes limitaneus, quia in finibus imperii custodes constituuntur, qui res exterorum intercipient.

Et hoc jus locum habet semper, etiam in pace, modo nobis nostrisve via denegetur.

§. 5.

- n. 1. Sed queritur 3) quando jus denegari dicatur? Resp. 1) si in fontes jus plane obtineri nequeat. 2) si in re minime dubia contra jus aperte judicetur. 3) si exequutio denegetur.

Posset objici, rem judicatam pro veritate haberi, adeoque sententiam injustam dici

dicī non posse, si vires rei judicatæ acceperit. Sed resp. Grotius, id quidem inter cives locum habere, quibus aut appellandum, aut sententiæ parendum, non inter diversas gentes.

Ratio differentię est, quia totum jus de effectu rei judicatæ est ex jure civili, non ex jure naturæ. Jam jus civile cives quidem ejusdem reip. non diversarum rerump. subditos tenet.

Hoc jus antiquissimum esse pluribus exemplis potest demonstrari. Elegans est exemplum Nestoris apud Homerum. Antiquum etiam exemplum Aristodemi apud Liv. L. 2. & Dionys. Halic. Lib. 7.

Quamvis verò exempla non faciant jus, vel inde tamen patet, mature admodum gentes id pro remedio justæ & æquo habuisse.

§. 6.

Quæritur 4) an & in vitam subditorum ex his causis aliquid liceat? Id negat auctor, & recte quidem. Nam

1) Ex debitis civilibus vita non obligatur, sed bona.

2) Si crimen admissum, sive a singulis, sive ab universitate, non alius pro alio, nec unus pro tota rep. tenetur, sed delicta tenent suos auctores, nisi id per conspirationem omnium factum, tunc in singulos poena cadit.

3.) Si objiciatur, atqui voluntates civium subjici voluntati summi imperantis resp. at cives non gaudere facultate illa naturali in vitam suam, ut eam obligare possint pro aliis.

Hh 6 Aliud

Aliud itaque dicendum, si cades civis innocentis fiat per accidens, e. g. si imperans iussit navem exteram intercipi, & nautica turba id vi impedire conata est.

§. 7.

- n. 1. Sub finem monet, non confundenda in hac materia esse, quæ sunt juris civilis, & quæ proprie juris gentium. Aliqui enim superaddere solent leges civiles unius vel alterius gentis, quæ non apud omnes gentes receptæ sunt.

Inmo & pactis inter gentes initis quædam introducuntur, quæ non ubique obtinent.

- n. 2. Id jam exemplis declarat Auctor. Nam

1) Ex jure gentium non tenentur his opignorationibus, nisi bonæ civium & subditorum, sive indigenæ, sive advenæ sint, modo sint subditi permanentes. Nam cives temporarii, vel transeuntes opignorationibus premi absurdum esset e. g. si Anglicanus mercator ex Gallia veniens ob debitum Gallicanum arresto constringeretur.

2) Nec eo jure tenentur legati, quorum res æque ac personæ ab omni vi immunis esse debent.

Ex aliis personis nemo excipitur.

- n. 3. At jus civile privilegiis munit & alias personas e. g. mulieres, infantes, studiosos, de quibus imprimis consulenda famosa illa auth. habita Cane fil. pro patr. mercatores, qui ad mercatores publicos veniunt.

Ita & jus G. certum modum procedendi non præscribit. Jus civile præscribit, nempe, ut captis rebus citentur ii quorum in-

interest, iisque ex rebus divenditis tantum addicitur, quantum sibi deberi probaverit.

Ceterum utroque jure nat. & civ. expeditum est, cum qui occasionem de repressaliis dedit denegata solutione, alteri qui damnum passus, teneri ad indemnitatem. Fundamentum enim generale huc quadrat: Nemo debet cum alterius damno locupletior fieri. Sed sæpe hic accidit, ut damnum passio non jus desit, sed exsecutio, si cum imperante vel rep. illis res sit.

C A P U T III.

*De bello justo sive solemnī jure gentium,
ubi de indictione.*

§. I.

Bellum dicitur justum trifariam: vel ratione causæ, quia ob justam causam indicitur, vel ratione effectus, quia pie & secundum justitiæ regulas geritur, vel ratione formæ, quia ab iis geritur, qui gerere possunt, & solemnī ritu indicitur. De prima significatione actum Lib. 2. de secunda videbimus cap. 4. seq. hic de tertia agitur.

Quid ergo hic bellum justum? Est bellum a rebus publicis vel earum imperantibus decretum. Privati enim quum non gaudeant jure bella gerendi in statu civili, sed bellum sit concertatio societatum libe-

liberarum: consequens est, ut si privata bellum gerant, id non sit bellum sed latrocinium, eoque pertinent. L. 118. ff. de v. s. & L. 24. ff. de capr. & postl. Ex eodem sequitur, ut bella civilia inter membra ejusdem reip. gesta non sint bella justa. Unde & Romani negabant, captivos in bello civili fieri servos. L. 21. §. 1. ff. de capr. & postl.

Secundo additur solemniter indictum. Et hoc non tam ex jure nat. quam ex moribus gentium est. Gens enim gentem ea in re imitata est, ita tamen ut ritus indicendi bellum sint diversissimi, uti infra videbimus §. 5. seq.

§. 2.

n. 1. 2.

Quum ergo dixerimus bellum justum dicti, quod a rebusp. decretum est: queritur, an si resp. bellum ob causas injustas suscipit, nihilominus ea justum bellum gerere videatur? an non potius sic civitas degeneret in coetum latronum.

Resp. ratione primæ acceptionis vocis *justum bellum* hujusmodi civitas a latronum coetu non differt: & eatenus, recte Scythæ Alexandrum, Mæ vocarunt latronem gentium. Utrunque enim vis sine justa causa inferitur.

At ratione tertiæ significationis, de qua agimus, magna est inter hujusmodi remp. quæ bellum sine justa causa gerit, & inter coetum latronum differentia. Nam

1) Maxime differunt sine. Civitas consecratur juris fruendi vel securitatis suæ causa: latrones sociantur criminis patranda causa.

2) Ci-

2) Civitas juxta exteris administrat: latrones communes omnium hostes se profitentur.

3) A latronibus capti non sunt capientium, quia justus titulus manifesto deest: capti a gentibus licet injustum bellum gerentibus tamen in dominium capientium rediguntur.

4) De latronibus non triumphabant Romani: de gentibus injusta bella gerentibus triumphabant. Quamvis hoc ad jus Rom. publicum pertineat, quum alie gentes triumphum non admiserint.

Ratio discriminis est, quia latrones sunt plane personæ inhabiles ad bellum gerendum: gentes autem in se sunt habiles, quamvis aliquando in explicatione juris sui, & in ponderanda causa belli fallantur.

§. 3.

Quemadmodum vere recte dixerit Grotius, societatem latronum esse injustam & illegitimam: potest tamen fieri, ut legitimus fiat exercitus, vel plane legitima civitas.

1) Si reip. operas addicant, ut Iephtha. Elegans exemplum est apud Duxmarchum in *Hist. Lib. 7.* de Henrico Aucupe Germanorum Rege: Quum ex una parte Hungari, ex altera Sclavi & Veneti Germaniam devastarent: veniam publice promulgari, juxta omnibus furibus & latronibus, si adversus Venetos prædatum exire, & a civium rebus abstinere velint. Statim aliquot millia horum hominum se obtulerunt, qui in suburbis civitatum collocati, insigni clade affecerunt Germaniæ hostes.

2) Si

a) Si in civitatem coalescant. Exemplo
Romulus ejusque coetus.

§. 4.

Quum autem societas libera vel resp.
tantum bellum justum gerat : quæritur
porro, quanam pro tali habenda sit?

Resp. quæ est independens, vel quæ ha-
bet summum imperium. Hinc municipia,
quamvis quodammodo sint resp. ab aliis
separatæ, non tamen sunt societates libe-
ræ, quia alterius subjectæ imperio. Ali-
quando contingit, ut civitas pro parte sit
independens, pro parte ab alio depen-
dens, tunc pro illa etiam parte bellum
justum gerit. Sic nemo dubitat, quin Rex
Prussæ, ratione ejus regni possit bellum
gerere cum unoquoque, etiam cum ipso
imperatore. Sed ratione reliquarum pro-
vinciarum recte quidem bellum gerit cum
exteris, sed non cum imperatore & im-
perio, nec cum constacibus, quia ratione
priorum subjectione quadam impeditur,
ratione posteriorum est civis Imp. adeoque
in judiciis Imp. actionem instituere & su-
scipere tenetur.

§. 5.

Pergimus ad alteram capitis partem,
nempe ad indictionem vel denunciationem
belli. Ita enim inter gentes humaniores
receptum, ut non alias incautas & nihil ma-
li motuentes opprimant, sed prius indi-
cant, & denuncient. Ea denunciatio fie-
bat variis modis.

1) Apud Romanos per faciales hastam
sanguineam projicientes in fines hostiles
cum

De bello justo jure gentium &c. 738
cum solemnī precatione, quæ exstat apud
Liv. L. 1. c. 32.

2) Apud Turcas sit proposita cauda
equina, ex qua unusquisque videre possit,
bellum esse decretum.

3) Apud reliquas gentes id sit per cla-
rigationem & Manifesta, uui vocast. Id
est publico scripto explicantur causæ bel-
li justicæ, addita denunciatione. Id ve-
ro scriptum deinde quibusdam locis a præ-
cone sub tubarum & tympanorum clan-
gore recitari solet. Ritus itaque diversissi-
mi sunt.

§. 6.

Jam quærit 1) ex quo jure hæc sit de-
nunciatio? Resp. distinguenda esse ea quæ
sint I. N. ab iis, quæ juris gentium, vel
plane juris civilis, de jure N. & G. agi-
tur hoc §. de jure civili §. 8.

Naturali jure denunciationem requiri,
probari nequit. Quum enim 1) hosti in
hostem in infinitum omnia liceant: lice-
bit etiam eundem incautum opprimere.
2) Ubi alter manifesto lædit, & satisfac-
tionem denegat, causæ justitiæ ipsa illi
bellum indicit. Elegans huc pertinet judi-
cium Aeliani, ab Auctore excerptum.

Idem I. N. tamen requirit, 1) ut si
causa sit dubia prius colloquiis vel disce-
patione tentemus pacem conservare, de
quibus supra.

2) Ut si causa etiam sit liquida, inter-
pellatio tamen fiat, ut sciamus paratissime
sit hostis ad satisfaciendum, nec ne. Nam
si satisfacit, bellum merito cessat.

Hæc

Hæc solum rationem habent ex jure naturæ idoneam.

n. 3. Addit Grotius, etiam ubi ex regulis justæ non requiritur indictio vel denunciatio, tamen eam esse laudabilem ex regulis honesti vel virtutis.

1) Quia ita datur hosti spatium poenitendi, immo & impellitur eo magis ad poenitentiam, si videt, jam rem ad telijectum venire.

2) Quia ita demonstratur studium pacis, quod semper bono imperanti debet bello esse potius.

3) Quia Deus ipse hoc jussit Deut. XI, 11. Quid vero jus gentium addidit? 1) necessitatem, ut omne bellum justum indicatur; 2) solemnitatem, ut certis ritibus, quos tamen non determinat, indicatur, 3) effectum, ut bellum solemne certos effectus produceret, qui in minus solemnibus non reperiuntur.

§. 7.

n. 1. Queritur 2) quoruplex sit hæc indictio? Resp. vel conditionata vel pura:

Conditionata, quando conjungitur cum rerum repetitione. Nisi nobis intra 60 dies satisfiat, bellum indicimus. Adde exemplum ex Livio a Grotio adductum.

Pura, ubi nulla amplius repetitio adjicitur. Quod fit 1) in bello defensivo, 2) si satisfactio jam denegata, 3) si factum infectum fieri nequit.

n. 2. 3. An autem si semel sub conditione bellum indictum, & non sequuta satisfactio, tunc eo pure fieri & sic recepti debet. Non est necessaria.

De bello iusto. jure Gentium &c. 237
necessarium. Quæ enim sub conditione
sunt, existente conditione purificantur.
Sed aliquando tamen hujusmodi denun-
tiationem eo casu repetitam novimus.
Exempla habet ipse Grotius.

Sed multa sunt, quæ supervacua, quia
supervacua non nocent. Quo & id retu-
leris, quod plerumque bellum ab utraque
parte indicitur, & indictio adeo sit reci-
proca, quum tamen sufficiat, eam ab una
parte factam.

§. 8.

Jam quærit, quid ex jure singularum
gentium civili accesserit? Resp. solempni-
tatum determinatio. Tales erunt apud
Græcos caduceus, id est baculus implica-
tis serpentibus ornatus, qualem Mercurio
attribuunt. Apud Romanos sagmina, id
est, herbe ex pomeriis petite, quibus
instructi sacrosancti & inviolabiles habe-
bantur. Vid. L. 8. §. 1. ff. de rer. divis.
hasta sanguinolenta, quam faciales in fi-
nes hostium mittebant, de qua Liv. lib. 1.
cap. 81. & hujus generis alia, de quibus
supra. Hæc omnia ad ritus pertinent. Ri-
tus sunt arbitrarii; adeoque ex singula-
rum gentium legibus moribusque origi-
nem ducunt.

§. 9.

Jam de effectibus hujus indictionis:
Quorum primus est, quod bellum indi-
ctum imperanti vel reip. etiam subditi
censeatur indictum, immo & sociis, vel
qui jam sunt in foedere, vel qui se postea
illis adjungunt.

Ratio

Ratio facilis. Nam 1) subditi cum imperante unam constituunt personam moralem, ob submissam ei voluntatem, adeoque & imperante declarato hoste, ipsi quoque hostes censentur. 2) Ratione lociorum, ne dubitandi quidem est ratio, quum qui hostem meum juvat, procul dubio hostis sit. Ergo & jure meritoque eodem loco habetur.

§. 10.

Inde ergo sequitur, ut adversus socios nulla nova opus sit indictione, quia dum se hosti nostro injungunt, sibi ipsi videntur bellum inferre. Hinc Antiocho hoste declarato, Etolis bellum separatim indicabatur a Rom.

Sed exceptio tamen est, si bellum cum hoste finitum sit, & jam socius vindictæ causa bello petatur, tunc enim omnino id bellum denunciandum & indicendum. Nam priore casu bellum adversus socium decretum considerabatur, tanquam accessorium. Hoc posteriore est principale, adeoque & novam requirit indictionem. Hinc negabat Cato justum bellum cum Arionisto gessisse Cæsarem. Venerat Arionistus auxilio Gallis adversus Æduos. Ergo si tunc Cæsar cum Gallis istis bellum gessisset, adversus Arionistum nulla opus fuisset nova denunciatione. Ast finito bello, & subjugatis Æduis, tunc demum Cæsar inconsulto populo & privata auctoritate bellum ei inferbat. Unde Cato, homo antiquæ disciplinæ, Cæsarem per foeciales Germanis dedendum esse censebat.

§. 11.

Quæritur autem, cur indictione opus fuerit ad effectus quosdam belli, veluti, ut captivi fierent servi, ut res capte in dominium capientis transfirent &c.

Multi eam reddunt rationem, ne tamen dolo quam vi aperta hostes adgredi videretur resp. Sed ea ratione uti possumus, si quaestio esset, cur honesta sit, ea belli indictio? Nunc autem quæritur, cur in bello indicto captivi fiant servi, non item in bellis haud indictis?

Hic meliorem rationem commentatus est Grotius, nempe quia alias vix constaret, jussu reip. bellum gerant duces, an privato ausu. Privati enim bellum justum non gerunt. Privatos autem bellum non gerere, sed rempublicam, ex indictione sollemni adparet.

Objici posset, sæpe tamen etiam in bellis minus indictis effectus hos fuisse observatos. Sic aliquando & captivi bellis civilibus in servitutem redacti sunt. Pompejus & de piratis, Cæsar & de Pompejo triumphavit. Romani & provincias gallicas retinuerunt, quas à Cæsare bello minus sollemni occupatas noverant.

Sed resp. distinguendum esse, quod sit de facto, ab eo, quod sit de jure. In bello is, qui altero potentior est multa agit, quæ non probanda sunt, sed tamen ideo non tanquam justa habenda. Exempla docent, quid fiat, non quid fieri debeat,

Queritur porro, an bellum indictum statim geri possit? Id aliqui negant, ex ea ratione, quodd spatium indulgendum sit hosti, intra quod satisfactionem hactenus denegatam præstare possit.

Sed hi iudice Grotio falluntur. Quod perspicue potest demonstrari. Nam 1) bellum indici non solet nec debet, nisi tentata concordia & rebus repetitis. Id si semel factum, quid opus nova mora? 2) Supra docuimus, indictionem esse vel puram vel conditionatam. In pura nullum spatium indulgetur hosti. E. & non opus est mora. In conditionata mora indulgetur, non ex necessitate, sed ex arbitrio nostro, quia semel ei certum spatium præfiximus.

Postrema quaestio est, an legatis violatis indictionem belli opus sit? Ea hodie non magni momenti, quia bellum per legatos indici non solet, uti ante 100. annos, quum legati vel heroldi, uti vocabantur, mitterentur hastati, qui litteras deterrent. Sed tamen si vel maxime is mos etiamnum vigeret, tamen sola violatio legatorum non esset sufficiens causa omittendi indictionem, quæ & per litteras fieri potest.

CAPUT IV.

*De jure interficiendi Hostes in bello so-
lemni, & alia vi in Corpus.*

§. 1.

Diximus belli solemnis plures esse ef-
fectus, qui non deprehendantur in
bello non indicto: tales effectus sunt

- 1) Jus occidendi hostes, de quo cap. 4.
 - 2) Jus res hostium vastandi & eripien-
di, cap. 5.
 - 3) Jus captivos sibi vindicandi, cap. 6.
 - 4) Jus imperandi victis, de quo cap. 7.
- Hic queritur de jure occidendi hostes, ubi
denuo dispiciendum: 1) an hostes inter-
ficere liceat? §. 1. 5. 2) Quos interficere
liceat? §. 6. 14. 3) Quomodo occidere
vel corporibus eorum vim inferre liceat?
§. 15. 19.

Quod ad primam questionem attinet,
Grotius adducit verba Virgilij,

Tum, (si scilicet bellum indictum,)
certare odiss, tum res rapuisse li-
cebit.

Ad quæ verba observat ex Servio Scholia-
sta 1) quod colludat poeta ad vetus jus fa-
ciale Romanorum, ex quo bello indicto in
hostem omnia licere censebatur. 2) Quod
rapere hic non in sensu maligno accipien-
dum sit de rapto illicito, sed idem significet,
ac vim inferre. Ea omnia facilia: Sed id
disputatur præcipue, quo sensu hæc LI-
CERE dicantur?

§. 2.

§. 2.

n. 1. Observat Grotius, licere aliquid non dici uno sensu. Nam 1) dicitur licere id, quod sua natura iustum & rectum est, etiam si forte aliud fieri possit rectius. e. g. Licet unicuique exigere a debitore, quod debet, quamvis laudabilius sit, & debitum remittere. Licet unicuique injuriarum actionem instituere, quamvis forte rectius acturus esset, si injuriam dissimularet. Et eo pertinet illud Apostoli 1. Cor. VI, 17. *Omnia licent mihi, sed non omnia expediunt.*

n. 2. 2) Licere etiam dicuntur ea, quæ in se non quidem pia & honesta sunt, sed tamen apud homines non subjacent poenæ. Sic scortatio apud Romanos extra poenam erat, apud Germanos veteres latrocinari, apud Lacedæmonios & Ægyptios furari. Licebat ergo his gentibus scortari, latrocinari, furari, sed tamen ideo hæc vitia non erant honesta. Illa philosophi perfecte, hæc imperfecte licita adpellant. Et hinc tot distinctiones eorum 1) inter id, quod *licet*, & quod *debet*, 2) inter id quod *licet*, & quod *oportet*. Vide loca ab ipso auctore allegata.

§. 3. 4.

Jam quaeritur, quo sensu LICERE dicitur hostem occidere. Grotius hic singularem fovet sententiam, putatque, posteriore tantum sensu licere, non quod id iustum & bonum sit, sed quod impune id fiat. Hinc sub finem addit, ideo licitum dici hoc homicidium in hostibus admissum, quia

quia ubicumque deprehensus miles non possit tanquam homicida puniri.

Sed hic manifesto hypothesebus suis, quas in religione peculiares admodum fovebat, servit. Nam si imperfecte tantum licet occidere hostes, semper in foro conscientie miles erit homicidii reus, quamvis poenis humanis exemptus, adeoque nec ullus miles spem habebit vite eternae, quum tamen S. S. doceat, & Davidem, & Centurionem Capernaumiticum, & centurionem Caesariensem in statu gratiae fuisse. 2) Grotius ipse supra lib. 1. cap. 2. docuit, bellum & jure divino naturali & positivo justum & perfecte licitum esse. Jam si bellum probat Deus, probat & media, sine quibus bellum geri non potest. Quis autem sibi concipiet bellum sine caede hominum gerendum? Ergo rectius statuitur perfecte licere hosti in hostem & caedibus uti, si aliter res componi & pax obtineri nequeat, idque ex eo fundamento, quia & contra privatum licet uti moderamine inculpatae tutelae.

S. 5.

Ceterum impunitatem a gentibus tributam esse illis, qui hostem occidissent, suo more ex variis testimoniis veterum probat Grotius, & quidem.

1) Ex proverbio: Purus profecto est, quisquis hostem occiderit. Atqui proverbia sunt testimonia antiquae sapientiae, & quae communis de re quadam fuerit veterum sententia, optime docent.

2) Ex ritu Graecorum, quibus nefas visum cibum sumere, vel lavare cum eo,

Hein. de Jure Belli, &c.

Ii qui

qui hominem occiderit, præterquam in bello.

3) Addit testimonia LIVII, l. 26. 27. 28. Cæsaris, Josephi, Papinii, ubi sæpissime fatentur veteres hi auctores, occidere licere hostes jure gentium?

Sed quid opus est tot ambagibus demonstrationum. Si enim quæstio est de jure naturæ, an id liceat? facilius id probari potuisset ex principio socialitatis, quia societas humana consistere nequit, nisi hostes, nobis intentantes perniciem liceret occidere, ceu exemplo Judæorum patet, qui nefas putabant contra Pompejum arma ferre sabbatho.

Sic de jure gentium quæritur voluntario, id est de eo jure, quod gentes ex mente Grotii sibi ipsæ constituerunt: sufficeret ad probationem dixisse, quod nulla unquam gens ab O. C. ad nostra tempora bellum sicum sine eade & sanguine gesserit, vel militibus suis persuaserit, nefas esse hostem occidere.

n. 2.

Sed denuo Grotius monet, quando veteres hanc eadem hostium jus belli vocant, intelligendam tantum esse impunitatem, non jus aliquod perfectum: nam ipsos fateri veteres, 1) in bello innocentes cadere, 2) laudari ab illis, qui justo jure se abstinant. LIV. lib. 3. c. 1. 3) Quod Cypriano, Senecæ, Lactantio & Lucano bellum vocatur peccatum publice licitum, item jus sceleri datum.

Hæc quamvis speciosa, non tamen favent Grotio. Nam 1) quod & innocentes cadunt

cadunt in bellis, id non per se & absolute fit, sed ut philosophi loquuntur per accidens: idque boni principes & belli duces pro virili cavent. Non autem innocentes sunt, qui arma contra nos ferunt. 2) Laudantur illi, qui isto jure abstinere: sed sæpe honestum est, & rebus perfecte licitis se abstinere, e. g. debita exigere a paupere, injuriarum agere &c. 3) Cyprianus, Seneca, Lactantius, Lucanus recte intelligendi: loquuntur hypothetice. Si homo non peccasset, vel ut Stoici, si mens humana non immersa esset tot materie fluctibus, nemo bellum gereret. Ast jam, inquiunt, malitia hominum effecit, ut & sceleris, nempe homicidio, jus addendum fuerit in bello.

§. 6.

Quam ergo hoc liceat in bello: quaeritur, quos in bello occidi fas sit? Quam enim cives sint vel perpetui, vel temporarii, itemque vel originarii, vel adventitii: quaeritur, an omnes jus tam rigidum feriat? Resp. Grotius, omnes, qui intra fines sunt hostium, vel uti jus faciale Romanorum habet, qui intra praesidia hostes sunt. Nam 1) dum apud hostes manent, & solum non vertunt, hostilem ostendunt animum. 2) Dum hostili reip. in qua degunt, vectigalia tributare solvunt, ei commeatum advehunt, stipendiave faciunt, nos adficiunt damno, adeoque satis causæ est, eos tamquam hostes persequendi.

Quam autem cives temporarii & adventitii

titii sint duorum generum, siquidem alii fervente jam bello se ad hostes conferunt, alii ante bellum sedes sibi iis locis bona fide delegerunt: quæritur, an ad omnes promiscue jus illud rigidum pertineat? Respondet Grotius, de prioribus nullam esse dubitandi causam. Qui enim fervente jam bello, hostibus nostris se adjungit, is procul dubio hostis est. At de posterioribus videamus.

§. 7.

Hi quoque pro hostibus habentur, sed non pure, sed sub conditione, si intra modicum temporis spatium non discedant, & in patriam revertantur. Ita Grotius.

Sed distinguendum tamen esse recta ratio docet, 1) an civis noster apud hostes sit, an alius. Si prius, tunc locum habet Grotii decisio. Et hinc origo avocatoriorum, quæ vocant, quibus publice propositis jubentur cives nostri hostium præsidia, castra, urbes intra certum temporis spatium deferere, addita comminatione, eos alioquin non pro hostibus, sed desertoribus & transfugis habitum iri. Posteriore casu mitius habendi sunt cives exteri, siquidem pro hostibus quidem habentur, sed non poena aliqua adficiuntur.

2.) Distingu. an possint discedere, necne. Posteriore enim casu ignoscendum est illis, quos necessitas apud hostes retinet.

§. 8.

n. 1.

Redit ad hostes ipsos Auctor, quæritque quos occidere liceat? Resp. omnes.
1.) Quia bellum regi vel reip. indictum
civi-

civibus quoque indictum intelligitur, ceu supra demonstravimus. 2) Quia ut sæpe monuimus in rep. est una voluntas, siquidem omnes voluntatem suam vel uni, vel paucis, vel plurimis submiserunt. Ergo tota resp. vult, quod imperans vult, adeoque quum omnes subditi habeant pro hostibus, quos rex vel imperans habet, sequitur, ut & omnes tanquam hostes occidi possint.

n. 2.

Quum ergo hoc jus occidendi sit ex ipsa hostium persona; consequens est, ut illos occidere liceat, sine loci discrimine. Hinc occidi hostes possunt in solo nostro deprehensi, maxime quum sic vim vi repellamus, & irruentes rejiciamus, in solo hostili, quia hosti in hostem omnia licent, in solo nullius, quale est mare, quia & ibi hostes reperimus. Non tamen in solo amici, non ob personam hostium, sed ob privilegium territorii amici, quod violare nefas esset.

Distingue tamen, aut pauci ibi hostes, vel hostiles naves deprehenduntur, quæ nos insigni adfecerunt injuria, & tunc judicis implorandum auxilium; aut totus exercitus in solum hostile confugit, & quidem vel consentiente amico nostro vel invito. Si consentiente, nobis idem jus erit, adeoque hostem ibi deprehensum occidere fas esse, nemo negaverit. Sin invito, tunc aut in fuga est, aut nobis exitium hac via minatur. Priore casu territorii rationem merito habemus, posteriore casu perinde est, ubi hostem nostrum deprehendamus,

Quæritur, an & infantes & foeminas occidere liceat? Respondent aliqui, perfecte licere, idque demonstrant exemplis Deut. II, 34. Deut. XX, 16. ubi ipse Deus vetat veniam dari pueris & foeminis Cananitarum. 2) Ex loco Ps. CXXXVI. vult. ubi beatus is prædicatur, qui allisurus sit infantes Babyloniorum lapidibus, jure scilicet belli, quod huic crudelitati perfecte indulgeat. Sed 1) quum a jure Dei in homines ad jus hominum in homines non statim valeat argumentatio, & 2) locus ille Psalmi supponat mandatum & voluntatem Dei, Babelem eradicandi: inde sane thesis illa satis demonstrari nequit.

Grotius noster negat jure perfecto licitam esse hanc infantum cædem, imperfecto tamen licitam concedit, idque probat exemplo Thracum, Macedonum, Romanorum.

Plerique recentiores neutro modo licitam esse in bello cædem infantum & foeminarum. Fundamentum enim 1) cur hostis subditi occidi possint, est consensus vel unio voluntatum. Hujusmodi consensus in infantes non cadit. Fundamentum 2) est, quia prævertere licet eos, qui nobis minantur interitum. At ordinarie id nec foeminae possunt, nec infantes.

Hinc potius poenas irrogatas militibus scimus, si sine necessitate in foeminas & infantes sæviissent: adeoque potius distinguui utrum consilio ita sævierint milites,

an

De jure interficiendi hostes, &c. 745
an casu hujusmodi cædes contigerit, e. g. igne urbi & ædibus injecto. Priore casu cædes illa vix excusanda, posteriore saltem impunis habetur.

§. 10.

Quæstio præterea est, an & captivos occidere fas sit?

Concedit id Grotius, probatque variis veterum testimoniis. Quin addit, id jus occidendi ne quidem tempore ullo excludi.

n. 1. 2.

Sed accuratiores omnino recte distinguunt inter deditos & captos. De captis sine deditione, an iis semel ignoverimus nec ne, itemque de deditis, an sub promissione vitæ receperimus, (quod vocant Quartier-gefen) an sine hujusmodi promissione (quod vocant op gnæde en ongnæde) Si spes facta vel venia semel data, expirat jus eos occidendi, ex pacto ibi expresso, hic tacito, cui contravenire non possumus.

§. 11.

Quid vero si parati sunt hostes ad deditionem, & tamen a nobis non recipiuntur, an tunc impune occidi possunt?

Id recte affirmat Grotius 1) quia potest justa causa esse hostes non recipiendi in deditionem, e. g. quia nimis pertinaces fuere, quia nostros non receperunt, quia transfugæ sunt &c. 2) Si recepti non sunt, tunc nec pactum ullum intercedit, nec tacitum nec expressum, quod nos possit a jure nostro prohibere. 3) Deditio enim est actus bilateralis, nec intelligi potest sine acceptione. Vid. Cic. *Topic. cap. 8.*

§. 12.

§. 12.

Quid si dediti recepti, sed sine ulla conditione vel promissione vitæ? Resp. tunc quoque occidi posse, idque exemplis ex historia Romana haud paucis, & in primis ex ritu, quo triumphantes occidere solebant deditos hostes, probat Grotius.

Sed uti exempla nihil probant justum vel injustum esse: ita rectius dicitur veram rationem esse, quia ubi nihil promissum, nec expresse nec tacite, ibi nihil hosti debeatur: atqui deditis & receptis sine conditione, vel ut hodie vocant, opagnaede ende onagnaede, nihil vel expresse vel tacite promissum. E.

Fatendum tamen humanius & his parci, quum ipse actus receptionis iis semel aliquam spem fecerit salutis, neque probabile sit hostes & ad extrema adactos eo fine se dedere velle, ut ad supplicium ducantur.

§. 13.

n. 1.

Quaestio porro est, an ob rationem vel pertinacem defensionem occidere liceat captivos. Utrumque negat Grotius, & quidem.

1) Quod ad prius ideo negat, quod talio iusta exerceri non potest, nisi in eandem personam quæ deliquit, atqui si præsidium hujus urbis ob delictum alterius præsidii occiditur, tunc talio exercetur in personas diversas.

n. 2.

2) Quod ad posterius, non minus id negat 1) defensio enim est juris nat. adeoque nemini.

nemini vitio verti potest. 2) Potius laudem merentur, qui tam fortiter se patriamque defendunt, si verum est, virtutem etiam in hoste laudandam. 3) Nec duces bellici sine jussu principis vel reipubl. nec milites sine jussu ducum possunt a defensione desistere, adeoque utrisque est justa defensionis & excusationis causa.

Ita Grotius. Et recte hæc se haberent, si quæstio esset de hominibus his supplicio adficiendis. Hic autem quæritur, an bello occidi possint? non per carnifices, sed per milites nostros, non tanquam delinquentes, sed tanquam hostes? Jam quomodo & sine his causis occidi possint, quidni si hæ causæ accedant? Accedit, quod rationes in contrarium allatæ facile refellantur. Nam 1) vere hic talis exercetur in eandem personam, quia totius hostilis reip. eadem est voluntas, eadem persona moralis, 2) defensio quidem laudabilis, modo non sit bruta, & sine ratione ex sola pertinaciâ res ad extrema adducatur.

§. 14.

Paulo difficilior est quæstio, an & obsides occidere liceat? Obsides sunt homines vel personæ magni momenti, quæ ab hoste nobis pignori dantur, ut retineri possint, donec promisso satisfecerint. Olim & pacis causa dabantur. Hodie usus eorum paullo rarior, nisi in oppugnationibus urbium, ubi obsides dant invicem victor & victi, interea dum de deditioe paciscantur.

Jam si hostis promisso non satisfecerit,

an tunc obfes occidi potest? Grotius & id putat jus gent. permittere, ob varia quæ adducit exempla: Sed id quidem falsum. 1.) Exempla enim nihil justum esse probant. 2.) Nemo potest vitam alterutius oppignorare, immo ne suam quidem. Sic sæpe etiam in doli non capaces sæviret victor, siquidem haud raro obsides dantur impuberes.

Objicitur, sic nulli usui fore obsides, si hostes sciant, ob perfidiam suam illos occidi non posse. Sed resp. quasi sola mors obsidum hostes movere possit, & non etiam periculum carceris perpetui. Illustretur id exemplo regis, filium qui obsidem dedit.

§. 15.

Pergimus ad ultimam capitis partem. Vidimus 1.) quod hostes occidere liceat, vidimus 2.) quos occidere liceat. Reliquum est, ut 3.) quomodo eos occidere liceat, dispiciamus?

Recte Grotius distinguit inter jus N. & G. quamvis nos per jus gentium non verum aliquod jus, sed mores tantum inter gentes receptos intelligamus.

Secundum jus N. licet occidere hostem: gladio id fiat, an pulvere pyrio, an veneno, perinde est, quia hosti in hostem in infinitum omnia licent.

At mores gentium humaniorum, (la raison de guerre) hanc regulam J. N. mitigat, & hinc non omnes modos occidendi permittit.

Nunc nemini licet adversus hostes veneno

veneno uti, non quod injustum sit, sed quod inhumanum, & moribus gentium humaniorum adversum. 1) Armis bella gerenda, 2) sic excluditur omnis defensio. 3) Quod tibi non vis fieri, alteri ne feceris. Laudandus ergo Fabricius Cos. qui insidias in Phyrhum regem promissas rejecit.

§. 16.

Veneno vero uti solebant hostes dupliciter, 1) ut insidias struerent ducibus bellicis totive exercitui, e. g. fontes inficiendo. 2) Ut illinerent venenis fortioribus gladios & sagittas, ut iis vulnerati nullam spem haberent salutis, id quod Turcz etiamnum faciunt. Utrumque damnant mores cultioris Europæ. De priorre jam vidimus. Posterius quoque inhumanum, 1) quia sic neminem tuetur fortitudo, & manu fortissimus a velite leniter sauciatus perit. 2) Quia durum est vulneratis invidere reconvalescentiam & dolores eorum augere.

§. 17.

Quid vero si aquæ non veneno inficiantur, sed ita corrumpantur tamen, ut bibi nequeant, e. g. fimum & sordes injiciendo?

Id nunquam mores cultiorum gentium improbarunt. Nam 1) id non fit ad hostem perdendum, (quamvis & id non sit nefas) sed ad cogendum, ut deditionem faciat. 2) A majore dicebit argumentari

ad minus: Scilicet flumen in hostis odium vel intercludere catarractis vel avertere: licebit etiam eundem plane corrumpere.

§. 18.

n. 1. Gravissima quaestio est, an & percussoribus uti liceat? Denuo quaestio est de gentium cultiorum moribus, quos Grotius jus gentium adpellat. Hic varie distinguitur

1) an percussores sint hosti fide obstricti, ut subditi, vasalli, milites, an vere hostes & nullo juris vinculo obnoxii. Illis uti percussoribus ne jure quidem naturae licet, nedum moribus gentium. Posteriori casu id consilium nec improbarunt gentes etiam humanissimae, e. g. Romani. Vid. Exemplum Mucii Scaevolae apud Liv.

n. 2. Rationes sunt 1) hostis hostem potest occidere, quidni & clam? 2) hostem occidere licet per multos, per justum exercitum, quidni & per paucos? 3) Semper laudem mereri vult qui hujusmodi quid fecerunt.

n. 3. Objici solet, atqui percussores deprehensos affici supplicio solere, adeoque pro crimine haberi eorum audaciam. Resp. Grotius, id fit non quod vere peccarint, sed quod hostes in hostes dura quavis statuere fas sibi existimant. Sufficit enim, quod hi homines magnum hostibus intulerint detrimentum.

Illustrari id potest exemplo exploratorum. Iis uti non est nefas, quin ipse Deus

id

id consilium probat, dum Moſen exploratores mittere jubet, & tamen deprehenſi occiduntur & afficiuntur ſupplicio.

Aliud ergo, ut diximus, ſi percuſſores hoſti fide obſtricti ſint. Nam 1) & ipſi peccant dum fidem violant, & 2) qui eos conducunt, dum alios ad peccandum pelliciunt. n. 4. 5.

Rationem aliam comminiſcitur Grotius, quam & occaſionem huiusmodi prohibitioni dediffe putat, ne ſcilicet Reges, quorum ſemper ſacroſanctæ perſonæ viſæ ſunt, periclitarentur.

Deinde 2) diſtinguendum, ſitne bellum ſollemne, an minus ſollemne, id eſt, ſitne cum juſto hoſte facta prius indiſtinctione, an cum latronibus, rebellibus, piratis, ſine indiſtinctione bellum gerendum. Priore caſu merito abſtinemus a percuſſorum opera. Poſtiori eiuſdem jure utimur. Nam 1) tale quid in piratas, rebelles &c. ſtatuiſmus, non tanquam in hoſtes, ſed tanquam in delinquentes. 2) Magiſtratu licet præmium polliceri, qui delinquentem fugitivum vivum vel mortuum obtulerit. E, etiam licet præmium offerre percuſſori. n. 6.

§. 19.

Ultima quæſtio eſt de ſupris in hoſtium ſeminas: an & illa excuſanda? Affirmarunt alii ob eam rationem, quia ſit injuria corpori illata: atqui hoſtile corpus injuriæ cujuſcumque expoſitum eſt. Alſ rectius illi, qui negant. Nam 1) non eſt ſolum injuria, ſed ſimul actus illicitus & cum effrata libidine conjunctus. 2) Non eſt hoc

hoc humanum inceptum, ex hostili corpore voluptatem capere, & actum amoris ex odio exercere.

- n. 2. 3) Repugnat id legi divinæ Deut. XXI, 10. 4) maximam laudem semper decerni videmus Scipioni, Marcello, Alexandro M. quæ & hostilis pudicitie curam gesserunt. Addi potest 5) quod & utilitati reip. adversatur ejusmodi facinora permitti militibus, quibus a virtute ad molli-
tatem & voluptates ruant.

C A P U T V.

De rebus vastandis eripiendisquæ.

§. 1.

Quid hosti in hostium corpora liceat, superiore capite expositum. A majore ad minus concludentes facile animadvertimus, multo plus licere in eorundem res, tum immobiles, tum mobiles. Videbimus ergo 1) quid liceat? §. 1. 2) In quas res aliquid liceat? §. 2. 3. 3) Quomodo eas invadere liceat? §. 4.

I. Quid liceat, duabus propositionibus commode exprimitur. 1) Licet res hostium rapere, eosque omnibus facultatibus spoliare, 2) licet eorundem res corrumpere, exurere, vastare, si commode occupari vel retineri nequeant.

Rationes sunt 1) quia hosti in hostem in infinitum licet. 2) Quia si occidere per-

personas licet, multo plus licere debet in earum res.

Praxis bellica hæc omnia satis confirmat. Sed dubitatur tamen, an idem liceat in deditos. Grotius hoc adfirmat, probatque exemplo ex *TACITI Annal. lib. 13.* Sed omnino & hic observanda distinctio superior, an dediti conditiones certas sibi stipulati sint, tunc ea servandæ: an sine conditione facta sit deditio, tunc sufficit, salvam deditis manere vitam.

§. 2.

II. In quas res hujusmodi quid liceat, paullo difficilior quæstio est. Res sunt vel communes, vel publicæ, vel universitatis, vel singulorum, vel nullius.

Communes ne possunt quidem eripi, ut aer: publicæ sunt reip. quacum bellum gerimus. E. eripi posse illas extra dubium. Idem dicendum de rebus universitatis & singulorum. Enimvero res nullius quam sint vel sacræ, vel sanctæ vel religiosæ, de his potissimum quæritur, num ab hostium manibus exemptæ sint.

Si solum jus naturæ & gentium proprie sic dictum spectemus: nihil ibi occurrit, quod res sacras defendat a potestate hostium:

1.) Quia res sacræ vere non sunt nullius, uti ethnici sibi persuaserunt, & hodiernum sibi persuadent pontificiū, sed sunt ecclesiæ, ecclesiæ autem est pars reip. vel universitatis, adeoque res illæ non magis exemptæ sunt, quam res universitatis & publicæ.

2.) Quia

2.) Quia ex formula vetere se dedentes etiam divina cum humanis dedere cogebantur.

n. 2.

3.) Quia omnes gentes etiam profanæ sacra victoris arbitrio permisere. Id apparet ex a.) *L. 36. ff. de religios.* β.) ex testimonio luculento Pausaniæ, qui hunc communem gentibus omnibus morem fuisse ait, ut res sacræ in arbitrio victorum essent. γ.) exemplis, quæ in hoc ipso numero habentur.

n. 3.

4.) Quia ex principiis J. N. & G. certum est res sacras in arbitrio reip. esse, adeo ut resp. de illis disponere, & ex sacris profanas facere possit. *L. 83. §. 5. ff. de V. O. L. 137. §. 6. eod.* Immo exempla docent sæpe resp. rebus sacris pro tuenda rep. usas.

Jam quum id liceat reip. quidni & hosti, qui jure victoriæ fit successor priorum imperantium universalis, eademque jura sibi recte vindicat, quæ victis antea competeabant.

n. 4.

Addit tamen Grotius 1.) eos victores, qui numen aliquod inesse simulacris credunt, non sine scelere manifesto illa violare & corrumpere, quia agunt contra fidem suam & conscientiam, æque ac si gentilis per Jovem perjurium committat.

2.) Contra gentibus, quæ contrariam persuasionem fovent, vitio verti non debere, si hujusmodi idola violent, destruant, comburant. *Deut. VII, 5.* Et ita fecit Carolus M. Saxonia potitus. Ita & Persæ omnia templa per Græciam destruxere, quia credebant,

debant, nefas esse, Deos templorum parietibus includere & cohibere velle.

Hinc maxime hic distinguendum jus belli strictum, ab eo, quod decorum est. Jure stricto & rebus sacris non parcentes pro injustis haud habendi, quia jure suo usi nemini faciunt injuriam. Et hinc Titus destruens templum Hierosolymitanum, non fuit injustus. Sed decorum tamen sæpe suadet, ne victor hoc jure suo utatur, ne scandalo victis dato eos ad seditionem consternet, ne atheismi suspicionem incurrat. Et hinc recte quoque Pompejus, qui occupatis Hierosolymis templo nihilominus pepercit.

n. 3.

§. 3.

Haëtenus de rebus sacris: quid de religiosis dicendum? idem, quod de sacris. Nam 1) falsum, sepulcra esse res nullius. 2) Falsum ea esse religiosa. Vana enim persuasio de Diis Manibus ad sepulcra vagantibus tam absurda est, ut nihil supra. 3) Ipsi gentiles, qui sepulcra pro rebus religiosis habuerunt, religionem tamen cessare dicunt, si capiantur ab hostibus. L. 4. ff. de sepulcr. viol. Quanto minus victori vitio vertenda ista violatio, si plane sepulcra pro religiosis non habet.

At distinguendum tamen quo finē violentur sepulcra, an id fiat ex solo odio defunctorum & petulantia victoris, (id & absurdum & detestandum est, nec unquam excusanda Gallorum sævitia, qui capta & deleta Spira sepulchra veterum Imperatorum violarunt, & ossa ejecerunt) an id fiat ex necessitate;

U. 2. 2.

e. g.

e.g. ut lapidibus utantur ad reficienda munimenta, ut aurum, argentum, ibi reperiunt, usibus reip. adplicent. Et id nemo improbaverit ob rationes jam allegatas.

§. 4.

III. Denique si de modo quaeritur, perinde est, si res aperta vi rapiantur & corrumpantur, siue dolo: utrumque & jus naturæ & mores gentium probant. Nam dolis & stratagematibus in bello locum esse, jam supra demonstravimus. Inde sequitur, ut

1) injusti non sint, qui res hostium ex insidiis intercipiunt

2) Excusandi, qui aliorum opera utuntur, ad incendenda horrea hostium, (de magazinen in brand to brengen.)

Nec ferenda Grotii comparatio, qua sub finem id conniventiae accenset, qua & meretrices tolerantur. Nam non solum impunes esse dolos in bello, sed & perfecte licitos, supra satis superque probavimus.

C A P U T VI.

De jure acquirendi bello capta.

§. 1.

Quum fas sit res hostiles rapere, ut cap. 5. demonstratum, fas quoque erit easdem acquirere, de eo jure jam agitur. Et quaeritur

1) quo

1) quo jure hostis res captas acquirit? §. 1. 2.

2) Quas res acquirit? §. 3, 7.

3) Quis acquirit? §. 8, 13.

4) Quid juris victori fit in rebus acquisitis. §. 14, fin.

I. Quo jure adquirantur res^o bello captae, primum quaeritur. Grotius primum dispicit de jure N. & divino positivo, ac deinde de J. G. quia hæc jura diversa putat, quum tamen per J. G. nihil aliud hic intelligat, quam mores gentium.

1. Jure nat. omnino capta ab hostibus sunt capientis, idque probatur a fine belli. Bellum geritur, quia judicis auxilio destituimur, & quidem vel ad vindicatas injurias, vel ad suum recuperandum. Quemadmodum itaque quod nobis a judice pro satisfactione vel recuperatione rerum nostrarum adjudicatur, statim nostrum fit: ita & quod bello hunc in finem gesto adquirimus.

Nec dubitari potest de jure divino positivo. Nam 1) Abrahamus Gen. XV. devictis quinque regibus spolia sibi vindicavit, Deoque decimam attribuit. Id quod probatur & fidei adscribitur. Hebr. VIII, 4.

2) Jacobus Gen. LXVIII, 22. ex spiritu prophetico Jeseppo filio attribuit partem rerum Amorrhæorum, quas arca & manu capturi essent. Id quod fieri non potuisset, nisi jus esset hostes rebus suis spoliare.

3) Idem

n. 2. 3. 3) Idem patet ex Deut. XX, 14. ubi Deus prædam concessit Israelitis, ab hostibus captam. Add. Num. XXXI, 27.

Ex praxi populi Dei Rubenitarum. Jos. XXII, 8. Asæ 1. Chron. V, 20. sq. 2. Chron. XIV, 13. Davidis &c.

§. 2.

n. 1. Quid vero de J. G. id est de moribus gentium? Hi quoque probant hunc acquæsitum, sed ut recte additur, eatenus, ut a gentibus omnibus in possessione earum rerum tuendus sit victor, vel qui ab eo causam habet. Nam ratione ipsius victi victor dominium non acquirit, nisi pace facta jus suum victori cesserit: siquidem ipsi victo adhuc jus salvum est, rem amissam recuperandi. Si vero dominus factus fuisset victor, non recuperaret rem suam, sed alienam eriperet.

Jam thesin suam, quod J. G. victor res hostiles captus adquirat, variis argumentis probat Grotius, quorum primum est,

1) quod omnes veteres inter adquirendi modos, qui ex jure gentium sunt, etiam occupationem bellicam retulerunt. Ita Xenophon, Plato, Socrates, ita & institutiones nostræ tit. *de rer. divisi.*

n. 2. 2) Quod veteres A. diserte hoc jus referunt ad jus quoddam gentium voluntarium. Aristoteles vocat legem, velut pactum quoddam commune.

n. 3. 3) Quod iidem A. victores ea, quæ possident, jure possidere dixerunt. Ita Plutarchus, Xenophon, Philippus Rex Mac. & Æschines loquuntur. Ita & Romana
praxis

praxis id confirmat. Nam non solum hostilem agrum in provinciam redegerunt; prædamque & spolia in ærarium intulerunt, sed & semper titulum hunc & causam possessionis præ se unice tulerunt, quod ea jure belli habeant. Loca hujus generis varia ab ipso A. allegantur.

n. 4.

Objici posset, apud Theophilum Ictum Græcum, in paraphrasi Institutionum hunc modum acquirendi vocari naturalem, ergo illum non esse ex jure gentium. Sed resp. 1.) & id verum, quia §. 1. demonstravimus, hoc principium & jus nat. probare. 2.) Theoph. naturale alio sensu accipit, quam vulgo. Natur. aliquid dici potest vel ratione originis, vel ratione modi. Priore sensu naturale dicitur, quod ex jure N. descendit: posteriore quod sine pactis, traditione, aliisque modis & sollemnitatibus civilibus peragitur. Et hoc posteriore sensu acquisitionem rerum hostil. vocat natural.

n. 5.

Qu. an hoc modo a victore tantum adquirantur res publicæ & principis, an & res privatorum? Resp. utraque, quia princeps cum subditis unam constituunt personam moralem, & ob unionem submissionemque voluntatum præstare tenentur facta rectorum civitatis.

Sed addenda tamen exceptio: nisi pacta deditionis intervenerint, vel promissio veniæ. Sæpe enim hostes salva sibi bona per deditionem stipulantur: sæpe ipsis victor illorum securitatem iis promittit ultro. Tunc juri suo renunciavit. Et sane etiam

ex

ex rationibus politicis absurdum esset privatis victis semper bona omnia eripere, quum sic nullus sit, qui tributa impostorum victori perdat.

§. 3.

n. 1.

II. Sequitur altera pars capitis: quas res adquiramus bello. Jam heri vidimus, nihil interesse, sacræ sint, an profanæ, mobiles an immobiles. Sed tamen ratione modi occupandi inter mobiles & immobiles quædam differentia est.

Mobiles is demum adquisivisse videtur, qui eos intra præsidia vel castra pertulit, & persecutionem hostis effugit. 1) Quamdiu enim alteri jus saluum est rem recuperandi, tamdiu res non est nostra. Ad hostis hostem persequens jus habet amissum recuperandi, quamdiu persequitur. 3) Eodem modo res mobilis bello amittitur, quæ postliminio redit. At postliminio redit, si intra fines nostros esse coepit. E. & amittitur si ad fines hostium pervenit.

n. 2.

Sed ea intelligenda, nisi aliter mores se habeant. Sic 1) apud Romanos occupata ab hoste statim fiebant capientium, & loquuntur Institutiones nostræ §. item ea tit. de rer. div. Et 2) moribus hodiernis naves & alia spolia victoris esse intelliguntur, si per horas 24. in potestate victoris fuerint. Qui mos recte a Grotio in notis ex jure Germ. vetere derivat, quibus omnia capta veluti færa bestiarum, mancipia &c. 24. horis possessa adquiri dicebantur.

§. 4.

Quid vero de rebus immobilibus? Distingue-
ndum est inter hostes ipsos & exte-
ros. Si quaeritur, an ratione exterorum
victor sit dominus agri occupati? nemo ne-
gabit. Titulus enim est bellum, modus ad-
quirendi occupatio. Ergo ratione extero-
rum justissime possidet, tanquam successor
prioris domini universalis.

Sin quaeritur, an victor etiam statim sit
dominus ratione victi? id negandum.
Nam ut diximus, si dominus esset, nullum
victo jus remaneret, agrum amissum recu-
perandi. At remanet hoc jus. E. manet
dominus. Elegante exemplo id illustrat
Grotius. Hannibal a longinquo obsidebat
Romam. Ille ipse autem ager quem ca-
stris suis occupaverat Hannibal, eo die
Romae remandabatur. An Romae poterat
venire ager, quem Hannibal hostis insi-
debat? Omnino. Erat dominus Hannibal
ratione aliorum exterorum, e. g. Mace-
donum, Syrorum, non ratione Romano-
rum.

§. 5.

Quaeritur porro, an & res alienas apud
hostes inventas acquirat victor? Distingue
utrum res illae pertineant ad hostium socios
& foederatos, an ad eos, qui neutrarum
sunt partium. Si prius, tunc perinde est,
ac si ipsorum hostium essent: sin posterius:
abripi nequeunt.

1) Nam hosti in hostem in infinitum
omnia licent, non in amicos, adeoque
caussa cessat.

2) Di-

2) Diximus bellum in statu naturali esse loco judiciorum, quæ sunt in statu civili. Quemadmodum ergo per adjudicationem acquirere nihil possum, quod possidet is, quocum mihi lis nulla est: ita & per bellum acquirere non possumus, quod is habet, quocum non bellum gerimus.

§. 6.

Objicitur, an res in hostium manibus repertas abripi, siue amicorum sint, siue inimicorum. Sed resp. id falsum esse. Nam omnes gentes moratiores, (exceptis forte Gallis) dicunt, tantum præsumptionem esse, res in hostium navibus repertas esse hostiles. Quemadmodum vero præsumptio cessat, si probari potest contrarium, ita & res amicorum in hostium navibus repertæ statim redduntur dominis, simulac liquido constat, eas amicorum esse. Et hoc eleganti præjudicio teip. Belgicæ firmat Grotius.

Aliud tamen servare Gallos diximus, quibus placet parcemia juris: La robbe de l'ennemis confisque celle d'ami. Sed omnes gentes reliquæ hanc Gall. praxin iniquissimam merito arguunt.

§. 7.

Quæritur, an & acquirat victor ea, quæ antea victus bello adquisierat? E g. Amorrhæi partem territorii eripuerant Amonitis, victis Amorrhæis is ager ad Hebræos pervenerat. Jam quum Hebræi possiderent, eum vindicabant priores domini Amonitæ. Et ea origo belli cum Jephtha

tha gesti. Jud. XI, 23. seq. Quæritur, quem penes fuerit justitia belli?

Resp. penes Jephtham & Hebræos. Nam 1) ubicumque jus contra priorem possessorem exspiravit, ibi illud non reviviscit contra posteriorem. At hic illud exspiraverat, postquam Ammonitæ finito bello agrum amissum Amorrhæis victoribus reliquerant. E. illud reviviscere non poterat adversus Hebræos.

2) Ea sententia etiam semper placuit gentibus, idque Grotius operose probat n. 2. 1)
1) ex DIONYSII HALICARN. L. 6. 7. ubi riferunt Romani Volscos, quæ olim a se possessa ad Romanos victores pervenerant repetentes. 2) Ex eorumdem praxi. Unicūcū videbimus exemplum. Tigranes Rex Armeniæ Antiocho Rēgi Syriam eripuerat. Paulo post Romani Tigrani inferebant bellum, & eum omnibus exuebant provinciis. Jam Antiochus repetebat Syriam. Negabant Romani se reddituros, quod contra hostes tueri nequiverit. Ec sane si Tigranes factus est dominus finito cum Antiocho bello, domini etiam fuere Romani, victores.

Enimvero aliud tamen statuendum, si focii & foederati provinciam recuperemus, & propter hanc provinciam bellum commune geritur: an restituenda omnino socio. Sic Ferdinandus II. Imp. occupaverat Ducatum Meclenb. Pomeraniam, Marchiam. Gustavus Adolfus Rex Sveciæ inito cum principibus Evangelicis foedere expulit Cæsareos. An poterat sibi Provincias occupatas

Hein. de Jure Belli, &c. K k re-

retinere? minime. Eas recte restituebat prioribus dominis.

§. 8.

III. Sequitur tertia pars capituli, ubi quaestio est, quis rerum bello occupatarum dominium adquirat?

Error is invasit Ictos, ac si jure Romano res captae fuerint acquisitae singulis capientibus. Occasionem errori dedit 1) quod legerunt in jure capta fieri capientium 2) quod c. sicut X. de jurejurand. idem fere cantat, 3) quod omnes fere DD. ita sentiunt.

§. 9.

n. 1. Sed hanc sententiam e male intellectis juris nostri locis natam luculenter jam refellit Grotius, & quidem argumento hoc uno. Nam

Gentes res hostium considerarunt tanquam res nullius, quia cum hoste nulla esse videbatur juris communio. Atqui res nullius cedunt occupanti. E. & res hostium. Occupatio illa sive per me ipsum fiat, sive per alium J. N. & G. perinde est: ergo & perinde erit, ipsene princeps spolia opima hosti detraxerit, an id fecerit per milites suos. Res illustrari potest exemplo venantium. Qui jus venandi habet, is acquirit feram, sive ipse ceperit, sive ejus jussu servus, venator, rusticus.

n. 2. Obijciunt, distinguendum esse inter personas liberas & servos. Quidquid servus acquirit, id procul dubio acquirit domino. At de personis liberis regula est: ne-

mo

De jure acquirendi Bello capta. 765
mo alteri vel stipulari, vel adquirere potest. §. 4. l. de iust. stip.

§. 10.

Sed resp. Grotius, & recte quidem, id non ex J. N. & G. esse, quippe quod & liberorum hominum volentium opera ad acquirendum uti neminem prohibet, sed ex jure civ. Romanorum, quod multa singularia habet. Id Grotius probat 1) ex testimonio MODESTINI L. 53. ff. de acqu. rer. dom. ubi ipse distinguit inter modos acquirendi *naturales*, & *civiles*, & illos vicariam operam fatetur admittere, hos non admittere probat 2) ex confessione ipsorum Romanorum. Masinissa Rex Numidiae Syphacem Regem Mauritan. deviecerat: victi provincias, tanquam suas, Masinissae donabant. Cur? quia ipsi bellum gesserant per Masinissam, adeoque & per eam adquisiverant.

Tantum ergo abest, ut capta ab hostibus jure Rom. privatis acquisita fuerint, ut & ipsi Romani praedam vindicarint. L. 20. §. 1. ff. de capr. & post. L. pen. ff. ad L. Jul. pecul. Quaedam ex liberalitate relinquebantur militibus praedam agentibus, quod & hodie aliquando fieri solet, L. 36. §. 1. C. de donat.

§. 11.

Jam ergo de singulis rebus videbimus, quibusnam bello adquirantur? Res sunt vel mobiles, ut pecudes, servi, pecuniae, arma; vel immobiles, ut agri, oppida, castella. n. 1. 2.

De immobilibus clarum est, eas soli im-

peranti adquiri, vel, quod perinde est, reip. Nam 1) unius vel alterius militis opera capi non possunt, sed vi totius exercitus, qui est Principis vel reip.

2) His rebus inhæreat jus Imperii, jurisdictionis aliaque regalia, quorum capaces non sunt milites privati. 5) Eam regulam omnes gentes bellicosæ probarunt. Romani hoc agros captos bello vocabant publicos. Cur? quia dominium eorum populo adquirebatur. Vid. BURMANN. *de vectigal. pop. Rom.* Idem observabant Hebræi, Lacædemonii, immo gentes omnes.

Obiter hic notetur origo agrorum vectigalium & emphyteuticorum, de quibus titulus singularis *in ff.* exstat. Romani enim dominium agrorum hostilium nacti, eos si culti essent, reddebant possessoribus, ea lege ut vectigal quotannis solverent, certos modios frumenti, & tunc agri dicebantur vectigales. Sin inculti, eos quibusdam dabant in dominium utile, ea lege, ut colerent, & inde tenuem aliquem canonem annum solverent, & tunc dicebantur agri emphyteutici. Vid. BURM. *l. c.*

§. 12.

n. 1. Quid vero de mobilibus? Eæ vel in ministerio publico capiuntur, vel extra illud. Si prius, dominium acquiritur ipsi imperanti, vel reipubl. e. g. si in castris occupatis reperiantur insignes thesauri. Sin extra ministerium: singulorum capientium sunt. Tale quid contingit,

1) si res hostiles apud nos deprehendantur orto bello. Eæ enim non publicæ sed

sed occupantium fiunt. L. 51. §. 1. ff. de acquire. dom. Quod tamen intelligendum cum exceptione, nisi imperantes eas fisco addixerint, quod plerumque fieri adsolet. Vid. §. sequ.

2) Si quidam milites consensu Ducum^{n. 2.} vel ipsorum summorum imperantium extra ordinem vel prædas agunt, & in ditiones hostiles longius excurrunt, vel naves armatas emittunt, (Capers, Commiss-Fahrers.) Nam quidquid hi capiunt, id sibi adquirunt, quia veluti suo periculo bellum gerunt.

Aliquando & extra ordinem & militibus, qui in ministerio sunt, res captæ mobiles relinquuntur, si forte imminet insultus periculosior, si urbs vel castra expugnanda. Tunc enim acuendæ fortitudinis causa militi victori promittitur facultas prædam agendi.

§. 13.

Sed quamvis hæc omnia videantur juris N. & G. mutari tamen posse per LL. civiles, recte agnoscit Grotius. Et sane plerisque locis mutata. Hinc 1) hodiè nusquam fere privatis cedunt res hostiles, orto bello apud nos deprehensæ, sed eas, ut dixi, fisco occupat.

2) Militibus prædam agentibus permittuntur quidem pecuniæ privatorum, vestes, aliaque ejus generis, non autem pecuniæ publicæ, commeatus, pulvis pyrius, tormenta bellica, si quid hujusmodi interceperint.

3) Ii qui naves suo periculo in hostes

emittunt, quæ capiunt, sibi adquirunt: sed non nisi ex parte. Nam & collegium archithalassicum vel republ. partem suam accipit.

§. 14.

- n. 1. Haftenus de rebus mobilibus extra ministerium publicum captis. Jam de iis, quæ capiuntur actu publico, adeoque in ministerio reip. Ea reip. adquiri jam præmonuimus. Et ita omnes gentes sentiunt. Nam 1.) milites tunc non agunt suo nomine, sed ejus, cui militant. 2.) Qui summus & onera fert belli, penes illum & commoda esse debent. 3.) Ita omnes gentes senserunt, idque latius probat. Grotius.
- n. 2. 1.) Græcos prædam reip. vindicasse demonstrat ex ipso Homero, qui quam sit scriptor Græcorum antiquissimus, etiam convincere nos potest, hunc morem non heri aut nudius tertius natum, sed vetustissimum esse. Sane Achilles prædam captam non sibi retinebat, sed Agamemnoni tradebat, a quo deinde inter reliquos reges Trojam obsidentes dividebantur.
- n. 3. 2.) Idem placuit Trojanis, de quibus Virgilius, quod soliti sint præda ducere sortem. Unde argum. Quæ per sortem dividuntur, sunt communia & quæ præda capta apud Trojanos communis fiat. Quæ communia sunt, non sunt singulorum. E. prædia capta non sint singulorum capientium.
- 3.) Idem Persis placuit. Xenophon enim in Cyropædia auctor est milites prædam

captam ad regem detulisse. Quamvis vero Xenophontis illud scriptum non sit vera historia, sed ut hodie vocant fabula Romanensis, (een Romam) probabile tamen est, Xenophontem in ea scribenda se ad mores Persarum accommodasse.

4) Sic & Carthaginiensium duces prædam semper donum misisse, exemplo apud Diod. Sic. lib. 13. & ap. Liv. 23. patet.

5) Sic & GREG. TURON. lib. 2. Hist. c. 17. docet, Francos prædam sorte divisisse. Unde & hic idem argumentum obinet, quod supra de Trojanis protulimus.

6) Nec aliter Romani, quamvis vulgo cum Bartolo putent, apud Romanos prædam acquisitam esse singulis capientibus. Falsum hoc esse multis demonstrat Grotius, & quidem ex loco elegante Dionysii Halicarnassei, scriptoris vere politici, qui omnia capta ab hostibus quæstoribus tradita, & ærario illata fuisse docet.

§. 15.

Quamvis ergo certissimum sit, Romanos prædam omnem populo vel reip. addixisse: negari tamen nequit, eosdem multa arbitrio ducum bellicorum reliquisse. Idque & æquissimum. Nam 1) sæpe extra ordinem in periculo extremo virtus militum inflammanda spe prædæ: 2) sæpe etiam opus est exploratoribus, qui non nisi promissis & largitionibus possunt inescari. Sed ea potestate raro usi sunt duces sanctiores.

n. 1. Nam ritus ipse talis erat: 1) præda omnis colligebatur a duce, & in judicem referebatur vel inventarium. 2) Ea deinde adducebatur Romam, & in publico triumpho ostentabatur. 3) Peracto triumpho quaestoribus tradebatur præda cum inventario, & ab iis pecunia parata inferebatur ærario, captivi & reliquæ res publice sub corona vendebantur, & redacta inde pecunia ibidem inferebatur ærario.

n. 2. Aliquando tamen ipsi duces vendebant prædam, & pecuniam in ærarium inferebant. Sed id raro factum, nec invidia caruit. Hinc ipse Scipio, patriæ servator, quamvis tot rebus gestis immortaliter decivibus meritis, criminis tamen peculatus reus factus, quod haud pauca ex præda Africana interceptisse argueretur.

n. 1. Aliquando duces partem inter milites, virtute eminentiores distribuebant. Sed 1) primum Grotius observat, id rarius factum & visum esse ambiciosius. Cur quæso? Quia ita facile Duces de alieno liberales sibi ita devincire potuissent, ut se adversus ipsam patriam duci paterentur. Ita sane Cæsar militem præda Gallicana delinivisse credebatur.

2) Observat, divisionem factam vel per veram distributionem, vel per direptionem. Divisio vel ita fiebat a duce per tribunos, ut singuli æquales partes acciperent secundum proportionem tamen non arithmetica sed geometrica, vel

ut præda in medio posita ita daretur in commune, ut quantum quisque capere posset, tantum haberet. De direptione §. seq. dicemus.

3) Observat, sæpe prædam prius venditam, & pecuniam inter milites distributam esse, quia sic æqualitas facilius potuerit servari.

4) Habitam rationem ordinis, ut miles caperet simplum, centurio duplum, eques triplum.

5) Nec minus rationem habitam meritorum. Nam qui insigne aliquod virtutis specimen in expugnanda urbe, classe, ostendissent, ii merito partem prædæ paullo pinguiorem ferebant. Quæ omnia exemplis ex historia demonstrat GROTIUS, LIPSIUS, GABR. NAUDÆUS, qui *de re militari veterum egregia ediderunt syntagma-
ta.*

6) Ducem in ea divisione habuisse præcipuum, quidquid aut ratione aut eleganti-
a se commendabat. Apud Græcos Paulanias Dux præcipua habebat, mulieres, equos, camelos.

7) Idem aliquando & aliis virtutis causa esse concessum, quod vocabant extra sortem ferre. Apud Homer. *Iliad.* 2. Nestor feminam possidebat munere (Grajum exceptam forti, & ibid. *Odiss.* 8. Ulysses accepit Menecœa feminam præcipuam, postea plurima sorte tulit. Quin in Israele Caleb ob navatam populo in exploranda terra Cananea operam præcipuam, accepit Hebr.

8) Duces sanctissimos hoc quoque jure suo abstinuisse, veluti Fabricium, Furium, Camillum, L. Paullum, M. Catonem. Vid. PLUTARCH. *in eorum vitis*.

9) Aliquando & rationem habitam fuisset absentium. Sic Fabius capta Anxure partem prædæ & absentibus seposuit. Liv. lib. 14.

10) Aliquando etiam præsentium nullam habitam rationem, si vel detrectassent imperium aliove modo male se gessissent, vel ob statum, capere non possent. Prioris casus, exemplum est apud Liv. l. 3. ubi Minucianus exercitus obsidebatur ab hoste, a dictatore Cincinnato liberabatur, sed deinde victo hoste poenam ferebat imprudentis militiæ, nempe ut nihil prædæ caperet. Posterioris exemplum dat tribus Levii, cui nihil datum ex terra Canaan, præter suburbia quædam, ubi habitarent.

n. 6.

11) Idem jus habuisse tempore Imperatorum sequioris ævi magister militum, seu pater ex L. 36. §. 1. C. de donat. ubi imp. ea a rationum reddendarum onere eximit, quæ militibus a magistris militum sunt donata.

12) Denique & idem observat, hujusmodi donationes semper invidiæ patuisse. Nam 1) videbantur duces sibi conciliare velle milium animos, 2) speciem hoc præse ferebat affectatæ gloriæ, immo & 3) avaritiæ. Nam ideo arguebantur prædam divisisse militibus, ut immunes essent a reddendis rationibus, sibi que maximam partem impune retinerent.

§. 18.

Alter modus prædam concedendi militibus erat DIREPTIO, (§. 17. n. 1.) quæ in eo consistit, quod oppido vel castris expugnatis militibus sit potestas discurrendi, & sibi, quod in ædibus privatorum repererit, occupandi. Exempla plura ex vetere historia dedit Grøtius. Addi possunt plura ex nova: maxime ex historia belli Germanici tricennalis, quam luculenter descripsit Pufendorpius: ubi tamen eas cautiones observant belli Duces, ut direptio concedatur tantum, 1) si militibus plura stipendia debeantur, nec in præfenti copia sit, ea exsolvendi. 2) Si constet jam hostes penitus prostratos. Alias enim, incerta adhuc victoria, facile dispersos & diripientes adgreditur hostis, & cedit ad internecionem. Unde inter strategemata a Polyæno & Frontino descripta, & illud est, quod hostes simularint fugam, & varias res pretiosas per campos patentes sparserint, quæ dum dispersæ colligunt hostes, faciliem fugientibus & jam ex inopinato reversis dedere victoriam.

Sed hunc morem haud pauci improbant n. 2.
1) quia sic nulla habetur virtutis ratio. Nam ignavissimus quisque in prælio strenuum se præbere potest prædatorem, aliiſque virtutis præmium præripere. 2) Plerumque cædes inter ipsos diripientes oriri si plures in eandem prædam involent. 3) Occasionem dari licentiæ non ferendæ, supris, cædibus innoxiorum hominum,

infantum, mulierum: 4) Quin & sæpe milites ex invidiâ res, quas auferre nequeunt, perdere, ne commilitonibus cedant.

n. 3.

Ex quo consequitur, ut vix excusanda sit direptio, nisi ubi necessitas eam defendit. Sæpe enim inter milites res ad tumultum venit, & ii despecto Ducum imperio in prædam involant. Exempla sunt apud Livium lib. 6. & lib. 38.

Sed id non potest melius caveri, quam
1) ut stipendia justo tempore solvantur,
2) ut prostrato hoste intra castra aliquamdiu contineantur, urbe vel castris captis custodia firma munitis.

§. 19.

Extra ordinem aliquando præda aliis quam militibus data, veluti 1) iis qui reip. crediderat pecuniam, vel tributa extra ordinem majora, quam debebant, contulerant. 2) Dii, si nimirum iis ludos voverant imperatores. Id imitantur aliquando Pontificii, qui Petro Romam, vel Mariæ Lauretum spoliæ partem mittunt.

Magis laudanda illustrissimorum ordinum pietas, qui in bello illo ferali Hispanico haud minimam prædæ ex hostilibus navibus captæ partem pauperibus concesserunt. Rem latius narrant Meteranus & Aizema.

§. 20.

n. 1, 2, 3.

Observat porro Grøtius, nunquam certam inter gentes observatam fuisse regulam, quia sæpe in uno eodemque bello, aliter atque aliter de præda dispositum fuisse.

1) Fu-

1) Furius Camillus victis Vejentibus, decimam prædæ Delphos Apollini misit: at idem tamen victis Faliscis prædam omnem intulit in ærarium.

2) Qu. Fabius homines, armenta & greges militibus concessit, pecuniam & aurum intulit in ærarium. Idem in bello cum Volscis & Æquis captivos militi donavit, reliqua diripienda dedit.

Alia hujus generis, diversaque consilia in distribuenda præda observata prolixè refert Grotius. Ex quibus rectè colligitur, nihil certi ea de re statuissè gentes, nec ullam dedissè legem, a qua discedere non possent.

§. 21.

Quæritur, si quis ex præda quid furti- n. 1. 2. 3
perit, quo crimine teneatur? Resp. crimine peculatus, quod omnibus gentibus visum est poena dignissimum, siue ab imperatore, siue a milite esset commissum.

1) Quia enim præda est reip. est in dominio, adeoque res publicæ furto abripiuntur.

2) Delictum hoc eo gravius, quia hic non pauci Floreni, ut a finibus, sed immensi thesauri reip. intervertuntur. Elegans notetur Catonis querela, *fures privatorum furiorum in nervo atque compedibus atatus agere, publicos in auro atque purpura.*

3) Hinc Achan supplicio capitali adfectus a Josua, quod partem prædæ interceptisset. Et a Romanis deportatione digni videbantur, qui peculatum commiserant, l. 3. ff. de pecul.

§. 22.

R. 1. 2.

Quæritur porro, annon lege civili vel moribus aliud quid, quam quod hæcenus diximus observatum a veteribus, introduci possit?

Et id recte affirmatur. Nam 1) ipsos veteres nihil certi observasse, demonstratum est §. 20. 2) si observassent, id esset ex moribus & consuetudinibus gentium. Mores autem & consuetudines, contrariis legibus & consuetudinibus possunt mutari.

Exemplis id illustrat. Sic nemo dixerit, contra jus gentium peccare, qui prædam addicunt pauperibus, viduis, orphanis, vel iis, qui hoc bello insignem cladem passi sunt.

§. 23.

Quæritur, quid sociis debeatur, qui nobis sine stipendio militant? Resp. iis ple- rarumque gentium moribus prædam, quam capiunt concedi. Nam 1) opera gratis præstari non præsumitur. 2) Damnum & sociis refarciendum. 3) Eum finem habuisse videntur socii, dum operam suam nobis stipendio addixerunt.

Exemplum nobis suppeditat ultima op- pugnatio Viennæ Austriacæ a Turcis tenta. Quum enim Poloni, duce Rege suo Joanne Sobieski subsidio venirent obsessis, & opulentissima Turcarum castra bis ex- pugnarentur: immensam sibi prædam reti- nebant Poloni, eamque domum asporta- bant, non invito Imperatore, cui sine sti- pendio, tanquam socii militaverant Polo- ni tempore quam maxime periculoso.

§. 24.

Qu. an & subditi eodem jure prædam exigere possint, si reip. sine stipendiis militent? ut Helvetii, Poloni. n. 1.

Dux rationes hic veluti configunt. 1.) Contra subditos militat, quod operam suam debeant reip. Qui vero facit, quod debet non potest capere præmium, sed dicere debet, servus inutilis sum.

2.) Pro illis vero militat, quod non omnes militent, sed multi e civibus domi maneant, agros colant, mercaturam faciant, lucrum capiant. Ergo illis videtur retributio deberi, ne plus aliis oneris ferri teneantur.

3.) Eadem ratio, quæ pro sociis militat, ne gratis operam præstent, militat etiam pro subditis, qui bello interfunt ad defendendos concives. n. 2 3.

4.) Nec desunt exempla, ubi subditis militantibus sine stipendio æque divisa præda, ac sociis. Exempla bina attulit Grotius n. 3. Unum Ebræorum, Num. XXII, 27. 47. 1. Sam. XXX, 22. alterum militum Alexandri, quibus Rex singulis prædam, quam fecissent, reliquit.

Sed posterius tamen exemplum huc non pertinet, partim quia Alexandri milites sine stipendio non militabant, partim, quia non omnes erant subditi, sed plerique mercenarii, ex variis Græciæ civitatibus conscripti. Vid. Cæsar. l. 1. c. 1. de Bello Alexandrino.

Enimvero ad questionem ipsam respondendi potest variis observatis distinctionibus. n. 4.

1. Distinguitur inter ea, quæ publica vel regis devicti fuerunt, & quæ privatorum militum. Illa merito regi victori integra relinquantur, qui in ejus locum & jura succedit. Sic regium tabernaculum semper mansit Alexandrum, quamvis prædam concederet militibus. Sic corona victi Regis victori imponebatur etiam apud Hebræos. 2. Sam. XII, 30.

1. 5. 6.

Deinde distinguendum inter bella justa & civilia. In illis rarius aliquid conceditur subditis militantibus, quia reip. operas ex obligatione perfecta debent. In his autem frequentius, quia interest ducum, ut milites habeant sibi deditos. Hinc historix docent Sullam, Marium Cæsarem, Augustum victores proscriptionis edictum proposuisse, & redactam e. proscriptorum civium bonis pecuniam liberaliter elargitos esse inter milites.

1. 7. 8.

Porro distinguitur inter res magni momenti & exiguas, quæ digna non sunt publicari. Hæc sæpe & per leges relinquantur militibus. Sic e. g. ap. GELLIIUM l. 16. c. 4. legimus, jurasse milites Romanorum, se nihil prædæ in rem suam conversuros, præter hastam, hastile, ligna, pabulum, faculam, utrem, follem & minores numulos argenteos.

Et multis legibus nauticis maxime Gallicanis receptum, ut nautæ in publicum conferre non teneantur prædam infra 10. scutatos. Apud Hispanos vel tertia vel quinta vel dimidia regi, septima vel decima navarchæ, reliqui militi navali dantur.

Apud

Apud Italos in tres partes dividitur præda nautica, unaque tertia datur domino navis victricis, altera iis, quorum merces in nave fuerunt, tertia capientibus.

Apud Hollandos decima datur navarchæ, quinta pars reip. reliqua inter dominum navis vel pugnantes pro dignitatis & loci proportionem distribuuntur.

§. 25.

Quid ergo si de præda oriatur controversia? Resp. tunc primo omnium respicitur ad mores & leges nauticas istius populi, in quo controversia oritur: si ejusmodi mores probari nequeant, vel leges patriæ deficiant, tunc sequendum est jus gentium, adeoque præda debetur reip. cujus auspiciis bellum gestum, nisi plane privatim ex. gr. adversus piratas pugnatum, tunc enim æquissimum esse, ut præda capientium sit, facile pater.

§. 26.

Quæritur porro, an res alienæ apud hostes repertæ prædæ annumerandæ? Distinguendum utrum hostis in rebus istis alienis jus aliquod habuerit, e. g. pignoris, retentionis, servitutis, tunc non quidem res ipsæ, sed tamen jus in iis radicum ad victorem transit: an vero nihil hosti juris fuerit, e. g. in deposito, tunc res reddenda domino, cui non debet præjudicio esse bellum inter alios gestum.

n. 1.

Ita & facile deciditur quæstio, an extra territorium hostis capta capientium fiant? Resp. distingu. inter jus nat. & mores gentium.

n. 2.

Jure nat. locus discrimen non facit.

Quem

Quemadmodum enim ubicumque hostem nostrumprehendimus, ibi eum jure occidimus: ita eundem quoque jure spoliamus, ubicumque terrarum reperiatur.

Ast mores id non ferunt, ut hostem in alieno territorio aggrediamur, nisi volente & consentiente domino territorii, quo consentiente ipsi etiam pars prædæ procul dubio debetur, quia ei tanquam socii militamus.

Eleganter id Grotius illustrat ex L. 3. §. 1. ff. de acqu. rer. dom. Venari jure gent. ubique licet, quia fera est res nullius. Si tamen vult dominus, potest se prohibere, quo minus fundum suum, ubi fera reperitur, ingrediar. Ita & in hoste persequendo se res habet procul omni dubio.

§. 27.

Finem huic capiti imponit Grotius, addita observatione, quod quæcumque dicta hætenus de jure occupandi res hostium, ea intelligenda sint non de bello minus sollemni, sed sollemni. Quum enim bellum minus sollemne gerant ii, quibus jus nullum est bellandi e. g. cives inter se ipsos, cessare etiam oportet effectus belli legitimos, nempe acquisitionem rerum hostilium.

Multa quidem sibi tunc permittunt victores, qui & omnia capta ab hostibus sibi arrogant, sed quod de facto fit, non statim jure fieri, facile patet.

De Jure in Captivos.

§. I.

IN bello capiuntur non solum res, sed & personæ. De illis vidimus: jam de his quæritur.

1) An servi fiant? §. 1. 2.

2) Quis ejus servitutis sit effectus?

§. 3. 7.

3) An & hodie in usu sit? §. 8. 9.

1) Quæritur, an homines bello capti ^{n. 1.} servi fiant? Affirmat Grotius, si quæstio sit de jure gentium. Id probat. 1) testimonio Jctorum. L. 4. §. 1. ff. de statu hom. qui servitutem dicunt constitutionem juris gentium, qua quis dominio alieno contra naturam subicitur. Ergo fatentur Jcti servitutem esse juris gentium, & dum addunt eam esse contra naturam, negant, eam esse juris naturæ.

2) Exemplis gentium, etiam humanissimarum, quæ omnes captivos in servitutem redegerunt, nullo habito discrimine ætatis, sexus, dignitatis. Non enim hoc jus ex delicto est, sed ex bello. Adducit eam in rem Grotius suo more varia Auctorum loca, in quibus præcipue notandus locus POLYBII, ubi ait: *At hæc belligenæ & illis ferenda sunt; qui nihil impie commiserunt.* ^{n. 2. 3. 4}

Ita quidem vulgo: sed si rem paullo accuratius consideremus, fatendum est, ser-

virtutem non esse nisi ex jure nat. permisso, & ex MORIBUS gentium. Id enim ita probo. Quodcumque jus est ex jure nat. vel gentium vero & præceptivo, id commune est omnium gentium & perpetuum. Atqui jus captivos in servitutem detrudendi, nec commune est, nec perpetuum, quia hodie pleræque gentes cultiores ab eo abstinent. E. non est ex jure nat. & G. proprio & præceptivo.

§. 2.

Postquam autem semel principium hoc placuit gentibus, captivos fieri servos: colligere inde proclive fuit, etiam posteros eorum similiter servos esse. Servi enim veteribus erant res, pars patrimonii, quin præcipuum divitiarum genus. Jam in rerum acquisitione valet axioma: Cujus est principale, ejus est accessorium. Cujus est venter, ejus & foetus est. Ergo & cujus serva, ejus quoque & vernæ inde nati videbantur.

§. 3.

n. 1. II. Jam de effectibus hujus servitutis, qui se exserunt 1) in personas captivorum, §. 3. 2) in eorum res §. 4. 5. 3) in eorum statum §. 6. 7.

1) Quod ad personas captivas attinet: in eas omnia licere capientibus videbatur. Hinc gaudebant domini jure vitæ & necis, poterant servos venumdare, legare, donare, tanquam pecudes, impune in corpora servilia sæviebant, antequam Imperatores hanc dominorum crudelitatem legibus co-
 cererent.

Rationes varias allegabant. 1) Servi sunt res. E. domino summum in res suas debet esse arbitrium. 2) Servi bello capti vitam salvam habent precario, quamdiu domino placuerit, ergo si non amplius placuerit, jure suo utuntur adeoque occidunt impune.

2) Quod ad res: istæ quoque adquiruntur domino una cum servo. Nam 1) servus nihil habere poterat proprium, quemadmodum nec bos, vel equus. 2) cujus est principale, ejus quoque accessorium.

§. 4.

De rebus tantum incorporalibus, i. e. de juribus servi disputant, an & illa domino adquirantur. Sed id nec affirmari nec negari potest, sine periculo. Ergo distinguendum.

Jura aut mere personalia sunt, quæ ossibus inhaerent, aut admittunt vicariam operam. Priora non transeunt in dominium: posteriora transeunt. E. gr. matrimonii jus non transit in dominum, ut captivi uxore ad libidinem abuti possit: ast patria potestas exstinguitur & omne jus illud in dominum transit. Ita & dominus acquirit jus pignoris, servitutis &c. quod captivo servo competebat.

§. 5.

Cur vero id gentes probarunt, quum n. 1. 2. 3. tamen vix a truculentia excusari possit? 4.

Resp. Grotius. Sequitas gentes esse principium: Ex duobus malis eligendum esse minus. Jam supra docuimus, licere hosti hostem occidere, etiamsi se dedere vellet;

ne

ne itaque promiscue hoc jure uterentur milites, maluere introducere servitutem, ut isto lucro pellecti victis parcere, quam eos occidere mallerent.

Et hinc videamus, servos dictos, quasi servatos.

Veram hanc fuisse rationem, exemplo bellorum civilium patuit. Quum enim ibi civis civem in captivitatem redigere non posset, tam promiscue in victos servitum est, ut unum bellum inter Cæsarem & Pompejum plus hominum absumserit, quam centum alia.

§. 6.

3) Quod ad statum attinet captivorum ex eo duplex resultat effectus, quorum prior est

Quod fugere non possit servus. Sed hic distinguendum inter jus internum, quod vocant forum conscientiae, & externum, quod forum civile appellant.

Quod ad prius, illud non vetat servum captivum fugere. Quid enim vetaret hominem innoxium, quem fortuna in hanc miseriam depressit, libertatem quocumque modo recuperare? Unde etiam absurda distinctio Lessii, videndum esse, ad suos, an ad alios fugiat.

Sed jus exterius hoc non fert. Hinc servus hujusmodi fugitivus potest e fuga retrahi, vindicari, puniri, quamvis salva conscientia fugerit.

Equidem, sunt, qui negant hujusmodi distinctionem esse admittendam. Sed eos Grotius exemplis refellit, 1) testamenti, quod

quod ex defectu sollemnitatum nullum dicitur, jure externo, quum tamen, qui sine sollemnitate testatus est, non peccarit in conscientiam. 2) Præscriptionis, qua quis securus sit, possidens rem alienam, in foro exteriori, quum quoad conscientiam ratio vix reddi possit, cur salva conscientia possidere possit rem alienam.

Sed probat Grotius, hanc servi obligationem, ne fugiat, tantum ad jus externum pertinere, n. 3.

1) Ex causa, cur hoc jus introduxerint veteres, quod ideo factum, ne occiderentur captivi, sed servarentur. Atqui ad hunc finem adsequendum non opus erat jure interio, quod conscientiam obstringeret, sed externo.

2) Ex fonte hujus juris. Illud non est ex æquitate naturali, sed ex moribus gentium. Hos qui non observat, is quidem poenam civilem incurrit, sed non ideo peccatum sit actus in se indifferens & licitus. Quis vero licitum negaverit fugere, si quis sine delicto & culpa sua in tristem servitutem fuerit abreptus? n. 4.

Objiciunt, canonicum jus etiam prohibere, ne quis servo fugam suadeat. Atqui jus Canonicum imprimis consulere conscientiz, adeoque & fugam servi illo jure haberi pro peccato contra conscientiam. Sed resp. 1) juris canonici doctrinas non esse mera oracula. 2) Illud nonnunquam turbare magis, quam tranquillare reddere conscientias. 3) Magnam esse differentiam inter servos, qui ob delictum vel ob voluntariam n. 5.

tariam additionem, vel ob ipsam natalium conditionem in servitute vivunt, & eos, qui bello capti in hanc fortunam incidunt. De illis verum est, eos salva conscientia fugere non posse, de his minime. Unde Paulus ep. ad Philem. Onesimo servo Philemonis injunxit, ut ad dominum rediret, sed non injunxisset fortassis, si fuisset bello captus.

§. 7.

Porro ex eorum statu fuit, quod domino resistere nequeant. Et hoc quidem non modo juris externi est, sed & interni, quod & conscientiam stringit. Rationes sunt 1.) quia dum servantur a victore, pactum inter eos & dominum victorem intercedit, quod velint ei servire, quamdiu servi sint. Atqui frustraneum esset hoc pactum, si liceret servo resistere domino. 2.) Si liceret servo saltem salva conscientia resistere domino, liceret etiam resistere magistratui, dominum tuenti. Atqui id non licet salva conscientia, quia unusquisque in territorio vivens magistratui subesse & parere tenetur. E. etiam non licet domino resistere.

§. 8.

III. Jam quaeritur, an hoc jus, quod ex jure gent. venditat Grotius, semper & ubique receptum fuerit, & receptum sit etiamnum? Et id negat, adeoque tacite fatetur, non esse jure gent. Et 1.) quidem demonstrat, nec olim apud omnes gentes fuisse receptum. Nam Hebraei captivos quidem abducebant, sed simul ipsis permit-

mittebant, ut confugere possent ad asyla. Quo facto liberi dimittebantur. Apud Francos quicumque terram Francorum attingerat, fiebat liber. Apud Indos plane nullam servitutem fuisse, testatur STRABO lib. XV. p. 710.

§. 9.

2) Idem dicendum de temporibus nostris. Notum enim est, hodie inter Christianos fere omnes, (exceptis Russis, qui vetus jus apud se restaurarunt,) ab usu recessisse morem captivos in servitutem abripiendi. Et quidem id suadebat 1) charitas Christiana, quæ ne minorem quidem sævitiam probat. 2) Mutatio œconomiz. Hodie enim nec tanto usui nobis sunt servi, ac olim, quum maximæ divitiæ in multitudine servorum consisterent. 3) Si & gentiles inter ipsos concives ejusdem reip. bellum civile gerentes, servitutem cessare voluerunt, quanto iniquius esset, si ea non cessaret inter Christianos, fratres spirituales, membra unius corporis mystici, socios futuræ hereditatis?

Accedit quod 4) ipsi Mahumedistæ, apud quos servitus adhuc viget, tamen Mahomedistas non rapiunt in servitutem. Quanto minus id decet Christianos?

Quo jure ergo victores utuntur in victos apud Christianos, si eos captivos abduxerint? Resp. Captivi detinentur, salvo statu libertatis, & tractantur tanquam captivi, (prisonniers de guerre) donec lytro soluto vinculis vel carcere exeant.

C A P U T V I I I

De Imperio in Victos.

§. I.

n. 1.

Vidimus hæcenus, quid liceat in victorum vitam, corpora, res, libertatem. Jam quaeritur, quid victori populo juris adquiratur in universum populum victum? Respondetur, jus hoc vocatur imperium. Ergo quemadmodum ex moribus gent. singuli privati capti in servitutem rediguntur: ita & universus populus devictus in imperium victoris concedit.

Grotius id probat suo more variis veterum testimoniis, veluti Senecæ, Tertulliani, Livii, Cæsaris, qui omnes fatentur bello adquiri imperium in victos. Et ista testimonia saltim evincunt, gentes ea persuasionem fuisse imbutas.

n. 2.

Sed fuere tamen revera gentes, quæ non pro imperio, sed pro gloria bellum gererent. Id de omnibus gentibus antiquissimis tradit Justinus *libr. 1. cap. 2.* qui & observat, primum Ninum vicinos subjugare cœpisse. Similia fere de Germanis narrat Tacitus, quod bello non fines protulerint Imperii, sed plerumque regiones circa se in solitudinem redegerint, ut exstaret victoriæ & gloriæ monumentum.

n. 3.

Quomodo autem adquiritur imperium in victos? Duplici ratione. Aut enim tantum rex in regis victi locum succedit, tunc

tunc eodem jure utitur victor, quo olim utebatur victus, e. g. Wilhelmus victo Jacobo Rege Angliæ non alia jura sibi vindicare poterat, quam quæ habuerant antecessores. Cum rege enim bellum gerebat, non cum populo. Aut ipse populus plene victus est: tunc victoris ita acquiritur imperium, tanquam patrimonium, ut illud & alienare, & alio modo de eo disponere possit. Hinc priore casu regnum manet usufructuarium: posteriore fit patrimoniale.

§. 2.

Et posteriore hoc casu aliquando civitas plane exstinguitur, ut victi non amplius sint cives, sed servi, & imperium non sit civile, sed herile, quale hodie in Turcia, Russia, Persia, India videmus obtinere. Id quod fit dupliciter,

1) Quando civitas victa sit provincia adeoque accessoria fiat alterius provincie, e. g. Macedonia a Rom. victa non manebat regnum, nec resp. suis parens magistratibus, sed provincia accessoria reip. Rom.

2) Quando manet quidem regnum, sed herile, uti Constantinopolis a Turcis capta. Quod vero regnum herile vocatur? ubi finis non est utilitas subditorum, sed principis. Ergo ibi omnia sunt imperantium, & hi de bonis subditorum non minus libere disponunt, ac de rebus suis.

§. 3.

Quæritur, an detur etiam imperium ex civili & herili mixtum? Resp. omnino.

In vero herili omnes subditi sunt servi; solus princeps dominus, uti in Turcia. In mixto subditi gaudent libertate personali, ut sibi adquirant, sed non civili. Hinc pro lubitu possunt exhauriri tributis, in militiam adduci, omnibus juribus spoliari, quale fere est Russorum imperium. Tantum enim abest, ut ibi omnes subditi servi judicentur, ut potius quidam sint duces, principes, comites, nobiles. Ast ratione civilis libertatis omnium est idem status, tantum Imperatori Russorum licet in Ducem, quantum in rusticum & servum.

§. 4.

n. 1. Denique quaeritur, an & victor succedat in jura principis vel populi devicti? Idque merito affirmatur. Aut enim per deditionem subjiciuntur, aut per victoriam. Priore casu per pactum, posteriore per vim omnia fiunt victoris. Si omnia victoris fiunt, sane victi nihil retinent, adeoque nec jura, tanquam res, incorporales.

n. 2. 3. Rem variis exemplis illustrat Grotius. Alba prima olim inter populos Latinos. Ea victa hunc primatum jure sibi vindicabant Romani. Elegans quaestio circa Thebanos nata. Iis Thessali 100. talenta debebant. Expugnatis Thebis, Alexander jure victoriae usus Thessalis hanc summam remittebat. Aliquanto post Thebani libertati suae redditum ad aes alienum exigebant a Thessalis. Quarebatur an jure? Negatur merito, quia Alexander tanquam victor

victr omnia reip. victæ jura adquisiverat. Ergo & de iis libere disponere, adeoque & debitum Theſſalis remittere & acceptum ferre poterat.

C A P U T IX.

De Postliminio.

§. I.

EX captivitate nascitur jus postliminii. n. 1.
Unde & de eo jam agitur paullo accuratius. §. 25.

1) Quando locus sit juri postliminii.

2) Quæ ejus effecta sint. 6, ad fin.

Præmittit autem Grotius quædam de ipso vocabulo. Sunt autem duæ de ejus origine in jure nostro sententiæ. 1) Servius a post illud deducit, syllabas vero liminium nihil significare putat, quemadmodum in vocabulis testamentum, documentum, monumentum ultimæ syllabæ nihil notant. n. 26
2) Scævola a post & limine, quia captivi post captivitatem ad limina, id est ad limites reip. revertuntur. Sed utramque derivationem rejicit SALMASIUS *ad jus. Alt. cap. 26. p. 568.* quia limen numquam notet limites vel fines reip. Et sane verissimam originem nobis tradit PLUTARCHUS in *Quæst. Rom. cap. 5.* ubi docet, reverbos domum captivos non per fores ædes ingressos, sed post limites vel per regulas & impluviam se intromisisse, boni ominis

caussa, & inde nomen sortitum esse jus postliminii. Conf. ÆGID. MENAGIUS *Amæmis. jur. civil. cap. 39.*

§. 2.

- n. 1. Quid vero est jus postliminii? Est recuperatio omnium jurium captivitate amissorum per reditum ad fines imperii nostri. Dicimus

Est *recuperatio*, non exprimentes, quis recuperaret. Nam jus postliminii & ad res pertinet, & ad personas. Ad res. Sic e. g. navis ab hoste capta, & postea vel vi tempestatum, vel alio casu in portum nostrum reversa ad priorem dominum redit, homo captivus fugiens libertatem juraque sua recuperat, simulac ad fines imp. nostri redit.

Recuperatio omnium jurium, quæ sc. captivitate extincta fuerant. Hinc fingebant Romani, cum, qui captus redisset, captivum non fuisse. Hinc reversus est civis, maritus, patria potestate gaudet, ac si nunquam fuisset captus.

Captivitate amissorum. Captivitas enim jure Rom. & veterum quorundam gentium erat capitis deminutio maxima. Unde patet, hodie personas hoc respectu opus non habere jure postliminii.

- n. 2. *Per reditum ad fines imperii nostri*. Non ergo opus est, ut redeant in urbem ex qua nati, sed eo momento quo ingrediuntur præsidia nostra, omnia jura sua recuperant. Immo etiam si non nostros sed amicorum & sociorum fines attigerint, perinde est.

Et

Et ita obtinuisse apud Romanos quoque Polybius docet.

Inde vero consequitur, ut ad neutrarum partium gentem confugiens jus postliminii non habeat, sed redimendus sit. Nec enim ad nos, nec ad socios pervenit. Et hinc decidit Cuneus quaestio- nem bellissimam, an navis Januensium jure postliminii posset usui, quæ capta a Turcis vi tempestatum in portum Vene- torum, qui tunc neutrarum partium erant fuisset depulsa? idque merito ne- gatur.

§. 3.

Explicavimus hætenus definitione, quid sit postliminii jus: jam porro docet Gro- tius, quid intersit inter has loquutiones, *postliminio reverti*, & *postliminio recipi*.

Reverti dicebantur personæ liberæ in captivitatem redactæ ab hoste. Li enim se poterant ab hostili vi liberare & do- mum redire.

Contra recipi dicebantur res ab hoste captæ, si redirent ad priorem dominum, si- ve virtute militum nostrorum, si- ve casu id fieret.

Quamvis vero hoc discrimen ex ipsa natura vocabulorum fluat, id tamen non semper servari animadvertimus apud Fa- rum, ubi & de personis dicitur, quod recipiantur. In L. 14. ff. de capt. & postl. & L. 12. eod. hæc, ut par est, accurate distinguuntur.

§. 4.

Postliminium porro aut in pace est, aut a. r.

Ll 4

in

in bello, L. 12. *pr. h. l.* Videbimus de pace diversos casus. Nam 1) aliqui bello capti facta pace ideo redeunt, quia in conditionibus pacis iis promissa libertas. Et hi habent jus postliminii.

2) Aliqui bello non capti, sed tempore pacis apud hostes peregrinantes bello subito coorto capti & retenti sunt. Hi si durante bello aufugiant, eodem jure gaudent.

3) Sed fuere quidam bello capti. In pacis conditionibus hæc non fuit, ut liberarentur. Nihilominus aufugiunt. Hi tantum abest, ut gaudeant jure postliminii, ut judicari possint ab iis, qui dominium in istos fugitivos habent jure belli.

n. 2. Cur vero Romani captivos nec redeemerunt, nec de iis reddendis in pacis conditionibus quidquam sibi stipulari consueverunt? Notum sane est, quod cum bello Punico L. Carth. Attilium Regulum consulem captivum remitterent Romam, ut redemptionem captivorum suaderet, hic ipse illam dissuasit.

Rationes sunt, 1) ut spes civibus in virtute bellica magis esset, quam in pace. Ita TRIPHONUS in L. 12. Et hinc plerique Rom. ad extremum habitum pugnabant, & spe decollante, se ipsos interimebant.

2) Quia plerumque se victores sperabant, adeoque in lucro ponebant captivos quam plurimos retinere.

3) Quia quisque qui bellum gerit, putat sibi justam causam esse, adeoque captivos meruisse existimat captivitatem.

Inde

Inde ergo patet, 1) cur in pace semper sibi stipulati sint veteres redditionem & liberationem eorum, qui bello subito ingruente apud hostes fuerant deprehensi. Hi enim arma non gesserant, adeoque non ex fortitudinis defectu in hostium pervenerant potestatem. Neque captivitatem meruisse videbantur homines bona fide apud hostem peregrinati.

2) Cur res, & servi non reddantur facta pace, nisi expresse pactis ita convenierit? Quia hostis summo jure res hostis acquirit, sibi que retinet. Servi autem veteribus erant res.

3) Cur durante bello servi & res habuerint jus postliminii, quia erant in dominio. Jus autem omne per reditum ad fines nostros recuperari, paullo ante diximus.

§. 5.

Liber homo quando postliminio redit?

1) Si ad fines nostros rediit, 2) si eo animo redierit, ut maneat. Hinc si veniat pacis causa, vel missus ab hoste, vel hosti fidem dederit, se rediturum, non liberatur. Atilius Regulus Carthaginem rediit, quamvis sciret, se ad supplicium rediturum. Nec interest 3) vi hostium ergastula effregerit, an clam & dolo se liberarit.

§. 6.

Jam ad effectus. Horum 1) est quod liber homo se ipsum acquirit. Quum enim antea esset servus & alieno juri subjectus, jam in jus suum redit. 2) Omnes res suas, tum corporales e. g. servos, prædia,

n. 1.

pecunias, tum incorporales, e. g. jus civitatis, matrimonii, patriæ potestatis.

Ratio erat, quia hæc omnia non amisit ex defectu rerum, quia res ipsi erant ereptæ, sed ex defectu personæ, quia persona erat subtracta rebus suis. Ea ergo redeunte, cessabat illa emissio.

n. 2.

Sed quaeritur, si res occupavit victor,isque ea alienavit, an postliminio reversus habeat jus postliminii? Distinguit Grotius, an res habeant jus postliminii, nec ne. Priore casu redeunt ad dominum postliminio reversum, posteriore non redeunt. Ratio differentia est, quia priore casu venditæ censentur cum conditione, posteriore absolute. Fingi potest exemplum tempore belli Gallorum Senonum, qui Romam præter Capitolium occupaverant.

§. 7.

Diximus jura recuperari postliminio. Ea vel activa sunt vel passiva. Activa, quo alii ipsi obligantur, e. g. jus patr. p. alia, quibus ipse aliis obligatur, e. g. si creditores habet. De prioribus vidimus. An & posteriora recuperentur. Aff.

1) Quia æquum est, ut si commoda recurrat, & incommoda ad eum revertantur.

2) Quia fingitur nunquam in captivitate fuisse. Atqui si nunquam in captivitate fuisset, mansisset obligatus.

3) Quia ita & leges decidunt. L. 12. §. 6. de capt. & postl.

§. 8.

Vidimus hæcenus regulam: jam exceptiones

nes expendemus. Jure ergo postliminii gaudent.

I. Personæ, quæ per deditionem in hostium potestatem pervenerant. Id probatur

1) Ex L. 17. ff. h. t.

2) Ex ratione pactorum, quibus paciscentes contravenire nequeunt.

II. Nec gaudent postliminio ii, qui tempore induciarum aufugiunt. Ratio est, quia induciæ sunt pactum, quo convenit, ut tempore certo omnia in priore statu maneant.

Aliud si deditio tacite facta, id est, si captivi causa desperata arma abjecerunt.

§. 9.

III. Nec civitas gaudet jure postliminii, si capta non se ipsam liberavit, nec per pacem liberatur. Ratio est, quia civitas est persona moralis, adeoque eodem jure utitur ac persona physica.

n. 1.

Hinc elegans illa controversia inter Frisios & Ultrajectinos, an Ultrajectum a Gallis capta locum suum in republica receperit. Momenta hujus questionis vid. apud HUBERUM in *prat. ad ff. h. t.*

IV. Excepta erant matrimonia, quippe quæ jure Rom. erant dissolubilia.

n. 2.

Atqui supra non semel diximus, & matrimonii jus recuperari. Recte. Recuperatur, si uxor nondum misit repudium. Si nolit ad virum redire, non recuperatur. Cur? Maritus recuperat jura sua. Atqui, si in civitate mansisset, potuisset uxor ab eo suo jure divertere. Ergo etiam poterit, postquam rediit.

Vidimus hæcenus, quid sit jus postliminii, quibus in rebus & personis locum, quæque effecta habeat: jam quaeritur, sitne juris gentium, an juris civilis?

Distinguit Grotius inter jus postliminii ipsum, & ejus limitationem.

Jus ipsum postliminii est juris gentium, id est, ut nos interpretamur, moribus omnium gentium moratorum receptum. Omnibus enim visa sunt corpora libera in servitutem per captivitatem detenta recuperare pristinam libertatem, si ad fines patriæ rediissent.

Sed jus civile aliquid & detrahit & addit huic communi omnium gentium principio.

1) Detrahit aliquid, dum hoc jure excludit.

a) Transfugas, in poenam. Nec enim digni erant beneficio reip. qui temp. deferuerant. L. 19. §. 4. ff. de capti. & postl. Nec intererat, transfuga esset sui juris an filius familias, nam nec hic reversus in patriam potestatem redibat, quia hostis erat reip. & disciplina castrorum antiquior esse debebat parentibus Rom. quam liberorum caritas L. 19. §. 7. eod.

b) Redemptos ab hostibus, qui non prius jure civili pristinam libertatem recuperant, quam λόγος ei, qui se redemit, restituerint, sed illi interea servire tenentur. Sed id 1) introductum, ut eo faciliores essent ad redimendos captivos, si scirent, se pecuniam non amittere, 2) servitus hæc fuit mode-

moderatio, quam aliorum servorum, quia erant statu liberi, 3.) ex *L. ult. C. de post. rer. redempt.* durat quinquennium, 4.) admittitur, si forte durius habeat redimens redemptum. Quæ leges tamen non sunt Justiniani, sed Honorii & Theodosii.

2.) Augent etiam Leges civiles jura postliminii prout jure gent. receptum est, eique aliquid addunt,

a.) Dum illud, quod apud gentes de personis statutum, producunt ad res postliminio receptas.

b.) Dum fingunt, numquam illum in captivitate fuisse. Fiktionen enim non sunt juris gentium, sed civilis. Vid. ANT. DADIV. ALTESERRA de *fiktionibus juris*.

c.) Dum ex hac fiktionem colligunt, recuperari non solum jura quæ jam illo tempore, quo revertantur, supersint, sed & quæ antea habuerint, cum caperentur, e. g. bona usucapta.

d.) Dum *L. Cornelia* novam fiktionem invexit, fingens, eos, qui in captivitate decesserint, in civitate mortuos esse. Inde enim collegerunt, bona & jura ejus devolvi in successores, sive testamentum exstet ante captivitatem conditum, sive ab intestato succedere velint.

Hæc omnia ex jure civili esse, nemo non videt.

§. 11.

Jam ad res singulas progreditur A. & querit, in quibus locum habeat jus postliminii, & quatenus illi locus sit.

1.) Querit de servis & ancillis. Ser-
vi ju.

vi jure Rom. erant resp. Res ad nos reversæ in dominium redeunt. E. & servi. Nec obstat

a) Eos ab hoste fuisse alienatos. Emtores enim aliud jus habere nequeunt, quam quod venditores in eos transferunt. Atqui si in potestate hostium mansissent, locus fuisset juri postliminii. E. etiam ei locus est, si sunt alienati.

b) Eos esse manumissos. Illa enim manumissio effectum habet ratione manumittentium hostium, non ratione prioris domini, qui merito nullum judicat, quidquid hostis fecit in re sua.

p. 2.

c) Servos ad hostes transfugisse. L. 19. §. 8. ff. de capt. & postl. Quamvis enim 1) aliud obtineat in filiosfam. ratio tamen differentiarum in promptu est. Nam filiosfam. est membrum reip. adeoque transfugiens hostilem animum declarat, adeoque indignus fit beneficio. Servus contra est res. 2) Filiosfam. si jure postl. utitur, beneficio fruitur, servus autem reversus nullum capit beneficium, (fit enim servus) sed domini est hoc beneficium.

n. 3.

d) Servos ab alio esse redemptos quam a domino. Nam & hic redimens tamdiu servum possidet, donec ei pretium a domino fuerit restitutum.

§. 12.

2. Quæritur de populis in servitutem retractis, an ii jura recuperent priora jure postliminii?

Dist. an prior princeps eos receperit, uti Hungaros imperator tanquam rex Hungariæ

gariz sensim e Turcarum potestate libera-
vit: & tunc in recuperantis principis po-
testatem redeunt, & merito jura sua re-
cuperant, nisi sua culpa in hostium pote-
statem pervenerint.

An vero tertius eos receperit, veluti
imperator Siciliam a Duce Sabaudie amif-
sam. Tunc socius illam recipiens debet
dispicere, quid leges societatis vel foede-
ris exigant. Si enim ita cautum est, ut
provinciæ receptæ priori domino restituan-
tur, iis parendum est. Sin minus, eas re-
tinet socius victor, donec sibi de sumti-
bus satisfactum sit. Hinc facile redditur
ratio, cur Angli & Belgæ Brabantiam,
Flandriam, Hannoviam restituerint impe-
ratori; imperator autem Siciliam non re-
stituerit Sabaudis, sed sibi eam retinuerit.

§. 13.

Quæritur 3. de agris, qui jure postli-
minii omnino a priore domino recipiun-
tur, simul ac hostes expulsi.

n. 1.

Hic ergo ager rediisse fingitur ad fines
nostros, si expulsis hostibus fines ultra
agros occupatos protulimus. Nobile est
exemplum Justiniani imp. qui pulsus ex
Italia Gothis agros a Gothis possessor
prioribus dominis addixit, quamvis per
plures quam centum annos eos possedis-
sent hostes.

Ex eo autem sequitur, ut & jura rebus
istis vel agris inhzrentia simul redeant ad
priorem dominum. Hinc reviviscunt ser-
vitutes, usufructus, pignoris jus.

n. 2.

Ratio est 1) quia accessorium sequitur
suum

suum principale. 2) Quia jure postliminii res in priorem statum redit. 3) Quia fingitur rem nunquam in hostium potestate fuisse.

§. 14. 15.

n. 1. Queritur de rebus mobilibus, an & in iis locus sit juri postliminii. Hic Grotius tempora distinguit.

Jure veteri distinguebatur inter res, quæ ad bellum pertinent, & aliam supellectilem, quam in castris vel in urbibus occupatis hostis abstulit.

De posterioribus negabatur, quod postliminii jus habeant. Hinc capta hosti tanquam præda acquirebantur, ab hostibus vendita emtoribus acquirebantur. A militibus nostris recuperata non præcise priori domino restituantur, sed tanquam præda vel imperantibus cedunt, vel dividuntur inter milites.

n. 2. Circa res bello destinatas distinguebatur inter res majoris & minoris momenti. Majoris momenti sunt naves bellicæ, tormenta, equi; minoris arma & vestes. Illæ redibant ad priorem dominum. Hæ minime. Ratio differentiæ erat, quod favore indigni videbantur, qui arma vel abjecerant, vel ea hosti reliquerant.

n. 3. Ast quod ad jus novum attinet, illud vix distinguit eo modo. Immo multis legibus plane aliud cautum, ut omnes res mobiles jure postliminii destituantur etiam naves. Constitutiones Genuensium & aliorum populorum maritimarum reperiuntur in libro quantumvis pretii, qui vocatur *Consulatus maris*.

§. 16.

§. 16.

Jam sequuntur quædam exceptiones . Nimirum 1) res hosti, antequam in præsidium ejus pervenerint, ereptæ redeunt quidem ad priorem dominum, sed non jure postliminii.

Ratio hæc est. Quæcumque nondum ab hoste in præsidia sua adducta sunt, illa ne capta quidem intelliguntur. Quæ capta non sunt, ea nec e dominib prioris possessoris exciderunt. Quæ non exciderunt ex dominio prioris possessoris, ea nec postliminio indigent.

2) Res a latronibus & piratis ereptæ & recuperatæ ad priorem dominum redeunt sine jure postliminii.

Ratio est, quia piratæ & latrones non gaudent jure belli, ergo nec bello adquirent. Ergo, quibus a latronibus vel piratis aliquid receptum, non magis indigent jure postliminii, quam ii, qui res furtivas sibi tanquam suas vindicant.

§. 17.

Attamen & hic jus civile potest aliud statuere. Exemplum attulit Grotius ex Legibus Hispanicis, quæ naves piratis ereptas non addicunt priori domino, sed capienti.

Similem Venetorum legem in annotatione subjecta recenset ipse Grotius.

Atqui videri hoc posset iniquum. Cur ergo id invexere leges nauticæ? Resp. ut eo magis omnes incitentur ad persequendos piratas, si videant, sibi prædam adjudicatam adiri. Sane is cui navis erepta est,
ple-

plerumque non potest piratam persequi. Alii id nollent, si prædam domino restituere teneatur, & sic in tuto futura esset piratarum fortuna.

§. 18.

n. 1. Sub finem duplicem adhuc observationem subnectit Grotius, nempe 1) quod olim postliminii jus inter Romanos & externos populos, quamvis non hostes locum habuerit, e. g. Romanus naufragium faciebat in litore gentis extræ, non hostis. Homines nihilominus in potestatem gentis istius pervenisse videbantur, æque ac res naufragorum. Si se in libertatem vindicassent, & ad fines redirent, jure postliminii gaudebant.

Quænam ratio? Grotius eam deducit a pristina conditione Nomadum, populorum vagorum & incertæ sedis, qui sibi in omnes peregrinos aliquid licere existimabant. Ergo hostes & peregrini olim parum differebant, quamvis nullum ferveret bellum. Et jam a Cicerone aliisque observatum est, hostem olim dictum, qui nunc peregrinus, veluti in XII. Tabulis. Adversus hostem æterna auctoritas esto.

n. 2. 3. II. Quod postliminii jus etiam esset inter fœderatos, si ex iis aliquis apud nos serviisset, & domum rediisset. Sic sane censet *ÆLIUS L. 7. ff. de capt. & postl.* sed dissentit *CICERO de Orat. l. 1.*

Grotius distinguit fœdera, an tantum veluti inducias contineant, qualia sæpe superiore sæculo intercedebant inter imp. & Tur-

& Turcas, an perfectam pacem intendant, ita ut gens cum gente tuto negotiari possit, quale foedus jam est inter imp. & Turcas.

Priore casu locum habet jus postliminii, quia qui sine fide publica (passeport) ad gentem illam proficiscitur, in captivitatem redigi solet. Posteriore cessat, quia ipsum cessat jus capiendi. Et jam intelligimus *L. 5. §. 2. ff. de capt. & postl.*

§. 19.

Sed quaeritur, an hæc jura postremo §. recensita etiamnum recepta sint. Resp. distinguendum esse, quali cum gente nobis res sit.

Inter gentes humaniores tempore pacis cessat captivitas: quod & Mahomedani hodie observare solent. Ergo nec opus est jus postliminii.

Ast barbaræ nationes adversus peregrinos, etiam non hostes, omnia sibi indulgent. Ergo & sæpe in pace jus hospitalitatis violant, & peregrinos detrudunt in servitutem. Quare his casibus merito servatur jus postliminii. Utiles hæc doctrina Belgis, qui sæpe & pacis tempore ab Algiriensibus, Tunetanis, Tripolitanis, Indis & aliis Barbaris patiuntur injuriam.

C A P U T X.

Monita de his, quæ sunt in bello injusto.

§. 1.

Quid hosti in hostem liceat hætenus per partes ostendimus. Sed quum Grotius eam imberit sententiam, quod hæc omnia permilla sint jure tantum externo, non interno: hæc paullo accuratius jam explicare, & exceptiones ac temperamenta quædam commendare conatur juris tam rigidi. Ergo hoc capite

1) Exponit, quid pudor vetet vel permittat in bello §. 1. 2.

2) Quid in bello Injusto fieri possit vel non possit? §. 3. fin.

3) De reliquis juribus temperamenta quædam commendat capitibus sequentibus.

Aliud leges; aliud pudor prohibet. Leges quod prohibent, illud dicitur injustum; pudor quod prohibet, inhonestum vel indecorum adpellatur. Si quis contra sanctionem legis facit, is punitur. Qui contra pudorem non punitur, sed improbus habetur. Leges enim improbos; pudor tantum viros bonos exercet. Potest id illustrari exemplo pactorum, fideicommissorum, quæ jus civile permittebat violari, ast non pudor & honestas.

Et hinc est quod *SENECA lib. 1. de ira cap. 7.* distinguat inter viros ad legem bonos, & vere bonos, inter jus ad officium, inter

inter ea quæ virtus exigit, & quæ publicæ exigunt tabulæ. Priora ad justitiam, posteriora ad pudorem & honestatem pertinent.

§. 2.

Jam hæc applicat bello, & demonstrat, hanc distinctionem etiam in bello obtinere. Nimirum jus strictum & leges permittunt omnia in infinitum adversus hostes; non autem idem permittit pudor & honestas. Id variis testimoniis demonstrat Grotius veluti Senatus Romani in causa Marcelli. Hic Syracusas destruxerat. Syracusani de crudelitate ejus conquerebantur. Senatus rem putabat cognitione dignam. Marcellus se jure belli defendebat. Non autem eam exceptionem admittebat senatus; nec putabat tantum inquirendum, quid jure belli liceret, sed quid victi patii meriti. Alia addit testimonia Aristotelis, & Thucydidis, quæ eodem fere redeunt.

Sed & ad JCtos provocat, qui ideo captivitatem bellicam modo jus vocant, modo injuriam *L. 19. pr. ff. de capt. & postl.* Eodem modo loquuntur Livius, Dio Chrysostomus, Lactantius. Queritur ergo, quid de hac doctrina sentiendum? Resp. negamus nos, jus belli tantum esse extrinsecum, non intrinsecum. Et jam supra ostendimus, hæc si vera essent, tunc neminem salva justitia bello interfuturum. Immo ne salva quidem conscientia quemquam tunc bella gesturum, quum tamen & jus nat. bella confirmet, & ipse Deus tan-

n. 1.

n. 24

tāquam summus Judæorum imperans bella gesserit,

Sed tamen vera est altera Grotii distinctio. Nec negari potest, aliud prohibere leges, aliud pudorem, etiam in bello. Sic e. g. leges permittunt, ut victos spoliemus, ut iis vita iuribusque privemus: sed pudor tamen vetat scire in eos, qui arma nec gesserunt adversus nos, nec gerent unquam, e. g. feminas, infantes. Pudor vetat sine necessitate obtruncare cives victos, incendere urbes & ædificia, vastare terras, victos omnes in servitutem abripere. Et hinc veteres gentes, quæ sibi hæc omnia in victos permiserunt, non quidem iniusti fuerunt, sed tamen adversus pudorem & honestatem peccarunt.

§. 3.

Jam ad bellum injustum, ubi queritur, quæ hosti in hostem liceant in bello injusto?

Respondemus cum Grotio nihil. Sed ante omnia hic videndum, quid sit bellum injustum? Bellum dicitur injustum vel ratione causæ, quia nulla adest causa ad bellum sufficiens, sed bellum tantum geritur ex ambitione, libidine: vel ratione personarum, quia qui gerunt, non gaudent jure gerendi bellum, e. g. subditi, vel ratione modi, quia ita geritur, ut non satis humanitatis rationem habeant victores, vel ratione sollemnitatum, quia non est indictum. Nos hic bellum injustum accipimus in duabus prioribus significationibus. Nam quod ad tertiam attinet, victor, qui paullo du-

durius consulit in victos, non contra justitiam, sed contra honestatem peccat. Et postrema injustitia plane tantum ex decoro est, non ex justo.

Ast qui bellum gerunt sine causa, vel quum sint personæ, quæ jure belli non gaudeant, de iis observanda regula: iis nihil in hostes licere. Ubi enim cessat causa, ibi & effectus cessat. Atqui hic cessat causa, bellum, (id nomen enim non meretur hujusmodi concertatio,) ergo & belli effectus cessant.

§. 4.

Jam videbimus consecutaria ex hoc principio fluentia, quorum 1) est, quod ad restitutionem omnium obligentur tam injusti bellatores. Ratio in promptu est. Ubicumque quis extra bellum alterum lædit & damno adficit, ibi committitur delictum. Hic vero ubi jussu bellum non geritur, aliquis extra bellum alterum lædit, & damno afficit, ergo delinquit. Ast ex delicto omni obligatio & ad poenam & ad restitutionem nascitur, ergo & ex hoc.

Quomodo tenentur autem? Ratione personarum omnes duces æque ac milites, illi, quatenus jusserunt: hi ex ipso damno dato, & quidem, si actus sit dividiuus singuli pro rata, si individuus in solidum, quod ex natura damni dati fuit.

§. 5.

Restitutio vero damni, quum vel estimatione præstita fieri possit, vel ipsa re reddita in specie, quaeritur an præcise posterior requiratur, si res bello injusto captæ

captæ vel corruptæ? Adfirmat Grotius, modo culpa adsit. Casum enim nemo præstat, de dolo nemo dubitat. Id fuit 1) ex natura damni injuria dati, unde & culpam levissimam vindicat L. Aquilia. 2) Quia id gentes inter se servant, inter quas plerumque restitutio exigitur eorum, quæ bello injusto abrepta. Idque exemplo Samnitium probat Grotius.

n. 2.

3) Id illustratur exemplo contractus, ubi inæqualitas est, quæ si enormis sit, datur remedium ex L. 2, C. de resc. vendit. & contractus rescinditur. Si id in contractu obtinet ex æquitate: quanto magis in bello injusto, id est in delicto, ut alter alteri resarciat damnum, culpa sua tam injuste datum?

Objicitur, gentem, dum cum altera bellum injustum suscipit, ei illatum propulsat, videri donasse res bello captas. Sed absurda sane objectio. Sic donatio enim hæc vel expressa est, vel tacita, vel præsumta. Non expressa, quia nunquam hostis hosti declarat, se ipsi, quæ capturus sit, donare, nec tacita, quia signa nulla adsunt, ex quibus colligatur hujusmodi donatio. Nam hostis potius hosti prædam agenti resistit, eamque recuperare studet. Non denique præsumta: quia donatio nunquam præsumitur. Nemo præsumitur suum jactare, inquit lex etiam civilis.

§. 6.

n. 1.

Sed difficilior est quæstio, an & is detineatur, qui prædam non ipse hosti
fur-

furripuit, sed detinet tamen? Resp. aut quæritur an teneatur ad restitutionem ex delicto, an ex alio fundamento? Non tenetur ex delicto, quia ipse nec bellum gessit, nec damnum dedit, sed rem ab alio justo forte titulo adquisivit. Sed ex alio tamen fundamento tenetur. Et ex quo vero? Quia possidet rem alienam. Qui prædam hosti bello injusto extorsit, non factus est dominus, per §. 2. Ergo & dominium in alium nullo titulo transferre potuit. Si dominium non translatum est, possidens vero domino vindicanti tenetur ad restitutionem.

Ex quo consequitur, ut eodem jure utatur hic possessor restituens, quo utitur is a quo res evincitur. 1) Quemadmodum enim hic vindicanti tenetur rem restituere cum fructibus exstantibus, sed non cum perceptis, ita & hic qui prædam possidet, modo in bona sit. 2) Quemadmodum possessor, a quo res evincitur, jure suo impensas in rem evictam factas exigit, ita & possessor prædæ. 3) Quemadmodum qui rem alienam b. f. possedit, plane non tenetur, si ea vel casu apud se perierit, vel si sine dolo malo alienata sit in tantum dumtaxat, in quantum factus est locupletior. Ita idem obtinebit in eo, qui prædam justo titulo adquisivit, & bona fide.

C A P U T XI.

*Temperamentum circa jus interficiendi
in bello iusto.*

§. 1.

n. 1. 2.

HActenus de bello iniusto: jam de iusto, de quo docet

1) Non omnia licere secundum justitiam internam. §. 1.

2) Quinam occidi possint. §. 2.

3) Quibus honestas parcere jubeat? §. 3. fin.

I. Non omnia etiam in bello iusto licere victoribus, varijs veterum testimoniis probat auctor. Nos argumenta quærimus:

1) Quia resp. tota consideratur quidem tanquam una persona, sed illa consideratio est fictio. Non autem possumus occidere, quos nobis fingimus hostes, quum non sint, ut infantes, foeminas, &c. 2)

Quia quod judicia sunt in civitate, id bellum est in statu naturali. Quemadmodum ergo in illa iudex modum puniendo excedens peccat: ita & in hac victor, si modum excedet sæviendo. 3) Quia non semper vincit, cui causa est justissima. Ergo vinci est infortunium, ob infortunium poenas dare nemo debet.

§. 2.

II. Quis occidi potest salva conscientia? Resp. Grotius, is, qui deliquit. Sed id nihili, Nititur enim falsa hypothesis, quam
-supra-

Temperament. in interficiendo &c. 813
superiore libro destruximus, quod bellum
in poenam geri possit.

Nos potius ita ratiocinamur. Bellum
geritur vel defensionis vel juris sui repe-
tendi causa. Quicumque ergo nobis peri-
culum intentat, vel vi prohibet nos, quo-
minus nostra repetere possimus, is occidi
potest jure defensionis. Inde sequitur, ut
occidi possint,

1) Milites & duces hostium, quamdiu
adversus nos pugnant, non si deditioem
fecerunt.

3) Qui hostium exercitus, classes, ca-
stra sequuntur, quamvis non sint milites,
ut ministri ecclesiarum, medici, chirurgi,
tympanotribæ, tubicines, calones. Hos
enim distinguere a militibus inter prælian-
dum vix possumus. Si tamen agnoscuntur,
servandi sunt.

§. 3.

III. Vidimus qui occidi possint, jam
qui non possint? Grotius eximit 1) eos,
qui coacti sequuntur. 1) Quia hi nihil
peccent, adeoque ob solum infortunium
puniri nequeant. Tales sunt ab hostibus
nostris oppressi. Sic Romani obsidebant
Athenas, quum Athenienses essent Roma-
nis amicissimi. Tenebantur autem a Mi-
thridate, hoste Romanorum. An non in-
juriam fecissent Atheniensibus, si eos oc-
cidissent?

2) Qui sub aliena potestate sunt, non
agunt suo arbitrio, sed jussu & coactione
domini, sæpe inviti. Qui vero non suo
arbitrio aliquid agit, non est auctor actio-
nis,

D. 2.

nis, ergo nec potest poena affici. Id quod hoc n. 2. multis exemplis & testimoniis probat Grotius.

Sed in eo cum Grotio facimus quidem, quod his hominibus, qui inviti hostem sequuntur, parcendum sit, si id fieri possit commode. Sed Grotii rationes non sufficiunt, quia semper bellum sibi tanquam poenam concipit.

Nos dicimus. Qui nos occidere vult, eum antevertere possumus, siue delictum in eo sit, siue non, e. g. si aggressor meus sit furiosus. Ergo hostes occidere possum, siue invito siue sponte me occidere tentent, & exercitum hostilem sequantur. Si autem constet eos invitos id agere, parcere possum, si jam victoriam reportaturi, non in ipso praelio.

§. 4.

n. 1.

Hinc facile patet nullius hic momenti esse tractatum hujus prolixissimi §. de variis delinquendi modis. Alia inquit committuntur ab invitis, tunc non delictum est, sed infortunium, alia a volentibus & scientibus, & tunc dicitur injuria vel delictum, maleficium &c. In aliis voluntas est mixta & auctor actionis nec sciens & volens nec plane ignorans dici potest. Et id Arles vocat *ἀμαρτημα* peccatum. Id prolixo loco ex Aristotele illustrat Grotius. Nos tantum exempla quædam ex eo & interpretibus ejusdem adjiciemus. Si quis fame urgetur, ut aliquid surripiat esculentum, tunc id sit ab invito, sine proposito peccandi, quamvis sciat, se surripere

n. 2. 3.

4. 5.

pere rem alienam. Ergo est actio mixta. Si quis ostium aperit, & patrem pene adstantem lædit, actio est invita, quia nec scivit, nec voluit, adeoque infortunium. Si quis furtum deliberato animo facit, est verum delictum.

Hanc differentiam etiam agnoscunt leges nostræ *L. de pœn. Delinquitur aut proposito* (en delictum, ut latrones qui factionem habent,) *aut impetu*, (per actionem mixtam, e. g. per ebrietatem,) *aut casu*, per infortunium, e. g. si telum venandi causa emissum feriat hominem. n. 6.

Quæ casu fiunt non sunt delicta, quæ impetu leviora, quæ proposito gravissima.

Diximus, quæ impetu levium esse. Rationes sunt 1) quia hic non est consilium sed culpa. 2) Quia en delicta quodammodo excusat necessitas, cui natura humana non semper resistere potest. Id quod variis testimoniis illustrat Grotius. n. 7.

Hæc omnia recte, sed quid ad rem? n. 8. Inde ergo jam concludit Grotius, occidere licere eos, qui sponte arma corripunt, non eos qui inviti. Hinc laudat Themistium, qui ducem expendere jubet, quid distent injuria, culpa & infortunium. Hinc laudat Titum imp. qui victis Judæis in criminis duces animadvertit re ipsa, in multitudinem verbis tantum. Hinc denique laudat Val. Flacci testimonium, ubi victor idem observasse discrimen fingitur.

Hæc omnia probanda, excepta una hypothesis, quod victor pœnas sumat a victis.

§. 5.

Parcendum 2) multitudini, 1) quia sæpe invita bellum sequitur. 2) Quia illa raro dijudicare potest belli justitiam vel injustitiam, sed ea in re imperantis judicium sequitur.

Ita Grotius denuo ex hypothese. Nos distinguimus, an multitudo illa adversus nos pugnet, an non. Si prius occidi possunt, non quia peccant, sed quia nobis jus est defensionis. Si non pugnant, sed victoriam jam reportavimus, tunc parcendum iis dicimus, 1) quia infortunium miseratione dignum, 2) quia jam nobis nullum jus defendendi, ubi nemo oppugnat, 3) quia & victor contra utilitatem propriam ageret, si multitudinem victam occideret. Quis erit tunc, cui victor imperet?

§. 6.

n. 1. 2. 3.

Parcendum 3) iis quibus probabilis fuit arma arripiendi causa. Nam 1) difficile est dijudicare, uter hostium iusta causa utatur, 2) nunquam principi deest color, quo causam suam incruenter. 3) Errantes non merentur poenam. Hic denuo uberissima seges testimoniorum veterum, sed quæ nil probant, sed illustrant.

Nos rem ipsam probamus, quia errare humanum est, sed rationes, quibus Grotius utitur, non omnes admittimus, quia jus occidendi hostem non ex delicto ejus est, sed ex jure me defendendi.

§. 7.

Parcendum sæpe 4) ipsis nocentibus ex humanitate, modestia, magnitudine animi.

1) Vir-

1) Virtutes enim hæ in victore maxime laudantur. 2) Pulchrum est se ipsum vincere. 3) Quia semper cogitandum, quam lubrico folio insistat fortuna, & quam facile eadem nobis contingere possint. Nota sunt hanc in rem exempla Adonibesex, Cræsi, & aliorum,

Ea occasione merito invehitur In Romanos, qui captivos reges bellicque duces occidere solebant, postquam eos duxerant in triumpho. Iste mos nec moraliter nec politice bonus. Non moraliter, quia repugnat clementiæ, humanitati, non politice, quia interest omnium civitatum, imperantes etiam hostes Sacrosanctos haberi, & tam contumeliose non tractari, ut raceamus, ejusmodi morem hostes absterre a deditioe. Quis enim rex tam ignavus esset, ut non ad extremum habitum mallet pugnare, quam a carnifice mactari.

Inde ergo recte colligit Grotius, laudandam etiam in victore clementiam. Pertinet huc insignis Ciceronis oratio pro M. Marcello, ubi eleganter docet, Cæsarem hostibus parcendo majorem consequutum gloriam, quam tot victoriis, & Xenophontis Cyropædia, ubi docet, Cylum tot Asiæ provincias non tam victoriis, quam clementia occupasse.

• §. 8,

Danda 5) opera, ne innoxii homines occidantur casu. Hinc 1) inculcandum militibus, ut inermibus parcant. Cæsaris vox nota: Miles parce civibus. 1) Non temere & præter necessitatem iis utendum

mediis, e quibus innoxiiis & nocentibus eadem immineat pernicies, e. g. veneno inficiendo fontes &c. 3) Disciplina militaris stricte observanda, ne impune milites cædes, latrocinia, furta committere possint.

§. 9.

Jam ut ad specialia perveniamus, parcendum erit. 6) pueris & infantibus, 1) quia isti infra iram sunt, quia Deus ipse in bellis iis parcere jussit, Deut. XX, 14.

Objici huic 2 rationi posset Num. XXXI. ubi ne infantibus quidem parci vult Deus. Sed resp. Deus supremus arbiter vitæ nostræ est, adeoque non est quæstio, quid ipse possit, sed quid hominibus permiserit. Gentes illas idololatricas internecioni destinaverat.

3) Quia ipse Deus misertus infantum Jonæ IV, 2.

4) Quod jus in hostes, ut heri diximus, descendit ex jure defensionis, defensio ex offensione imminente. Jam vero pueri & infantes nec volunt nec possunt nos offendere. Elegans dictum Camilli apud Liv. quum ludi magister pueros Faliscorum in castra eduxisset: Non adversus eam ætatem &c.

7) Parcendum etiam foeminis ob easdem rationes 1) quia minus generosum, cum imbelli sexu bellum gerere, 2) quia ipse Deus Deut. XX, 14. iis parcere jussit, 3) quia ordinarie non arma adversus nos gerunt.

Et hinc omnino cessat hæc regula, si ipsæ virilia officia usurpent, & armis se tuean-

tueantur, veluti amazones, & ut sæpe
fœminæ faciunt in urbibus obsessis. Ta-
men & hoc casu, quia de salute sua sol-
licitæ id agunt, parcendum iis est, parta
victoria, quamvis ægre ferre non debeant
si inter præliandum occiduntur.

§. 10.

Parcendum 8) & iis, quorum genus vi-
tæ ab armis abhorret. Quum enim defen-
sio cesset, ubi offensio non metuitur, quis
ferret sævitiam in eos, qui de armis capien-
dis nunquam cogitarunt. Tales sunt

n. 1.

1) Qui sacra obeunt, a quorum sanguine
& feroces gentes abstinere consueve-
runt, veluti Philistæi. 1. Sam. X, 5. Cre-
tenses, PLUTARCH. in *quæst. grec.*

2) Viri litterati.

3) Monachi, & pœnitentes. Hi omnes
enim abhorrent ab armis, nec ea hostibus
obvertere solent ordinario.

n. 2.

Dico ordinario. Nam si & ea in re le-
ges & consuetudines ordinis sui violent,
inter præliandum jure occiduntur. Non
ignota sunt exempla Episcoporum & Car-
dinalium, qui ordines duxerunt in bello,
de quibus singularis exstat, & perelegans
tractatus CASP. ZIEGLERI, sub titulo *Cle-
ricus Miles*, item *Clericus Percussor*.

§. 11.

Parcendum porro 9) agricolis. 1) Quia
hi ob genus vitæ innoxium & simplicitatem
raro distinguere possunt justitiam vel inju-
stitiam belli. 2) Quia interest reip. ne agri
inculti maneant & silvescant, id quod contin-
gere oporteret, si occiderentur a victoribus.

Mm 5 Et

Et hinc plerumque honestiores gentes in bellis proponere solent edicta, quibus rusticos fugientes domum revocant promissa securitate, additisque minis de incendendis eorum pagis, nisi revertantur.

Sed & hic tamen eadem locum invenit exceptio, si armati adversus nos procedant, tunc enim in prælio salva conscientia occidi possunt. Post victoriam iis parcendum.

§. 12.

Idem dicendum 10) de mercatoribus. Si duplices sunt, vel enim castra sequuntur, qui vocantur *marquetainers*. Isti si inter prælium occiduntur, id sibi imputare debent, maxime quum plerumque sint milites, vel saltem ab iis tam accurate discerni nequeant: vel vitam stabilem in urbibus & emporiis agant. His parcendum 1) quia ab armis alieni. 2) quia alias magis expositi forent militum injuriis ob divitias, quas possidere solent. 3) Quia interest reip. ut commercia non pessumdentur, quo semel facto non facile ad pristinum florem redeunt.

§. 13.

n. 1. 2. 3.

Haftenus actum de illis, qui non nocuerunt: jam vero pergimus ad eos, qui arma gesserunt, inter quos præcipui sunt captivi. Quæritur itaque, an eos occidere possimus salva honestate? Dicimus salva honestate. Nam quid jus strictum permittat, supra vidimus.

Et primo quidem observat Grotius, omnes gentes honestiores abstinuisse ab occiden-

Temperament. in interficiendo &c. 821
dendis captivis. Inter Græcos eminent
exempla Pyrrhi & Alexandri M. qui se
negabant bellum cum captivis gerere,
Agésilai qui captivos, non tanquam fon-
tes puniendos, sed tanquam homines cu-
stodiendos dicebat.

De Romanis exstant exempla innumera.
Et laudat Tacitus Duces Vespasiani, qui
ultra aciem non sæviant.

De Ebræis notabilis est quæstio Elifæi
Prophetæ 2. Reg. II. *an tu quos captivos
gladio tuo & arcu tuo abduceres interime-
res?* Talis est poene omnium gentium hu-
maniorum persuasio.

§. 14.

Inde ergo sequitur 1) ut recipi de-
beant, qui se dedere cupiunt, 1) quia
sic finem suum sine sanguine adsequitur
victor. 2) Quia poenitentia & in hoste
veniam meretur, 3) Quia sic cessat of-
fensio, ergo & defensio, quia hanc regu-
lam gentes moratiores omnes probarunt.

Qu. an idem in expugnatione urbium
observandum? Pleraque gentes olim di-
stinguebant, an deditio statim fiat, prius-
quam aries muros pulsaret, an postea.
Priore casu deditis parcebant, non item
posteriore.

Sed hodie distingui solet, an urbs in-
sultu capiatur, an nondum factus insultus.
Nam hoc casu deditio admittitur, sed quo
diutius se opposuerunt, eo duriores acci-
piunt conditiones salva tamen deditis vi-
ta & libertate. Sin insultus jam factus &
expugnata urbs, tunc non amplius de-

deditione cogitandum, sed victoris est, leges dicere victis.

Enimvero & hic humanitas & honestas jubet abstinere manus a victis, quibus ipsa fortuna sat poenarum irrogat.

§. 15.

Qu. an occidi possint, qui se sine conditione dederunt? Jure stricto eos occidi posse, supra dixerat Grotius, quia vita illis non promissa.

Sed æquius est, id negari. Nam qui deditos recipiunt, tacite his vitam promittunt, adeoque si occidantur, id non solum honestati repugnat, ceu fatetur Grotius, quia vita illis non promissa, sed & juri. Quis enim eo fine se dederet, ut penes victorem velle esse arbitrium, velitne se mactare an vivum servare? Quis non potius pugnans moreretur? Si vero is finis non est se deditum, sed ut conserventur, sane victor dum deditos recipit, in hunc finem videtur tacite consensisse.

§. 16.

Solent hic nonnulli, qui de jure belli scripserunt, exceptiones quasdam addere, quarum

1) Est, si jus talionis vel ultionis id exigat, e. g. hostes dedititios nostros occiderunt, ergo & nos possumus. Resp. 1) non hic quæri quid fiat, nec quid jure strictissimo fieri possit, sed quid honestas permittat. 2) Jus talionis locum tantum habere inter easdem personas. 3) Idem pertinere tantum ad delicta, de quibus in bello est quæstio.

2) Exci-

2) Excipiunt casum, si ex hac severitate ingens utilitas speretur, veluti si hostes terrore afficiantur, ut eo facilius a nostris manus abstineant.

Sed resp. 1) non omne, quod utile, honestum est. Utilitas jus non tribuit occidendi, alias & latro excusari posset.* 2) Iste terror hanc utilitatem certe non promittit, sed hostes sæpe eo obstinatiores facit.

3) Excipiunt, qui obstinatius in partes suas ferebantur. Sed id quoque falsum, 1) quia causæ belli plerumque sunt dubiæ. 2) Quia ignoscendum naturali amoris in patriam & principem vel temp. 3) Quia fides laudem potius meretur, quam supplicium.

4) Si clades magna antecefferit. Tunc enim dolorem excusare ultionem. Resp. qui jure suo utitur, nemini facit injuriam. An irascemur hosti, quod nobis cladem intulerit? An ideo sæviemus in captivos, quia nos paullo ante succubuimus? Siccine illi poenas dabunt ignaviæ nostræ, vel factum infortunii?

§. 17.

Illustrat Grotius exemplo delictorum. Si multitudo delinquentium est nimia, parci illi solet. Et hinc si e. g. totæ legiones peccarint, e. g. seditionem movendo, decimus & vicesimus quisque fore duci solet ad supplicium.

Sed id in delictis fit, quanto magis in bello, ubi captivi nullius delicti rei sunt? An non ipsa multitudo iis esset præsidio?

n. 1.

Gravior est quæstio de obsidibus, an ii occidi possint? Obsides sunt, qui veluti pignori dati sunt in securitatem pactorum.

Jam veteres, si hostis pacta violasset, obsides occidebant. Id vero fieri jure posse recte negat Grotius.

1) Quia nemini est jus in vitam suam, adeoque & nemo se ea lege potest pignori dare, ut occidendi facultatem det hosti.

2) Quia nemo potest supplicio adfici, nisi ob delictum proprium, quale hic nullum est.

n. 1. 3.

3) Quia obsides plerumque inviti dantur.

Objiciunt cum Menochio, valere tamen hujusmodi conventionem, si moribus confirmetur. Resp. Mores rem in se injustam justam facere nequeunt, sed tantum impunitatem tribuere, de qua jam non agitur.

Denique concludit Grotius, Christianos decere ab omni inutili sanguinis humani effusione abhorre. Et recte quidem, quia 1) ipsi Deo sanguis humanus tam pretiosus est, 2) quia vita semel crepta restitui nequit, 3) quia charitas Christianorum veluti propria esse debet. Charitas autem non sævit, non irascitur, non occidit, maxime sine ratione.

C A P U T XII.

Temperamentum circa vastationem & similia.

§. I.

Vastatio veluti proprium belli effectum est. Vastantur urbes, agri, provinciæ, Quæritur an juste? Grotius ostendit, non nisi tres esse causas, ob quas excusari possit rerum alienarum corruptio.

1) Necessitas, ipso J. N. concessa, e. g. si gladium aggressoris quis frangat, vel in amnem projiciat.

2) Debitum aliquod antecedens, in quod posset res perdita imputari, e. g. in repressaliis.

3) Delictum ob quod poena infligitur. Sed hic tamen proportionem aliquam inter delictum & poenam observandum putat Grotius, quemadmodum in casu restitutionem deberi existimat. Neutrum recte, quia ubi delictum non est, restitutio cessat, & proportio inter poenam & delictum locum tantum habet inter personas diversas.

Hæ sunt causæ justificæ, ob quas res aliorum corrumpi possunt: sequitur causa impulsiva.

Ubi regula? Non debet quis ad id extremum providere, nisi utilitas quædam suadeat. Talis est

1) Si videamus ex ratione bellum citius finitum iri.

2) Si res hosti subtrahamus, quibus nos impugnare posset.

3) Si

3) Si res fervari melioribus usibus nno possint, sine periculo quod hostis eas occupaturus sit.

Ergo non ferenda vastatio ex solo odio, crudelitate, & sine omni ratione suscepta,

§. 2.

n. 1. Ex eo ergo deciditur quæstio, quando abstinendum sit a vastatione, de qua §. 2, 7. Respondet Grotius, excipiendos quosdam casus & quasdam res. Videbimus prius de casibus.

Primus est, si res nobis fructuosa sit, nec in hostis potestate. Hinc abstinere Deus jubet ab 1) arboribus frugiferis, agris frugiferis. Nam 1) iis hostis non fit fortior, 2) ita impugnamus posteritatem, immo & 3) nos ipsos, si hostili terra potituri sumus.

n. 2. Eadem est ratio 2) animalium, quorum in bello nullus usus, 3) ædificiorum, 4) esculentorum & poculentorum. Cui bono enim cum his bellum geramus?

Sed tamen hæc omnia tam crude non accipienda. Aut bellum gerimus, aut reportavimus victoriam. Si prius, tunc si videamus hostem arboribus, agris, animalibus frui, & inde victum & comestum habere, vel ædificiis cum uti ad munitiones, quis neget ea excindi posse? Sane ne quidem tempore pacis obligor ad id, quod mihi nocet & alteri prodest, quanto minus in bello?

n. 3. 4. Ast si de victoria sit quæstio, tunc facile largior, injustissimam esse rerum hostilium devastationem, 1) quia tunc nulla
cogit

cogit necessitas, 2) nulla utilitas suadet;
3) immo in nos ipsos tunc favimus, qui
fructum jam ex rebus illis capere posse-
mus post victoriam.

Objiciunt hinc denuo bella cum Cana-
næis gesta, Jos. VI. 2. Reg. III, 19. ubi
Danus ipsas res corrumpi jussit. Sed
quod ex supremo Dei in res omnes do-
minio fluit, id ad homines non posse ad-
plicari, jam antecedente capite diximus.

§. 3.

Abstinendum 2) si spes sit celeris vi-
ctoriæ. Tunc enim ut dixi res non alien-
nas, sed suas futuras perderet victor.
Addantur elegantia dicta Alexandri &
Cræsi. n. 1.

Sed hoc merito non admodum opus est,
cum propria utilitas facile unumquemque
permoveat, ut res hostium superatorum
non corrumpat, sed abripiat.

§. 4.

Tertia Grotii exceptio est 3) si res
aliunde habeat, quo se sustentet, e. g. si
mare vel fines alii pateant. Nam

1) Tunc frustranea esset vastatio, qua
hostis ad famem non adigitur.

2) Majorem fructum capere possumus,
si agros tutos præstemus, iisque impona-
mus certum tributum. Quod in ultimis
bellis fere ubique observatum est.

3) Ita moribus aliarum gentium rece-
ptum, ut apud Indos, Persas, Græcos, &
hodie Europeos humaniores tantum, non
omnes. Ex quo consensu Gentium Gro-
tius quidem suo more jus gent. arguit;
sed n. 2. 3. 4.

sed nihil ille consensus probat, nisi morem hunc pluribus gentibus placuisse.

Melius num. 4. a minore ad majus concludit, si gentes profanæ religioni deditæ tam humanæ fuerunt, multo magis id decere Christianos.

§. 5.

Abstinendum a vastatione 4) si res ad bellum fovendum nullius sit usus, tales statuar, imagines, horti, ædificia elegantiora. Ita enim nec debiliorem hostem reddimus, nec nos fortiores.

Meretur hic conferri Rhodiorum oratio, & quantam invidiam in superiore bello conflavit Gallis, quod Sabaudia Ducis hortos & palatia voluptatis causa exædificata sine ratione corruperint.

§. 6.

Hactenus de casibus: jam de rebus, quas vastationi exemptas esse decet, quales sunt: 1) sacris usibus destinata.

Sunt qui id negant. Ajunt enim falsum & superstitiosum esse, quæ jura asserunt, res has esse nullius, divini juris, sacras: revera enim esse vel publicas vel universitatis, a quibus nulla ratio nos jubet abstinere.

Sed hic pro rebus istis militat, 1) quod sint innoxia, 2) quod earum devastatio cum scandalo conjuncta, 3) quod videtur ea contumelia in cultum ipsum redundare.

Accedit consensus gentium tam gentili superstitioni addictarum, Græcorum, Romanorum, Gallorum, quam Christianorum.

rum, inprimis Francorum: ex quibus sal-
tim id fluit, humanitatem hanc semper
placuisse gentibus honestioribus.

Enimvero distinguendum tamen, 1) an
res vere sacris usibus destinatae nec ne.
Sic enim innumeri thesauri qui servantur
in quibusdam templis non sunt res sacrae.
2) An pertineant res ad ecclesiam, an quod
sit, privati eas ibi depoluerint. 3) Sitne
hostia eorumdem sacrorum ac nos, nec ne?
Hinc Franci Saxonum delubra, statuas,
simulacra violarunt. Et notum est Chri-
stiani Ducis Brunsvicensis grave scomma,
qui in bello tricennali capta Paderborna,
quum 12 statuas argenteas apostolorum re-
perisset, eas confari & pecuniam inde fieri
jussit, addita ratione, apostolis non deli-
tescendum esse Paderbornae, sed eundem
in mundum universum.

§. 7.

Ejusdem generis sunt res religiosae, id est, sepulcra. Nam quamvis profana sit
persuasio, ea esse loca religiosa, quum
nos nullos Deos Manes statuamus, 1) va-
statio tamen sepulcrorum nullam habet
justam rationem. 2) Redundat ea contu-
melia in ipsos mortuos, quorum honori
destinata sunt, & quibuscum bella ge-
rere, plus quam stolidum est.

Hinc jure reprehensa Gallorum insania,
qui capta Spira sepulcra imperatorum ve-
terum violarunt, ipsaque ossa ejecerunt,
& cineres. Humaniores sane ipsi gentiles;
quorum testimonia & exempla gregatim
suo more adducit Grotius. Nos addimus
testi-

testimonium Caroli V. qui quum Wittebergam cepisset, & ministri suaderent, ut Lutheri corpus paullo ante sepultum effodi curaret & comburi, respondit, Lutheri cadaveri se non irasci, animam vero jam coram tribunali Dei rationes actuum suorum reddituram.

§. 8.

n. 1. Quemadmodum autem & saluberrimæ admonitiones parum ponderis habere solent, nisi insignis inde utilitas effulgeat, hinc Grotius jam usum insignem hujusmodi moderationis addit sub finem hujus capitis.

1) Ita eripitur hosti magnum telum, desperatio. Ea magis armat hostes, quam copiæ & gladii. Exemplum Numantinorum notum est.

n. 2, 3. 2) Ita magnam præ nobis ferimus fiduciam de victoria. Id quod & fortiores reddit milites nostros, & hostes tardiores.

3) Faciliores hostes erunt ad deditiorem, si moderationem victoris videant. Ita Cyrus, ita Cæsar pleraque occupavit.

n. 4. 4) Maximus autem fructus est tranquillitas conscientiæ, cujus præcipue rationem habere decet Christianos principes & republicas. Ipsos gentiles nonnunquam morsus conscientiæ sensisse legimus, si in vastandis urbibus & terris modum excessissent; veluti Alexandrum captis Thebis; quanto minus Christiani conscientia feret eam crudelitatem, maxime in alios Christianos exercitam?

C A P U T XIII.

Temperamentum circa res captas.

§. 1.

n. 1.

IN bello & res hostium capi solent: unde
 1) quaeritur, an permittenda sit illa re-
 rum hostilium occupatio? Si de iusto qua-
 ritur, ipse Grotius jam supra id concessit:
 aliud esse existimat de honesto responden-
 dum. Hinc 2) tantum causas esse existi-
 mat, ob quas in bello abripi possint res
 hostiles:

- 1) Si nobis hostis aliquid debeat, quia hoc & in pace licet.
- 2) Si securitas nostra id exigat, e. g. si arma, pulverem pyrium &c. intercipiamus.

Debitum iterum duplex, vel ex pacto, vel ex delicto. Ex utroque res intercipi posse hostiles, sed observato tamen discrimine, quia ex pacto debitum & subdito- rum tanquam fidejussorum bona obliget; ex delicto autem id non procedere.

n. 26

§. 2.

Nam quod ex delicto debetur, sive ad restitutionem sive ad poenam tendat, a solo delinquente repeti debet.

- 1) Quia poena est obligatio odiosa, nec adeo per interpretationem extensivam ab alio, quam delinquente exigere potest.
- 2) Obligatio ex pacto in bonis est. E. & vicariam admittit praestationem, obligatio ex delicto in bonis non est.

3) Quia

3) Quia poena est malum passionis, quod infligitur ob malum actionis a superiore. Ergo tertius puniri nequit, qui non commisit malum actionis.

§. 3.

Quod ex debito debetur, ad illius satisfactionem & res hostium, tum imperantis, tum subditorum occupari posse jam concessit Grotius. Sed quum debitum vel ante bellum natum sit, vel durante bello: de illo nemo dubitat, quia ob id res hostiles occupari queant, de hoc autem quaeritur, an & ob id liceat?

Et id recte affirmatur. Nam tunc aliquid solutum intelligitur, quando mihi satisficit de eo, quod debetur, ut nihil debeatur amplius.

Jam vero si e. g. Galli nobis debeant millena millia expendimus, in eoque bello occupavimus res hostiles millenorum millium, tunc sane nobis non est satisfactum, quia tantum impendimus, quantum cepimus.

Ex quo consequitur, 1) ut capta in bello non compensentur cum debito principali, sed cum impensis & sumtibus bellicis.

2) Ut si nihil ceperimus, bello finito non solum debitum principale solvendum, reddendumque sit, verum etiam ea pars, quae injustum bellum gessit sumtus belli restituere teneatur.

3) Ut etiam in bello justo non solum tantum hosti juste eripi possit, quantum nobis debetur, sed & quanti sumtus belli sunt.

§. 4.

§. 4.

Haftenus quid & jure stricto & ex honestate liceat, vidimus: jam quid charitas permittat, videndum. Ea de jure suo aliquid remittit, & non considerat, quid hostis mereatur, sed quid Christiano dignum sit. Idque probat

1) A minore ad majus exemplo fidejussoris privati. Si creditor jure stricto usus fidejussorem pauperem ad extremum usque nummum excutit, jure quidem stricto utitur, sed id miserum est, dum nihil in rem fidejussoris versum sit. Quanto miserius, temp. excutere subditos alienos ob debitum principis?

2) Illi, quos excutimus, subditi alieni n. 2. difficilius carebunt re sua, quam nos debitor. Charitas vero jubet, ne magno alterius detrimento locupletiores fiamus. Unde laudatur a Xenophonte Cyrus, quod praedam agentes milites reprefferit, eosque humanitatis rationem habere jufferit.

3) A natura fidejussionis. Fidejussor tenetur in subsidium, si spes non sit, nos res nostras a debito principali recuperaturos. n. 3. 4. Atqui, quamdiu bellum gerimus, spes est, nos res nostras ab ipsa rep. debitrice, vel principe debitore recuperaturos. Ergo ad hac extrema non provolandum, ut subditos tanquam fidejussores pro debito imperantium excutiamus.

4) Addit Grotius varia hujus humanitatis exempla, veluti Romuli, & Alexandri M. qui quum profanae religioni fuerint ad-

addicti, merito in ruborem dant principes & resp. Christianos, quibus multo sanctior præscripta est lex charitatis.

CAPUT XIV.

Temperamentum circa captos.

§. 1.

n. 1. **C**irca captivos supra vidimus duplex jus introductum esse, moribus gentium. Aliæ gentes captivos salva libertate detinent quidem, sed restitunt soluto pro iis lytro, ut gentes Christianæ fere omnes. Jam in utroque jure temperamenta quædam observanda monet, & quidem

1) Circa captivorum servitutem. §. 1. 8.

2) Circa captivos non servos. §. 9.

n. 2. Servos quod attinet, distinguit Grotius inter id, quod licet justitia externa, id est, ut impune sit, quidque justitia interna, ut salva justitia fieri possit.

Justitia externa permittit, ut indistincte omnes captivi in servitutem redigantur, si semel hujusmodi mos invecus sit.

Ast interna jubet personas distinguere; sintne vere hostes, nec ne. Hinc salva conscientia vix capi & in in servitutem detrudi patitur 1) feminas, quæ se armis non defendunt, 2) infantes & pueros, 3) agricolas & turbam imbellem, 4) eos, qui coacti castra sequuntur. Quale discrimen & a Philippo Macedone observatum, laudat Demosthenes, cujus locus apud Grotium.

§. 2.

§. 2.

Eadem justitia interna observanda circa ^{n. 1.} statum captivorum. Nam 1) non ex delicto in servitutem incidunt, sed ex infortunio. 2) Pares sunt hujusmodi captivi iis, qui se pro debito ad perpetuas operas creditori addicunt. Ex quo sequitur,

1) Ut misericordia potius, quam odio digni sint.

2) Ut benignior eorum debeat esse servitus, quam eorum, qui ex delicto in servitutem inciderunt.

3) Ut nihil domino capienti debeant, ^{n. 2. 3.} quam operas perpetuas pro alimentis, adeoque ejusdem conditionis esse debent, ac mercenarii nostri servi & ancillæ. Quod & Deus inculcat. Deut. XV, 18. 40. 53. & Paulus Coloss. 4, 1.

§. 3.

Ex hoc principio patet, non omnia quæ in hujusmodi servos licent, etiam honesta esse. Sane jure stricto externo conceditur jus vitæ & necis in servos, ceu ex *tit. Inst. de his qui sui vel al. jur. sunt*, patet. An vero id & honestas permittit in servo ab hostibus capto? Neg.

1) Quia ut §. 2. demonstratum, est mercenarii instar. Mercenarios occidere nefas est.

2) Quia jus vitæ & necis est veluti domestica jurisdictio. Jurisdictio autem, etiam publica, non est promiscue occidendi licentia, sed animadversio in facinorosos.

3) Quia æquum est delicta privata
Hein. de Jure Belli, &c. Nn non

non capitali supplicio, sed castigatione moderata expiari.

§. 4.

In ista quoque castigatione multum differt iustitia externa & interna.

Iustitia externa Romanis & aliis gentibus omne truculentiae genus permittebat, ut possent totos virgarum fasces in tergo servi frangere, cum per integras noctes e manibus suspendere, pedes ponderibus immensis onerare. Qua de re MEURSIUS in *Aulario elegantis libelli de Gloria* permulta erudite disserit.

Ast iustitia interna exigit castigationem moderatam, 1) ut ratio habeatur delicti, 2) virium servi, 3) ut ejus sanitati parcat, 4) ne voluptas capiat, ex ejus dolore, siquidem haec omnia inhumana sunt.

§. 5.

n. 1. 2. Porro servus debet operas, & quidem jure stricto qualescumque. Ast iustitia interna, & conscientia & hic jubet rationem humanitatis habere.

1) Ne perpetuis & continuis laboribus opprimatur, e. g. nec die solis ipsi ad quietem & cultum divinum concessio.

n. 3. 2) Ne domini obliviscantur, se esse patresfam. servos esse pueros.

3) Ut rationem habeant virium, pristini status, artis ac ætatis servi capti. Hinc iniquum esset captum belli ducem detrudere ad harenam, vel culinam, iisque operis eum fatigare, quibus nunquam adsuevit.

§. 6.

§. 6.

Eadem iustitia interna jubet, ut alimenta ^{n. 1.} sufficientia concedantur servo. Est enim instar mercenarii. Immo ipsa æquitas jubet, ut quo plus operarum a servis exigimus, eo liberalius alimenta iis assignemus.

Hinc Romani assignabant servis suis in mensem quatuor modios frumenti, & apud Orientales certæ libræ panis & carnis in diem. Unde & eleganter quidam interpretantur quartam precationem Orationis dominicæ: *Panem nostrum quotidianum da nobis hodie.*

Humanitas porro exigit, ut huiusmodi ^{n. 2. 3.} servo peculium relinquitur. Tale erit

1) Si quid fecit, quod servilis officii modum excedit, & inde præmium tulit.

2) Si quid ex decepto suo, genium defraudans comparavit.

Sed tamen eatenus manet peculium, quod 1) servus in eo nihil potest contra domini voluntatem, 2) quod in casu necessitatis dominus eo ipse jure uti potest.

Humanitas jubet, ut summi imperantes ^{n. 4.} huiusmodi servorum curam suscipiant, neque eos a dominis intolerabili injuria affici patiantur. Hinc apud Græcos licita erat proclamatio ad venditionem. Apud Romanos servi inhumanius tractati apud Præfectum urbi poterant conqueri *L. 1. ff. de off. pref. urb.* poterant ad statuam Principis confugere. Et tunc cogeantur domini inhumaniores servos bonis conditionibus vendere *§. 2. Inst. de his qui sui vel al. jur.*

Denique æquitas jubet, ut huiusmodi ^{n. 5.} servi,

servi, si frugi fuerint, tanto citius manumittantur. Servus enim aliud præmium nullo ferre potest, non honores, qui in servum non cadunt, non divitias, quia sibi nihil acquirit. Quum vero omnis virtus præmium mereatur, nihil sane æquius est, quam ut servus, qui liberaliter servivit, a domino manumittatur.

§. 7.

Quæstio incidit, an & fugere hujusmodi servo liceat? Negat id Grotius: & quidem ex ea ratione, quia ex conventionem debet operas. Perinde enim est, ac si cum victore pactus esset, serva mihi vitam, & ego tibi operas præstabo. Si vero fugeret, jam ageret contra pactum, adeoque contra jus naturæ.

Sed potest tamen objici, vix posse fugam hanc quasi delictum reprehendi aut damnari. Nam 1) præter delictum qui in infortunium incidit, is potest quocumque modo se inde expedire. 2) Pactum illud per ipsam naturam non potest aliter explicari, quam, quod se servitutum promittat captivus, quamdiu servus futurus, nec libertatem recepturus sit. Et hoc ipse supra factus est Grotius l. 3. c. 7. §. 6. ubi hanc quæstionem plane aliter solvit.

§. 8.

n. 1. 2.

Porro & id jubet humanitas, ut posteris hujusmodi servorum parcatur, neque illi in eandem detrudantur servitutem. Id probat ex fundamento hujus juris, quod posteris eorum qui ex delicto ad mortem condemnati fuissent, non futuri fuissent in rerum

rum natura. Sed id negat in bello captos quadrare, qui capiuntur tanquam obligati ex debito civitatis, ceu heri diximus. Ast nondum nati civitate obligari non potuerunt. Ergo nec possunt in servitutem detrudi.

Sed hic quidem non adeo accurate ratiocinatur Grotius. Nam 1) si pater huiusmodi vernæ fuisset in bello occisus, nec a victore servatus, ipse quoque non fuisset in rerum natura futurus: adeoque idem fundamentum adest.

2) Nec adeo crude dici potest nondum natos obligari non posse. Quid enim frequentius inter resp. & privatos, quam ut obligationes concipiantur pro se & posteris? Ergo si semel admissum est principium, quod servi liberi & ipsi servi sunt: non video, quomodo liberi dici possint captivorum liberi.

§. 9.

Altera capitis parte quæritur de iis, qui capti non detruduntur in servitutem, sed detinentur donec dato lytro redimantur: Hic humanitas suadet,

1) Ut captivi ejusdem conditionis permutentur.

2) Ut deficiente permutationis occasione redimantur,

3) Ut pretium non ita intendatur, ut captivus deinde egere cogatur. Et hinc fit, ut inter gentes humaniores iniri soleat pactum, quod vocatur un Cartel; quo exprimitur, quantum unusquisque secundum ordinem & conditionem suam solvere, pro

lytro debeat. Gregorius plerumque solvit stipendium menstruum.

4) Ut interea tolerabilem habeat conditionem & hospitaliter habeatur.

n. 2. 5) Omnium generosissimæ indolis esse, captivos salvos dimittere. Quod quidem verum; & merito laudantur, qui id fecerunt: sed ideo non potest aliis regula præscribi. Qui sup jure utitur, nemini facit injuriam.

C A P U T XV.

De temperamento circa acquisitionem Imperii.

§. I.

Bello & imperia adquiruntur. Quin plerumque ea vel præcipua bellandi causa est. Quæritur an id liceat?

Supra justitiam in externam distinximus. De externa justitia nemo dubitat. Hosti enim in infinitum omnia licent.

Quod ad internam, Grotius negat plus posse ex rebus hostilibus occupari, quam vel delictum vel debitum exigat. Sed id nemo temere probaverit. Nam

1) Bella non geruntur ex delicto vel in poenam, quia gens ratione gentis non est superior.

2) Belli præcipuus finis est securitas reip. nostræ. Quamdiu vero hostis mei vires non infringo, tamdiu securus esse non

non possum. Atqui si tantum ab eo occupem, quantum debitum vel delictum exigit, ejus vires non infringere. Ergo securus esse non possem. Cur aliter se res habeat in statu civile potest ostendi, quia ibi judicis auxilium in promptu est.

§. 2.

Et hinc laudandum jam porro dicit Grotius, si quis hoc jure abstineat. Hinc ipsi maxime placent effata Sallustii, Aristotelis, Ciceronis, qui hujusmodi quid inculcant. Eaque n. 2. accumulatur dictis theologorum & patrum primitivæ Ecclesiæ, qui idem suadent. Sed resp. n. 1. 2.

1) Pleraque illa dicta quæ a Romanis profisciscuntur factis Romanorum contraria sunt, quippe qui universum fere orbem occupant.

2) Nec prudentia patitur a conquestione imperii hostilis abstinere, si sit occasio. Nam aut nos habebimus, aut prior imperans, aut quisquis id occupaverit. Si prior imperans vel alius occupans illud eadem conditione tenet, tunc non magis securi sumus quam antea, adeoque bellum frustra gessimus. Ergo nos potius illud jure occupabimus.

§. 3.

Sed alia temperamenta omnino commendanda sunt. Tale est 1) ut victi si fieri possit, victoribus misceantur. Sic Romulus, quum videret urbem suam non admodum populosam esse, victos plerum-

que vel in urbem transtulit, vel civitatis jure donavit.

Ita & posteri sæpe cum integris Provinciis jus civitatis communicarunt.

Denique Antoninus cum universo urbe Romano *L. 17. ff. de stat. hom.* quod maxime laudat Grotius.

Sed quamvis humanitas victoris laudanda semper videatur: in eo tamen errat, quod Antonini factum laudat, qui orbem civitate donavit non ex benignitate, sed ex avaritia, ut eo plures vicesimam hereditatis penderent. *Ez. SPANHEM. in arbo Rom. exercitat. II.*

§. 4. 5.

Laudanda quoque moderatio 2) si imperium priori domino relinquatur. Quod multis exemplis heroum & victorum illustrat Grotius. Sed hic plures cautiones observandæ.

1) Ne hæc liberalitas reip. nostræ damnosa sit, ex. gr. si sic nulla nobis securitas sit.

2) Ut novum imperantem novis conditionibus obstringamus, ut nobis fere sit stipendiarius. Ita Romani Judæam Herodi, Galatiam Amyntæ, Cappadociam Archelao regibus reliquerunt.

3) Ut non semper id pro liberalitate habeatur, sed pro prudentia. Archelaus ab Augusto Cappadociam accepit, quia Augustus evitabat bellum cum Parthis. Melius ergo putabat fines a rege defendi, quam a Romanis.

§. 6.

Inter temperamenta est 3) ut tributum potius injungatur victis, quam ut iis omne adimatur imperium. Ita Romani cum Carthagineſibus & aliis egerunt. Nam

1) Sic satis consulitur ſecuritati.

2) Ita locupletatur ærarium.

3) Ita fines tertii ſuntibus defenduntur, ut jam exemplo Archelai Cappadocis docuimus.

§. 7.

Utilitatem hujus conſilii non unam promittit Grotius, veluti

1) Quod pax cum ejuſmodi victis eo firmior futura. 2) Quod ita non opus eſt præſidiis & ſuntibus ad ſubditos coercendos. 3) Quia iſta moderatio gloriam victoris augeat, eiſque plures conciliat.

4) Quia ſæpe magis intereſt reip. fines regere imperii, quam illud nimium proferri. Hadrianus omnes provincias trans Euphratem deſeruit. Idem & alii fecerunt. Nam a) ubi imperium nimium, ibi ſeditiones eo plures. b) Ibi magis timendi provinciarum præſides. c) Ibi eo pluribus bellis immiſcemur, & eo pluribus locis invadimur. Ego ſane Hiſpaniæ Regem hodiernum amiſſis Neapoli, Sicilia, Mediolano & Belgio opulentiorẽ arbitror, quam ejus deceſſorem.

§. 8.

Ea quoque moderatio notanda, quod mutatur quidem a victore reip. forma, ſed non ipſum imperium victis eripitur.

Nn 5

Eo

Et consilii usi Athenienses & Lacedæmonii. Quoties illi civitatem expugnabant, formam introducebant democraticam, quam ipsi elegerant. Si hi victores essent, optimatibus concedebant imperium, & sic & moderationis exemplum dari, & periculum seditionis evitari, siquidem plebs semper optimates, & optimates plebem odio habeant.

§. 9.

Porro si imperium in victos suscipiendum sit, suadet Grotius, ut subditis vel pars imperii relinquatur, quod fit 1) regem illis imponendo socium & amicum, vel ut vere dicamus, stipendiarium, quales sub Romanis in Judæa Herodes, in Cappadocia Archelaus, in Galatia Amyntas, in Numidia Masaniissa. 2) Ut regnum quidem victis relinquatur, sed nobis jus sit legiones & præsidia in terra victa habendi.

§. 10.

Immo si & omne imperium sibi victor condicat, moderationis tamen laudem feret, si ipsis relinquat *αὐτονομίαν*, id est, ut circa res privatas & publicas minores victi suis legibus patriis uti possint. Sic Romani Bythyniæ civitatibus omnibus concesserant jus suas constituendi resp. suos eligendi decuriones, decreta & leges faciendi. Et tamen hoc delusi simulacro libertatis omnes parebant præsidii provinciarum.

Explicandum hic ex politica, quid sit simulacrum libertatis.

§. 11.

§. 11.

Inprimis laudanda victoris moderatio, n. 1.
qua victis avitam religionem salvam ac
illibatam relinquit. 1) Nihil enim est re-
ligione cuique charius, 2) Nihil ad sedi-
tionem excitandam proclivius.

Tantum religio potuit suasisse malo-
rum.

3) In se religio non potest coactioni
subesse, quia in intellectu consistit. 4) Ex-
empla principum humaniorum evincunt, id
fieri posse. Augustus fere omnibus victis
suum cultum reliquit. Vid. BYNKER SHOEK
de religione peregrina.

At objicitur saepe religionem falsam &
obscuram esse. Resp. 1) ita omnibus fere n. 2.
alienam religionem absurdam videri: in
ea re errari facillime. 2) Dare potest ope-
ram victor, ut ne veræ religioni noceant.
3) Potest de eorum conversione sollici-
tus esse, sed non de violentia, verum
de vera, quæ fit per prædicationem ver-
bi.

Interim si religio in quibusdam juri nat.
repugnet, potest id mutare legibus. Sic
ipsi Romani non passi sunt Afros & alios
barbaros homines sacrificare.

§. 12.

Ultima denique moderatio est, ut si vel n. 1.
maxime omni imperio potiantur victores,
eo tamen non in modum herilem & ty-
rannice utantur, sed prout decet æquos
imperantes. Hoc modo Romani consequuti
sunt, ut rarissime provinciæ rebellarent.

Ubicumque enim vicerant, ibi bonis legibus temperabant rempublicam, urbes & frequentiores & opulentiores reddebant, subditos ad cultum vitæ elegantiorē traducebant, adeo ut plerique gauderent provinciales, se sub tam clementibus esse dominis.

Et id vel politica suadet ratio. Nemo amat dominum si servus sit, sed amat imperantem, sub quo felicius sit & opulentior. Et hinc firmissimum provincias servandi præsidium est benevolentia. Hinc elegans illud legati Privernatis dictum, qui victa civitate sua, quæsitus, qualem pacem expectet? respondit: si bonam dederitis, firmam & perpetuam, sin malam, haud diuturnam.

C A P U T XVI.

*Temperamentum circa ea quæ jure gentium
jure postliminii carent.*

§. 1.

SUPRA ubi de jure postliminii actum, diximus multas & personas & res esse, quæ illo jure non gaudeant. Sic non gaudent eo jure captivi pace facta, si eorum inter conditiones nulla sit facta mentio, nec eo gaudent res mobiles, præter naves, quippe quæ semel captæ manent capientium, &c. Ergo jam & hic temperamentum commendat Grotius.

I. Pri-

I. Primum est, ut omnia bello injusto . . .
capta, & in quemcumque translata posses-
sorem restituantur priori domino. Nam 1)
quod ad ipsos capientes, cessante causa,
nempe bello justo, cessat etiam effectus,
jus res occupandi vel capiendi personas.
2) Quod ad alios possessores, illi causam
habent a victore, qui jure non habuit do-
minium, adeoque nec transferre ille po-
tuit.

Illustrat id Grotius exemplo liberi ho-
minis a latrone vel pirata capti, qui quam-
vis in servitutem abreptus non tamen fit n. 2.
servus, adeoque nec libertinus est, si ma-
numittatur, sed ingenuus. Quid vero in-
terest inter eum qui injustum bellum gerit
& latronem? Recte Scythæ Alex. M. voca-
bant latronem gentium.

§. 2.

Idem Grotius illustrat exemplis. Æqui
& Volsci vicinos injuste spoliaverant, Lu-
cretius Rom. Cos. eos fudit, & prædam n. r. 2.
recepit, & eam omnem publice exposuit,
ut quisque suum abduceret. Liv. l. 3. Eam-
dem æquitatem servavit Postumius dicta-
tor, teste Liv. l. 10. Immo quid celebrius
exemplo Abrahami, qui victis quinque re-
gibus, qui Sodomam spoliaverant & re-
cepta præda, juravit conceptis verbis se
ne corrigiam quidem ex præda retentu-
rum, sed omnia Regi Sodomorum resti-
tuit, quamvis ipse illa concedere vellet
Abrahamo. Gen. XIV, 16. seq.

§. 3.

n. l. 2. Sed quaeritur, an non aliquid deduci possit a tertio possessore, ex. gr. si b. f. rem a victore emerim, an non si restituam, pretium repetere possim. Respond. Grotius.

1) M. f. possessorem nihil deducet jure. Ex. gr. si sciat victorem bellum injustum gerere, & tamen ab eo prædam emat.

2) B. f. possessor deducet 1) aliquid, si ipse victus a victore sine impensis quibusdam rem recuperare non potuisset. 2) Deducit impensas, si bello vel vi victori res extorsit. Ita ipse Abrahamus, quamvis vero domino omnia redderet, deduxit tamen decimam Deo dandam, & præmia sociorum.

§. 4.

Æquitas eadem jubet, ut & populi victi ab hoste nostro sibi suæque libertati reddantur. Non enim, ut diximus, potest successor verum dominium habere, quod is non habuit, a quo causam habet. Et hinc iniqui Romani, qui Mithridate victo, qui Seleuco Syriam injusto bello eripuerat repetenti Seleuco illam restituere noluerunt.

§. 5.

Quid vero si præscriptio obstat? Eam hac in re notum est producere jus externum, sed non internum, 1) quia est ex jure mere civili, 2) quia plerumque victus rem suam recuperare non potuit. Non

va-

valenti agere, ne jure quidem civili currit præscriptio.

§. 6.

Quid si causa belli dubia? Eo casu res ad transactionem redit, cujus elegans exemplum ipse adfert Grotius.

C A P U T XVII.

De his qui Bello mediis sunt.

§. 1.

Medii bello dicuntur, qui neutri bel-
ligerantium suppetias ferunt, adeo-
que plane extra bellum sunt.

His nihil omnino eripiendum esse tradit.

1) Quia in pacatos nihil licet, nisi urgen-
te necessitate, quæ hic nulla est. 2) Quia
necessitas quidem excusat si sumamus, non
si sine pretio sumamus. 3) Quia jus belli
non nisi contra eos, qui bellum gerunt,
locum habet.

§. 2.

Id suo more exemplis illustrat Grotius, n. 1. 6.
ut doceat, gentes in hanc doctrinam con-
sensisse. Sed quid opus exemplis gentium,
dum ipsa ratio hanc doctrinam probat?
Non ergo ea repetamus, quæ ab unoquo-
que legi possunt, sed præcipua tantum de-
libabimus, quæ vim probandi habent. Ho-
rum præcipuum est, quod §. 4. adfertur
dictum Joannis Baptistæ: *A concussione*

calumniis in quosvis abstinere, contenti esse re stipendiis vestris. Luc. II, 14. Hæc disciplina militaris divina est, tam rationi consentanea, ut vel solum hoc dictum sufficiat ad hanc doctrinam demonstrandam.

§. 3.

n. 1. Quemadmodum ergo pacificos lædere non licet, ita nec iis licet ullo modo lædere belligerantium alterum, aut uni plus quam alteri favere. Hinc

1) aut neutri aut utique æquis conditionibus concedendus transitus.

2) Utrique petenti dandus commeatus æquo pretio: si vero existent edicta de non advehendis muneribus prohibitis, neutri.

3) Subditos prohibere ne militent alterutri. Hinc parum ex fide fecit Rex Galliæ, qui quum Regi Hispaniæ promississet, se causam Lusitanorum non suscepturum, maximam exercitus partem dimisit, sed clandestinis mandatis instructam, ut stipendia faceret Lusitanis.

n. 2. Ratio est, quia qui hostem meum juvat, hostis est, ex quo sequitur, ut qui alterutri belligerantium plus favet, non sit neutrarum partium, sed hostis, adeoque ei, si hostis loco habeatur, non fiat injuria.

n. 3. Sub finem id temperamentum commendat Grotius, ut foedus cum utroque belligerante ineatur, quod vocant Neutralitatis-Tractaten.

Hujus foederis ea utilitas est, 1) ut non possint cogi ad arma pro alterutro sumenda.

da. 2) Ut eo magis ad liquidum perdu-
catur, quid facere liceat durante bello,
vel non liceat. 3) Ut commerciorum li-
bertati consulatur.

C A P U T XVIII.

*De his qua in Bello privatim
sunt.*

§. I.

Hosti in hostem in infinitum omnia li-
cent in bello publico, idest in proe-
liis, in expugnationibus urbium, terra ma-
rique, sed saepe hosti & extra bellum pri-
vatim damnum inferri potest, e. g. si sub-
diti nostri subditos hostis spolient, occi-
dant &c. si privatorum naves navibus ho-
stilibus insidias struant &c. Quæritur ita-
que, an id juris sit?

n. 1.

Negabant Romani eum jure cum hoste
pugnare, qui sacramento militari se non
obstrinxisset. Hinc Cato filium missione
impetrata negavit cum hoste jure pugna-
re, nisi novo Sacramento se obstringat.
Sed Grotius considerat, sintne arma pri-
vatorum jura gentium & naturali.

Quod ad jus gentium, i. e. mores gen-
tium attinet, nihil prohibet, & privatos
hosti nocere, 1) quia bellum gerit tota
resp. adeoque & singuli inter se hostes sunt.
2) Quia declarationibus belli plerumque

n. 2.

addi-

additur adhortatio, ut subditi arma corripiant, & se suaque tueantur, & quocunque modo hosti incommodent.

Hinc quæ Cato ad filium scribit, non sunt ex jure gentium, sed ex disciplina militari Romanorum, cujus tam tenaces erant, ut Manlius Cos. ideo filium securi feriret, quod privata auctoritate, se absente hostem esset adgressus.

At jus nat. concedit quidem inquit Grotius, ut privati hostibus incommodum adferant, non autem, ut res captas sibi vindicent. Cuicumque enim nihil debetur, iste nihil potest sibi eripere. Sed tamen ne cui ea occasione jus sit homicidia præter jus & fas committere, hodie non temere id permittitur, nisi præcedat mandatum reip.

Id vel generale vel speciale est. Generale locum habet 1) in periculo subitaneo. Quicumque rempubl. salvam esse volunt, me sequantur. 2) in defensione. Hinc in bello, si cohors hostilis pagum vel oppidum invadat, & civibus licet se suaque tueri.

§. 2. 3.

Speciale mandatum habent 1) stipendiis conducti, 2) suo sumtu militantes, les volontaires, 3) qui naves armant suo sumtu & consentiente rep. ut iis hostibus infidientur. Qui id singulare habent,

1) quod iis pars prædæ pro sumtibus concedatur.

2) Quod ipsi contra partem prædæ debeant fisco vel reip.

3) Quod si

3) Q
tur ipsi
queant

Hæc
Christ
mend

1)
sed h

2)
ipso

3
Leg
gna
ma

cas
fit
si
tur
tu
su
g
q

3) Quodsi naves amittant, vel capiantur ipsi, indemnitatem a rep. eligere nequeant.

§. 4.

Hæc J. N. & gent. recepta. Jam quidquid Christiana charitas suadeat, Grotius commendat hanc moderationem,

1) ne innocentibus, ista prædatio noceat, sed hostili reip. vel ejus principi.

2) Ut ea omittatur, si hostium vires eo ipso non insigniter occidantur.

3) Ne crudelitati indulgeant victores. Leges probæ & Christiano Doctore dignæ, sed quæ plerumque silent inter arma.

§. 5.

Observat porro Grotius, aliquando occasione belli publici privatum nasci. id fit, 1) si quis in hostes inciderit, e. gr. si navis mercatoria ab hostilibus impugnetur, si iter faciens a cohorte hostili petatur. Tunc quælibet honesta est ratio defensionis. 2) Si tempore belli damnum insignè passi a magistratu impetrent jus repressaliarum.

Sed posterior casus vere non privatum est bellum sed publicum, quia non privata auctoritate, sed publico arbitrio geritur.

§. 6.

Ast quaeritur sub finem, si quis privata auctoritate hosti damnum intul. ad quid obstrictus sit?

Resp. aut sine necessitate id fecit, & tunc ad restitutionem non tenetur, quia hosti
non

non facta injuria, sed ad poenam, quia leges reip. violavit.

Sin justa causa defensionis adfuit, & poena cessat, & restitutionis obligatio, ob jus inculpatæ tutelæ, quæ cuivis tempore pacis, adeoque multo magis tempore belli promittenda est.

C A P U T XIX.

De Fide inter Hostes.

§. I.

n. 1. **C**Apit hoc 1) probat, hostibus quoque servandam esse fidem, §. 1, 6. & 2) in quibus rebus habenda sit, docet §. 7. ad fin.

1) Prius Grotius demonstrat 1) variis testimoniis Silii Italici, Xenophontis, Aristidis, Ciceronis, quæ tamen in se illustrent potius quam probant.

n. 2. 2) Fides est vinculum non solum civitatum, sed & totius humanæ societatis. Atqui hostes etiam pertinent ad humanam societatem. Ergo fides ipsis habenda.

3) Hosti in hostem in infinitum omnia licent, immo cum stratagematibus quoque & falsiloquiis circumvenire licet, ceu supra diximus, verum dum cum eo agimus tanquam cum hoste. Ast si cum eo paciscimur, cum eo non agimus tanquam cum hoste, sed tanquam cum amico & pari.

Ergo

Ergo obligatio hic manet, ut fidem ser-
vemus.

4) Denique & ab absurdo probari pot-
est. Bella geruntur, ut pax fiat. Pax vero
nunquam fieri posset, si nullum pactum
inter hostes initum obligaret. Ergo obli-
gat omnino.

§. 2.

Sunt tamen qui id negant. Et hi maxi-
me utuntur exemplo prædonum & latro-
num, quibus negant fidem esse servandam.
Talis est sententia ipsius Ciceronis & Se-
necæ.

Idem uti solent exemplo tyrannorum,
cui nihil deberi ait MICH. EPHESIUS
in *Comm. ad Aristotelem*, adeo, ut nec
in ejus uxorem adulterium committi pu-
tet.

Denique & ad Judæos provocant, quo-
rum magistri alienigenarum conjugia pro
nullis habent, & adversus eos negant vio-
lari posse fidem.

Sed respondetur 1) quod ad latrones,
distinguendum esse, an pactum nobis vi-
& metu extorserint, an sponte iis quid-
quam promiserimus. Si prius: nulla est
obligatio, non quod cum prædonibus vel
latronibus pacti sumus, sed quod pactum
debet esse consensus liber. Sin posterius,
obligatio omnino valida producitur, ex-
gr. si magistratus prædonibus impunitatem
promiserit. Quod fecit Pompejus in bel-
lo piratico. 2) Quod ad tyrannos absur-
da est sententia. Tyrannus est, sed homo
tamen, & quis homini neget fidem esse
ser-

servandam. 3) Judæorum sententia de alienigenis falsa est, nec ex Scriptura S. sed ex magistrorum lacunis fluit. Ergo nihil probat.

§. 3.

n. 1. 2.

Equidem sunt qui obijciunt: latrones a quovis puniri possunt. E. & a quovis possunt dolo circumveniri, ut puniantur, adeoque fides iis impune non servatur. Ita Cicero.

Resp. 1) falsum est, latronem a quovis puniri posse. Poena est superioris. Occidi potest, sed per modum defensionis, non puniri.

2) Non sequitur, puniri potest. E. & pactis decipi. Puniri enim potest, si occidat in manus magistratus, magistratus vero impunitatem promittens renunciavit juri suo, adeoque eum punire amplius non potest.

3) Decipi potest latro, si eum tanquam hostem persequamur, tunc licet stratagematibus quibuscumque uti: non autem si cum illo paciscimur.

§. 4.

Atqui ipsi fassi sumus, promissum metu extortum non valere. Quid vero latronibus promittitur, annon metu extortum est? An non magistratus ideo promittit, quia metuit, ne latro plures homines occidat?

Resp. Promissum metu extortum liberat promittentem, si illi ipsi promittenti vis illata. Hic autem latro vim non intulit
ma-

magistratui, sed privatis quibusdam. Ergo magistratus dicere non potest promissum sibi metu extortum esse.

§. 5.

Addit Grotius, & promissum metu extortum servandum esse, si jusjurandum accesserit: quia quamvis homini non teneatur promittens, tenetur tamen Deo, cui jurarit.

Sed hoc, quod probe notandum 1) falsissimum est, & nititur falsa juris canonici doctrina, quod jusjurandum novam producat obligationem, quum tamen tantum accessorium sit obligationis. Si ergo accessorium est, sequitur suum principale. Ergo si obligatio nulla est, per jusjurandum nulla introducitur. Deinde 2) jurejurando obligamur Deo, si acceptat jusjurandum. Quis vero dixerit, Deum acceptare jusjurandum vi & metu extortum?

§. 6.

Inde ergo colligit Grotius, etiam fidem habendam esse subditis bellum cum rege gerentibus. Bellum enim gerunt aut justum cum tyranno, aut injustum tanquam rebelles. Si prius, quis negaverit iis fidem servandam, qui justii hostes sunt? Sin posterius, sane nulla ratio denegandi fidem subditis rebellibus, quam ne latronibus quidem denegari posse demonstravimus.

§. 7.

Objiciunt, quod ad subditos dominium eminens. Eo jure possunt agere omnia
Prin-

Principes, quæ exigit reip. utilitas. Ergo & pacta cum rebellibus inita possunt rescindere, si salus reip. exigat.

Resp. 1) Dominium eminens est jus, non ergo verti debet in injuriam. 2) Locum non habet nisi in casu extremæ necessitatis. 3) Juri in suum favorem introducto unusquisque potest renunciare. Ergo & Princeps. Renunciat vero, dum paciscitur cum rebellibus.

§. 8.

n. 1. 2.

Inprimis id observare oportere ait, quod promissum est rebellibus, si jusjurandum vel principis vel civitatis accesserit, cujus eadem est ratio, quod ita non rebellibus, sed Deo non obligentur.

Sed id quoque nihili est. Jusjurandum enim nihil novæ obligationis introducere, jam paullo ante vidimus. Ergo æque promissa rebellibus servanda sunt, si injurata sint, ac si jurejurando firmata.

§. 9.

Verius est, quod hoc §. ait Grotius; multo magis valere promissum, si tertio intervenienti factum sit. Nam tertio, qui metum nullum iniecit, exceptio quod metus causa ob stare non potest. Hinc e. gr. quum Macedones bellum cum Rege suo Philippo gessissent: Romanis pollicitus est Rex, se subditos suos ob hoc bellum non persequuturum. An contra Romanos habebat exceptionem, pacta cum rebellibus inita, tanquam vi & metu extorta non obligare? Negatur. Romani enim, quibus promiserat non erant rebelles, nec ii hoc

hoc pactum vi metuque injusto extorserant.

§. 10.

Porro & ideo pacta cum subditis inita absurda non sunt, quia mutatio reip. non absurda est. Alio loco demonstravimus, temp. vel civitatem pactis inter Principem & subditos constitui. Quis vero negaverit, pactum contrariq. pacto tolli & mutari posse?

Ergo nec absurdum est, cum subditis; in quos antea imperans pleno imperio utebatur, ita pactum iniri, ut in posterum restrictior sit imperantis potestas, vel ut pars subditorum plane libera sit?

§. 11. 12.

Jam ex his quæ dicta sunt colligit Grotius. Si ergo pacta servanda sunt latronibus & rebellibus, multo magis servanda erunt hostibus justis. n. 1. 2.

Nam hic cessat exceptio, quod metus causa, quia hoc medium coercendi inter gentes æque justum habetur, ac inter cives judicia.

Quicumque vere non est injustus, iste nec obligationem reddit irritam. Illustrari id potest exemplo civis a magistratu metu carceris adacti ut promitteret, se intra mensem, quod debeat, soluturum. Hic sane exceptionem quod metus causa non habet. Ergo nec is, qui bello justo adactus promissit.

Ergo hoc non pertinet ad promissa vi non bellica sed illicita extorta, e. g. si quis reginam victam metu stupri adegerit ad

Hein. de Jure Belli, &c. Oo pro-

promittendum. Non enim vis bellica in stupris, sed in armis consistit.

§. 13.

n. 1. 2.

Quæritur, an & perfidis servanda fides? Affirmat Grotius, ideo laudans Romanos, qui fidem servaverint Poenis, toties foedifragis, itemque eosdem vituperans, quod Lusitanos toties foedifragos, nova perfidia ultri sint.

Sed distinguendum, an in aliis pactis perfidi sint, an in hoc ipso. Si in aliis, id non prohibet, quo minus ipsis fides servanda sit. Sin in eadem, perfidia alterius nos quoque liberat. e. g. Hannibal aliquoties deceperat Romanos. Jam hi cum illo inducias faciebant, an poterant eas ideo violare Rom. quia Hannibal antea fuerit perfidus? negatur. Sed si fingamus, Hannibalem contra has ipsas inducias fecisse: nihil prohibet, quo minus & Romani jam possent iis ruptis Hannibalem bello persequi.

§. 14.

Vidimus hactenus regulam: Hosti servanda fides: sequuntur exceptiones, quarum duæ sunt, conditionis defectus & compensatio.

I. De conditionis defectu res clara est. Promissi enim conditionalis non præsens est obligatio, sed futura. Nec prius incipit obligatio, quam exstiterit. Ergo sequitur, ut si conditione non existente promissam non adimpleo, non perfidus sum, sed jure meo utar.

Est vero conditio vel expressa, vel tacita.

Per

Per tacitam hic non intelligitur ea, quam quis dicit se in mente retinuisse. Nam sic nulla obligatio valeret, quia unusquisque dicere posset, se hanc vel illam conditionem in mente habuisse: sed talis, quæ ex ipsa natura negotii fluit, e. g. dotem tibi dabo: subintelligitur, si tibi nupsero. Dos enim sine nuptiis non intelligitur. Adimplebo pacis conditiones, subintelligitur: si & tu adimpleveris &c.

§. 15.

Altera exceptio est compensatio, quæ est mutui debiti & crediti contributio. Valet 1) si debitum utrinque liquidum est, 2) si mutuum est, 3) si certæ æstimationis. Si ita fiat compensatio, tunc recte dicitur obligationem promissi cessare, si sit jus compensanda.

Hinc elegans casus. Titius a me mutuum sumsit pecuniam, & juratus promisit, se eam restitutum. Interea & ipsi tantundem debere cœpi ex vendito. Non solvit. An periurus est? Negatur, quia compensare est solvere.

§. 16.

Nec interest, utrum ex eodem contractu nascatur debitum mutuum, an ex alio diverso. Sufficit enim adesse debitum mutuum. Hinc paullo ante dedimus exemplum, ubi unus ex mutuo, alter ex vendito debebat.

Objici quidem posset, jure civili in quibusdam contractibus & causis locum non habere compensationem, e. g. in deposito. Sed facilis responsio: jus naturæ

gentium hoc discrimen non agnoscere; quippe ideo inventum a legislatoribus, ut omnem prætextum non reddendi depositum excluderent.

§. 17. 18.

Immo & non interest, an alter mihi debeat ex contractu an ex delicto. Nam & ex hoc naturalis nascitur obligatio tum ad restituendum, tum ad pœnam. Sed id modo discrimen in statu civili observatur, 1) quod quum debitum ex contractu plerumque liquidum sit, ex delicto quod debetur, fere iudicis officio definitur. 2) Quod quum ex contractu privatis æque ac reipublicæ deberi possit, multa plerumque hodie non privatis, sed reipubl. debeat, excepta fere æstimatione, quam actione injuriarum consequimur.

§. 19.

n. 1. 2. 3.
4. 5.

Quemadmodum ergo hæc in statu civili locum habent, ita & inter gentes bellum gerentes observantur. Sed id tamen non intelligendum de controversia primaria, de qua bellum geritur, sed de aliis specialibus, quæ durante bello incidunt. Sic e. g. si bellum geratur ob debitum 300. millionum, & subditi nobis tributa promiserint durante bello, non possunt nobis tributa negare sub prætextu, quod ipsis 300. milliones debeamus. Hæc enim est controversia, de qua sub gladio iudicæ lis est. At si e. g. bellum geramus diversis locis, & alio loco victores adgerimus hostes ad promittenda tributa, alio loco victi ipsi tributa promiserimus; nobis

nobis non solventibus ipsi quoque sua jure compensationis merito retinent.

Addit & hic Grotius monita quædam, veluti generosi animi esse & compensationi renunciare: id quoque exigere aliquando Christianam charitatem &c. Quæ quidem vera sunt, sed in bello raro observantur, ubi plerumque sufficere creditur, si non injuste agant belligerantes.

C A P U T XX.

De Pace.

§. I.

Prolixe hætenus egimus de bello. Jam de pace agitur, vel de pactionibus cum hoste. Pactiones illæ aut expresse fiunt aut tacite. De fide tacita agitur cap. 24. Expressæ pactiones sunt vel publicæ vel privatæ. De privatis agitur cap. 23. Publicæ sunt aut summorum potestatum aut inferiorum. De pactionibus inferiorum potestatum agitur cap. 22. Denique superiorum potestatum pactiones vel bellum componunt, quales pactiones de pace, de quibus hoc capite 20. vel suspendunt belli actus, ut induciæ, de quibus cap. 21. De pace queritur,

- 1) Quis eam inire possit? §. 2, 4.
- 2) Quibus conditionibus §. 5, 26.
- 3) Quomodo pax violetur vel rumpatur §. 27, 41.

4) An & aliis modis finire possit bellum §. 42. fin.

§. 2.

Si quaeritur, quis pacem possit inire? resp. summus imperans. Qui enim habet jus belli, idem & jus pacis, 2) in pace quaeritur, de rebus reddendis, de cedendis urbibus & provinciis. De his rebus nemo præter summum imperantem statuere potest.

Ergo sequitur, ut in statu vere monarchico solus rex pacem faciat, quia solus summus imperans. Dicimus *vere monarchica*. Sæpe enim reip. forma exigit, ut rex nihil possit sine consensu statuum, ut in Polonia.

§. 3.

n. 1.

Quum vero pax inestur per pacta, pacisci vero non possint impuberes: quaestio est, an rex impubes pacem facere possit? item an furiosus? denique an captivus?

De impubere & furioso id negatur, quia illius nullus consensus. Ergo aut cum tutore ejus paciscendum, cujus plena est potestas, aut cum tutore & ordinibus imperii simul: aut, quod tutius, induciæ fieri possunt, usque ad pubertatem regis.

De captivo incidit quaestio, quum Carolus V. cum Francisco I. Rege Galliarum in carcere Inadritano fecisset pacem. Et recte quidem negatur, captivum pacem facere posse, quia quamvis rex sit, exercitium tamen regii imperii cessat.

n. 2.

Ergo distinguendum, an de rebus privatis

tis paciscatur, an de regno & rep. Priores portiones valent, non posteriores.

§. 4.

In statu Aristocratix proceres pacem ineunt: in democratico totus populus per suffragia in comitiis. Inde sequitur, ut

1) dissentientibus proceribus vel civibus plura suffragia vincant pauciora.

2) Ut pacta tunc obligent & eos, qui non consenserunt.

3) Ut iisdem etiam prosit.

§. 5.

Hactenus de personis paciscentibus, jam ^{n. 1. 1. 1.} de rebus vel conditionibus, de quibus pacta ineuntur, quæ vel publicæ vel privatæ.

Publica res est regnum ejusve pars, unde quaritur, an id vel totum vel ex parte per pacem alienari possit?

Distinguitur & hic, an regnum patrimoniale sit? an usufructuarium. Si usufructuarium, rex illud alienare non potest, adeoque nec per pacem concedere hosti, nisi accedat ordinum totius regni consensus.

Si pars hosti concedenda, distinguendum denuo an ea jam ab hoste armis occupata sit, an de novo illi sponte concedenda. Si prius, sufficit in regno usufructuario consensus principis & ordinum regni, nec opus est consensu eorum, qui hosti conceduntur. Sin posterius, & rex, & ordines, & illi ipsi, qui alienantur, consentire debent.

Ratio ex pacto primævo, quo resp. hujusmodi constituuntur petenda, quo sane

facultas non alienandi sed regendi data est principi.

n. 4. Si vero regnum patrimoniale est : ipsa natura hujusmodi imperiorum docet , ea libere alienari , ita ut nec ordinum , nec partis alienandæ consensu opus sit , sed sola sufficit principis voluntas.

§. 6.

Ex quo simul patet , quomodo decidenda quæstio : an & quatenus subditi regum pactionibus teneantur ? Nam eadem obtinet distinctio . Si regnum patrimoniale vel plane herile , quidquid pactus est rex , & subditos obligat . Sin usufructuarius , subditi tenentur , quatenus rex egit secundum leges fundamentales regni & imperii . Non enim plus habet hujusmodi rex , quam quod ipsi datum est .

§. 7.

n. 1. 2. Jam de rebus privatis : An & de his valet pactio ? e. g. si princeps prædia & agros privatorum cedat hosti in satisfactionem , an id ratum est ? Resp. affirmando , quia imperantes in subditorum rebus gaudent dominio eminente . Respublica æque habet dominium in rebus civium ac ipsi cives , si necessitas reip. id exigat . Jam necessitas reip. id sæpe exigit , ut potius res privatæ , quam publicæ hosti concedantur . E. id potest resp. ejusque victor .

Interim omnino & reliqui cives his , quorum res hosti concessæ sunt , tenentur ad resarciendum damnum , 1) quia nec reliqui cives cum unius damno fieri debent locupletiores , 2) quia inter cives debet

debet esse æqualitas, nec unus plus contribuere debet ad tuendam republ. quam alter.

§. 8.

Nova quæstio est, an si cives nostri damnum ingens tempore belli passi sunt, iis restitutio quædam a republ. debeatur? Vasquius in controversiis illustribus negat, ex ea ratione, quod jus belli talia promittat. Sed id recte absurdum dicit Grotius. Jus belli enim excusat, non quæ civibus fiunt, sed quæ hosti nocentur.

Ergo omnino reliqui cives debent refundere damnum, quod ex concivibus unus vel alter extra ordinem passus est, ex eadem ratione, ob quam contributio fieri solet ex *L. Rhodia de jactur.* si unius merces in mare projecta sint, ut aliorum res serventur.

§. 9.

Sunt qui distinguunt inter ea, quæ jure gentium & quæ jure civ. nostra sunt. Hæc dicunt subesse arbitrio principis vel reip. ita, ut possit in illa dominium eminens exercere. Illa non æque. Quæritur itaque, an recte ita distinguant?

Negatur. Nam 1) dominium ex qualicumque causa nascatur, est dominium. Non ergo ad causam dominii, sed ad effectum respiciendum. 2) Quæ jure civ. nostra sunt, eo minus alterius arbitrio subesse debent, quia plerumque titulo oneroso adquiruntur, quum quæ jure gent. adquiruntur, maximam partem titulo benefico.

§. 10.

Ergo maneat hoc, temp. posse urgente necessitate de rebus etiam privatis dispo-
nere, easque hosti tradere in satisfactio-
nem. Sed distinguendum tamen jus hostis
& nostri principis.

Hostis potest accipere salva conscientia,
quæ ipsi in satisfactionem offeruntur, sive
sint publica sive, privata.

Princeps vero noster vel respubl. non
potest promiscue res privatorum tradere,
sed 1) urgente necessitate, 2) oblata sa-
tisfactione dominis, qui rerum suarum
jacturam patiuntur.

§. 11. 12.

Incidere hic solet quæstio de interpre-
tatione conventionum pacis. Interpreta-
tio quum vel extensiva, vel restrictiva,
vel declarativa sit, quæritur quæ hic lo-
cum habeat.

Inhæret Grotius regulæ vulgari: Favo-
rabilia late; odiosa stricte sunt interpre-
tanda, quæ & falsa, & hic adplicari ne-
quit. Nos ita dicimus. Jura magis fa-
vent illis, qui de damno vitando certant,
quam qui de lucro captando.

Inde sequitur, ut pacis conventiones
ratione ejus, qui inde lucrum habet,
stricte interpretanda sint, ratione ejus,
qui illis damnum patitur, late. Ex hac
regula facile componi potuisset contro-
versia inter Gallos & Germanos, an pa-
ce Westphalica cum Alsatia etiam de-
cem civitates imperii in Alsatia cessæ es-
sent.

Si neuter lucratur, regula plerumque est: Uti possidetis ita possideatis, adeoque interpretatio in dubio pro possessore facienda.

§. 13.

Nonnumquam in pace convenit, ut omnia restituantur in statum, qui ante bellum fuit, ubi tenenda regula: Respicitur tunc ad possessionem ultimam, non anteriorem, quia de ea paciscentes cogitasse non præsumuntur.

Inde lucem capit Art. 4. Pacis Ryfwiensis, Protestantibus tam infestus, ubi cautum ut status religionis in locis cæsis & restitutus sit, qualis fuerit ante bellum. Id pontificii interpretabantur de religione antiquiore pontificia, protestantes de ea, quæ proxime ante bellum fuerit, nempe Evangelica.

Interim antiquioribus possessoribus, si quod jus habent, solum debet esse jus, via juris suum consequendi.

§. 14.

Fieri etiam solet, ut tempore belli populus liber alterutri parti belligerantium sponte se subjiciat. Quæritur itaque, an tunc in pace, si omnia ad priorem statum redire jubentur, etiam hic populus libertati suæ reddendus sit?

Resp. distinguendum, an ita expresse convenerit, nec ne. Priore statu standum est pacto. Posteriore non præsumitur ita convenisse. Nam 1) hunc populum nemo possedit, adeoque nemini reddendus, 2) Ipse sui juris sponte se nobis dedit,

potuitque suo juri renunciare. Ergo tertii nihil interest.

§. 15.

Q. porro, an post pacem & damna invicem resarcienda? Resp. aut ita convenit, tunc pacto standum; aut non convenit, & tunc damna sibi invicem censentur remisisse.

1) Quia bellum sine iis geri nequit.

2) Quia & in statu civili in dubio litis impensæ compensantur.

§. 16.

Quid vero de priuatorum debitis, an illa quoque bello expirasse censentur? e. g. si ante bellum Gallus mercator debuerit Amstelodamensi.

Negatur, ea bello expirare, 1) quia liberatio a debitis privatis non est belli causa, 2) quia belli jus debita non extinguit, quamvis durante bello occasio exigendi debita cesser.

§. 17. 18.

Quid vero de poenis? Aut illæ debentur ob delictum hosti illatum, tunc remittendæ pace inita, aut ex alio quocumque crimine, tunc pax nihil mutat.

E. g. si cepimus hostilem piratam vel prædonem, qui nobis multum damni intulit, vel proditorem, qui munimentum hosti tradidit, ei poena remittenda facta patet: non qui condemnatus ob furta, adulteria, cædes.

Ratio prioris decisionis est lex amicitia, quæ semper primum pacis articulum constituit.

§. 19.

§. 19.

Quæritur porro de prætensionibus, quæ ante bellum urgebantur, an ex per pacem cessent?

Resp. id ex ipsis articulis judicandum. Aliquando illis sollemniter renunciatur, tunc res clara. Aliquando tacite, dum alterius jus agnoscimus, e. g. Imperator in pace nupera agnovit jus Regis Hispaniæ, aliquando sibi reservat titulum, ut idem Imp. dicatur Rex Hisp. aliquando res dubia relinquitur, ut pace Rysvicensi controversia inter Ducem Aurelianensem & Elect. Palat.

§. 20.

Aliquando contingit, ut pace nondum publicata exercitus noster urbem, homines, res capiat quamvis vere pax contracta sit. Si ergo de istis in pace nihil convenit, an reddenda erunt? Affirm. 1) quia per pacem expiravit belli jus,

2) quia cessante belli jure etiam cessat jus occupandi.

§. 21.

Plerumque etiam in pacis articulis convenit, ut res capte reddantur. De his has regulas tradit auctor.

1) Mutua hujusmodi conventio late; unilateralis stricte interpretanda, quia hic de lucro captando certat.

2) Restitutio hominum latius interpretanda, quam restitutio rerum. Quia pro hominibus captis militat misericordia.

3) Immobilium restitutio majoris momenti quam mobilium, quia dubia æstimationis.

4) Re

gentium hoc discrimen non agnoscere; quippe ideo inventum a legislatoribus, ut omnem prætextum non reddendi depositum excluderent.

§. 17. 18.

Immo & non interest, an alter mihi debeat ex contractu an ex delicto. Nam & ex hoc naturalis nascitur obligatio tum ad restituendum, tum ad pœnam. Sed id modo discrimen in statu civili observatur, 1) quod quum debitum ex contractu plerumque liquidum sit, ex delicto quod debetur, fere iudicis officio definitur. 2) Quod quum ex contractu privatis æque ac reipublicæ deberi possit, multa plerumque hodie non privatis, sed reipubl. debeatur, excepta fere æstimatione, quam actione injuriarum consequimur.

§. 19.

n. 1. 2. 7.
4. 5.

Quemadmodum ergo hæc in statu civili locum habent, ita & inter gentes bellum gerentes observantur. Sed id tamen non intelligendum de controversia primaria, de qua bellum geritur, sed de aliis specialibus, quæ durante bello incidunt. Sic e. g. si bellum geratur ob debitum 300. millionum, & subditi nobis tributa promiserint durante bello, non possunt nobis tributa negare sub prætextu, quod ipsis 300. milliones debeamus. Hæc enim est controversia, de qua sub gladio iudice lis est. Ast si e. g. bellum geramus diversis locis, & alio loco victores adgerimus hostes ad promittenda tributa, alio loco victi ipsi tributa promiserimus, nobis

nobis non solventibus ipsi quoque sua jure compensationis merito retinent.

Addit & hic Grotius monita quædam, veluti generosi animi esse & compensationi renunciare: id quoque exigere aliquando Christianam charitatem &c. Quæ quidem vera sunt, sed in bello raro observantur, ubi plerumque sufficere creditur, si non injuste agant belligerantes.

C A P U T XX.

De Pace.

§. I.

Prolixe hactenus egimus de bello. Jam de pace agitur, vel de pactionibus cum hoste. Pactiones illæ aut expresse fiunt aut tacite. De fide tacita agitur cap. 24. Expressæ pactiones sunt vel publicæ vel privatæ. De privatis agitur cap. 23. Publicæ sunt aut summorum potestatum aut inferiorum. De pactionibus inferiorum potestatum agitur cap. 22. Denique superiorum potestatum pactiones vel bellum componunt, quales pactiones de pace, de quibus hoc capite 20. vel suspendunt belli actus, ut induciæ, de quibus cap. 21. De pace quaeritur,

1) Quis eam inire possit? §. 2, 4.

2) Quibus conditionibus §. 5, 26.

3) Quomodo pax violetur vel rumpatur §. 27, 31.

O o 3 4) An

4) An & aliis modis finire possit bellum §. 42. fin.

§. 2.

Si quaeritur, quis pacem possit inire? resp. summus imperans. Qui enim habet jus belli, idem & jus pacis, 2) in pace quaeritur, de rebus reddendis, de cedendis urbibus & provinciis. De his rebus nemo præter summum imperantem statuere potest.

Ergo sequitur, ut in statu vere monarchico solus rex pacem faciat, quia solus summus imperans. Dicimus *vere monarchica*. Sæpe enim reip. forma exigit, ut rex nihil possit sine consensu statuum, ut in Polonia.

§. 3.

n. 1.

Quum vero pax inëatur per pacta, pacisci vero non possint impuberes: quaestio est, an rex impubes pacem facere possit? item an furiosus? denique an captivus?

De impubere & furioso id negatur, quia illius nullus consensus. Ergo aut cum tutore ejus paciscendum, cujus plena est potestas, aut cum tutore & ordinibus imperii simul: aut, quod tutius, induciæ fieri possunt, usque ad pubertatem regis.

De captivo incidit quaestio, quum Carolus V. cum Francisco I. Rege Galliarum in carcere Inadritano fecisset pacem. Et recte quidem negatur, captivum pacem facere posse, quia quamvis rex sit, exercitium tamen regii imperii cessat.

n. 2.

* Ergo distinguendum, an de rebus privatis

tis paciscatur, an de regno & rep. Priores portiones valent, non posteriores.

§. 4.

In statu Aristocratizæ proceres pacem ineunt: in democratico totus populus per suffragia in comitiis. Inde sequitur, ut

1) dissentientibus proceribus vel civibus plura suffragia vincant pauciora.

2) Ut pacta tunc obligent & eos, qui non consenserunt.

3) Ut iisdem etiam prosit.

§. 5.

Hactenus de personis paciscentibus, jam n. 1. 2. 3. de rebus vel conditionibus, de quibus pacta ineuntur, quæ vel publicæ vel privatæ.

Publica res est regnum ejusve pars, unde quaritur, an id vel totum vel ex parte per pacem alienari possit?

Distinguitur & hic, an regnum patrimoniale sit? an usufructuarium. Si usufructuarium, rex illud alienare non potest, adeoque nec per pacem concedere hosti, nisi accedat ordinum totius regni consensus.

Si pars hosti concedenda, distinguendum denuo an ea jam ab hoste armis occupata sit, an de novo illi sponte concedenda. Si prius, sufficit in regno usufructuario consensus principis & ordinum regni, nec opus est consensu eorum, qui hosti conceduntur. Sin posterius, & rex, & ordines, & illi ipsi, qui alienantur, consentire debent.

Ratio ex pacto primævo, quo resp. hujusmodi constituuntur petenda, quo sane

facultas non alienandi sed regendi data est principi.

n. 4. Si vero regnum patrimoniale est: ipsa natura hujusmodi imperiorum docet, ea libere alienari, ita ut nec ordinum, nec partis alienandæ consensu opus sit, sed sola sufficit principis voluntas.

§. 6.

Ex quo simul patet, quomodo decidenda quæstio: an & quatenus subditi regum pactionibus teneantur? Nam eadem obtinet distinctio. Si regnum patrimoniale vel plane herile, quidquid pactus est rex, & subditos obligat. Sin usufructuarium, subditi tenentur, quatenus rex egit secundum leges fundamentales regni & imperii. Non enim plus habet hujusmodi rex, quam quod ipsi datum est.

§. 7.

n. 1. 2. Jam de rebus privatis: An & de his valet pactio? e. g. si princeps prædia & agros privatorum cedat hosti in satisfactionem, an id ratum est? Resp. affirmando, quia imperantes in subditorum rebus gaudent dominio eminente. Respublica æque habet dominium in rebus civium ac ipsi cives, si necessitas reip. id exigat. Jam necessitas reip. id sæpe exigit, ut potius res privatæ, quam publicæ hosti concedantur. E. id potest resp. ejusque victor.

Interim omnino & reliqui cives his, quorum res hosti concessæ sunt, tenentur ad resarciendum damnum, 1) quia nec reliqui cives cum unius damno fieri debent locupletiores, 2) quia inter cives debet

debet esse æqualitas, nec unus plus contribuere debet ad tuendam rempubl. quam alter.

§. 8.

Nova quæstio est, an si cives nostrī damnum ingens tempore belli passi sunt, iis restitutio quædam a republ. debeatur? Vasquius in controversiis illustribus negat, ex ea ratione, quod jus belli talia promittat. Sed id recte absurdum dicit Grotius. Jus belli enim excusat, non quæ civibus fiunt, sed quæ hosti nocentur.

Ergo omnino reliqui cives debent refundere damnum, quod ex concivibus unus vel alter extra ordinem passus est, ex eadem ratione, ob quam contributio fieri solet ex *L. Rhodia de jactur.* si unius merces in mare projectæ sint, ut aliorum res servantur.

§. 9.

Sunt qui distinguunt inter ea, quæ jure gentium & quæ jure civ. nostra sunt. Hæc dicunt subesse arbitrio principis vel reip. ita, ut possit in illa dominium eminens exercere. Illa non æque. Quæritur itaque, an recte ita distinguant?

Negatur. Nam 1) dominium ex qualicumque causa nascatur, est dominium. Non ergo ad causam dominii, sed ad effectum respiciendum. 2) Quæ jure civ. nostra sunt, eo minus alterius arbitrio subesse debent, quia plerumque titulo oneroso adquiruntur, quum quæ jure gent. adquiruntur, maximam partem titulo benefico.

Ergo maneat hoc, remp. posse urgente necessitate de rebus etiam privatis disponere, easque hosti tradere in satisfactionem. Sed distinguendum tamen jus hostis & nostri principis.

Hostis potest accipere salva conscientia, quæ ipsi in satisfactionem offeruntur, sive sint publica sive, privata.

Princeps vero noster vel respubl. non potest promiscue res privatorum tradere, sed 1) urgente necessitate, 2) oblata satisfactione dominis, qui rerum suarum jacturam patiuntur.

Incidere hic solet quæstio de interpretatione conventionum pacis. Interpretatio quum vel extensiva, vel restrictiva, vel declarativa sit, quæritur quæ hic locum habeat.

Inhæret Grotius regulæ vulgari: Favorabilia late; odiosa stricte sunt interpretanda, quæ & falsa, & hic adplicari nequit. Nos ita dicimus. Jura magis favent illis, qui de damno vitando certant, quam qui de lucro captando.

Inde sequitur, ut pacis conventiones ratione ejus, qui inde lucrum habet, stricte interpretanda sint, ratione ejus, qui illis damnum patitur, late. Ex hac regula facile componi potuisset controversia inter Gallos & Germanos, an pace Westphalica cum Alsatia etiam decem civitates imperii in Alsatia cessæ essent.

Si neuter lucratur, regula plerumque est: Uti possidetis ita possideatis, adeoque interpretatio in dubio pro possessore facienda.

§. 13.

Nonnumquam in pace convenit, ut omnia restituantur in statum, qui ante bellum fuit, ubi tenenda regula: Respicitur tunc ad possessionem ultimam, non anteriorem, quia de ea paciscentes cogitasse non præsumuntur.

Inde lucem capit Art. 4. Pacis Ryswicensis, Protestantibus tam infestus, ubi cautum ut status religionis in locis cæsis & restitutus sit, qualis fuerit ante bellum. Id pontificii interpretabantur de religione antiquiore pontificia, protestantes de ea, quæ proxime ante bellum fuerit, nempe Evangelica.

Interim antiquioribus possessoribus, si quod jus habent, solum debet esse jus, via juris suum consequendi.

§. 14.

Fieri etiam solet, ut tempore belli populus liber alterutri parti belligerantium sponte se subjiciat. Quæritur itaque, an tunc in pace, si omnia ad priorem statum redire jubentur, etiam hic populus liberati suæ reddendus sit?

Resp. distinguendum, an ita expresse convenerit, nec ne. Priore statu standum est pacto. Posteriore non præsumitur ita convenisse. Nam 1) hunc populum nemo possedit, adeoque nemini reddendus. 2) Ipse sui juris sponte se nobis dedit,

potuitque suo juri renunciare. Ergo tertii nihil interest.

§. 15.

Q. porro, an post pacem & damna invicem refarcienda? Resp. aut ita convenit, tunc pacto standum; aut non convenit, & tunc damna sibi invicem censentur remississe.

- 1) Quia bellum sine iis geri nequit.
- 2) Quia & in statu civili in dubio litis impensæ compensantur.

§. 16.

Quid vero de priyatorum debitis, an illa quoque bello exspirasse censentur? e. g. si ante bellum Gallus mercator debuerit Amstelodamensi.

Negatur, ea bello exspirare, 1) quia liberatio a debitis privatis non est belli causa, 2) quia belli jus debita non exstinguit, quamvis durante bello occasio exigendi debita cesser.

§. 17. 18.

Quid vero de pœnis? Aut illæ debentur ob delictum hosti illatum, tunc remittendæ pace inita, aut ex alio quocumque crimine, tunc pax nihil mutat.

E. g. si cepimus hostilem piratam vel prædonem, qui nobis multum damni intulit, vel proditorem, qui munimentum hosti tradidit, ei poena remittenda facta pax: non qui condemnatus ob furta, adulteria, cædes.

Ratio prioris decisionis est lex amnestiæ, quæ semper primum pacis articulum constituit.

§. 19.

§. 19.

Quæritur porro de prætensionibus, quæ ante bellum urgebantur, an ex per pacem cessent?

Resp. id ex ipsis articulis judicandum. Aliquando illis sollemniter renunciatur, tunc res clara. Aliquando tacite, dum alterius jus agnoscimus, e. g. Imperator in pace nupera agnovit jus Regis Hispaniæ, aliquando sibi reservat titulum, ut idem Imp. dicatur Rex Hisp. aliquando res dubia relinquatur, ut pace Rysvicensi controversia inter Ducem Aurelianensem & Elect. Palat.

§. 20.

Aliquando contingit, ut pace nondum publicata exercitus noster urbem, homines, res capiat quamvis vere pax contracta sit. Si ergo de istis in pace nihil conveniret, an reddenda erunt? Affirm. 1) quia per pacem expiravit belli jus,

2) quia cessante belli jure etiam cessat jus occupandi.

§. 21.

Plerumque etiam in pacis articulis convenit, ut res capte reddantur. De his has regulas tradit auctor.

1) Mutua hujusmodi conventio late; unilateralis stricte interpretanda, quia hic de lucro captando certat.

2) Restitutio hominum latius interpretanda, quam restitutio rerum. Quia pro hominibus captis militat misericordia.

3) Immobilium restitutio majoris momenti quam mobilium, quia dubie æstimationis.

4) Re

4) Restitutio a republica magis urgenda quam a privatis, quia hi plerumque titulo oneroso adquisiverunt.

§. 22.

Si res restitui jubentur, an & fructus? Resp. Distinguendum inter fructus a tempore possessionis, & a tempore pacis. Illi non restituuntur, quia victor fuit b. f. possessor. Hi exiguntur, quia a momento pacis initæ rem alienam possedit.

§. 23.

Si regio restitui promissa, an intelligendum antiquum, an novum nomen? Controversia hæc incidit inter Hispanos & Gallos, quum Neapolia inter se dividerent, ubi Galli regiones novo, Hispani antiquo nomine vocabant. GUICCIARDIN. *Hist. L. V.*

Sed recte Grotius, nomina regionum accipienda esse ex usu præsentis. Usus enim interpretatur vocabula, quem penes est vis & norma loquendi.

§. 24.

Sæpe in pace fit relatio ad pactum antecedens aut vetus. Quo facto, omnes conditiones videntur repetitæ, quæ non excipiuntur speciatim.

Sæpe etiam promittitur factum, tunc queritur, an in mora sit, qui paratus est facere, quum per alterum iter, quo minus fiat? e. g. si promiserit rex regi copias 10000. & hic bellum non gerat.

Negatur. Quia facti promissum obligat tantum ut faciamus, si alter jus interfit. Ergo ubi alterius non interest, vel ubi ipse,

ipse, cui promissum factum impedit, cessat obligatio. Exemplum habemus in iure privato. Titius si filiam meam uxorem duxerit, 1000. habeto. Ducere voluit, sed hæc noluit, conditio pro adimpleta habetur.

§. 25.

Si vero in mora vere sit promittens, potestne illa mora purgari? e. g. promisit rex alteri suppetias, simulac bellum ingruat. Orto bello non mittit, sed exacto anno mittit, an mora purgata? Minime. Nam ubi non perinde est, quando promissum præstetur, ibi mora tardius præstando non purgatur. Atqui in promissis subsidii non perinde est, quando promissum præstetur, siquidem causa semel vulnerata, victori resistere non tam facile est, quam sub initium belli. Ergo mora tardius præstando subsidium non purgatur.

§. 26.

Interpretatio contra quem fieri debet in dubio? an contra promittentem, an contra eum cui promittitur? Resp. contra eum cui promittitur, 1) quia hic conditiones exigit, 2) quia sibi imputare debet, quod clarius non sit loquutus, 3) quia quod non exegit, remisisse videtur: e. g. Imperator Russiæ vict. Svecis conditiones pacis præscripsit, ut Livonia & Ingermannia caderent, ipse Finnoniam redderet. Quærebatur, an & Wiburgum reddi debeat? Procul dubio. In dubio enim contra eum fieri debet interpretatio cui promissum.

§. 27.

Sequitur tertia pars capituli, quo quaeritur, quomodo pax rumpatur & violetur? Primo ergo omnium distinguenda hæc duo, an pax rumpatur, an nova bello causa præbeatur.

Nova bello causa præbetur, quoties controversia nascitur, de qua superiore pace nihil plane decisum est. e. g. Bellum de successione Hispanica ex nova plane oriebatur controversia, de qua pace Risvicensi nihil statutum. Ergo nec pax Risvicensis rumpi videbatur.

Pax contra rumpitur tribus modis 1) faciendo contra id, quod omni paci interest. 2) Faciendo contra conditiones pacis expressas. 3) Faciendo contra id, quod tacite ex pacis conditionibus fluit.

I. Faciendo contra id quod omni paci interest. Omni paci hoc inest, ut sine nova causa bellum non moveatur, nec vis alteri ulla inferatur. Ideo enim pax initur, ut bellum ex ista priore controversia narum cesset. Ergo si paciscens revocat antiquam prætensionem, & ideo arma corripit, pacem procul dubio rupit. Sic re-
cte Romani arguebantur, quod pacem violarent, bello Punico III. motq. Pace enim antecedente controversia fuerat definita, nec Carthaginenses contra pacem quidquam admiserant, sed Romani tantum præ se ferebant, quod securitatis suæ causa urbs esset destruenda.

§. 29.

Potest autem aliquis contra id, quod omni paci interest facere, 1) si vel ipse, vel socii, vel subditi vim inferant, 2) si vel nobis, vel subditis, vel sociis nostris vis inferatur.

Perinde est, siue ipse, qui nobiscum pactus, siue socii vim intulerint. Sed hic distinguendum tamen, an socii sint æquales, ita ut alter alterius imperio nullo modo subsit, an inæquales, ut alter alterius certo modo sit superior. Priore casu pax rupta non videtur a nobis, si socii nostri bellum moveant, *et. g.* si jam imperator bellum inferat Gallis, nec Britanni, nec Belgæ dici possent pacem rupisse, quamvis imperator sit eorum socius. At posteriore casu omnino pax rupta, si socium nostrum aⁿna moventem non prohibuerimus, ego socii Russorum sunt Cosaci, sed ita ut Russi sint superiores. Jam si Cosaci impressionem faciant in Poloniam, & illi non prohibeant, nemo dubitavit, quin Russi pacem ruperint.

§. 30.

Perinde quoque est, siue nos, siue subditi nostri lædant eos, quibus cum pacem iniimus. Sed hic denuo distinguendum. Aut jussu publico id faciant, aut privato ausu. Si jussu publico, tunc quod quisque per alium facit, illud ipse fecisse videtur; sin ausu privato, tunc aut sciente aut ignorante imperante id factum. Si prius, & imperans sciens non impedivit, pacem rupit. Sin posterius, tunc tertio distinguendum,

dum, paratine sint imperantes ad satisfactionem, & supplicium a subditis sumendum, an illa denegent. Priore casu non rupisse censetur Pacem, posteriore rupe-
runt procul dubio.

§. 31.

Quid si subditi nostri damnum intulerint, sed aliis militantes e. g. Helvetii multi stipendia faciunt Gallis. Fingamus Gallos militibus istis Helvetiis uti ad invadendam Germaniam, an Helvetii fractæ pacis argui possunt?

Et hodie quidem distingui solet, an militia illa auspiciis publicis alteri stipendia faciat, an privato consilio. Si prius: tunc denuo videndum, an id foederibus repugnet, nec ne. Si prius, pax rumpitur, non si posterius. Sic e. g. nullum existat pactum, nullum foedus, quo Helvetii Germanis promiserint, se contra Germanos alteri non militaturos. Si privato consilio, tunc pax rumpi non censetur, nisi simul sint e gente socia. Hæc enim obstricta est ad milites illos hosti stipendia facientes, sub poena proditoris & confiscationis bonorum domum revocandos.

§. 32.

Perinde porro est, siue nobis vis contra pacem inferatur, siue subditis nostris. Ubi tamen distinguitur, an subditis nostris nocitum sit ulro, an defensionis causa. Si prius, pax rumpitur, nisi statim detur satisfactio. Sin posterius, non rumpitur, e. g. si subditi nostri exercent piraticam, & alii eos capiant, navibus spolient. &c.

§. 33.

§. 33.

Perinde porro est siue nobis siue sociis ^{n. 1. 2.} nostris vis inferatur. Socii enim in pace comprehensi nobiscum communem causam habent. Distinguendum tamen, an socii sint pace comprehensi, de quibus jam diximus, an tantum cognatione, affinitateve juncti. Si prius, pax rumpitur, non si posterius, tametsi, bellum inferatur cognato vel adfini.

§. 34. 35.

II. Rumpitur pax faciendo contra expressas pacis conditiones, siue id fiat faciendo, e. g. tributum imponendo sociis, quod non impositurum se promiserat.

Nec interest, conditio sit magni an parvi momenti, non enim hic quaeritur, quantum damni fecerimus ex conditione pacis violata, sed an non alter sit perfidus. Quernadmodum ergo in statu civili aequum injustus est, qui 100. florenorum debitum non solvit, quam qui 10000. non solvit: ita & in pace violata perinde est, siue levior, siue majoris momenti conditio violetur.

Alia quaestio est, an charitas Christiana, an prudentia ferat, ob levem quamvis injuriam pacem prorupta habere, & arma corripere. Id enim nemo dixerit. Sed si quis tamen corripiat, ideo non injuste egisse censebitur.

§. 36.

Aliquando in eum casum poenam nobis stipulamur, si alter, quocumque paciscimur, pacem rumpat, & tunc poenam com-

committi, si quid contra pacis conditiones fiat, nemo dubitat. Poena enim hujusmodi non est satisfactio, quam exigit superior, sed quam per conventionem constituit ipse paciscens. Pacta vero & J. N. servanda sunt.

Quum vero exsequutio hujusmodi poenae conventionalis admodum sit difficilis: ita stipulari solent principes & respublicae, ut hujusmodi summa interea apud tertium deponatur, donec conditionibus pacis ab utraque parte satisfactum sit.

§. 27.

Quid si res casu perierit, quam in pacis conditionibus alter alteri promisit? Tunc alias quidem promittens speciem, jure civili liberatur, si species perierit: sed aliud jure gentium. Quia enim sic pax fieret inutilis, hinc inter gentes moribus receptum, ut aestimatio praestetur.

Ergo regula juris civilis tantum valet, si quid promissum, quod aestimationem non recipit, e. g. restitutio captivorum. His enim interim mortuis in captivitate, ne aestimatio quidem debetur.

§. 38.

Observat hoc §. auctor, integrum esse parti laesae, etiam post laesam ab altera parte fidem pacem continuare, idque illustrat exemplo Scipionis, quem Carthaginensium perfidia non impedivit, quo minus ex sua parte pacem satis diu servaret. Sed haec res dubio caret. Quod enim alter nobis in pacis articulis promisit, id in favorem nostrum promissum est. Quisque
vero

verò potest juri in favorem sui introducto renunciare.

§. 39. 40. 41.

III. Rumpitur pax faciendo aliquid contra id, quod ex pacis conditionibus fuit. Sic e. g. ex pace fuit amicitia. Hæc exigit,

- 1) ut legati utrimque recipiantur, & amice tractentur.
- 2) Ut subditi utriusque partis possint per utriusque provincias tuto peregrinari & iter facere.
- 3) Ut non prohibeantur commercia mutua, si non repugnent foederibus & pactionibus anterioribus.
- 4) Ut justitia administretur tam subditis exterorum, quam nostris.

Si quid ergo post pacem secus fiat, nec satisfactio offeratur, dubitari nequit, quin pax rupta sit.

§. 42.

Sequitur quarta pars: an non & aliis modis, quam pactionibus pax iniri possit? Sane veteres aliquando usi sunt hujusmodi compendiis, de quibus jam differit Grotius.

1) Aliquando gentes belligerantes rem forti commiserunt, id est, ita inter eos convenit, ut de jure controverso sortes jacerent, & cuicumque fors faveret, is pro victore haberetur.

Egregium sane compendium 1) quia ita sanguini humano parcitur, & 2) res vere judicio Dei committitur, cujus in manu fors est, teste Salomone.

Sed distinguendum tamen, an res de qua
liti-

litigatur, sit in commercio & arbitrio imperantium, ut oppida, pagi &c. an non sit, e.g. vita, pudicitia, libertas subditorum. Priore casu, forti locus est, non posteriore, quia obligantur imperantes potius ut hæc defendant, quam ut submittant alex.

§. 43.

II. Aliquando pacem fractam novimus per bellum repræsentativum. Tale est, si ex utriusque partis exercitu, selecti quidam juvenes congregiantur, eo inter utramque rep. interposito pacto, ut utra pars vicerit, ista pro victrice rep. habeatur. Exempla jam collegit Grotius, sed nullum est solemnius, quam bellum repræsentativum inter Curiatios Albanos & Horatios Rom. apud LIVIUM.

Quæritur, an talia certamina sint licita? Distinguit Grotius inter jus gentium & naturale. Jure gentium id licitum esse concedit, non jure naturali, quod & supra Lib. II. cap. 1. §. 12. sequi docuerat. Videbimus rationes:

1) Peccare contra Deum, qui ob res, quibus carere possumus, hominem occidit.

2) Peccare in Deum & seipsum, qui vitam tam vili æstimat, ut eam exponat periculo.

Sed eadem rationes ipsi quoque bellum injustum redderent. Ratio ergo, quæ nimium probat, nihil probat. Potius dicimus:

1) Quæ fieri possunt per plura, ea & per pauca possunt. Jam non est nefas, si
res

res publica 100000 hominum vitam periculo opponat: ergo nec nefas erit, si 3. homines mittat in certamen.

2) Quocumque medio innumeræ strages & calamitates impediuntur, illud non est in se moraliter illicitum. Atqui hoc bello repræsentativo id fit. E. in se non est moraliter illicitum. Quod demum ipse Grotius n. 4. 5. concedit.

Alia quæstio est, an prudentiæ conveniens sit hujusmodi bellum, id enim non dixerim, quia hic semel victus nullam spem reliquam habet, quæ reliqua est in bello justo.

§. 44.

Quid vero si rex ita pactus sit, ut controversia bello repræsentativo finiatur, an tunc subditi, si male rescesserit, pacto huic summi imperantis stare tenebuntur? Recte Grotius distinguit inter formas eorum. Regnum vel patrimoniale est, vel usufructuarium. Patrimoniale rex pro lubitu potest alienare. E. & hujusmodi pacto intercedente de eo pacisci potest. In usufructuario autem non valet hujusmodi compromissum sine consensu populi. Si regnum sit feudale, e. g. Neapolitanum, tunc & domini consensus requiritur.

§. 45.

Sæpe in his præliis æque ac in bello justo dubia est victoria: quæritur ergo, quis pro victore habendus? Victi censentur,

1) Qui omnes amiserunt, e. g. Albani tres Curiatios quos miserant, amiserunt: ex parte Rom. unus Horatius victor supererat.

2) Qui

2) Qui omnes in fugam acti, nec se stiterunt iterum. Neuter victor est.

1) Si nox ancipiti adhuc victoria pugnantes separat.

2) Si majore imminente periculo, salvis viribus cessum se receperunt pugnantes. (la retraite & bonne ordre.)

3) Si uterque pars paria damna passa discedat. Reliqua signa incerta sunt, e. g. spolia legere, campum in quo praelium factum occupare &c.

Quodsi ergo vere dubia victoria, res manet integra in eo statu, quo antea fuerat.

§. 46.

III. Aliquando bellum finitur per arbitrium, si belligerantes compromittant in tertii sententiam.

Arbitri vero duorum generum sunt, aut enim lecti, tanquam mediatores, quos vocant, seu conciliatores: aut tanquam iudices controversiæ, ob quam bellum geritur. Effectu utrumque arbitrium ita differt, quod illius arbitrio non pareamus necessario, sed æqua suadere videatur: hujus sententiæ abscisse & absolute parendum.

Et de his hic sermo est. De his unica observanda regula. Parendum esse ei, quod edixerint arbitri, qui utrique parti placuerunt. Est enim hæc natura compromissi, ut quod ab initio fuerat voluntatis, id ex postfacto fieret necessitatis.

§. 47.

Sed quaeritur, quam normam tunc servare debeant arbitri? Resp. Distinguendum inter modos compromittendi, Aliquando enim

enim illos eligimus, ut secundum certum jus judicent, aliquando ut ex sola æquitate.

Si prius arbiter obligatus est, ut ex illo jure rationes decisionis suæ ostendat: sin posterus, satisfecit officio suo, modo non aperta sit iniquitas.

§. 48.

An vero hujusmodi arbitri de possessione, an de causa primaria pronunciare debent? Resp. de causa primaria. Nam 1) divisio judiciorum possessoriorum & petitoriorum ex jure civili est, eamque J. G. plane ignorat. 2) Jure N. & G. nemo est jure possessor, nisi qui dominus. Ergo si de dominio res ad liquidum perducta, de possessione etiam res clara est.

§. 49.

IV. Modus pacem constituendi est deductio, quæ vel pura, vel conditionata, de qua §. 57. Pura dicitur, quando victus victori de se plenum arbitrium permittit. Conditionata, quando dedens se certis sibi conditiones stipulatur.

n. 1. 2.

De pura ergo quæritur, quid tunc victor possit in deditos statuere: Distinguit Grotius inter deditos & victores. De deditis existimat, quod omnia pati teneantur, quippe subditi. Hinc vitam, opes, libertatem in victoris arbitrio esse.

Sed id falsum videtur. Nam qui se etiam pure dedunt, id faciunt, ut vitam servant. Ergo tacita deditio huic inest conditio vitæ retinendæ, & victor dum deditos recipit sine injuria eripi non potest, licet se pure dediderint.

Hein. de Jure Belli, &c.

Pp §. 50.

3 4 5. Quid vero victor salva conscientia potest? Recte hic Grotius.

1) Non potest ipsis eripi vita, nisi injustam poenam, nempe si bellum ex insigni delicto natum sit. Jam vero victor est superior, ergo in subditos potest poenam statuere.

2) Non potest opes auferre. Sunt enim subditi. Subditos spoliare non potest Princeps, nisi iterum in poenam.

3) De libertate & conditione eorum potest statuere, prout mereri videbuntur, neque injuriam facit deditis, si ipsis paulo durius jugum imponat, quam civibus reliquis, ex. gr. plus tributorum pendere jubeat.

4) Clementia & charitas Christiana hic quoque suprema lex esto. Homines sumus. Hodie victor, cras fortassis victoris currum sequitur. Moderate ergo utendum victoria.

De deditione conditionata una est regula, quæ ex ipsa pactorum natura fuit: conditiones deditis concessæ accurate servandæ sunt.

Addit sub finem Grotius quædam de accessoriis pacis, qualia sunt obsides & pignora.

Obsides sunt homines, qui pro reipubl. sponsione in pignus traduntur. Ii aut sponte se dant, aut invitî dantur ab imperante. Queritur ergo, an imperans possit subditi-

tum

tum invitum dare? Aff. quia imperans in casu necessitatis habet jus vitæ & necis in subditos. Quemadmodum ergo jubere potest, ut omnes subditi arma corripiant, & ad extremum halitum pugnent: ita potest etiam subditum dare hosti in pignus.

Sed quum hoc ex dominio eminente fluat, sequitur ut respubl. damnum huic obsidi datum repensare teneatur.

§. 53.

An vero obses occidi potest, si civitas pacto non steterit? Negatur. 1) Oppignora-
vit libertatem & bonâ, non vitam, quam ne potuit quidem oppignorare. 2) Crudele est consulere dirius in innocentes ob perfidiam alienam.

§. 54.

An vero fugere licet obsidi? Distinguendum: aut fidem dedit hosti, sive se spon-
te offerendo, sive postea paciscendo, ut laxius haberetur, aut fidem non dedit. Si prius, fugere non potest ex pacto. Sin posterior, vix ratio est cur fugere nequeat, quum nec ipse, nec respubl. eum ad id obligaret, ne fugeret.

Alia quæstio est, an civitas fugientem obsidem recipere possit? Negatur. Nam pignus semel datum, licet furto creditori subreptum quodcumque titulo ad me redierit, reddendum est creditori. Ita & obses si fugiat: & sui ipsius furtum faciat, & ad nos revertatur. Hinc Clœlia obses fugiens reddenda erat Porcennæ.

Subnectit jam Grotius quædam, quæ ad jura obsidum pertinent, veluti.

1) cessare obsidis obligationem, si satisfactum sit promisso pro quo dati sunt, adeo ut ne ob aliam quidem causam retineri possint, quod jure civ. licet in pignore.

2) Qui pro homine obses datur, e. g. pro captivo, eo mortuo liberatur. Quia enim, ut supra diximus, captivus mortuus non reddi potest, hinc & obligatio obsidis cessat.

3) Ergo &, qui regis persona datur, mortuo rege, liberatur. Pro regis persona dico, nam si pro rege, tanquam capite regi, simul pro republ. datus censetur. Ergo etiam non potest liberari rege mortuo.

Alterum pacis accessorium sunt pignora, similia quodammodo obsidibus. Sed hoc singulare & proprium habent, quod quum obsidum obligatio stricte admodum interpretanda sit, in pignoribus locus sit interpretationi extensivæ. Pro hominibus enim oppignoratis misericordia militat, non pro rebus.

Quæritur postremo, an jus luendi pignoris tempore expiret? idque negatur 1) quia pignus datur in securitatem promissi. Promisso præstito pignus ipso jure liberatur. 2) Quia si debitor in mora sit, sufficit si usuras præstet, nec æquum, ut simul

simul pignus amittat. 3) Quia lex commissoria in pignore nunquam æqua est, ob pretium pignoris debitum plerumque excedens.

C A P U T XXI.

De Fide manente Bello, ubi de induciis, com meatu, captivorum redemptione.

§. 1.

CONstat hoc caput 3. partibus. Et prima quidem agitur de induciis, §. 1, 13. secunda de com meatu §. 14, 22. tertia de redemptione captivorum §. 23, 30. Omnia enim hæc pacta in eo conveniunt, quod durante bello ineantur. n. 1. 41

Induciæ sunt pactum per quod actibus bellicis manente bello ad aliquod tempus abstinetur. Bellum enim est status societatum liberarum de jure controverso per vim inter se certantium, aut certandi propositum retinentium. Si ergo vere inter se digladiantur, bellum est. Si non certant, sed tamen certandi propositum retinent, induciæ sunt, sed tamen bellum.

Et inde facile deciditur quæstio, sintne induciæ ad pacem; an ad bellum referendæ? Resp. ad bellum:

1) Quia pax jus controversum decedit, adeoque bellum tollit, induciæ id non faciunt.

Pp 3

2) Quia

2) Quia status esse potest sine actu. Sic e. g. servus fugitivus in statu servitutis manet, quamvis actu non serviat: febricitans manet in statu morbi, quamvis paroxysmus actu non adsit, ita & bellum manet, quamvis actu inter se non certent belligerantes.

Obijci posset, aliquando tamen inducias admodum diuturnas esse, e. g. centum annorum. Liv. lib. 1. cap. 21. Sed resp. brevius aut longius tempus non variat rem. Inde tamen est, quod induciæ dividi solent in *bellicas* & *pacificas*.

Bellicæ, ubi cessat certamen, sed manet tamen apparatus bellicus, exercitus, castra &c. quod sit si breves sint admodum.

Pacificæ, quando apparatus bellicus æque ac in pace cessat, e. gr. si sint 100. annorum induciæ. Vere tamen omnes induciæ ad bellum pertinent.

§. 2.

Quærit jam Grotius, unde vocabulum *inducia*? Duplicem adfert etymologiam: alteram GELLII l. 19. c. 8. qui ab *endoireu* id est *introitu* derivat, quia quasi introitus ad pacem sit; alteram ab *inde* & *otium*, quia inde, id est, a certo tempore otium sit, de qua etymologia prolixè. Inde ergo etiam confirmatur, quod diximus, inducias ad bellum pertinere. Non enim inde pax est, sed otium, manente bello, quale etiam esse solet hieme, si per frigus hostes intra hiberna continentur. Otium tunc est, non pax.

§. 3.

§. 3.

Quando ergo quæritur, an elapso induciarum tempore nova indictione belli opus sit? id merito negatur. Nam

1) ubi bellum non cessat, ibi non novum bellum incipitur, sed superius continuatur. Ubi superius continuatur, non opus est nova indictione.

2) Induciarum sunt tantum impedimentum temporale actuum belli. Cessante impedimento, status belli ipso jure reviviscit.

Romani tamen aliquando, induciis finitis, de novo indixere bellum. Liv. lib. 4. Sed indictio illa, fuit superfluum, & ideo procul dubio facta, ut Veientes, si viderent, novum sibi bellum imminere, metu periculi deterriti satisfactionem offerrent.

§. 4.

Sed quomodo tempus induciarum computandum?

1) Tempus aut generaliter per numerum designatum, e. g. centum dies, aut specialiter indicato die, quo finiri debeant, e. g. usque ad Kal. Martias.

Si prius, tunc tempus computatur a momento in momentum, & centesimo die elapso, bellum reviviscit.

Posteriore casu quæri solet an Kal. Martiarum, tanquam terminus ad inducias adhuc referendæ? an jam illo die bellum reviviscit? Et magis est, ut ad inducias pertineat, 1) quia magnus est induciarum favor, 2) quia neutrius partis interest, eas die citius vel tardius rumpi, 3) quia vulgaris usus loquendi terminum ultimum

tempori conjungit. Ex. g. loco ædes ad Kal. Martii, nemo dixerit conductorem ipsis illis Kal. expelli posse.

§. 5.

Quando vero incipiunt induciæ? Resp. a die scientiæ, vel publicationis. Ergo sequitur
1) ut ipsos contrahentes statim obligent a momento, quo pactio perfecta est, quia statim sciunt.

2) Ut reliquas a loco pactionis remotiores demum obligent a die publicationis, adeoque

3) ut si quid interea post inducias hostile fecerint, id impune fecerint.

Ratio est, quia induciæ quoad ipsos pacificantes sunt pactum, atque quod ad subditos paciscentium, sunt lex, qua edicit imperans, ut belli actus suspendantur. Lex vero non obligat, nisi a die publicationis.

§. 6.

Quæritur porro, quid per inducias liceat? Resp. ex ipsa definitione patet, omnes actus belli suspendendos esse, perinde ac si pax esset. Ex quo sequitur

1) ut cessare debeat jus occidendi hostem, oppugnandi castra, urbes spoliandi, prædas agendi.

2) Ut si res hostiles raptæ sint, ex illis reddi, & raptores puniri debeant.

3) Ut liceat ultro citroque ire & redire, modo periculum non immineat ex multitudine e. g. si aliquot hostium millia in castris nostris libere vagantur.

§. 7.

An & futura defensionis curam gerere licet

licet tempore induciarum? Omnino, quia bellum imminet post inducias. Ergo

1) exercitum possum introrsum in locum tutiorem reducere

2) Moenia reficere

3) Militem conscribere &c. Ii enim non sunt actus bellici, sed belli præparatio, quæ quum in ipsa pace licita sit, quidni & durantibus induciis?

§. 8.

An & loca quædam vel hostium præsidia invadere licet? Resp. quæstio nimis obscura est. Distinguendum, sintne loca jam ab hoste occupata, & præsidiis custodita, an incustodita, & veluti nullius. Si prius, occupari nequeunt, esset enim hic actus bellicus: posteriore possunt, quia locum nullius occupare non est hostile.

n. 1. 2.

Ergo 1) perinde est, siue tempore induciarum proditione aliena invadamus, siue armis. Utrumque illicitum.

2) Non excusandi, qui loca hostium minus custodita, e. g. pagos, oppida, castella præsidiis nudata occupant. Requisivimus enim, ut sit locus nullius, qualis est derelictus, e. g. si hostis oppidum nostrum tempore belli occupasset, idque tempore induciarum ultro desereret; tunc illuc præsidium nostrum inducere possumus, quia res præderelictis habitæ sunt nullius.

§. 9.

Quæritur jam an is, qui tempore induciarum iter per hosticum fecit, & morbo aliove casu retentus ibi, donec induciæ expirarent, jus ad suos redeundi habeat?

n. 1. 2.

Pp 5

Resp.

Resp. negatur : idque probatur a pari. Nam si novum bellum ingruit, omnes apud hostes deprehensi retineri possunt, & jus postliminii habent. Ergo & qui reviviscente bello ibi deprehenduntur.

Sed vi majore & divina impeditus est. Resp. atqui omne infortunium est a vi majore, & divina. Talis vero captivitas non pœna est, sed infortunium, ergo nihil interest, culpa accesserit nec ne.

§. 10.

Hactenus de induciis generalibus, quæ omnes actus bellicos suspendunt. Sunt etiam speciales, quæ illos actus suspendunt qui certum finem impedire possent. e. gr. induciæ fiunt ad sepeliendos mortuos.

Hæ strictè interpretandæ. Ergo nihil quidem tunc agere possumus, quò hostis cadavera sepeliens, impediat, sed non prohibemur tamen interea alias urbes invadere, & aliis locis bellum persequi.

§. 11.

Quæritur, si hostis inducias rumpat, an & nos obligatione liberemur? Affirmatur.

1) Perfidia enim unius alterum obligatione absolvit in obligationibus bilateralibus.

2) Defensio ubique & semper licita, ergo multo magis, si me quis contra pacta vi adgrediatur.

3) Ita fructum ferret hostis perfidiæ suæ, dum nos defensionis jure destitutos, intra inducias opprimeret.

§. 12.

Paciscentes inducias addidere pœnam con-

conventionalem, si alteruter eas violaret. Hostis violavit, poenam solvit, an jam bellum continuare potest?

Negatur. Nam poena additur, ut hostis violationem præteritam luat, non ut in futurum impune perfidus esse possit. Et hoc fluit ex natura omnis poenæ, tum jure superioritatis, tum jure pacti inflictæ. Ea enim punitur præteritum delictum, non licentia peccandi in futurum conceditur. Sane absurdus esset fur, si putaret se jam impune imposterum furari posse, quia poenam fustigationis ob furtum sustinuerit.

§. 13.

An & ob privati factus rumpuntur induciæ? Negatur, sed privatus, qui violavit ad poenam obligatus est. Potest tamen & privati hujusmodi delictum imputari ipsi imperanti & pro ruptis induciis haberi, 1) si ratum illud habeat imperans. 2) Si datum damnum refarcire nolit, 3) si violentem inducias ad poenam poscamus, & imperans eum protegat.

§. 14.

II. Sequitur altera pars capitis de *Commeatu*. *Commeatus* est privilegium, quo per scriptas litteras (*passports* vocantur) subdito hostis conceditur facultas ad nos *commeandi*, *commercium tractandi* &c.

Quæritur an ipse *commeatus* late, an stricte interpretandus. Late, inquit *Grotius*, quia privilegium. Sed privilegia potius stricte interpretanda esse omnes hodie consentiunt, Nos ergo potius stricte *commeatus* interpretationi favemus. 1) Res enim

est cum hoste. Ergo nihil ipsi indulgeri censendum, quam quod in litteris commeatus expressum. 2) Res periculo non vacat. Facile enim ejusmodi peregrinus per urbes nostras impune vagatus, posset hosti enunciare statum Provinciæ, proditio- nes fovere, litterarum commercia cum ho- stibus inire &c. Id ne fiat, nihil ipsi in- dulgemus, quam quod litteris expressum.

§. 15.

Quid si militibus commeatus datur? an & summi duces intelliguntur? an & nau- tici milites? Adfirmat Grotius., ex ea ra- tione, quod verbi proprietas eam signifi- cationem admittat.

Sed quia 1) jam §. 14. vidimus, com- meatum stricte esse interpretandum, 2) quia in sensu strictissimo per milites nec belli duces intelliguntur; nec turba nauti- ca, 3) quia res periculo non caret, si belli duces in regiones & urbes nostras re- cipiantur, ut & occasionem & vires nostras speculari possint, magis est, ut comnea- tum militibus datum ad duces porrigi non debere dicamus.

§. 16.

n. 1. 2.

In litteris commeatus uti solent formu- la: *ut libere ire & redire possint*. Quæritur itaque, quomodo hæc verba intelligenda?

Per *itum* intelligitur tum iter ad locum quo tendit, tum commoratio in illo loco, donec negotium, cujus causa pervenerit, per *reditum* intelligitur iter a loco isto in patriam, usque dum eo pervenerit, ubi in tuto sit.

Ergo

Ergo 1) nec in itinere violari possunt, quod fecit Alexander, nec in loco, ubi aliquamdiu commorantur, nec ubi ad fines nostros pervenerunt.

2) Ergo si vel maxime omissa clausula, *ad radire possit*, ea tamen tacite inesse censetur. Alias enim sine effectu esset commeatus.

3) Contra si abitus concessus, non ideo data censetur libertas redeundi: nec cui iter, facultas alium mittendi, quia stricte interpretandum esse commeatum, §. 14. ostendimus.

§. 17. 18. 19.

Quæritur porro, an & ad alias personas & res extendatur commeatus? id est, an si cui ea libertas data, is alios quoscunque tanquam comites secum ducere possit? item an quasvis res secum ferre?

Resp. Quæ ad iter necessaria sunt, ea simul concessa intelliguntur, si iter concessum. Hinc sequitur

1) filios, uxores eo commeatu non frui, quia & sine iis peregrinari solemus. At si jus commorandi vel jus domicilii Titio conceditur, etiam familiæ concessum intelligitur, quia sine familia habitare non solemus. Hinc porro

2) Famuli an comitari debeant eum, cui commeatus datur, & quo numero comitari debeant, ex ejus statu & dignitate judicandum.

3) Bona ei conceduntur ad iter necessaria, veluti suppellex, esculenta, potulentia, vestes, pecunia, non item merces vitæ, (contrebando.)

4) Si comites concessi, tamen non
Hein. de Jure Belli, &c. Pp 7 ad

adsumendi, qui delicti causa odiosi sunt, ut proditores, piratae, exsules, transfugae, desertores.

5) Si gentis nomen expressum, ex. gr. Hispani, tunc comites ex alia gente adducere nequit. Quia strictam interpretationem in comitatu adhibendam diximus.

§. 20. 21. 22.

Quæritur denique, quando cesset ius comitandi, semel datum? Resp. quando, qui accepit, in tuto esse coepit. Ergo.

1) non cessat morte concedentis principis vel summi imperantis. Is enim non ratione personae concessit, sed ratione summæ potestatis, quæ est perpetua.

2) Si datus cum clausula: quamdiu voluerit; potest quidem Princeps, quando-cumque libuerit, jubere, ut migret, sed tamen eum violare non potest, donec ad præsidia sua pervenerit.

3) Si comitatus datus, is valet in omni territorio, ratione concedentis. Et hinc excusanda non esset e. g. Gallorum perfidia, qui dato comitatu Germano, eum per Helvetiam euntem in itinere opprimerent.

4) Addendum tamen, quod omisit Grotius, ob novum delictum cessare comitatum. Hinc si hostilis dux, qui in Regnum comitatu instructus venit, homicidium ibi commiserit, vel prodicionem constaverit, comitatus cessat, 1) quia delictum omne privilegium tollit, 2) quia comitatus semper concessus intelligitur sub conditione, si pacifice & honeste se gesserit.

§. 23.

§. 23.

Sequitur III. pars capitis de redemptione captivorum : nam & de ea pacta durante bello iniri solent, quæ vocantur *carrels*.

Hic 1) observat Grotius, redemptionem hanc esse summe favorabilem, a) quia ex charitate Christiana fuit; b) quia captivi sæpe in corporis & animæ periculo versantur, c) quia & res sacræ per leges alienari possunt, ut redimantur captivi.

§. 24.

Hinc 2) quærit, an ea redemptio lege publica prohiberi possit? Id sane factum apud Romanos, qui nunquam captivos suos redimebant, etiamsi ab hoste offerrentur, ut ad fortitudinem inflammarent homines, eosque adsuefacerent, ut mori mallerent, quam capi. Vid. *Liv. lib. 22.*

Sed hanc legem trucem merito adpellat Grotius 1) quia charitati Christianæ repugnat, 2) quia non semper culpa captivorum intercedit, quandoquidem & viri fortissimi capi possunt. 3) Quia hujusmodi lex ducit ad *αὐτοχρησίαν*, ut homines ab hoste non occisi, se ipsos occidant, quæ desperatio & absurda, nec reip. utilis est.

Non ergo hujusmodi lex excusari potest nisi necessitate, ut docet Grotius, sed talis necessitas, quæ jubeat hujusmodi legem ferre vix potest excogitari.

§. 25. 26.

3) Quæritur, si tertius captivum redimat, an jus in captivum consequatur? Idque affirmatur, si redemptus ipse non habeat, quo restituat pretium pro se solutum.

Nam qui non habet in ære, merito operas debet, quibus pretium quocumque modo repensetur.

Objici quidem posset, apud nos tamen servos non esse, & ne captivos quidem servos fieri. Triste ergo esse captivi satum, qui in conditionem deteriore detrudatur, & jam servus fiat, quum captus esset liber.

Sed resp. falsum esse, quod in servitutem detrudatur. Operas enim & sine servili conditione præstari posse, vel mercenarii nostri docent.

Idem juris est, si sapius captus, sapius redemptus sit, tunc enim pluribus in commune operas præstare tenetur.

§. 27.

4) Quæritur, si captivus pauper creditus levi pretio dimissus sit, an si locupletiores eum esse adpareat, retineri possit, & pretium intendi?

Negatur. 1) Quum enim æstimatio captivi incerta sit, non potest dicere capiens, se læsum esse. 2) Pretium non ex divitiis, sed ex statu æstimari solet, e. g. an miles gregarius sit, an centurio, an tribunus &c. 3) Dolus his non adest, quia nemo tenetur facultates suas alteri indicare, ne amico quidem, nedum hosti. Ergo pacta semel inita servanda.

§. 28.

5) Sed annon bona captivi capto rem sequuntur? Resp. Negatur. Nam aut servus sit captivus, aut non sit. Si sit servus, capite deminuitur, adeoque & dominium rerum

rerum domi relictarum amittit, idque nec domino captori adquirere potest. Si non sit servus, ut hodie inter Christianos, cessat etiam jus acquirendi. Nec aliud dicendum de rebus quas secum fert captivus, e.g. de nummis aureis, quos in veste celavit. Si enim manent captivi, adeoque & illis se liberare omnino potest, quia servus non fuit, adeoque nec dominium rerum suarum amittit.

§. 29.

6) Quæritur, an heres debeat pretium, n. 1. 2. a defuncto promissum? Distinguendum, in carcere mortuus sit captivus, postquam pretium promisit, an jam fuerit dimissus. Si prius nihil debetur, quia sub conditione promissum, nec conditio existit. Posteriori casu debetur 1) modo vere sit heres, nam si in servitutem quis reductus fuit, is heredem habere nequit, 2) modo non enorme sit pretium, & dolose promissum, vel vi metuque extortum.

§. 30.

Demum 7) quæritur, an in carcerem redire debeat, sub conditione dimissus, ut & alius pro eo dimittatur, si conditio hæc non adimpleatur?

Hic pro captivo militat, 1) quod nunquam promisit se in carcerem rediturum, 2) quod, qui factum tertii promittit liberetur, si præstiterit omnem diligentiam.

Ast contra eum militat, quod libertatem lucrificare non debeat, quia ita nunquam convenit, ut gratis liberaretur.

Ergo

Ergo inde sequitur, ut non quidem redire teneatur in carcerem; sed tamen æstimationem captori præstare debeat arbitrio boni viri, eaque præstita plenam libertatem consequatur.

C A P U T XXII.

De Fide minorum potestatum in Bello.

§. I.

HActenus de pactis a summo imperante initis: jam de iis, quæ a belli ducebus inveniuntur.

Quum Duces a ducendo dicti sint: ita vocantur omnes, qui ordines ducunt, sive cum summo Imperio, uti apud nos Marefcheaux, Generals de camps, sive vice summi Ducis, uti Legati, Lieutenants Generals.

Differunt tamen quoad præsentem materiam Duces summi & eorum legati. Illi libere agunt, hi ex præscripto: illi semper, hi si ille absit aut impediatur. Ergo pactum a Legato cum hoste initum non valet, præfente summo Duce, nisi hic vel jusserit pacisci, vel pactum ratum habuerit.

§. 2.

De his ergo pactis quaeritur, 1) an summum imperantem obligent? §. 2, 9. 2) an ipsos belli Duces obligent? §. 10. ad fin.

Quod ad 1) quaestionem, præmittenda regula: obligari per alios non possumus, nisi

nisi quatenus illum voluntatis nostræ magistrum constituimus, quod fit per mandatum.

Mandatum duplex est, aut expressum, aut tacitum. Expresso mandato instructi paciscuntur legati, in aulas missi, si ipsis conditiones pacti præscribuntur: & hæc absolute obligant Principem.

Tacitum mandatum est, quod ex officio demando colligitur. Quemadmodum enim e. g. qui institorem tabernæ præposuit, voluit etiam ut emeret & venderet, quamvis id expresse non mandavit, ita & qui e. gr. Ducem belli constituit, tacite etiam mandasse censetur, ut paciscatur cum hoste, si bellum aliter geri non possit.

Ergo obligatur Princeps, quando Dux belli egit, secundum officium, non obligatur, si ejus limites excessit.

§. 3.

Aliquando & obligatur Princeps, quamvis nec expresse mandavit, nec tacite, idque

1) Propter ratihabitionem, quia ejus effectus retrahitur ad initium, adeoque perinde est ac si ab initio consenserit.

2) Propter rem ipsam, si ex pacto Ducis sui commodum sensit Princeps. Nemo enim tenetur cum alterius damno locupletior fieri. Si e. g. fingamus pactum initum esse de tradenda urbe, cum omnibus tormentis & navibus, nos hosti promissimus, quod salvi exituri sint. Princeps jam id negat se ratum habiturum, quum tamen nec naves, nec urbem, nec tormenta reddere velit. Absurdum!

§. 4. 5.

2. 3. Quid vero si contra mandatum pactus sit dux? Resp. tunc ipse obligatur, non Princeps. Ipse, quia principalis est contrahens, quando non mandatarius est, non Princeps, quia ex promisso alieno nemo obligatur, nisi mandatum dederit, secundum §. 2.

Hinc supra multis diximus, hujusmodi pacta dictas esse sponsiones, & si Princeps vel resp. apud Rom. eas ratas habere voluerit, tunc ducem illum sine mandato paciscentem hosti traditum esse nudum, revinctis in tergum manibus.

§. 6.

Sed porro quaeritur, an & ducum pactum obliget inferiores magistratus? Saepe enim belli duces in urbibus obsessis pacta cum obsidentibus ineunt, & civibus vel aliquid stipulantur, e. g. certam pecuniae summam; an tunc obligantur magistratus inferiores?

Resp. dist. an aliquid ipsis stipulatus sit Dux, tunc ex hoc pacto utilitatem capiunt, quia hostis ex promisso suo tenetur: an eorum nomine aliquid promissum, tunc non obligantur, nisi consenserint.

Objici posset, magistratus tamen esse Duce inferiores, superiores autem pro inferioribus pacisci posse. Sed resp. Superiores sunt in iis, quae ad defendendam urbem pertinent: non ut possint illis pro lubitu tributa & onera imponere.

§. 7. 8. 9.

Quum vero supra dixerimus obligari Prin-

Principem, si dux pactus sit secundum officium: quæritur, quæ ergo pacta inire possit, quæ non possit sine expresso mandato.

Resp. 1) non potest sine mandato pacem inire, 1) quia ut supra cap. 20. §. 1. diximus, qui bellum gerere, idem & pacem facere potest. 2) Quia belli dux ad bellum administrandum mittitur, non ad pacem in eundam, 3) quia hic duci, si pax offeratur, non deest occasio, a Principe suo mandata exigendi. Hinc Caudina & Numantina sponso Rom. non obligavit, de qua supra.

2) Inducias dare potest dux, sed breves & speciales, e. gr. mortuorum sepeliendorum, vel morbi in castris grassantis causa, non autem generales & diuturnas, nisi mandato Principis, quia hic ducem non oculi sed belli gerendi causa misit.

3) Non potest de Provinciis, oppidis, agris bello quæsitis pro lubitu disponere, quia eas non sibi, sed Principi adquisivit, nec Princeps eum rerum suarum arbitrum, sed belli ducem constituit.

4) Potest tamen pacta inire de conditionibus deditiois, quia id mandatum sibi intelligitur.

§. 10.

II. Quæritur an ipse dux obligetur, si Principem non obligat? Resp. quatenus officium fecerunt, non obligantur paciscendo, 1) non enim possunt alienam præstare perfidiam. 2) Non locum habet in pactis ducum interpretatio extensiva, ut ipsi se ultra promissum obligarint.

§. 11. 12.

Quid si ita pacti sint, ut Principi rem integram servarent? Id fit dupliciter 1) per deditionem. Accipio vos in deditionem, & Principi meo reservo arbitrium de vobis statuendi. 2) Per conditionem rati. Promitto si Princeps meus ratum habuerit.

Utroque casu nec Princeps obligatur, nec dux belli. Non Princeps, qui nec promisit, nec promittere iussit, nec dux belli, qui disertis verbis principi suo omnia integra servavit, nec cum pacto suo obligare voluit.

Ceterum & hic valet regula, qui potest antecedens, potest & consequens. Ergo quia duci belli fas est, tradere urbem obsessam, etiam sine speciali mandato, si res ad extrema pervenerit, poterit etiam praesidium dimittere, vel illud alio ducere.

C A P U T XXIII.

De Fide privata in Bello.

Sæpe & privati paciscuntur cum hoste, ex. gr. miles captus ante dimissionem jurat, se intra 6. menses non arma gesturum, an tunc teneatur?

Fuere qui id negarent, maxime Juri celebres, Bartolus & Zasius, ex ea ratione, quia

quia mandatum paciscendi non habeant a Principe.

Sed confundunt hi quæstiones. Mandato opus est, si quis pro alio velit promittere vel stipulari. At nemo dixerit, privatos pro Principe suo pacisci posse sine mandato. Hic autem quæritur, an non pro se ipsis pacisci possint? Id negari nequit, quia ad paciscendum de rebus privatis mandato opus non est.

§. 2.

Addit Grotius & aliud argumentum a minore ad majus. Si latroni data a privato fides, servanda: multo magis justo hosti. Sed eo argumento uti non possumus sine distinctione. Aut ultro aliquid latroni promittimus, non tanquam latroni, sed tanquam homini, tunc fides data servanda. At si vi metusque nobis promissum extorqueat, non obligamur, quamvis juramentum accesserit, quidquid videatur Grotio.

Hosti contra obligamur, siue ultro, siue metu adacti promiserimus, quia metus, quem hostis hosti incurit, non est injustus.

§. 3. 4.

Rectius Grotius quæstionem, an omnes privati obligentur? solvit. Obligantur omnes, quibus intellectus & voluntas. Ergo non obligantur furiosi, mente capti, infantes, impuberes. Obligantur vero 1) minores, quia a) intelligunt quid agant, b) quia beneficium minorum ex J. civili est, non ex J. N. & G. nec 2) errantes, si error sit in essentia rei, non si erratum circa rei accidentia.

§. 5.

His, quæ diximus, objici solet publica utilitas. Sed cadit ea objectio, si dispiciamus, quousque se illa pacta privatorum extendant. Nimirum pacisci non possunt

1) De rebus publicis, e. g. se tradituros urbem.

2) De factis, quæ absolute debent reip. e. g. se nunquam principi suo tributa duros tempore belli.

3) Non de factis prohibitis, e. g. se occisuros hominem.

4) Sed de iis, quæ sunt in privati cujusque arbitrio, e. g. se nolle intra tantum temporis spatium arma ferre, se hosti 100. duros.

Objici posset, militem in potestate non habere, an arma ferre velit, an nolit. Resp. verum id esse de milite, qui est in exercitu nostro: non de eo, qui ab hoste captus, quem & invito duce nostro cogere potest hostis, ne arma ferat, si nimirum eum non dimittat.

§. 6. 7. 8. 9.

His 4. §. sequuntur aliquot exempla pactorum licitorum, veluti

1) Si quis captivus promittat, se in carcerem rediturum, nihil enim promittit injustum, quia jam in carcere est, nec promittit vi & metu injusto adactus. Exemplo Attilii Reguli notum.

2) Si quis promittat se in æertum locum non venturum. Id pactum valet ob easdem rationes,

3) Si quis captivus promittat, se non velle fugere, quod sæpe faciunt duces bellici capti, ut ex carcere dimittantur.

4) Non

4) Non autem potest captivus cum ter-
tio pactum deditiois inire. Dedere enim
se potest si liber & sui juris. Talis non
est captivus. Nec cuiquam invito jus suum
auferre possum.

§. 10.

Quæritur jam, quod effectum sit hujus-
modi pactorum? Resp. ut serventur. Sed si
servare nolint, an a magistratu suo cogi pos-
sunt? Et id affirmatur, quia hosti quoque jus
dicendum. Et ita etiam obtinet inter gentes
honestiores. Exemplo sunt decem captivi
sub promissione reditus ab Hannibale dimissi,
qui cum pactum servare vel redire nollent,
a senatu inviti duci jussi sunt.

§. 11.

Addit Grotius quædam de pactorum hu-
jusmodi interpretatione, & commendat re-
gulas:

1) *Non recedendum esse sine ratione a pro-
prietas verborum.* Nam verba explicanda
ex usu.

2) *In dubio interpretationem faciendam
contra eum, qui clarius loqui debuit.* Is enim
sibi imputare debet, quod non perspicue
mentem suam exposuit.

§. 12. ad fin.

Has regulas jam exemplis illustrat Gro-
tius, & quærit,

1) An qui vitam sibi pactus est, & li-
bertatem sibi pactus censeatur, idque negat,
quia in dubio interpretatio facienda contra
eum, qui clarius loqui debuisset. Nec pro-
prietas verborum patitur, ut per vitam li-
bertatem intelligamus.

2) Si

2) Si quis vestes sibi pactus est: an & arma intelliguntur. Negatur ob eandem rationem.

3) Si quis dicat, se seditionem facturum, nisi auxilium venerit, an sufficit si copiarum auxiliares in conspectu sint, an requiritur, ut & impressionem faciat? Resp. sufficere prius, ob usum loquendi.

4) An rediisse censeatur ad hostem, qui clam eo fuit, & clam discesserit? Negatur, quia redire ad hostem ex usu vulgari dicitur, qui se ejus potestati permittit.

5) An pactum ideo cessat, si de executionis modo quid convenit, quod jam adimpleri non potest, ex. g. si quis solvi promisit Heidelbergæ, eaque interea in cineres conversa? Negatur: sufficit enim si promissum in loco propinquo præstetur.

6) An, si obsides dati, illi ut accessio obligationis primariæ obligantur, an primario? Resp. in dubio ut accessio, quia ita natura hujus negotii exigit.

C A P U T XXIV.

De Fide tacita.

S. I.

PACTA vel expressa sunt, vel tacita. Expressa, ubi utrinque consensus per verba litterasve declaratur. Tacita, ubi per alia signa, ex. g. nutum, silentium.

Quemadmodum ergo hoc obtinet inter pri-

privatos : ita & cum re publica , immo & cum hostibus hujusmodi pacta possunt iniri : id quod jam exemplis quibusdam illustratur.

§. 2.

Primum exemplum est ejus , qui se in temp. contulit, ibique vel civitatis jus impetravit, vel saltem domicilium constituit. Quamvis enim is non expresse promiserit, quod velit secundum leges istius reip. vivere, nec quidquam contra statum illius agere : vel tacite tamen videtur se ad id obligasse : quum qui vult finem , vult etiam media.

§. 3.

Alterum exemplum est ejus, qui colloquium cum hoste postulat. Quamvis enim iste non promittat, se alteri securitatem praestitutum, videtur tamen id tacite promisisse : ob eandem rationem. Hinc nec Cn. Domitii nec T. Labieni facinus ferendum, qui hostium reges & duces in colloquium evocatos vinculis constrinxerunt.

§. 4.

An autem durante colloquio hostis uterque rem suam agere, castra movere, munimenta absolvere, praedium committere potest? Distingue an simul induciae factae, tamdiu duraturae, quoad colloquium finitum sit, an hujusmodi induciae factae non sint. Priore casu potest quidem uterque hostis castra movere, munire, munimenta absolvere, sed non committere praedium. Posteriore casu & hoc potest, modo collo-

loquentibus fides & securitas præstetur;
nec illi vel eorum comites violentur.

§. 5.

Tertium exemplum est, quoties signis voluntatem sibi invicem declarant hostes.

Talia signa olim erant vittæ & rami olivarum, apud Rom. fersa capiti imposita, apud Macedones hastarum erectio: quibus indicabant, se ad deditionem paratos esse.

Hodie talia signa sunt

1) Vexillum candidum, quo petitur colloquium.

2) Certus sonus tympani (la chamade) quo se offerunt ad deditionem æquis conditionibus faciendam.

3) Projecta arma, quibus se sine conditione dedunt.

§. 6.

Quantum exemplum est reip. tante adprobantis sponsonem a ducibus factam.

1) Si sciat eam factam, nec contradicat.

2) Si conditiones quasdam adimpleat.

3) Si quod ea sponsonem promissum, præstari sibi patiatur, & quod ideo datur, acceptet.

§. 7.

An & poenæ remissio ex sola dissimulatione colligitur? Negatur, nisi accedat actus ex quo tale quid colligatur, e.g. si Princeps delictum sciens delinquenti tamen officium vel honorem contulit, si processum adversus eum institutum abolevit, &c.

C A P U T XXV.

911

Conclusio cum monitis ad Pacem.

§. 1.

CApit hoc ultimum vere oratorium est, n. 1. 2. 1
complectitur enim parænesim elegantem, ad fidem servandam §. 1. 2. ad pacem §. 2. ad fin.

1) Fidem & hosti servandam recte suadet. 1) Quia ut vinculum reip. est, ita & totius generis humani. 2) Quia laudem conciliat bellum gerenti, & homines promovet, ut eo facilius se ejus fidei permittant. 3) Quia perfidia Deo & hominibus invisa est.

Cavere ergo debent Reges, ne ministros perfidiam suadentes audiant. Qui enim tale vitium suadent, ipsi eodem laborant.

§. 2.

Deinde & 2) sapienter suadet, in bello Principes de pace cogitent. 1) Est enim pax finis belli, propter eam nisi bellum geritur, ferarum more geritur. 2) Bellum semper aleæ plenum & periculosum, pax semper tuta est.

§. 3.

Suadet 3) ut & pax non admodum pinguis bello præferatur. Recte 1) est enim hic status statui Christiano accommodatissimus. 2) Pace etiam non pingui parvæ
res

res bene administratæ crescunt; bello etiam triumphis pleno opes maximæ dilabuntur.

§. 4. 5. 6.

Idem suadet utriusque partis utilitas. Aut enim quis cladem bello passus est: tunc ipsi utilissima pax, quia periculosissimum cum valentiore certamen, & vana sine viribus ira: aut victoriam reportant: tunc nullum fructum victoriæ dulciorem expectare possunt, quam pacem, maxime, quum Martis fortuna admodum anceps & varia: aut denique adhuc pares sunt belligerantes, pares utriusque vires: tunc optimum tempus est pacem faciendi, æquasque impetrandi condiciones.

§. 7.

4) Suadet Grotius, ut pax semel facta religiose servetur. Nam ¹) fide, nihil sanctius, perfidia nihil homine & maxime rege indignius est. 2) Non potest sperare benedictionem Dei, qui fidem violat, ruptaque pace ad bellum ruit.

Triste exemplum Ludovici Hungariæ Regis, qui cujusdam suasu pacem cum Turcis sine ratione ruperat. Quum Turcarum Imperator cum exercitu prælium initurus esset, prius instrumentum pacis sinu extraxit, sublatisque in cælum manibus: Deus inquit, si vere Christianorum Deus es, in populo tuo vindica perfidiam. Paulo post Rex cum universo exercitu misere cæsus est, & totum fere regnum Turcis cessit.

§. 8.

Subjicit denique Auctor elegans & pium

votum, ut Deus hæc monita inscribat cordibus imperantium, ut iis det mentem juris divini intelligentem, quæque semper cogitet, Reges regere homines, charissimum Deo animal, ne vilem existiment humanum sanguinem, ne bellum solius ambitionis, & cupiditatum caussagerant. Pium sane votum, cui & nos ex animo subscribimus. Nam

Pax optima rerum,
Quas homini novisse datum est, pax
una triumphis


Innumeris potior.


Det ergo Deus pacem in diebus nostris,
det eam Deus pacis, cui pro præstito auxilio exantlatoque hoc labore fit laus & gloria sempiterna.


F I N I S.

2512241

2512241







B.17.7.47

B.N.C.F.



C F 2 9 1 3 7 4 1

